



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:


- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

A 468585





PRESENTED BY  
THE HEIRS OF  
**ELISHA JONES**  
ASSOCIATE PROFESSOR  
OF LATIN 1881-86





**TITI LIVI**  
**AB VRBE CONDITA**  
**LIBRI.**

**EDIDIT**

**MARTINUS HERTZ.**

**VOL. I.**

***EDITIO STEREOTYPA.***

**EX OFFICINA BERNHARDI TAUCHNITZ.**  
**LIPSIAE MDCCCLVII.**





**TITI LIVI**  
**AB VRBE CONDITA**  
**LIBRI.**

**EDIDIT**

**MARTINUS HERTZ.**

**VOL. I. PARS I.**

***EDITIO STEREOTYPA.***

**EX OFFICINA BERNHARDI TAUCHNITZ.**

**LIPSIAE MDCCCLVII.**

sit editio, libros unum et viginti extremos trium annorum spatio conscripsisse Livius censendus est. toti vero operi componendo amplius quadraginta annos insumpsit. nam ipsum librum primum inter annos urbis 727 et 729 scriptum esse docet, quod 'bis deinde' capite eius libri undevicesimo inquit 'Ianus post Numae regnum clausus fuit, semel T. Manlio consule post Punicum primum perfectum bellum, iterum, quod nostrae aetati dii dederunt ut videremus, post bellum Actiacum ab imperatore Caesare Augusto pace terra marique parta:' ipso enim anno 729 post expeditionem adversus Cantabros susceptam tertium Ianus clausus est, Augusti vero cognomen anno demum 727 Octavianus Caesar accepit. per se igitur probabile est, librum nonum certe post annum 731 ac fortasse, si initium operis paulo tardius Livio cessit, haud diu post annum 734 conscriptum esse, etiamsi argumenta, quibus nisus Gustavus Schwabius<sup>47</sup> ei tempori librum illum assignavit, magis ingeniosa quam vera esse videantur; neque, si Livius deinceps secundum ipsam temporis seriem opus suum confecit, quod certe probabile est, argumento ex lib. XXVIII cap. 12 ducto egebimus, ut probemus, hunc librum non ante a. 735 scriptum esse, quo demum anno iterum finito bello Cantabrico Hispania 'ductu auspicioque Caesaris Augusti perdomita' dici poterat.<sup>48</sup>

Ante opus absolutum nonnulla inde deprompta singillatim in hominum notitiam venisse et recitatis et editis singulis sive libris sive partibus et Suidae locus supra ex-

<sup>47</sup> disp. de Livio et Timagene c. pag. 8. eundem librum post Drusi demum expeditiones conscriptum esse ex cap. 36 initio 'silva erat Cimonia magis tam invia atque horrida quam nuper fuere Germanici saltus, nulli ad eam diem ne mercatorum quidem adita' rationatus est Niebuhrius hist. R. III. 327. cf. schol. de hist. Rom. I. 45 at v. Lachmannum I. I. I. 47 Prellerum I. c. p. 1121 n. \*

<sup>48</sup> v. Lachmannum I. c. Od. Muellerum opp. min. I. 40.

citatus docet, dummodo recte eum interpretati simus, et titulus singularis librorum belli civilis, qui singulis libris a centesimo nono usque ad centesimum sextum decimum in cod. periocharum Nazariano praefixus est<sup>49</sup> et Asinii Polionis illud de Patavinitate Livii iudicium: Asinius enim a. p. C. n. 5 decessit ex Hieronymi ad chronicon Eusebii sententia.<sup>50</sup> recitationibus vero Livii Augustum adfuisse, qui 'recitantes et benigne et patienter audivit nec tantum carmina et historias, sed et orationes et dialogos'<sup>51</sup> non abnuerim, etiamsi non perspicio, cur id corollarium, quod lib. III c. 20 §. 4 addidit Livius, non ante eum librum sive lectum sive auditum adici potuerit;<sup>52</sup> Pompeianum tamen Augustus vix eum appellaverit,<sup>53</sup> antequam ex ipso libro LXXXV. et proxime sequentibus eius de bellis civilibus narrationem cognovisset. etiamsi porro, id quod mihi certe secus videtur, nulladum operis parte in publicum emissa, volumine quodam sic orsus sit Livius,<sup>54</sup> satis iam sibi gloriae quaesitum et potuisse se desiderare, ni animus inquires pasceretur opere, tali tamen existimatione apud aequales fruebatur,<sup>55</sup> qualem nec rhetor Livius nec philosophus, sed unus historicus Livius sibi peperisse censendus est, nec sola expectatione fetus futuri, sed aliquot certe libris

<sup>49</sup> Livi periochae ed. Iahn p. 94, 21 sq. etc. cf. schol. Lucani X. 471. 519 (ubi pro XIV. lege IV. ex emendatione Ottonis act. ant. Marb. 1850 p. 317). 521.

<sup>50</sup> cui non refragatur Tacitus dial. de or. c. 17 'paene ad extremum' Augusti 'principatum durasse' eum adnotans (cf. C. F. Hermannum de scriptoribus ill., quorum tempora Hieronymus ad Eusebii chronica annotavit, p. 26 sq.). absolutum certe opus Livi Polio videre non potuit.

<sup>51</sup> Suet. Octavian. 89.

<sup>52</sup> haec dicta sunt adversus Niebuhrium hist. Rom. II, 517 n. 1011 cf. Weissenbornii adnot. ad Liv. I. c. §. 11. Koehlerus I. c. p. 18 sq. n. 1.

<sup>53</sup> Tac. ab exc. d. Aug. III, 34.

<sup>54</sup> Plin. nat. hist. praef. §. 16.

<sup>55</sup> cf. modo quae et Plin. minor narrat epp. II. 3 coll. Hieron. ep. 53 et M. Seneca contrav. lib. V. prooem.

vulgo notis: nam totum opus non ante mortem Livii absolutum esse videri supra exposuimus.

‘Ab urbe condita libros’ opus Livianum nominandum esse et optimorum atque antiquissimorum librorum manuscriptorum duce codice rescripto Veronensi<sup>56</sup> tituli ac subscriptiones singulis libris et periochis additae probant et grammaticorum consensus, unde hanc inscriptionem merito elicuit et defendit Niebuhrius.<sup>57</sup> eodem modo ‘a fine Aufidii Bassi’ libros triginta unum conscripsit Plinius maior, ‘ab excessu divi Augusti’ libros sedecim Tacitus, illamque inscriptionem ab ipso Livio profectam esse docet initium libri sexti<sup>58</sup> a Weissenbornio<sup>59</sup> merito huc relatum atque eodem ducit Plinius l. in ann. 54 c., ubi de ‘historiarum’ Livii, ‘quas repetit ab origine urbis quodam volumine’ loquitur: nam ‘historiarum’ vel ‘historiarum ab urbe condita’ inscriptio non magis inde deducenda est quam ‘annalium’ ex ipso Livio XXXIII, 13, 2,<sup>60</sup> ne de Firmico Materno<sup>61</sup> loquar, cui Livii nomen prava quamvis summi auctoris I. F. Gronovii coniectura illatum est.

Opus ab ipso auctore in eosdem libros divisum esse, quibus etiam nunc distinguitur, apparet ex compluribus locis veluti ex exordiis li-

56 mus. Rhen. ed. Niebuhr et Brandis II, 337.

57 opp. min. hist. et phil. II, 241. quae inscriptio immerito, me quidem iudice, manca esse videtur Friderico Haasio in praestantissima de Tac. vita, ingenio, scriptis comm. ed. Taciti ab ipso emissae vol. I. p. XXII. n. 94.

58 ‘Quae ab condita urbe Roma ad captam urbem eandem Romani .... gessere, foris bella, domi seditiones, quinque libris exposui’ etc.

59 l. c. p. 11.

60 ‘Ceterum et mihi vetustas res scribenti nescio quo pacto antiquus sit animus et quaedam religio tenet quae illi prudentissimi viri publice suscipienda censuerint, ea pro dignis habere, quae in meos annales referam.

61 de errore prof. rel. c. VI. extr. f. 7a, 17 ed. Bursiani, qui praef. p. XII. iure suo Gronovii coniecturam respuit pro ‘nam sicut in libris annalibus invenimus, Bacchanaliorum scelera Aebutio quodam adolescente deferente detecta sunt’ scribendum esse ‘in Livii annalibus.’

bri sexti (cf. ann. 58) et tricesimi primi; centum vero quadraginta duorum librorum numerum recte supra nos posuisse evincunt periochae singulorum librorum ab incerto auctore ex Livii opere excerptae ac nobis servatae praeter librorum CXXXVI. et CXXXVII. periochas, quae casu perierunt. nam ‘quod Franciscus Ritterus in annalium ab antiquariis Rhenanis editorum fasciculo XVII p. 6 suspicatus est, etiam in fine quorundam a Livio scriptorum librorum periochas periisse, non satis firmis argumentis niti videtur.’<sup>62</sup> omnium vero horum librorum, ut iam significavimus, quartam modo partem manibus hodie tenemus, libros scilicet I—X et XXI—XXXXV, ut triginta quinque praeter nonnullos quintae decadis, qui lacunosi sunt, integris fere servatis centum et septem perierint. libri hi superstites enarrant res Romanorum gestas et ab urbe condita usque ad a. u. 461 i. e. paene ad finem belli alterius Samnitici et ab initio belli Punici alterius a. u. 536 usque ad triumphum ab Aemilio Paulo de Macedonibus actum a. u. 587. praeterea et frustula quaedam libri nonagesimi primi a P. I. Brunsio Lubecensi detecta sunt anno saeculi praeteriti septuagesimo altero Romae in cod. bibl. Vaticanae Palatino rescripto 24 atque insequenti anno ab eodem edita<sup>63</sup> et aliae quaedam universi operis reliquiae passim a posterioribus scriptoribus, imprimis a grammaticis servantur, quae ad calcem editionum Livii recentiorum adiectae esse

62 verba sunt Ottonis Iahnii in ed. harum periocharum p. XIII, qui cf. coll. Weissenbornio l. c. p. 10.

63 Hamburgi 1773 fol. de reliquis huius fragmenti editionibus cf. Schweigerum *Handbuch d. class. Bibliogr.* II. 1, 543 sq. inter quas nominandae sunt cum Giovenazzii (ed. Cancellarius Romae 1773) et Kreyssigii (Chemnit. 1807 etc. cf. ann. eius 1 ad comm. de T. Liv. hist. rel. ex palimps. Tol. erutis p. 3) curae tum editio Niebuhriana in M. Tullii Ciceronis or. pro M. Fonteio et pro C. Rabirio fragm. etc. Romae 1820 p. 85 sqq. (cf. Livius Drakenb. Stuttg. XIV, 811 sqq.)

solent.<sup>64</sup> ceterum spes integros libros Livianos recuperandi non minus saepe excitata est quam decepta<sup>65</sup> neque minus frequenter minorum quae ferebantur reliquiarum inventarum lux vel omnino prae face artis criticae evanuit vel certe alio splendorem suum emisit. illuc pertinet fragmentum libri XVI, quod e cod. monasterii Salernitani (Salmansweiler) ord. Cisterciensis in Suevia descriptum, si dis placet, a Matthaeo Klockio, iuris publici factum est ab I. D. Schoepflino, de quo fragmento sufficiat Drakenborchium XV, 1 p. CXXIV sqq. 653 sqq. laudasse, huc primum ille de montibus Siciliae et praesertim de Aetna locus ad Livium a codice Vindobonensi dissertatiunculae de septem miraculis mundi relatus, a Mauricio Hauptio pone Ovidii Halieutica ac Gratii et Nemesiani cynegetica p. 70 sq. (cf. p. XXVIII sq.) editus tabulaque lithographica ex codice expressus,<sup>66</sup> quem ad Iulium Titianum pertinere docuit cod. Bambergen-

sis, unde ipsam illam dissertatiunculam excerptam esse vidimus ex libello de cursu stellarum a Fridrico Haasio ad Gregorium Tironensem relato atque publici iuris facto in prolusione academica ad natal. reg. in univ. Vratisl. a. 1853 celebranda, ubi Titianea haec leguntur §. 30 p. 14, illustrantur p. 36 sqq. tum huc referendum est folium membranaceum Toletanum palimpsestum a Theophilo Heinio repertum et a Georgio Henrico Pertzio tanquam lib. XCVIII. Liviani fragmentum in comm. acad. Boruss. a. 1847<sup>67</sup> editum, quod Sallustii historiis tribuendum videri primum Bergk<sup>68</sup> significavit, tum libro earundem alteri Heerwagen<sup>69</sup> et Rothius Basileensis<sup>70</sup> vindicaverunt, postremo eiusdem reliquiis et Kritzius<sup>71</sup> et Gerlachius<sup>72</sup> inseruerunt. non tamen omnino male ne nostris quidem diebus haec studia cessasse unicuique quidem, sed satis grave extat documentum libri, ut videtur, CXXXV. fragmentum ex lib. XII. Apponiani in canticum canticorum commentarii a Bottino et Martinio Romae a. 1843 editi p. 237 erutum.<sup>73</sup>

64 veluti et apud Drakenborchium XIV, 793 sqq.; accuratissime congesta et edita sunt a Weissenbornio ed. Teubn. VI. p. VI sqq. quae ad reliquias Caesarianas et Livianas supplendas atque illustrandas proposuisse sibi visus est Fr. Guil. Otto in comm. actis ant. Marb. 1850 n. 39—41 inserta, ea in Caesare nullum habent usum (cf. philol. V, 754 sqq.), in Livio parcum.

65 cf. quae enarrant D. G. Morhofius de Patavinitate Liviana cap. I. (XV, 1, 53 sqq. Drakb.) et I. A. Fabricius bibl. Lat. I, 296 sqq. ed. Ern. adde epistulas Poggii duas, quarum alteram edidit Thomas de Tonellis Poggii epp. I, 104 (cf. Orellii symbol. nonnull. ad hist. phil. p. 10), alteram Angelus Malus spicil. Rom. X, 316 (cf. Osanni praef. ad Suet. de rhet. et gramm. lib. p. IX sq.), unam Colucii Salutati editam a Mauricio Hauptio in nunt. soc. lit. Sax. cl. ph. hist. 1850 II, 16-18; de codice quodam Pisano quindecim librorum, ut ferebatur, deperditorum cf. Blumii iter Ital. II, 107, de eo, qui Constantinopoli in regia delitescere dicebatur Mordtmanni comm. philol. V, 760 sq. insertam.

66 cf. Kreyssigium in ed. lib. Liv. XXXIII, p. CXXIII sq. et in cur. sec. ad T. Livii fr. Tol. Misen. 1852 p. 9, Weissenbornium in ed. Liv. Teubn. VI, p. III. VI., ubi hic locus ex Hauptii sententia libri XIV. fragmentis (fr. 4) insertus est, Linkerum in act. gymn. Austr. 1852, 934. 1854, 422, ubi adnotavit, eundem locum sub Titii Iuliani nomine legi in Mail coll. Vat. III, 239.

67 in comm. class. phil. hist. Berol. 1849 p. 221-239 ac seorsim Berol. 1848 cf. act. eiusdem acad. menstr. 1850, 33 sq. Ern. a. Leutsch philol. III, 574 sqq. Kreyssigium in comm. de T. Livii hist. rell. e palimps. Tol. erutis, et eiusdem ad Livii lib. XLI-XLV. annotationibus adiecta, Misen. 1849, atque in curis secundis ad has rell. Misen. a. 1852 editis, qui ad lib. XCV. has lacinias rettulit non improbante Th. Mommsenio, qui secundum literas a B. Borghesio acceptas eas illustravit in nunt. soc. lit. Sax. cl. ph. hist. 1850, 196-199; his adde Huschkium act. iurisprud. hist. XV, 273-286, Weissenbornium l. l. fr. 72 p. XVI, coll. p. IV sq.

68 act. antiq. Marb. 1848, 880.

69 v. Kreyssigii ep. ad Kritzius de C. Crispi Sallustii hist. lib. II rell. ex palimps. Tol. erutis Misen. 1852.

70 mus. phil. VIII, 433-440.

71 C. Sall. Crispi hist. fr. II, 47. 49 (50, 1) p. 150 sqq. coll. ep. crit. ad Wuestemannum ibid. p. XII sqq. et ed. min. Lips. a. 1856 p. 282 sq.

72 lib. II fr. 101 sq. p. 117 sq. ed. Sall. stereotypae Lips. 1856.

73 fr. 55 p. XIV. Wssb. cf. Schneidewinum in nunt. d. act. lit. Hal. a. 1843 adiectis n. 61 p. 499-501 et in actis philol. Cassellis a. 1843

Accuratius harum operis Liviani partium, quae aetatem tulerunt, habitum inspectantibus id primo obtutu patefit, Livium non decuisse ab ea ratione, qua inde a literarum Latinarum incunabulis rerum scriptores usos esse videmus auctoribus Q. Fabio Pictore et L. Cincio Alimento: *τούτων δὲ τῶν ἀνδρῶν ἐκάτερος* — verba sunt Dionysii Halic. ant. Rom. I, 6 — *οἷς μὲν αὐτὸς ἔργοις παρεγένετο διὰ τὴν ἐμπειρίαν ἀκριβῶς ἀνέγραψε· τὰ δὲ ἀρχαῖα τὰ μετὰ<sup>74</sup> τὴν κτίσιν τῆς πόλεως γεγόμενα κεφαλαιωδῶς ἐπέδραμε.* quae ita ad Livium adhibenda sunt, ut is, quo propius ad tempus suum accederet, eo accuratius eoque fusius res gestas enarrarit; cum enim liber primus regum aetatem i. e. duo fere saecula ac dimidium perlustret, novem sequentes spatium temporis aliquanto minus, haud multo amplius duo saecula complectens emetiantur, decadis vero secundae libri septuaginta tantum et quinque annos proximos, ut singuli fere libri rerum per annos septenos et dimidium gestarum narrationem contineant, hos qui sequuntur libri viginti quinque nobis servati inde a lib. XXI. usque ad lib. XXXV. quinquaginta annorum terminos vix excedunt, ut binorum fere annorum historiam singuli libri per hanc operis partem persequantur; reliqua vero multitudo septem et nonaginta librorum haud multo amplius centum et quinquaginta annos complectebatur, ut binis fere libris terni anni enarrarentur.<sup>75</sup>

Iam inde sequitur, Livii enarrationem per se 'lactea ubertate'<sup>76</sup> ubivis conspicuam et a macrologia

consoc. p. 40-47 coll. A. G. Zumptio in ann. crit. Berol. 1844 II, 50, 392 et ad tab. Ancy. VI, 2 p. 91.

<sup>74</sup> *τάτα μετὰ* conl. I. G. Hullemanus disp. crit. de annal. max. Amstelod. 1855 p. 71, *τὰ κατὰ* du Rieu disp. de gente Fabia Lugd. Bat. 1856 p. 156.

<sup>75</sup> cf. Liv. XXXI, 1. C. G. Lewis an inquiry into the credibility of the early Roman history Lond. 1855 I, 44 sqq.

<sup>76</sup> Quint. I. O. X, 1, 32. Parreidt de lactea

quadam haud omnino abhorrentem,<sup>77</sup> per extremam partem copiosorem redditam esse. ipse Livius iam fere inde ab exordio operis conscius sibi est, longiorem hic illic sermonem suum in materiis per complures libros deinceps tractandis, velut in bellis cum Volscis et cum Samnitibus gestis, visum iri lecturis, quorum satietatem se metuere fatetur<sup>78</sup> atque ipse post priora duo bella Punica enarrata spatii peracti longinquitate aequae fatigatus esse videtur ac quodam horrore percussus, iam providens animo, ut ipsius verbis utar,<sup>79</sup> velut qui proximis litori vadis inducti mare pedibus ingrediantur, quidquid progrediatur, in vastiorem se altitudinem ac velut profundum invehit et crescere paene opus, quod prima quaeque perficiendo minui visum sit. ipsa igitur materiae mole crescente per extremam operis partem copiosior facta est Livii narratio: senili quadam loquacitate eum affectum et neglegentior in rebus tradendis redditum esse, quae Niebuhrii<sup>80</sup> est sententia ex reliquiarum lib. XCI. specie ducta, inde vix cum aliqua probabilitate videtur concludi posse, nam ea, quae aetatem tulit de morte Ciceronis narratio ex libro CXX. hausta<sup>81</sup> pro meo quidem iu-

Liv. ubertate Lips. 1746. Weissenbornius praef. I. p. 40 sq.

<sup>77</sup> Quint. I. O. VIII, 3, 58. Charis. p. 242 P. et quos ibi I. H. Keilius ed. suae p. 271 quosque affert Otto act. ant. Marb. 1850, 324 (adde anecd. rhet. Paris. p. 10, 13 Eckst.), quamvis hi omnes uno tantum eodemque exemplo defungantur 'legati non impetrata pace retro unde venerant domum reversi sunt.' ipsa haec verba in libris superstitis non inveniuntur, his similia lib. VIII, 2, 10; XXIII, 20, 3 et 40, 9; XXXVIII, 16, 6. eodem pertinent alia, veluti idem vocabulum paucissimis verbis interiectis saepissime repetitur, cuius consuetudinis exempla congest Drakenborchius in ann. ad I, 3, 9. cf. Fittbogenium obs. Liv. p. 46.

<sup>78</sup> VI, 12, 2 cf. X, 31, 10.

<sup>79</sup> XXXI, 1, 5.

<sup>80</sup> Ciceronis orr. etc. fragm. p. 88 schol. hist. Rom. I, 47 sq. sic etiam Car. Reisigius schol. gramm. Lat. ed. Haasius p. 49, Schweglerus hist. R. I, 105.

<sup>81</sup> M. Seneca suas. VII, p. 38 sq. Bip., t. XIV, 807 sq. Drkb., fr. 50 p. XIII sq. Wssb.



dicio, cuius subscriptorem ipsum excitare licet Niebuhrium,<sup>82</sup> optimis primorum librorum locis nec simplicitate nec venustate nec sensuum magnitudine nec animi generositate cedit; paulo uberiores narrationem lib. XCI. fragmento et ipse tribuo latamque quandam simplicitatem ei inesse recte sensit Fr. Lachmannus,<sup>83</sup> neglegentius quam similes expeditionum bellicarum per priores decadas descriptiones mihi certe haec non videntur exposita atque etiamsi hoc concedendum esset, tamen non iustam de tota hac posteriore operis Liviani parte admitteret rationationem. immo ipse Niebuhrius<sup>84</sup> fatetur, quo magis in opere perficiendo progressus sit Livius, eo propius eum accessisse ad provinciam ipsius indoli aptissimam, quamvis ibi quoque addat, dolendum esse, quod interim consenuerit. quod igitur ad operis argumentum attinet, vel Niebuhrius concedere videtur, gravissimam totius operis partem interiisse, neque equidem dubito eorum sententiae calculum adicere, quibus Liviani operis summa in extrema parte videtur posita fuisse<sup>85</sup> quique fatentur, se non intellegere, cur hi libri prioribus posthabendi sint fuerintve.<sup>86</sup> ac maturiorem auctoris aetatem ubivis detrimentum illis attulisse ne Niebuhrius quidem censuit, qui amabili Livii animo laudato, quo per totum opus laetitia quaedam ac blandissima

serenitas diffusa sit, fortasse, inquit,<sup>87</sup> haec melius agnosceretur a nobis, si libri posteriores nobis essent servati.

Diversae sane operis longinqui partes peculiare sibi laudes quaerunt, id quod eo maxime explicandum est, quod fontes suos saepe tam presse sequitur Livius, ut eorum proprietatem fere exprimat et in annales suos transferat.<sup>88</sup> discrimen igitur inter libros priores et posteriores vix eo satis definitum videtur a Niebuhrio, quod hi prudentia prioribus praestiterint, longe minore quam illi et arte et eloquentia conscripti fuerint ac potius proxime ad id genus accesserint, quo recentiores in narrandis rebus sua aetate gestis utuntur. 'itaque in eos' inquit<sup>89</sup> 'praecipue cadere macrologiae vituperationem arbitror, qua Charisius et Diomedes, prudentiores quam ipsi sunt auctores secuti, T. Livium onerant; quae fortasse a decantata illa Patavinitate haud multum distat. Nihil enim minus urbanum est quam macrologia.'

At quis sive macrologiam sive perissologiam evitet, ubi ad 'decantatam illam Patavinitatem' pervenerit? quam scimus Livio ab Asinio Polione, severissimo aequalium praesertim scriptorum censore, obiectam esse teste Quintiliano inst. or. I, 5, 56 VIII, 1, 3. quod vituperium ad ipsam orationem Livianam pertinere, nemo fere negabit, qui locorum illorum nexum animo haud praeoccupato examnaverit. neque id me quidem iudice dubium esse potest, quin Livio obiciantur sermonis quaedam proprietates a colore urbano, hominibus elegantioribus vere Romanis proprio, recedentes. simili ratione hodie Itali linguae Toscae puritatem prae reliquis extollunt, quamvis ore Romano hodieque optime eam pronuntiari fa-

<sup>82</sup> schol. c. I, 50.

<sup>83</sup> l. c. I, 115.

<sup>84</sup> l. c. p. 49 extr. 'Ja weiter er kam desto näher kam er seinem eigenthümlichen Berufe, leider nur ward er dabei alt.'

<sup>85</sup> v. modo Wachsmuthium d. *Ältere Gesch. des r. Staats* p. 33, C. L. Blumium *Einleitung in Roms alte Gesch.* p. 125. 148 (qui tamen eo procedit, ut ipsum illum librum primum, quem summis laudibus extollit Niebuhrius hist. R. I, 519 n. 1103, debillissimam totius operis partem esse statuatur, cuius iudicii neminem fere, opinor, assecclam habebit), Tainium *essai sur Tite Live* Lut. Par. 1856 p. 58 sqq. 62 cf. etiam Bolingbrokii sententiam a Gibbonio relatum ipsumque Gibbonium opp. miscellan. III. (Lond. 1815. 4) 371 sq.

<sup>86</sup> Lewis inquiry I, 253. n. 21.

<sup>87</sup> schol. c. I, 52.

<sup>88</sup> cf. Lachmannum l. c. I, 115.

<sup>89</sup> Cic. orr. fragm. etc. p. 88.

teantur<sup>90</sup>, Parisiensesque, postquam vel cum Alsaciensi quodam vel cum Galliae meridionalis incolae perparum confabulati sunt, non sine levi quadam malitia ridentes dicere solent: 'nonne tu ex regione Argentoratensi oriundus? tu vero ex Burdigalensi?', cum pronuntiationis quasdam proprietates a consuetudine urbana i. e. Parisina paululum remotas auribus tritissimis percipientes tum ipsum vocabulorum usum ac delectum ei certe, quae cummaxime inter elegantiores ipsius Lutetiae incolas obtinet, rationi non omnino congruentem. atque ita rem sese Romae habuisse, et ipse Quintilianus demonstrat, qui Patavinitatis Livianae mentione iniecta loco libri octavi supra commemorato ita pergit: 'quare si fieri potest, et verba omnia et vox huius alumnum urbis oleant, ut oratio Romana plane videatur, non civitate donata,'<sup>91</sup> et plus semel Cicero. veluti 'quare' inquit aliquo librorum de oratore loco<sup>92</sup> 'cum sit quaedam certa vox Romani generis urbisque propria, in qua nihil offendi, nihil displicere, nihil animadverti possit, nihil sonare aut olere peregrinum, hanc sequamur neque solum rusticam asperitatem, sed etiam peregrinam insolentiam fugere discamus.' didicerat hoc Plautus Umber, didicerat Naevius Campanus,<sup>93</sup> iudice Polione non didicit Livius Patavinus. quod si vero accuratius hoc argumentum persecuturi et Patavinitatem per ipsum Livii opus indagaturi 'qui est' quaerimus 'iste tandem urbanitatis color?' id quod ex se Brutum quaesivisse narrat idem Cicero,<sup>94</sup> ipsum Ciceronem ad hanc quaestionem 'nescio,' respondentem inveniemus 'tantum esse quen-

dam scio.' 'id tu,' ait 'Brute, iam intelleges cum in Galliam veneris, audies tu quidem etiam verba quaedam non trita Romae, sed haec mutari dediscique possunt; illud est maius, quod in vocibus nostrorum oratorum retinnit quiddam et resonat urbanius,' quibus addenda sunt quae sequuntur, quae tamen longum est hic describere. nam satis iam ex his quae inde transscripsimus apparet, oleum et operam eos perdidisse, qui id quod summus ille orationis et artifex et magister sensit potius quam definire potuit enucleare posse sibi visi sunt hodieque videntur. quo accedit, 'quod magno pere verendum videtur, ne senex sane egregius, sed paullo morosior etiam de Livii oratione fastidiose et cum cavillatione quadam iudicaverit' — verba sunt Hauptii,<sup>95</sup> qui sobrio subactoque iudicio 'neque enim nos' ait 'qui sero vivimus subtiliora discrimina quibus urbana oratio a non urbana distabat intellegere possumus, neque quisquam nisi in ea lingua in qua natus est percipit, si paullulum peregrini sermonis admiscetur.'<sup>96</sup> cui egregii philologi sententiae iuvabit comparasse, quae summus historiae conscribendae apud Anglos artifex Thomas Babington Macaulay posuit in elegantissima commentatione de Addisonis conscripta.<sup>97</sup> primus vero iustam ac rectam de Patavinitate Liviana disputationem instituit D. G. Morhofius, cuius commentatio prodiit Kilonii 1685,<sup>98</sup> ubi etiam aequae va-

<sup>90</sup> requiritur 'lingua Toscana in bocca Romana.'

<sup>91</sup> ipse tamen Quintilianus altero loco, quo Patavinitatem illam tetigit, fatetur, se omnia Italica pro Romanis habere.

<sup>92</sup> III, 12, 44.

<sup>93</sup> ibid. 45.

<sup>94</sup> Brut. 46, 171.

<sup>95</sup> Ind. I. Berol. aest. 1855 prooem. p. 5.

<sup>96</sup> cf. etiam G. E. Muellerum *hist. crit. Einleitung* etc. III, 142. Tiraboschium *hist. lit. Ital.* tom. I. part. III. lib. III. cap. III. §. XI. p. 221 sq. ed. Moden. a. 1772.

<sup>97</sup> 'Welcher moderne Gelehrte kann, wenn er aufrichtig sein will, sagen, dass er in Livius Styl die geringste Unreinheit bemerkt? Ist es aber nicht gewiss, dass Pollio, dessen Geschmack an den Ufern der Tiber gebildet worden war, in diesem Styl die unelegante Mundart des Po entdeckte?' *ausgewählte Schriften gesch. u. lit. Inhalts übers.* von Steger V, 156 sq.

<sup>98</sup> repetita est in Morhofii dissertationibus

ria ac perversa virorum doctorum de hac Patavinitate iudicia recensentur; quibus quae postea accesserunt similium errorum exempla enumerare nec libet nec vacat, unam tantum eamque maxime singularem omnium instar commemorare liceat sententiam Kollarii, qui in libro quodam lingua Hungarica conscripto a. 1843 edidit descriptionem itineris per Italiam superiorem, Tirolidem, Bavariam suscepti, quo ubique populationis et culturae Slavicae exempla et inventurus erat et invenit. sic Venetis quoque veteribus Slavicam originem vindicare conatus, Livium, quippe inter hos si dis placet Slavos natum, Slavica linguae Latinae elementa immiscuisse censet, quae Patavinitatis nomine ab Asinio, homine Romano, insignita eique exprobrata sint.<sup>99</sup>

Si vero profligata hac quaestione ad ipsam Liviani operis formam examinandam et ad eius genus scribendi adumbrandum accedimus,<sup>100</sup>

Hamburgi 1699 et in ed. Livii Drakenborch. XV, 1, 50 sqq.

<sup>99</sup> nuperrime quaestionis de Patavinitate Liviana particulas tres edidit C.G. Wiedemannus in prolus. schol. gymn. Gorlicensis a. 1848. 1854. 1855 et Graeci et provincialis sermonis vestigia anquirens; cf. etiam Queckium l. cum maxime excitando p. 8 sqq. Bernhardium hist. lit. Lat. ann. 500 p. 612 sq. ed. tert.

<sup>100</sup> cf. quos l. Baehrius hist. lit. Lat. §. 221 n. 1-8, quibus adde Walchium emend. Liv. p. 1 sqq. Handium *Lehrbuch des lat. Stils* p. 64-66 ed. alt. Grysarium *Theorie des lat. Stils* p. 7 sqq. ed. alt. eundem praef. part. sel. Liv. I, p. XXXVII sqq. ed. pr. Weissenbornium praef. c. p. 37 sqq. Tainium *essai sur Tite Live* p. 305 sqq. Queckium *Zweiter Beitrag zur Charakteristik des Livius: die Darstellung desselben* in progr. gymn. Sondershusani a. 1853; singula huius quaestionis capita saepe nuper in prolusionibus scholasticis tractata sunt, cf. Kreiznerum de propria orationis Livianae indole proprio maxime adiectivorum usu Hadamarii a. 1845; Ed. Wesenerum de quibusdam Livianae or. proprietatibus Confluentiae a. 1854; Stangium de discrepantia quadam inter sermonem Ciceronianum ac Livianum Francof. ad Viadr. 1843, ubi duobus annis ante E. F. Poppo de Latinitate falso aut merito suspecta disserens ad Livium spectantia quaedam protulerat p. II-IV; G. Hildebrandum *über einige Abweichungen im Sprachgebrauche des Cicero, Caesar, Livius u. ü. d. Gebrauch des Inf., der Supina u. d. Conj.* quominus u. quia b. *diesen Schriftstellern* Tremon. 1854; singularum praeposi-

tionum apud Livium usum pertractarunt I. E. Ellendtius de praepositionis *a* cum nominibus urbium iunctae ap. Livium maxime usu Regiom. 1843 et H. Löwius disquis. de praepos. *de usu* ap. Liv. Grimmae 1847; de *ne pro ne quidem* et de *nec quidem* apud Livium egit Scheibius philol. V, 132-136.

non dubitabimus Quintiliani, eruditissimi ac peritissimi iudicis sententiam probare, qui 'at non historia' inquit<sup>101</sup> 'cesserit Graecis nec opponere Thucydidi Sallustium verear. neque indignetur sibi Herodotus aequari T. Livium cum in narrando mirae iucunditatis clarissimique candoris tum in contionibus supra quam enarrari potest eloquentem, ita quae dicuntur omnia cum rebus tum personis accommodata sunt; affectus quidem, praecipueque eos, qui sunt dulciores, ut parcissime dicam, nemo historicorum commendavit magis.' cuius loci nexum et conformationem indaganti dubium esse non potest, quin ipse hic candor non ad animum Livii, 'natura' ceteroquin et ipsum, ut M. Senecae<sup>102</sup> verbis utar 'candidissimum omnium magnorum ingeniorum aestimatorem,' sed ad virtutem quandam orationis spectet simplicitate, perspicuitate, puritate, nitore fere compositam.<sup>103</sup> quo cum iudicio Quintilianeo id optime convenit, quod Sallustianae brevitati lacteam Livii ubertatem opponit idem Quintilianus, quae non satis doctura sit eum, qui non speciem expositionis, sed fidem quaerat,<sup>104</sup> quod alio quodam loco<sup>105</sup> 'ego' ait 'optimos quidem et statim et semper, sed tamen eorum candidissimum quemque et maxime expositum velim, ut Livium a pueris magis quam Sallustium: et hic historiae maior est

tionum apud Livium usum pertractarunt I. E. Ellendtius de praepositionis *a* cum nominibus urbium iunctae ap. Livium maxime usu Regiom. 1843 et H. Löwius disquis. de praepos. *de usu* ap. Liv. Grimmae 1847; de *ne pro ne quidem* et de *nec quidem* apud Livium egit Scheibius philol. V, 132-136.

<sup>101</sup> I. O. X, 1, 101.

<sup>102</sup> suas. VII, p. 41 Bip.

<sup>103</sup> cf. Quint. l. c. §. 113 'at Messalla nitidus et candidus,' §. 121 'tam candidum et lene et speciosum genus.' ad ipsum Livii animum hoc apud Quintilianum voc. praeter alios retulerunt et Meierotto in diss. de candore Livii Berol. 1796 fol. et Doederleinus, vir et ipse animi orationisque candore aeque insignis, in actis philologorum Hamburgi a. 1855 consoc. p. 50 sq.

<sup>104</sup> ibid. §. 32 cf. ann. 76.

<sup>105</sup> II, 5, 19.

auctor, ad quem tamen intellegendum iam profectu opus est,' quod mirae denique facundiae virum eum nominat;<sup>106</sup> Quintilianum vero non solum ab hac sententia stetit et L. Seneca<sup>107</sup> docet et historicorum princeps Cornelius Tacitus.<sup>108</sup> est autem sermo Livianus simplex, nativus, sua sponte profluens, tamen ut nullo artis adiumento sit destitutus: ab arte rhetorica scriptorem profectum esse vidimus, atque ubivis conspicua huius condicionis per totum eius annalium decursum documenta agnoscimus, at eius artis, quae nondum elegantiae affectatae studio corrupta fuit et fucata, sed quae vero pulchri sensu praedita optimum quemque sectaretur atque in itaretur: Demosthenes enim et Cicero Livio videbantur legendi eosque filio commendabat,<sup>109</sup> tum ita ut quisque esset Demostheni et Ciceroni simillimus; fucatae contra circa idem fere tempus istius artis imaginem praebet, quod alius cuiusdam rhetoris, L. Cestii Pii, discipuli ediscebant magistri declamationes, Ciceronis orationes non legebant, nisi eas quibus Cestius rescripserat.<sup>110</sup> Livius autem quin Ciceronem non solum legerit, sed etiam eius de arte historica praecepta studiose pertractaverit et in sucum ac sanguinem verterit dubitare non possumus, si ipsa

<sup>106</sup> VIII, 1, 3.

<sup>107</sup> de ira I, 16, 27 Flick. (I, 20, 6 Haas.) 'apud disertissimum virum Livium.'

<sup>108</sup> Agric. 10 'Livius veterum, Fabius Rusticus recentium eloquentissimi auctores.' ab exc. d. Aug. III, 34 in or. Cremutii Cordi 'T. Livius eloquentiae ac fidei praeclarus in primis.' qui locus vetare fere videtur, ne Livium his scriptoribus ab eodem Tacito hist. I, 1 notatis adnumeremus, qui inscitia rei publicae ut alienae veritatem infregerint, quae est sententia Haasii praef. Tac. I p. XXIV n. 105: certe vero ad eundem, quod et Haasius perspexit et Eggerus (examen crit. des historiens de la vie et du règne d'Auguste p. 72. 100 sq.), pertinet alter locus Taciteus ab exc. d. Aug. I, 1 'temporibusque Augusti dicendis non defuere decora ingenia, donec gliscente adulatione deterrentur.'

<sup>109</sup> v. fragm. ep. ad fil. apud Quint. X, 1, 39 coll. II, 5, 20.

<sup>110</sup> M. Senecae exc. contr. l. III p. 399 Bip.

haec praecepta cum historiis Livianis comparamus: hic enim invenimus id quod Cicero ab historia exigat 'verborum rationem et genus orationis fusum atque tractum et cum lenitate quadam aequabili profluens.'<sup>111</sup> narrat porro Livius, quod idem Cicero poscit,<sup>112</sup> ornate et regionem saepe aut pugnam describit, interponit etiam contiones et hortationes tracta hac et fluenti, quam expetunt, oratione,<sup>113</sup> quam iudiciali asperitate et sententiarum aculeis liberam, contortae et acri oratorum orationi Cicero opponit; distinguit historiam, quod neglexit Caelius Antipater, eam ob rem vituperatus a Catulo apud Ciceronem i. e. ab ipso Cicerone,<sup>114</sup> varietate locorum et verborum collocatione et tractu illo leni et aequabili perpolivit illud opus. quodsi igitur ad Ciceronis doctrinam Livius maxime se applicavit, non tamen is erat, qui ad unius cuiusdam quamvis praestantissimi exempli servitutem ita se astringeret, ut assolent 'imitatores, servum pecus;' notum erat rhetori, quod Quintilianus<sup>115</sup> his postea verbis praecepit, 'id quoque vitandum, in quo magna pars errat, ne in oratione poetas nobis et historicos, in illis operibus oratores aut declamatores imitandos putemus. sua cuique proposita lex, suus cuique decor est;' ipse philosophiae, linguae literarumque studiis deditus non poterat nec ignorare nec parvi aestimare progressus, quos inde a Cicerone literae Latinae fecerant, immo necesse erat delectaretur carminum a summis poetis compositorum sive auditione sive lectione, ex limpidissimo hoc fonte hauriret camposque

<sup>111</sup> de or. II, 15, 64. liquido huic ac fuso ac profluenti generi dicendi opponitur exille, aridum, concisum ac minutum ibid. 88, 159.

<sup>112</sup> or. 20, 66.

<sup>113</sup> ibid.

<sup>114</sup> de or. II, 13, 54.

<sup>115</sup> I. O. X, 2, 21 sq. Cicero de or. II, 15, 62. 64 queritur, quod nusquam reperiat historiam separatim instructam rhetorum praeceptis: at 'sita enim sunt' inquit 'ante oculos.'

suos inde irrigaret: intellegere enim debebat, his operibus ad Graecae artis normam exactis sermonis Latini thesaurum et ditiorum redditum esse et elegantiorum multaque inde et ad historiam exornandam peti posse. haec vero et ipsi certe videbatur 'proxima' esse 'poetis et quodammodo carmen solutum' et scribi 'ad narrandum, non ad probandum';<sup>116</sup> ex universa enim eius historia elucet, eum cum Quintiliano sensisse, totum opus non ad actum rei pugnamque praesentem, sed ad memoriam posteritatis ingeniique famam componi, ideoque et verbis remotioribus et liberioribus figuris narrandi tedium evitasse. accedit, quod inter ipsum opus elaborandum multiplici vetustorum annalium lectioni ita se dedit et eorum vestigia saepe tam accurate pressit, ut animo eorum imaginem imbiberet eamque ipsam scribendo haud raro exprimeret. quodsi igitur in universum Ciceronis lectione ingenium suum pavit et aluit, ut summi oratoris umeris niteretur, tamen paululum a castitate orationis Ciceronianae sermo Livianus recedit nec obsoleta vocabula rerum longe remotarum memoriae instaurandae apta locis idoneis aspernans<sup>117</sup> nec poetica aut rhetorica verba et verborum structuras nec *ἑλληνισμῶν*<sup>118</sup> a poetis in sermonem Latinum receptorum imitationem, ita ut variis vividisque oratio distinguatur coloribus ac gemmis quasi lucidis floribusque amoenis passim sparsis exornetur. tantum tamen abest,

116 Quint. I. O. X, 1, 31. utroque praecepto Quintiliano ad indolem stili Liviani explicandam Grysarium quoque usum esse video praef. c. p. XXXVII.

117 adnotandum tamen est, haec fere non inveniri nisi vel in formulis vetustioribus vel in locis, ubi annalium vestigia presse sequens, vetustatis colorem servaturus erat Livius. exempla vide apud Welssenbornium l. c. p. 38, Kreiznerum p. 9 sq., Grysarium theor. stil. lat. p. 8, qui omnem penum ibi congestam in praef. saepius commemoratam fere transtulit.

118 Graeci sermonis per orationem Livianam vestigia congestit vera falsis miscens Wiedemannus l. ann. 99 c. I, 8 sqq.

ut haec ornamenta multitudine ac mole sua ipsam orationem onerent ac fere obruant, ut nativa illa simplicitas pellucido inde eniteat candore. quae omnia singillatim exemplis propositis persequi non huius est loci: id tantum significandum est, has sermonis Liviani proprietates cum in verborum singulorum declinatione,<sup>119</sup> delectu,<sup>120</sup> collocatione<sup>121</sup> et in singulari universas quasdam orationis partes tractandi ratione<sup>122</sup> et in frequenti figurarum nonnullarum<sup>123</sup> usu conspici, tum in sententiarum periodorumque conformatione, haud raro recedente ab usu orationis pedestris severioris praesertim Ciceronianae.<sup>124</sup> 'neque reperias scriptorem,' ut Georgii Ludovici Walchii verbis<sup>125</sup> utar 'qui adsueta Tulliana concinnitate lectorem deludat frequentius; cuius in tanta dulcedine maior sit orationis durities, periodorum vel tortuoso ambitu (saepae etiam imperfecto), vel iuncturae quaesita negligentia; in quo offendat crebrior in similiter cadentibus verbis, vel bis, ter, quater in brevi enuntiatione repetitis incuria, (quae quanta fuerit coniec-tandi materies nota res est;) in quo denique tot e vetustate adsumpta, vel ex imitatione Graecorum nove

119 v. modo Kreiznerum l. c. p. 13 sq. Wiedemannum l. c. III, 11 sq.

120 cf. vocabulorum, quae aut Livii solius sunt aut praeter eum apud posterioris aetatis scriptores inveniuntur, enumerationem apud Fabrium in ann. ad Liv. XXIII, 16, 3, Kreiznerum p. 12 sq., Grysarium p. 9, Wiedemannum III, 5 sqq.

121 cf. Stangium l. ann. 100 l. p. 4 sqq.

122 cf. interpretum adnot. ad locos in indicibus Drakenborchianis et Fabrianis s. v. substantivum, adiectivum, verbum, infinitivus, participium, supinum, gerundium, adverbium etc. notatos; de adiectivorum Livianorum usu data opera egit Kreiznerus l. c. p. 19 sqq., de participio Wesenerus l. ann. 100 c. p. 13 sqq. etc. in universum cf. Handium theor. stil. Lat. p. 66 Welssenbornium l. c. p. 43.

123 cf. Welssenbornium p. 44 Queckium l. ann. 100 c. p. 20.

124 cf. Walchium emend. Liv. p. 3 Grysarium l. c. p. 15 sq. Handium l. c. p. 66 Queckium l. c. p. 12 sq. quique paucis verbis vividissimam periodologiae Livianae imaginem adumbravit Welssenbornium p. 44 sq.

125 l. c. p. 3 sq.



et cum periculo dicta insolens quid et peregrinum sonent. quae si in unum contracta spectabimus, mirabitur scriptoris negligentia, qui loqui cum vulgo noluerit; sin suo quaeque loco et sparsa per totum historiae corpus spectabimus, et his effectum intelligemus, ut cuique rei suum sit scribendi genus, ut summissa in levioribus, et prope quotidianae similis, altior exurgat oratio et incitator feratur, ubi res verbis exaequandae sunt, mire nos affectos sentiemus, denique hoc artificio optimis simillimum assecutum esse fatebimur Patavinum historicum, ut lactea eius ubertas numquam satiet lectorem.' inprimis vero omnem lectoris per languida haud raro ac longinqua narrationis argumenta satietatem ipsa structurae varietate evitavit Livius, cum periodis aequabili membrorum structura concinnis et perspicuis alias passim interponat sententiis 'hamatis inter se perque plicatis' contortas ac primo obtutu fere obscuras, tamen ut hae ipsae haud raro lectori artificiosum earum nexum accuratius perspicienti artem scriptoris maxime recludant, qui hic sententiarum brevissimarum sibi quasi insidentium serie orationi calcaria quasi adhibet, illic impetum eius veluti freno repente iniecto sistit, hic metam celerissimo cursu attingere properat, illic per gyrorum ambages circumfertur. ipsa vero haec varietas eo augetur, quod Livius, ut supra iam significavimus, fontibus, quos in enarranda historia sequebatur, ita usus est, ut non tantum argumenta inde desumeret, sed passim tam accurate ad eum se scriptorem applicaret, quem cum maxime ducem sibi elegerat, ut inde cum singula, ut supra adnotatum est, vocabula et formulas mutuaretur, atque ita mutuaretur, ut certe non ubivis 'notum callida verbum reddiderit iunctura novum,' tum universam narrationis conformationem ipsumque orationis colorem. cum variis igitur fontibus iisdemque aetate,

dicendi genere, stili proprietate inter se longe disparibus per varias partes vel saepe per brevius aliquod spatium operis Livius uteretur, ipsius huius dissimilitudinis imaginem reddunt libri Liviani, 'sed non ut placidis coeant immittia, non ut serpentes avibus gementur, tigribus agni:' nam omnia haec ita a Livio composita sunt et adornata, ut variae hae, ut ita dicam, tessellae ad unius quasi simulacri singulari opera artificioque perfecti speciem cogerentur ac coniungerentur.

Quibus vero fontibus usus sit Livius et qua ratione inde hauserit id subtilissime exposuit Fridericus Lachmannus commentationibus duabus memoratis de fontibus historiarum Livii, quarum prior a. 1822, altera a. 1828, utraque de sententia ordinis philosophorum acad. Gotting. praemio ornata, Gottingae typis expressa est.<sup>126</sup>

Cum quae ante conditam condendamve urbem poeticis magis decora fabulis quam incorruptis rerum gestarum monumentis traderentur, ea nec adfirmare nec refellere in animo fuerit Livio,<sup>127</sup> et per haec tempora et per primordia urbis usque ad Romam a Gallis captam, 'res' ut ipse ait<sup>128</sup> 'vetustate nimia obscuras,' vulgatiorem famam, quae sive ab antiquissimis sive a plerisque scriptoribus tradita esset,<sup>129</sup> amplexus est; 'parvae enim' secundum ipsius Livii<sup>130</sup> querelam 'et rarae per eadem tempora literae fuere una custodia fidelis memoriae rerum gestarum et .. etiamsi quae in commentariis pontificum aliisque publicis privatisque erant monumentis, incensa urbe pleraeque interiere.' rara autem haec monumenta curiose anquirere, sparsa antiquitatis vestigia legere, ex disiectis

<sup>126</sup> cf. praeterea quos affert Lachmannus I. §. 2 p. 1 sqq.

<sup>127</sup> praef. §. 6.

<sup>128</sup> VI, 1, 2.

<sup>129</sup> cf. Lachmannum I. §. 25 p. 43 sqq.

<sup>130</sup> l. ann. 128 l.

lacerisque membris acri iudicio sagacique divinatione adhibita veteris historiae quasi corpus refingere atque instaurare — omnia haec et ab ingenio et a consilio scriptoris abhorrebant. Livius enim quamquam haud dubitabat,<sup>131</sup> quin legentium plerisque ad nova festinantibus primae origines proximaeque originibus minus praebitura voluptatis essent, 'hoc quoque' verbis ait iam supra allatis 'laboris praemium petam, ut me a conspectu malorum, quae nostra tot per annos vidit aetas, tantisper certe, dum prisca tota illa mente repeto, avertam, omnis expertus curae, quae scribentis animum etsi non flectere a vero, sollicitum tamen efficere posset.'<sup>132</sup> ipsam igitur hanc certe laboris partem suscepit non ut raras illas et semirutas vetustissimi alicuius quasi aedificii reliquias tamquam architectus indefesso studio pervestigaret primum ac metiretur, tum ichnographiam earum conficeret ac 'membra domus' diruta pro ratione ac mensura partium conservatarum ratiocinando conaretur restituere, sed ut eas hedera convestitas, 'spissis' arborum ingentium 'comis' opacas depingeret, suae aliorumque voluptati magis inserviturus quam sive literarum cuidam disciplinae sive cuiusquam commodo vel utilitati. omnia illa partim deleta partim confusa esse et videt et fatetur et conqueritur: 'tanti' inquit<sup>133</sup> 'errores implicant temporum aliter apud alios ordinatis magistratibus, ut nec qui consules secundum quosnam nec quid quoque anno actum sit, in tanta vetustate non rerum modo, sed etiam auctorum digerere possis' — at pro virili parte ad resarcienda haec damna stipem, ut ita dicam, conferre, id ei in mentem non venit 'in rebus tam antiquis si quae si-

milia veris sint pro veris habeantur satis habenti.'<sup>134</sup> id tamen agnoscendum est, nativa quadam grataque indole inter diversas auctorum sententias eam plerumque ab eo electam esse, quae sanae ac simplici menti probabilior esse videatur; ubicumque vero nullam fere sententiam reliquis praestare censet, ipsum discrimen adnotasse contentus est. nam 'nec facile est aut rem rei aut auctorem auctori praeferre' 'nec quisquam aequalis temporibus illis scriptor extat, quo satis certo auctore stetur.'<sup>135</sup> ipsa vero haec verba in fine libri octavi posita, ubi auctor queritur, vitiatam memoriam funebribus laudibus esse falsisque imaginum titulis, documento esse possunt, per posteriores quoque primae decadis libros 'et singulorum gestis et publicis monumentis rerum confusis'<sup>136</sup> moram ei eadem fere impedimenta attulisse, quae per primordia progredienti antea iter obseepserant, ita ut per omnes hos decem libros iisdem fere fontibus eadem ratione usus sit. accuratior vero, ut diximus, ipsorum monumentorum primariorum, quae aetatem tulerant, indagatione spreta hausit ex fontibus secundariis, annalium scriptoribus, idque ita fecisse putandus est, ut non per longinquum studiorum assiduorum decursum omnes ante se scriptores conquisiverit, perlegerit, excerpserit, composuerit, sed ut a satis angustis studiorum initiis orsus progrediente scribendi labore maiorem paulatim permensus sit lectionis ambitum. cum per libros primores raro nominatim auctores suos afferat, coniectura tantum, at ea satis probabili, nisi, contendere possumus, antiquissimum annalium scriptorem, Q. Fabium Pictorem, principem ibi ducem eum habuisse, praeter quem aliorum, Calpurnii Pisonis, Valerii Antiatii, Claudii Quadrigarii, Licinii Macri,

<sup>131</sup> praef. §. 4.

<sup>132</sup> ibid. §. 5.

<sup>133</sup> II, 21, 4 cf. Broeckerum *Untersuchungen üb. d. Glaubwürdigkeit der altröm. Gesch.* Basil. 1855 p. 377.

<sup>134</sup> V, 21, 9.

<sup>135</sup> VIII, 40, 3. 5.

<sup>136</sup> ibid. §. 5.

Aelii Tuberonis sententiae discrepantes passim laudantur ac diiudicantur; Dionysii Halicarnassensis antiquitatibus Romanis Livium per extremos saltem primae decadis libros usum esse, quae cum aliorum tum Niebuhrii erat sententia,<sup>137</sup> non magis probari potest quam id quod temporum habita ratione per se probabilius foret, Dionysio Livii libros primores ad manus fuisse;<sup>138</sup> recte enim nuper postquam annalium scriptores in permultis rebus inter se consentire lectores admonuit vir eruditissimus, observatum est a Carolo Petero in programmate gymnasii Tanglimensis a. 1853 emisso,<sup>139</sup> et Livium et Dionysium communi hoc fonte ita usos esse, ut pro sua quidem ratione uterque, Livius orationi potissimum limam addendo, Dionysius pragmaticas rationes inserendo, narrationem ab annalibus traditam mutaret, praeterea tamen non modo illius narrationis argumenta retineret atque ordinem, sed etiam persaepe ad verbum eam describeret alter, alter in Graecum transferret sermonem. praeter hos annalium scriptores veterum monumentorum testimonium aliquotiens quidem in subsidium arcessitur, sed plerumque ex ipsis illis scriptoribus desumptum,<sup>140</sup> semel ex ipsius imperatoris Caesaris Augusti ore compertum.<sup>141</sup>

Iisdem fere auctoribus per alteram quoque decada videtur usus esse;<sup>142</sup> inde a belli Punici alterius temporibus duplici rationi, quam

eo usque secutus erat, ut cum plurimorum tum vetustissimorum auctorum sententiae quam maxime calculus adiceret, tertia eaque iustissima accessit, quae scriptores proximos memoriae temporum illorum<sup>143</sup> tamquam fidissimos testes potissimum eligere eum iubebat. inter quos nemo magis eminebat Q. Fabio Pictore, quem per primores belli Punici alterius annos 'aequalem temporibus huiusce belli' non tantum eo loco, cuius ipsa verba modo excitavi,<sup>144</sup> sed quousque annales eius porrigebantur 'potissimum auctorem habuit.' ex quo et Polybium et Livium proeliorum, quam solam memoriae ille mandaverit, descriptionem hausisse, speciosis ductus argumentis nuper coniecit C. G. Nitzschius,<sup>145</sup> quem tamen quominus sequar eo fere prohibeor, quod Fabium de vastiore quidem tempore capitulum, de iis vero quibus ipse interfuerit accurate scripsisse testis nobis est Dionysius Halicarnassensis ant. Rom. I, 6, ita ut certe non intra ipsorum proeliorum descriptionem Fabius se continuerit. per reliquas historiae horum annorum partes varios fontes secutus insequentibus temporibus per omnes libros ad nos propagatos Polybii, Graeci quidem hominis, at Romanorum magnitudinem in rebus civilibus aeque ac militaribus summa cum admiratione suspicientis et cum ipso hoc sensu res gestas memoriae mandantis exemplum praecipue expressit, non fideli ubivis ac quasi sollicita imitatione, tamen ut narrationis ordinem filumque ex eo desumeret; singula vero vel recidit vel addidit vel in brevius contraxit vel amplificavit atque exor-

137 cf. inprimis schol. hist. Rom. I, 45 sq., quibus ea immutavit, quae hist. Rom. I, 298 ed. pr. de hac quaestione proposuerat; cf. etiam hist. R. III. annot. 485.

138 cf. Lachmannum I, 45 sq., Schweglerum hist. R. I, 103 sq.

139 *das Verhältniss des Livius u. Dionysius zu einander und zu den älteren Annalisten* p. 5 sqq.

140 ex Cincio VII, 3 (si ibi revera, ut equidem arbitror, L. Cincius Alimentus, annalium scriptor bello Punico alteri aequalis, nec L. Cincius aetatis Varronianae grammaticus designatur), Licinio Macro III, 7 et 20, eodem ac Q. Tuberone III, 23.

141 III, 20.

142 cf. Lachmannum II, 1 sqq.

143 XXVIII, 14, 9 cf. XXV, 11, 20; similia quidem his etiam VI, 12, 3 inveniuntur, ut tamen 'propiores temporibus harum rerum auctores' et ipsi longe ab ipsis rebus remoti sint cf. l. ann. 135 l.

144 XXII, 7, 4.

145 *Quintus Fabius Pictor über die ersten Jahre des Hannibalschen Kriegs in allg. Monatsschrift für Wissenschaft u. Lit.* 1854 p. 67—84.

navit vel immutavit sive aliis fontibus sive proprio usus iudicio, aliquotiens etiam sive inscitia sive festinatione inter sermonem Graecum in Latinum vertendum lapsus,<sup>146</sup> quae omnia a Lachmanno illustrata et exemplis comprobata sunt.<sup>147</sup> satis raro autem mentio Polybii a Livio eam ipsam ob rem inicitur,<sup>148</sup> quod tamquam fonte primario eo usus est,<sup>149</sup> cum ibi plerumque testium nomina afferre soleat, ubi singula quaedam cum notabilia tum ab ea, quam cum maxime sequitur, rerum gestarum memoria abhorrentia inde desumit. aliis quoque praeter Polybium Graecis auctoribus se usum esse aliquotiens indicat Livius,<sup>150</sup> nominatim unum Silenum eumque semel excitat.<sup>151</sup> Romanorum praeter Fabium testem belli Punici alterius aequalem alterum L. Cincium Alimentum et ipsum semel tantummodo commemorat,<sup>152</sup> tum per sola huius belli tempora L. Caelii Antipatri annales in usum vocavit, M. vero Porcii Catonis originibus decade demum quarta atque ad ipsas potissimum Catonis res narrandas usus est, eiusdem etiam aliquot certe orationibus praeter eas, quae originum libris insertae erant, adhibitis;<sup>153</sup> praeterea exceptis Li-

cinio Macro, ut videtur, et Aelio Tuberone eos auctores consultavit passimque laudavit omnes, qui per primam alteramque decada ad manus ei fuerant. quibus accedunt alii: Claudius, 'qui annales Acilianos ex Graeco in Latinum sermonem vertit,'<sup>154</sup> Clodius Licinus,<sup>155</sup> P. Rutilius Rufus.<sup>156</sup> quos auctores inde a libro quadragesimo sexto adhibuerit Livius ex rarissimis vestigiis per periochas sparsis non satis dignoscitur: accuratius in difficillimam hanc quaestionem inquirere, quod sine magno apparatu magnisque ambagibus fieri nequit, ab eo quod cum maxime persequimur consilio longe abest.<sup>157</sup> per libros vero illos posteriores nobis servatos Livium iterum videmus ducibus quibusdam primariis electis reliquorum narrationem non tam ad corrigendas illorum sententias adhibentem quam ad exorandas atque amplificandas, plerumque vero ita, ut fontium discrepantiam enotet ac passim secundum argumenta plerumque magis ex divinatione quadam quam ex indagatione petita, sano tamen, ut significatum est, eodemque modesto iudicio diiudicet, quamvis hic illic artificiosiore quoque rationem ab eo initam videmus, veluti lib. XXXVIII, 55, 8, ubi 'has ego' inquit 'summas auri et argenti relatas apud Antiatem inveni. in L. Scipione malim equidem librarii mendum quam mendacium scriptoris esse in summa auri atque argenti,' X, 9, 13 etc.

Omnes hos, quos secutus est auctores et consilii amplitudine et sermonis elegantia superavit Livius longeque afuit ab incompta nuditate annalium, quibus nihil hirsutius esse<sup>158</sup> certe et ipsius erat sententia; at deerat ei id, quod

146 interdum Livii errores inde excusantur, quod corrupto Polybii codice videtur usus esse. cf. Lachmannum l. c. II, 114 v. Leutschium nunt. d. Gott. 1855, 263 sqq.

147 l. c. II, 8 sqq. 38 sqq. 108 sqq. cf. Walchium em. Liv. p. 6—27, Peterum l. cum maxime c. p. 11, Theodori Lucas disputationem de ratione, qua Livius in hist. lib. conscribendis usus sit opere Polybiano p. I. Glogav. 1854. 4.

148 'nos non minimo potissimum numero credidimus, sed Polybium secuti sumus non incertum auctorem cum omnium Romanarum rerum tum praecipue in Graecia gestarum' XXXIII, 10, 10 cf. XXX, 45, 4, ubi 'haudquam spernendus auctor' dicitur Polybius, XXXIII, 50, 6. XXXVI, 19, 11. XXXVIII, 52, 1. XXXV, 44, 19. ac vel ultra libros superstites a Livio in usum eum vocatum esse probat Lachmannus II, 10 n. 2, ad quam cf. infra p. XXXII.

149 sic recte Lachmannus II, 10.

150 XXVIII, 27, 18. XXXII, 6, 8. XXXVIII, 60, 10.

151 XXVI, 49, 3.

152 XXI, 38, 3 sqq.

153 cf. Lachmannum l. c. II, 17 sqq. H.

Iordanum quaest. Cat. cap. duo Berol. 1856 p. 18 sqq.

154 XXV, 39, 12. XXXV, 14, 5.

155 XXVIII, 22, 10.

156 XXXVIII, 52, 1.

157 cf. ann. 148 et Niebuhrii schol. hist. R. I, 49.

158 Ovid. trist. II, 259.

illis fere omnibus certam quandam notam impressit. nam historiam 'non nisi ab honestissimo quoque scribi solitam' vel postquam L. Otacilius Pilitus primus omnium libertinorum scribere historiam orsus est<sup>159</sup> Romae literis consignatam videmus ab iis potissimum, qui memoriae rerum gestarum res a se ipsis domi militiaeve gestas adicere possent atque inserere. at Livius rhetoricam, sicut Otacilius iste, et philosophiam profitebatur, deerat ei accuratior rei publicae per pacis bellicae artes gerendae notitia. accedit ac fere inde sequitur, quod fontium suorum vestigiis insistens 'foris bella, domi seditiones'<sup>160</sup> enarrat hisque notabilia alia in fine singulorum plerumque, quorum seriem sequitur in historia enarranda, annorum adicit, ipsum vero rerum nexum interiorum ac magis reconditum nec indagat nec exponit: longe igitur abest a pragmatica illa historiae conscribendae ratione, cui summum exemplum is ei praebere poterat, quem inde a tertia decade post Fabium principem ei ducem fuisse vidimus, Polybius; vel ignorat vel spernit id, quod ipsius Polybii, ut equidem arbitror, vestigia premens Sempronius Asellio<sup>161</sup> ab iis poposcerat, qui non annales relinquere vellent, sed res gestas a Romanis perscribere conarentur: his non modo satis esse, 'quod factum esset, id pronuntiare, sed etiam, quo consilio quaque ratione gesta essent, demonstrare.' neque a philosophiae, quod amplexus erat, studio eo se deduci passus est, ut causas cognoscere rerum studeret, quinimmo raro ipsi factorum narrationi iudicium suum interponit haud solum in fide historica diiudicanda sanum ac sobrium. at multo magis rhetoricam quam philosophum sapit ars Liviana.<sup>162</sup>

Nam si Vitruvius de architectura scribens<sup>163</sup> non uti summum philosophum nec rhetorem disertum nec grammaticum summis rationibus artis exercitatum, sed ut architectum his literis imbutum, haec nisum se esse scribere dicit, Livius annales evolvebat, res gestas populi Romani inde ab urbis primordiis usque ad suam aetatem perlustrabat, temporum computationem persequabatur, rei publicae antiquitates resque bellicas perscrutabatur non, id quod supra data occasione iam significavimus, ut ipsa historiae scientia, quo omnia haec pertinent, penitus imbueretur ipsamque hanc disciplinam studiis suis promoveret, sed ut, quae potius inter scribendum legisset quam ante scribendum collegisset et composuisset, nedum intentiore opera e tenebris partim eruisset operaque sua illustrasset, ea congereret ac pulchra quasi ornataque veste induta iucundo decoroque habitu populo Romano proponeret. iam inde sequitur, fidem historicam non primariam eius esse virtutem,<sup>164</sup> quam tamquam purus

nus nisi ut rhetoricam hanc oratoriamve Livii indolem permultis quidem, sed saepius haud inelegantibus verbis demonstrat cf. praesertim p. 88 sq. 51. 56 etc. 186 sqq. 236 sqq. 245. 251 n. 1. 253 n. 1 etc.

<sup>163</sup> Vitruv. de archit. I, 1, 18 (17).

<sup>164</sup> cui non obstare videbimus, quod in universum fides eius praedicatur a Cremutio Cordo ap. Tac. l. ann. 108 l. cf. tamen Quint. ann. 104 l.; de fide Livii cf. I. H. Parreidt de suspecta Livii fide disp. praeside C. G. Iochero Lips. 1743, contra quem scripserunt et Eschenbachius Lips. 1773 et adolescentulus nobilis A. G. U. ab Hardenberg in diss. futili de Livio eiusque virtutibus Coburgi 1778. 4. postea hanc quaestionem pertractarunt primum I. H. L. Meierotto de testimoniorum T. Livii fide Berol. 1797 fol., qui anno insequenti de Livii arte narrandi et artificio disseruit ibidem, tum C. Krusius de fide Livii recte aestimanda sect. I. II. Lips. 1812. 4, denique Fr. Lachmannus commentationibus saepe laudatis; singulas operis partes examinaverunt et U. Beckerus *Vorarbeiten zu einer Gesch. des zweiten pun. Krieges* (in Dahlmanni *Forschungen* etc. II, 2) Alton. 1823 ac L. de Vincke *der zweite pun. Krieg u. d. Kriegsplan der Carthager* Berol. 1841 p. 62—68 et A. E. Eggerus l. ann. 108 l. p. 98—101; universi vero ingenii artisque Livianae descriptionem sive plenioram sive in brevius contractam proposuerunt Niebuhrius hist. R.

<sup>159</sup> Suet. de ill. rhet. 3.

<sup>160</sup> VI, 1, 1.

<sup>161</sup> ap. Gell. N. A. V, 18, 8.

<sup>162</sup> paginis libri supra (ann. 85) comm. trecentis quadraginta octo nihil fere agit Tai-



putus historicus ante omnia con-  
sectatus sit. fontium vetustiorum  
in rebus plerisque, ut supra adno-  
tatum est, inter se fere consentien-  
tium imaginem reddidisse conten-  
tus ea, quae minoris momenti ipsi  
videntur, haud magnopere curat<sup>165</sup>  
indeque saepius auctorum discre-  
pantia non observata unam ean-  
demque rem, quam variis annis  
scriptores annalium assignaverant,  
vel bis enarrat vel ita, ut initium  
relationis cum continuatione eius-  
dem post narrationis aliquod inter-  
vallum prolata non congruat; alias  
porro mentionem personae, facti,  
dicti alicuius tanquam noti inicit,  
quamvis antea iis de rebus sermo  
non fuerit, alias narrationem in-  
choatam ad finem non perducit,  
alias tempora confundit, alias  
prorsus omittit res a fontibus nar-  
ratas,<sup>166</sup> in Polybio denique ver-  
tendo vel inscitia vel negligentia  
saepius eum errasse supra adnota-  
tum est. dissensiones, quae aciem  
non fugerant, enotat sua ipsius  
sententia satis raro interposita et  
quamquam 'frequentissime dubi-  
tat,'<sup>167</sup> alibi fontium rationibus  
haud minus improbabilibus imponi  
sibi patitur. quod si igitur caret se-  
veriore artis criticae exercendae  
methodo, quae apud veteres scrip-

tores perraro invenitur, et in 'vul-  
garia,' ut Gellius ait, 'traditione'  
fere acquiescens 'illa pro certo ha-  
benda' censet, 'in quibus non dis-  
sentiunt auctores,'<sup>168</sup> fidissimos re-  
rum gestarum testes, monumenta  
ac documenta interrogare aequae  
supersedet atque accuratissimos  
antiquitatis indagatores, antiqua-  
rios et grammaticos, Varronem  
prae ceteris, consultare. ingenuo  
tamen amore candidoque studio  
veri ita imbutus est, ut in univer-  
sum fides ei denegari nequeat, ac  
cum aliis scriptoribus se compa-  
rans iure suo profiteri potest, se  
nihil haustum ex vano velle quo  
nimis inclinent fere scribentium  
animi.<sup>169</sup> ex ipsa tamen illa ingenii  
eius indole sequitur, in singulis  
examinandis summam cautionem  
adhibendam esse cum in iis operis  
partibus, quae simplicem rerum  
gestarum narrationem continent,  
tum in iis quae ad geographiam,  
ad alienorum populorum histo-  
riam, ad ipsius rei publicae Roma-  
nae instituta et antiquitates, ad re-  
rum denique civilium ac militarium  
scientiam spectant,<sup>170</sup> ut recte a  
Friderico Lachmanno<sup>171</sup> observa-  
tum sit, Dantii laudationem<sup>172</sup> 'Li-  
vio che non erra' non omnibus  
magni operis partibus comprobari.  
nam omnibus disciplinis cum maxi-  
me commemoratis peculiarem ope-  
ram non intendit rhetor et philoso-  
phus a republica gerenda aequae  
alienus atque a sedula curiositate  
eas terras, quarum historia cum  
rebus Romanis aliquo modo con-  
iuncta erat, studiis atque itineri-  
bus perlustrandi et pervestigandi.

I, 3—5 coll. II, 609 sq., idem schol. hist. Rom.  
I, 45—57, Wachsmuthius *Ältere Gesch. des r.  
Staats* p. 32—43, Blumius *Einleitung in  
Roms alte Gesch.* p. 123 sqq. 146 sq., I. M.  
Soeltelius *T. Livius in seiner Gesch.* Monac.  
1832. 4., H. Ulrich *Charakteristik der antiken  
Historiographie* p. 120—125, du Closset es-  
sai sur l'historiographie des Romains jusqu'  
au siècle d'Auguste Brux. 1849 p. 230—274,  
Queckius l. ann. 100 l., Schweglerus hist. R.  
I, 103—115. II, 1, 10—13, F. D. Gerlachius  
*die Geschichtschreiber der Römer* Stuttg.  
1855 p. 133—143, C. G. Lewis l. ann. 75 l. I,  
44—47. 247—264 cf. p. 22. 71. 245, Tainius  
libro ann. 85. 162 l., alii, qui tantum non om-  
nes etiam hanc de fide auctoris quaestionem  
attigerunt.

165 cf. VIII, 18, 2 'Flaccum Potitumque  
varie in annalibus cognomen consulis inve-  
nio: ceterum in eo parvi refert, quid veri sit.'  
cf. V, 21, 9, etc. nec tamen in his sibi con-  
stat: nam alibi eadem fere sollicite quaerit,  
quae hic respuit cf. Lachmannum l. c. II, 102.

166 de omnibus his cf. Wachsmuthium l. c.  
p. 89 sqq., Lachmannum I, 85 sq. 96 sqq. II,  
61 sq. 75 sqq., Schweglerum hist. R. I, 112 sqq.

167 Quint. I. O. II, 4, 19.

168 III, 55, 8, quae verba ad singularem  
quandam rem pertinentia ad universam Livii  
rationem illustrandam possunt adhiberi.

169 XXII, 7, 4.

170 v. modo Niebuhrium hist. Rom. II,  
636 sq. coll. III, 187 sq. n. 293. et 233 n. 339  
schol. I, 48 sq., Tainium l. c. 68 sqq., Lach-  
mannum I, 105 sqq. II, 81. 84 sqq. 101., Schweg-  
lerum l. c. I, 106 sqq., Wachsmuthium l. c. p.  
33 sq.

171 l. c. II, 101.

172 inferno XXVIII. v. 12, ubi cf. ann. Bia-  
giolii in ed. Paris. 1818 et Philaethis. cf. An-  
tonium Beccariensem l. ann. 290 l.

Neque aliter in temporibus computandis videtur esse versatus.<sup>173</sup> meminimus velim, quod ipsum scriptorem supra iam audivimus de fastis per primordia certe rerum Romanarum recte ordinandis desperantem. 'tanti' inquit<sup>174</sup> 'errores implicant temporum aliter apud alios ordinatis magistratibus, ut nec qui consules secundum quosnam nec quid quoque anno gestum sit in tanta vetustate non rerum modo, sed etiam auctorum digerere possis.' sed ne per ea quidem tempora, ubi hae difficultates cesserunt, animo eum ad chronologicas rationes enucleandas satis attento fuisse, demonstrat et lib. XXVII, 35, 3, ubi aestate anni a. C. n. 207 Olympiae ludicra futura fuisse narrat, Ol. ut videtur<sup>143</sup> a. C. n. 208 designaturus,<sup>175</sup> et exempla a Lachmanno l. c. II, 95 sqq. allata. nec accuratae antiquitatis ex ipsis monumentis primariis indagacioni nec severiori artis criticae methodo Livium operam navasse supra vidimus: quid igitur mirum, si is, qui vel in una eademque re enarranda non semel alios aliis locis fontes sequitur, per longinquam annorum plus quam septingentorum seriem tot vitiis atque auctorum inter se dissensionibus turbatam nec certum quoddam systema, ut aiunt, chronologicum sit secutus? me quidem iudice nec Sigonius, quamvis summis laudibus a Niebuhrio<sup>176</sup> elatus, verum vidit, qui constantem quandam aeram Livianam ad a. u. c. 749 relatum enodare conatus est, nec Glareanus, qui obsequentibus praeter

alios olim Dodwello, nuper Petero aerae Catonianae asseclam Livium reddidit. mihi certe, ut de iis tantum annis loquar, qui uni Livio (praeterque annum 247 Cap. asseclae fere eius Cassiodoro) desunt nec annus aerae Cap. 247 librarium incuria omissus videtur nec anni Cap. 263. 264. 377. 444. 452 deficientes probare, Livium certas quasdam rationes chronologicas persecutum esse. cum enim Romae secundum eum annos ducentos quadraginta quattuor regnatum esse (I, 60), consularis igitur imperii initium, secundum fastos Capitolinos a. 244 assignandum, in a. u. 245 incidisse statuendum sit, decemviros a. u. 302 institutos esse dicit (III, 33), quo etiam secundum illos pertinent, quamvis interim consulatus a. 247. 263. 264 Cap. omiserit, primos vero tribunos militari potestate (III, 10) a. 310 tribuit = a. Cap. 309; tum annus Romae per Gallos captae Livianus 365 (V, 54 cf. VII, 1 et 18) est Capitolinus 363, quocum congrueret, quod coss. a. Liviani 400 (VII, 18) sunt Capitolini a. 398, nisi Livio deessent tribuni a. Cap. 377 a Diodoro XV, 71<sup>177</sup> nominati; tum binos annos Cap. 443 ac 444 et 451 ac 452 in singulos conflatos apud Livium videmus. quod per alteram decadem annos Cap. 484. 488 omiserit Livius equidem eo, quod a Cassiodoro omissi sunt, contendere non audeam: neglexit enim Cassiodorus et annum 556 hodieque apud ipsum Livium superstitem, conflavit annos 687 et 688; tres vero quartae decadis loci annorum numeros prae se ferentes ita corrupti sunt, ut certi quid de iis pronuntiare non liceat: annus enim, qui libris (XXXI, 1) est 478 (l. 488?), est Cap. 488, qui illis vel 541 (sic Bamb.) vel 540 (XXXI, 5) Cap. 553, qui 508 (l. 558?) illis (XXXIII, 54) 559; decadis vero quintae numeri aliquot ex lib. XXXXVII et XXXXVIII

<sup>173</sup> de chronologia Liviana praeter Glareani praesertim ac Sigonii scripta infra p. XXXVIII sq. comm. nominandi sunt Dodwello II. a Fabricio bibl. Lat. I, 279 ed. Ern. II., C. E. v. Trewen-Schröder fast. Rom. Liviani Gedan. 1675. 4, quos equidem non vidi, Niebuhrius h. Rom. II, 625 sqq., Idelerus Handb. d. Chronol. II, 169 sqq. F. Lachmannus l. l. I, 20. II, 94 sqq., Fasti cons. Capit. rec. Laurent p. 63 sqq., Peterus act. ant. Darmst. 1839, 625—637.

<sup>174</sup> II, 21, 4.

<sup>175</sup> v. Idelerum l. l. II, 170 quemquo l. Petavium coll. Lachmanno II, 95 ibique ann. 2.

<sup>176</sup> hist. R. II, 626.

<sup>177</sup> cf. chronographum a. 354 (anon. Norisianum) ap. Mommsenium comm. soc. lit. Sax. cl. ph. hist. I, 613.

periochis restitui possunt: a. 598 ad a. Cap. 600 referendus et anni ludorum Terentinorum 502 et 602 ad a. Cap. 604 et 504. in his annis definiendis Livius fortasse Valerium Antiatem secutus est coll. Censorino de d. nat. c. 17 p. 47, 7 Iahn ac mihi certe nec unum eundemque in chronologicis rationibus ordinandis fontem stricte secutus esse nec ubivis accuratam computationem instituisse videtur: eos certe qui accuratas rationes ratiocinationesque chronologicas ei voluerunt tribuere, varias artes ad systema qualequale procudendum adhibere opus fuit, quare equidem cum Idelero, Lachmanno, Laurentio varios hos annorum numeros per Livii libros dispersos ad unius aerae normam constanter servatam aptari posse nego.

Omnibus tamen fere his sive vitiiis sive defectibus pro candore suo ac modestia conscius sibi fuisse videtur Livius: non enim nisi raro sibi ipse diffidens sententiam suam de rebus dubiis proferre audet; sic ubi quaeritur quibus virtutibus inducti patres P. Scipionem in tota civitate virum bonorum optimum esse iudicarint, 'sicut proditum' inquit 'a proximis memoriae temporum illorum scriptoribus libens posteris traderem, ita meas opiniones coniectando rem vetustate obrutam non interponam'<sup>178</sup> ac simili loco<sup>179</sup> 'cuius' ait 'tandem ego rei praeter opinionem, quae sua cuique coniectanti esse potest, auctor sim?' 'id quod constat, nudum' ei 'videtur proponendum.'<sup>180</sup>

Sic etiam abstinuit fere a digressionibus, quae ad eas plerumque res eum deduxissent, quibus non satis imbutum eum fuisse cum maxime vidimus. quaestionem propositurus, quinam eventus Romanis rebus, si cum Alexandro foret bellatum, futurus fuisset, veniam fere petiit a lectoribus, nihil minus

quaesitum a principio operis sui videri posse dicens, quam ut plus iusto a rerum ordine declinaret varietatibusque distinguendo opere et legentibus velut deverticula amoena et requiem animo suo quaereret.<sup>181</sup> 'non ultra' igitur statuerat 'attingere externa nisi qua Romanis cohaerent rebus,'<sup>182</sup> iisdem, ni fallor, rationibus motus, quibus tamen id accedebat, quod Romanis externa comparanti operae pretium ei non videbatur ea perscribere.<sup>183</sup>

Ipsa tamen amoena illa quasi deverticula legentibus paravit orationes continuo rerum gestarum ordini interserens, quibus eatenus requiem animo suo quaesivisse videtur, ut fontibus interdum posthabitis genio in iis componendis indulgeret, quamvis hic quoque eatenus addictus annalium scriptoribus, ut locis ab illis indicatis eas insereret orationumque argumenta et ipsa ex uno alterove eorum, qui cum maxime ad manus ei essent, desumeret, singula tamen sive ex aliis fontibus sive ex ingenio adderet, demeret, immutaret.<sup>184</sup> ipsis vero his orationibus componendis atque exornandis Livii indoles atque ars erant aptissimae, id quod ipsos veteres recte agnovisse Quintiliani candidissimi ac peritissimi censoris iudicium probat, qui l. ann. 101 allato in contionibus Livium supra quam enarrari possit eloquentem vocat, ita quae dicantur omnia cum rebus tum personis accommodata esse. rhetorica vero Livii studia vel eo apparent, quod ceterum ipsis rerum do-

<sup>181</sup> VIII, 17, 1.

<sup>182</sup> XXXVIII, 48, 6.

<sup>183</sup> res Graeciae se spernere his ipsis certe verbis profitetur XXXV, 40, 1; 'ceterum Masinissa 'cum longe maximus omnium aetatis suae regum .. fuerit plurimumque rem Romanam iuverit, operae pretium videtur' auctori XXVIII, 29, 5 'excedere paululum ad narrandum, quam varia fortuna usus sit in amittendo recuperandoque paterno regno.'

<sup>184</sup> cf. Lachmannum l. c. I, 82. 119 sqq. II, 114 sqq., qui saepius in orationibus alios auctores secutum aliter res exponere Livium quam in ipsa historia docet I, 121, Tainium l. c. p. 126 sqq. 275 sqq.

<sup>178</sup> XXVIII, 14, 9.

<sup>179</sup> VI, 12, 3.

<sup>180</sup> III, 47, 5.

cumentis praeter annales conqui-  
rendis parum intentus, Catonis ta-  
men nonnullis certe orationibus  
usus est praeter eas, quae origini-  
bus inclusae erant,<sup>185</sup> et quod ac-  
curate cum de aliis, quae extabant,  
tum de P. Scipionis et Ti. Gracchi,  
quae ferebantur, orationibus re-  
fert;<sup>186</sup> ipsius tamen Scipionis ver-  
ba ad populum adversus tribunos  
plebis (vel adversus M. Naevium  
tr. pl.) facta, quae tradit Livius,<sup>187</sup>  
collata iis, quae inde profert Gel-  
lius,<sup>188</sup> docent, Livium, ut Henrici  
Meyeri verbis utar,<sup>189</sup> antiquita-  
tem et robiginem commutasse  
splendore atque ubertate orationis  
suae; genio vero in componendis  
orationibus eum indulsisse iam  
inde conicias, quod per orationes  
praesertim lectionis atque imita-  
tionis Graecorum scriptorum vesti-  
gia apparent:<sup>190</sup> cum poetarum  
Homeri, Hesiodi, Aristophanis,  
tum Demosthenis et Thucydidis.<sup>191</sup>  
quod vero oratorum primariorum  
Demosthenis ac Ciceronis lectio-  
nem ante omnia commendavit, id  
indicare videtur, et ipsum summa  
haec exempla non per singulos  
modo locos, sed per totam hanc  
operis sui partem imprimis secta-

tum esse. id certe non negandum  
est, orationes laetissimam ac flori-  
dissimam operis Liviani partem ef-  
ficere, cum ob limatam elegantiam  
sermonis, qui eam quam supra pro-  
posuimus indolem dictionis Livia-  
nae apertissime refert ac lucidis-  
sime, iam eo certissimum praebens  
argumentum, Livium non ipsa nec  
orationum nec annalium verba re-  
ferre, tum ob vividam atque accu-  
ratam, ubivis quidem conspicuam,  
sed in orationibus maxime eminentem  
morum descriptionem, qua  
'candidissimi omnium magnorum  
ingeniorum aestimatoris' laudem a  
M. Seneca ei tributam<sup>192</sup> non minus  
videtur meruisse quam illis quasi  
funebribus laudationibus, quas Li-  
vium, quotiens magni alicuius mor-  
tem narrasset, ante se omnibus  
praesertim et Thucydide et Sal-  
lustio benignius magnis viris prae-  
stitisse, iure suo adnotavit idem  
Seneca.<sup>193</sup> at orationes Thucydi-  
dis, Sallustii, aliorum historiis in-  
sertae multo benignius lucem ipsis  
rebus gestis afferunt quam Livia-  
nae. etiamsi enim id urgere nolu-  
mus, ex iis, quae antea disputata  
sunt, effici, fidem earum aliquanto  
minorem esse quam reliquarum  
operis partium,<sup>194</sup> orationes inpri-  
mis demonstrant, Livium psycholo-  
gicae eique et humanissimae et  
lenissimae hominum contempla-  
tioni et descriptioni aequae inten-  
tum fuisse atque eleganti flori-  
daeque rerum enarrationi: atque  
utrumque hunc scopum tam feli-  
citer assecutus est, ut ibi cardo, ut  
ita dicam, vertatur eius praestan-  
tiae, eadem vero orationes maxi-  
me probant a republica eum fuisse  
alienum: nam historiarum scripto-  
res quo magis ipsi in republica ver-  
sati sunt atque exercitati, eo cre-  
brius fere libentiusque orationibus  
utuntur ad nexum internum ner-  
vosque quasi subtiliores rerum  
gestarum lectoribus explicandos  
ac demonstrandos eoque ipso fere

185 cf. p. XXII. cum ann. 153; unam de  
lege Oppia orationem (XXXIII, 2 sqq.), quae,  
si omnino extabat (cf. tamen il. ab Henr.  
Meyero huc relatos orr. R. fr. p. 23 ed. alt.  
et Henr. Iordanum Iahnii ann. LXXIII, 390,  
ne Meyeri ed. priorem p. 91 et Lachmannum  
l. c. II, 18 n. 2 afferam), ei certe ignota fuit,  
Livius vel ipse confinxit vel ad historici ali-  
cuius exemplum expressit. v. Iordanum l. ann.  
153 l.

186 XXXVIII, 56.

187 ibid. 51.

188 N. A. III, 18, 3.

189 or. Rom. fr. p. 9 ed. alt. cf. etiam Ae-  
milli Pauli or. de rebus a se gestis ap. pop.  
Val. Max. V, 10, 2 cum Liv. XXXV, 41 coll.  
Meyero l. l. p. 157; plerumque tamen, ubi  
or. ab ipso auctore conscripta extabat, Li-  
vius eam praetermisit, quod recte animad-  
vertit Lachmannus l. c. II, 114.

190 documenta horum studiorum ab aliis,  
Victorio, Sigonio, I. F. Gronovio patefacta  
collegit et auxit Dobraeus advers. II, 379 sqq.  
passimque ibid.; de Hesiodo cf. Sigonii ann.  
ad lib. XXII, 29, 8 et bibl. crit. Amstelod. II,  
2, 49, quam l. Lachmannus I, 119.

191 Liv. VII, 30 coll. Thuc. I, 82 sqq. Liv.  
XXXV, 23, 15 coll. Thuc. I, 70, 3 ibique  
Duk. et Huds. (III, 1, 381 ed. Popp.)

192 v. l. ann. 102 l.

193 ibid.

194 cf. Lachmannum l. c. I, 115. II, 125.

nititur ratio historiae conscribendae, quae vocatur pragmatica — Livius orationibus suis et eos subtilissime depingit, quos loquentes inducit, et rerum statum in universum collustrat, ut sua ipsius sentiendi ratio quasi perluceat,<sup>195</sup> in arcana vero illa et adyta reipublicae, quae et ipsi praeclusa erant, lectorem introducere nequit.

Per se patet, his quae modo diximus, non negari, certam quandam reipublicae gerendae sectam normamque ab eo probatam esse.<sup>196</sup> his vero Livii ipsius rationibus adumbrandis pauca quaedam videntur esse praemonenda. postquam Augustus 'cuncta discordiis civilibus fessa nomine principis sub imperium accepit' res Romanae eo quidem paulatim immutatae sunt, ut ipsorum civium in re publica administranda partes imminuerentur, princeps vero ille prudens ac sollers imperii cruentati ac lacerati splendorem occaecatum ita restituit, ut non sine veri specie viri doctissimi<sup>197</sup> ad eum referenda esse censuerint conclamata illa verba Curtiana<sup>198</sup> 'proinde iure meritoque populus Romanus salutem se principi suo debere profitetur, qui noctis quam paene supremam habuimus, novum sidus illuxit. huius hercule, non solis ortus, lucem caliganti reddidit mundo, cum sine suo capite discordia membra trepidarent. quot ille tum extinxit faces, quot condidit gladios, quantam tempestatem subita serenitate discussit! non ergo revirescit solum, sed etiam floret imperium.' quae, utcumque res illa se habet, optime describunt temporum illorum condicionem,

quae 'post tot discrimina rerum' tam laeta fuit atque exoptata, ut quamvis libertate imminuta Romae ex tam exiguis primordiis ad hoc potentiae fastigium evectae, concordiae ac paci tam subito tandem aliquando redditae aspectus optimum quemque et ingeniosissimum sincero illo et genuino patriae amore imbueret atque impleret, quo et illius aevi poetas excellere videmus et Livium.<sup>199</sup> hunc in ipso librorum limine magnitudine operis suscepti impletum principis terrarum populi, cuius rerum gestarum memoriae pro virili parte et ipsum consuluisse iuvaturum sit, nomine exornantem Romanos videmus<sup>200</sup> ac paulo post<sup>201</sup> profitentem, si cui populo licere oporteat consecrare origines suas et ad deos referre auctores, eam belli gloriam esse populo Romano, ut cum suum conditorisque sui parentem Martem potissimum ferat, tam et hoc gentes humanae patiantur aequo animo quam imperium patiantur. post quae paucis interiectis sic pergit:<sup>202</sup> ceterum aut me amor negotii suscepti fallit aut nulla umquam res publica nec maior nec sanctior nec bonis exemplis ditior fuit nec in quam civitatem tam serae avaritia luxuriaque immigraverint nec ubi tantus ac tam diu paupertati ac parsimoniae honos fuerit: adeo quanto rerum minus, tanto minus cupiditatis erat. nuper divitiae avaritiam et abundantes voluptates desiderium per luxum atque libidinem pereundi pendendique omnia invexere.' et hunc patriae amorem, quem ipsa primor-

195 cf. Weissenbornium l. c. p. 41.

196 cf. quos l. Fabricius bibl. Lat. I, 293 sq. Ern., quibus addenda D. G. Hegewischii diss. über d. polit. Charakter d. Livius in eiusd. nov. collect. opusc. hist. I, 166 sqq. et F. X. Fröhlii comm. progr. gymn. Constantiensis a. 1851 inserta, die polit. Ansicht des röm. Geschichtschreibers T. Livius.

197 veluti Hirtius, C. T. Zumptius, alii, quos affert Muetzellius ed. suae Curtii maioris p. XLVIII sq.

198 X, 9, 3 sqq. (28).

199 facere non potui, quin fere repeterem, quae ingeniose et amabiliter, ut assolet, hac de re nuper disputavit K. Lehrsius pop. Aufsätze aus dem Alterthum p. 178 sq.

200 praef. §. 3. equidem hic et in proxime sequentibus consulto praefationis potissimum testimonio usus sum, quae nec pessimis totius operis partibus cum Niebuhr (schol. c. I, 48) adnumeranda est nec consilio manifesto destituta, quae sententia est Schwegleri hist. Rom. I, 106, v. modo Lewis l. c. I, 249 ann. 13.

201 ibid. §. 7.

202 ibid. §. 11 sq.



dia spirant, ubivis et tacite totius operis habitu ac fine et expressis verbis, ubicumque se offerebat occasio, probavit, sicuti etiam Patavii, urbis patriae, vel in ipso operis limine mentionem non sine studio quodam videtur iniecissee.<sup>203</sup> ac negari nequit, ipso hoc Romani nominis amore abreptum Livium passim paulo cupidius partes Romanas sequi: in universum tamen nec adversus hostes iniustus est, et Romanorum iniurias adversus eos commissas alibi quidem vel reticet vel imminuere studet, alibi vero ingenuè sane fatetur.<sup>204</sup> ita nec reliqua Romanorum vitia ignorat, praesertim ea, quae 'labente' demum 'paulatim disciplina' sese insinuarunt: 'ad illa' inquit<sup>205</sup> 'mihi pro se quisque intendat animum, quae vita, qui mores fuerint, per quos viros quibusque artibus domi militiaeque et partum et auctum imperium sit; labente deinde paulatim disciplina velut desidentis primo mores sequatur animo, deinde ut magis magisque lapsi sint, tum ire coeperint praecipites, donec ad haec tempora, quibus nec vitia nec remedia pati possumus, perventum est.' vetustas res scribenti ipse animus ei fiebat antiquus:<sup>206</sup> a conspectu malorum, quae sua tot per annos vidit aetas tantisper certe, ut supra commemoravimus, dum prisca tota illa mente repetit, se aversurus est:<sup>207</sup> 'hanc' inquit 'modestiam aequitatemque et altitudinem animi ubi nunc in uno inveneris, quae tum populi universi fuit';<sup>208</sup> veterissimae simplicitatis, parsimoniae, roboris, prudentiae civilis sincerus admirator suae aetatis luxuriam, divitias, de-

bilitatem conqueritur,<sup>209</sup> belli etiam tunc alterius Punici aetatem enarrans alta voce clamat:<sup>210</sup> 'eludant nunc antiqua mirantis: non equidem, si qua sit sapientium civitas, quam docti fingunt magis quam norunt, aut principes graviores temperantioresque a cupidine imperii aut multitudinem melius moratam censeam fieri posse.' quae non impediunt, quominus cum data occasione principum, praesertim patriciorum cum plebe pugnantium, superbiam atque arrogantiam vituperet tum saepius atque acerbius multitudinis levitatem atque inconstantiam castiget: ipsa vero illa vituperatio docet, Livium hic quoque veritatis ac fidei studiosum fuisse, quamvis negari nequeat, eum in universum a partibus olim patriciorum, deinde optimatum stare eorumque rebus favere. id ipsum etiam eo elucet, quod 'Gnaeum Pompeium tantis laudibus tulit, ut Pompeianum eum Augustus appellaret,'<sup>211</sup> sicuti p. VIII memoratum est: idem tamen documento est, Livium quamvis Augusti amicum<sup>212</sup> longe afuisse a praepropera illorum festinatione, quibus prae lucidis sideris Iulii splendide orientis radiis liberae reipublicae memoria tenebris obducta videretur quique, 'postquam bellatum apud Actium atque omnem potentiam ad unum conferri pacis interfuit,' 'ruere in servitium.' desunt quidem nobis eae operis Livianae partes, quibus suae aetatis ac proxime praecedentis res enarratae erant: at quae de M. Catone Uticensi,<sup>213</sup> quae de

<sup>203</sup> I, 1 cf. etiam X, 2 eodemque aliquatenus pertinet auguris illius Patavini mentio, p. VIII. cf. adn. 38 commemorata. de patriae hoc amore Liviano cf. imprimis Lachmannum l. c. I, 88 sqq. II, 67 sq. coll. I, 76.

<sup>204</sup> vide exempla a Soeltello l. c. p. 6 sqq. allata.

<sup>205</sup> praef. §. 9.

<sup>206</sup> XXXIII, 13, 2.

<sup>207</sup> praef. §. 5.

<sup>208</sup> III, 6, 12.

<sup>209</sup> veluti praeter II. praef. cum maxime II. VII, 25, 9 deque rebus scenicis ibid. 2, 13.

<sup>210</sup> XXVI, 22, 14.

<sup>211</sup> Tac. ab exc. d. Aug. III, 34.

<sup>212</sup> ibid. cf. p. VIII sq.

<sup>213</sup> ap. Hieron. prol. lib. II. in Hoseam, Liv. fr. p. 806 Drb., fr. 45 p. XII sq. Wssb.: 'cuius (Catonis) gloriae neque profuit quisquam laudando nec vituperando quisquam nocuit, cum utrumque summis praediti fecerint ingeniis. significat autem M. Ciceronem et C. Caesarem, quorum alter laudes, alter vituperationes supra dicti scripsit viri.'

ipso C. Iulio Caesare<sup>214</sup> dixit, demonstrant, satis libera lingua eum locutum esse; nec ei, qui 'numquam nisi honorificentissime Pompeium appellat,'<sup>215</sup> vitio vertemus, si debitis laudibus etiam Augustum principem atque amicum prosequitur, a quo 'post bellum Actiacum' pax 'terra marique parta' erat,<sup>216</sup> 'templorum omnium conditorem aut restitutorem.'<sup>217</sup>

Hae vero laudes certe sincere erant: nam Livius, vir a partibus reipublicae alienus, literis atque otio deditus, discordiarum civilium finem haud minus exoptasse censendus est quam templis conditis et restitutis laetatus esse tanquam luculento atque efficaci pietatis erga deos redeuntis documento. erat enim vir priscae, ut verbo Apuleiano uti liceat, 'religiositatis,'<sup>218</sup> simplici quadam ac nativa pietate praeditus, ut eadem aetate, qua plerique sane parci deorum cultores essent et infrequentes, maiorum erga deos reverentiam piis laudibus extolleret,<sup>219</sup> vel prodigiorum sedulus enarrator, quamvis a prava religione ac superstitione fere alienus.<sup>220</sup>

Hoc vero 'praecipue in cognitione rerum salubre ac frugiferum' ei esse videtur, 'omnis te exempli documenta in inlustri posita monumento intueri: inde' inquit<sup>221</sup> 'tibi quod imitere capias, inde foedum inceptu, foedum exitu quod vites.' quamvis igitur raro data

214 Sen. nat. quaest. V, 18, 4, Liv. fr. p. 807 Drb. fr. 48 p. XIII. Wssb.: 'quod de Caesare maiore vulgo dictitatum est et a Livio positum, in incerto esse, utrum illum magis nasci reipublicae profuerit an non nasci, dici etiam de ventis potest.'

215 sunt verba Ciceronis ad fam. VI, 6, 10 de Caesare loquentis.

216 I, 19, 3.

217 III, 20, 7.

218 cf. Queckium *Beiträge zur Charakteristik des Livius* (I). Sondershus. 1847. de superstitione Livii saepe olim in utramque partem disputatum est v. quos l. Baehrius hist. lit. Lat. §. 220 n. 26, II, 100 ed. tert.

219 cf. imprimis II. a Soeltelio l. c. p. 14 allatos.

220 v. modo I, 31, 6 XXVII, 28, 2 cf. XXIII, 10, 6.

221 praef. §. 10.

opera continuae rerum gestarum seriei aut iudicia sua de hominum rerumque pretio aut praecepta communesque, qui vocantur, locos immisceat, tamen cum ipsius narrationis colore habituque tum orationibus insertis ita sententiam suam patefacit, ut facili negotio dignoscatur, quae pulcra bonaque, quae prava ac foeda ipsi visa sint, quae aequalibus imitanda, quae spernenda esse censeat.

Quae omnia longius enarrarem, nisi cum fines huius prolusionis coartandi esse viderentur ipsa emendationis fundamenta, quibus et haec editio et crisis Liviana universa nititur, pro operis propositi ratione paulo diligentius explicaturo, tum unaquaeque fere operis Liviani pagina documenta eorum praeberet. quodsi vero quae hucusque disputata sunt uno quasi obtutu oculis subicimus, non dubitabimus affirmare, Livium annales priscos, inde a Q. Fabio Pictore usque ad aetatem Sullanam sese invicem fere excipientes, non tantum 'dias in luminis oras' reduxisse, sed ethico, ut ita dicam, fundamento substructo ieiunas illas atque incomptas rerum a Romanis gestarum enumerationes potius quam enarrationes omnibus artis scribendi ac sermonis interim adaucti purgatique instrumentis dextre gnaveque adhibitis 'laetas' atque 'amabiles'<sup>222</sup> reddidisse. nec defuit piaestrenuaeque operae eventus. nam etiamsi maxima operis immensi pars periit, hodieque duobus fere annorum milibus praeterlapsis Livius, quatenus disiecta eius membra servata sunt, non tantum, id quod Quintilianum<sup>223</sup> aequalibus suis commendasse vidi-mus, tamquam candidissimus et maxime expositus a pueris legitur, sed omnibus rerum Romanarum sive studiosis sive peritis deliciarum ac studiorum fontem praebet perennem atque inexhaustum.

222 Lucr. I, 22 sq.

223 l. ann. 105 l.



Totum vero opus quominus integrum ad saecula posteriora propagaretur nec Caligulae nec Domitiani odium impedivit, quorum ille et de Homeri carminibus abolendis cogitavit: 'et Vergilii ac Titi Livii scripta et imagines paulum astitit, quin ex omnibus bibliothecis amoveret, quorum alterum ut nullius ingenti minimaeque doctrinae, alterum ut verborum in historia negligentiamque carpebat,'<sup>224</sup> hic Metium Pomposianum cum alias ob causas tumideo interemit, 'quod contiones regum ac duorum ex Tito Livio circumferret.'<sup>225</sup> nam, ne perioclas afferam, quarum nec auctor nec aetas potest constitui,<sup>226</sup> Avienus teste Servio ad Verg. Aen. X, 388 coll. 272 totum Vergilium et Livium iambis scripsit hodieque omnium fere totius operis partium vestigia apud scriptores tertii, quarti, quinti, sexti p. C. n. saeculi invenimus. ubi ubi vero accuratior loci alicuius affertur notitia libri numerus additur ab ipso Livio, ut supra vidimus, constitutus, decadem autem mentio non ante Gelasii a. 492—496 pontificis max. adversus Andromachum epistulam adicitur,<sup>227</sup> qui 'Lupercalis autem' ait 'propter quod instituta sunt quantum ad ipsius superstitionis commenta respectant, Livius secunda decade loquitur.' at primores certe decem libros centum fere ante Gelasium annis in unum corpus coniunctos fuisse docet recensio Victoriana cum maxime accuratius pertractanda, ad Livium tamen ipsum hanc operis distinguendi rationem cum Nie-

buhrio<sup>228</sup> referendi argumenta idonea non cognovi nec magis Lerschii,<sup>229</sup> qui vel quinos vel denos libros, prout argumenti rationes poscerent, coniunctum a Livio editos esse censebat, arripit sententia per libros servatos satis speciosa ab auctore defensa: nam, ut omittam, hanc quinquorum denorumve librorum edendorum vicissitudinem arbitriariam atque incompositam parum probabilem videri, ipsa haec ratio posterioribus libris, ut mihi quidem videtur, haud ubique potest aptari. grammaticos vero iam primo p. C. n. saeculo Livio manus admovent Quintilianus testatur, qui<sup>230</sup> 'T. Livius' ait 'hexametrix exordio coepit "facturusne operae pretium sim." nam ita edidit estque melius quam quomodo emendatur,' eademque aetate studia Liviana viguisse, ne Metium Pomposianum iterum afferam, Plinius minor docet narrans,<sup>231</sup> se duodevicesimum annum agentem Titi Livii librum imminente illa ignium Vesuvianorum eruptione, quae avunculo mortem tulit, quasi per otium legisse atque etiam, ut coepissent, excerpisse, et Martialis, qui<sup>232</sup>

'pellibus exiguis' inquit 'artatur Livius ingens, quem mea non totam bibliotheca capit.'<sup>233</sup>

studia vero ulteriora in ipsa emendatione posita per primam decadem accuratius dignoscere licet. haec ad priorum grammaticorum emendationes sese applicuisse, ipsa verba modo allata docent in optimis huius recensioneis libris sic scripta: 'facturusne sim operae pretium.' ipsius vero huius recensioneis ve-

<sup>224</sup> Suet. Cal. 34.

<sup>225</sup> Suet. Dom. 19. Xiphilin. ex Cass. Diose LXVII, 12.

<sup>226</sup> v. O. Jahnii praef. ed. perioclarum p. VIII.

<sup>227</sup> ep. Baronian annal. aed. a. CCCXCIV. num. XXXV. (inducit ep. Drakenborchium XV. l. 612. apud Weissenburgium fr. 63 p. XV.), apud Manutium concil. exa. VIII. 25 sqq. Iustus regent. pont. Rom. hanc ep. commemorat ad a. 492—496 p. 66 n. 462. Ignavia legentium opus Livianum in decadas distributum esse censuit Fr. Petrarca in ep. ad Boccacium.

<sup>228</sup> schol. comm. I. 46 sq.

<sup>229</sup> röm. Bibliothek p. 26 sq. in Mus. des Rhein. u. Steph. Schuldenreueins III, 191 sq.

<sup>230</sup> I. O. VIII. 4, 74.

<sup>231</sup> ep. VI, 20, 1.

<sup>232</sup> epigr. XIII, 199.

<sup>233</sup> Iulium Maximum, Statianumque, ipse et Gallus et Livii opera in breve coegit ex verbis Statiani silv. III, 7, 84 sqq. viros doctos dictionis poeticae nimis insursum collegisse arbitror.

stigia ex librorum manuscriptorum subscriptionibus post alios<sup>304</sup> illustrarunt L. Lerschius,<sup>305</sup> G. B. de Rossi,<sup>306</sup> O. Iahnus,<sup>307</sup> qui ex codicum lectionibus saepe sive mutis sive corruptis genuinam hanc subscriptionum formam elicit:

Nicomachus Flavianus v. e. III.  
praefect. urbis emendavi apud  
Hennam.

Nicomachus Dexter v. e. emenda-  
vi ad exemplum parentis mei  
Clementiani.

Victorianus v. e. emendabam  
domnis Symmachis,

quarum tamen subscriptionum sola tertia omnibus primae decadiis libris subscripta invenitur, cum prima ad calcem librorum VI. VII. VIII, cum altera pone lib. III. IIII. V coniuncta, ut uterque Nicomachus ternos tantum libros, Victorianus universam decadem emendavisse videatur. ipsum vero Q. Aurelium Symmachum his studiis intentum fuisse ex epistula quadam eius ad Valerianum scripta<sup>308</sup> elucet, ubi 'munus' ait 'totius Liviani operis, quod sponendi, etiam nunc diligentia emendationis moratur' nec proxima aetate Livii lectionem neglectam esse supra significavimus. quae tamen aetas arctioribus finibus definienda esse videatur. nam a Prisciano usque ad Ioannem Sarisberiensem et ipsum libros modo hodieque servatos excitantem nusquam locos Livianos ex ipso fonte haustos legi auctor est Niebuhrius.<sup>309</sup> in cuius auctoritate mihi in scriptoribus medii aevi haud ita versato acquiescendum fere est. quae enim Iordanes<sup>310</sup> de Britannia Livio refert auctore, ea vereor ne referenda

sint ad Taciti Agricolae cap. 10,<sup>311</sup> ubi Livius et ipse laudatur. a Prisciano tamen paulo ultra progrediendum esse arbitror et ex loco quodam Ionae, abbatis Bobienensis saec. VII, qui in vita S. Columbani<sup>312</sup> 'ut Livius inquit' ait 'nihil tam sanctum religione tamque custodia clausum, quo penetrare libido nequeat,' nisi ipsa haec verba aliunde translata esse demonstrabitur, et ex scholiis Lucani cod. Voss. VII, 471, Voss. Berol. C. X, 471, eorundem et Guelferbytani X, 521, quae probare videntur belli civilis libros. certe lib. CXI. et CXII, Vaccae ad manus fuisse, quem ad saeculum sextum olim a se relatum postea vel quarto vel etiam tertio aenulo assignavit C. F. Weberus;<sup>313</sup> at Vaccam Isidori originum libros expilasse equidem pro explorato habeo.<sup>314</sup> historiae vero miscellae locus,<sup>315</sup> ubi Claudius, Valerius Antias, Polybius deinceps afferuntur, cum aliis eiusdem historiae ad Livium quidem est relatus a Bayero<sup>316</sup> quique eum sequitur Lachmanno<sup>317</sup> et revera a Livio haustus est:<sup>318</sup> at in ipsam historiam miscellam locus ille illatus est ex Orosio V, 8 eodemque reliqui loci a Bayero significati referendi sunt.

Saeculi vero septimi initio vel praecedentis exitu Gregorius primus pont. max. a 590—604 incendio dedisse fertur bibliothecam

<sup>304</sup> sic etiam H. de Sybel de fustibus libri Iordanis lib. p. 18; alibi ex ipso Livio Iordanes videtur haustae veluti Wexel protulit in Tac. Agric. p. 23.

<sup>305</sup> Dehse opp. III, 301 ad. Colon.

<sup>306</sup> v. ed. Loe. cum not. vol. Gressl III, 1431 p. IV sqq. *Allg. Schulzeitung* 1881 II, 208—211; *ibid.* lect. Marb. aest. 1880 p. 15.

<sup>307</sup> eandem sententiam, alibi fortasse a me probandam, Isidorum a scholiasta Lucani excerptam esse, non ex scholiis haustae et Oudendorpius protulit (ad Phars. I, 1 et praesim.) et F. G. Otto in act. ant. Darmst. 1856, 209, qui tamen Vaccam saeculo sexto assignat *ibid.* p. 310. locis supra commemoratis, qui ex Livio hausti sunt, alios coniectura addit *ibid.* p. 318 sqq.

<sup>308</sup> Muratori scr. rer. Ital. I. p. 28.

<sup>309</sup> *Facti Achaiei Illustrati*: contin. arad. Petrop. V, 447.

<sup>310</sup> l. c. II, 10 n. 2.

<sup>311</sup> cf. de Meerpert de Gressl vita etc. p. 132.

<sup>304</sup> v. Iahnus l. sup. 307 laudando p. 285.

<sup>305</sup> l. sup. 306 l. p. 27 (268) sqq.

<sup>306</sup> in eodem de inscr. honoraria Nicomachi Flaviani ann. hist. arch. Rom. XXI, 303—361, ubi cf. *in primis* p. 308 sqq.

<sup>307</sup> *neut. soc. III. Sax. cl. phil. hist. a. 1851* p. 235 sqq.

<sup>308</sup> *Symm. opp. VIII, 12.*

<sup>309</sup> *schol. eodem. I, 67.*

<sup>310</sup> de origine eorumque Gutarum c. 2.

quandam Romanam gentilem, quam omnes scriptores, qui hoc incendium attigerunt,<sup>249</sup> Palatinam fuisse arbitrati sunt Ioannis Sarisberiensis verbis nisi, qui<sup>250</sup> 'ut traditur' ait 'a maioribus, incendio dedit' Gregorius

'Scripta Palatinus quaecumque tenebat Apollo.

in quibus erant praecipua, quae coelestium mentem et superiorum oracula videbantur hominibus revelare.' me vero iudice h. l. Sarisberiensis in universum tantum significasse videtur bibliothecam quandam auctorum paganorum a Gregorio esse incensam, versu scilicet Horatiano<sup>251</sup> leviter immutato ad ipsas literas gentiles designandas usus. quod si vero revera bibliothecam Palatinam designaturus erat Sarisberiensis, sibi ipsi, id quod recte animadvertit Tiraboschius,<sup>252</sup> contradixit; nam alio quodam loco<sup>253</sup> narrat, flagitia regis, Commodi sc., poenam urbis insecutam esse: 'nam fulmine' inquit 'Capitolium ictum, ex quo facta flammatio, bibliothecam illam maiorum cura studioque compositam aedesque alias iuxta sitas rapaci turbine concremavit.'<sup>254</sup> fertur ta-

men beatus Gregorius bibliothecam combussisse gentilem, quo divinae paginae gratior esset locus et maior auctoritas et diligentia studiosior. sed haec sibi nequaquam obviant, cum diversis temporibus potuerint accidisse.' hic certe non de Palatina, sed de Capitolina quadam, si dis placet, bibliotheca sermo est,<sup>255</sup> Sarisberiensis vero quin utroque loco idem incendium indicare voluerit equidem non dubito; accedit quod Palatinae bibliothecae usque ad Gregorii tempora propagatae nullum praeterea extat vestigium; sic utraque quidem narrationis forma, si priore revera bibliothecae Palatinae incendium indicatur, apocrypha, ut verbo utiliceat, mihi esse videtur. at inde non sequitur, Gregorium nullos paganorum libros incendio dedisse: immo recte Blumius et Marggraffius<sup>256</sup> ll. supra ll. narrationis istius summam eatenus defendunt, ut revera auctores quosdam gentiles cremandos iusserit Gregorius — ipseque Sarisberiensis, ut vidimus, altero fortasse loco ab hac explicatione ita tantum recedit, ut numerum librorum concrematorum verbis illis poetae Venusini in usum vocatis nimis extollat. nec per se incredibilis est Antonini, archiepiscopi Florentini Cosmo I. Mediceo aequalis, narratio ad Ioannis Dominici cardinalis (archiepiscopi Ragusani per annos 1408—1419) testimonium provocans,<sup>257</sup> 'quod omnes libros, quos potuit habere Titi Livii comburi fecit' Gregorius, 'quare ibi multa narrantur de superstitionibus idolorum,' certa tamen ac fide digna auctoritate destituta, ut ex ipsa illa incendii a Ioanne Sarisberiense relati memoria profluxisse merito viris doctis visa sit.<sup>258</sup>

<sup>249</sup> v. modo Silv. Luersenum de templo et bibl. Apoll. Palatin. Franeq. 1719 p. 230 sqq. Baylium dict. hist. et crit. s. v. Grégoire I. t. II, 598 sq. ed. Bas. a. 1738, qui nullis, Heerenium *Gesch. d. class. Litt. im Mittelalter* I. (hist. Werke III.) 80 sq., qui paulo levioribus argumentis Sarisberiensis narrationem addubitatur, neutroque accuratorem G. I. Th. Laulum *Gregor I. der Grosse nach seinem Leben u. seiner Lehre geschildert* Lips. 1845 p. 11; sobrio rectoque iudicio totam hanc quaestionem attigerunt Fr. Blumius *itin. Ital.* I, 27 sq. n. 38 et E. W. Marggraffius de Gregorii M. vita diss. Berol. 1845 p. 15 sq.; eius qui nuper de Gregorio eiusque aetate scripsit Pfahler *librum* (Francofurti ad M. a. 1853) inspicere non potui.

<sup>250</sup> de nug. cur. II, 26 extr. p. 123 ed. Lugd. Bat. a. 1639.

<sup>251</sup> epp. I, 3, 17.

<sup>252</sup> hist. lit. Ital. tom. III. lib. II. cap. II. §. X. p. 98 ed. Moden. a. 1773, qui cf. p. 89 sqq. §. VII sqq. de tota hac re contra Bruckerum fuse disputans.

<sup>253</sup> *ibid.* VIII, 19 p. 646.

<sup>254</sup> haec hausit Sarisberiensis ex Oros. VII, 16, qui sua h. l. ex Hieronymo desumpsit v. de Moerner l. cum maxime l. p. 63. 164.

*Livi vol. I.*

<sup>255</sup> cf. Beckerum *ant. Rom.* I. p. 394 n. 765.

<sup>256</sup> is tamen immerito Schroeckhium vituperavit, locum libri VIII Policratici ad Capitolinam quandam bibliothecam referentem.

<sup>257</sup> Anton. summa theol. p. IV. tit. XI. c. III. §. III.

<sup>258</sup> cf. modo Lewis l. l. I, 264 n. 48. eodem

Eorum qui nobis supersunt librorum manu scriptorum nullus Gregorii aetatem anteit, si forte lacera illa libri XCI. in cod. Palatino bibl. Vatic. rescr. XXIV. fragmenta, quamquam ne horum quidem aetas satis stabilita est,<sup>259</sup> et cod. capit. Veronensis XXXVIII librorum III—VI reliquias excipias; harum reliquiarum notitia debetur Fr. Blumio,<sup>260</sup> qui specimen variae lectionis inde excerpsit ad lib. III. caput 29 sq. pertinens, scripturae aetatem haud accuratius defini- vit.<sup>261</sup> codicum vero superstitum Gregorio fere aequalis esse vide- tur cod. olim Larishamiensis, nunc Vindobonensis librorum XLI—XLV, qui sexto p. C. n. saeculo a iudicibus harum rerum peritissimis adsignatur, eodem paulo posterior bibl. imp. Parisinae cod. Puteaneus decadis tertiae. cum vero singuli codices singulas fere decadas com- plectantur, in ulteriore textus, quem vocant, historia per librorum mss. seriem continuanda<sup>262</sup> singu- lae decades singillatim pertractan- dae sunt.

Primae ergo decadis<sup>263</sup> reliquiae antiquissimae sunt folia Veronen- sia. si ex exiguo illo lectionis spe- cimine a Blumio proposito argu- mentum capere licet, is liber, quo folia haec pertinebant, ab optimo- rum codicum nostrorum scriptura satis longe recessit: cum tamen sa-

referendus est novicius quidam nuntius de Ci- ceronis libris a Gregorio combustis, de quo Tiraboschium l. l. laudasse sufficiat.

259 v. Niebuhril ad Cic. orr. fragm. etc. praef. p. 18 sqq.

260 mus. Rhen. Niebuhrian. II. 1828 p. 336—343.

261 folia nonnulla Livii rescripta Bobien- sia a de Vesmio detecta esse Haenellius nar- ravit in *Krit. Jahrb. f. deutsche Rechtswis- senschaft* 1844 II. p. 1058.

262 cf. Drakenborchii syllabus codd., qui- bus in Livio recensendo usus sum, XV, 1, 613 sqq. ed. Stuttg.; Alscheffskium *über die krit. Behandlung der Geschichtsbücher des T. Livius* Berol. 1839. 4 collatis eiusdem praefationibus et ad lib. XXX editionem et ad singula ed. librorum Livianorum maioris vo- lumina,

263 cf. Weissenbornium in Iahnii ann. XXXV, 356 sqq. XXXVIII, 243 sq. Heerwa- genium nunt. d. Monac. XVI. n. 80 sq. XIX. n. 132 sq.

tis neglegenter scriptum esse ex multis scripturae vitiis appareat, ex parvis reliquae variae lectionis per tam exiguum particulam ex- cerptae vestigiis certum de ea, quae inter hunc et reliquos codices mss. obtinet ratione iudicium pro- ferre haud ausim, quamvis mihi quidem emendationem Victoriane- am sapere non videtur. multo mi- nus constat de cod. primae huius decadis Askewiano, quem literis uncialibus scriptum a se visum esse in epistula Amstelodami d. VIII. m. Iul. a. MDCCXXXIX. ad Ioan- nem Iacobum Reiskium data nar- rat Io. Steph. Bernardus, medicus literarum elegantiorum peritus.<sup>264</sup> hunc librum in bibliothecam Tay- lorianam ex Askewiana migrasse Alscheffskio compertum fuisse vi- detur,<sup>265</sup> equidem bibliothecae As- kewianae manuscriptae<sup>266</sup> inspi- ciendae facultatem nancisci non potui nec meliore successu ipsius codicis per Angliam vestigia a me rogatus dum in illis regionibus mo- raretur anquisivit vir eruditissi- mus Carolus Pertzius. multo magis nec tamen satis notus est alter co- dex, nunc ipse vel latens vel amis- sus, quem Reinhardo a Ritpur, ec- clesiae Vormaciensis decano, ex bibliotheca illic publica acceptum refert Beatus Rhenanus,<sup>267</sup> ad li- bros huius decadis primores sex — desinunt enim eius adnotationes in lib. VI. c. 28 §. 7 — emendandos praeclare hoc libro usus.<sup>268</sup> perti- nuit autem is, quod recte ex Rhe- nani adnotationibus ad Liv. I, 44, 4; II, 30, 4; 36, 3 collegit Drakenbor-

264 Ioh. Iac. Reiskens v. ihm selbst aufge- setzte Lebensbeschreibung p. 348 sq.

265 praef. ed. Livii II. p. XII.

266 bibl. Askewiana ms. auct. vend. m. Mart. 1785. Lond. 1785.

267 cf. eius ad Liv. I, 20, 2; VI, 1, 2 et ad Tac. ann. VI, 37 adnotationes et Draken- borchii praef. XV, 1, p. LV sqq., ubi p. LVII alterius cod. a Rhenano in usum vocati men- tio incitur, p. LXI sq. duorum codd. a Ge- lenio adhibitorum.

268 librum in fine mutilum primis quoque duobus ternionibus caruisse queritur Rhenanus ad Liv. I, 20, 2, unde adnotationes eius incipiunt.

chius,<sup>269</sup> ad libros ex Victoriani Nicomachorumque recensione prognatos, unde praeter fragmenta Veronensia, de quibus nondum satis constat, primae decadis libri quotquot enotuerunt omnes originem ducunt, plerumque ipsis subscriptionibus superstitionibus testatam. dolendum tamen est, illam recensionem non satis accurate confectam esse, ut ex ipsius archetypi scriptura male ac negligenter lecta multi errores in exemplar Symmachianum indeque in exemplaria nostra sese insinuarint. accedit, quod haec et male aucta sunt variis lectionibus glossisque ex primario illo codice, ubi inter lineas et ad marginem adscriptae erant, inter ipsa scriptoris verba receptis, et male imminuta singulis verbis totisque sententiis inter scribendum oculorum plerumque errore a librariis omissis. suo igitur iure Niebuhrius:<sup>270</sup> *'wir hängen bei der ersten Decade an dem Faden eines einzigen Urexemplars, dessen Text durch eine sehr leichtfertige Recension angeordnet ist.'* ex huius igitur ipsius recensionis vestigiis per libros mss. propagatis illius archetypi forma artis criticae opera eruenda et restituenda est. ipsius vero huius archetypi emendatio interdum quidem, ubi depravationis causa indagari potest, feliciter procedere poterit — in universum hunc terminum certa artis lege vix transgrediemur.

Recensionem vero hanc ex libris hodie superstitionibus optime servat cod. Mediceus bibl. Flor. Laur. plut. LXII, 19 membranaceus saec. XI, de quo post Bandinium egit Alschevskius praef. Liv. I, p. X sq. huius codicis, qui cod. Vormaciensi fere gemellus est, pretium recte agnovit I. F. Gronovius. at illius libri Vormaciensis lectiones cum a Rhenano non ea, quam hodie in veterum libris excutiendis exigimus accurratione enotatae sint,

nunc in prima decade Liviana recensenda Mediceus liber solus pro fundamento habendus est, a quo secundum rectum Mauricii Hauptii iudicium, mus. phil. I, 474 prolatum, nisi necessitate cogente numquam recedendum est. cuius libri nec Gronovio, ut diximus, nec Drakenborchio ignoti plena tamen notitia Alschevskio demum debetur eiusdemque viri studiosa diligentia alter primae huius decadis Livianae fons reclusus est cod. bibl. imp. Paris. 5725, olim Colbertinus,<sup>271</sup> qui quamvis in plerisque cum Mediceo conspirans originem tamen ducere videtur ex alio recensionis Victorianae exemplari, quod Medicei archetypo paulo inferius erat. ad librum hunc Parisinum proxime accedunt duo alia exemplaria, Bambergense alterum, alterum Einsidlense, quorum illud diligenter nuper descriptum et per librum I. collatum est in prolusione scholastica gymnasii Baruthini a. 1856 ab H. W. Heerwagenio, hoc viris doctis Orellii opera primum innotuit.<sup>272</sup> huius codicis<sup>273</sup> collatio a Mauricio Hauptio accuratissime instituta et Weissenbornio nuper in libris his recensendis affuit et meo usui viri egregii liberalitate concessa est. ad ipsam hanc cod. Parisini familiam pertinet cod. Helmstadiensis I, cuius lectionibus ex soc. Ienensis Lat. novorum actorum vol. I. desumptis Stuttgartiana Livii Drakenborchiani editio aucta est. Reliquorum codicum a Drakenborchio in usum vocatorum, qui ad Mediceum propius accedunt, quamvis nullus eorum nec ex ipso nec ex archetypo eius descriptus est, optimus est Harleianus primus librorum octo priorum quamvis crebris omissionibus foedatus, ad quem proxime accedunt Leidensis primus quique

271 cf. Alschevskius I, XIII sq.

272 in Seebodii nov. ann. I, 1831, 396 sqq.

273 saec. IX. esse dicitur in catal. mss. Einsidlensium ap. Haenelium catal. lib. mss. p. 663 n. 218, est vero variis saec. X. manibus scriptus teste Hauptio; continet praef. et lib. I, 1—28, 2; IIII, 30, 14 — VI, 36, 3 cf. adn. crit. ad hos ll.

269 l. I. p. LVI sq. cf. Iahnium l. ann. 237 l. p. 335.

270 hist. Rom. II, 207 cf. Clc. orr. fr. etc. p. 82.



cum eo maxime congruit cod. bibl. monast. S. Marci Florentinus ab I. F. Gronovio passim in usum vocatus, saec. ut videtur XII, cuius memoriam nuper suscitavit Henricus Keilius.<sup>274</sup> qui cum Florentiae hunc codicem sollertissime, ut assolet, contulisset, varias lectiones a se excerptas humanissime mihi commodavit. his libris addendus fere, quamvis paulo posthabendus, videtur Vossianus primus. ceteri vero codices, quorum notitia accuratior ex editione Drakenborchiana l. ann. 262 l. peti potest, tantum non omnes his inferiores sunt et vel foede depravati vel foedius interpolati.<sup>275</sup>

De reliquarum decadam subsidiis criticis in singulorum huius editionis voluminum praefationibus fusius disputaturus, hic summam tantum gravissimam hanc quaestionem attingam. tertiae igitur decadis fons longe praestantissimus est cod. bibl. imp. Paris. 5730, olim Claudii Erycii Puteani, unde Puteaneus audire solet.<sup>276</sup> cuius eximii libri plenam notitiam per libros huius decadis tres primores debemus Alscheffskio, per libros XXIII—XXVI Gustavo Beckero, Lubezensi, phil. doctori, et Guil. Weissenbornio, qui collationem a Beckero institutam Livii ed. quam parat Weidmannianae vol. V. p. 312 sqq. inserendam curavit, per reliquos libros ab iisdem viris doctis prope-

diem exspectamus.<sup>277</sup> hic vero codex cum et ab initio et a fine mutilus sit aliis praeter eum libris ad universam decadem recensendam opus est, inter quos cum cod. bibl. Med. Laurentianus LXIII, 20, qui et ipsa extrema lib. XXX parte caret, et cod. bibl. imp. Paris. 5731 olim Colbertinus nominandi sunt,<sup>278</sup> tum Bambergensis,<sup>279</sup> M. IV. 9., a lib. XXIII c. 7 oriundus. idem tamen volumen Bambergense huic codici agglutinatum continet optimum decadis quartae usque ad lib. XXXVIII c. 46 librum ms., maximi vel eo aestimandum, quod unicuique capitum lib. XXXIII priorum septemdecim exhibet exemplum.<sup>280</sup> praeterea tamen ad hanc decadem emendandam cod. aed. metropolit. Moguntinae, iam a Drakenborchio<sup>281</sup> frustra quaesito, aegre caremus, qui inde a lib. XXXIII c. 17 usque ad lib. XXXX porrigitur et ex quo lib. XXXIII primum editum, XXXX suppletum esse constat: nam quae inde enotata sunt in ed. Moguntina a. 1519<sup>282</sup> et in Basil. a. 1535<sup>283</sup> tenuem tantum praestantissimi huius libri praebent notitiam. Decadis quintae partem superstitem uno tantum libro supra nominato olim Laureshamiensi, nunc post varias vicissitudines bibl. Palat. Vind. cod. phil. Lat. CV<sup>284</sup> venerandae aetatis contineri inter omnes constat. cuius libri collationem Kopitariana, quam

<sup>274</sup> philol. I, 182.

<sup>275</sup> diligenter de varis eorum classibus ac pretio egit Heerwagenius nunt. d. Mon. XVIII. n. 139 p. 29—31; optimo cod. passim usus esse videtur librarius cod. Loveliani 4 maxime ceterum interpolati. cod. Romani in bibl. Sessoriana saec. XII, qui tamen non ultra lib. II. initium porrigitur, notitiam dedit Prellerus act. ant. Marb. 1847 p. 205. 210: ex collatione praef. et lib. I. cap. 1—3 ibi proposita, cod. satis neglegenter scriptum ac singula verba saepius omittentem, cum Letdensi primo saepius conspirare elucet, quamvis sua sibi vitia praeterea habeat; librorum I. V. VII. fragmenta in cod. quodam hymnos ecclesiasticos continente Flamershemii, vico prope Coloniam Agrippinam sito, ab Eckertzio nuper detecta esse narrarunt acta diurn. Colon. cf. act. diurna Voss. Berol. a. 1857 n. 98 addit. 1 p. 5.

<sup>276</sup> cf. Alscheffskii praef. vol. III. p. VIII sqq.

<sup>277</sup> partis lib. XXX. in cod. superstitis lectiones ab E. Millero excerptas ed. Alscheffskii in ed. lib. XXX. cf. ed. mal. vol. I. p. XXVI.

<sup>278</sup> Alscheffskii praef. III. p. XXI sqq.

<sup>279</sup> eiusdem praef. lib. XXX. p. V sqq.; vv. II. ex lib. XXIII—XXVII, ab E. G. Fabio enotatae, a Ioachimo Meyero in progr. gymn. Norimberg. a. 1847 et a. 1848 editae sunt.

<sup>280</sup> cf. Goelleri ed. lib. XXXIII. p. 347 sqq. cum v. l. ibid. p. 159 sqq. et Kreyssigii eiusdem libri ed. p. V sqq. 123 sqq.

<sup>281</sup> v. praef. p. CVII sqq. ed. Stuttg.

<sup>282</sup> indeque apud Kreyssigium l. c. p. LXIII sqq.

<sup>283</sup> cf. Drakenborchii praef. p. LXII sq.

<sup>284</sup> catal. Endlicheriani p. 49 cum tab. II. cf. etiam Erasmi praef. ed. Basil. a. 1531, Petri Lambecii bibl. Vind. lib. II. cap. VIII. (XV, 1, 428 sqq. Liv. Drakenb.), Walchii em. Liv. p. 245 sq. cum tabula aeri incisa.

publici iuris fecit Kreyssigius,<sup>285</sup> diligentierem magnopere exoptandam esse dixit luculentisque exemplis probavit Madvigius;<sup>286</sup> huic vero desiderio satisfacturum se esse spopondit vir horum studiorum egregie peritus Gustavus Linkerus. de subsidiis denique criticis ad periochas Livii recensendas superstitibus accurate et sagaciter more suo egit Otto Iahnus in praef. ad periocharum ed. suam Lipsiensem a. 1853.

Antequam typis traderentur libri Liviani satis crebro descripti et in Italia certe non tantum ab hominibus harum literarum peculiariter studiosis, sed fere vulgo lectitati esse videntur, quod probat lepida Fr. Sacchetti, hominis Florentini saec. XIII vigentis historiola<sup>287</sup> a Niebuhrio schol. hist. Rom. I, 67 allata, ubi civem quendam Florentinum lectioni Livii intentum videmus: quod vero ad homines primarios attinet, ut nonnulla tantum delibem, Dantius Livium, ut supra vidimus (ann. 172) summa laude extollit in divina comoedia idemque alibi<sup>288</sup> Livium cum Vergilio et Luciano testes laudat miraculorum, quae deus in urbe condenda admisit, Petrarcha<sup>289</sup> 'opus ipsa mole mirabile stupendumque' laudibus efferens, narrat, se secundam decadem hortante Roberto Siciliae rege summa, sed inefficaci diligentia quaesivisse; in carmine de obitu, qui anno 1343 per Italiam ferebatur, Petrarcae Antonius de Baccaria medicus Ferrariensis, inter funeris comites 'prima' inquit Dantii memor 'era Tito Livio doloroso Storiografo sommo, il qual non erra,'<sup>290</sup> ac sane Petrarchae in Livium amor mutuo hoc caritatis

signo dignus fuisset: in epistula Patavii a. 1350 'in vestibulo Iustinae virginis et ante ipsum sepulcri eius lapidem' ad Livium data profecto non Romam modo eius vendendi gratia, sed Indiam ex Gallia aut Hispania se petiturum fuisse profitetur, in libris eius superstitibus se exerceri narrat, gratias ei agit, quod oblitus saepe praesentium malorum felicioribus ab ipso inseratur, ut inter legendum saltem cum Corneliis Scipionibus Africanis, Laeliis, Fabiis Maximis etc. et non cum illis extremis furibus, inter quos adverso sidere natus sit, sibi videatur aetatem agere;<sup>291</sup> Romanorum tribunorum ultimus, Cola di Rienzi 'Titum Livium, Senecam, Tullium, Valerium Maximum usui sibi admodum familiares habuit.'<sup>292</sup> saeculo insequenti Laurentius Valla Livio studia sua impendit a Drakenborchio<sup>293</sup> fuse exposita; Victorinum vero Feltrensem 'lectionem publice audientibus praeuisse Livianam ingenti hominum admiratione et fama' narrat editionis librorum Livianorum principis editor Io. Andreas episcopus Aleriensis in ed. illius praefatione, se ipsum illo parente ac magistro usum esse profitens, ut quid in recognitione profecerit auctori acceptum Victorino sit referendum.<sup>294</sup>

Ipsa Ioannis Aleriensis editio Romae prodiit per Conr. Sweynheymium et Arn. Pannartzium a. ut videtur 1469<sup>295</sup> in forma maxima. unde

<sup>285</sup> annott. ad T. Livii lib. XLI—XLV. Misenae 1849. 4.

<sup>286</sup> disp. de Livii lib. XLIII initio e cod. Vindobonensi emendando Havniae 1852. 4.

<sup>287</sup> novell. 66 t. I. 213 ed. Mediol. a. 1804.

<sup>288</sup> de monarch. II, 4.

<sup>289</sup> rer. memorandar. I, 8 l. a Tomasino vit. Liv. XV, 1, 29 sq. Drb.

<sup>290</sup> rime di Petrarcha ed. L. Correr Padova 1837 II, 692.

<sup>291</sup> epp. ad viros illustres vett. lib. ep. 4 p. 669 sqq. ed. epp. Petrarchae Lugdun. 1601. saepe studiosissimae lectionis librorum Livianorum, tertiae in primis decadis, summaeque erga Livium admirationis vestigia apud Petrarcham inveniuntur. v. modo epp. de reb. fam. I, 1 p. 2 et p. 6 ed. comm. III, 18 p. 108. IV, 1 p. 119. VI, 3 p. 212. IX, 3 p. 318 etc. cf. etiam ann. 227 et Io. Andr. Aleriensis praef. ad Livii ed. princ. Rom. XV, 1, 490 Drb.

<sup>292</sup> anon. ap. Muratorium ant. Ital. III, 400 cf. p. 514 l. a. Bernhardio hist. lit. Lat. ann. 263 p. 344 ed. tert.

<sup>293</sup> praef. ad lect. XV, 1 p. VI—LIV. ed. Stuttg.

<sup>294</sup> vol. cum maxime l. p. 490 sq.

<sup>295</sup> cf. Drakenborchium ibid. p. 628. prin-



ingens illa exemplarium Livianorum typis impressorum orditur series a bibliographis composita,<sup>296</sup> quos adeant qui plenum eorum quaerunt recensum; nobis brevem studiorum in Livio positorum historiam contexturis<sup>297</sup> graviora potius quae huc pertinent exponenda quam omnia in aciem educenda visa sunt. qua in re id primum animus advertit, quod sensim demum ad eum, quem nunc possidemus triginta quinque librorum numerum operis Liviani pars superstes crevit. continebat enim editio illa princeps cum proxime sequentibus libros modo I—X, XXI—XXXII, XXXIII—XXXX eumque mutilum. is, ut supra significavimus, inde a cap. 37 §. 3 completus et pars lib. XXXIII inde a cap. 17 med. addita est ex cod. Moguntino in ed. Moguntiaci a. 1519 (fol. min.) foras data a Ioanne Scheffero chalcographo cum dedicatione Ulrichi Hutteni ad princ. Albertum Brandenburgensem cardinalem, epistula Erasmi Roterodami ad misobarbaros atque eosdem philomusos omnes, collatione cod. Moguntiaci a Nicolao Carbachio et Wolfgango Augusto, qui libro imprimendo praefuerant, confecta. duodecim annis post ex codice Larishamiensi additi sunt libri extremi quinque a Simone Grynaeo reperti in ed. Basil. a. 1531 forma maxima in typographia Frobeniana impressa una cum epistula dedicatoria Erasmi ad Carolum Montioium et cum chronologia Henrici Glareani; libri vero XXXIII. pars prior e cod. Bambergensi a. demum 1616 in lu-

cipis huius ed. exemplar membranarum impressum anno 1815 in Anglia venit pretio librorum 903 Sterlin. v. Molbechium *Bibliotheks-wissenschaft u. bers. v. Ratjen* p. 256 Schweigerum l. ann. sq. laudando p. 524.

296 v. Drakenborchii syllabum editionum praecipuarum Titi Livii XV, 1, 628—652, Fabricii bibl. Lat. I, 279 sqq. Ern., notitiam litterariam ed. Bipont. praemissam, Schweigeri manuale bibliograph. class. II, 1, 524 sqq.

297 cf. I. F. Gronovii praef. ed. Liv. a. 1645 et 1665 (ap. Drb. XV, 1, 591 sqq.), Drakenborchii praef. ad lect. ibid. p. V—CXLII, Alscheffskii prolus. scholast. ann. 262 l. p. p. 5 sqq.

cem protracta est editio huius libri Romae curata a Gaspare Luginano, adiuto opera A. Quaeringi et Fr. Bartholini ICTi Vrbinatis, qui partem eousque desideratam Romam detulerat: quae editio ad exemplum a puero quodam neglegenter descriptum exacta<sup>298</sup> postquam eodem anno et Venetiae et Parisiis repetita est, anno insequenti idem ille liber XXXIII ex eodem codice multo accuratius typis procusus est Paderbornae cura Ioannis Horrionis ex soc. I., ad quem ipsius cod. a. 1615 in bibl. eccl. Bamb. detecti laus referenda est.<sup>299</sup>

Quod vero ad horum librorum et emendationem et interpretationem attinet, editio princeps, quae mihi cum proxime sequentibus nonnisi lectionibus ab editoribus praesertim a Drakenborchio inde excerptis innotuit, non optimis quidem nititur codicibus: in universum tamen sano sobrioque iudicio verba Liviana ita recensuit, ut sine nimia offensione plerumque legi possent: suo igitur iure editores proximi partim ed. principi, partim ed. Campanianae Romae a. 1471½ emissae,<sup>300</sup> quae eiusdem fere pretii aestimanda est,<sup>301</sup> ita fere obtemperasse videntur, ut singula modo immutarent, paulo audacior uno Luca Porro, qui Tarvisii a. 1482 Livii decadas a se 'quam diligentissime recognitas' per Ioannem Vercellium imprimendas cura-

298 cf. Horrion. ad lib. XXXIII, 8, 10 ap. Goellerum in eius lib. editione p. 356 ipsumque Goellerum l. l.; reliqua libri pars in ed. illa Romana ex vulgari aliqua Livii ed., quae cum Basileensi a. 1535 plerumque consentit, exscribi iussa est. v. Kreyssigium ed. lib. XXXIII. p. XXVII.

299 teste Bernardo Rottendorffio ap. I. F. Gronovium praef. ed. Liv. a. 1665 (p. 596 Drb. v. Goellerum l. c. p. 357 Kreyssigium p. XXVII.) cf. eundem Gronovium in ep. eius ed. dedicatoria p. 591 Drb.

300 Drakenborchius quarta tantum eius decade usus est, alia inde exscripserunt cum alii tum Ianus Gebhardus.

301 librorum depravationes multis fretum exemplaribus corrigere se aggressum esse narrat in ep. ad Iacobum Amanatum Lucensem card. Papiensem data Campanus (v. praef. I. F. Gronovii comm. p. 593 Drb.).

vit.<sup>302</sup> editioni Venetae a. 1491 adiectae sunt annotationes M. Antonii Cocci seu Sabellici,<sup>303</sup> qui in praef. ad Benedictum Cornarium, ex ed. Ven. a. 1495 ap. Drakenborchium l. l. p. 494 sq. repetita, ad Livium emendandum libro vetere ex patricii huius Veneti bibliotheca sibi oblato usum se esse profitetur. nonnulla etiam novata sunt et ab Alexandro Minutiano, cum in ed. Mediol. a. 1495 tum in ed. s. l. et a., Mediolani ut videtur a. 1505 impressa, tamen ut quae per libros belli Macedonici in hac altera editione correcta essent, sibi subrepta esse conquereretur Ianus Parrhasius,<sup>304</sup> et a Gerardo Vercellano Burgundo, qui 'decem venerandae vetustatis codicibus' collatis in Livio recognoscendo operam praestitit Iod. Bad. Ascensio in ed. Paris. a. 1513 adornanda. paulo post decadi quartae ope cod. Moguntini emendandae profuit ed. Mogunt. a. 1519 supra commemorata: editores tamen 'paucula tantum quaedam' ex codice difficili lectu 'iusto operi inseri curaverunt,' varias lectiones inde excerptas ad finem voluminis reicientes; anno vero praecedente editio Aldina edi coepta erat quatuor tomis formae octonariae absoluta a. 1521, quo etiam altera editio unius formae max. voluminis ex eadem officina emissa est. Livio Aldino excudendo praefuit Franciscus Asulanus, qui plures codices se contulisse profitetur atque haud pauca scite immutavit. quibus accesserunt alia correcta in ed. Basil. a. 1531, cui praefatus quidem est Desiderius Erasmus, praefuisse vero videtur Simo Grynaeus: at huius editionis laudem praecipuam in libris quinque extremis adiectis ponendam esse vidimus. hac igitur editione, quae prima excepta lib. XXXIII parte primore omnes li-

bro Livianos superstites in unum corpus coniunctos edidit, prima historiae Livianae criticae periodus terminanda est, singulis annalium Livianorum partibus detegendis, colligendis, componendis totoque corpore typis divulgando praecipue intenta.

Alteri vero periodo optimos libros mss. conquirendi atque hos libros exhaustiendi et ad opus emendandum adhibendi studiosae etiam nunc inesse mihi videtur, cum post tria saecula ne antiquissimarum quidem optimarumque membranarum Veronensium, Parisiensium, Bambergensium, Vindobonensium plenam omnibusque partibus absolutam contraxerimus notitiam; bipertita tamen haec periodus est studiis I. F. Gronovii, qui primus optimas per totum fere corpus Livianum membranas ad orationem emendandam eandemque dein illustrandam egregie adhibuit.

Criticae huic operae in Livio exercendae gravissima instrumenta attulit Basileensis ed. huius periodi princeps, a. 1535, cui Beati Rhénani ad lib. I—VI et XXVI—XXX ac Sigismundi Gelenii ad lib. VII—X et XXXI—XXXX adnotationes adiectae sunt, quarum in primis illae recluso membranarum Vor-macensium thesauro maximi ad crisin Livianam promovendam fuerunt momenti: Gelenium libro Moguntino usum esse vidimus, in tertia decade codicem quendam Spirensem adhibuit Rhénanus, illorum librorum neutri comparandum nec tamen spernendum.<sup>305</sup>

Historicae deinde indagationi atque interpretationi emendationique ea nisae operam in primis navarunt Henricus Loritus seu Gla-reanus, qui cum chronologiam ed. Basil. priori auctamque et emenda-

<sup>302</sup> cf. Alscheffskium comm. l. p. 5 sq.

<sup>303</sup> v. Drakenborchium l. l. p. LIV sq. 682 sq.

<sup>304</sup> in ep. dedic. comm. in Claudiani carmen de raptu Proserp. ad Iaffredum Carolum, cui Minucianus et ipsi ed. illam dedicarat (ap. Drakenborchium l. l. 684 sq.).

<sup>305</sup> Rhénanum geminum exemplar omnium, quae extant, Livii librorum excepta dimidia decade tertia sibi comparasse testis est Gelenius in praef. ap. Drb. l. l. p. 525, at cf. Drakenborchium ibid. p. LVI sqq. docentem, ad lib. XXVI—XXX unum Spirense ei praesto fuisse.

tam alteri adiecit tum adnotationes in Livium Basil. a. 1540 edidit, atque Carolus Sigonius, qui scholia textui a se Venet. a. 1555<sup>306</sup> edito subiecit adiecta chronologia Liviana:<sup>307</sup> quae ei et cum Glareano et cum Robortellio lites inde exortae sint accurate enarravit Drakenborchius.<sup>308</sup> de emendatione libris pravis perperam fidem ferens male meruit Sigonius nec Franciscus Modius<sup>309</sup> membranis Coloniensibus Fuldensibusque ad primam decada reficiendam nec Ianus Gruterus<sup>310</sup> Palatinis libris usus salubres vulneribus textus Liviani manus admoverunt.

Lucidissimum vero artis in Livio exercendae exemplum, ut supra significavimus, dedit Ioannes Fredericus Gronovius.<sup>311</sup> 'anni namque' ait a. 1644<sup>312</sup> 'complures sunt, quod imperavi mihi pro nostra mediocritate omnia facere et moliri, ut tanto scriptori, qua posset, suus restitueretur nitor: ea causa nocturna diurnaue manu ille potissimum mihi versari comes in itinere, contubernalis in conducto, sodalis in triclinio, otii dispensator, negotii

<sup>306</sup> iterum a. 1566 schollis ad Faerni (v. ann. 308) imprimis censuram emendatis, tertium a. 1572 adiectis defensionibus adversus adversarios cum maxime nominandos.

<sup>307</sup> repetita apud Drakenborchium l. l. 155—177.

<sup>308</sup> l. c. p. LXXII sqq. Sigonii schollor. aliquot defensiones adv. Glareanum et Robortellum idem iterari iussit ibid. p. 177—226. cf. etiam Gabr. Faerni censuram ab Robortellio editam (ibid. p. 474—481) cum Sigonii responsione (ibid. p. 482—486) et Glareani de Sigonii schollis iudicium in ep. ad Hervagium data (ibid. p. 543—545).

<sup>309</sup> ed. Francof. ad M. a. 1588 fol.; ipso cod. Moguntino, quem titulus prae se fert, Modium usum non esse demonstrat Drakenborchius l. l. p. LXXVIII.

<sup>310</sup> ed. Francof. ad M. a. 1607<sup>3</sup>/<sub>8</sub> fol., qua primum libri Liviani in capitula divisi sunt, tituloque tantum immutato a. 1612; ed. 'secunda et mellor' ibid. a. 1619; ed. tertia, cui demum Gruteri notae additae sunt, ibid. a. 1627<sup>3</sup>/<sub>8</sub>.

<sup>311</sup> ed. Lugd. Bat. 164<sup>4</sup>/<sub>5</sub>. III. 12 (unde textus repetitus a. 1653<sup>3</sup>/<sub>4</sub> III. 12) et 1665 III. 8; notis patris postumis ed. suam ornavit Iacobus filius Amstelod. 1679 III. 8.

<sup>312</sup> in ep. dedic. t. I. ed. prioris ad Claudium Memmium data Daventriae a. d. XVII. Kal. Sext. anni comm. (l. l. ap. Drakenb. p. 585).

interpellator esse: eundem, quando copia fuit, cum aliis Romanae historiae conditoribus conferebam; ad manu exaratos codices, quot habere potui, taediosissima morositate, sed taedium vincente amore, contendebam: et, si hoc eum commendatiorem tibi reddere potest, Galliae profecto bibliothecarum membranarum (etsi Angliae quoque Italiaeque et Germaniae suae fuerint partes) praecipuum debet, in solo Annibalico bello ex laudatissimorum fratrum Puteanorum unico venerandae vetustatis libro aliquot millibus locorum (et sine figura loquor) sanatus.' data opera libros hos enumerat in praefationibus ad lectorem utrique ed. praemissis. elucet inde, eum Mediceum, cuius varietatem lectionis a Luca Langermanno et Marquardo Gudiod ipsi subministrata ad alteram demum ed. perpoliendam adhibere potuit, 'optimum omnium partis huius'<sup>313</sup> eadem iudicii subtilitate agnovisse, qua Puteanei praestantiam eum primum perspexisse supra vidimus; summis cod. Puteaneum laudibus effert: 'Cynosura' ait<sup>314</sup> 'nobis fuit liber, quo de Tito Livio nihil nec antiquius nec sanctius Europa custodit, maiusculis literis, et plane, qualibus clarus ille Florentinus ex Pisano Pandectes, exaratus. Hic solus largiorem bonarum rerum, quam quicquid est reliquorum, sese nobis praestitit.' egregiis his emendationis instrumentis accedit unicus viri modestiaeque recta recteque a Lessingio definita, quae suum cuique tribuit, indefessa industria, sagax ingenii acumen, perfecta cum linguae Latinae tum Liviani generis dicendi peritia, subacti iudicii maturitas — paulo audacius ferro passim eum sanare, ubi iusta modo interpretatione opus sit, confiteri possumus, nec tamen multum inde detrahitur laudibus viri immortalis, qui unice rectam viam monstravit, qua uni-

<sup>313</sup> cf. etiam eius ad praef. §. 3 annot.

<sup>314</sup> in praef. ed. alt. (p. 597 Drb.)

cuique libros hos emendaturo incedendum est. supplevit quodammodo curas eius Iacobus equo triumphantis patris, ut imagine ab ipso advocata utar, non sine laude insidens filius: nam apparatus subsidiis nonnullis in patris usum a se collectis auxit, quae iteratis patris curis prognata illius schedis continebantur publici iuris reddidit, propria eaque, quamvis paterni ingenii splendorem haud aequantia, saepius tamen recte inventa adiecit. Librorum deinde Oxoniensium variae lectiones a Thoma Hearnio in lucem protractae<sup>315</sup> apparatus criticum et ipsae quidem auxerunt, emendationi vero lucrum haud attulerunt ipsaque illa editio cum proxime sequentibus fere omnibus presse inhaesit vestigiis Gronovianis; neque longe ab his recessit I. B. L. Crevierius,<sup>316</sup> qui tamen et libros aliquot Parisinos etsi nimis festinanter inspexit et notas aliquot interpretationi plerumque inservientes easque haud contemnendas adpersit. multo maioris moliminis opus editionem Crevierianam pedetemptim secutum est, Arnoldi Drakenborchii editionem dico, quae septem voll. quadratis per annos 1738—1746 Lugduni Batavorum et Amstelodami prodiit.<sup>317</sup> Drakenborchius subsidia critica summa cura undecumque conquissiverat, quamvis fatendum est magis multa quam multum his studiis ad eum pervenisse,<sup>318</sup> immo singulari quodam infortunio accidit, ut ne ad unam quidem decadem emendandam primarii alicuius libri ope adjuvaretur, nam vel Medicei codicis excerpta Salviniana Th. Cokii lib. bar. de Lovel liberalitate tum demum ad eum allata sunt,<sup>319</sup> cum typographorum operae ad lib. III.

<sup>315</sup> ed. Oxon. a. 1708. VI. 8.

<sup>316</sup> ed. Paris. 1735—1741. VI. 4. ed. min. Paris. 1747 et 1748. 3 vol. in 6 part. 12.

<sup>317</sup> additamentis perpaucis aucta ed. haec repetita est tomis XV. Stuttgartiae a. 1820—1828.

<sup>318</sup> cf. syllabum codd. l. ann. 262 l. secundum singulas decades ordinatum.

<sup>319</sup> v. l. l. p. 612 coll. Drakenborchii ann. ad III, 12, 3.

cap. 32 pervenissent, Puteanei vero codicis collationem plenior, quam quae olim Gronovio ad manus fuerat, sibi comparare omisit Crevierii in libro hoc cum pulvisculo excutiendo diligentiae perperam confisus; ad quartam et quintam decadem emendandam Moguntini, quem ne hodie quidem repertum esse supra diximus, et Vindobonensis cod. copiam sibi parare frustra quaesivit, codicis Bambergensis vestigiis, ut videtur, ne institit quidem, ita ut, notulis Florentinis exceptis, optimi hi libri non magis ab ipso recluderentur quam a Gronovio, Carbachio, Grynaeo, Horrione olim factum erat. praeterea autem codd. mss. vel impressos quotquot nactus est, eos summa cum diligentia excussit et etiamsi non optimis, tamen satis bonis multis mss. usus textum saepe ad eorum normam atque consensum restituit: nam I. F. Gronovius nec perpetuis, ut ita dicam, plenisque collationibus pro more eius temporis usus erat nec textum secundum suas ipsius adnotationes constanter instauraverat. deinde eodem studio, quo lectiones varias congegit, et commentario critico, accuratis et de Livii dicendi et de librorum scribendi consuetudine observationibus referto, Livium suum Drakenborchius instruxit; ipsi vero huic commentario et priorum editorum et aliorum cum editas tum ineditas adnotationes undecumque coacervatas ac sedulo collectas adiecit.<sup>320</sup> inter alteram hanc farraginem magni inprimis faciendae sunt notae a Carolo Andrea Dukero cum Drakenborchio communicatae, quas 'rariore eruditione confertas et exquisito iudicio conscriptas esse' aequales merito praedicaverunt.<sup>321</sup> addidit Drakenborchius praeterea supplementa librorum deperditorum a Ioanne Freinsheimio confecta, quorum lib. XI—XX ab ipso Holmiae a. 1649,

<sup>320</sup> cf. praef. comm. ibique praesertim p. LXXXVI sqq. CXX sqq.

<sup>321</sup> v. Drakenborchium l. l. p. CXX sq.

lib. XXXXVI—LXXXV paulo post mortem ipsius Argentorati a. 1654, reliqui a Douiatio in ed. Parisiis inde ab a. 1679 in usum Delphini adornata editi erant, lacunis librorum decadis quintae XLI et XLIII—XLV inseruit supplementa Crevieriana, addidit denique cum variis vv. dd. dissertationes ac praefationes Livianas tum indices copiosissimos. hoc modo laudabili industria ingentem ad Livium explanandum atque emendandum congegessit materiam, qua hodieque fruimur grato animo erga hominem ingenio sane non praecellentem Ioanneque Friderico Gronovio multo inferiorem, operosa tamen eaque accurata diligentia atque doctrina egregium.

Post Drakenborchium aliquamdiu neglecta iacuerunt haec studia editoribus vel ad eum vel ad Crevierum sese applicantibus: ex sat amplo editionum per saeculum octavum decimum praeter curas Manhemianas et Bipontinas proventu nominatu dignas nullas habeo nisi fere ed. A. G. Ernestii<sup>322</sup> ob adiectum glossarium, quod tamen, quamvis a G. H. Schaefero<sup>323</sup> et I. Th. Kreyssigio<sup>324</sup> postea auctum et emendatum, lexici Liviani desiderium excitat magis quam explet, et ed. A. F. Strothii,<sup>325</sup> quae ab auctore imperfecta relicta ita a F. G. Doeringio<sup>326</sup> iterata atque ad finem perducta est, ut iustae levitatis poenae solvendae ei fuerint; eoque maiorem laudem nec meruit nec obtinuit G. A. Rupertius, qui sex voll. Livium edidit Gottingae a. 1807—1809.

Multo magis quam omnes hi editores de Livio meruit is, qui faces in tenebras historiae Romanae in-

ferens, novam fontes eius aperiendi, pervestigandi, diiudicandi, illustrandi viam aperuit Bertholdus Georgius Niebuhrius. inde ab anno huius saeculi undecimo, quo historiae eius Romanae volumen ed. primae prius prodiit, historicorum et antiquariorum studia libros Livianos praesertim primores ubique, undique, quoquo versus perquisiverunt, ut interpretationi iustum quoddam ac solidum fundamentum substructum sit. quod tamen ab ipsis editoribus satis diu neglectum fere iacuit, dum a Wachsmuthiis, Goettlingiis, Rubinonibus, Peteris, Beckeris, Marquardtiis, Schwegleris, Mommseniis, aliis ad aedificium a Niebuhrio institutum perficiendum, amplificandum, exornandum undecumque afferretur materia.

Quod ad emendationis progressus attinet Georgii Ludovici Walchii emendationes Livianae (Berol. 1815), etiamsi ingeniosae magis pleraeque quam verae, studiorum tamen egregiorum in Livio collocatorum specimen edebant; editio vero ibidem p. V. promissa numquam prodiit. haud multo vero post novum idque egregium emendationi subsidium accessit cum Fr. Goellerus in ed. libri XXXIII. (Francof. ad M. 1822) ad fidem codicis Bambergensis exacti, egregii huius libri per reliquos quoque quartae decadis libros usque ad lib. XXXVIII c. 46 varias lectiones promulgaret. haud multo post et ad harum lectionum normam et ad cod. Vindobonensis collationem a Barth. Kopitaro in usum suum institutam haud pauca per quartam et quintam decadem novavit vir haud uno nomine de Livio meritis Io. Theoph. Kreyssigius, cui ed. Ernestianae quartae curandae provincia demandata erat.<sup>327</sup> postea tamen cum ipso cod. Bambergensi inspecto intellegeret, collationem Goelleria-

<sup>322</sup> Lips. 1769 III. 8.

<sup>323</sup> in ed. Ernest. novae emendationis Lips. 1801—1804. 8. vol. quinto.

<sup>324</sup> in ed. Ernestiana quarta v. infra ann. 327.

<sup>325</sup> Lips. 1780—1784. III. vol. 8 lib. I—X et XXI—XXV continentia.

<sup>326</sup> Goth. 1796—1819. ed. alt. vol. I et II prodiit a. 1805, ed. 'auctior et emendatior' Goth. 1816 sq., in qua tamen vol. I et III sola novata esse dicuntur.

<sup>327</sup> Lips. 1828—1827 in librar. Weidmann. V. 8. idem Kreyssigius Livio bibliothecae Tauchnitianae imprimendo praefuit, quae ed. et uno vol. quadrato prodiit a. 1828 et sex voll. formae minimae a. 1829 sq.



nam satis incuriose factam esse, lib. XXXIII iterum edidit Misen. 1837 reliquorumque eiusdem decadis librorum, quos idem ille cod. continet, collatione addita ibidem 1839. interim vero Immanuel Bekkerus, maiore quam priores editores constantia optimorum librorum Medicei inprimis et Puteanei per primam perque tertiam decadem lectiones in recognitione sua Berol. a. 1829 et 1830 tribus vol. edita<sup>328</sup> secutus peritis harum rerum tacite patefecerat, quot et quanta remedia diligentiore horum codd. collatione, ad severas recentiorum criticorum leges instituta libris Livianis afferri possent<sup>329</sup> eaque sententia probata est C. F. S. Alschevskii prolusione scholastica supra<sup>330</sup> memorata, quae eodem quo maior lib. XXXIII ed. Kreyssigiana a. scilicet 1839 Berolini prodit, atque eodem anno ibidemque idem Alschevskius librum XXX ad Puteaneum ab E. Millero in usum suum collatum et ad alteram cod. Bamb. partem emendatum emisit, neque multo post ad optimos libros mss. Livianos conferendos Lutetiam, Florentiam, Vindobonam migravit. quorum studiorum Livio dedicatorum fructus fuere tria maioris, quattuor minoris editionis volumina. quarum edd. altera lib. I—X et XXI—XXIII continens Berolini per annos 1841—1846, haec usque ad librum tricesimum porrecta ibidem per annos 1843 et 1844 emissa est. sicuti dissertatione illa scholastica recte in universum subsidia critica aestimaverat et quo itinere progrediendum esset indicarat, sic textui a se constituto optimorum librorum per primam decadem Medicei et Parisini, per tertiam decadem Puteanei primum a se accurate collatorum lectiones firma ac stabilia fundamenta esse voluit. dolendum vero est cum quod neutra editio ad

umbilicum perducta est, quamvis anno demum 1852, ni fallor, Alschevskius ex vita excessit, tum quod vivacitate quadam ingenii abreptus illorum librorum admiratione ita captus est editor, ut nimis superstitiose eorum vestigia premeret lectionesque inde receptas tutatus esse sibi videretur, si sermone vernaculo aliquo saltem modo eas donasset. me tamen in gymnasio Leucophaeo Berolinensi, cuius sana humanaque disciplina frui mihi licuit, ante hos viginti quinque annos Alschevskii, in classe secunda tum ipsum Livium nobiscum tractantis, discipulum magis in meritis eius quam in vitiis illustrandis commorari decet, atque eatenus certe I. F. Gronovii vestigia pressit Alschevskius, ut optima testimonia sedulo ac studiose conquireret. iisque solis, non interpolatorum librorum vulgo, criticum inniti debere perspiceret. tum id laudi Alschevskio vertendum est, quod criticis illis thesauris reclusis novo quodam ardore incitati viri docti studia sua Livio impenderunt. iam antea quidem Ernestus Guilelmus Fabri luculenta egregiae operae in Livio positae documenta libros XXI. XXII et XXIII. XXIII a se illustratos Norimbergae a. 1837<sup>331</sup> ediderat nec minus Guilelmus Weissenbornius, vir et eruditissimus et candidissimus, se his studiis penitus imbutum esse plus semel et libris grammaticis et libellis Livianis ostenderat. at post editionem Alschevskianam, quam Crusiana, scholae inservitura magis, opinor, quam inserviens,<sup>332</sup> et Wimmerkranziana,<sup>333</sup> quam non novi, presse secutae erant, idem ille vir doctus et ipse ad Livium edendum sese accinxit eiusque textum omnibus subsidiis, quae libris mss., editionibus, aliis vv. dd. curis praesto sunt, in usum vocatis maturo ac sa-

<sup>328</sup> novo tantum titulo adiecto iterum emissa a. 1838.

<sup>329</sup> C. F. Ingerslevii comm. de editoribus Livii nondum satis codd. fidem secutis, quae Havniae a. 1830 prodit, non novi.

<sup>330</sup> v. ann. 262.

<sup>331</sup> ed. alt. curavit Heerwagenius Norimb. 1852.

<sup>332</sup> Hannov. 1846 sqq. Crusii operam postea excepit Muehlmannus.

<sup>333</sup> vol. I. Upsal. 1848.

gaci iudicio cum Lipsiae a. 1850 et 1851 recensuit<sup>334</sup> tum iteratis curis adiectis commentariis inde ab a. 1853<sup>335</sup> edere coepit, ut et telam ab Alschefskio inceptam pertexens libri Puteanei collationem, ut diximus, continuandam curaret et quantum liceret in editione scholarum potissimum usui destinata primus thesauros a Niebuhrio eiusque successoribus supra laudatis paratos ad interpretationem Livianam stabilendam, augendam, exornandam adhiberet.

Omnia quae praeterea a multis viris doctis, inter quos Heerwagenium debitis laudibus praedicare iuvat, per hos annos ad Livium sive interpretandum sive emendandum conscripta sunt enumerare huius loci non est: dissertationes et commentationes ad vitam, ingenium, artem Livii illustranda conscriptae supra suo quaque loco excitatae sunt; conatus criticos, qui mihi innotuerunt atque pro una alterave ratione mentione digni visi sunt, in adnotatione critica commemoravi. versionum Livii in varias linguas catalogus a Schweigero man. bibliograph. class. II, 1, 545 sqq. peti potest: Germanicis nuperrime accessit initium versionis, quam Franciscus Dorotheus Gerlachius bibliothecae ab Hoffmanno, bibliopola Stuttgartiensi, editae inserit, Francogallica per annos 1849 et 1850 sub auspiciis D. Nisardii Parisiis una cum textu Liviano edita est.

In ipsa hac editione adornanda id potissimum spectavi, ut iis, quae ad vitam et ad opus Livii cognoscenda spectant, hac prolusione adumbratis, verba scriptoris ea repraesentarem specie, quae cum virorum doctorum desideriis satisfaceret tum et ab hominibus honestissimis, qui horarum subsequarum otia his studiis animi vel exhilarandi vel corroborandi causa

impendunt, et ab adolescentulis literarum studiosis sine nimis molestiis percipi posset. nihil igitur a normae criticae severitate remittens, horum tamen commodis ita studui prospicere, ut reconditiora quaedam in notas segregarem, non in verborum ordinem reciperem, haud ita ut ubivis in singulis quibusque vocabulis scribendis strictam quandam legem servarem, quod nec ipsi veteres fecerunt, sed ut inconstantiae cuiusdam speciem non reformidans, optimorum librorum vestigia satis accurate premerem, vel in his tamen quaedam et usui vulgari et imperitiorum consuetudini concedens. at hanc non nimis laedi arbitrabar, si 'haut' et 'haud,' 'reciperare' et 'recuperare,' 'vulnus' et 'volnus,' quod Livius ipse semper scripsit, 'improbis' et 'inprobus' aliis locis aliter scriptum illi vel evocati vel tirones legerent, quae iam non magis discipulos certe offendere debent quam formae 'amaverunt' et 'amavere,' 'hostes' et 'hostis' iuxta positae, prudentibus vero praeceptoribus ansam praebent occasione oblata de his ac talibus rebus disputandi, quas omnino ignorari nec ab adolescentulis par est, quamvis in iis exponendis et modum adhibendum et tempori parcendum esse probe intellegam. in oratione incidenda maximam operam posui aequo sedulo cavens, ne aut nimia verborum interpunctione lectores obruerem aut iusto eius parcior inanes atque infructuosas difficultates iis pararem. non minus cavendum esse mihi videbatur, ne nimia anxietate motus locos difficiliore, quos nec certa nec probabili saltem ratione enodare possem, intactos relinquerem crucisque, ut fere fit, nota addita corruptos typis exscribi iuberem, quo viris doctis genuinam verborum traditionem, quae vulgo vocatur, cognoscere cupientibus gratum fortasse fecissem: at his alia subsidia praesto esse solent, alterum vero illud lectorum genus talibus naevis merito offenditur nec ra-

<sup>334</sup> in bibl. Tenbneriana, VI voll. 8.

<sup>335</sup> in coll. Hauptio-Saupplana primum Lipsiae, deinde Berol. in bibliotheca Weidmanniana a. 1853—1857 V voll. usque ad lib. XXVI.; vol. I. ed. alt. Berol. 1856.



ro a scriptore vel ab ipsis his literis propulsatur ac repellitur. horum potius interest, ut verba scriptoris quadamtenus intellegant. eorum igitur necessitatibus ita consului, ut locos desperatos, ubi iis, qui ante me in Livio emendando occupati fuerunt, haud melius res mihi successisse videretur, cum literarum ductus tum sententiarum nexus ratione habita, ita certe resarcirem, ut sive priore aliquo sive novo meo invento recepto sensum quendam praeberent ab iis quae Livius secundum veterum librorum vestigia dicere ibi vel debuisset vel potuisset non nimis recedentem. de quibus conatibus, ne eos, qui ipsis his literis operam navant, fallerem, in adnotatione critica quam brevissime et quam plenissime rationem reddidi et librorum optimorum scripturis et aliis vv. dd. coniecturis sive probabilibus sive notabilibus propositis. ipsam vero illam adnotationem praeterea omnibus fere locis, qui vel ob lectionis ms. sive varietatem sive difficultatem vel ob virorum doctorum studia iis impensa peculiari aliqua notitia viderentur indigere, sedulo apposui, ut quam maxime possem graviora omnia quae ad libros hos recensendos pertinerent seligerem et componerem. in ipsa decade prima, quae nunc prodit, emendanda accuratius quam vel a Weissenbornio nuper factum est, Medicei codicis vestigia pressi; in lectionis varietate addenda praeter ipsum hunc librum, excerpta Vormaciensia et cod. Parisinum, Einsidlensis, Florentini S. Marci et per lib. I. Bambergensis varietatum potissimum rationem habui, ut novorum horum subsidiorum quantum pro fine ac pro finibus huius editionis liceret conspectum satis plenum viris doctis proponerem. libri vero primae decadis omnes ita corrupti ad nos pervenerunt, ut ne in Medicei quidem codicis auctoritate satis tuto acquiescendum esset: errores vero plerique et in eo et in reliquis codd. non interpolatis commissi vel

ex literarum libri archetypi apicibus male intellectis vel ex glossematibus, ut dictum est, et variis lectionibus eidem archetypo additis orti sunt, ut intra limites satis angustos emendatio fere includenda esset. librorum igitur mss. auctoritati servandae quam maxime studiosus a prava tamen superstitione liber esse volui, qua in re non vereor ne nimis audax viris harum rerum gnaris fuisse videar. eorum, qui ante me eandem provinciam administrarunt codd. mss. interpolatorum librarii inter multa conamina sive infausta sive monstrosa hic illic remedia satis efficacia ex officinis suis mihi praebuerunt, prae omnibus vero Ioannis Friderici Gronovii palmares emendationes saepe dignae visae sunt, quas in ordinem reciperem. praeter hunc ex vetustioribus interpretibus nemo magis auxilio mihi erat quam Carolus Andreas Dukerus praesertim ubi historica aliqua disquisitione opus erat ad verba scriptoris sive intellegenda sive restituenda, ex recentioribus vero Guilelmus Weissenbornius, qui indefesso studio, sano iudicio, religiosa diligentia libros Livianos per quinque lustra et amplius nocturna versat manu, versat diurna; in singulis locis sanandis ante omnes et Mauricius Hauptius et Ioannes Nicolaus Madvigius<sup>336</sup> et usu et sagacitate fuere felices.

Ipse prorsus contentus ero, si mearum coniecturarum una alterave viris harum rerum peritis non nimis longe recedere a tam praeclaris exemplis visa fuerit. quatamen laude magis altera mihi expetenda videbatur, ut universa haec librorum Livianorum editio sobrio iudicio atque accurata diligentia aequis iudicibus videretur esse confecta.

Scr. Gryphiae a. d. XII. Kal. Mai. a. MDCCCLVII.

<sup>336</sup> Madvigii emendationes cum in ipsius libris, opusculis academicis praesertim et ed. lib. Ciceronianorum de finibus, propositae sunt tum in edd. lib. I—III et XXI—XXIII Livianorum scholasticis, quas Havniae a. 1853 et 1854 ed. C. F. Ingerslevius. cf. ann. 286.

## ADNOTATIO CRITICA.

## NOTARUM TABULA.

## I. IN TEXTU.

( ) includuntur, quae in libros mss. perperam se insinuasse indeque ex libris Livianis eicienda esse videbantur.

[ ] includuntur, quae ad librorum mss. lacunas explendas addita sunt.

anni ab u. c. ex aera Varroniana ordinati et ante C. n. alternis paginis ita superpositi sunt, ut binarum paginarum argumento utrique responderent. chronologiae Livianae summa supra p. XXV exposita est. discipulorum vero inprimis rationibus aerae solitae notatio aptior mihi videbatur, quacum Liviani anni facile ubivis comparari possunt.

## II. IN ADNOTATIONE CRITICA.

V = lectiones cod. Vormacensis

M = cod. Mediceus

P = cod. Parisinus

E = cod. Einsidlensis

B = cod. Bambergensis

F = cod. Flor. monast. S. Marci

vmpebf eorundem librorum manus altera.

al. = libri praeter (V)MPE et per lib. I. B, ad quos vel Harleianus I vel Leidensis I vel F vel Vossianus I pertinet.

cf. p. XXXV.

ς = libri praeter (V)MPE(B)F Harl. I Leid. I Voss. I vel omnes vel nonnulli vel singuli. nominis nota fere numquam apposita, nisi ubi singuli aut iustam aliquam vel probabilem emendationem aut singularem notatuque dignam lectionem offerrent. tum usus sum compendiis, omnibus iis, qui copias Drakenborchianas norunt, per se perspicuis.

Bas. a = ed. Basil. a. 1531.

Bas. b = ed. Basil. a. 1535.

W = Weissenbornius, cuius nomini si nihil additum est, significatur lectio in utraque ed. vel recepta vel proposita.

Wt = Weissenbornii ed. Teubneriana.

Ww = Weissenbornii ed. Weidmanniana.

Ww2 = eiusdem ed. vol. I. (lib. I. II.) ed. altera.

Wep. = eiusdem ad Wexium ep. Isenaci a. 1856.

] significat lectionem a me receptam, quam signo: a varia lectione separavi. cui si auctoritas non addita invenitur, lectio haec sprete invenitur in libris optimis MP; si vero lectio recepta alterutro horum librorum nititur, lectio sine nota post: addita ad alterum pertinet.

PRAEFAT. 1. operae pretium sim] *Quintil. inst. or. VIIII, 4, 74*: sim operae pretium. || 3. me om. FE fort. eorum, qui nomini officient meo, me consoler || 4. et quae—laboret sua cf. Wep. 5sq. || 9. quibus artibus E. || labante I. F. Gronovius. || 13. tantum] MPB Heerwagenius exc. e cod. B. p. 8: tanti m. rell. || additamenta periochae libri I. in codd. adglutinata omisi.

LIB. I. I, 1. initio aliquid deesse censet Wexius in Iahnii annal. LXXI, 123—125. || 5. ubi] M: ibi || 7. Laurentem] MF: Laurentinum || 9. ubi] M: ibi || 11. stirps F: stirpis MPEB. || II, 1. Troiani petiti M Troianique petiti m. || 2. Aboriginis F. || III, 1. filius tamen M erat tamen m. || III, 6. iam] Mς: om. PEBF. || 7. putent] MFEp: putant Pm. || V, 1. Pallantio] scripsi: Pallanteo || 5. aperire PEB. || 6. et aetatem eorum] Mp: aetatem eorum PE eorum aetatem

F. || 7. obtruncat E. || VI, 2. effecit F. || 4. quorum tutelae] MFp: quorum tute lam B qorum tutelam P in quorum tutela E. || VII, 1. iamque] itaque F ex corr. || 4. laetioe reficeret] ς (*fragm. Haverc.*): laetiores efficeret M laetor eficeret PE laeto (l&to B) reficeret Be cum libris tantum non omnibus. || 7. vi om. M. || morte om. M add. m. || 12. ibi

tum] Eς ibi dum F ibi dum MPB al. || 13. sollemnibus PEB eo sollēnium F eo sollemnium e. || VIII, 3. et hoc genus] hoc genus Iac. Gronovius. || sumta est, et Heumannus ap. Drakenborchium sumta, et Heerwagenius in nunt. d. Monac. XVI, 661 exc. e cod. B. p. 9 sumpta est libri. || 5. adliciendae] ed. Ascens. a. 1513: adlicendae Palat. pr. adiciendae codd. fere omnes. || ueteri E. || VIIII, 2. circum] M: circa m. rell. || 3.

deinde *codd. Quintil. inst. or. VIIII, 2, 37 deī f. || 5. a plerisque] F et corr. Voss. pr.: ac plerisque MPEB cum rell. ut vid. omnibus. || 6. vocat om. M. || 9. etiam] Scheibius philolog. I, 390: iam. || X, 4. esse om. B cf. Heerwagenium exc. cod. B p. 9 sq. || 6. arma ferens. templum his B. || XI, 1. palantes] F et sic certe post pala in ras. M: palatos. || 9. derecto] Ww2: de recto. || XII, 7. resistere] resistere MEB. || XIII, 7. aetati MF in aetate corr. f. || XIII, 5. quia] qua MPE; num quod a? || 7. densis obsitis virgultis] scripsi cf. XXI, 54, 1; XXVIII, 2, 1, ut obscuris ad insidiis referendum sit: densa obsita virgulta libri; ad circa sc. haec verba rettulerat archetypi scriptor. locus multifariam temptatus cf. modo praeter edd. Gryssarium Theorie d. lat. Stils p. 14 sq. ed. alt. Heerwagenium nunt. d. Monac. XVI, 661. Kleinium progr. gymn. Wetzlariensis a. 1849 editi p. 4. || 9. quique cum eo equis ierant] PB<sub>ε</sub>: quique cum eo uisi erant E quiq. cum eo quiq. cum equis abierant uisi erant M quique cum eo q̄que cū eq̄tes erant uisi erant Ff, quas turbas ex v. l. cod. archetypi ortas esse apparet quique eum sequuti erant Heerwagenius exc. cod. B p. 10. || XV, 1. stimulabat] Ef: stimulabat F stimulabant MPB. || 4. arte] <sub>ε</sub>: parte cum MFPEB libri tantum non omnes ab arte Gifanius. || XVI, 2. sublimen Pm pr. cf. Ritschelium mus. phil. VII, 556 sqq. VIII, 155. || 4. sed obscura] PE: per obscura Rp sed perobscura MF. || 7. abi nuntia] annuncia F. || 8. fidei] E: fides || XVII, 1. ad singulos] Graevius: a singulis || a singulis intervenerunt Heerwagenius exc. cod. B p. 10 || peruenerant factiones F [pervenerat] — i. e. fort. per vim vel per arma aut — factionibus: Ww2. || 3. voluptatibus Em. pr. || regnari] <sub>ε</sub>: regnare MPEB regem in rasura F. || 6. quinum W. || 10. dinumeretur ex praecedente dignum ortum M diuo (vel deo) numeretur W in Iahnii ann. XXXV, 365. || XVIII, 2. Crotonem] Bas.b.: Crotonam cf. Heerwa-*

genium exc. cod. B p. 11. || 3. de l. distinguendo cf. Wexium em. Liv. prom. p. 2 sq. || 8. quoad] W: quō M quod FPEB quo p. || XVIII, 2. effariri Pm. pr. efferos E et in ras. F al efferari ab ead. fort. m. in marg. E. || 4. luxuriarentur F. || disciplinaue F disciplinamque Mm. pr. || iniciendum esse ratus est B. || 6. intercalares mensibus interponendo] F<sub>ε</sub>: intercalares (intercaelares, cae in ras., M intercaleres P intercalariis Heerwagenius nunt. d. Monac. XVI, 662. XXVI, 427. Th. Mommsenius act. antiq. stud. 1846 n. 53) mensibus interponendis MPEf al. intercalares mensibus interponendos Bps. ad ipsam rem cf. A. Mommsenium in Iahnii ann. LXXI, 249 sqq. Beiträge zur gr. Zeitrechnung p. 12 sqq. || orsi erant B. || XXI, 1. proximo legum] VMPEBF; quae quamvis quodammodo explicari possint, v. modo Wexium em. Liv. prom. p. 8, tamen habent aliquid offensionis: propulso legum <sub>ε</sub> proxime legum et deinde metum Muretus, Tan. Faber pro timore legum Kleinii in progr. gymn. Wetzlariensis a. 1849 p. 5. pro proximo legum Buettnerus observ. Livian. p. 8 sq. pro mole legum ipse olim temptavi. || 2. posita B Doujatius cf. Heerwagenium exc. cod. B. p. 11. || 4. instituit [et sacrarium]. ad id sacrarium Hofman Peerlkamp ad Verg. Aen. I, 292. || XXII, 5. actae (s. acte?) M. || comifronte] altera lectio archetypi: comi fronte comiter PB comiter concomi fronte comiter in ras. ut comiter

vid. M fronte comitmuniter Ff concomi<sup>t</sup> fr \*\*\*\*\* er m concomi<sup>t</sup> fraterniterger ibid. m. tertia. || XXIII, 3. est om. F. || vetustate] Voss. 1 (?) <sub>ε</sub>: cum vetustate, unde donec nomen quoque cum re vetustate abolevit coni. Heerwagenius exc. cod. B. p. 11. || 6. tamen si vana adferantur Heerwagenius l. l. || adferri rebatur] Tan. Faber, Wexius em. Liv. prom. p. 10: adferebantur MPB afferebantur FE. || 7. prodeunt] F: prodeunt procedunt M procedunt PEB. || 8. Tuscis] scripsi:

Uulscis MPB uulsis E es uulscis  
F es Etruscis ε es Tuscis *Strothius*,  
*Schadebergius in Iahnii ann. VII*,  
136 es *Veiis Iac. Gronovius Veiis es*  
*Orellius nov. ann. phil. et paed. I*, 399  
(quo propiores vos Bas. a.) || 10.  
cum] tum P m. pr. E m. pr. BF. ||  
XXIII, 2. ferro] bello B. || 6. san-  
ciendum, facit foedus ten *Brinkius*  
*Iubae Maur. rell. metr. p. 13.* || 7.  
postrema] VF: postremū MPEB  
postrema a me *Heerwagenius nunt.*  
*Mon. XVI*, 667. || 8. tum ille Diespi-

vel Diespiter

ter] vm: tum ille dies Iuppiter (in  
*mg. notatum Diesiuppiter*) Vv tum  
ille (in illo deinde mut.) dies iuppi-

ter Mm tum ille dies iuppiter PEB  
tu illo die iuppiter Fε. || 9. Vbi id  
E. || XXV, 1. arma capiunt. armati  
cum B. || 2. intenduntur] *Harl. I*:  
incenduntur || 5. cum non iam me-  
tus B. || 12. causae] ε *I. Fr. Grono-*  
*vius: causam* || XXVI, 2. obviam  
F. || 5. ac] *Rhenanus: ad VMPEB*  
aut .i.

ad F. || 7. lictor F i lictor *Lati-*  
*nus.* || 8. itaque provocatione *Tan-*  
*Faber.* || 11. arbori] Fε: arbore ||  
12. admirationi F cf. *Lachmannum*  
*ad Lucr. II*, 520. || XXVII, 8. idem]  
id ÷ B inde ε (*cod. Havercamp.*) et sic  
s. eidem *I. F. Gronovius eidem etiam*  
*Madvigius ap. Ingerslevium item Wt.*  
|| imperat ut hastas equites erige-  
rent] *Helmst. I*, scid. *Coloniens. Mo-*  
*dii: altera sc. lectio archetypi, in quo*  
*sic scriptum fuisse arbitror IMPE-*

ERIGERE IVBET

RAT VT HASTAS EQVITES ERIGERENT,  
inde (ut hastas equites erigere iu-  
beat V? quem *Rhenanus dicit cum*  
*vulg. edd. concordare*) imperat ut  
hastas equites erigere erigerent  
iubeat (iubet m) M imperat ut  
hastas equites erigerent iubeat P  
ut hastas equites erigere \*\* iu-  
beat (nt ut vid. in ras.) E ut astas  
equites erigere iubet F cf. *Heerw.*  
*exc. cod. B. p. 12.* || 9. addicti F. ||  
XXVIII, 1. posterā F. || 2. in vocc.  
ab extremo orsi finit quaternio pri-  
mus cod. E, alter inc. lib. III, 30,

14 indutiaeque inde || 7. redeant]  
M: redeat (*Heerwagenius l. l. p. 12*  
*sq.*) || XXVIII, 3. ultimum hoc  
illud *Wexius em. Liv. prom. p. 9.*  
|| 4. i ultimis Fε. || poterat] potitus  
erat *Wexius l. l. p. 10.* || XXX, 1.  
deinde] VM: om. || 2. Tullios] cf.  
*Schweglerum hist. rom. I*, 537. 575:  
*Iulios ex Dion. Halic. III*, 29 *Sabelli-*  
*cus.* || 5. hae] haec M v. *Draken-*  
*borchium ad II*, 44, 12 *Fleckeisenum*  
*mus. phil. VII*, 271 sqq. *VIII*, 221.  
*huius usus ab ipsis repudiati exempla*  
*ex libris Livianis petita collegerunt W.*  
*Iahn. ann. XXXV*, 384, *Welzius ad-*  
*not. crit. p. 19 sq.* || 7. etruria quae  
erat P etruriaque erat p etruria-  
querat B etruria utique erat con.  
*Heerwagenius exc. p. 13.* || Romulo]  
Romano vel Romanis *Dukerus*  
*Tullo Perizonius animadv. hist. c.*  
*IV*, p. 175 sqq. ed. *Harl.* || XXXI, 1.  
pluisse *Priscianus inst. gramm. X*,  
2, 11 p. 881. P., ubi in I. pro in II.  
*emend. Drakenborchius, ε (Palat. al-*  
*ter): pluisse.* || 6. religionibus etiam  
Fε. || 8. sollemnia (sacrificia)] sol-  
lemnia *Dukerus sollemnia sacrifi-*  
*cia libri* || operaturum *Bentleius ad*  
*Horatii carm. III*, 14, 6. || XXXII, 2.  
longe ε *I. F. Gronovius* || in album  
relata] (V??) ε (*Haverc. m. alt.*)  
*Sabellius: in album elata MPB in*  
*album elatū m in altum elata Fε.*  
|| et inde B. || 6. gentis sunt nu-  
mina audiant Fε. || 7. res dedier  
Po.Ro.

mihi] VM: res dedier mihi v res  
dedier (.B) pr. mihi PB res dedeier  
p̃ R̃ mihi F res dedier populo Ro-  
mano mihi vel mihique ε res dedier  
mihi populoque Romano *Drakenbor-*  
*chius res populi Romani dedier mihi*  
*Wt I p. VI.* || 11. causa *Madvigius*  
*ap. Ingersl.* || XXXIII, 2. veterem  
PBF] eidem Fε. || 6. Tiberi PF. || 9.  
Messia] scripsi cum ε (*Haverc.*) coll.  
*codd. Silligianis Rd apud Plinium*  
*nat. hist. VIII*, 58, 83, 225: Mesia  
MP Maesia F. || XXXIII, 4. ea quo  
innupsisset] Wea quum innupsisset  
V ea cum innupsisset PB\*\*\* (hec  
*inseruit m*) cum innupsisset vel in-  
nubisset M ea cū nupsisset F. || 5.  
Roma esse ad id *Garatonius ad Cic.*

or. pro Sest. 42, 91. || potissima I. F. Gronovius. || 8. leniter] ε: leuiter || 9. humana manu superimpositum Strothius humana manu superpositum Wexius em. Liv. prom. p. 10. || 10 sq. edidere nam et Romanis F cum ε. || XXXV, 3. cum del. Dukerus et Heumannus in ep. ad Drakenborchium. || 4. tum] post accitum add. Arntzenius miscell. lib. p. 64 al. cf. Kreyssigium de Sall. hist. lib. III fr. p. 37: om. libri. || 6. centum patres Fmε centum in pares B. || 7. Apiolas] ε cf. Drakenborchium ad h. l. et Bormannum lat. Chorographie p. 122: Appiolas || XXXVI, 4. eludensque artem] p: ludensque artem PBF eludensque artem iubenque (iubensque m) M. || 5. (in comitio)] scripsi: in comitio MFp in comitio est P. || 7. alterum tantum] Lipsius, I. F. Gronovius: tantum alterum MPF tantum alteram B tantum alteros Heerwagenius in Iahnii annal. LXVIII, 661. || mdccc M cf. Mommsenium hist. Rom. I, 765 ed. alt. m et dccc V, I. F. Gronovius observ. III, 25 m et ccc PF mille et ccc B mille ac ducenti Glareanus, Niebuhrius hist. Rom. I, 377 ed. quart. mille et ducenti Beckerus antiq. R. II, 1, 242 sq. cf. Zumptium über die r. Ritter p. 11 sq. Schweglerum hist. R. I, 689 sq. || XXXVII, 1. pleraque ratibus impacta sublicisque I. F. Gronovius. || 2. , et fuis Iac. Gronovius. || hostes] M: hostem || 6. gestae res erant] M gesta res est B gesta res erat rell. || iere] P: ire || XXXVIII, 6. munierat] munita erat Wexius em. prom. p. 10. || evehebantur aquae, cloacis Heerwagenius exc. p. 14. || ecloacis MPB al. || XXXVIII, 1. eodem tempore Fε. || 2. iam] om. Harl. 1. eam ε I. F. Gronovius. || 4. cordi est Madvigius ap. Ing. || 5. tarquini domos B tarquini in domo Heerwagenius exc. p. 14. || XXXX, 2. civicae] ε I. F. Gronovius: uicine, supscr. ciuice, F ciuine Buicinae MP. || 3. quod] Madvigius ap. Ing.: quam || servus serva] Fε cf. c. 47, 10: servus serva VMPB. || 4. sed et] M al.: sed PB al. || , sed iniuriae .. stimulabat. Et quia ... videbatur: ob Wexius l. l.

Livi vol. I.

p. 4. || quia del. I. F. Gronovius cum Herm. Sauppius ap. Ww. || 5. rixae pro qua in se F cum ε. || 7. deicit] scripsi: deiecit libri, quod non mutassem, si tironibus nota esse possent, quae Lachmannus disputavit ad Lucr. II, 951. || XXXXI, 1. eicit ε: eiecit v. ann. praeced. || 4. versas] ε: uersus || 6. factum ex] Gruterus: factum et VMPB (Ww2 Heerwagenius exc. p. 14 sq.) factu et F factum est W. || 7. iam tum compressis] Fε cf. Halmium ad Cic. pro P. Sulla or. p. 73 ed. a. 1845: iam tum compressis P iam tum cum compressis B iam tum cū compressis M, unde iam tum cum compressi sceleris ministri sunt Heerwagenius nunt. d. Monac. XVI, 667 cf. exc. p. 15 tum quum compressis sceleris ministris vivere .... nuntiatum est Klixius act. gymnas. 1854 p. 677, at l. haec ex con

corr. videtur orta esse cū prensis; iam dudum compressis W. Iahnii ann. XXXV, 379. || XXXXII, 2. quin] Pinmg. Fε qui cum in M qui cum PB cui cum Helmst. I. || .Cui cum — faceret, Heerwagenius exc. p. 15. || 5. classis] F: classes. || XXXXIII, 2. primae ε Heerwagenius l. l. p. 668, exc. p. 15: primo || omnis p. || 5. (in) Madvigius ap. Ing. || haec MPBF cf. c. 30, 5. || 6. datur M. || 7. gerebant. His accensi cornicines Iac. Perizonius || In his accensis cornicines tubicinesque in II centurias distributi vel ipsum Livium scripsisse vel in auctore suo invenisse censet Langius antiq. R. I, 356. || 9. centurias e tribus I. F. Gronovius obs. III, 25 e centuriis tribus Huschkius Servius Tullius p. 347 sq. || tribus — nominibus del. Goettlingius Gesch. d. röm. Staatsverfassung p. 254. || 12. nunc post] M: nunc est post || seniorumque est] Alschevskius: seniorumque se MPF seniorumque ε. || 13. regionibus, quae] scripsi ex alt. archetypi lectione collibus qui

COLLIBVSQVI

uncis includens: REGIONIBVSQVAE archet., nam regionibus quae collibus qui M regionibusque collibus qui PBm regionibus collibusque qui

D



F Harl. 1 *Ingerslevius ep. crit. ad Alschevskium II*, XX sq. regionibusque collibusque qui (M ap. *Drakenb. l.?*) *Mommseus d. röm. Tribus* p. 2 (v. etiam *Goettlingium l. l. p. 237 coll. tamen Beckero antiq. R. II*, 1, 167). || XXXXIII, 2. is] s (cod. *Mureti, Lipsiensis?*) *I.F. Gronovius*: in || octoginta tria coll. *Eutrop. I*, 7 *Niebuhrus h. R. I*, 468. || XXXXV, 1 sq. urbi decus. iam tum erat] P in mg.: urbi decus. tantum erat M urbi decus uel tam tum erat P decus urbi ut tantum — *Erat Helmst.* 1 urbi decus ut tantum erat B urbi decus voluit. Iam tum erat *Heerwagenius exc. p. 15*. || 5. civis.. immolassent] VPF cf. *Wagneri orthogr. Verg. p. 404 sq. Lachmanni in Lucr. I*, 805 comm.: ciues.. immolassent M ciuis.. immolasset *Rhenanus*. || 6. sabiniq; ut primum apta dies sacrificii est visa B || ut primum *Rhenanus (V?) Heerwagenius exc. p. 15 sq.* || magnitudine F cum s || pararas] M: paras || 7. extemplo] *edd. vett., (Bas. utraque) Alschevskius*: ex templo || XXXXVI, 1. dubie m dubie \* M. || 6. dicere] ducere *C. Wurmius comm. de Liv. loco lib. 1 c. 46 Norimb. 1828 p. 13*. || 7. impari; nunc elang. — esse con. *Madvigius ap. Ing.* || esse P al. || 8 sq. Impleut B implet. Ita *Perizonius*. || 9. Arruns Tarquinius et Tullia [maior haud multo post eodem morbo obeunt. Lucius Tarquinius et Tullia] minor scripsi coll. *Dion. Hal. IIII*, 30: Arruns tarquinius et tullia minor libri tantum non omnes Lucius Tarquinius et Tullia minor *Voss. alt., Vrsinus, Fr. Sanctius Aruns Tarquinius et Tullia maior Sabellius*. || XXXXVII, 5. fratris similior quam patris] *Alschevskius*: fratri similior quam patris M fratri similior quam patri *rell.* || 10. servum] MPF al.: servium s. || XXXXVIII, 2. cum] Cui F cum s. || 3. num deiecit h. etiam l. praesens, ut deinde cum cod. *Lipsiens. l. sit redit?* || 4. post exsanguis codd. cum semianimis (semianimes VPm.pr.) regio comitatu domum se reciperet (recipere Mm.pr.) pervenissetque ad summum Cyprium (p ciprium F cōs primum

VM) uicum 'quae perperam esse iterata vidit *Drakenborchius*': sunt verba *Bekkeri*, qui om.; varios vv. dd. ad locum emendandum conatus olim enarravi in libello phil. klin. *Streifzug p. 42 sq. cf. etiam Heerwagenius exc. p. 16*. || 6. flectendi B flectens vel flectendo *I.F. Gronovius*. || Orbium] sic duce *Fest. p. 182 M. et cod. Vat. Dionys. Hal. IIII*, 39 *I.F. Gronovius*: urbium MPBF al. *Solin. I*, 25 'libri plerique' uirbium s cf. *Beckerum ant. Rom. I. not. 1101*. || 7. est quem sceleratum F cum s. || 9. agitandi F cum *Helmst.* 1. || XXXXVIII, 7. traditum] F Bas. a.: ut traditum *Helmst.* 1 ut traditur MPB al. || L, 2. toto PE et sic etiam M ex coll. a *Drakenb. l.*: tota || 3. ei inditum cognomen] V: inditum romenei (romanis?) cognomen uel in lit. M (inditum rom nomen ut vid. m; inditum Romae ei nomen M inditum Romae cognomen m teste *Drakenb.*) inditum romae cognomen PBF s inditum romae nomen s (*Leid. 2*); si romenei recte *Alschevskius* agnovit in M, exemplum, ex quo descriptus est hic nomen ei

liber, praebuit inditum cognomen || LII, 2. quo ab] F s: quod ab MP al. qui ab B. || LIII, 3. divendenda praeda] *I.F. Gronovius* diuendenda praeda F divendita praeda ed. *Mogunt. a. 1518* diuidentia praeda M m. 1. diuidentia praeda PBM s deuedenda praeda M manu tertia diuendendo praedam s || quadringenta Harl. 1 s (*Lipsiens.*) *D. Hal. IIII*, 50 || argenti auriq; f s || refecisset] altera archetypi scriptura, *I.F. Gronovius*:

CEPISSET

REFECISSET ni f. archetypus refecisset coepisset M refecisset ac recepisset F reque coepisset P req. cepisset B recepisset *Helmst.* 1 *Harl.* 1 s fecisset *Leid.* 1 cepisset f *Havercamp.* || 5. in se seuitiam B in sese saevitiam *Heerwagenius exc. p. 17*. || 6. regni om. M. || LIII, 1. esse et] *Alschevskius*: esset || 5. prae aliis Gabiis] scripsi, prae aliis sc. omnibus, usu a *Livio* haud alieno cf. *Fittbogenium observ. Liv. p. 5*: prae Gabiis Mal. pre Gabiis V gabiiis F .p.

gabinis PB populis gabinis *Helmst.* 1 prae Gabinis *Veith.* ipsis Gabiis *Rhenanus* ipse Gabiis *ed. Bas. a. 1554* praetor Gabiis *Otto divin. Liv. p. 1 sq. cf. Lorenzium de praet. munic. p. 2 n. 5* praeter Gabinos *coni. Ww* per vel in Gabinos antea idem in *Iahnii ann. XXXV, 364* publice Gabiis *Heerwagenius exc. p. 17.* || LV, 2. esset et tota *Wexius em. Liv. prom. p. 4. T.] Pm. pr.: del. p om. rell.* || 3. numen] omen *Ruhnkenius v. Mnemosyn. III, 1, 1854, p. 58.* || 7. Pometinae] F, *Sabellicus, Rhenanus: pôptinae Helmst.* 1 pomptine MB promptine P pontinae *ε.* || 8. quadringenta *ea Harl. 1 al. I. F. Gronovius, at v. Niebuhrium hist. R. I, 538 Boeckhium metrolog. Untersuchungen p. 438.* || 9. summam] F, *I. F. Gronovius: quia summam VP al. quia summa MB 'possis quippe' Bekkerus* || nullo- rum, ne huius *F. V. Reizius Berichte d. sächs. Gesellschaft d. Wissenschaften h. phil. Kl. 1850 p. 102.* || LVI, 1. grauatur M. || 2. quam postquam] *Bekkerus: quae (que P) postquam* || 4. regia] *Madvigius ap. Ing.: regiam* || 10. est om. M. || 11. redisset] *Mm. pr. Helmst. 1 (reddisset Pm. pr. B): redissent Fm al. (p? an reddissent p?)* || LVII, 4. in stativis] F: in histatiis Pm pr. B Inistatiis *Leid. 1 in his stativis VMP al. cf. Lachmannum ad Gai. I, 190, ad Lucret. III, 283.* || 7. quod necopinato] *ε: quod necino- pinato MPB al. quod in necopinato Heerwagenius exc. p. 16.* || 9. lusuque *I. F. Gronovius.* || LVIII, 5. (velut victrix)] *scripsi: uelut uictrix libri velut ultrix Marklandus in ed. Eurip. Supplicum Lipsiensi p. 314.* || 7. mulieris B. || LVIII, 1. manantem] *Fε: manante* || exacturum] *Rhenanus: exsecuturum VMP executu- rum F.* || 5. paris praesidio relicto P pars praesidio relicto *Harl. 1 patres praesidio relicto Helmst. 1 Rott. patri paris praesidio relicto B pars praesidio relicti I. F. Grono- vius.* || parte praesidio relicta Col- latiae custodibusque datis ad por- tas, ne quis *Heerwagenius exc. p. 18.* || 10. caedis et] M caedes et m

caede. sed P caede | sed B caede et *Fε. || LXI, 1. praelatis M.*  
 LIB. II. in periocha fratris] sororis *Sigonius* || L. Valerius] P. Valerius idem || *Latinius] idem: latinus* || id] *Drakenb.: et Naz., om. W.* || *Opillia v. c. 41, 11: illia* || gerendi\*] gerendi *Naz. gerendum ε fort. gerendum sibi vel gerendi veniam* || *Veientes \* et O. Iahnus.* || I, 11. totam hanc senten- tiam a conscriptos — lectos *spuriam sibi videri significavit W. Iahnii ann. XXXV, 389* || novum in] *Drenckhah- nius sem. phil. Gryph. sod.: nouum libri mell. in nouum ε Sigonius* || lec- tos om. *ε (Harl. 2. Oxon. B.)* || II, 1. ne ubi ubi] *I. F. Gronovius: ne ubi ubi F nec ubi ubi VM, quod ab Alschefs- kio receptum defensionem certe ali- quam admittit et non satis circumspec- te a me impugnatum est l. l. p. 44. cf. Alschefskium in Iahnii horr. phil. et paed. XV, 499 sq. et Obbarium in act. gymnas. a. 1850 p. 897 sqq. necubi ibi Pal. Rhenanus necubi m al. ne cui ibi conieceram l. l.* || 3. tamquam] *quamquam Reizius l. l.* || III, 5. sua om. M. || 6. alia] *Crevierius, W: alia alia Pm. pr. alii alia MF p al. alibi alia Dukerus aliter alia conieci l. l. p. 45.* || III, 5. et cenatum] *coena- tum Dukerus, quo, l. recte distincto, non opus est.* || V, 1. ibi] *MPε recte cf. Duk. ad II, 35, 4 Drakenb. ad VII, 23, 4 Handium Tursell. III, 165: illi F Helmst. 1 ε hi Alschefskii ii W. uicti ira add. f.* || 8. emereturne ani- mus patrius *Strothius eiusque coni. nescius emereturne animo patrio ego l. l. p. 47 temptavimus, ut Livii narra- tio cum reliquis historicis Polyb. VI, 55 D. Hal. V, 8 Plut. Val. Popl. 6 Val. Max. V, 8, 1 conciliaretur cf. ta- men Schwegelerum hist. R. II, 1 p. 45 n. 1.* || VI, 6. agmini fuit M. || 8. di- rigit] *pF ex corr. ε: diregit Pm. pr. (pro derigit cf. Lachmannum ad Lucr. III, 609) ru \*\* it M regit Fm. pr. Harl. 1 ε.* || 9. propter] *Reizius l. l.: per libri.* || VII, 6. alto] M: ubi alto Pε ibi alto Fε ibique alto et in alto al. || *fieri Alschefskii fieri fore libri, in fore ras. corr. F: quamquam ge- minae lectiones in libris Livianis satis*



frequenter inveniuntur, tamen dubitavi, an h. l. fieri foro (dat. sc.) emendandum esset cf. *Plut. Popl.* 10 οἰκία ἐπιπαραμένη τῇ ἀγορᾷ *D. Hal. V*, 19. || 10. momentaneaue apud vos fama pendere F cum ε. || 12. Vicae Potae] ε: uicae (vel uice) pocae VP al. uicus publicus in litura mf. cf. *Cic. de legg. II*, 11, 28 *Plut. l. l. Sen. de mort. Claud.* 9, 3 *Ambroschium Studien* p. 120 n. 67 *Beckerum de Rom. vet. mur.* p. 44. 47 sq. *antiqq. R. I*, 249 sqq. || VIII, 3. tum demum comitia *Alschefskii*. || VIII, 1. Porsina] cum *Putean. XXVI*, 41. *Alschefskii* in ed. min. et W: Porsinna, Porsenna (sic *Naz. periochae*) etc. *rell. de variis nominis scribendi rationibus* cf. *Schweglerum l. l. II*, 1, 52 n. 1. || 6. omni sumpto] *Divaeus, Wimmerus observ. Liv.* p. 24 sqq. cf. etiam *Marquardtium ant. R. III*, 2, 123: omni sumptu libri omne sumptum ε (ms. *Klock.*) *I. F. Gronovius*; post omni sumptu vel suscepto vel simile aliquod participium excidisse censent *Clericus, Doeringius, Ingerslevius l. l. II. XXVI*. || adempto ex corr. (f?) F || educerent] *Latinius, Drakenborchius*: educunt MPF al. educarent ε. || X, 8. trucis] add. fort. etruscis F: truces || XI, 7. T.] m. t. P al. m. (perperam inde M. ni f. coll. ap. *Drakb.*) M metui F inde T. *Harl.* 1. etc. || 9. Valerium] *Glareanus*: Lucretium || XIII, 6. honorandis uirtutibus honorata uirtute F honorandis uirtutibus *Leid.* 1. || 8. intactam inuolatamque] *Bas. a.*: inuolatamque VMP al. inuolatam Fε. || 10. quod] MFε: quodet Pε || 11. novo] F ex corr. *Harl.* 1. ε: nouo in MPFε nouo inde *Alschefskii* cf. *vol. II p. XIV sq. at v. W. in Iahnii ann. XXXV*, 387, XXXVIII, 245. || XIII, 7. usae] PF al.: sae VM se m nisae *Rhenanus*. || XV, 1. Spurius] ed. *Campan. Niebuhrius h. R. I*, 562, cf. *Schweglerum h. R. II*, 1, 67 n. 3: Spurius (Puerius V) publius VM P. Pε || Publius lucretius inde et titus ermenius p.

ualerius F P. lucretius Titus Hermenius P. Valerius *Harl.* 1. Purius

Lucretius inde et Titus Hermenius P. Valerius *Leid.* 1. et similiter T. Hermenii nomen inferentes al. || M. Horatius iterum et P. Valerius Publicola tertium; tum Spurius Lartius et T. Herminius consules facti *I. F. Gronovius* cf. *D. Hal. V*, 21. 36 et *fast. cons. Cap., Cassiod.*, qui *Livium* fere excerpsit; cf. tamen *Broeckerum Unters. üb. d. Glaubwürdigkeit d. alt-röm. Gesch.* p. 292 sq. || 3. ea esse vota] altera lectio archet.: eam esse uoluntatem (PFε) altera; eam ea esse uota esse uoluntatem VM ea esse uota, eam esse uoluntatem *Rhenanus*. || XVI, 4. Attus] *Drakenborchius* (Atium i. e. Attum X, 8, 6 MP): Appius V Attius MPF, quod servare possis coll. *Schweglero hist. R. II*, 1, 57 sq. n. 5. || a uicino] scripsi: ab ciñ M ab cñ Pm ab cñ (b in ras) F ab ne B. etc. ab ε *Heerwagenius*, qui in ciñ (nc) quaerit gloss. civitatis nomen vel nomen civitatis; a vico *Iac. Gronovius epist. Liv.* 1. a Sabino Wt. || 5. trans Anienem; vetus *Claudia*] trans Anienem veterem; *Claudia Niebuhrius h. R. I*, 587: at Anio novus a. demum p. C. n. 38 a *Caligula inchoatus*, a. 52 a *Claudio dedicatus* est et tum demum alteri veteris cognomen adiectum v. *Frontin. de aquaed.* 13. || 7. elatus] aliquot edd. vet.: datus || XVII, 3. sed utrum] *Freudenbergius observ. Liv.* p. 6, ut et ipse scripseram: sed verum nomen libri;

## NOMEN

SED VTRVM ni f. archet. verum nomen *Alschefskii* ed. mai. ('Campanus videtur edidisse verum nomen auctores non adducunt' *Gebhardus*) sed utrum eorum idem ed. min. ceterum nomen W utrum — sed nomen Ww2 sed viri nomen *Heerwagenius Iahnii ann. LXXI*, 198 nomen *Ingerslevius* || 4. relatus] *Dukerus*: relictus || maiore edd. ante *Ald.*: maiore bellum MP al. maiore belli Fε; bellum gloss. videtur ad arma pertinens. || XVIII, 1. Postumum] *Sigonius*: Postumium || 2sq. videbatur supra belli Latini metum. id quoque] *Wexius em. Liv. prom. p. 1 sq. recta distinguendi ratione opt. librorum* (uidebantur P) lectione servata: vide-

batur. super belli Sabini (Sabini ε) metum id quoque *Dukerus*. || 4. nec quo anno id factum sit nec quibus consulibus *G. Beckerusthes. III. pone diss. de Isid. Hisp. de nat. rer. libro Bonnae 1857.* || quibus consulibus] ε *Rhenanus*: quibus facti (factis F) consulibus || essent facti *Welzius comm. crit. p. 12 sqq.* || 7. quin si] *I. F. C. Lehnerus, act. phil. Mon. III, 213 sq., Hauptius philolog. III, 547. in eandem coni. in seminario phil. univ. Berol. ante hos quattuor annos incidit Woestendiekus ph. stud., praematura morte literis ereptus: quis in Pm. pr. qui si MF(p?) al. quia si et quod si ε* || 9. credebant *Reizius l. l.* || 11. Sabini] *P in mq. Fε*: Sabinum Pm al. Sabinium in VM ex utraque lectione conflatum esse persperxit *Alschevskius*. || XVIII, 1. Ser. Sulpicius M. Tullius Glareanus et Sigonius: seruilis sulpicius. m. manlius (manilius F) tullus || 5. ipsi *I. F. Gronovius*: ipsis || 10. ea quo] Mm. pr. Pm. pr. F: eo quo vel eoque vel ea quod rell. || XXI, 4. quosnam] *Hauptius Berichte d. sächs. Gesellsch. d. Wissensch. h. ph. Kl. a. 1850 p. 104, quem h. etiam l. feliciter assecutus erat Woestendiekus*: quosdam || 5. Cumis] Cumis et P *Helmst. 1. est cumis Fε* Cumis est *Alschevskius*. || 7. una et viginti] *Bamb. a Ww l., perioch. ε Glareanus*: una et xxx PF al. et xxx Metuiginti *Haverc., del. Mommsenius r. Tribus p. 8.* || Mais P et ras. corr. F maii in ras. m. || XXII, 3. reddit Fε. || XXIII, 5. est] M: esset || 8. nexi vincti] altera lectio archetypi, *Sigonius cf. v. Heusdius de l. Poetelia Papiria p. 70. Bachofenius das nexum etc. p. 44 sqq. Huschkus über das Recht des nexum p. 70: in exsui (innexsui m) uinctis M nexu uincti PFε inde nexu vincti Alschevskius.* || XXIII, 5. posse] *cos. Madvigius opusc. acad. alt. p. 127 cos. se i. e. consulem se idem ap. Ing.* || praeverti] scripsi: praevertisse (peruertisse nec M) libri, quod quidem 'nemo pro praeverti suppositurus erat' iudice *Madvigio*: at praecedunt intervenisse, posse, secuntur cepisse, consuluisse, unde talis corruptela facillime

originem ducere poterat. librorum lectionem tueri conantur *Walchius emend. Liv. p. 49 sq., Wexius in Tac. Agric. prolegg. p. 156.* || XXVII, 3. in] vi *Rhenanus*. || praeceps erat] 'in marg. minutiore scriptura' *Vε (Voss. 2) ed. Camp. et sic vel praeceps ierat s. iverat Sabellicus: praeceperat libri tantum non omnes, Rhenanus.* || 9. libertatis om. M. || XXVIII, 4. Claudius] claudius ē Mm. pr. || 6. negaret PF al. || XXVIII, 7. P.] libri, *D. Hal. VI, 37: T. coll. c. 21, 2 Dukerus Proculus Haakhuis in Pauly encyclop. VI, 2663.* || 12. uiolarit et uiolauerit ε *Doujatius violabit Rhenanus.* || XXX, 1. putabant sententiam] *del. Gebhardus et I. F. Gronovius repudiabant sententiam Wexius em. Liv. prom. p. 11 sq. W Iahnii ann. XXXV, 382.* || 4. imperium suo] ε (*Leid. 2*): imperio suo VMPF al. imperium sua natura vel potestas imperio suo ε imperium sua vi *Wexius em. Liv. prom. p. 12 imperium iure suo Freudenbergius obs. Liv. p. 7 imperii vis Madvigius ap. Ing. magistratus (vel dictatura vel potestas) imperio suo Heerwagenius Iahnii ann. LXXI, 198 fort. imperium (vel ius v. §. 12) imperioso* || mansuetudo M al. || permetterentur VMm. pr. || 5. M.] *cf. Niebuhrium h. R. I, 565 sq. 629, Haakhium in Pauly encycl. VI, 2325 sq., Schweglerum hist. R. II, 1, 247 sqq.: M' ε Sigonius, Pighius ann. I, 89, Broeckerus Untersuchungen etc. p. 391 sq.* || 9. is finis] M: his finis ε is (*vel his*) finis nihil P al. his finis nihil F his (*vel hiis*) finis nihil ε finis illis *Helmst. 1 is finis illic Heerwagenius nunt. Monac. XVI, 645.* || populationis (F) et populationis ε. || 11. consistere] M: constitere || inire] VM: iniere || 13. quam si] VF al. *cf. III, 13, 2 Lachmannum ad Lucr. III, 568: quam si in Pε fort. recte, cum in ante insidias facillime excidere possit quam Mε* || 14. vigent] M: uigentes. || XXXI, 1. fugaque Mm. pr. || exiitque castris] hoc modo M: exiit castris VPF al. et exiit castris *Gaertn. (supscr. hoc modo), I. F. Gronovius.* || 4. hostis F. || 5. crimi-

nantis Fm. pr. || 6. aversas] *Tan. Faber et I. F. Gronovius*: aduersas || et] ex s. || 10. fecere ut] fecerat M. || XXXII, 1. est om. M. || 2. est om. PF. || 8. sic om. PF. || 9. homine, ut nunc . . consentiant, sic . . . fuerit *Wt I. p. IX.* || consentientia] scripsi (*praecepit nunc emendationem Heerwagenius Iahnii ann. LXXI, 199*): consentiant MP al. consentinant F consentiunt, consentiebant, consenserant (sic Ww2), consenserat al. consentirent *Rhenanus.* || fuerat Pm. pr. Ww2. || 10. dentes denique] *Freudenbergius l. l. p. 9*: dentesque M dentes quae *Harl. 1. Leid. 1* dentes PF s. || XXXIII, 3. tantum om. M. || inierant] *Reizius l. l. p. 102*: inierunt || 5. protinus Poluscam, item] *Cluverius Ital. ant. III, 8 p. 1028*: protinus muscamitem P protinus mucamitem M protinus mucamitem Fm Poluscam item *Sigonius.* || 8. primo ortus s. primum ortus *Kloekius et I. F. Gronovius.* || urbe, cui ad *Moguntini.* || 10. omnium] omni in *Iac. Gronovius* omni edd. pleraeque. || XXXIII, 6. ea remisisset] F s. eam remisisset P al. eam remisisset M. || 9. ueterum Pm. pr. || voluntius] PF: uolentius *Harl. 1* soluentium M. || 11. fruuntur] s. fruuntur utantur VM utantur PF al. || 12. dictu] s. dictum || patris Fm. pr. || XXXV, 3. poena] p: poenae P poene M pene F. || 6. benigne mpf s. || excipere Fm. pr. *Leid. 1.* || percipiebantur] s. praecipiebantur || 7. Atti Tulli i. e. Attii Tullii cf. c. XXXVII, 1. XXXVIII, 1. *Schweglerum h. R. II, 1, 353 n. 2*; de T. Latini nomine v. eundem p. 354 n. 2. || XXXVI, 2. instaurentur M. || 4. ni ea propere annuntiet MF s. || XXXVIII, 1. veniret] s. (*Portug.*) Bas. a: eueniret || audientis F. || 4. aliquod] aliquid M aliquot Fm. pr. || quod] quo s. *Vasconianus.* || 6. efficere M. || XXXVIII, 3. verba in Latinam — transgressus in § sq. post tum deinceps transfert *Niebuhrus h. R. II, 268.* || *Bovillas] I. F. Gronovius*: novellam libri *Mugillam (vel Moegillam) Iac. Gronovius prob. Schweglero hist. R. II, 1, 357 sq. adn. 3* cf. *Bormannum lat. Choro-*

*graphie p. 202.* || 4. recipit VPF al. || *Trebium] libri*: *Trebiam Bas. a Toleriam [immo Tolerium] Cluverus Ital. ant. III, 4 p. 969* cf. *Bormannum l. l. p. 203.* || 12. nihiloque *Helmst. 1.* || XXXX, 3. primo] *Aldus*: in primo MPF al. is primo s. || 8. nec mihi miserius quam tibi turpius s. *Wexius em. Liv. prom. p. 12.* || (quam) scripsi: quam libri fere omnes nec s. *Bekkerus.* || 10. et ipse Ms. || 11. laudes suas] s. laude sua MP al. f. laudem suam || XXXXI, 3. usque om. M. || 4. fastidire munus: vulgatum, a civibus isse] scripsi, possis etiam fastidire munus: vulgatum a civibus

I  
esse; ESSE enim in archetypo fuisse docet v. l. isse VP esse vF al. egisse (ex eisse sc. ortum) M unde lectionis origine non perspecta egenis *Niebuhrus h. R. II, 189* fastidire, munus vulgatum a c. isse in socios edd. fastidire m. vulgatum a c. in s. *I. F. Gronovius* fastidire munus, vulgatum a c. si isset in s. *Heerwagenius Iahnii ann. LXXI, 199.* || 5. acceperint] Bas. a: acceperant || 6. ducem Ps. || 7. consul ut] VMF al.: consul PF ex corr. s. consulum *I. F. Gronovius.* || XXXXII, 2. consul om. F. || 3. patris Fm. pr. || 5. a Postumio W. N. de R(ieu) mnemos. IV, 382. || 6. solliciti M ollicitati F. || favoris in multitudine] VM: fauoris in multitudine F al. furoris in multitudine Ps. || largitionis Fs. || temeritatis *I. F. Gronovius.* || inuitamenta] al. iuita mita F in mg. m. pr. || 7. Cassi] F: Cassii || 11. Opillia] scripsi: *Opia MF al. Opia P al. illia cod. Naz. perioch. 'Opilla Vat. D. Hal. VIII, 89 Popilia Oros. II, 8 Πομπιλια Euseb. chron. ada. MDXXXII. p. 337 ed. Mai.* || XXXXIII, 1. Iulius] *Sigonius*: *Tullius* || 3. *Licinius] sic etiam c. 44, 1: Icilius Sigonius cf. D. Hal. VIII, 1. Schweglerum hist. R. II, 1, 481 n. 4, 497 n. 1.* || ipsius] Ms (*Pal. pr.*): ipsius eius P al. ipsi eius Fs

EIVS

(*Portug.*) *Muretus* IPSIVS archet. || 5. Fabio in Aequos, in Veientes Furio datur. Et in Veientibus quidem (cf. c. 44, 11; 46, 1) *Harl. 2, 'ex*

*antiquo exemplari* Sigonius, Niebuh-  
rius h. R. II, 216; at cf. D. Hal. VIII,  
2 Zon. VII, 17 Schweglerum hist. R. II,  
1, 497 n. 3. || 8. etsi] si Muretus aut  
si Orellius ad Cic. or. p. Planc.  
V, 12. || stare] Muretus: instare ||  
XXXXIII, 6. quattuorque] s. Sigo-

nius: novemque VPF al. noque M  
nouumque (*dilectum sc.*) Rhenanus.  
|| 11. Aequis] Veientibus Glareanus  
Veiiis du Rieu de gente Fabia p. 37.  
cf. c. 43, 5 et Haakhium in Pauly enc.  
real. III, 369. || 12. haec Pm. pr. s. hec  
Pal. pr. he in ras. f. || XXXV, 1. ter-  
rebantur] VF: terrebat MP v. || 15.  
nuncque iubent M. || armatis sibi]  
s. Aldus: armati sibi VMP al. arma-  
tis ibi F armato sibi Helmst. 1. ||  
XXXVI, 1. Aequis] Veiiis Haa-  
khium et du Rieu ll. cum maxime ll. ||  
3. ordines] s. (Voss. 2) I. F. Grono-  
vius: ordinis || 4. insigni] Reizius l. l.  
p. 102: insigne || 6. Caeso] Mogunti-  
ni: gaius || XXXVII, 5. potuerant]  
MF pr. m. corr. s: potuerunt P al.  
poterant F s. || 6. apposito M. || 10.  
consul] consuli P fal. || amisso] F s:  
omisso MP al. || 11. redit] F al.: re-  
diit MP Leid. 1. || 12. arte (Harl.  
1.?) Ald.: parte libri; num partum  
arte, oratione post Fabii incisa? ||  
XXXVIII, 1. K.] cf. c. 46, 3: G  
VMP C F al. Cn. vel Gn. s. || 2. prius-  
quam quis agrariae Wexius em. Liv.  
prom. p. 12. || 3. nullae — fuere cf.  
Schweglerum h. R. II, 1, 504 n. 2. || 5.  
proximae Mm. pr. Pm. pr. proxima  
m. || in formam] cf. Wimmerum obs.  
Liv. p. 32 sq.: formam F Bas. b. || 10.  
rediit P s. || XXXVIII, 3. neque  
ut minor M. || 4. sperneres,] Madvi-  
gius ap. Ing.: sperneret || 6. honores  
sperare] honores spectare M f. ho-  
nores expectare || habent M. || L, 1. in  
incursantes] Goebelius thes. XII. pone  
obs. Lucret. Bonnae a. 1854 ed. recte  
perspecta geminae lectionis indole:  
incursantesium Pm. pr. incurantes  
lupi M incurantium p. rell. || 5. ra-  
ra] pare (part ap. Drb.) M parata m  
|| 7. aecidebant] Harl. 1 Bas. b: ac-  
cedebant || 10. leniter] s (?) edd.:  
leuiter || 10. uincebantque P al., in  
vincebat mut. in F. || 11. propter im-

puberem aetatem] Kreyssigius ep. ad  
Goellerum p. 463 sqq. cf. [Aur. Vict.]  
de vir. ill. c. 14 Woelfflinum philol.  
VIII, 384. XI, 167 Wexium Iahnii ann.  
LXX, 458: prope puberem aeta-  
te || LI, 1. est] Madvigius ad Cic. de  
fin. III, 13, 33 Wt I. p. X: esset || 4.  
Sp.] P s. Cassiod.: P. MF al. Servius  
D. Hal. VIII, 25 Gaius Diod. XI,  
54. || proximam pugnae] MP al.:  
proxime pugnae F proximae pug-  
nae s. proximam Helmst. 1 proxima  
pugna I. F. Gronovius. || 7. nonnihil  
hesterna Wexius em. prom. p. 12. ||  
quamvis] quaevis id. ibid. || LII, 4.  
ea oppressit] I. F. Gronovius: eam  
al sit

oppressit MP al. eā oppresser (señ  
eras.) F eum oppressit vel eum op-  
presserunt vel eum oppressere vel  
eam oppresserunt rell. haec eum  
oppressit coni. Alschevskius ea reum  
vel ea Menenium oppressit coni.  
Wt I. p. X. ea eum oppressit In-  
gerslevius. || Quum et ..., in multa  
I. F. Gronovius: cum et ... In mul-  
ta || 5. multam edixerunt] MPF al.  
quod f. ex alterutra archet. lectione

E

MULTAM natum est cf. Drakenbor-  
chium; multam dixerunt s. (Leid. 2)  
multae dixerunt id. in mg. || esse om.  
M. || 6. L.] F al. D. Hal. VIII, 28: t.  
P Helmst. 1 C. s. (Portug.) om. M. ||  
T. om. M. || 8. animi Klockius, Geb-  
hardus cf. etiam Dukeri Drakenbor-  
chique ad h. l. adn. || LIII, 1. Certa-  
mine domi finito, s. I. F. Gronovius ||  
iniecit f. h. l. praesens hist. cf. ad I,  
40, 7. || 2. Veis PFM. pr. m. || 3. ea-  
demque P. || 6. perpelli] s: perpeti  
VMPF al. || LIII, 5. inducant,] in-  
ducant. Wichertus lat. Stillehre p.  
181. || 7. concilia I. F. Gronovius. ||  
10. malam M malam malo Alschev-  
skius. || LV, 5. populum (Volero),  
quoniam E. I. Kiehlius Aeschyleor.  
spec. Lugd. Bat. 1850. 8. p. 110. thes.  
XXXIV. || LVI, 1. Publium] F: P. ||  
2. permissurum] F al.: permissurum  
administraturum VM administratu-  
rum permissurum PB. || 4. neque  
quae] W: neque || 10. occupabant]  
M: occupant || 12. facile haec con-  
temptim] scripsi: facile et contemp-

tim libri tantum non omnes cf. Walchii emend. Liv. p. 68 facile contemtim Drakenborchius, Wexius em. prom. p. 4. || poterat] properat Doujatius parat I. F. Gronovius. || LVII, 3. consules tribunique] coni. Alschefskii ab ipso sprete: tribunique consules VMP tribuni consules F tribuni consulesque pf tribuni et consules Harl. 1 tribunique consules Rhenanus tribunique et consules Alschefskius. || LVIII, 1. additos] Moguntini: addito || 2. Cn. Siccium] sic etiam MP c. 61, 2: C. Siccium utribique F cñ sicinium Helmst. 1 C. Sicius nominatur ap. Diod. XI, 68. || Maecilium] Maecilius III, 48, 12. hoc nomen scribunt PM: h. l. mecilium (cf. Mecilia I. R. N. 3255) || 4. esse, liberior] eoque liberior Hauptius philol. III, 547 fort. esse, vel liberior || 5. se victum] Rhenanus (ex V?) I. F. Gronovius: quod se uictum || LVIII, 1. instabant M. || 4. aliter] Hauptius mus. phil. III, 150: alii || 5. speciem acuersari M, num speciem ac \* versari? || LX, 2. passim Mm. pr. PF al. passi sunt Harl. alt. non improb. Drakenborchio, W. || 5. submovendis] P: submovendo MF rell. || LXI, 1. L. P. Valerio VMF al. || T. Aemilio] sic etiam III, 1 Diod. XI, 69 Tiberius ap. Dion. Hal. VIII, 51. 59 Diod. XI, 74. || 3. plenus suarum plenus paternarum] libri praeter MP: plenus suarum paternarum M plenus suarum. m. plenus paternarum irarum P. || 7. quoque semper P Helmst. 1. || 9. laudationē quum ex V Rhenanus collaudationem cum F s || tr. pl. vel tribunus plebis libri. || conarentur] ex V Rhenanus, Mm. tert.: conaretur || LXII, 2. vel] uelut F al. || 4. exciti] PF al.: excitati M s. || LXIII, 3. coacto extemplo senatu] Niebuhrius h. R. II, 276 sq.: coacti extemplo ab senatu || LXIII, 2. T.] T. P. VMF al. || LXV, 4. cornum Mm. pr. || 5. ut in obtinentes s Sigonius. || vires refecerant] coni. W, Madvigius ap. Ing.: vires ferebant libri tantum non omnes viresuebant i. e. vires sumebant cod. Klock.

LIB. III. in periocha placuisset duabus tabulis om. Naz. || invisio]

Drakenborchius: inuito || I, 1. Fabius] Aldus in erratis: fabius quinctius MP Harl. 1 fabius quintius al. Fabius Quintus Moguntini quintius (quinctius) ex qui unus corruptum codicumque nostrorum lectio ex ditto-graphia orta esse videtur, quod etiam a Ww perspectum esse video. || 3. possessores magna Harl. 1 Alschefskius possessorem et magna Pm. pr. || 4. T.] Aldus in erratis: L. || II, 1. castris] I. F. Gronovius: castra || 3. est] M: om.; f. dederit Dukerus. || 9. certamen in M al. f. certaminis Drakenborchius. || III, 4. proximum P Harl. 1 proximi Aldus in erratis p. (i. e. populus) proxime Heerwagenius nunt. Monac. XVI, 659. || ferri] Rhenanus: ferre || 6. ex om. M. || dicto M. || 7. incedentem] F pal. s: incidentem || ac centum] i. e. ac c: septingenta i. e. DCC periocha, W. || III, 1. Fusus] Sigonius, Pighius in ann. ad h. a. I, 121 sq.: fuscus || post Fusios: Fabio add. M Fabios Pal. Fabius s, quod mihi videtur scioli cuiusdam esse gloss., Livio scilicet 'Fabii' i. e. M. Fabii Quintiliani inst. or. I, 4, 13 mentionem obtrudentis ut Fabius F. Lachmannus de font. Liv. I, 29. || V, 2. urbem ipsam M. || 5. subsistit] M: substitit || 7. pugnam, dum s edd., virgula post infert posita. || medio dimicationis (is m. tert. in ras.) M medium dimicationis I. F. Gronovius. || 8. quin] Harl. 1 s cf. Fittboge-nium obs. Liv. p. 9 sq. W lect. Liv. II, 7: cum || 10. cum] F al.: cuma or-

a

tum ex gemina lect. cum MP al. a s (Leid. 2) una cum ci. Alschefskius. || 13. quinque milia] II in ras. f. || ac ducentos] i. e. ac cc: octingentos i. e. DCCC W. || 14. et] s (Port.) Drakenborchius: est || VI, 1. Servilius.] scripsi: Seruilius || 3. colluvio mixtorum Moguntini: conluuione mixtorum unde Wt I, p. XI. ci. colluvio immixtorum || contagia P. || VII, 2. animus] s: animos || 5. Tusculano] F s: tusculana || VIII, 6. inde demissum] I. F. Gronovius: inde missum Harl. 1 inde dimissum MP. || 10. ac centum] septingentos (DCC pro acc) s W. || VIII, 2. terentillius



**M** cf. *Niebuhrum h. R. II, ann. 634 Schweglerum h. R. II, 1, 571 n. 2.* || **hrasa P.** || 4. **dominos P.** || 6. **circumstarent]** (*Harl. 1?*) **ε**: **circuminstarent** in

(i.e. **circumstarent**), unde **circuminstarent tribunum vel tribuno ci. W.** || 8. **e republica Aldus.** || 10. **illum]** **Bas. a.**: **illud** || **placatam]** **M**: **pacatam** || **X, 5. Terentilia]** *Niebuhrus l. l.*: **terentilla** || 8. **accisae res sint]** *Ascensius, Rhenanus*: **abscisae res sint VM abscisseres sint P abscsesint p.** || **XI, 2. ope et]** *Bezenbergerus emend. del. p. 21*: **spe et VMP spe set P spes, et Fittbogenius obs. p. 13 sqq. W Iahnii ann. XXXV, 362.** || 3. **omnis]** **F Leid. 1**: **omnes** || **XII, 4. Furius missum]** *Drakenborchius*: **furium ipsum missum ex dittographia aperta.** || 5. **L.] F Leid. 1 cf. c. 8, 2: P.** || **XIII, 2. iuventutem]** **VM**: **in iuventutem P.** || 4. **vi]** **uis M vix Otto divinationes Liv. p. 8 sq. || 8. tribus milibus F ∞ ∞ ∞ i. e. tribus milibus MP ternis milibus Alschevskius.** || 10. **devio]** *Campanus, Rhenanus*: **deuo VM de ullo P.** || **XIII, 4. quiequam odie gloriae Pm. pr. quicquam eo die gloriae Alschevskius.** || **XV, 5. occupauerunt P.** || **XVII, 12. neue]** **M**: **ne** || **XVIII, 3. demerendi]** *ed. Mediol. a. 1495*: **demerendo** || 6. **edoceri se sissent]** *Rhenanus*: **se doceri sensissent libri mell. si se doceri siuissent etc. ε si se edoceri sissent Alschevskius.** || **quod]** **quo I. F. Gronovius.** || **XVIII, 1. pace parta]** **VF al. (M ap. Drb.): parta pace M (teste Alsch.) p parte pace P.** || 4. **init M.** || 12. **fato]** (**V?**) **Fpal.**: **facto MP pacto ε.** || **XX, 1. actiones]** *Heerwagenius, ut et ipse coniecera*: **actionem** || 2. **passurus sit P.** || 6. **proferendo exercitu]** **proferendo exitu Ant. Perizonius proferendo exercitus exitu Strothius proferenda Lipsius.** || **XXI, 2. et eos tribunos]** **et cōs (i. e. consules) tribunos Heerwagenius.** || 6. **peccetis]** *Aldus*: **peccatis** || **senatus consulta]** **ε (Gaertn.): s. ac M s. c. P.** || **XXIII, 4. subiri ε (Harl. ?): subire** || 6. **relicto]** **reducto vel reliquo Sabellius reducto vel relato Rubenius.** ||

**XXIII, 2. L.] Dukerus cf. Niebuhrum h. R. II, 137: p. l. M p. P.** || 5. **multi privatim]** **V(?) F al.**: **multi priuatim is priuatis M multi priuatim multis priuatis PB archet. dittographiam indicantes multi privato L. Langius d. oskische Inschrift der tab. Bantina p. 55.** || 6. **eae]** **Fε**: **eas** || 10. **conditum ferunt. censa]** **ε Madvigius opusc. acad. alt. p. 221: conditum. fuerunt censa** || **XXV, 1. C.] Glareanus, Sigonius, Pighius ann. ad h. a.: l.** || 3. **Valeri]** *Marci Glareanus M' Sigonius.* || 6. **Lanvinum]** **Mp (lanumuinum P), ut duae deinceps expeditiones susceptae esse videantur cf. Holstenii ann. in Cluverii Ital. ant. p. 158 Lavicanum Cluverius Ital. ant. II, 16 p. 777, Gruterus, quos tacite sequitur Bormannus lat. Chorographie p. 195.** || **eo om. Fε, del. Sigonius.** || **XXVI, 5. tam necopinatum]** **V**: **tam inopinatum P tam nec inopinatum M.** || 9. **palae]** *Sabellius*: **palo** || **satin sal-satisne salua essent omnia ue]** **Pm. pr.: satin salue archetypus, unde codd. vv. ll. ortae sunt.** || 12. **ipso]** *I. F. Christius*: **in ipso** || **XXVII, 1. Tarquitium]** *Sigonius*: **Tarquinius** || 3. **Martio om. ε (Leid. 2) del. Niebuhrus h. R. II, 299 at v. Ww ann.** || 7. **perveniri posset]** *ex vet. libro Mureti I. F. Gronovius*: **pervenire posset** || **XXVIII, 6. a legionibus; dictatori]** **Fε I. F. Gronovius: .a legionibus dictatoris (V?) M al. legionibus dictatoris P ac legionibus dictatoris Wt I p. XII.** || 10. **sub iugum om. M.** || **XXVIII, 6. est om. palimps. Veron. (v. Blumium mus. Rhen. II. 1828 p. 342) VM al. in exilium]** **Fε**: **exsilium (exilium) Ver. VMP al.** || 8. **crearet Ver.** || **XXX, 1. C.] Glareanus, Sigonius: m.** || 6. **excipere Fε.** || **viderent]** **iuberent Moguntini.** || **XXXI, 2. C.] Sp. Sigonius.** || 5. **Aternio]** *Alschevskius II, 774*: **aeternio M eternio P.** || **Calvio]** **Fε**: **Caluio Claudio M Harl. 1 Claudio P: in aperta archetypi dittographia memoriam gentis obscurae, sed ex lapidibus notae, instaurandam duxi** || **cicereno M.** || *Allieno I. F. Gronovius; at Livius servare potuit antiquam*



scribendi rationem. || 8. P.] Ser. coll. c. 10, 5 et D. Hal. X, 48 Sigonius at v. c. 33, 3; 50, 15; 70, 2. 4. Io. Lyd. de mag. I, 34 cf. etiam Nipperdeum in Corn. Nep. spicil. crit. p. 26. || XXXII, 7. Icilia] s ed. Mediol. a. 1505: acilia || XXXIII, 3. Ser. Sulpicius Sigonius cf. ad c. 31, 8. || 8. iuris] urbis coll. Io. Lydo de mag. I, 34 f. scribendum videbatur Niebuhrio h. R. II, 352. || esset] est coni. Ingerslevius. || XXXIII, 6. editos] Dukerus: edito || XXXV, 2. contenderant] s: contenderent || 7. obsecundando sequendo archetypus cf. v. codd. l. obsecundando edd. || 9. coitionem] Sigonius: contionem P contentionem M. || 10. improbant] VM: improbabant P. || XXXVI, 3. f. inito igitur magistratu Dukerus. || 6. ab] F s: ad || XXXVII, 6. fieri. et] fieret. M. || plebi M. || obsidebant] Bas. b (V?): obsedebant M obsederant P rell. || 7. fortuna videtur gloss. ad res pertinenens cf. c. 68, 4. || qua] libri: del. Iac. Perizonius iniqua Buettnerus obs. Liv. p. 24 sq. quadam Fittbogenius obs. p. 17 sqq. || XXXVIII, 1. venire] M: uenere || 3. impedimento Madvigius ad Cic. de fin. V, 10, 28. || 12. praesentis] P: praesentes || 13. posterum indicunt] s (Leid. 2) Rhenanus: posterum dicunt VM posterum edicunt P rell. || XXXVIII, 3. nominis] Aem. Huebnerus quaestt. onomatol. Lat. Bonn. 1854. 8 p. 46: nomen homines VM nomen is homines P. || 4. appellatos gloss. videtur Ww. || 5. (tum eodem)] Bekkerus: tum eodem libri uno quidem vel quidem coni. Ww. tunc uno Koenighoffius critica et exegetica altera Trevir. 1854. 4 p. 18 sq. || 6. qui] (Harl. 1?) s: quin || 7. in iniusta P. || 9. post secessionem plebis gloss. videtur Ww. || XXXX, 2. Appi F: Appii || orantis Harl. 1 al.: perorantis || 7. coire] p: coniuere coire M co coniuere ire P coniuere F Harl. 1 coniuere Leid. 1 conuenire s. || quodcunque Madvigius ap. Ing. || 8. labante s (mg. Port.), Bas. b. || 10. fecerit] libri Drakenb. tantum non omnes: fecerint MPF. || 11. neminem] VPF mal.: nemini M minime Ww. cf. Iahnii ann. XXXV, 364. || praeiudiciu F. || auferre] F: auferri VMP (Ww). || eo quo] VM PF al.: eo quod s. || 14. et decemuiros P al. || XXXXI, 1. ante ferocioresque excidisse quid videtur Ww. || 4. cui] Rhenanus (V?): quid cui M quid P al. || dimittit diremit M. || 6. re Leid. uterque Voss. 1 re res Wezsius in Tac. Agric. p. 63. || redissent M. || 10. M. Sergio] edd. vett. coll. c. 35, 11: l. sergio || XXXXII, 5. contulerat] F s: contulerant, quod per se tolerabile, h. l. ad praecedentis voc. fefellerunt normam redactum esse videtur. || 7. ad] ac I. F. Gronovius. || degressos idem. || XXXXIII, 4. interficere M al. || 7. in pessima V. || XXXXIII, 4. ardens] amens v. l. archetypi cf. c. 47. 4. || 5. M.] c. P. || 6. tabernaculis VM. || serva sua] f s: seruam suam || appellans F edd. vett.: appellans esse || se om. edd. vett. || 8. sequeretur] s: sequerentur || XXXXV, 4. avus pro avunculo maiore dictum est cf. 54, 11; 57, 4: auunculus (F?) Leid. 2 in mg., Sabellicus. || 11. querendam I. F. C. Lehnerus act. ph. Mon. III, 214 sq. || XXXXVI, 2. seditioni I. F. Gronovius. || 3. absenti set patrio P. || ius eo] P: iusto VM. || XXXXVII, 4. ius] sup. lin. add. f, post pridie vel post dictum s: om. VMP al.; num quod sibi pridie per ambitionem addictum non esset? || XXXXVIII, 1. alienato ad libidinem F (sed o in ras.) s alienato ab libidine s alienato ob libidinem Reizius l. l. p. 102 an alienatus (ad libidinem), his vocc. ex c. LVII, 3 insertis? || 3. I inquit F s li inquit Leid. 1. || 4. si quo] Ww: si quod || XXXXVIII, 3. conaretur Harl. 1 s. || 6. atque] cf. Fittbogenium obs. p. 20 sqq.: ad quae Strothius. || L, 2. ibi] M: ubi || 6. sua] s: suae || liberae ac pudicae] codd. Drakenborchii, ut videtur, fere omnes, edd. vett., I. F. Gronovius: libere ac pudicam V libere ac pudice MPF. || 8. misera sed honesta mg. || morte] Pms: mortem Mp al. || 12. leniter] s: leuiter || 15. P.] Ser. Sigonius at cf. c. 31, 8 Ascon. in Cic. Cornel. p. 77 Or. || 16. quod] Reizius l. l. p. 102: quid || LI,

1. fuerint P. || 2. summi F summe f. || rei] F $\epsilon$  (*frgm. Hav. corr.*) *edd. vett.*: reip. || 4. inulta]  $\epsilon$ : inuita || 7. quam quem ... accenderat ex V (*an sic V?*) *Rhenanus* quāq. ... acci accenderat M quam quae acciderat P quam que ... accenderat F quam quae accenderat *Harl.* 1 al. quam quem acciderat *Voss.* 1 m. pr. quam quem acciderat *Hav.* || 8. praerogativam] F (?) *edd. vett.*: praerogativa || 9. ei] F (?) *Rhenanus*: et || 10. mamiliam P. || LII, 2. sciturosque, nisi .. nequire] *Alschevskius* cf. *Madvigium opusc. acad. II*, 235: sciturosque sine ... nequeant *codd. meliores omnes.* scituros, quam vel sciturosque quam sine ... nequeant *Rhenanus* scituros, quod sine .. nequeant *edd. vett.* sciturosque si non restituta tribunicia (*quod voc. inserendum visum est I. F. Gronovio*) potestate .. queant W; alia nuper temptarunt *Bezenbergerus* *emend. del. p. 21*, *Welzius* *adnot. crit. p. 10*, *Loewius* *act. gymnas. 1854 p. 785*. || 5. plures F $\epsilon$  f. plures ferocioresque Ww. || vociferarentur] *Alschevskius*: uociferabantur || 7. aliorum Bas. a: aliorumque || LIII, 5. militum plebisque] (*Harl.* 1?)  $\epsilon$ : militum tr. plebisque M militis. tr. plebisq. P. || 6. omnium  $\epsilon$ . || 10. convertunt] conuellant VP, *in marg. uterque, I. F. Gronovius.* || 11. L. Virginium Sigonius aulum uerginium libri. || avunculum Virginiae *Sabellicus*, at v. c. 45, 4. || progeniem]  $\epsilon$  (*Harl.* 1?): progenies VMP f. progenies est Wt I. p. XII. || 13. Appius] P. Sigonius. Appii praenomen non, ut vulgo creditur, ad solam gentem Claudiam pertinet: sic M. Popidius Ap. f. in *Mommsonii inscr. Neap. 2803*, App. Madii duo ap. *Fabrett. 30*, 139 *Orell. 2712*, cf. *ibid. 58*. || LV, 5. qui] *rell.*, ut videtur, omnes: quis MP. || 7. iudicibus decemviris non iudicibus, decemviris v. *Huschium* *ad auct. inc. (Guarin. Veron.) de mag. et sac. p. R. p. 49*, *Serv. Tull. p. 593*, coll. C. T. Zumptio *üb. Ursprung etc. des Centumviralgerichts p. 6*, frustra obloquente *Beckero* *röm. Alterth. II*, 2, 367. || 8. lege iuris] ( $\epsilon$ ?) *edd. vett.*: iuris lege || eum, qui eorum cui

nocuerit, sacrum] *scripsi*: eum qui eorum cuiquem (cui quem M que cui P m. pr.) nocuerit, id sacrum VMP m. pr. (*m. alt.?*) eum, qui eorum cuiquam nocuerit, sacrum *Rhenanus* cum quis eorum (eorum om. *Douj.*) cui nocuerit, id sacrum *Doujatius*, *Madvigius* *ad Cic. de fin. p. 850*. || 12. fuerat P m. pr. || haec MP. || LVI, 4. vindices, te] *scripsi praeuentibus aliquot vett. edd.*, quae te vindices: iudicem uindices te V iudicem diceste MP iudicem doces, te *Niebuhrus* *r. Gesch. II*, 418. || 12. quam] quod *Madvigius* *ap. Ing.* || at] *Iac. Gronovius*: ait || LVII, 3. clienti ex cap. 44 illatum videtur *Weissenb.* || 4. avumque] avunculumque *Sabellicus* cf. c. 45, 4. || 5. ferre, ni vindicias]  $\epsilon$  (*Klockianus*): ferre ne uindicias M ferrent indicias P. || 8. est, Sabinos Aequos Vulscosque W. *Iahnii ann. XXXV*, 390. || 9. Aequi] Aequi Volscique  $\epsilon$ . || LVIII, 1. potestati] *I. F. Gronovius*: potestatis || 3. placet, cum] F $\epsilon$  (*Gaertn.*) *Rhenanus*: placet et cum VM placet cum et P al. || LX, 1. M. Valerius V. || 2. ab] om. M *Harl.* 1; f. ex Ww. || 5. sensit consul V. || 9. contra staret] M: constaret || LXI, 2. consule M. Valerio V consulem ualerio MF. || 8. movebit] M $\epsilon$ : mouit || LXII, 2. consilio] p $\epsilon$ : consul consilio consilio P consilio consulto M consulto *Harl.* 1, *Leid.* 1 F $\epsilon$ : gemina lectio ex gloss. consul ad collegae addito orta videtur. || 5. educturum *I. F. Gronovius*. || 8. sescenti] vel potius sexcenti  $\epsilon$ : ac || LXIII, 5. supplicatum] Bas. a: supplicatumque est libri f. supplicatum \*\* que est. || 7. Apollinare]  $\epsilon$ : apollinarem P apollinarē M apollinarum P Apollinar *I. F. Gronovius*, cf. *Niebuhrum* *r. Gesch. II*, 426. || LXIII, 1. hau M m. pr. || 3. factionis suas] M: factiones suas M m. tert. P factionis suae *Madvigius* *ap. Ing.* || 9. praefinito, tribuni modo *Klockius*, *Dukerus* || iubebat intellegendum potius, quam scribendum videbatur *Niebuhrus* *r. Gesch. II*, 431. || 10. feceritis, ii] feceritis hii  $\epsilon$  (*Hav. m. alt.*) feceritis, hi *I. F. Gro-*

*novius fecerint* ii VM *fecerint* iis P. || cooptassint *Rhenanus*: cooptassent || uti illi legitimi *Alschevskius* ut hi legitimi *Heerwagenius*. || LXV, 1. etiam et patricios M. || Aeternum *Alschevskius* II, 774: aeternum || 2. habere M. || 5. *Macerinus*] *Sigonius*: m. acrinus M m. acrinus P. || contentiones] s *Sigonius*: contiones || LXVII, 5. si in] F s: sin MP al. *Welzius comm. crit. p. 8 f.* sin in *Alschevskius*. || 9. plebi donum] plebis donum *cum cod. Latini Neapol. Niebuhrius l. l. II, 409.* || 11. Esquiliasque vidimus ab *Welzius l. l. p. 15 sqq.* || Aesquiliae — captae *I. F. Gronovius*. || f. captas lenti spectastis et scandentem Ww. || hostem *del. I. F. Gronovius*. || LXVIII, 4. re (fortuna)] *Rhenanus cf. c. 37, 7: re fortuna VMP re fortunaq. m fortuna re Harl. 1, Leid. 1. F fortuna s.* || LXVIII, 3. ut in unum P. || LXX, 1. facilitati F s. || 2. et 4. P.] Ser. *Sigonius at v. c. 31, 8* || 6. sibi quibus] *codd. fere omnes: quibus sibi MP.* || 10. accepta] f. arrepta *Dukerus, Madvigius ap. Ing.* || LXXI, 6. nonagesimum annum se tertium (tercium F) et octogesimum F *Leid. 1 fragm. Hav. nonagesimum ad mg. V.* || 7. quonam ore *Klockius.* || LXXII, 2. circumire tribus, orare] *Iac. Perizonius: circumire tribunos orare || iudici] edd. vett.: iudicis libri.* || 4. hac] *I. F. Gronovius: hoc || Scaptium] F s: Scaptium esse MP al. Scaptium, set Alschevskius; at esse v. l. videtur esse ad fore pertinens.* || 6. valet. vocatae] *libri ut vid. fere omnes: uoc \*\*\*\* ualet M (uoc ualet M m. 3) uocate uall & (ual & p) P rasura in F.*

LIB. IIII. in periocha: tribuni \*\* plebis] *lacunam statuit Sigonius tribuni militares s Gruterus.* || Ardeatibus] *vet. lib. Delrii: ardeatinus || I, 1. C. Curtius] Sigonius: p. curatius || nam anni] prell.: anni nam VM nam animi P anni namque Rhenanus.* || II, 3. id et] *ideo coni. Wt et id Ww.* || 4. ipsi om. M. || ut (quem ad modum) — posset *I. F. C. Lehnerus act. phil. Mon. III, 215 sq. || possent] cod. Bamb. ut olim coni. Dukerus, alii: posset || 6. (sit)] Reizius l. l. p. 102:*

*sit || 7. consules creet; creaturus Dobraeus advers. II, 379. || rogari seu M. || 11. non fieri non posse] Henr. Valesius, I. F. Gronovius: non fieri posse || III, 4. solet. Et nos Wexius ad Tac. Agric. p. 88: solet nos || 7. summo honore del. Naberus mne-mos. I, 94. || perinde] post inde P m. pr. proinde W ep. 10. || tamquam] an quem Reizius l. l. p. 103. || 10. auctoribus] s: om. MP. || III, 5. (exemplo) publico] *Matth. Klockius, I. F. Gronovius: exemplo PF al. exemplo publico VM al. || V, 3. nobis] F Harl. 1 al.: uobis MP al. || VI, 3. consensere] altera lectio archetypi, P: concessere altera; consensere (consenserere M) concessere VM (an consenserere M concessere m? v. ann. Drakenb.) || 9. umquam] Crevierius, Madvigius ad Cic. de fin. p. 850: hunc quam. || VII, 1. Cluilius] v. cap. XI, 5, D. Hal. XI, 61: caecilius M cf. Niebuhrium h. R. II, 462, Schweglerum h. R. II, 1, 636 n. 3 cecilius P Cloelius Sigonius Kóivros (Koivros) Diod. XII, 32. || 3. C. Curtius] *Sigonius cf. c. I, 1: c. curiatius P centū curiatius M. || 9. ratio sui s. || VIII, 2. equitumque centuriae] s (Voss. 2, Lovel. 3): equitumque centuriis libri meliores omnes equitumque centuriarum s equitum pedumque centuriae coni. W. || 4. ad senatum] Alschevskius: ab senatum P ab senatu M cum rell. fere omnibus a senatu s. || proprio del. Kiehlius mne-mos. I, 94. || (et)] Ww: et || VIII, 4. iuvenes duo, alter Kiehlius l. l. || 9. omni etiam experte] Ww: omnis etiam expertem || 12. Cluilio] Bas. b: ciuilio Voss. 1 f s ciuili MPF al. || 13. roma est M 'Num Romae' st? Alschevskius. || XII, 1. Pacilo] *Sigonius: pacilius P al. p. M. || M.] an Manio? cf. Diod. XII, 35 cum Sigonii et Drakenborchii ad h. l. ann. || XIII, 9. mercede om. M. || 10. et undique — increparent] cf. Wexium ad Tac. Agric. p. 33: undique — increpare s Hauptius mus. phil. III, 150. || XVI, 2. bove aurata perioch. Liv. bove ac prato Iac. Gronovius bove ac statua Heusingerus bove aurato et statua (cf. Plin. n. h. XVIII, 3, 4 §. 15)****

v. d. in misc. obs. crit. V, 510. || 4. plebem] Bas. a (codd. a Glareano laudati videntur libri impressi fuisse): plebi libri plebem sibi coni. Ww. || 5. cecilius P celius catilius M. || XVII, 11. degressi] Sigonius: digressi || auxilia Faliscorum Gisb. Cuperus Faliscorum auxilio Kiehlius mnemos. I, 95. || XVIII, 6. ab auguribus] F (ex Keilii silentio), Bas. a: ex auguribus P cum reliquis fere omnibus ex auribus M ex ea ab auguribus Alscheffskius. || admisissent] Bas. a: admissae essent || 7. (simul) ubi] ubi ε (Lovel. 4) Aldus simul Helmstad. simul ubi VMP al. || XVIII, 2. videret] Fε: uidet MP al. uidit P. || 5. fundit PFε. || 6. ecfugere M m. pr. || XX, 5 sqq. cf. Niebuhrium hist. Rom. II, 517 not. 1011. || 8. qui si] quis I. F. Gronovius, Wexius Iahnii ann. LXX, 459. at cf. ipsam Gronovii ann., Perizonii animadv. hist. c. VII, p. 287 Harl. et ann. Drakenb. quin si coni. Wt. || quosque] F. Lachmannus de font. Livii I, 13 cf. tamen Schweglerum hist. Rom. I, 17 et ann. Ww: quos || septimo] decimo Glareanus nono Sigonius. || 9. circa A. Cornelium] Bas. a: circa m. cornelium || XXI, 9. Q.] edd. vett. ante Ald. (cf. c. XXVI, 7, XXXXVI, 10, fast. Capit. ad a. u. 335), cuius praenominis pro v. l. additi vestigium forte servatum in lectione cuique pro cui: a. || XXII, 7. Pacilus] Sigonius: p. acilius P pacilius M. || XXIII, 3. placet: Tubero Muretus. || sed] sit Muretus, I. F. Gronovius. || 6. A.] ε (Lov. 4, Harl. 2 ex Drb. sil.) Bas. a: aurelius || Tuberus] Bas. a: tubero MPF al. tuber al. || XXIII, 4. (publicam)] Kiehlius mnemos. I, 95: publicam || 7. magistratui] magistratum Weissenbornius v. Iahnii ann. XXXV, 391, XL, 299 obloquente Wexio ibid. LXX, 462 sq. || fine alteri om. ε (Pal. 2 et 'veteres multi libri' teste Sigonio), del. Sigonius, I. F. Gronovius cf. Heerwagenium nunt. d. Monac. XVI, 679 sq. || 8. notae] coni. Alscheffskius: ignote M ignominiae rell. || XXV, 2. nullius Drakenborchius. || Foslius] Sigonius: folius || 4. culto-

ribus] incultu I. F. Gronovius ex incultu inde Heusingerus deficientibus cultoribus Doujatius absumptis cultoribus Crevierius. || 5. Mamercoinus Iac. Gronovius. || 13. album uestimentum addere V album vestimentum induere S. H. Rinkes disp. de crim. ambitus et de sodaliciis ap. R. temp. lib. reip. L. B. 1854. || XXVI, 2. Gnaeus] gneus P e

g. nus M C. ex 'quibusdam vet. lib.' et Diod. XII, 65 Sigonius cf. III, 29, 7 ubi Leid. 1 ε Cn. C. iulius, F: CN O. iulius || XXVII, 3. Lanuvio] Lavico Fabrettus (Iasitheus) apologem. p. 116 Lauinio ε. || 7. ope] opere M, f. opera || XXVIII, 2. circum-agenti se — hosti] ed. Mog.: circum-agentes — hosti P al. agentes ad dissonos clamores ac subitos circum tumultus hosti VM. || XXVIII, 5. decesserit I. F. Gronovius. || 6. nec libet — argumento est] h. l. recte distinxit Wexius in Iahnii ann. LXX, 457 cf. W ep. 3. || quem qui] quoniam qui ε quom qui Rhenanus. || 8. Siculorum] F Voss. 1 in mg. ε: singulorum || XXX, 14. ab indutiaeque inde inc. alter cod. E quaternio. || 15. Quinctius] cf. F. Lachmannum de font. Liv. I, 60, coll. Alb. Rubenio in ep. 1 ad Wendelinum a Dukero c. XXXI, 1 l.; gloss. videtur Pighio ann. I, 185. || Quinctius consul — ferret] consules — ferrent Sigonius. || XXXI, 1. ex consulatu] cf. c. XXX, 15: del. Alscheffskius. || 4. non del. I. F. Gronovius. || 5. offecit Tan. Faber, I. F. Gronovius. || 9. Romae — a Veii] ab eis romę terror hostibus positus ad fidenas ab eis M et sic fere certe V; haec enim Rhenanus: 'Ex volumine Borbetomagensi hic mihi potius verborum ordo placeret. Romae terror ingens erat hostibus positus ad Fidenas accito exercitu a Veii.' || XXXII, 7. (eos)] Tan. Faber: eos || XXXIII, 3. similis del. Lipsius ant. lect. III, 15, Gruterus. || 10. distulisent] I. F. Gronovius: dispulissent || XXXIII, 1. Hi] E: hii MPF. || 4. fuerat. l. binis M; unde quis coniciat fuerat vel binis || 6. classi cf. Niebuhrium hist. Rom. II, 519, Husch-

*kium Serv. Tull. p. 474. || XXXV, 4. Ap. add. Sigonius. || Nautius] Bas. a: naevius M neuius P. || Rutilus] Sigonius: rutilius || L.] Sigonius: t. || Iulus] Sigonius: tullus || hospitium, ad quam consensum erat consilio publico] scripsi: hospitium ad quā consenserant consilio publico consensu venerant M, quae duplici vocc. consensū erat vel perperam erant interpretatione conflata puto; hospitium ad quam publico consensu venerant PFE (V multis lituris h. l. notatus erat: hospitium quidem habebat, sed supra scripserat aliquis aliās hospitum); hospitii, in quam consilio publico consenserant Rhenanus hospitii, in quam publice consenserant I. F. Gronovius; potuisset Gronovius publice consensum erat. vide an hospitii, ad quod, publice consensum, venerant. Dobraeus advers. II, 379; hospitum, in quam publice consenserant coni. Drakenborchius; hospitium, ad quam consenserant consilio publico Alscheffskius; hospitum, ad id quod publico consilio venerant Walchius emend. Liv. p. 166 sq., cf. Buettneri obs. Liv. p. 29 sqq., Fittbogeni obs. p. 26 sqq., Ottonis div. p. 10 sqq. || fuit] F: afuit M affuit PE al. Fittbogenius l. l. p. 30 'afulsit vel affulsit' Otto l. l. p. 12. || XXXVI, 5. tribuni] tribunis Harl. 1, Leid. 1. || XXXVII, 6. dux esset] E Helmst. Lov. 4: dux isset || XXXVIII, 2. labante] I. F. Gronovius ad proem. §. 9: labente || 3. parmata] R. H. Schelius ad Hyginum et Polyb. de castramet. in Graevii thes. ant. R. X, 1280: armata || XXXVIII, 8. degressus Sigonius (deigressus Lov. 1): digressus || XXXX, 3. compotes ε. || 6. Iunius] edd. ante Ald.: iulius || (equitem) Dukerus. || XXXXI, 3. 'cur non magnis quoque?' Reizius l. l. p. 103. || 4. pugnantes adhortantes] VMF al.: pugnantes atque hortantes PE al. pugnantes atque adhortantes V m. rec. || XXXXII, 1. Sex. Antistium] Sigonius: & antistium || (et) Wt I, p. XIV. || Sp. Icilius] Pighius ann. I, 190: spurillium || 2. L. Servilius Structus coll. c. XXXXVII, 7 add. videtur Sigonio || 4. in paciendi modo M. || 6. plebei] scripsi: pl. V pl. M. pr. P om. EF rell. plebi Rhenanus plebis Alscheffskius || XXXXIII, 1. N.] Sigonius, Pighius ann. I, 190: cñ. || 4. rem ut praeter E(?) Bas. b Otto l. cum maxime laudando || duo ut] I. F. Gronovius: duo qui libri duo quidem Otto div. Liv. p. 13 cf. ann. Ww || (a consulibus) W: a consulibus MPEF al. consulibus ε. || ad id] ε: id || 7. (publica) om. ε (Leid. 2), del. Kiehlius mnemos. I, 95: publica codd. rell. || XXXXIII, 1. L. Furius] Sigonius: L. Sex. (vel Sextus) Voss. 1 ε sex (al. Sex. vel Sextus) MPEF al. || 6. A. Atratinus Heusingerus. || 9. tam] Hauptius mus. phil. III, 151: tum || 11. criminis M: crimine || ab suspicione] I. F. Gronovius: ob suspensionem || abhorrens. eam ampliata] I. F. Gronovius: abhorrens eam am ampliata (am eraso) M aborrens (famā supscr. p) ampliata P abhorrens (aborrens F) famam. ampliata rell. || 13. et C. Servilius extr. cap. add. Sigonius. || XXXXV, 7. ignobile] M: ignobilemque rell. || XXXXVI, 10. fuerat] an fecerat? || XXXXVII, 3. brevior] Bas. b: breuiore libri, nisi quod teste Drakenb. ultima e al. m. addita videtur in M brevior et Alscheffskius. || 7. L. Servilio] cf. c. XXXXII, 2. C. Servilio coll. c. XXXXV, 5, Glareanus. || Veturio] coll. Diod. XIII, 7 Sigonius: rutilio || 8. Q. Fabio Vibulano post anno add. Heusingerus, praeunte quadamtenus Sigonio, qui post Sp. Nautio Rutilo add. et Q. Fabio Vibulano cf. c. XXXXVIII, 7. || XXXXVIII, 1. Spurius Sigonius. || M. Metilius] coni., sed ipse spreuit, Alscheffskius: metilius || 5. nepos] filius Glareanus || fuerat] fuerat, e fratre Heusingerus. || 9. tum] Dobraeus advers. II, 379: cum || 13. confugere VPrell.: effugere M. || XXXXVIII, 1. Ac duo] Alscheffskius ed. min.: aduo M arduo P ardua Evp duo Fme al. assidua al. at duo ex Alsch. coni. Ww, Welzius comm. crit. p. 17. || N.] Sigonius: marcus || 6. L. Sextio] Aldus: l. dextio M l. q. dextio P. || L, 2. Sestius] Sigonius: Sextius*



[LI, 1. L.] add. vell.: om. codd. fere omnes C. s. [4. actiones] VMPE sanctiones e. vell. [6. vi] Bas. a ut [8. ipsum agerque] coni. Wt: ipso agerque M ipse ager vell. urbs agerque *Alschefskius*. [LII, 3. a om M. [LIII, 1. M.] *Sigonius*: m. [2. Menenius] e (menenio [4 MP et sic fere ubique in sqq. cf. *Nabuchrium hist. R. II, 682*): minus MP al. *Macrinus Sigonius*. [9. recepit] ME al. (*Naburus memos. I, 95*): recipit VPF al. [LIII, 3. K.] *Pighius* con. 1, 204: C. [Pupius] *Pighius l. l. Gruterus*: pipius [4. (hi)] *Sigonius*: hiu MP al. hi al., f. ortum ex v. l. cre-

atos [9. dicere] *Aldus*: diserent [LVI, 1. evicare] *Mr (Pal. 2)*: uicere vell. [2. Iulus] *Sigonius*: tullus P tullus M. [4. cf. *Alschefskius* tñ. d. krit. *Behandlung* etc. p. 19 sqq. [5. castigantes (incerpantes) que] W. castigantesque [11. esse is auxili dicerent, quibus non civium, non denique (in?) hominum *Walmus* comm. crit. p. 17 sqq. esse in his (in is al. in eo his coni. I. F. Gronovius) auxili dicerent, qui non civium, non denique hominum add. ante ed. mun. *Alschefski*, cuius tamen interpretatiōnem (I, 219) non probō; equidem locum sic intellego: 'auxilii in is locum non esse l. e. is auxilium tribuniciū a eo non praebere, quibus ipsi tribunl civium, hominum numero exempti videantur' [LVII, 6. collegas] *Fmg*: collegis MPE f al (ex *Leid.* 1 utraque lectio affertur collegis eo *Alschefskius*. [12. N.] *Sigonius*: cñ. [LVIII, 4. non in senatu coni. W. [quam in tribunis *Voss. 1* e (cod. *Sigonii*). [qui quia] de atigum: quia quia M quia e, *Leid.* 2 *Lovel. 1*) I. F. Gronovius. [6. N.] *Sigonius*: cñ. [13. coloniarumque] coloniarum add. aliquot vell., *Madrigius opusc. acad. I, 246*. [coloniarumque et agri coni. Wt. [18. esset] e (*Loe. 3*), *Madrigius opusc. acad. alt. II, 217*: esse [LVIII, 2. deus standas M. [3. distinerent] ed. *Mo-gunt.*: destinerent Mp V in mg (non distinerent); destinerent P destinerent V e al. discernerent E dis-

tarrerant F etc. [LX, 2. iuvabat] altera lectio archet.: iuvarebat M iuvaret vell. [3. univorsis, prosperum] *Dobnerus advers. II, 379*: univorsis nec prosperum [LXI, 1. 4. sollemnia fere in tribunorum nominibus errata hic et in seqq. *caespianus* corr. *Sigonius*.

LXV. V. in periocha: hibernacula] *Vasconius*: tabernacula [Iunonia] e: om. *Naz.* [statissent] vel starent e: om. *Naz.* [in quo] quo *Iahnus* in quo *Naz. Guelferb.* in quod e. [Romanis eo descendere I. F. Gronovius. [Iovi Capitolino] Aio Loquuto (immo Locutio) *Sigonius*. [1. 2. M. Postumius] M. *Furius Fusus* fast. Cap., sineque nomen *Livio* restituendum videtur [II, 9. (fore) *Hofman Puertkamp* ad *Hor. carm. III, 16, 31 sq.* [4. hieme — cedere aut domos *Walmus* *Iahnus* ann. LXX, 456 cf. *Wep. 8 sq.*, ubi pro ad domos coni. nec domos [III, 1. iste] m e (*Neap. Latini*): isti M is tum P cum vell. fere omnibus. [2. Quirites] codd. meliores plerique (Quir E) qui in P est quin p a quin (in mg.: a Quiritibus) *Voss. 1* om. M. [6. qui et] et vel quippe *Buettnerus* obs. *Liv. p. 31 sq.* quippe 'nisi alteram partem sententiae scriptor omisit' W. [8. interdieto] *Vr (Haverc.)*: interdicito M interdictis P et optimus quisque vell. [LIII, 9. oportuit utageri (aut agere m) pro dignitate nobili e profici (nobilitate perfici m) *Mm.* [11—13. recte distinxit *Seyffertus* schol. *Lat. p. 108*. [13. vicensimum] duodecimum *Cluverius Ital. ant. II, 3, 580*. [14. nostrorum om. M. [V, 5. spectantes] *Ven. a. 1495*: expectantes vel expectantes [8. num] *Mo-gunt.*: nunc [VI, 6. ad alia] e: et alia [7. illum] *Voss. pr. e* illud (illut P. m. pr.) codd. opt. illum et W. [15. acqui] *Rhanus*: qui, in mg. m.

recenti add. e, E qui VMPE al. quidam f et vel sic vel quippe e quieti Wt. *Walmus* comm. crit. p. 19 sq. [17. morem *Babius* ad *Cic. de legg. II, 10, 23 p. 511*, *Cobetus memos. I, 95*. [VII, 1. concordia] *Mr* *Asuretus*: concor-



diam || maioremque ardorem F (*ubi ar et que in ras.*) Voss. 1 ε. || ardorem] M Leid. 1 ε, Muretus: ardoremque || 5. se sua stipendia E m. pr. || 7. ordinis aiunt, nunc esse operam rei publicae Gisb. Cuperus. || 13. tum hic primum M. || equis merere] f al. (*Harl. 1, Voss. 1 ex sil. Drakb.*) cf. Zumptium *üb. d. röm. Ritter* p. 14 sq. Marquardtium *hist. eq. R.* p. 13 sq. n. 68: equis mereri e equos merere E Leid. 1. p ε aequos merere P equos simerere M equos sumere (*cf. ann. Drakenb. et Beckerum ant. R. II, 1, 268*) m equos merere F, Leid. 1 v. l. equis suis merere (*mereri Naz. ε*) periocha equo merere W (*non E*) equo suo merere Beckerus l. l. || VIII, 13. huic] multi huic ε ceteri (*vel plerique*) huic Kiehlius *mnemos. I, 95.* || X, 1. Ambusto II (*immo iterum*) Pighius *ann. I, 211, cf. lib. III. c. 61 V, 24.* || 6. gravia. indignioraque] sic recte distinguendo l. expedit Ww: gravia, indigniora Harl. 1, Voss. 1, Rhenanus gravia, graviora indignioraque coni. Alschevskius, qui ed. gravia indignioraque cum libris, quod defenderat in *progr. üb. d. krit. Behandlung etc.* p. 27. || 11. est] Drakenborchius: esset M om. *rell.* || Treboniae] Pighius *ann. I, 212*: tribuniciae (tribunitiae P m. pr.) || XI, 2. quondam ... tamen (tribunos militum) expugnasse] M. Hauptius: quidam ... tamen tribunos militum (mil P) expugnassent MP quidam ... tamen (tribunos militum) expugnasse Ww cf. Wt I, xv. quamquam ..., tamen tribunatum pl. expugnasse eos coni. Alschevskius. || 9. frequentia] M: frequentiaque || XIII, 1. fuit ais ut M. || 6. octo] septem ex D. Hal. exc. XII, 9 Kreyssigius *ep. ad Goellerum* p. 416. || Latonamque, Dianam et Herculem Kreyssigius l. l. p. 417. || 10. e add. Doujatius, *Ant. Perizonius.* || 12. aut palantibus aut palatis W ep. 10. || ablati] Wexius *Iahnii ann. LXX, 459*: oblatis || XIII, 2. exciebant coni. Drakenborchius. || 7. possit] M: posset || XV, 11. sic igitur] ed. Mogunt.: his igitur libri tantum non omnes Ius igitur ε. || ante-

quam ... deserturos non esse] E Harl. 1 ε: antequam ... deserturos esse MP al. numquam antequam ... deserturos esse coni. Wt. || XVI, 8. capti M. || 9 sqq. oraculi sortem versibus Saturniis vario modo includere conati sunt Walchius *emend. Liv. p. 256 sqq.*, G. Hermannus *elem. doctr. metr. p. 617 epit. d. m. p. 222 ed. alt. et tert.*, Westphalius *die Form der ältesten r. Poesie* §. 9 p. 60, immerito obloquente Corssenio *origg. poes. R. p. 13.* || XVII, 1. captivo vati honos coeptus] captius uates coeptus v. l. archetypi. || XVIII, 1. praerogativae Sigonius cf. Mommsenium *die Tribus* p. 71, Marquardtium *antiqq. Rom. II, 3 adn. 11.* || 2. iure vocatis tribubus] Livii error videtur esse; iure vocatis vel iure vocatis tribunis Goettlingius *Gesch. d. röm. Staatsverf. p. 257. 326* is revocatis Mommsenius l. l. VI revocatis tribubus Huschkus in Richterii *ann. crit. iur. IX, 598* aut revocatis iis aut evocatis tribubus W ep. 11. || 4. si] EF Voss. 1 ε: sit M si et P sic Leid. pr. et sit Harl. pr. sed si Ww. || 5. meis quoque pro coni. I. F. Gronovius. || XX, 6. praerepturas] ε(e): praerupturas || praedator quisque VM praedator quisquis ed. Campan. || XXI, 15. populo (m. pr. in populi corr.) r. liceret M populo Romano liceret I. F. Gronovius cf. Val. Max. I, 5, 2, Plut. Cam. 5 coll. Dobraeo *advers. II, 379, Lehrsio pop. Aufsätze p. 46 sq.* || XXIII, 8. habitandis Veis] scripsi: habitandos Veios libri ad habitandos Veios Heerwagenius. || communis] PEF cum paucis dett.: communes || XXV, 4. inquit addidi: ait add. W. || 5. qua quando se quisque Heusingerus. || 7. quod (eius) ante Kiehlius *mnemos. I, 95.* || XXVI, 6. indicem] indidem Kernius *Correspondenzbl. f. d. Gel.- u. Realschulen Württembergs* 1855, IV. n. 3. in praecedentibus idem 'ceterum l. (num C.?) captivum' scripsisse dicitur in Iahnii *ann. LXXIII, 304.* || 7. trifariam] triarii coni. Heusingerus. || XXVII, 2. dum uncis inclusi: tum F ε (Oxon. L. 2 et N) I. F. Gronovius, dum *rell.*, quo servato Ww coll. Plut. Cam. 10

ante longius excidisse quaedam statuit  
 [ intra stationes *I. F. Gronovius*. || 9.  
 pos tergum MP, cui tamen lectioni  
 sequente t formae pos (cf. *Ritsche-  
 lium mus. phil. VII, 571 sqq.*) memo-  
 riam subesse non credo || XXVIII, 1.  
 taciti] *I. F. Gronovius*: tacite || 9. ea]  
 ed. Ald.: et || XXVIII, 2. creati nun-  
 tiant consē. M. || XXXI, 5. nimis ex-  
 ortam M. || XXXII, 8. tribulibus et  
 clientibus quae] *Harl.* 1 ε: tribuli-  
 bus clientibusque P tribulibus eo  
 clientibus quae M tribulibus clien-  
 tibus, quae coni. *Niebuhrus hist. R.*  
*II, 356.* || XXXIII, 3. et invexisse]  
 ut invexisse VM at invexisse v *Rhe-  
 nanus*. || XXXIII, 3. Sigovesum  
 MP at §. 4 Segoveso, ubi Sigoveso  
 m. || 5. is quod eius] isque eis ε is  
 quod eis edd. vett. pleraeque. enarra-  
 vit locum *Dederichius quaest. phil.*  
*Embricae 1852. 4 p. 9 sqq.* || 5. Seno-  
 nes] Santones *Sigonius* cf. *O. Muel-  
 lerum Etrusc. I, 148 adn. 65.* || 8. sal-  
 tusque Iuliae] saltus Liguriae coni.  
*Heerwagenius*. || Iuliae] VM, quod  
 defendere conatur *Rauchensteinius der*  
*Zug Hannibals üb. d. Alpen Arov.*  
*1849 p. 16: iuliae alte P iuliae sq.*  
*rasura trium fere literarum E; vv. dd.*  
*coniecturas affert Drakenborchius* cf.  
*etiam Dederichium l. l. p. 21 sqq.*  
*Graios Alschevskius in ed. mai. Ve-*  
*suli alti idem in ed. min. Ianuae vel*  
*Ianuae altae vel iugi alti Ameisius*  
*Iahnii ann. LVII, 66; locus nondum sa-*  
*natus.* || XXXV, 1. Cenomanorum]  
*Glareanus: Germanorum* || *Libui]*  
*sic etiam XXI, 38, XXXIII, 37 ubi li-*  
*byos Bamb.: Libici, totum h. l. prae-*  
*terea coniecturis pertemptans, Cluve-*  
*rius Ital. ant. I, 22 p. 226, cf. Schweig-*  
*haeuserum ad Polyb. II, 17, 4, O.*  
*Muellerum Etrusc. I, 149 adn. 70, 155*  
*adn. 85.* || XXXVI, 4. possint E. ||  
 XXXVIII, 5. vel Romanis vel in al-  
 tera acie delendum videtur *Dobraeo*  
*advers. II, 379.* || omnium] *I. F. Gro-*  
*novius: hominum* || XXXVIII, 4.  
 quam Romam] om. *Voss. 1 ε, del.*  
*Sigonius, I. F. Gronovius, cum Wel-*  
*zius comm. crit. p. 20 sq. || crederent]*  
*credere et Heerwagenius nunt. d.*  
*Monac. XVIII, 62. de toto h. l. cf.*  
*Buettnerum observ. Liv. p. 32 sqq.,*

*Wexium Iahnii ann. LXX, 461, W ep.*  
*6 sqq. || 6. (primo adventu, quo (sic)*  
*accesserant ad urbem) Walchius*  
*emend. Liv. p. 32 sq. || adventu] m F*  
*Harl. 1 ε: aduentus (aduentu \* E.) ||*  
*quia] Drakenborchius: qui (de h. l. cf.*  
*Buettnerum l. l. p. 35 sqq.) || 10. con-*  
*lato] collato Voss. 1 ε conlata MPE*  
*collata Leid. 1 conlatis vel collatis*  
*F al. f. eo collato Ww. || XXXX, 1.*  
*reliqua essent fortuna] scripsi reli-*  
*quessent fortuna M reliqua esset*  
*fortuna PF et rell. fere omnes reli-*  
*qua esset fortunam E. || 9. Albi-*  
*nius] sic etiam cod. Naz. Flor. I, 7,*  
*13; Atinius Bamb. cf. Halmium*  
*emend. Val. p. 18. || 10. religiosum*  
*ratus sacerdotes publicas v. Vaas-*  
*sen animadv. ad fast. R. sacros p.*  
*232. || XXXXI, 3. pro populo Ro-*  
*mano Quiritium tradant Cobetus*  
*mnemos. I, 95 sq. || 4. arcemque so-*  
*lam] libri plerique: arcemque totam*  
*solam M arcem totamque solam P.*  
 || 5. ne quis] ne quae uis V neque  
 uis M ne quae uis del. deinde impe-  
 tus *Drakenborchii* coni. ab ipso repu-  
 diata; ego quoque v. l. potius ex ne  
 uis

quae archetypi ortam putem || 9. pro-  
 missa] prolixa videtur fuisse in M  
 m. pr. prolixa ε. || XXXXII, 1. om-  
 nis *Harl. 1 (?) I. F. Gronovius. || de-*  
*lendi urbem] Eε: delendae urbem*  
*V Leid. 1 ε delende urbem MPF*  
*delendae urbis Harl. 1 ε I. F. Gro-*  
*novius deinde (in mg. delende) ur-*  
*bem Voss. 1. || 3. concidere Rhena-*  
*nus consipere Lipsius elector. I, 7. ||*  
 XXXXIII, 3. pro tantis] *Harl. 1:*  
 pro tantis prolatis (prolati\*\*s ex  
 prolatinis ortum M) vel pro tantis  
 pristinis rell. || exprobranda ea  
 apud] *Alschevskius: exprobrande*  
*apud M exprobrandae apud P. ||*  
 XXXXVI, 2. cinctu] ε (cod. *Parrha-*  
*sii*), *Pier. Valerianus ad Verg. Aen.*  
*VII, 612, Rhenanus: cinctus rell. om-*  
*nes f. cinctu cinctus Ww. || 10. uti]*  
*Alschevskius: ute M ut est PE ut ex*  
*Fe. || centuriatis v. l. in Harl. 1,*  
*Kreyssigius ep. ad Goellerum p. 445,*  
*Huschkius ad auct. inc. de mag. p. 30,*  
*Serv. Tull. p. 713 at v. Weissenborni-*  
*um de notionibus, quas Liv. voc. populi*

sublevari p. 22 sq., Rubiconem Unter-  
suchungen etc. I, 1, 373 sq., Haecker-  
mannum de legib. xiv. p. 119; de  
toto h. l. cf. Walchium emend. Liv.  
p. 60 sqq. | XXXXVII, 9. Q.] ac  
ex c. XXXVI. §. 12 Sigonius: pu-  
blius | *idem* XXXXVIII, 6. p. |  
XXXVIII, 8. agentibus] gerti-  
bus M gerentibus M. m. 8. | L, 8.  
tribunis ad plebem addidit M. |  
LI, 1. mille. sct. M. millas. sct. P.  
milliens senatus consulto com. W  
mo simili ac. coll. V, 46, 10 *idem olim*  
*lect. Liv. II, 11. f. milliens senati con-*  
*sulto* | 3. habitaverint del. iussu  
du Rieu mnemos. I, 96 et thes. pons  
dias. de gente Fabia XLII. p. 457. |  
LII, 8. est et] Raimius l. l. p. 108. est  
libri ei est com. Drakenborchius. | 13.  
templis. quid tandem? de] ac in-  
terpungi iussit Seyffertus schol. Lat. p.  
65. | LIII, 4. mari] Raimius l. l.  
Bauerus: mare | 6. cum, iam ut di-  
stinxi auctore Walchio emend. Liv.  
p. 87.

Liv. VI in periculis: Marco no-  
men] Sigonius: manli cognomen  
libri marco cognomen ed. princ. |  
est et altera libri dett. | 1, 2. quod  
et rare P. | 6. legatus del. iussu  
Cobetius mnemos. I, 96. | 8. (itorum) is  
W. | 11. insignemque rei nullius ...  
agendae] V, ut vid., MF al. insi-  
gnemque rei nulli ... agendae PE  
Romani alter f. al. insignemque re  
nulla ... agenda Tan. Faber indi-  
cemque rei nullius ... agendae com.  
Wt I, XVII cf. Iahn ann. XXXVIII,  
264 insignemque religionis rei ul-  
lius agendae Praeudenbergius obs. Liv.  
p. 13. | 12. iussum putant. inde, voc.  
putant extr. cap. del., v. Paasen ani-  
madvers. ad fast. p. 172. | II, 8. Mar-  
cium] coll. Plut. Cam. 53 Diad. XIV,  
117 Sigonius, et si ipse parum abe con-  
stans, Bormannus altit. Chorogra-  
phis p. 128: montium M. mecium P.  
metium EF | 13. septuagesimo] v.  
Niebuhrum hist. Rom. II, 290 n. 585 |  
III, 6. cum om. P. sup. lin. add. E. |  
V, 3. a] F. cum rel. ut vid. omnibus.  
om. MPE. | VI, 4. suam misisse]  
VP: summissae vel submissae | 8.  
ingens inditum onus a pop. R. sibi  
fulasot, si se vel ingens, inde ait a

pop. R. sibi, si se Bollenstedius Id-  
ei difficiliora aliquot loca Hannan.  
1783 p. 9. | honoratorum] Aldus:  
honoratum meliores honorato vel  
ornatorum (Liv. 3) etc. c. | 14. belli  
alia] belliatia M al. alia belli com.  
Raimius l. l. p. 108. | VII, 2. restitan-  
tes I. F. Gronovius. | 3. ordines inde  
interrogitans com. W. v. Iahn ann.  
l. l. p. 272. | hostis quid est aliud Ant.  
Perronius hostis enim quid aliud  
com. Wt I, XVII. | 4. Volscia, ex Ae-  
quis Heusingerus. | 5. enim om. M. |  
VIII, 6. cornum M. | VIII, 6. Ser-  
vilius] Heusingerus: Q. Servilius  
Clarus, I. F. Gronovius quinctius  
libri cf. P. Lackmannum de font. Liv.  
I, 97. | 9. non tam a] Heusingerus  
nunt. d. Monac. XVIII, 36: monta-  
na M non tanta rel. non tam com.  
sed ipse repudiavit Alschefsky. | X,  
1. eo] I. F. Gronovius: in eo libri  
idno com. Drakenborchius in cur.  
post., Doeringius. | XI, 5. in spem] P.  
spem rel. spe Dobræus l. l. II, 379. |  
7. primus] c. Tan. Faber: primum |  
8. *idem*] Sigonius. *idem* | XII, 1. in-  
dictum] induci indictum M. indio-  
tum induci E. inductum c. | 6.  
convenit] E. I. F. Gronovius, v. d.  
ad mg. ad Curionis (v. adn. Drakb.):  
conveniant M. conveniat rel. | 9.  
miserunt M. | 10. T. om. Mc. | XIII,  
3. credebat] credebat alibi corne-  
bat VM cornebat rel. | 4. instare]  
Bae. a: stare | XIII, 2. intuenti] I.  
F. Gronovius: intuenda | 11. cum  
om. c. (Liv. 5) prob. Drakenborchius,  
an et locit abesse malit Dobræus l. l.  
p. 380, iecit del. I. F. Gronovius, at  
cf. Fithogenum obs. Liv. p. 47 et adn.  
Alschefsky | XV, 10. aliquam] ad  
aequam Huschkius ad. d. Recht das  
negum p. 126 adn. 170; an alienam? |  
XVII, 2. suos] suspectum Dukero,  
velut suos com. Rubinkovius v. mne-  
mos. III, 58. | 5. Capitolino aspungit  
Kiehlus mnemos. I, 96. | 6. id del.  
Doujatius, Kreyenigius (v. ed. lib.  
XXXIII p. 118). | XVIII, 3. iam] I.  
F. Gronovius, nisi et iam et aderat et  
tollendum ait, Heusingerus nunt. d.  
Monac. XVIII, 22. iam in M. et in c.  
(Klockius) in rel. | 6. et si ei sin-  
guli Heusingerus, nisi sententia quot

enim — hostem eritis ante vocc. si singuli etc. transponenda sit, quod etiam Dobraeus proposuit l. l. p. 380; Crevierius ante illam sententiam excidisse quaedam censet. || si singuli singulos adgressuri essetis om. Harl. 1 Leid 1. || enim] autem Heerwagenius l. l. p. 35. olim Wt I, XVII. || 12. tamen om. M. || etiam] iam I. F. Gronovius. || XVIII, 1. libertati] s Bas. a: libertatis || et ei] Madvigius in ed. Cic. de fin. p. 804: et libri, del. A. Perizonius. || 5. Menenius] cf. Niebuhrium hist. Rom. II, 682. || XX, 11. Flumentanam cf. Beckeri ant. R. I, 156 sq. || XXII, 1. tribunis om. s, induxit Muretus. || XXIII, 6. instruendis] I. F. Gronovius: instrumentem libri meliores omnes instruendis quaerentem Alschevskius. || 7. esset quid M esse: ecquid Alschevskius. || XXIII, 7. quod tollendum videtur Dukero. || 10. in fluctuantem aciem,] sic distingui iubet Heusingerus: in fluctuantem acie M m. pr. inter fluctuantem aciem I. F. Gronovius in fluctuante acie Heerwagenius l. l. p. 28. || XXV, 10. anquirens Gebhardus. || XXVII, 3. summam etiam invidiae eius] cf. Walchium em. Liv. p. 226 Buettnerum obs. Liv. p. 17: summam, etiam invidiam aliis varia conantibus Reizius l. l. p. 103. || 5. tertio M. || 10. minus praesens praecedens cum del., esset in esse mutans I. F. Gronovius minor in praesens Strothius. || Gabino] Iac. Gronovius: Sabino || XXVIII, 2. acto] s: facto || 3. atque] adque I. F. Gronovius. || 4. Romani] om. P, add. p. Romam Freinshemius. || XXVIII, 8. Iovis Imperatoris] cf. O. Iahnii archäol. Aufsätze Gryph. 1845 p. 31 sqq. || 9. Iuppiter etc.] Saturnius versibus post Niebuhrii hist. R. II, 664 conatum haec descripsit Ritschellius de inscr. col. rostr. p. 24. cf. quae disputavi de Cincius p. 44. || XXX, 7. fuit] Bas. b: fuisset (sic etiam, non fuisse, E fuit. Seti Harl. 1) || 9. anno Setiam] E, Sigonius: annos (s del. in P) etiam || XXXIII, 11. maiore] Bas. a: maior, quod servandum esse coni. Alschevskius, excipitur in excipit mutato || XXXV, 2. accingen-

dam ad ea I. F. Gronovius. || 4. pernumeratum] 'im Gesez war gewiss hinzugefügt: aut perscriptum' Niebuhrius kl. Schr. II, 248. || portionibus] pensionibus Cuiacius. || 5. fierent, sed consulum, et ut utique s Sigonius fierent, sed consulum, consulumque utique Goettlingius de l. Varronis de r. r. I, 2 p. 3 hist. reip. R. p. 352. || XXXVI, 3. in vocc. servius sulpicius servius (sic) expl. E. || 12. ni potius quam sortem creditum solvat] cf. Bachofen d. nexum etc. p. 83 sq.: potius quam sorte creditum solvat s I. F. Gronovius, alios emendandi conatus l. Drakenborchius, potius, quam sorte, ni creditum solvat Ballenstedtius Livii diff. aliquot loca p. 15. potius quam forte creditum solvat ed. Oxon. 1814 casu, prob. Dobraeo l. l. p. 380 potius quam (sortem) creditum solvat coni. Ww. || XXXVII, 2. plebis fecisset] Alschevskius: plebes fecisset s plebi fecisset libri meliores, nisi quod plebi fecisset M, unde plebei fecissent W. || 6. duobus nunc] marg. ed. Ascens.: duobusne || 8. administrari post] Bas. b: administrare potest post || XXXVIII, 1. eosdem duos virgula deleta Heusingerus. || 3. post ventum haec fere: et quum tribuni militum denunciasent senatui, iam eo periculi ventum excidisse censet Heusingerus. || 13. quod usque] cf. Lachmannum de font. Liv. I, 95 n. 1 et Ww adn. coll. Iahnii ann. XXXVIII, 21, 8: quod, quoad usque Alschevskius ed. min. || XXXVIII, 11. ferri] s (?), Modius: ferre || XXXX, 11. Sextilium Pm. pr. Sextium illum coni. Wt I, XVIII. || 15. Quirites, civili simillima Heusingerus. || 16. aliter qui rogat qui P. || XXXXII, 8. fuga] I. F. Gronovius: fugace M fuga se rell. || 10. ne is] Bas. a: in his || 12. umquam del. Bisschop mnemos. I, 400. || causa libenter facturos huc ex §. sq. illata esse pervidit Madvigius Bemerkungen üb. versch. Punkte des Systems der lat. Sprachlehre p. 64. || 13. libenter facturos coni. Alschevskius, Madvigius l. l.

LIB. VII. *in periocha*: et exple-  
 tast] et expleta est & expletat *Naz.*  
 eaque expleta est *ed. princ.* ita ex-  
 pletam *Iahnus* ita expleta est *Ww.* ||  
 lege lata] lege ab ipso lata *ed.*  
*princ.* lege sua *Iahnus.* || I, 1. [Tre-  
 centesimus octogesimus nonus ab  
 urbe condita] annus (hic) erit  
*Niebuhrus hist. Rom. II, 207.* || 7. a  
*om. M.* || 8. quam matura tam] P:  
 quamui matura tam M quamuis ma-  
 tura tamen m quam nemo sic matura  
 tam F al. quam non immatura *coni.*  
*W Iahnii ann. XXXVIII, 273. Wt*  
*II, III* quamvis matura *Ww* || 9. (in)  
 exsilio *Dukerus* inde exsilio *Wt.* ||  
 II, 7. similem iocum, compositum  
*v. Heusde stud. crit. in C. Lucilium p.*  
*270.* || 9. revocatur] M: reuocatus ||  
 obtudisse et] *scripsi*: obtudisset ||  
 vel obtudisset, et venia petita ....  
 tibicinem statuisset vel obtudisset,  
 venia petita .... ante tibicinem sta-  
 tuisse, et *Dukerus.* || 11. quae exo-  
 dia] F: unde exodia que exordia  
 M quae unde exordia P unde exor-  
 ta quae exodia *Alschevskius*: at dit-  
 tographiae in archetypo apparent ve-  
 stigia. || conseruataque P. || III, 3.  
 Cn. Genucius *e fast. Cap. et Diod.*  
*XVI, 2 Sigonius.* || 5. pangat. adfixa  
*coni. Wt II, III* pangat, fixa *Ww.* || 8.  
 consul eam legem (vel ea lege)  
 templo *I. F. Gronovius.* || ea] vel ex  
 ea *coni. Ww*: ex || ex lege [primum  
 fixit clavum, is qui] templum *Stro-*  
*thius.* || III, 5. noxiam P. || VI, 2.  
 expleri F. || 4. ad deos] f: deos ||  
 VIII, 6. Signinis] *Crevierius, Rei-*  
*zius l. l. p. 103 cf. Niebuhrum h. R. III,*  
*adn. 155: signis* || VIII, 1. C. Sul-  
 picius] *Sigonius*: lucius sulpicius ||  
 5. ut] ubi M *fort.* uti || 7. eum rum-  
 pentibus] Bas. a: erumpentibus ||  
 X, 10. interior] integrior *Ienickius*  
*ap. Wt II, III.* || XII, 8. cum fulta]  
 pF al.: confulta P *Leid.* 1. cum cum-  
 fulta M cum confulta *Alschevskius.* ||  
 11. locus alienus &. || XIII, 3. si licet  
 PF al. || 11. ut armaperet arma iu-  
 beret M ut caperent arma iuberet  
*Alschevskius ed. mai.* || XIII, 1. cer-  
 nebat] & (*Oxon. C*) *I. F. Gronovius*:  
 cernebat censebat MF al. cense-  
 bant P censebat p. || in se recepit

*coni. W.* || 8. admiscet] F *rell.*: ad-  
 miscit P missis M 'Num admis-  
 cuit?' *Alschevskius.* || acciperent]  
*libri praeter MP fere omnes* accepe-  
 rent P accaeperent M acceperint &  
 (*fr. Hav.*) *Alschevskius.* || XV, 1.  
 dextro *coni. Drakenborchius.* || 6.  
 dextro] sinistro *Glareanus.* || 12. M.  
 Furius] Q. Servilius F. *Lachmannus*  
*de font. Liv. I, 97 sq.* || XVI, 1. scivit  
 (accepit)] *coni. Wt*: sciuit accepit  
 M sciuit accepitque PF al. sciuit  
 acceptique *Leid.* 1 & (*Lov. 2*) sciuit  
 acceptaque *Harl.* 1. || 5. fecit M. ||  
 XVII, 4. miracula] terricula *Ruhn-*  
*kenius v. mnemos. III, 58.* || 12. ut *om.*  
 M. || XVIII, 1. undecimum] *Glarea-*  
*nus*: XII *Voss.* 1 & nonum m F al.  
 nouum P nouium M. || XXI, 5. una  
 animos *Ienickius ap. Wt.* || XXII, 1.  
*cf. Fittbogenium obsrv. Liv. p. 40 sqq.* ||  
 3. C. nomen] *Sigonius*: cognomen ||  
 9. reciperaturi ius] *Wt*: reciperan-  
 tur ius M recipiendo ius P et sic  
 vel recuperando ius *rell. fere om-*  
*nes.* || (reciperantur ius (sic M) con-  
 sularibus comitiis amissum) *Hueb-*  
*nerus quaest. onomatol. Lat. thesis*  
*VIII p. 46.* || censurae *Muretus, I. F.*  
*Gronovius.* || 10. Gnaeo] Cnaeo *Si-*  
*gonius*: naeuio s. neuio || XXIII, 7.  
 steterunt] MF: steterant Pm al. ||  
 XXIII, 5. propepulistis Mm. pr. ||  
 7. in del. *Dukerus.* || 8. occurrere  
 M. || 11. ipse] inde P. || XX, 4. de-  
 certarint F (*Harl.* 1?) &. || 7. coetus]  
*om. &.* (*Oxon. L. 1 fr. Hav. m. pr.*)  
 partes & (*ms. Klock.*) foedus *I. F.*  
*Gronovius.* || XXVI, 3. minus in-  
 signe etc.] *cf. W lect. Liv. I, 1 sq. Kreys-*  
*sigii comm. de Sall. hist. l. III. fr. p.*  
*53 n. 67.* || 4. si divus etc. *rhythmis in-*  
*clusa videntur Niebuhrus hist. R. III,*  
*92 n. 147.* || 8. perceperat & *edd. vet.*  
*I. F. Gronovius.* || 9. ac mare infe-  
*rum] ac mare superum & (Gaertn.*  
*et fr. Hav.), Glareanus, Sigonius ab*  
*mari infero coni. Drakenborchius*  
*aut mare inferum coni. Wt, ipse*  
*superum praeferens.* || 15. cuius po-  
 puli ea *om. Leid.* 1 || (cuius gentis)]  
*Scheibius philol. III, 558: cuius gen-*  
*tis P & (Klock.) cuiusque gentis rell.*  
*cuiusve gentis Ant. Perizonius* || (ty-  
 rannos) *Scheibius l. l. p. 558 sq. ty-*



rannorum *coni.* Wt. || XXVII, 3. Torquato]  $\epsilon$  (*Lov.* 2) *Glareanus*, *Sigonius*: torquato II. || XXVIII, 4. 4. tamen] autem P $\epsilon$  (*Klock.*). || XXVIII, 1. (spatio)] *I. F. Gronovius*, *Scheibius l. l. p.* 559: spatio || XXX, 4. suscipiamur P. || 11. qui eam] qui misericordiam *vel* qui suam (Ww) *coni.* W. || (omnes)] *Scheibius l. l.*: omnes || 18. escendit *Harl.* 1, *Thuan.*, *I. F. Gronovius*. || quidquid ipsi fuerimus] F $\epsilon$ : quidquid id fuerimus P quidquid id ipsi fuerimus *Voss* 1, *Leid.* 1  $\epsilon$  *om.* M. || ipsi fuerimus — arabitur *om.* *Harl.* 1. || 22. animi *Florebellus*, *I. F. Gronovius*. || XXXII, 11. audiendus] audendi *Freinshemius*. || 12. factionibus (modo) *Glareanus*. || XXXIII, 15. capi, non occidi *Niebuhrus hist. Rom. III*, 138. || XXXIII, 3. est *om.* M. || dmitterent (*Voss.* 1?)  $\epsilon$  *I. F. Gronovius* dmitteretur *Rupertius*. || 14. et dum] M $\epsilon$  (*Lov.* 4): ut dum PF al. || 15. haec] hinc *Dobraeus l. l. p.* 380. || XXXV, 6. arguerit (*sic*; arguerint MF al.) — circumdederit P $\epsilon$  (*Klock.*) || XXXVI, 2. uigilium P. || 6. opperiemur] M $\epsilon$  (*Lov.* 4 *Neap.*): opperiamur (operiamur P) || 7. in *om.* *Lov.* 4, *virgula ante castra posita del.* *I. F. Gronovius*. || universos] M $\epsilon$  (*Lov.* 4): universosque || 13. quod (*i. e.* quot) M: quos *rell.* || XXXVII, 2. (singulis) bubus privis binisque tunicis] Ww: singulis bubus binisque tunicis MP priusque in *marg.* P singulis bubus (*vel* bobus) priusque binisque tunicis F al. singulis bobus binisque privis tunicis *Gelenius* singuli bubus binis privisque tunicis *Huschkius üb. d. Census u. d. Steuerverf. d. frühern r. Kaiserzeit p.* 100, Wt *cf.* *Jahni ann. XXXVIII*, 272 singulis bubus privisque tunicis *Alschefskius ed. mai.* || donatis M donati sunt  $\epsilon$  (*Lov.* 4). || 6. castrorum cum valido *ed. Mediol. a.* 1505 castrorumque valido *Klockius* et (*vel* ac) castrorum valido *coni.* Ww. || 8. quam]  $\epsilon$ : quamquam MPF al. postquam, quam *Alschefskius*. || 11. interim quieto Romano]  $\epsilon$  (*Lov.* 4): interim quia romano M interim quia et romano P

al. interimque et romano F $\epsilon$  interim et romano  $\epsilon$  an interim (quia) Romano? || 13. duabus legionibus] duabus cohortibus *vel* duobus milibus *Iac. Gronovius*. || XXXVIII, 4. *Suessulanorumque Sigonius*. || XXXVIII, 6. eiectos] exsectos *Puteanus*. || 14. gravi  $\epsilon$ . || (oppressum)] *Scheibius philol. III*, 559: oppressum || honorem, si sequeretur, aut, ubi restitaret, mortem denuntiantes *I. F. Gronovius* honorem, ubi haud restitaret, aut mortem, ni sequeretur, denuntiantes *coni.* Ww. || restitaret] haesitaret *Heerwagenius* || (ni sequeretur)] *Doujatius*: ni sequeretur || XXXX, 1. ventum, et arma *I. F. Gronovius* et sic *vel* ventum est, et arma *Dukerus*. || 4. minore] F (*ex Keilii silentio*) *Iac. Perizonius*: minor || 9. (ut) *Heusingerus*. || mitior sim quam  $\epsilon$  (*Lov.* 4). || XXXXI, 1. orare *I. F. Gronovius*. || 6. et ne] et  $\epsilon$  (*Lov.* 2, *Oxon. B*) atque *Alschefskius* ne *Glareanus*. || esset, [princeps eorum fuisset,] qui *coni.* Ww. || ab *Lautulis* fugisset] *I. F. Gronovius*, *A. Rubenius*: qui ab *Lautulis* fugissent

LIB. VIII. in *periocha*: deducta est] *Jahnus*: deductae sunt || I, 2. est *om.* M $\epsilon$  (*Lov.* 4) || evenit (*Harl.* 1?) f $\epsilon$ . || 4. tempestas eos numen numen

neutro (*i. e.* tempestas eos neutro) M. || 9. se *om.* M. || II, 5. (bellum) *Dukerus*. || 13. quo]  $\epsilon$  *I. F. Gronovius*: quod || III, 5. [Fabius] *addidi*; is *add.*  $\epsilon$  (*cod. Sig.*) || creati consules T. Manlius Torquatus III, P. Decius Mus (Decius Capatius *vel* Capucius  $\epsilon$ )  $\epsilon$  *I. F. Gronovius*. || 9. per quos] F al.: quos MP quos per *coni.* *Alschefskius*. || III, 3. societas, si *coni.* Wt. || societas aequati iuris *I. F. Gronovius*. || 4. (ab) *Kiehlius mnemos. I*, 96. || datur? Vbi — pars esto. *Mehlerus ibid.* || 5. Latii] M $\epsilon$  (*Lov.* 4): latio || 6. umquam *del.* *Bisshop mnemos. I*, 400. || 10. unde, unde] M: unde || V, 3. tunc latium M. || 5. romam M *Leid.* 1 Romanum W. || 5. hominumque] PFm al.: hominum M al. || 14. (umquam) *Bisshop l. l.* || VII, 4. sociis M $\epsilon$



(*Lov.* 3). || 16. romanā psoluisti M, romana res publica solvisti coni. *Alschevskius*. || meorumque] *Voss.* 1 s: meorum MPF al. meorumue *Harl.* 1. || 19. nec] ne *I. F. Gronovius*. || VIII, 3 sqq. de toto h. l. cf. *Marquardtii ant. r. III*, 2, 271 sqq. quosque laudat p. 271 n. 1490. || 4. (ordo — habebat) W cf. *Iahnii ann. XXXVIII*, 269 sq. || 6. frons in acie] F *Voss.* 1 s: foris in aciem || 7. (earum — homines erant) *MommSEN d. röm. Tribus* p. 128 sqq. || primam] *Lipsius*: primum || 8. (tribus — homines erant)] *Strothius*, *Marquardtius l. l. p.* 273: tribus — homines erant || vexillum] (vexillum) *Lipsius* vexilla III *Huschkius d. Verf. des K. Serv. T.* p. 463 n. 66, *Alschevskius*; et ita certe numeravit interpolator cf. *MommSENium l. l. p.* 128 sq., cui adde observationem meam mus. phil. XII, 139. || 14. fere legiones quinis] legiones fere quinis *Sigonius*. || 17. duxerant] s: duxerunt || VIII, 2. dictum est] dictum M. || 3. gerebantur] M<sub>s</sub> (*Lov.* 4): gerebatur || gerebant res<sub>s</sub> (*Oxon. duo*) res gerebantur s (*Lov.* 5). || 8. pro republica populi Romani Quiritium *I. F. Gronovius* pro pop. R. Quiritibus *Niebhrius hist. R. III*, 157 pro populo Romano Quiritium s (*Gaertn.*) *Kiehlus mnemos. I*, 96. || 10. visus] M, *I. F. Gronovius*: visu || 14. addebantque] *Alschevskius*: adderantque M cf. v. l. VIII, 36, 10 addiderantque *rell.* || X, 10. funusque et par Mm. pr. Pm. pr. al. || 12. fodi M. || hostiam s. || 13. hostium (l. hostiam) sive quae alia *Huschkius d. osk. u. sabell. Sprachdenkmäler* p. 145. || XI, 3. Lavinio] cf. *Rubino Ztschr. f. d. AwSch.* 1844, 111, 881: Lavinio A. W. *Zumptius de Lavinio et Laurentibus Lavinatibus* p. 11 sq. || 7. hastatos PF al. || XII, 1. dissolutis M. || 4. Titus] s: titius MPF al. *Tiberius Diod. XVI*, 91 *Voss.* 1 (?) || 5. Fenectanis] Teanitanis *Bormanus Iahnii ann. LXXIII*, 63 sq. fenecta \* nis Pm. pr. || 7. ab Lavinio F<sub>s</sub> *Sigonius*, *Niebhrius hist. R. III*, 161. || 13. cuius tum] s: tum cuius || 15. initium MP. || 16. utrumque con-

sulem plebeium s *Sigonius* cf. *Beckerum ant. Rom. II*, 2 n. 461. || XIII, 5. Lanuvinosque] Lauviniosque s *Sigonius* (lanuvinosque M). || 8. subiecere] M: subegere || 14. deinde om. M s (*Lov.* 4). || 17. placeat M. || XIII, 5. saeuū et muri deiecti senatus M saevitum est: muri deiecti, senatus coni. *Alschevskius*. || 6. pondo] s (*mg. Harl.* 2), *Herm. Barbarus* cf. *Lachmanni ad Lucr. comm. p.* 321: passum || 10. quia] qui *I. F. Gronovius* et quia *Dukerus* ac quia *Grauerus de re munic. Rom. part. ann.* 5 p. 19 sq. cf. *Rubino l. l. n.* 122 p. 976. || 11. iuris conditionis M. || XV, 2. inde] Mm. pr.: deinde || 9. senatus cum (sena | cum M) — intendere M<sub>s</sub> (*Lov.* 4) ed. *Camp.* || XVII, 2. comparando] M<sub>s</sub> (*Lov.* 4) *I. F. Gronovius*: comparato vel comparato || 10. Romanis] M, *Salvinus in mg.*: romanis coniungit Mm. 3. romanis facit F<sub>s</sub> (*Hav.*) romanis fecit *rell.* || XVIII, 7. letalia] W uitalia M alia *rell.* cf. *Lucr. III*, 820 *Lchm.* || 12. captas vel simile participium ante alienatasque omisum videbatur Wt. || fecisse] factas esse in mss. inveniri malit *Alschevskius*. || XVIII, 4. *Vitruvius Baccus libri hic et per h. l. passim.* || 10. patriam] s (*Lov.* 4): patriam fundanos || 14. Fundanum] M<sub>s</sub> (*Lov.* 4): fundanum populum || XXI, 6. pars mitior coni. *Dukerus*. || ad molliora responsum aut ad mollius responsa *I. F. Gronovius*. || 10. itaque in M *Lov.* 4. || XXII, 2. Sidicinorum] *Sigonius*, *Klockius*, *Cluverius Ital. ant. III*, 8 p. 1036: signinorum sic ex coll. ap. *Drakenb. primitus* M, *Voss.* 1 *Lov.* 4 s s\*\*orū teste *Alschevskio* M samnitiorum, quod postea iterum erasum est ex coll. ap. *Drakenb.* in segninorum PF al. *Hernicorum Alschevskius* *Anagninorum* coni. Wt. || 4. petentibus] petens praesentibus *Cobet* *mnemos. I*, 96 praesentibus 'exemplaria' *Gelenii*. || XXIII, 2. Romae conpertum del. *Sigonius* om. s *Romam. Compertum Fulv. Vrsinus Romam conpertum, Alschevskius*. || *Cornelius F Voss.* 1 *Leid.* 1: om. MP al. || 15. oriens] *Rubenius ap. I.*

*F. Gronovium: oriente libri meliores* oriende & oriens de *Crevierius, Drakenborchius, Loewius de praepos. de usu ap. Liv. p. 11. || 17. tandem* &: tamen || **XXIII**, 3. transmisisse] *M Lov. 4. || 4. Consentiam*] *om. M et f. ex §. 14. 16 additum est.* || *Consentiam — Terinam*] *Metapontumque, Consentiam Brutiorum, ex Lucanis coloniam Acirinam, Cluverius Ital. ant. III, 15 p. 1318* *Consentiam ex Lucanis Sipontumque Bruttiorum Argentanum ac Terinam vel Consentiam ex Lucanis Sipontumque ac Terinam Bruttiorum coni. Alschevskius* *Metapontumque ex Lucanis, Bruttiorum Consentiam ac Terinam Aem. Huebnerus thes. XI. diss. inaug. supra l. p. 46* *Potentiam ex Lucanis, Sipontumque Apulorum Consentiamque Bruttiorum ac Terinam Ww. || (ex Lucanis) scripsi: ex Lucanis || (Bruttiorum) scripsi: Bruttiorum || ac Terinam*] *Alschevskius: acrentinam M acerinam PF al. Terinam Sigonius. || 10. iter incidentem Ruhnkenius mnemos. III, 58: indicantem iter (incidentem M indicante iter m). || 12. Sotimus*] *postimus M. || 16. hostes*] *hospites coni. Ww. || XXV, 5. (patiebantur)*] *I. F. Gronovius, Klockius, Scheibius philol. III, 558: patiebantur || XXVI, 4. via Nolam ferente*] *F Voss. 1 &: uiam Nolam ferentem || XXVIII, 9. rem mittuntur*] *Leid. 1 Harl. 1 Lov. 4 &: rem remittuntur F al. rem mittantur P remitte|antur M rēmitte|antur m. || 11. omni*] *F al.: omnia MP al. omni iā coni. Alschevskius. || XXVIII, 3. ut*] *et Harl. 1 Lov. 4 ex sil. &. || XXVIII, 3. non nova vel nota Dukerus. || 13. hau*] *Mm. pr.: haud || XXX, 2. manum*] *m rell.: manu MP. || 4. Imbrivium & Hermolaus Barbarus cf. Niebuhrium hist. Rom. III, 223 schol. de hist. Rom. ed. Islerus 1, 483, Dedericum quaest. phil. p. 13 sq. (nomen cum vocc. praecedentibus om. F al.) || 6. potuerat coni. Ww. || XXXI, 6. posset Harl. 1 &: possit || XXXII, 9. adversus singula quaeque*] *coni. W, lenickius apud Wt: aduersus singula quae M al. aduersusque P. || 11.*

tumultu iam concionem *Tan. Faber.* || *ultima iam in concione Heusingerus: iam in contione (vel concione)* *P al. iam in concionem M &, iam (in contionem) praeunte quadamtenus Crevierio Scheibius philol. III, 559 sq. || 12. steterunt M. || XXXIII, 2. cum*] *Voss. 1 & ex sil.: om. MPF al. || 3. contentione*] *Leid. 1 Lov. 4 & ex sil: conuentione (contione &) || iterata*] *P al.: iterat MF al. iteratur & (Lov. 2. 4) f. recte. || 9. [cum] add. Bas. a || 16. quem, ex collegis optione ... data, distinxi auctore Walchio emend. Liv. p. 120 sq. || 21. hau*] *au MP haud p aut M m. 3. || XXXIII, 5. perpetua ne esset non esset M perpetua necesset non esse Harl. 1 perpetua, nec ne, esset non esse Heusingerus perpetua ne non esset, non esse coni. Alschevskius. || 6. eius*] *MF Leid. 1 Lov. 4: eius iure P al. eius ius, ipse eius praeferens, coni. Drakenborchius ex eius iure Alschevskius e iure eius Ww. || diminuturum*] *pars codd.: diminuturum P al. diminutum M. || dictatore ius (et om. &) Dukerus, Drakenborchius dictatore vim et ius Kreyssigius vann. crit. p. 57 cf. comm. de Sall. hist. lib. III. fr. p. 37. || 9. licentia sola se*] *M: licentia sola P & licentias sola uase Leid. 1 Lov. 4 licentia sola qua (del. f.) uase Harl. 1 licentia uase F licentia sola vagi (uai mg. Voss. alt.) se I. F. Gronovius licentia salva se Walchius ad Tac. Agr. p. 304 licentia sola sua se Alschevskius. || 10. iussu*] *F ex silentio Keilii (?), om. rell., Gelenio auctore add. Bas. b. || XXXV, 12. Romano*] *rē M rei Alschevskius. || XXXVI, 1. Crasso, magistro equitum Q. Fabio*] *distinxi auctore W. A. Beckero mus. phil. III, 296 sq. ant. Rom. II, 2, 55, cuius incuriosus est du Rieu de gente Fabia p 239. || 5. et om. M. || comitate I. F. Gronovius. || 10. adderat M. || XXXVII, 2. agebatur*] *ambigebatur coni. I. F. Gronovius negabatur coni. W. || 3. Aulium*] *Gelenius: aulum; C. Aelius vocatur a Diod. XVIII, 26. || 8. quorum*] *& (Lov. 4?): quorum eorum codd. meliores cf. I.*

*F. Gronovii ac Drakenborchii adn. et Reisigii schol. gramm. Lat. p. 377* quoniam eorum vel quod eorum § 12. auctorem] M: auctores || polia P. || XXXVIII, 3. ubi noxium adpetebat M. || facturum M. || 8. instituit] M Lov. 4: instruit || 11. quisque Harl. 1 ex sil. (?) §. || XXXVIII, 9. (ac) I. F. Gronovius. || XXXX, 5. in voc. scriptor expl. Harl. 1.

LIB. VIII. in periocha: artum] §: tacitum Naz. § iniquum ed. princ. || consules observaverunt] § (Bergianus): post consules add. in senatu §, in senatum Naz. in senatu legendo ed. princ. || quas urbanas appellavit om. Naz. || nomen om. Naz. || tam facilem] §: tam Naz. § tantam §. || I, 9. placarique nequeunt §, qui placari nequeant vel. Placari nequeunt (sic §: cod. Klock.) I. F. Gronovius, placari qui nequeunt coni. Drakenborchius. || 11. sit quam om. M. || II, 4. iste] ed. Camp.: is et M et is \* P is al. || 9. demisso Bas. a: remisso || cum ad] (Voss. 1 ex sil.) §: qm ad P quad M ad al.; an cum (sc. quom) iam ad? || III, 1. alterum alius om. §, del. Muretus. || 10. esset add. Ald. || III, 3. fore] esse MP teste Alscheffskio?? || 9. ut illis §? Ald. || 15. sit] est M? || V, 7. lapsos] M ex corr. Voss. 1 §: missos F Leid. 1 § missos lapsos, si recte intellego Alscheffskium, M m. pr. § (Klock.) missos labso P. || 9. ad] I. F. Gronovius: ac || 10. sibe nequiquam M, Liviani sibe (Quint. I, 7, 24) vestigio f. servato || 13. id add. Drakenborchius. || fecerunt, distinctionis nota post detracta del. I. F. Gronovius. || VI, 1. prope om. Voss. pr. m. 1, uncis incl. Ww. || 2. armati] armis M. || 3. aspicere sibi visi sunt coni. W. || 6. an (fascies, lictores)? || 8. quidem om. P. at v. Scheibium phil. V, 132 sqq. || 12. iacere] Ascensiana, Gruterus: tacere || salutem salutantibus, non interrogantibus dare responsum vel salutem, non (salutantibus) dare responsum coni. Ww. || VII, 3. animi Voss. 1. || 12. abditi om. M. || VIII, 11. omnes] Lov. 4, § I. F. Gronovius: homines || 13. modo om. §, del. Faber; 'an ultro?' Dobraeus advers. II, 380. ||

VIII, 1. prius dedite om. M, uncis incl. Ww. || 4. sponsiones] F § (Gaertn. ex sil.)? ed. Mogunt.: sponsores || 7. in quod Voss. 1, Leid. 1, Lov. 4. || 12. accerserunt] F cum plerisque al.: accenserunt M accersunt P. || XI, 9. hos] F (?) § (Neap.) I. F. Gronovius: hosti || 10. ciuitate F Lov. 4 §. || obligatam] § (Harl.): oblactam MPF obluctam Leid. 1, Lov. 4 pollutam I. F. Gronovius obstrictam I. Gronovius. || sponsionem M Leid. 1. || XII, 1. omnia quae] (Voss. 1?) §: omniaque quae MPF al. omnia quaequae Alscheffskius. || evenerunt] Lov. 4 §: uenerunt || XIII, 8. Romam] suspectum Fabro oram coni. Wt. || absumpsissent I. F. Gronovius. || 10. obsessis] M § (Klock.): et obsessis || 11. vagus Dukerus. || XIII, 1. parantibusque] MP: parantibus rell. || 5. ferri F Lov. 4 §. || 15. fort. perirent I. F. Gronovius. || XV, 7. amissa erant] M al.: amiserant P amiserant F al. || 8. populi Romani om. M. || XVI, 4. a Coss. Lov. 4 ad coss. Voss. 1. || crederet] F §: crederent rell. (crederet) I. F. Gronovius. || clam (nocte)] W: clam nocte libri clam hoste Gelenius clam hostes Sigonius clam suis I. F. Gronovius. || XVII, 2. uolutavi § (Hav.) Bakius ad Cic. de legg. I, 9, 27 p. 356 sq. || XVIII, 19. Romanis Leid. 1, Voss. 1, Lov. 4 (ex sil.) §. || XVIII, 4. a Thuriis] a thuris MP a Bruttiis I. F. Gronovius. || tenus (Samnites)] 'nisi forte legendum omnes' Dobraeus advers. II, 380: tenus samnites libri tenus: — hos omnis coni. Ww. || 5. quattuor] VII P quinque al. cf. ann. Alscheffskii et ad totum h. l. Nipperdeium quaest. Caes. p. 152. || 13. simul] §: et simul || 15. verbo] vero cum cod. Sig. [al.] Dobraeus l. l. || (numquam ab equite hoste, numquam a pedite) Dobraeus l. l. || 16. equidem sagittas Voss. 1 § equitum sagittas Strothius. || XX, 5. Capuam] MPF al. I. F. Gronovius v. Niebuhrium hist. Rom. III, 338, Madvigium opusc. acad. I, 234, Rubinonem in act. ant. Marb. 1844 p. 981. || 9. Forento] I. F. Gronovius: torento M florento P. || XXII, 1. novi [L. Papirius Cur-

sor III et Q. Publilius Philo III] *Sigonius, Pighius ann. I, 357.* || 3. tantum *I. F. Gronovius.* || *an* (quod urbem oppugnabat)? || 4. vallo *om. M.* || *vel deditum vel dii dederunt Walchius emend. Liv. p. 75.* || XXIII, 10. homines]  $\epsilon$  (?) Bas. a: omnes || XXIII, 1. Ad *om. M m. pr., add. m. quarta* || 5. eo collocatis *M.* || 9. ite defendite *Voss. 1*  $\epsilon$  defendite  $\epsilon$ . || 10. incidens] Bas b: incedens || 13. ditionem *M.* || XXVI, 7. mors] morte *I. F. Gronovius.* || 13. contionem] *vel concionem Fal.: contione* || 15. quidem] *MP*  $\epsilon$ : quidam *rell.* || 18. dii homines sciant *M.* || XXVII, 3. utrimque] *Voss. 1* (?)  $\epsilon$ : utrique *MP al. utique*  $\epsilon$  utrisque *Alschevskius.* || 4. conspectum] *I. F. Gronovius: conspectu* || 7. pedite *I. F. Gronovius* (pediti pro ablativo habet *Alschevskius.*) || XXVIII, 6. Atinam et Calatiam] Atellam et Caiatiam auctore *Pellegrinio G. Stierius act. ant. Marb. 1852, 26, 207.* || 7. Pontia] *cf. Niebuhrium hist. R. III, 278: Pontiae ed. Mediol. a. 1480.* || 8. Interamnam] *Sigonius: internam* || *Casinam*] *M et sic vel Succasinam vel Casinatem Th. Mommsenius mus. phil. VIII, 623 sq.: casinum PF al.* || XXVIII, 3. dictatorem [C. Sulpicium, et is magistrum equitum] C. Iunium *Pighius ann. Rom. I, 362 dictatorem [C. Sulpicium Longum, is magistrum equitum] C. Iunium Sigonius.* || 10. essent puberes, a. d. XXX omnes, intra annum coll. Festo s. v. Potitium p. 237 *M. Livium scripsisse aut, cum ita, ut nunc legitur, iam Val. Max. I, 1, 17 legerit, certe scribere debuisse coni. Th. Mommsenius de coll. et sodal. Rom. Kil. 1843 p. 13.* || XXX, 3. militum *om. M.* || seniores deni, sed ipse dubitans, *Huschkius Serv. Tull. p. 473 sq.* || 5. abierant *Reizius l. l. p. 103.* || 6. fort. (ut) darent *I. F. Gronovius.* || 8. (causa) *Pighius ann. I, 365 ad mg., Iac. Gronovius, alii.* || XXXI, 1. Consulibus ... partitis, *I. F. Gronovius.* || 2. Cluviam] *F Leid. 1, Gelenius: cluuiani M Lov. 4*  $\epsilon$  cluiani *P Cluvias Nipperdeius emend. hist. Tac. p. 5.* || 7. transfugae] *F rell.: transfugere MP*  $\epsilon$  (*Klock.*) || 9. in ue-

terem disciplinam *F*  $\epsilon$  (in) veteri disciplina *coni. Alschevskius.* || struebantur *M.* || XXXII, 3. quam tutiora *om. M.*  $\epsilon$  (*Oxon. L. 1.*) || 5. utrique *M m. 1.* || 8. Romana] *romanos M fort. Romanorum Wt.* || XXXIII, 3. fatalis (cum) tribunis ac plebi] *scripsi: fatalis cum tribunis ac plebi Voss. 1*  $\epsilon$  fatales cum tribunis ac plebe *MPF Leid. 1* fatalis cum tribunis ac plebe *p Lov. 4*  $\epsilon$  fatalis tum tribunis ac plebi *Bas. a* nata litibus cum tr. ac plebe *I. F. Gronovius* fatalis [litibus] cum tr. ac plebe *Strothius* fatalis [ad lites] cum tr. ac plebe *W.* || XXXIII, 1. est] *en (Voss. 1?)*  $\epsilon$ . || 6. scivit (*Voss. 1?*)  $\epsilon$  *Aldus* scit *F Leid. 1*  $\epsilon$ . || 9. uiolentes *M.* || mali *F et Voss. uterque ex sil., Iac. Gronovius* mala *M.* || 12. crees? amplexus... dicet. *distinxi auctore Madvigio ad Cic. de fin. p. 273.* || 14. quod] *Lov. 4 m. pr.*  $\epsilon$ : quo || 15. imperiosissima superbissima *M, an superbissima imperiosissima archet.?* || 17. subrogare] *M: subrogari* || 25. non patiar] *patiar (Voss. 1?) Aldus.* || XXXVI, 1. eam intrare] (*Voss. 1?*)  $\epsilon$ : ea intrare || 5. accepere (*Voss. 1?*)  $\epsilon$ : accipere || 7. qui] *quum du Rieu de gente Fab. p. 457 thes. XLIII.* || XXXVII, 3. hostibus ad instruendum  $\epsilon$  (*Lov. 2*) hostibus ad instruendam *Voss. 1?* (hostium ad instruendum *uterque Voss. teste Gron.*) hostium ad instruendam  $\epsilon$  hostilem ad instruendam *I. F. Gronovius.* || 12. Cortona] *Moguntini: crotone MP al cortone*  $\epsilon$ . || XXXVIII, 7. obterendum]  $\epsilon$  (*Harl.*)? *edd. vett.: obtenendum*  $\epsilon$  (*Portug.*) optinendum (*vel obtinendum*) *MP al. opprimendum*  $\epsilon$  oppugnandum  $\epsilon$ . || 15. C. Iunium] *Bas. a: iunium M al. diunium P d. iunium*  $\epsilon$ . || 15 sq. XXXVIII, 1. *cf. Mercklinii de curiatorum comitiorum principio disp. Dorpati MDCCCLV. 4.* || 4. ante nam excidisse nonnulla videntur: *etrurie ibi add. M m. 3, quid m. 1 scriptum fuerit, discernere non potuit Alschevskius, interea res in eturia gestae P ad mg., ita tamen ut asterisci quidam adiecti locum eorum inter verba 'non tolerarunt pugnam et ad'*

fuisse doceant; eadem vel hic vel post tolerarunt pugnam add. Voss. 1 ε, om. MP in contextu F al. quod glossema esse perspexit Scheibius, ipse proponens legendum esse Interea et cum Umbrorum exercitu philol. III, 560. Interea (res in Etruria gestae) iam et cum U. e. W. || 8. ad primos] p al.: & primos proximos M ad primos proximos ε (Gaertn.) ad proximos PF al. || XXXX, 2. duo] adeo M; fort. ac duo Alschefskius. || 8. concursurum M; fort. concursum, tum Alschefskius. || 16. argentariarum] (Voss. 1?) Muretus, Gisb. Cuperus: argentariorum || 17. ad superbiam M<sub>5</sub> (Lov. 3.) || XXXXI, 4. eius om. M m. pr. || 5. exercitii M m. pr.; an exercitu? || 16. minati sint (Leid. 1?) Modius. || 17. ante concentum] m: ante concentu M deinde concentu PF al. deinde, ante concentum ε (Neap.) || XXXXII, 8. septem] III. M edd. ante Aldum. || 11. populo Romano] p. romano MP populi Romano Niebuhrius hist. Rom. II, 95 populi Romanis Cluverius Ital. ant. III, 6 p. 981. || XXXXIII, 5. vetusta gentis gloria] I. F. Gronovius: uetustate gentis gloria M uetustate gentis glorie P. || 6. vi mestri i. e. semestri Mommsenius röm. Tribus p. 38 cf. tamen Marquardtium ant. R. III, 2 n. 357. || XXXXIII, 2. Ti.] Sigonius, Pighius ann. I, 375: t. (postumiest minutius M postumius & minutius id. m. 4.) || 4. memoriane] ε (fr. Hav. m. pr.) Bas. a: memoriaene M al. memoriene P. || 14. urbs] Crevierius: ubi || 16. Cesennia] M: cessennia P Serennia (Ξεφύλαξ et Ξεφύλαξ libri) Diod. XX, 90 Aesernia (Esernia Glar.) Glareanus, Cluverius Ital. ant. III, 8 p. 1044 Cerfennia Alb. Rubenius. || XXXXV, 8. quid] quod M. || 12. verteret, est audita coni. Ww. || XXXXVI, 1. Cn. Flavius Cn. filius] ε (Ox. C. et in mg. N.): cñ. flavius gn. fil M cñ. f spatia sex fere litterarum post f relicto P cñ. fil. p. || 6. dedicare om. M || 6sq. post templum: dedicare — templum om. P. || 11. opes, urbanis humilibus] I. F. Gronovius: opes urbanas humilibus || §. 12. tantumque — deponeret post §. 3 extr.

coloniae deducendae transponendam censet Niebuhrius hist. Rom. III, 374.

LIB. X. in periocha: tertio] Drakenborchius: pretio || iure iurando] ε: de iure iurando Naz. ε || quo] 'vet. lib.' Sigonii: suo Naz. ε ut ε suo quo ed. princ. || I, 1. fuit ad soram M fuit. at Soram coni. Alschefskius fuit. ac Soram coni. Wt. || 7. Dentre] Voss. 1 Lov. 4 ex sil. ed. princ. Rom.: dentrice M dentice P. || M. Aemilio] Sigonius: aemilio || II, 1. Thurias] Voss. 1 (?) ε: thurios MP Rudias Doujatius et vel has vel Uriam intellegendas putat Ww. || 5. audisset] Voss. 1. 2 (?) edd. vett.: audissent || ab tergo] ab terra coni. Ww ex adverso v. Leutschius philol. X, 125 || (sint) I. F. Gronovius || haud procul ante esse ostium lin. sq. collocat Ww. || cerni] ε: cernit || 5 sq. collis, videri esse Alschefskius. || 6. p̄ali quo p p̄aliq. P. || vidissent] ed. Rom. a. 1472: uidisse MF al. uidisset P ε. || 10. parvas] F ε: parvis MP al. f. paucis Ww. || 14sq. viderunt Patavi. monumentum cum Ww distinxi auctore Heusingero. || III, 2. Cilnium] ciuium cilicium (cilnium?) M. || V, 13. Cilnio] ε? edd. vett.: licinio iacilnio M licnio F licinio rell. fere omnes. || 14. credere] fort. tradidere Dukerus. || VI, 11. minus adtendere M minus aut tendere Lov. 4 minus autem tendere ε. || erat certatum adeptos] M ε (Harl.): erat certatum tamen adeptos PF al. certatum erat tamen adeptos al., quod tamen ex cap. sq. initio repetitum esse vidit Wt. || VII, 7. sint Dukerus essent coni. Alschefskius. || 10. si] ε ed. Mog.: is || caedat — capiat] ε Bas. a: caedet — capiet || 11. non] qui P m. pr. || 12. colimus om. P. || VIII, 6. Attum] I. F. Gronovius cf. meae de nom. Plauti diss. p. 17: atium || 10. codd. ε lectionibus innisus h. l. parum feliciter temptat Huschkius Serv. Tull. p. 68sq. || VIII, 3. sanctum] sancienda coni. Alschefskius. || 6. servos ero Hauptius mus. phil. I, 474: ser uos | ero M sumr serio P sum serio p. || 8. erat arduus altus atque M al. || 12. Cn.



Domitium] *Pighius ann. I*, 385: c. l. domitium P cl domitium M Cn. *vel* L. Domitium *I. F. Gronovius*. || X, 5. a Nare flumine Narnia ε (*Harl.*), *edd. ante* Bas. b a flumine Nare Narnia *coni.* Wt. || XI, 4. (sententiae) centuriae(que) *Cobetius mnemos. I*, 96. || XII, 1. repetendas] F *Lov. 4*: petendas || 6. reliquerant *coni. Heusingerus*. || XIII, 3. increpari (*Lov. 4, Voss. 2*) Bas. a: increpare || 14. cupiditati ε (*Port.*) *cf. ann. I. F. Gronovii*. || XIII, 9. augebat] ε: agebat M agebat *rell.*; in P h. l. est lacuna inde ab adoriri §. 6 extr. usque ad moveri §. 10. || 10. maximum fulvium et F al. *prob. Niebuhrio h. R. III*, 428. || 11. (umquam) *Cobetius mnemos. I*, 96 *cf. Bisschopium ibid.* 400; at v. *Mullachium Zeitschr. f. d. Gymnwesen* 1854 p. 391 sq. || 13. locum corruptum *vel gloss. inquinatum esse putat* Ww. || 18. tempore improvisa] MF al.: tempore in se visa P in tempore visa Ww. || 20. maxime territos] (ε) Bas. a: maximeque territos *libri fere omnes; locus vel lacunosus vel corruptus iudice W, qui proposuit: maximeque terruit eos* || 21. octin-

genti] *Drakenborchius*: a, ccc P accc M \* ac cc *notam vel notas, quae quot milia capti sint indicent, abesse ratus Niebuhrius h. R. III*, 428. || XV, 6. duo milia nongenti] *coni. Drakenborchius, nisi quod scr. millia: duo mil accc. M duo miliacccc P duo millia ac ccc Leid. 1* ε *Niebuhrius l. l.* || nongenti] *Alschevskius: acccc MP \* ac ccc (cf. ad c. XIV, 21) Niebuhrius l. l.* || 7. vocatae] *Voss. 1 (cf. tamen extr. ann. Drakenb.): uocatum rell. et sic vel vocatorum proposuit Ww.* || XVI, 6. Romanos populum quem] M: romanum populum quem m *rell.* Romanos, quem populum *I. F. Gronovius*. || XVII, 4. (capta est) *I. F. Gronovius* facta est *coni.* Ww. || 8. sex] VII M m. pr. || 11. murcantiam M. || 12. L.] c. XVI, 2, *Sigonius: p.* || XVIII, 7. id certum] *Buettnerus observ. Liv. p. 47 sq., Kiehlius mnemos. I*, 96 sq.: incertum libri certum *Crevierius* ut certum *Walchius em. Liv. p. 35 sq.* || abnuenti M. || 9.

acceperunt] *Lov. 4*: acceperent M acceperere PF al. || XVIII, 3. omne ε. || 5. inter paucos paucis certatum *Ienickius ap. Wt.* || 18. [alterius exercitus] *addidi* || virtutem alterius aequavit *Heusingerus*. || aequarunt *I. F. Gronovius*. || aequavit. duces] ε: aequavit. ducis F aequavit ducis MP aequavit ducis. al. aequavit ducis: [et duces] *coni.* Ww. || 20. iam ausiatorib. iam pugnatorib. castra M; s in ausiatorib. *inducto li supscr. m. tert.* || 21. fort. inferens — accenderent Ww. || accenderet] ε: accenderant MPF al. accenderat al. || 22. fort. milia nongenti (dcccc pro acccc) *Alschevskius*. || XX, 1. Vescinos] *Sigonius: uestinos* || 4. dimica-

tionib. M. || 13. staiam M stacam M m. 4 statium *Leid. 1, Lov. 4* ε, *Mommseuius unterital. Dial. p. 296.* || XXI, 2. vocare *I. F. Gronovius*. || sollicitare *idem* || 7. Vescinum] *Sigonius: uestinum* || 8. Vescino] *Sigonius: uestino* || XXII, 1. Quintus] *Voss. 1, Lov. 4* (?) ε: quintum || praerogativa *Alschevskius prob. Kiehlio l. cum maxime laudando at v. Marquardtium ant. Rom. II*, 3 *ann. 11 et quos praeterea l.* Wt p. IX. || primo] iure *Kiehlius mnemos. I*, 97. || 5. quamque prope *coni.* Ww. || XXIII, 3. quae] quod ε *du Rieu mnemos. I*, 97, *de gente Fabia p. 276.* || 5. vere *Doujatius, Kiehlius mnemos. l. l.* || 6. matronis] F al.: matrimoniis Mp al. matrimonius P matrimonius m. || XXIII, 3. Etruriam] ε: in eturiam || 5. consevisset] *Glareanus: conseruisset* || 8. plebi] *Voss. 1 ex corr.* ε: plebis || 14. cum periculum tum dimicatio M cum periculum, cum dimicatio ε (?) *edd. vett.* || 17. id et] Bas. a: et id || et ante exemplo om. M. || 18. comitio abiit] *edd. vett.: comitio habuit Leid. 1* ε (*Gaertn.*) comitia habuit *rell.* || XXV, 3. res M. || 10. mobiliorem *Doujatius, Klockius, Clericus: nobiliorem* || 14. periculum] P 'manu perantiqua corr.', ε *I. F. Gronovius, v. d. in mg. ed. Curion.: periculos MP periculo m periculosum rell.* || XXVI, 1. redit M. || 3. mallet] W: mallit MP *Leid. 1* mallit F malit



rell. || 6. ut adiecerint coni. Ww. || 8. collem] *ε* A. Perizonius: colle || 14. quam Romano] *Dukerus*: quam romani codd. fere omnes, om. *ε* (Oxon. L. 1), suspicit I. F. Gronovius. || 15. Megellus] *Sigonius*: megillus || XXVIII, 9. carnisque P m. pr. cartisque *ε* (Port.) carpentisque *Dukerus*. || 17. contacturum] (Leid. 1?) *ε*: contracturum || XXVIII, 7. rarisque] altera archetypi scriptura, quae rutis rarisque videtur exhibuisse, nam uerarisq. rutis MF Leid. 1 uerarisq. ruptis Lov. 4 uerrutis P uerutis *ε* (Harl.) I. F. Gronovius uerutisque Voss. 1 cum *ε* fere omnibus rarisque verutis *Drakenborchius*, excidisse aliquid videtur Ww; an raris? || 12. vocc. Galli — stabant gloss. esse videntur Ww. || 18. mille ac centum] mille septingenti (dcc pro acc) coni. *Drakenborchius*. || XXX, 5. peditum milia ccc xxx] scripsi: peditum x. ccc xxx. M peditum xi ccc xxx P peditum x. ccclxxx *Niebuhrus hist. Rom. III. adn. 647*. || 9. carminibus militaribus] (Voss. 1?) *ε*: militaribus MPF al. militaribus iocis *ε*. || XXXI, 2. Vescinum] *Sigonius*: uestinum || parte alia] *ε* (vet. lib. *Sigoni*): partem aliam || Aeserninum] libri I. F. Gronovii (?), *Gronovius cf. tamen Niebuhrum hist. Rom. III. adn. 649*: aeserniū M aeseruniū P. || quaeque .. adjacent] sic vel qua adiacet I. F. Gronovius: quaeque adiacet || XXXII, 4. intrare (vastare)] scripsi: intrare uastare M uastare P. || XXXIII, 1. induci P al. || 6. ad iocccxxx coni. *Drakenborchius*: ad accxxx || 10. profectus Sora] scripsi: profectu (profectu' m. tert.) sorā M profectus ab Sora P cum rell. fere omnibus. || XXXIII, 3. caesa et deinde capta *Kiehlius mnemos. I, 297. 397 sqq.* || ioccc coni. *Drakenborchius*: acc. || 4. fertrum M Trevertinum I. F. Gronovius Feretrum cum F Lov. 4 *ε* *Niebuhrus h. R. III, 455* Tifernum coni. *Alschevskius*. || 7. eadem regione] (Leid. 1?) *ε*: eandem regionem || 9. qua adierant Fal. || XXXV, 11. pugnata P m. pr. pugna iā coni. *Alschevskius*. || 14. verterent. face-

rent quod *Dukerus*. || 16. segniter arma capit] libri fere omnes: om. MP *ε* (Lov. 2.) || XXXVI, 1. In medium I. Gronovius. || 4. et alii] alii *ε* (Hav.) (et) alii coni. Ww. || 7. ipse Lov. 4 *ε*. || 14 et 15. ac ducentorum] accc libri: octingentorum coni. *Drakenborchius*. || 18. vocatis Voss. 1 *ε* evocatis *Dukerus*. || XXXVII, 2. accc MP al: octingenti Lov. 4. || XXXVII, 13. Apulia] *ε*, *Ascensius*: Apuliam || 15. tantum (d est locus templo sacratus) effatus praeunte fere *Klockio du Rieu de gentis Fabia p. 190*. || effatus] Voss. 1 *ε*: efatus P sacratus effatus M effatus sacratus F al. || 16. re publica] I. F. Gronovius: resp. || XXXVIII, 2. adhibuerunt M. || 3. quique] quive *Kiehlius mnemos. I, 98*. || sacratum esset] (Voss. 1?) *ε*: sacratum erat libri fere omnes sacrum esset *Cobetius mnemos. l. l. sacraretur coni. W*. || 4. quadraginta] lx P al. || 6. ouio pactio M nulo paccio P || 10. dein iurare mp al. || 12. nominati sunt] *Alschevskius*: nominatis || 13. (quod roboris erat)] coll. §. 4 Ww: quod roboris erat || ad] *ε*: om. libri fere omnes. || Aquiloniae consedit vel Aquiloniam concedit I. F. Gronovius. || XXXVIII, 7. quae om. *ε* (Harl.)? edd. vett. || 11. de praesentis ... apparatus vana I. F. Gronovius. || XXXX, 1. diei] die P m. pr. || 7. C.] C. C. *Pighius ann. I, 388* Caios I. F. Gronovius. || T.] coni. add. Wt: om. meliores omnes, C. vel A add. *ε*. || 8. III addidi post m, numerum cohortium omissum esse adnotante *Crevierio*. || 9. auditaque M *ε* (Harl.). || XXXXI, 4. a medicia acie P ac media acie coni. *Alschevskius*. || 5. virgulam ante erat posui auctore *Heusingero*. || 8. ipsi coni. Ww. || ut om. M m. pr. || 10. uicta ui P. || 11. (agmen) I. F. Gronovius. || 14. in interiora] F al.: interiora || XXXXII, 4. proxima, ea parte *Iac. Gronovius*. || 5. viginti] xx M x P al. xxx F al. || tria] III Mal. III P al. || XXXXIII, 8. octingenti] coni. *Drakenborchius*: accc || 11. e regione] *ε* (?) *Moguntini*: regionem || erant] (Lov. 4?) *ε*: erat || certius I. F. Gronovius. || 12. temere]

M: ta prope mere P prope temere  
 r; F al. ante eo ipso loco exhibent  
 prope || XXXXIII, 6. cum iam]  
 fort. num iam Ww. || 9. Veliam] v.  
 vv. II. cp. sq. §. 8. 9 coll. Niebuhrio  
 h. R. III n. 664: uellam || XXXV,  
 8. Veliam] s: ueletiam P uel etiam  
 M. || et herculaneum his etiam sig-  
 nis med. omissis P. || 9. ueliā h. l. certe  
 M. || 12. saepe acie, saepe agmine  
 Gruterus. || 14. rebus, si v. l. recte h.  
 l. rettulit Alachefskius, om. MP (f) ||  
 XXXVI, 3. transvecti sunt] s:  
 transuectis M; transuecti Pm al. ||  
 5. uicines (uicies p) centum milia  
 & a XXXIII mil MP (XXV) XXXIII  
 scriptum fuisse censet Ww. || mille  
 octingenta triginta] Alachefskius:  
 eo. a CCCXXX M a CCCXXX P. || 9.  
 Vescinum] Sigonius: nestinum || 10.  
 Troilum] Trossulum videtur Sigonio  
 cf. Cluverium Ital. ant. II, 3, 562 Nie-  
 buhrium h. R. III, 475. || 12. capta  
 Voss. 1 al. Kiehlus mnemos. I, 400. ||  
 centum] 5. 5. M; fort. cc Alachefsk-  
 ius. || 14. de reliquo aere s (de reli-  
 quo aere) du Rieu de gente Fab. p.  
 457 thes. XLIV. || 16. in legatione] s  
 (Klock.) et vel sic vel legatione  
 A. Perizonius: in legationem ||  
 XXXXVII, 2. unde xx MP: inde  
 vicesimum Huschkius Serv. Tull. p.  
 520 illud vicesimum coni Ww tri-  
 gesimum Bellefortius unum et vice-

simum M. C. Curtius cf. tamen Lach-  
 mannum de font. Liv. I, p. 20 sq. n. 8.

In periocha LIB. XI. Samnitibus  
 post petentibus add. s, om. Naz. s ||  
 post] 'vel. lib.' Sigonii: propter ||  
 Thurinis] Pighius ann. I, 404: turinis  
 s tyrrhenis Naz. s. || XII. Vibellio]  
 Naz.: iubellio s inbelio s ed princ.  
 cf. Mommaenius unterital. Dial. p.  
 266 sq. Huschkius osk. u. sab. Sprach-  
 denkm. p. 402. || XIII. populabun-  
 dus usque ad O. Iahnus. || is, qui]  
 'num Nicias, qui?' idem. || XV. in  
 Samnio om. Naz. || ut essent octo  
 om. s. || octo] s (Leid.) Sigonius: om.  
 Naz. || XVI. equitibus] exerciti-  
 bus W. || XVII. tibicine canente]  
 s: tibicinae canentes Naz. || XVIII.  
 P.] Sigonius: M. || Sophus] Bas. a:  
 tofus Naz. stophus vel scopus vel  
 seopus etc. s. || M'] Sigonius: om. libri.  
 || Valerius Maximus] s: om. Naz. s.  
 || XVIII. Claudium Gliciam] Sigo-  
 nius: el. claucia Naz. el. glauciam  
 s. || Fregensae et in O. Iahnus. || XX.  
 bis conditum] s: conditum Naz. s  
 conditum bis s. || primo lustro] Naz.  
 5: quo lustro Guelf. ex quo primae  
 edd. et Norvic. || CCLXX alio CCKIII s  
 CCLXX millia, altero CCLXXXIII millia  
 Niebuhrius hist. Rom. II, 81. || C. Fla-  
 minius — Flaminiam add. Sigonius.  
 || de] Bas. b: om. Naz. s a vel ex s.



**TITI LIVI**

**AB VRBE CONDITA LIBRI.**

---



Facturusne operae pretium sim, si a primordio urbis res 1  
populi Romani perscripserim, nec satis scio, nec, si sciam,  
dicere ausim, quippe qui cum veterem tum vulgatam esse 2  
rem videam, dum novi semper scriptores aut in rebus  
certius aliquid allaturos se aut scribendi arte rudem ve-  
tustatem superaturos credunt. utcumque erit, iuvabit ta- 3  
men rerum gestarum memoriae principis terrarum populi  
pro virili parte et ipsum consuluisse, et si in tanta scrip-  
torum turba mea fama in obscuro sit, nobilitate ac mag-  
nitudine eorum me, qui nomini officient meo, consoler.  
res est praeterea et immensi operis, ut quae supra septin- 4  
gentesimum annum repetatur et quae ab exiguis profecta  
initiiis eo creverit, ut iam magnitudine laboret sua, et le-  
gentium plerisque haud dubito quin primae origines pro-  
ximaque originibus minus praebitura voluptatis sint fes-  
tinantibus ad haec nova, quibus iam pridem praevalentis  
populi vires se ipsae conficiunt. ego contra hoc quoque 5  
laboris praemium petam, ut me a conspectu malorum,  
quae nostra tot per annos vidit aetas, tantisper certe, dum  
prisca tota illa mente repeto, avertam omnis expers cu-  
rae, quae scribentis animum, etsi non flectere a vero, sol-  
licitum tamen efficere posset.

Quae ante conditam condendamve urbem poeticis ma- 6  
gis decora fabulis quam incorruptis rerum gestarum mo-  
numentis traduntur, ea nec adfirmare nec refellere in  
animo est. datur haec venia antiquitati, ut miscendo hu- 7  
mana divinis primordia urbium augustiora faciat, et si cui  
populo licere oportet consecrare origines suas et ad deos  
referre auctores, ea belli gloria est populo Romano, ut,  
cum suum conditorisque sui parentem Martem potissimum  
ferat, tam et hoc gentes humanae patiantur aequo animo  
quam imperium patiuntur.

Sed haec et his similia, utcumque animadversa aut 8  
existimata erunt, haut in magno equidem ponam discrimi-  
ne, ad illa mihi pro se quisque acriter intendat animum, 9  
quae vita, qui mores fuerint, per quos viros quibusque  
artibus domi militiaeque et partum et auctum imperium



sit, labente deinde paulatim disciplina velut desidentis primo mores sequatur animo, deinde ut magis magisque lapsi sint, tum ire coeperint praecipites, donec ad haec tempora, quibus nec vitia nostra nec remedia pati possumus, perventum est. hoc illud est praecipue in cognitione rerum salubre ac frugiferum, omnis te exempli documenta in inlustri posita monumento intueri, inde tibi tuaeque reipublicae quod imitere capias, inde foedum inceptu, foedum exitu quod vites.

11 Ceterum aut me amor negotii suscepti fallit, aut nulla umquam respublica nec maior nec sanctior nec bonis exemplis ditior fuit nec in quam civitatem tam serae avaritia luxuriaque inmigraverint nec ubi tantus ac tam diu paupertati ac parsimoniae honos fuerit. adeo quanto  
12 rerum minus, tanto minus cupiditatis erat. nuper divitiae avaritiam et abundantes voluptates desiderium per luxum atque libidinem pereundi perdendique omnia invexere. sed querellae, ne tum quidem gratae futurae, cum forsitan necessariae erunt, ab initio certe tantae ordiendae  
13 rei absint. cum bonis potius ominibus votisque et precationibus deorum dearumque, si, ut poetis, nobis quoque mos esset, libentius inciperemus, ut orsis tantum operis successus prosperos darent.

---

[PERIOCHA LIBRI I.]

[Adventus Aeneae in Italiam et res gestae. Ascani regnum Albae et Silvi et deinceps Silviorum. Numitoris filia a Marte compressa, nati Romulus et Remus. Amulius obtruncatus, urbs a Romulo condita, senatus lectus, cum Sabinis bellatum, spolia opima Feretrio Iovi lata, in curias populus divisus, Fidenates, Veientes victi, Romulus consecratus.

Numa Pompilius ritus sacrorum tradidit. porta Iani clausa.

Tullus Hostilius Albanos bello diripuit. trigeminorum pugna. Metti Fufeti supplicium. Tullus fulmine consumptus.

Ancus Marcius Latinos devicit, Ostiam condidit.

Tarquinius Priscus Latinos superavit, circum fecit, finitimos devicit, muros et cloacas fecit.

Servio Tullio caput arsit. Servius Tullius Veientes devicit et populum in classes divisit, aedem Dianae dedicavit.

Tarquinius Superbus occiso Tullio regnum invasit. Tulliae scelus in patrem. Turnus Herdonius per Tarquinium occisus. bellum cum Vulscis. fraude Sex. Tarquini Gabii direpti. Capitolium inchoatum. Termini et Iuventae arae moveri non potuerunt. Lucretia se occidit. Superbi expulsio. regnatum est annis CCLV.]

---

## TITI LIVI

## AB VRBE CONDITA

## LIBER I.

I. Iam primum omnium satis constat, Troia capta in 1  
 ceteros saevitum esse Troianos, duobus, Aeneae Anteno-  
 rique, et vetusti iure hospitii et quia pacis reddendaeque  
 Helenae semper auctores fuerunt, omne ius belli Achivos  
 abstinuisse, casibus deinde variis Antenorem cum multi- 2  
 tudine Enetum, qui seditione ex Paphlagonia pulsi et sedes  
 et ducem rege Pylaemene ad Troiam amisso quaerebant,  
 venisse in intimum Adriatici maris sinum, Euganeisque, 3  
 qui inter mare Alpesque incolebant, pulsos Enetos Troia-  
 nosque eas tenuisse terras. et in quem primo egressi sunt  
 locum, Troia vocatur pagoque Troiano inde nomen est,  
 gens universa Veneti appellati. Aeneam ab simili clade 4  
 domo profugum, sed ad maiora rerum initia ducentibus  
 fati primo in Macedoniam venisse, inde in Siciliam quae-  
 rentem sedes delatum, ab Sicilia classe ad Laurentem  
 agrum tenuisse. Troia et huic loco nomen est. ubi egressi 5  
 Troiani, ut quibus ab inmenso prope errore nihil praeter  
 arma et naves superesset, cum praedam ex agris agerent,  
 Latinus rex Aboriginesque, qui tum ea tenebant loca, ad  
 arcendam vim advenarum armati ex urbe atque agris con-  
 currunt.

Duplex inde fama est. alii proelio victum Latinum 6  
 pacem cum Aenea, deinde adfinitatem iunxisse tradunt,  
 alii, cum instructae acies constitissent, priusquam signa 7  
 canerent, processisse Latinum inter primores ducemque  
 advenarum evocasse ad colloquium, percunctatum deinde,  
 qui mortales essent, unde aut quo casu profecti domo  
 quidve quaerentes in agrum Laurentem exissent, postquam 8  
 audierit, multitudinem Troianos esse, ducem Aeneam filium  
 Anchisae et Veneris, cremata patria domo profugos sedem

condendaeque urbis locum quaerere, et nobilitatem admiratum gentis virique et animum vel bello vel paci paratum, dextra data fidem futurae amicitiae sanxisse. inde foedus ictum inter duces, inter exercitus salutationem factam, Aeneam apud Latinum fuisse in hospitio. ubi Latinum apud penates deos domesticum publico adiunxisse foedus filia Aeneae in matrimonium data. ea utique res Troianis spem adfirmat tandem stabili certaue sede finiendi erroris. oppidum condunt, Aeneas ab nomine uxoris Lavinium appellat. brevi stirps quoque virilis ex novo matrimonio fuit, cui Ascanium parentes dixere nomen.

II. Bello deinde Aborigines Troianique simul petiti. Turnus rex Rutulorum, cui pacta Lavinia ante adventum Aeneae fuerat, praelatum sibi advenam aegre patiens, simul Aeneae Latinoque bellum intulerat. neutra acies laeta ex eo certamine abiit: victi Rutuli, victores Aborigines Troianique ducem Latinum amisere. inde Turnus Rutulique diffisi rebus ad florentes opes Etruscorum Mezentiumque regem eorum confugiunt, qui Caere, opulento tum oppido, imperitans, iam inde ab initio minime laetus novae origine urbis et tum nimio plus quam satis tutum esset accolis rem Troianam crescere ratus, haud gravatim socia arma Rutulis iunxit.

Aeneas, adversus tanti belli terrorem ut animos Aboriginum sibi conciliaret nec sub eodem iure solum sed etiam nomine omnes essent, Latinos utramque gentem appellavit. nec deinde Aborigines Troianis studio ac fide erga regem Aeneam cessere fretusque his animis coalescentium in dies magis duorum populorum Aeneas, quamquam tanta opibus Etruria erat, ut iam non terras solum, sed mare etiam per totam Italiae longitudinem ab Alpibus ad fretum Siculum fama nominis sui implesset, tamen, cum moenibus bellum propulsare posset, in aciem copias eduxit. secundum inde proelium Latinis, Aeneae etiam ultimum mortalium operum fuit. situs est, quemcumque eum dici ius fasque est, super Numicum fluvium, Iovem Indigetem appellant.

III. Nondum maturus imperio Ascanius Aeneae filius

erat, tamen id imperium ei ad puberem aetatem incolume mansit. tantisper tutela muliebri — tanta indoles in Lavinia erat — res Latina et regnum avitum paternumque puero stetit. haud ambigam — quis enim rem tam veterem pro certo adfirmet? — hicine fuerit Ascanius an maior quam hic, Creusa matre Ilio incolumi natus comesque inde paternae fugae, quem Iulum eundem Iulia gens auctorem nominis sui nuncupat. is Ascanius, ubicumque et quacumque matre genitus — certe natum Aenea constat — abundante Lavini multitudine florentem iam, ut tum res erant, atque opulentam urbem matri seu novercae reliquit, novam ipse aliam sub Albano monte condidit, quae ab situ porrectae in dorso urbis Longa Alba appellata.

Inter Lavinium et Albam Longam deductam coloniam triginta ferme interfuere anni. tantum tamen opes creverant maxime fuis Etruscis, ut ne morte quidem Aeneae nec deinde inter muliebre tutelam rudimentumque primum puerilis regni movere arma aut Mezentius Etrusque aut ulli alii accolae ausi sint. pax ita convenerat, ut Etruscis Latinisque fluviis Albula, quem nunc Tiberim vocant, finis esset. Silvius deinde regnat, Ascani filius, casu quodam in silvis natus. is Aeneam Silvium creat, is deinde Latinum Silvium. ab eo coloniae aliquot deductae, Prisci Latini appellati. mansit Silvii postea omnibus cognomen, qui Albae regnaverunt. Latino Alba ortus, Alba Atys, Atye Capys, Capye Capetus, Capeto Tiberinus, qui in traiectu Albulae amnis submersus celebre ad posterum nomen flumini dedit. Agrippa inde Tiberini filius, post Agrippam Romulus Silvius a patre accepto imperio regnat. Aventino fulmine ipse ictus regnum per manus tradidit. is sepultus in eo colle, qui nunc pars Romanae est urbis, cognomen colli fecit. Proca deinde regnat. is Numitorem atque Amulium procreat, Numitori, qui stirpis maximus erat, regnum vetustum Silviae gentis legat.

Plus tamen vis potuit quam voluntas patris aut reverentia aetatis. pulso fratre Amulius regnat. addit scelus: stirpem fratris virilem interimit, fratris filiae Reae Silviae per speciem honoris, cum Vestalem eam legisset, perpetua virginitate spem partus adimit.

1 III. Sed debebatur, ut opinor, fati tantae origo urbis  
 2 maximique secundum deorum opes imperii principium. vi  
 compressa Vestalis cum geminum partum edidisset, seu  
 ita rata seu quia deus auctor culpae honestior erat, Mar-  
 3 tem incertae stirpis patrem nuncupat. sed nec dii nec  
 homines aut ipsam aut stirpem a crudelitate regia vindic-  
 cant: sacerdos vincta in custodiam datur, pueros in pro-  
 fluentem aquam mitti iubet.

4 Forte quadam divinitus super ripas Tiberis effusus  
 lenibus stagnis nec adiri usquam ad iusti cursum poterat  
 amnis, et posse quamvis languida mergi aqua infantes  
 5 spem ferentibus dabat. ita velut defuncti regis imperio in  
 proxima adluvie, ubi nunc ficus Ruminialis est — Romu-  
 6 larem vocatam ferunt — pueros exponunt. vastae tum in  
 his locis solitudines erant.

Tenet fama, cum fluitantem alveum, quo iam expositi  
 erant pueri, tenuis in sicco aqua destituisset, lupam si-  
 tientem ex montibus, qui circa sunt, ad puerilem vagitum  
 cursum flexisse, eam summissas infantibus adeo mitem  
 prae buisse mammas, ut lingua lambentem pueros magister  
 7 regii pecoris invenerit: Faustulo fuisse nomen ferunt, ab  
 eo ad stabula Larentiae uxori educandos datos. sunt qui  
 Larentiam vulgato corpore lupam inter pastores vocatam  
 putent, inde locum fabulae ac miraculo datum.

8 Ita geniti itaque educati, cum primum adolevit aetas,  
 nec in stabulis nec ad pecora segnes venando peragrarere  
 9 saltus. hinc robore corporibus animisque sumpto iam non  
 feras tantum subsistere, sed in latrones praeda onustos  
 impetus facere pastoribusque rapta dividere et cum his  
 crescente in dies grege iuvenum seria ac iocos celebrare.

1 V. Iam tum in Palatio monte Lupercal hoc fuisse  
 ludicrum ferunt et a Pallantio, urbe Arcadica, Pallantium,  
 2 dein Palatium montem appellatum. ibi Evandrum, qui  
 ex eo genere Arcadum multis ante tempestatibus tenuerit  
 loca, sollemne allatum ex Arcadia instituisse, ut nudi  
 iuvenes Lycaeum Pana venerantes per lusum atque lasci-  
 viam currerent, quem Romani deinde vocaverunt Inuum.

3 Huic deditis ludicro cum sollemne notum esset insi-  
 diatos ob iram praedae amissae latrones, cum Romulus



vi se defendisset, Remum cepisse, captum regi Amulio tradidisse ultro accusantes. crimini maxime dabant in 4 Numitoris agros ab iis impetum fieri, inde eos collecta iuvenum manu hostilem in modum praedas agere. sic ad supplicium Numitori Remus deditur.

Iam inde ab initio Faustulo spes fuerat, regiam stir- 5 pem apud se educari, nam et expositos iussu regis infantes sciebat et tempus, quo ipse eos sustulisset, ad id ipsum congruere, sed rem in maturam nisi aut per occasionem aut per necessitatem aperiri noluerat. necessitas 6 prior venit. ita metu subactus Romulo rem aperit. forte et Numitori, cum in custodia Remum haberet audissetque geminos esse fratres, comparando et aetatem eorum et ipsam minime servilem indolem tetigerat animum memoria nepotum sciscitandoque eodem pervenit, ut haut procul esset, quin Remum agnosceret.

Ita undique regi dolus nectitur. Romulus non cum 7 globo iuvenum—nec enim erat ad apertam vim par—, sed aliis alio itinere iussis certo tempore ad regiam venire pastoribus ad regem impetum facit et a domo Numitoris alia comparata manu adiuvat Remus. ita regem obtruncant.

VI. Numitor inter primum tumultum hostis invasisse 1 urbem atque adortos regiam dictitans, cum pubem Albanam in arcem praesidio armisque obtinendam avocasset, postquam iuvenes perpetrata caede pergere ad se gratulantes vidit, extemplo advocato concilio scelus in se fratris, originem nepotum, ut geniti, ut educati, ut cogniti essent, caedem deinceps tyranni seque eius auctorem ostendit. iuvenes per mediam contionem agmine ingressi cum avum 2 regem salutassent, secuta ex omni multitudine consentiens vox ratum nomen imperiumque regi efficit.

Ita Numitori Albana re permissa Romulum Remum- 3 que cupido cepit in iis locis, ubi expositi ubique educati erant, urbis condendae. et supererat multitudo Albanorum Latinorumque, ad id pastores quoque accesserant, qui omnes facile spem facerent, parvam Albam, parvum Lavinium prae ea urbe, quae conderetur, fore. intervenit 4 deinde his cogitationibus avitum malum, regni cupido, atque inde foedum certamen coortum a satis miti princi-

pio. quoniam gemini essent nec aetatis verecundia discrimen facere posset, ut dii, quorum tutelae ea loca essent, auguriis legerent, qui nomen novae urbi daret, qui conditam imperio regeret, Palatium Romulus, Remus Aventinum ad inaugurandum templa capiunt.

- 1 VII. Priori Remo augurium venisse fertur sex vultures, iamque nuntiato augurio cum duplex numerus Romulo sese ostendisset, utrumque regem sua multitudo consalutaverat. tempore illi praecepto, at hi numero
- 2 avium regnum trahebant. inde cum altercatione congressi certamine irarum ad caedem vertuntur. ibi in turba ictus Remus cecidit. vulgatiores fama est, ludibrio fratris Remum novos transiluisse muros, inde ab irato Romulo, cum verbis quoque increpitans adiecisset ‘sic deinde quicumque
- 3 alius transiliet moenia mea!’, interfectum. ita solus potitus imperio Romulus, condita urbs conditoris nomine appellata.

- Palatium primum, in quo ipse erat educatus, muniit. sacra diis aliis Albano ritu, Graeco Herculi, ut ab Evan-
- 4 dro instituta erant, facit. Herculem in ea loca Geryone interempto boves mira specie abegisse memorant ac prope Tiberim fluvium, qua prae se armentum agens nando traiecerat, loco herbido; ut quiete et pabulo laetiore re-
  - 5 ficeret boves, et ipsum fessum via procubuisse. ibi cum eum cibo vinoque gravatum sopor oppressisset, pastor accola eius loci nomine Cacus, ferox viribus, captus pulchritudine boum cum avertere eam praedam vellet, ‘quia, si agendo armentum in speluncam compulisset, ipsa vestigia quaerentem dominum eo deductura erant, aversos boves, eximium quemque pulchritudine, caudis in speluncam traxit.

- 6 Hercules ad primam auroram somno excitus cum gregem perlustrasset oculis et partem abesse numero sensisset, perguit ad proximam speluncam, si forte eo vestigia ferrent. quae ubi omnia foras versa vidit nec in partem aliam ferre, confusus atque incertus animi ex loco infesto
- 7 agere porro armentum coepit. inde cum actae boves quaedam ad desiderium, ut fit, relictarum mugissent, redita inclusarum ex spelunca boum vox Herculem con-

vertit. quem cum ad speluncam vadentem Cacus vi prohibere conatus esset, ictus clava fidem pastorum nequam invocans morte occubuit.

Evander tum ea profugus ex Peloponneso auctoritate 8  
magis quam imperio regebat loca, venerabilis vir miraculo litterarum, rei novae inter rudes artium homines, venerabilior divinitate credita Carmentae matris, quam fatiloquam ante Sibyllae in Italiam adventum miratae eae gentes fuerant. is tum Evander concursu pastorum tre- 9  
pidantium circa advenam manifestae reum caedis excitus postquam facinus facinorisque causam audivit, habitum formamque viri aliquantum ampliore augustioreque humana intuens, rogitat, qui vir esset. ubi nomen pa- 10  
tremque ac patriam accepit, 'Iove nate, Hercules, salve' inquit. 'te mihi mater, veridica interpretes deum, aucturum caelestium numerum cecinit tibi que aram hic dicatum iri, quam opulentissima olim in terris gens maximam vocet tuoque ritu colat.' dextra Hercules data accipere 11  
se omen inpleturumque fata ara condita ac dicata ait. ibi tum primum bove eximia capta de grege sacrum Her- 12  
culi adhibitis ad ministerium dapemque Potitiis ac Pinaris, quae tum familiae maxime inclitae ea loca incolebant, factum. forte ita evenit, ut Potitii ad tempus praesto 13  
essent hisque exta apponerentur, Pinarii extis adesis ad ceteram venirent dapem. inde institutum mansit, donec Pinarium genus fuit, ne extis sollemnium vescerentur. Potitii ab Evandro edocti antistites sacri eius per multas 14  
aetates fuerunt, donec tradito servis publicis sollemni familiae ministerio genus omne Potitiorum interiit. haec 15  
tum sacra Romulus una ex omnibus peregrina suscepit, iam tum immortalitatis virtute partae, ad quam eum sua fata ducebant, fautor.

VIII. Rebus divinis rite perpetratis vocataque ad con- 1  
cilium multitudine, quae coalescere in populi unius corpus nulla re praeterquam legibus poterat, iura dedit, quae ita 2  
sancta generi hominum agresti fore ratus, si se ipse venerabilem insignibus imperii fecisset, cum cetero habitu se augustiore, tum maxime lictoribus duodecim sumptis fecit. alii ab numero avium, quae augurio regnum porten- 3

derant, eum secutum numerum putant, me haut paenitet eorum sententiae esse, quibus et apparitores et hoc genus ab Etruscis finitimis, unde sella curulis, unde toga praetexta sumpta est, et numerum quoque ipsum ductum placet, et ita habuisse Etruscos, quod ex duodecim populis communiter creato rege singulos singuli populi lictores dederint.

4 Crescebat interim urbs munitionibus alia atque alia  
adpetendo loca, cum in spem magis futurae multitudinis  
5 quam ad id, quod tum hominum erat, munirent. deinde  
ne vana urbis magnitudo esset, adliciendae multitudinis  
causa vetere consilio condentium urbes, qui obscuram at-  
que humilem conciendo ad se multitudinem natam e terra  
sibi prolem ementiebantur, locum, qui nunc saeptus de-  
6 scendentibus inter duos lucos est, asylum aperit. eo ex  
finitimis populis turba omnis sine discrimine, liber an ser-  
vus esset, avida novarum rerum perfugit idque primum  
ad coeptam magnitudinem roboris fuit.

7 Cum iam virium haud paeniteret, consilium deinde  
viribus parat: centum creat senatores, sive quia is nume-  
rus satis erat sive quia soli centum erant, qui creari pa-  
tres possent — patres certe ab honore patriciique proge-  
nies eorum appellati.

1 VIII. Iam res Romana adeo erat valida, ut cuilibet  
finitimarum civitatum bello par esset, sed penuria mulie-  
rum hominis aetatem duratura magnitudo erat, quippe  
quibus nec domi spes prolis nec cum finitimis conubia  
2 essent. tum ex consilio patrum Romulus legatos circum  
vicinas gentes misit, qui societatem conubiumque novo  
3 populo peterent: urbes quoque, ut cetera, ex infimo nasci,  
dein, quas sua virtus ac dii iuvent, magnas opes sibi  
4 magnumque nomen facere. satis scire origini Romanae et  
deos adfuisse et non defuturam virtutem: proinde ne gra-  
varentur homines cum hominibus sanguinem ac genus  
miscere.

5 Nusquam benigne legatio audita est, adeo simul sper-  
nebant, simul tantam in medio crescentem molem sibi ac  
posteris suis metuebant. a plerisque rogitantibus dimissi,  
ecquod feminis quoque asylum aperuissent: id enim de-

mum compar conubium fore. aegre id Romana pubes 6  
passa et haud dubie ad vim spectare res coepit.

Cui tempus locumque aptum ut daret Romulus, aegritudinem animi dissimulans ludos ex industria parat Neptuno Equestri sollemnis, Consualia vocat. indici deinde finitimis 7  
spectaculum iubet, quantoque apparatu tum sciebant aut poterant concelebrant, ut rem claram expectatamque facerent. multi mortales convenere, studio etiam videndae novae urbis, maxime proximi quique, Caeninenses, Crustumini, Antemnates, etiam Sabinorum omnis multitudo cum 9  
liberis ac coniugibus venit. invitati hospitaliter per domos cum situm moeniaque et frequentem tectis urbem vidissent, mirantur, tam brevi rem Romanam crevisse. ubi 10  
spectaculi tempus venit deditaeque eo mentes cum oculis erant, tum ex composito orta vis signoque dato iuventus Romana ad rapiendas virgines discurrit. magna pars forte, 11  
in quem quaeque inciderat, raptae. quasdam forma excellentes primoribus patrum destinatas ex plebe homines, quibus datum negotium erat, domos deferebant. unam longe 12  
ante alias specie ac pulchritudine insignem a globo Talassii cuiusdam raptam ferunt, multisque sciscitantibus, cuinam eam ferrent, identidem, ne quis violaret, Talassio ferri clamitatum. inde nuptialem hanc vocem factam. turbato per metum ludicro maesti parentes virginum pro- 13  
fugiant, incusantes violati hospitii foedus deumque invocantes, cuius ad sollemne ludosque per fas ac fidem decepti venissent. nec raptis aut spes de se melior aut indignatio est minor. 14

Sed ipse Romulus circumibat docebatque, patrum id superbia factum, qui conubium finitimis negassent, illas tamen in matrimonio, in societate fortunarum omnium civitatisque et, quo nihil carius humano generi sit, liberum 15  
fore; mollirent modo iras et quibus fors corpora dedisset, darent animos; saepe ex iniuria postmodum gratiam ortam eoque melioribus usuras viris, quod adniscurus pro se quisque sit, ut, cum suam vicem functus officio sit, parentum etiam patriaeque expleat desiderium. accedebant blanditiae virorum, factum purgantium cupiditate atque amore, quae maxime ad muliebre ingenium efficaces preces sunt. 16



1 X. Iam admodum mitigati animi raptis erant. at rap-  
 2 tarum parentes tum maxime sordida veste lacrimisque et  
 querellis civitates concitabant. nec domi tantum indigna-  
 3 tiones continebant, sed congregabantur undique ad Titum  
 Tatium, regem Sabinorum, et legationes eo, quod maxi-  
 4 mum Tatii nomen in iis regionibus erat, conveniebant.  
 Caeninenses Crustumini et Antemnates erant, ad quos  
 eius iniuriae pars pertinebat. lente agere his Tati-  
 5 us Sabi-  
 6 nique visi sunt, ipsi inter se tres populi communiter bellum  
 parant. nec Crustumini quidem atque Antemnates pro ar-  
 7 dore iraque Caeninensium satis se inpigre movent; ita per  
 se ipsum nomen Caeninum in agrum Romanum impetum  
 facit. sed effuse vastantibus fit obvius cum exercitu Ro-  
 mulus levique certamine docet, vanam sine viribus iram  
 esse. exercitum fundit fugatque, fustum persequitur, regem  
 in proelio obtruncat et spoliat, duce hostium occiso urbem  
 primo impetu capit.

5 Inde exercitu victore reducto ipse, cum factis vir magni-  
 ficus tum factorum ostentator haut minor, spolia ducis  
 hostium caesi suspensa fabricato ad id apte ferculo gerens  
 in Capitolium escendit ibique ea cum ad quercum pasto-  
 6 ribus sacram deposuisset, simul cum dono designavit tem-  
 plo Iovis finis cognomenque addidit deo. 'Iuppiter Feretri,'  
 inquit 'haec tibi victor Romulus rex regia arma fero tem-  
 plumque his regionibus, quas modo animo metatus sum,  
 dedico sedem opimis spoliis, quae regibus ducibusque  
 hostium caesis me auctorem sequentes posteri ferent.'

7 Haec templi est origo, quod primum omnium Romae  
 sacratum est. ita deinde diis visum, nec inritam condito-  
 ris templi vocem esse, qua laturos eo spolia posteros nun-  
 cupavit, nec multitudine conpotum eius doni vulgari lau-  
 dem. bina postea inter tot annos, tot bella opima parta  
 sunt spolia: adeo rara eius fortuna decoris fuit.

1 XI. Dum ea ibi Romani gerunt, Antemnatum exerci-  
 tus per occasionem ac solitudinem hostiliter in fines Ro-  
 2 manos incursionem facit; raptim et ad hos Romana legio  
 ducta palantes in agris oppressit. fusi igitur primo inpetu  
 et clamore hostes, oppidum captum, duplicique victoria  
 ovantem Romulum Hersilia coniunx precibus raptarum

fatigata orat, ut parentibus earum det veniam et in civitatem accipiat; ita rem coalescere concordia posse. facile impetratum.

Inde contra Crustuminoſ profectus bellum inferentes. 3  
ibi minus etiam, quod alienis cladibus ceciderant animi,  
certaminis fuit. utroque coloniae missae, plures inventi, 4  
qui propter ubertatem terrae in Crustuminum nomina darent; et Romam inde frequenter migratum est, a parentibus maxime ac propinquis raptarum.

Novissimum ab Sabinis bellum ortum, multoque id 5  
maximum fuit: nihil enim per iram aut cupiditatem actum est, nec ostenderunt bellum prius quam intulerunt. con- 6  
silio etiam additus dolus: Spurius Tarpeius Romanae praeerat arci. huius filiam virginem auro corrumpit Tatius, ut armatos in arcem accipiat. aquam forte ea tum sacris extra moenia petitum ierat; accepti obrutam armis neca- 7  
vere, seu ut vi capta potius arx videretur seu prodendi exempli causa, ne quid usquam fidum proditori esset. additur fabulae, quod vulgo Sabini aureas armillas magni 8  
ponderis brachio laevo gemmatosque magna specie anulos habuerint, pepigisse eam quod in sinistris manibus haberent. eo scuta illi pro aureis donis congesta. sunt qui 9  
eam ex pacto tradendi quod in sinistris manibus haberent directo arma petisse dicant et fraude visam agere sua ipsam peremptam mercede.

XII. Tenuere tamen arcem Sabini atque inde postero 1  
die, cum Romanus exercitus instructus quod inter Palatinum Capitolinumque collem campi est complexisset, non prius descenderunt in aequum quam ira et cupiditate recuperandae arcis stimulante animos in adversum Romani subiere. principes utrimque pugnam ciebant, ab 2  
Sabinis Mettius Curtius, ab Romanis Hostius Hostilius. hic rem Romanam iniquo loco ad prima signa animo atque audacia sustinebat. ut Hostius cecidit, confestim 3  
Romana inclinatur acies fusaque est ad veterem portam Palatii. Romulus et ipse turba fugientium actus arma ad caelum tollens 'Iuppiter, tuis' inquit 'iussus avibus hic 4  
in Palatio prima urbi fundamenta ieci. arcem iam scelere emptam Sabini habent, inde huc armati superata media

5 valle tendunt. at tu, pater deum hominumque, hinc sal-  
tem arce hostes, deme terrorem Romanis fugamque foe-  
6 dam siste. hic ego tibi templum Statori Iovi, quod  
monumentum sit posteris, tua praesenti ope servatam  
7 urbem esse, voveo.' haec precatus, velut si sensisset  
auditas preces, 'hinc,' inquit 'Romani, Iuppiter optimus  
maximus resistere atque iterare pugnam iubet.' restitere  
Romani tamquam caelesti voce iussi. ipse ad primores  
Romulus provolat.

8 Mettius Curtius ab Sabinis princeps ab arce decucur-  
rerat et effusos egerat Romanos toto quantum foro spa-  
tium est; nec procul iam a porta Palatii erat, clamitans  
9 'vicinus perfidos hospites, inbelles hostes; iam sciunt,  
longe aliud esse virgines rapere, aliud pugnare cum viris.'  
in eum haec gloriantem cum globo ferocissimorum iuve-  
num Romulus impetum facit. ex equo tum forte Mettius  
pugnabat, eo pelli facilius fuit. pulsum Romani perse-  
cuntur et alia Romana acies audacia regis accensa  
10 fundit Sabinos. Mettius in paludem sese strepitu sequen-  
tium trepidante equo coniecit, averteratque ea res etiam  
Sabinos tanti periculo viri. et ille quidem adnuentibus ac  
vocantibus suis favore multorum addito animo evadit, Ro-  
mani Sabinique in media convalle duorum montium red-  
integrant proelium. sed res Romana erat superior.

1 XIII. Tum Sabinae mulieres, quarum ex iniuria bel-  
lum ortum erat, crinibus passis scissaque veste victo malis  
muliebri pavore ausae se inter tela volantia inferre, ex  
transverso impetu facto dirimere infestas acies, dirimere  
2 iras, hinc patres hinc viros orantes, ne sanguine se ne-  
fando soceri generique respergerent, ne parricidio macu-  
larent partus suos, nepotum illi, hi liberum progeniem.  
3 'si adfinitatis inter vos, si conubii piget, in nos vertite  
iras, nos causa belli, nos vulnerum ac caedium viris ac  
parentibus sumus; melius peribimus quam sine alteris  
vestrum viduae aut orbae vivemus.'

4 Movet res tum multitudinem tum duces; silentium et  
repentina fit quies, inde ad foedus faciendum duces prod-  
eunt nec pacem modo, sed civitatem unam ex duabus fa-  
ciunt, regnum consociant, imperium omne conferunt Ro-

mam. ita geminata urbe, ut Sabinis tamen aliquid dare- 5  
tur, Quirites a Curibus appellati. monumentum eius pugnae,  
ubi primum ex profunda emersus palude equum Curtius  
in vado statuit, Curtium lacum appellarunt.

Ex bello tam tristi laeta repente pax cariores Sabinas 6  
viris ac parentibus et ante omnes Romulo ipsi fecit. ita-  
que, cum populum in curias triginta divideret, nomina  
earum curiis inposuit. id non traditur, cum haut dubie 7  
aliquanto númerus maior hoc mulierum fuerit, aetate an  
dignitatibus suis virorumve an sorte lectae sint, quae no-  
mina curiis darent.

Eodem tempore et centuriae tres equitum conscriptae 8  
sunt: Ramnenses ab Romulo, ab T. Tatio Titienses ap-  
pellati, Lucerum nominis et originis causa incerta est.  
inde non modo commune, sed concors etiam regnum duo-  
bus regibus fuit.

XIII. Post aliquot annos propinqui regis Tatii lega- 1  
tos Laurentium pulsant, cumque Laurentes iure gentium  
agerent, apud Tatium gratia suorum et preces plus pote-  
rant. igitur illorum poenam in se vertit: nam Lavini, 2  
cum ad sollemne sacrificium eo venisset, concursu facto  
interficitur. eam rem minus aegre quam dignum erat tu- 3  
lisse Romulum ferunt, seu ob infidam societatem regni  
seu quia haut iniuria caesum credebat. itaque bello qui-  
dem abstinuit; ut tamen expiarentur legatorum iniuriae  
regisque caedes, foedus inter Romam Laviniumque urbes  
renovatum est.

Et cum his quidem insperata pax erat: aliud multo 4  
propius atque in ipsis prope portis bellum ortum. Fide-  
nates nimis vicinas prope se convalescere opes rati, prius-  
quam tantum roboris esset, quantum futurum apparebat,  
occupant bellum facere. iuventute armata immissa vasta-  
tur agri quod inter urbem ac Fidenas est. inde ad laevam 5  
versi, quia dextra Tiberis arcebat, cum magna trepidatione  
agrestium populantur, tumultusque repens ex agris in ur-  
bem inlatus pro nuntio fuit. excitus Romulus, neque enim 6  
dilationem pati tam vicinum bellum poterat, exercitum  
educit, castra a Fidenis mille passuum locat. ibi modico 7  
praesidio relicto egressus omnibus copiis partem militum,

locis circa densis obsitis virgultis, obscuris subsidere in insidiis iussit, cum parte maiore atque omni equitatu profectus, id quod quaerebat, tumultuoso et minaci genere pugnae adequitando ipsis prope portis hostem excivit. fugae quoque, quae simulanda erat, eadem equestris  
 8 pugna causam minus mirabilem dedit. et cum velut inter pugnae fugaeque consilium trepidante equitatu pedes quoque referret gradum, plenis repente portis effusi hostes impulsa Romana acie studio instandi sequendique trahun-  
 9 tur ad locum insidiarum. inde subito exorti Romani transversam invadunt hostium aciem. addunt pavorem mota castris signa eorum, qui in praesidio relictii fuerant. ita multiplici terrore perculsi Fidenates prius paene quam Romulus quique cum eo equis ierant circumagerent frenis  
 10 equos, terga vertunt multoque effusius, quippe vera fuga, qui simulantes paulo ante secuti erant, oppidum repetebant.  
 11 non tamen eripuerunt se hosti: haerens in tergo Romanus, priusquam fores portarum obicerentur, velut agmine uno inrumpit.

1 XV. Belli Fidenatis contagione inritati Veientium animi et consanguinitate — nam Fidenates quoque Etrusci fuerunt — et quod ipsa propinquitas loci, si Romana arma omnibus infesta finitimis essent, stimulabat. in fines Romanos excucurrerunt populabundi magis quam iusti more  
 2 belli. itaque non castris positis, non exspectato hostium exercitu, raptam ex agris praedam portantes Veios rediere. Romanus contra, postquam hostem in agris non invenit, dimicationi ultimae instructus intentusque Tiberim transit.  
 3 quem postquam castra ponere et ad urbem accessurum Veientes audivere, obviam egressi, ut potius acie decernerent, quam inclusi de tectis moenibusque dimicarent.  
 4 ibi viribus nulla arte adiutis tantum veterani robore exercitus rex Romanus vicit persecutusque fusos ad moenia hostes urbe valida muris ac situ ipso munita abstinuit; agros rediens vastat ulciscendi magis quam praedae studio.  
 5 eaque clade haut minus quam adversa pugna subacti Veientes pacem petunt oratores Romam mittunt. agri parte multatis in centum annos indutiae datae.

6 Haec ferme Romulo regnante domi militiaeque gesta,



quorum nihil absonum fidei divinae originis divinitatisque post mortem creditae fuit, non animus in regno avito recuperando, non condendae urbis consilium, non bello ac pace firmandae. ab illo enim profecto viribus datis tantum valuit, ut in quadraginta deinde annos tutam pacem haberet. multitudini tamen gratior fuit quam patribus, longe ante alios acceptissimus militum animis: trecentosque armatos ad custodiam corporis, quos celeres appellavit, non in bello solum, sed etiam in pace habuit.

XVI. His immortalibus editis operibus cum ad exercitum recensendum contionem in campo ad caprae paludem haberet, subito coorta tempestas cum magno fragore tonitribusque tam denso regem operuit nimbo, ut conspectum eius contioni abstulerit. nec deinde in terris Romulus fuit. Romana pubes sedato tandem pavore, postquam ex tam turbido die serena et tranquilla lux rediit, ubi vacuum sedem regiam vidit, etsi satis credebat patribus, qui proximi steterant, sublimem raptum procella, tamen velut orbitatis metu icta maestum aliquamdiu silentium obtinuit. deinde, a paucis initio facto, deum deo natum, regem parentemque urbis Romanae salvere universi Romulum iubent, pacem precibus exposcunt, uti volens propitius suam semper sospitet progeniem. fuisse credo tum quoque aliquos, qui discerptum regem patrum manibus taciti arguerent: manavit enim haec quoque, sed obscura fama; illam alteram admiratio viri et pavor praesens nobilitavit.

Et consilio etiam unius hominis addita rei dicitur fides. namque Proculus Iulius, sollicita civitate desiderio regis et infensa patribus, gravis, ut traditur, quamvis magnae rei auctor in contionem prodit. ‘Romulus,’ inquit ‘Quirites, parens urbis huius, prima hodierna luce caelo repente delapsus se mihi obvium dedit. cum perfusus horrore venerabundus adstitissem, petens precibus, ut contra intueri fas esset: “abi, nuntia” inquit “Romanis, caelestes ita velle, ut mea Roma caput orbis terrarum sit, proinde rem militarem colant sciantque et ita posteris tradant, nullas opes humanas armis Romanis resistere posse.” haec’ inquit ‘locutus sublimis abiit.’ mirum quantum illi

viro nuntianti haec fidei fuerit quamque desiderium Romuli apud plebem exercitumque facta fide immortalitatis lenitum sit.

1 XVII. Patrum interim animos certamen regni ac cupidus versabat. necdum ad singulos, quia nemo magnopere eminebat in novo populo, pervenerat; factionibus inter  
2 ordines certabatur. oriundi ab Sabinis, ne, quia post Tati mortem ab sua parte non erat regnatum, in societate aequa possessionem imperii amitterent, sui corporis creari regem volebant, Romani veteres peregrinum regem asper-  
3 nabantur. in variis voluntatibus regnari tamen omnes  
4 volebant, libertatis dulcedine nondum experta. timor deinde patres incessit, ne civitatem sine imperio, exercitum sine duce, multarum circa civitatum inritatis animis, vis aliqua externa adoriretur. et esse igitur aliquod caput placebat et nemo alteri concedere in animum inducebat.

5 Ita rem inter se centum patres decem decuriis factis singulisque in singulas decurias creatis, qui summae rerum praeessent, consociant. decem imperitabant, unus  
6 cum insignibus imperii et lictoribus erat, quinque dierum spatio finiebatur imperium ac per omnes in orbem ibat, annumque intervallum regni fuit. id ab re, quod nunc quoque tenet nomen, interregnum appellatum.

7 Fremere deinde plebs: multiplicatam servitutem, centum pro uno dominos factos, nec ultra nisi regem, et ab  
8 ipsis creatum videbantur passuri. cum sensissent ea moveri patres, offerendum ultro rati quod amissuri erant, ita gratiam ineunt summa potestate populo permissa, ut non  
9 plus darent iuris quam detinerent. decreverunt enim, ut, cum populus regem iussisset, id sic ratum esset, si patres auctores fierent. hodie quoque in legibus magistratibusque rogandis usurpatur idem ius vi adempta: priusquam populus suffragium ineat, in incertum comitiorum eventum patres auctores fiunt.

10 Tum interrex contione advocata 'quod bonum faustum felixque sit,' inquit 'Quirites, regem create: ita patribus visum est. patres deinde, si dignum, qui secundus ab Romulo numeretur, crearitis, auctores fient.' adeo id gratum  
11 plebi fuit, ut, ne victi beneficio viderentur, id modo scis-

cerent iuberentque, ut senatus decerneret, qui Romae regnaret.

XVIII. Inclita iustitia religioque ea tempestate Numae Pompili erat. Curibus Sabinis habitabat consultissimus vir, ut in illa quisquam esse aetate poterat, omnis divini atque humani iuris. auctorem doctrinae eius, quia non extat alius, falso Samium Pythagoram edunt, quem Servio Tullio regnante Romae centum amplius post annos in ultima Italiae ora circa Metapontum Heracleamque et Crotonem iuvenum aemulantium studia coetus habuisse constat. ex quibus locis, etsi eiusdem aetatis fuisset, quae fama in Sabinos? aut quo linguae commercio quemquam ad cupiditatem discendi excivisset quove praesidio unus per tot gentes dissonas sermone moribusque pervenisset? suapte igitur ingenio temperatum animum virtutibus fuisse opinor magis instructumque non tam peregrinis artibus, quam disciplina tetrica ac tristi veterum Sabinorum, quo genere nullum quondam incorruptius fuit.

Audito nomine Numae patres Romani, quamquam inclinari opes ad Sabinos rege inde sumpto videbantur, tamen neque se quisquam nec factionis suae alium nec denique patrum aut civium quemquam praeferre illi viro ausi, ad unum omnes Numae Pompilio regnum deferendum decernunt. accitus, sicut Romulus augurato urbe condenda regnum adeptus est, de se quoque deos consuli iussit. inde ab augure, cui deinde honoris ergo publicum id perpetuumque sacerdotium fuit, deductus in arcem, in lapide ad meridiem versus consedit. augur ad laevam eius capite velato sedem cepit, dextra manu baculum sine nodo aduncum tenens, quem lituum appellarent. inde ubi prospectu in urbem agrumque capto deos precatus regiones ab oriente ad occasum determinavit, dextras ad meridiem partes, laevas ad septemtrionem esse dixit, signum contra, quoad longissime conspectum oculi ferebant, animo finivit; tum, lituo in laevam manum translato, dextra in caput Numae imposita, precatus ita est: 'Iuppiter pater, si est fas hunc Numam Pompilium, cuius ego caput teneo, regem Romae esse, uti tu signa nobis certa adclarassis inter eos fines, quos feci.' tum

peregit verbis auspicia, quae mitti vellet; quibus missis declaratus rex Numa de templo descendit.

1 XVIII. Qui regno ita potitus urbem novam, condi-  
tam vi et armis, iure eam legibusque ac moribus de in-  
2 tegro condere parat. quibus cum inter bella adsuescere  
videret non posse, quippe efferari militia animos, miti-  
gandum ferocem populum armorum desuetudine ratus,  
lanum ad infimum Argiletum indicem pacis bellicue fe-  
cit, apertus ut in armis esse civitatem, clausus pacatos  
3 circa omnes populos significaret. bis deinde post Numae  
regnum clausus fuit, semel T. Manlio consule post Puni-  
cum primum perfectum bellum, iterum, quod nostrae ae-  
tati dii dederunt ut videremus, post bellum Actiacum ab  
imperatore Caesare Augusto pace terra marique parta.

4 Clauso eo cum omnium circa finitimorum societate ac  
foederibus iunxisset animos, positis externorum periculo-  
rum curis ne luxuriarent otio animi, quos metus hostium  
disciplinaque militaris continuerat, omnium primum rem  
ad multitudinem inperitam et illis saeculis rudem effica-  
5 cissimam, deorum metum iniciendum ratus est. qui cum  
descendere ad animos sine aliquo conmento miraculi  
non posset, simulat sibi cum dea Egeria congressus noc-  
turnos esse, eius se monitu, quae acceptissima diis es-  
sent, sacra instituere, sacerdotes suos cuique deorum  
praeficere.

6 Atque omnium primum ad cursus lunae in duodecim  
menses describit annum, quem, quia tricenos dies singu-  
lis mensibus luna non explet desuntque dies solido anno,  
qui solstitiali circumagitur orbe, intercalares mensibus  
interponendo ita dispensavit, ut vicesimo anno ad metam  
eandem solis, unde orsi essent, plenis omnium annorum  
7 spatiis dies congruerent. idem nefastos dies fastosque  
fecit, quia aliquando nihil cum populo agi utile futurum  
erat.

1 XX. Tum sacerdotibus creandis animum adiecit, quam-  
quam ipse plurima sacra obibat, ea maxime quae nunc ad  
2 Dialem flaminem pertinent. sed quia in civitate bellicosa  
plures Romuli quam Numae similes reges putabat fore  
iturosque ipsos ad bella, ne sacra regiae vicis desereren-

tur flaminem Iovi adsiduum sacerdotem creavit insigni-  
que eum veste et curuli regia sella adornavit. huic duos  
flamines adiecit, Marti unum, alterum Quirino, virgines- 3  
que Vestae legit, Alba oriundum sacerdotium et genti  
conditoris haud alienum. iis, ut adsiduae templi antistites  
essent, stipendium de publico statuit, virginitate aliisque  
caerimoniis venerabiles ac sanctas fecit.

Salios item duodecim Marti Gradivo legit tunicaeque 4  
pictae insigne dedit et super tunicam aeneum pectori te-  
gumen caelestiaque arma, quae ancilia appellantur, ferre  
ac per urbem ire canentes carmina cum tripudiis sol-  
lemnique saltatu iussit.

Pontificem deinde Numam Marcium, Marci filium, ex 5  
patribus legit eique sacra omnia exscripta exsignataque  
attribuit, quibus hostiis, quibus diebus, ad quae templa  
sacra fierent atque unde in eos sumptus pecunia erogare-  
tur. cetera quoque omnia publica privataque sacra pon- 6  
tificis scitis subiecit, ut esset, quo consultum plebes ve-  
niret, ne quid divini iuris negligendo patrios ritus pere-  
grinosque adsciscendo turbaretur, nec caelestes modo cae- 7  
rimonias, sed iusta quoque funebria placandosque manes  
ut idem pontifex edoceret quaeque prodigia fulminibus  
aliove quo visu missa susciperentur atque curarentur.  
ad ea elicienda ex mentibus divinis Iovi Elicio aram in  
Aventino dicavit deumque consuluit auguriis, quae susci-  
pienda essent.

**XXI.** Ad haec consultanda procurandaque multitu- 1  
dine omni a vi et armis conversa, et animi aliquid agendo  
occupati erant et deorum assidua insidens cura, cum in-  
teresse rebus humanis caeleste numen videretur, ea pie-  
tate omnium pectora imbuerat, ut fides ac iusiurandum  
proximo legum ac poenarum metu civitatem regerent. et 2  
cum ipsi se homines in regis, velut unici exempli, mores  
formarent, tum finitimi etiam populi, qui antea castra, non  
urbem positam in medio ad sollicitandam omnium pacem  
crediderant, in eam verecundiam adducti sunt, ut civita-  
tem totam in cultum versam deorum violari ducerent  
nefas.

Lucus erat, quem medium ex opaco specu fons per- 3

enni rigabat aqua: quo quia se persaepe Numa sine arbitris velut ad congressum deae inferebat, Camenis eum lucum sacravit, quod earum ibi concilia cum coniuge sua  
 4 Egeria essent. et soli Fidei sollemne instituit. ad id sacrarium flamines bigis curru arcuato vehi iussit manumque ad digitos usque involuta rem divinam facere, significantes, fidem tutandam sedemque eius etiam in dextris  
 5 sacratam esse. multa alia sacrificia locaque sacris faciendis, quae Argeos pontifices vocant, dedicavit. omnium tamen maximum eius operum fuit tutela per omne regni tempus haud minor pacis quam regni.

6 Ita duo deinceps reges, alius alia via, ille bello hic pace, civitatem auxerunt; Romulus septem et triginta regnavit annos, Numa tres et quadraginta. cum valida tum temperata et belli et pacis artibus erat civitas.

1 XXII. Numae morte ad interregnum res rediit. inde Tullum Hostilium, nepotem Hostili, cuius in infima arce clara pugna adversus Sabinos fuerat, regem populus iussit;  
 2 patres auctores facti. hic non solum proximo regi dissimilis, sed ferocior etiam quam Romulus fuit. cum aetas viresque tum avita quoque gloria animum stimulabat. senescere igitur civitatem otio ratus undique materiam excitandi belli quaerebat.

3 Forte evenit, ut agrestes Romani ex Albano agro, Albani ex Romano praedas invicem agerent. imperitabat  
 4 tum Gaius Cluilius Albae. utrimque legati fere sub idem tempus ad res repetendas missi. Tullus praeceperat suis, ne quid prius quam mandata agerent; satis sciebat, negaturum Albanum: ita pie bellum indici posse. ab Albanis  
 5 socordius res acta; excepti hospitio ab Tullo blande ac benigne comi fronte regis convivium celebrant. tantisper Romani et res repeterant priores et neganti Albano bellum in tricesimum diem indixerant. haec renuntiant Tullo.

6 Tum legatis Tullus dicendi potestatem, quid petentes venerint, fecit. illi omnium ignari primum purgando terunt tempus: se invitos quicquam, quod minus placeat Tullo, dicturos, sed imperio subigi: res repetitum se  
 7 nisse, ni reddantur, bellum indicere iussos. ad haec Tullus 'nuntiate' inquit 'regi vestro, regem Romanum deos



facere testes, uter prius populus res repetentes legatos aspernatus dimiserit, ut in eum omnes expetant huiusce clades belli.'

XXIII. Haec nuntiant domum Albani. et bellum 1  
utrimque summa ope parabatur, civili simillimum bello,  
prope inter parentes natosque, Troianam utramque pro-  
lem, cum Lavinium ab Troia, ab Lavinio Alba, ab Al-  
banorum stirpe regum oriundi Romani essent. eventus 2  
tamen belli minus miserabilem dimicationem fecit, quod  
nec acie certatum est et tectis modo dirutis alterius urbis  
duo populi in unum confusi sunt. Albani priores ingenti 3  
exercitu in agrum Romanum impetum fecere. castra ab  
urbe haud plus quinque milia passum locant, fossa cir-  
cumdant: fossa Cluilia ab nomine ducis per aliquot sae-  
cula appellata est, donec cum re nomen quoque vetustate  
abolevit. in his castris Cluilius, Albanus rex, moritur, 4  
dictatorem Albani Mettium Fufetium creant.

Interim Tullus ferox praecipue morte regis magnum-  
que deorum numen, ab ipso capite orsum, in omne nomen  
Albanum expetiturum poenas ob bellum impium dicti-  
tans, nocte praeteritis hostium castris infesto exercitu in  
agrum Albanum pergit. ea res ab stativis excivit Met- 5  
tium. ducit quam proxume ad hostem potest. inde lega-  
tum praemissum nuntiare Tullo iubet, priusquam dimi-  
cent, opus esse colloquio; si secum congressus sit, satis  
scire ea se allaturum, quae nihilo minus ad rem Roma-  
nam quam ad Albanam pertineant. haud aspernatus Tul- 6  
lus, tametsi vana adferri rebatur, in aciem educit. exeunt  
contra et Albani.

Postquam structi utrimque stabant, cum paucis pro-  
cerum in medium duces prodeunt. ibi infit Albanus: 'in- 7  
iurias et non redditas res, ex foedere quae repetitae sint,  
et ego regem nostrum Cluilius causam huiusce esse belli  
audisse videor nec te dubito, Tulle, eadem prae te ferre.  
sed si vera potius quam dictu speciosa dicenda sunt, cu-  
pido imperii duos cognatos vicinosque populos ad arma  
stimulat. neque recte an perperam interpretor, fuerit ista 8  
eius deliberatio, qui bellum suscepit. me Albani gerendo  
bello ducem creavere. illud te, Tulle, monitum velim:

Etrusca res quanta circa nos teque maxime sit, quo propior Tuscis, hoc magis scis. multum illi terra, plurimum  
 9 mari pollent. memor esto, iam cum signum pugnae dabis, has duas acies spectaculo fore, ut fessos confectosque simul victorem ac victum adgrediantur. itaque si nos di  
 amant, quoniam non contenti libertate certa in dubiam imperii servitiique aleam imus, ineamus aliquam viam,  
 qua, utri utris imperent, sine magna clade, sine multo  
 10 sanguine utriusque populi decerni possit.' haud displicet res Tullo, quamquam cum indole animi tum spe victoriae ferocior erat. quaerentibus utrimque ratio initur, cui et fortuna ipsa praebeuit materiam.

1 **XXIII.** Forte in duobus tum exercitibus erant trigemini fratres nec aetate nec viribus dispares: Horatios Curiatiosque fuisse satis constat nec ferme res antiqua alia est nobilior, tamen in re tam clara nominum error manet, utrius populi Horatii, utrius Curiatii fuerint. auctores utroque trahunt: plures tamen invenio, qui Romanos Horatios vocent; hos ut sequar, inclinatur animus.

2 Cum trigeminis agunt reges, ut pro sua quisque patria dimicent ferro: ibi imperium fore, unde victoria fuerit.  
 3 nihil recusatur, tempus et locus convenit. priusquam dimicarent, foedus ictum inter Romanos et Albanos est his legibus, ut, cuiusque populi cives eo certamine vicissent, is alteri populo cum bona pace imperitaret.

Foedera alia aliis legibus, ceterum eodem modo omnia  
 4 fiunt. tum ita factum accepimus, nec ullius vetustior foederis memoria est: fetialis regem Tullum ita rogavit 'iubesne me, rex, cum patre patrato populi Albani foedus ferire?' iubente rege, 'sagmina' inquit 'te, rex, posco;'  
 5 rex ait 'puram tollito,' fetialis ex arce graminis herbam puram attulit, postea regem ita rogavit: 'rex, facisne me tu regium nuntium populi Romani Quiritium, vasa comitesque meos?', rex respondit: 'quod sine fraude mea populi  
 6 que Romani Quiritium fiat, facio.' fetialis erat M. Valerius. is patrem patratum Spurium Fusium fecit, verbenam caput capillosque tangens. pater patratus ad ius iurandum patrandum, id est sanciendum fit foedus, multisque id verbis, quae longo effata carmine non operae est

referre, peragit. legibus deinde recitatis ‘audi,’ inquit ‘Iup- 7  
 piter, audi, pater patrate populi Albani, audi tu, populus  
 Albanus: ut illa palam prima postrema ex illis tabulis ce-  
 rave recitata sunt sine dolo malo utique ea hic hodie rec-  
 tissime intellecta sunt, illis legibus populus Romanus  
 prior non deficiet. si prior defexit publico consilio dolo 8  
 malo, tum, ille Diespiter, populum Romanum sic ferito,  
 ut ego hunc porcum hic hodie feriam, tantoque magis  
 ferito, quanto magis potes pollesque.’ id ubi dixit, por- 9  
 cum saxo silice percussit. sua item carmina Albani suum-  
 que ius iurandum per suum dictatorem suosque sacerdotes  
 peregerunt.

XXV. Foedere icto trigemini sicut convenerat arma 1  
 capiunt. cum sui utrosque adhortarentur, deos patrios,  
 patriam ac parentes, quidquid civium domi, quidquid in  
 exercitu sit, illorum tunc arma, illorum intueri manus,  
 feroces et suopte ingenio et pleni adhortantium vocibus  
 in medium inter duas acies procedunt. consederant utrim- 2  
 que pro castris duo exercitus, periculi magis praesentis  
 quam curae expertes, quippe imperium agebatur in tam  
 paucorum virtute atque fortuna positum. itaque ergo  
 erecti suspensique in minime gratum spectaculum animo  
 intenduntur.

Datur signum, infestisque armis, velut acies, terni iu- 3  
 venes, magnorum exercituum animos gerentes, concurrunt.  
 nec his nec illis periculum suum, — publicum imperium  
 servitiumque obversatur animo futuraque ea deinde pa-  
 triae fortuna, quam ipsi fecissent. ut primo statim con- 4  
 cursu increpuere arma micantesque fulsere gladii, horror  
 ingens spectantis perstringit, et neutro inclinata spe tor-  
 pebat vox spiritusque. consertis deinde manibus, cum iam 5  
 non motus tantum corporum agitatioque anceps telorum  
 armorumque, sed vulnera quoque et sanguis spectaculo  
 essent, duo Romani super alium alius, vulneratis tribus  
 Albanis, expirantes corruerunt.

Ad quorum casum cum conclamasset gaudio Albanus 6  
 exercitus, Romanas legiones iam spes tota, nondum ta-  
 men cura deseruerat, exanimes vice unius, quem tres Cu-  
 riatii circumsteterant. forte is integer fuit, ut universis 7

solus nequaquam par, sic adversus singulos ferox. ergo ut segregaret pugnam eorum, capessit fugam, ita ratus secuturos, ut quemque vulnere adfectum corpus sineret. 8 iam aliquantum spatii ex eo loco, ubi pugnatum est, au-  
fugerat, cum respiciens videt magnis intervallis sequen-  
tes, unum haut procul ab sese abesse. in eum magno  
9 impetu rediit, et dum Albanus exercitus inclamat Curia-  
tiis, uti opem ferant fratri, iam Horatius, caeso hoste vic-  
tor, secundam pugnam petebat.

Tunc clamore, qualis ex insperato faventium solet, Romani adiuvant militem suum et ille defungi proelio  
10 festinat. prius itaque quam alter, qui nec procul aberat,  
11 consequi posset, et alterum Curiatium conficit. iamque  
aequato Marte singuli supererant, sed nec spe nec viri-  
bus pares. alterum intactum ferro corpus et geminata  
victoria ferocem in certamen tertium dabat, alter, fessum  
vulnere, fessum cursu trahens corpus victusque fratrum  
12 ante se strage, victori obicitur hosti. nec illud proelium  
fuit. Romanus exsultans 'duos' inquit 'fratrum manibus  
dedi, tertium causae belli huiusce, ut Romanus Albano  
imperet, dabo.' male sustinenti arma gladium superne  
iugulo defigit, iacentem spoliat.

13 Romani ovantes ac gratulantes Horatium accipiunt eo  
maiore cum gaudio, quo prope metum res fuerat. ad se-  
pulturam inde suorum nequaquam paribus animis vertun-  
tur, quippe imperio alteri aucti, alteri ditionis alienae  
facti. sepulcra extant quo quisque loco cecidit, duo Ro-  
14 mana uno loco propius Albam, tria Albana Romam ver-  
sus, sed distantia locis, ut et pugnatum est.

1 XXVI. Priusquam inde digrederentur, roganti Met-  
tio, ex foedere icto quid imperaret, imperat Tullus, uti  
iuventutem in armis habeat; usurum se eorum opera, si  
bellum cum Veientibus foret. ita exercitus inde domos  
2 abducti. princeps Horatius ibat trigemina spolia prae se  
gerens. cui soror virgo, quae desponsa uni ex Curiatiis  
fuerat, obvia ante portam Capenam fuit, cognitoque super  
umeros fratris paludamento sponsi, quod ipsa confecerat,  
solvit crines et flebiliter nomine sponsum mortuum ap-  
3 pellat. movet feroci iuveni animum conploratio sororis

in victoria sua tantoque gaudio publico. stricto itaque gladio simul verbis increpans transfigit puellam. ‘abi hinc cum immaturo amore ad sponsum,’ inquit ‘oblita fratrum mortuorum vivique, oblita patriae. sic eat quaecumque Romana lugebit hostem.’

Atrox visum id facinus patribus plebique, sed recens meritum facto obstabat. tamen raptus in ius ad regem. rex, ne ipse tam tristis ingratiue ad vulgus iudicii ac secundum iudicium supplicii auctor esset, concilio populi advocato ‘duumviros,’ inquit ‘qui Horatio perduellionem iudicent secundum legem, facio.’

Lex horrendi carminis erat: ‘duumviri perduellionem iudicent. si a duumviris provocarit, provocatione certato. si vincent, caput obnubito, infelici arbori reste suspendito, verberato vel intra pomerium vel extra pomerium.’ hac lege duumviri creati, qui se absolvere non rebantur ea lege ne innoxium quidem posse, cum condemnassent. tum alter ex his ‘Publi Horati, tibi perduellionem iudico’ inquit. ‘lictor, conliga manus.’ accesserat lictor iniciebatque laqueum. tum Horatius auctore Tullo, clemente legis interprete, ‘provoco’ inquit. ita de provocatione certatum ad populum est.

Moti homines sunt in eo iudicio maxime Publio Horatio patre proclamante, se filiam iure caesam iudicare; ni ita esset, patrio iure in filium animadversurum fuisse. orabat deinde, ne se, quem paulo ante cum egregia stirpe conspexissent, orbem liberis facerent. inter haec senex iuvenem amplexus, spolia Curiatorum fixa eo loco, qui nunc pila Horatia appellatur, ostentans, ‘huncine,’ aiebat ‘quem modo decoratum ovantemque victoria incedentem vidistis, Quirites, eum sub furca vinctum inter verbera et cruciatus videre potestis, quod vix Albanorum oculi tam deforme spectaculum ferre possent? i, lictor, conliga manus, quae paulo ante armatae imperium populo Romano pepererunt, i, caput obnube liberatoris urbis huius, arbori infelici suspende, verbera vel intra pomerium, modo inter illa pila et spolia hostium, vel extra pomerium, modo inter sepulcra Curiatorum. quo enim ducere hunc iuvenem potestis, ubi non sua decora eum a tanta foeditate supplicii vindicent?’

12 Non tulit populus nec patris lacrimas nec ipsius parem  
in omni periculo animum, absolveruntque admiratione ma-  
gis virtutis quam iure causae. itaque, ut caedes manifesta  
aliquo tamen piaculo lueretur, imperatum patri, ut filium  
13 expiaret pecunia publica. is quibusdam piacularibus sacri-  
ficiis factis, quae deinde genti Horatiae tradita sunt, trans-  
misso per viam tigillo, capite adoperto velut sub iugum  
misit iuvenem. id hodie quoque publice semper reffectum  
14 manet: sororium tigillum vocant. Horatiae sepulcrum, quo  
loco corruerat icta, constructum est saxo quadrato.

1 XXVII. Nec diu pax Albana mansit. invidia vulgi,  
quod tribus militibus fortuna publica commissa fuerit, va-  
num ingenium dictatoris corrumpit et, quoniam recta con-  
silia haut bene evenerant, pravis reconciliare popularium  
2 animos coepit. igitur ut prius in bello pacem, sic in pace  
bellum quaerens, quia suae civitati animorum plus quam  
virium cernebat esse, ad bellum palam atque ex edicto  
gerundum alios concitat populos, suis per speciem socie-  
3 tatis prodicionem reservat. Fidenates, colonia Romana,  
Veientibus sociis consilii adsumptis, pacto transitionis Al-  
banorum ad bellum atque arma incitantur.

4 Cum Fidenae aperte descissent, Tullus, Mettio exer-  
cituque eius ab Alba accito, contra hostes ducit. ubi Anie-  
nem transiit, ad confluentis collocat castra. inter eum lo-  
5 cum et Fidenas Veientium exercitus Tiberim transierat. hi  
et in acie prope flumen tenere dextrum cornu, in sinistro  
Fidenates propius montes consistunt. Tullus adversus  
Veientem hostem derigit suos, Albanos contra legionem  
Fidenatium conlocat. Albano non plus animi erat quam  
fidei. nec manere ergo nec transire aperte ausus sensim  
6 ad montes succedit. inde, ubi satis subisse sese ratus est,  
erigit totam aciem, fluctuansque animo, ut tereret tempus,  
ordines explicat. consilium erat, qua fortuna rem daret,  
7 ea inclinare vires. miraculo primo esse Romanis, qui pro-  
ximi steterant, ut nudari latera sua sociorum digressu sen-  
serunt; inde eques citato equo nuntiat regi, abire Albanos.  
Tullus in re trepida duodecim vovit Salios fanaque Pallori  
8 ac Pavori. equitem clara increpans voce, ut hostes exau-  
dient, redire in proelium iubet; nihil trepidatione opus



esse, suo iussu circumduci Albanum exercitum, ut Fidenatium nuda terga invadant. idem imperat, ut hastas equites erigerent. id factum magnae parti peditum Romanorum 9 conspectum abeuntis Albani exercitus intersaepsit; qui viderant, id quod ab rege auditum erat rati, eo acrius pugnant.

Terror ad hostes transit: et audiverant clara voce dictum et magna pars Fidenatium, ut qui coloni additi Romanis essent, Latine sciebant. itaque, ne subito ex col- 10 libus decursu Albanorum intercluderentur ab oppido, terga vertunt. instat Tullus fusoque Fidenatium cornu in Veientem alieno pavore perculsum ferocior redit. nec illi tulere impetum, sed ab effusa fuga flumen obiectum ab tergo arcebat. quo postquam fuga inclinavit, alii arma foede 11 iactantes in aquam caeci ruebant, alii, dum cunctantur in ripis, inter fugae pugnaeque consilium obpressi. non alia ante Romana pugna atrocior fuit.

XXVIII. Tum Albanus exercitus, spectator certami- 1 nis, deductus in campos. Mettius Tullo devictos hostes gratulatur, contra Tullus Mettium benigne adloquitur. quod bene vertat, castra Albanos Romanis castris iungere iubet, sacrificium lustrale in diem posterum parat. ubi 2 inluxit, paratis omnibus, ut adsolet, vocari ad contionem utrumque exercitum iubet. praecones, ab extremo orsi, primos excivere Albanos. ii novitate etiam rei moti, ut regem Romanum contionantem audirent, proximi constitere. ex composito armata circumdatur Romana legio; cen- 3 turionibus datum negotium erat, ut sine mora imperia exsequerentur.

Tum ita Tullus infit: 'Romani, si umquam ante alias 4 ullo in bello fuit, quod primum dis immortalibus gratias ageretis, deinde vestrae ipsorum virtuti, hesternum id proelium fuit. dimicatum est enim non magis cum hostibus quam, quae dimicatio maior atque periculosior est, cum proditione ac perfidia sociorum. nam, ne vos falsa opinio 5 teneat, iniussu meo Albani subiere ad montes nec imperium illud meum, sed consilium et imperii simulatio fuit, ut nec vobis, ignorantibus deserere vos, averteretur a certamine animus et hostibus, circumveniri se ab tergo ratis,

6 terror ac fuga iniceretur. nec ea culpa, quam arguo, omnium Albanorum est: ducem secuti sunt, ut et vos, si quo ego inde agmen declinare voluissem, fecissetis. Mettius ille est ductor itineris huius, Mettius foederis Romani Albanique ruptor. audeat deinde talia alius, nisi in hunc insigne iam documentum mortalibus dederō.'

7 Centuriones armati Mettium circumsistunt. rex cetera, ut orsus erat, peragit: 'quod bonum faustum felixque sit populo Romano ac mihi vobisque, Albani, populum omnem Albanum Romam traducere in animo est, civitatem dare plebi, primores in patres legere, unam urbem, unam rem publicam facere. ut ex uno quondam in duos populos  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100  
101  
102  
103  
104  
105  
106  
107  
108  
109  
110  
111  
112  
113  
114  
115  
116  
117  
118  
119  
120  
121  
122  
123  
124  
125  
126  
127  
128  
129  
130  
131  
132  
133  
134  
135  
136  
137  
138  
139  
140  
141  
142  
143  
144  
145  
146  
147  
148  
149  
150  
151  
152  
153  
154  
155  
156  
157  
158  
159  
160  
161  
162  
163  
164  
165  
166  
167  
168  
169  
170  
171  
172  
173  
174  
175  
176  
177  
178  
179  
180  
181  
182  
183  
184  
185  
186  
187  
188  
189  
190  
191  
192  
193  
194  
195  
196  
197  
198  
199  
200  
201  
202  
203  
204  
205  
206  
207  
208  
209  
210  
211  
212  
213  
214  
215  
216  
217  
218  
219  
220  
221  
222  
223  
224  
225  
226  
227  
228  
229  
230  
231  
232  
233  
234  
235  
236  
237  
238  
239  
240  
241  
242  
243  
244  
245  
246  
247  
248  
249  
250  
251  
252  
253  
254  
255  
256  
257  
258  
259  
260  
261  
262  
263  
264  
265  
266  
267  
268  
269  
270  
271  
272  
273  
274  
275  
276  
277  
278  
279  
280  
281  
282  
283  
284  
285  
286  
287  
288  
289  
290  
291  
292  
293  
294  
295  
296  
297  
298  
299  
300  
301  
302  
303  
304  
305  
306  
307  
308  
309  
310  
311  
312  
313  
314  
315  
316  
317  
318  
319  
320  
321  
322  
323  
324  
325  
326  
327  
328  
329  
330  
331  
332  
333  
334  
335  
336  
337  
338  
339  
340  
341  
342  
343  
344  
345  
346  
347  
348  
349  
350  
351  
352  
353  
354  
355  
356  
357  
358  
359  
360  
361  
362  
363  
364  
365  
366  
367  
368  
369  
370  
371  
372  
373  
374  
375  
376  
377  
378  
379  
380  
381  
382  
383  
384  
385  
386  
387  
388  
389  
390  
391  
392  
393  
394  
395  
396  
397  
398  
399  
400  
401  
402  
403  
404  
405  
406  
407  
408  
409  
410  
411  
412  
413  
414  
415  
416  
417  
418  
419  
420  
421  
422  
423  
424  
425  
426  
427  
428  
429  
430  
431  
432  
433  
434  
435  
436  
437  
438  
439  
440  
441  
442  
443  
444  
445  
446  
447  
448  
449  
450  
451  
452  
453  
454  
455  
456  
457  
458  
459  
460  
461  
462  
463  
464  
465  
466  
467  
468  
469  
470  
471  
472  
473  
474  
475  
476  
477  
478  
479  
480  
481  
482  
483  
484  
485  
486  
487  
488  
489  
490  
491  
492  
493  
494  
495  
496  
497  
498  
499  
500  
501  
502  
503  
504  
505  
506  
507  
508  
509  
510  
511  
512  
513  
514  
515  
516  
517  
518  
519  
520  
521  
522  
523  
524  
525  
526  
527  
528  
529  
530  
531  
532  
533  
534  
535  
536  
537  
538  
539  
540  
541  
542  
543  
544  
545  
546  
547  
548  
549  
550  
551  
552  
553  
554  
555  
556  
557  
558  
559  
560  
561  
562  
563  
564  
565  
566  
567  
568  
569  
570  
571  
572  
573  
574  
575  
576  
577  
578  
579  
580  
581  
582  
583  
584  
585  
586  
587  
588  
589  
590  
591  
592  
593  
594  
595  
596  
597  
598  
599  
600  
601  
602  
603  
604  
605  
606  
607  
608  
609  
610  
611  
612  
613  
614  
615  
616  
617  
618  
619  
620  
621  
622  
623  
624  
625  
626  
627  
628  
629  
630  
631  
632  
633  
634  
635  
636  
637  
638  
639  
640  
641  
642  
643  
644  
645  
646  
647  
648  
649  
650  
651  
652  
653  
654  
655  
656  
657  
658  
659  
660  
661  
662  
663  
664  
665  
666  
667  
668  
669  
670  
671  
672  
673  
674  
675  
676  
677  
678  
679  
680  
681  
682  
683  
684  
685  
686  
687  
688  
689  
690  
691  
692  
693  
694  
695  
696  
697  
698  
699  
700  
701  
702  
703  
704  
705  
706  
707  
708  
709  
710  
711  
712  
713  
714  
715  
716  
717  
718  
719  
720  
721  
722  
723  
724  
725  
726  
727  
728  
729  
730  
731  
732  
733  
734  
735  
736  
737  
738  
739  
740  
741  
742  
743  
744  
745  
746  
747  
748  
749  
750  
751  
752  
753  
754  
755  
756  
757  
758  
759  
760  
761  
762  
763  
764  
765  
766  
767  
768  
769  
770  
771  
772  
773  
774  
775  
776  
777  
778  
779  
780  
781  
782  
783  
784  
785  
786  
787  
788  
789  
790  
791  
792  
793  
794  
795  
796  
797  
798  
799  
800  
801  
802  
803  
804  
805  
806  
807  
808  
809  
810  
811  
812  
813  
814  
815  
816  
817  
818  
819  
820  
821  
822  
823  
824  
825  
826  
827  
828  
829  
830  
831  
832  
833  
834  
835  
836  
837  
838  
839  
840  
841  
842  
843  
844  
845  
846  
847  
848  
849  
850  
851  
852  
853  
854  
855  
856  
857  
858  
859  
860  
861  
862  
863  
864  
865  
866  
867  
868  
869  
870  
871  
872  
873  
874  
875  
876  
877  
878  
879  
880  
881  
882  
883  
884  
885  
886  
887  
888  
889  
890  
891  
892  
893  
894  
895  
896  
897  
898  
899  
900  
901  
902  
903  
904  
905  
906  
907  
908  
909  
910  
911  
912  
913  
914  
915  
916  
917  
918  
919  
920  
921  
922  
923  
924  
925  
926  
927  
928  
929  
930  
931  
932  
933  
934  
935  
936  
937  
938  
939  
940  
941  
942  
943  
944  
945  
946  
947  
948  
949  
950  
951  
952  
953  
954  
955  
956  
957  
958  
959  
960  
961  
962  
963  
964  
965  
966  
967  
968  
969  
970  
971  
972  
973  
974  
975  
976  
977  
978  
979  
980  
981  
982  
983  
984  
985  
986  
987  
988  
989  
990  
991  
992  
993  
994  
995  
996  
997  
998  
999  
1000  
1001  
1002  
1003  
1004  
1005  
1006  
1007  
1008  
1009  
1010  
1011  
1012  
1013  
1014  
1015  
1016  
1017  
1018  
1019  
1020  
1021  
1022  
1023  
1024  
1025  
1026  
1027  
1028  
1029  
1030  
1031  
1032  
1033  
1034  
1035  
1036  
1037  
1038  
1039  
1040  
1041  
1042  
1043  
1044  
1045  
1046  
1047  
1048  
1049  
1050  
1051  
1052  
1053  
1054  
1055  
1056  
1057  
1058  
1059  
1060  
1061  
1062  
1063  
1064  
1065  
1066  
1067  
1068  
1069  
1070  
1071  
1072  
1073  
1074  
1075  
1076  
1077  
1078  
1079  
1080  
1081  
1082  
1083  
1084  
1085  
1086  
1087  
1088  
1089  
1090  
1091  
1092  
1093  
1094  
1095  
1096  
1097  
1098  
1099  
1100  
1101  
1102  
1103  
1104  
1105  
1106  
1107  
1108  
1109  
1110  
1111  
1112  
1113  
1114  
1115  
1116  
1117  
1118  
1119  
1120  
1121  
1122  
1123  
1124  
1125  
1126  
1127  
1128  
1129  
1130  
1131  
1132  
1133  
1134  
1135  
1136  
1137  
1138  
1139  
1140  
1141  
1142  
1143  
1144  
1145  
1146  
1147  
1148  
1149  
1150  
1151  
1152  
1153  
1154  
1155  
1156  
1157  
1158  
1159  
1160  
1161  
1162  
1163  
1164  
1165  
1166  
1167  
1168  
1169  
1170  
1171  
1172  
1173  
1174  
1175  
1176  
1177  
1178  
1179  
1180  
1181  
1182  
1183  
1184  
1185  
1186  
1187  
1188  
1189  
1190  
1191  
1192  
1193  
1194  
1195  
1196  
1197  
1198  
1199  
1200  
1201  
1202  
1203  
1204  
1205  
1206  
1207  
1208  
1209  
1210  
1211  
1212  
1213  
1214  
1215  
1216  
1217  
1218  
1219  
1220  
1221  
1222  
1223  
1224  
1225  
1226  
1227  
1228  
1229  
1230  
1231  
1232  
1233  
1234  
1235  
1236  
1237  
1238  
1239  
1240  
1241  
1242  
1243  
1244  
1245  
1246  
1247  
1248  
1249  
1250  
1251  
1252  
1253  
1254  
1255  
1256  
1257  
1258  
1259  
1260  
1261  
1262  
1263  
1264  
1265  
1266  
1267  
1268  
1269  
1270  
1271  
1272  
1273  
1274  
1275  
1276  
1277  
1278  
1279  
1280  
1281  
1282  
1283  
1284  
1285  
1286  
1287  
1288  
1289  
1290  
1291  
1292  
1293  
1294  
1295  
1296  
1297  
1298  
1299  
1300  
1301  
1302  
1303  
1304  
1305  
1306  
1307  
1308  
1309  
1310  
1311  
1312  
1313  
1314  
1315  
1316  
1317  
1318  
1319  
1320  
1321  
1322  
1323  
1324  
1325  
1326  
1327  
1328  
1329  
1330  
1331  
1332  
1333  
1334  
1335  
1336  
1337  
1338  
1339  
1340  
1341  
1342  
1343  
1344  
1345  
1346  
1347  
1348  
1349  
1350  
1351  
1352  
1353  
1354  
1355  
1356  
1357  
1358  
1359  
1360  
1361  
1362  
1363  
1364  
1365  
1366  
1367  
1368  
1369  
1370  
1371  
1372  
1373  
1374  
1375  
1376  
1377  
1378  
1379  
1380  
1381  
1382  
1383  
1384  
1385  
1386  
1387  
1388  
1389  
1390  
1391  
1392  
1393  
1394  
1395  
1396  
1397  
1398  
1399  
1400  
1401  
1402  
1403  
1404  
1405  
1406  
1407  
1408  
1409  
1410  
1411  
1412  
1413  
1414  
1415  
1416  
1417  
1418  
1419  
1420  
1421  
1422  
1423  
1424  
1425  
1426  
1427  
1428  
1429  
1430  
1431  
1432  
1433  
1434  
1435  
1436  
1437  
1438  
1439  
1440  
1441  
1442  
1443  
1444  
1445  
1446  
1447  
1448  
1449  
1450  
1451  
1452  
1453  
1454  
1455  
1456  
1457  
1458  
1459  
1460  
1461  
1462  
1463  
1464  
1465  
1466  
1467  
1468  
1469  
1470  
1471  
1472  
1473  
1474  
1475  
1476  
1477  
1478  
1479  
1480  
1481  
1482  
1483  
1484  
1485  
1486  
1487  
1488  
1489  
1490  
1491  
1492  
1493  
1494  
1495  
1496  
1497  
1498  
1499  
1500  
1501  
1502  
1503  
1504  
1505  
1506  
1507  
1508  
1509  
1510  
1511  
1512  
1513  
1514  
1515  
1516  
1517  
1518  
1519  
1520  
1521  
1522  
1523  
1524  
1525  
1526  
1527  
1528  
1529  
1530  
1531  
1532  
1533  
1534  
1535  
1536  
1537  
1538  
1539  
1540  
1541  
1542  
1543  
1544  
1545  
1546  
1547  
1548  
1549  
1550  
1551  
1552  
1553  
1554  
1555  
1556  
1557  
1558  
1559  
1560  
1561  
1562  
1563  
1564  
1565  
1566  
1567  
1568  
1569  
1570  
1571  
1572  
1573  
1574  
1575  
1576  
1577  
1578  
1579  
1580  
1581  
1582  
1583  
1584  
1585  
1586  
1587  
1588  
1589  
1590  
1591  
1592  
1593  
1594  
1595  
1596  
1597  
1598  
1599  
1600  
1601  
1602  
1603  
1604  
1605  
1606  
1607  
1608  
1609  
1610  
1611  
1612  
1613  
1614  
1615  
1616  
1617  
1618  
1619  
1620  
1621  
1622  
1623  
1624  
1625  
1626  
1627  
1628  
1629  
1630  
1631  
1632  
1633  
1634  
1635  
1636  
1637  
1638  
1639  
1640  
1641  
1642  
1643  
1644  
1645  
1646  
1647  
1648  
1649  
1650  
1651  
1652  
1653  
1654  
1655  
1656  
1657  
1658  
1659  
1660  
1661  
1662  
1663  
1664  
1665  
1666  
1667  
1668  
1669  
1670  
1671  
1672  
1673  
1674  
1675  
1676  
1677  
1678  
1679  
1680  
1681  
1682  
1683  
1684  
1685  
1686  
1687  
1688  
1689  
1690  
1691  
1692  
1693  
1694  
1695  
1696  
1697  
1698  
1699  
1700  
1701  
1702  
1703  
1704  
1705  
1706  
1707  
1708  
1709  
1710  
1711  
1712  
1713  
1714  
1715  
1716  
1717  
1718  
1719  
1720  
1721  
1722  
1723  
1724  
1725  
1726  
1727  
1728  
1729  
1730  
1731  
1732  
1733  
1734  
1735  
1736  
1737  
1738  
1739  
1740  
1741  
1742  
1743  
1744  
1745  
1746  
1747  
1748  
1749  
1750  
1751  
1752  
1753  
1754  
1755  
1756  
1757  
1758  
1759  
1760  
1761  
1762  
1763  
1764  
1765  
1766  
1767  
1768  
1769  
1770  
1771  
1772  
1773  
1774  
1775  
1776  
1777  
1778  
1779  
1780  
1781  
1782  
1783  
1784  
1785  
1786  
1787  
1788  
1789  
1790  
1791  
1792  
1793  
1794  
1795  
1796  
1797  
1798  
1799  
1800  
1801  
1802  
1803  
1804  
1805  
1806  
1807  
1808  
1809  
1810  
1811  
1812  
1813  
1814  
1815  
1816  
1817  
1818  
1819  
1820  
1821  
1822  
1823  
1824  
1825  
1826  
1827  
1828  
1829  
1830  
1831  
1832  
1833  
1834  
1835  
1836  
1837  
1838  
1839  
1840  
1841  
1842  
1843  
1844  
1845  
1846  
1847  
1848  
1849  
1850  
1851  
1852  
1853  
1854  
1855  
1856  
1857  
1858  
1859  
1860  
1861  
1862  
1863  
1864  
1865  
1866  
1867  
1868  
1869  
1870  
1871  
1872  
1873  
1874  
1875  
1876  
1877  
1878  
1879  
1880  
1881  
1882  
1883  
1884  
1885  
1886  
1887  
1888  
1889  
1890  
1891  
1892  
1893  
1894  
1895  
1896  
1897  
1898  
1899  
1900  
1901  
1902  
1903  
1904  
1905  
1906  
1907  
1908  
1909  
1910  
1911  
1912  
1913  
1914  
1915  
1916  
1917  
1918  
1919  
1920  
1921  
1922  
1923  
1924  
1925  
1926  
1927  
1928  
1929  
1930  
1931  
1932  
1933  
1934  
1935  
1936  
1937  
1938  
1939  
1940  
1941  
1942  
1943  
1944  
1945  
1946  
1947  
1948  
1949  
1950  
1951  
1952  
1953  
1954  
1955  
1956  
1957  
1958  
1959  
1960  
1961  
1962  
1963  
1964  
1965  
1966  
1967  
1968  
1969  
1970  
1971  
1972  
1973  
1974  
1975  
1976  
1977  
1978  
1979  
1980  
1981  
1982  
1983  
1984  
1985  
1986  
1987  
1988  
1989  
1990  
1991  
1992  
1993  
1994  
1995  
1996  
1997  
1998  
1999  
2000  
2001  
2002  
2003  
2004  
2005  
2006  
2007  
2008  
2009  
2010  
2011  
2012  
2013  
2014  
2015  
2016  
2017  
2018  
2019  
2020  
2021  
2022  
2023  
2024  
2025  
2026  
2027  
2028  
2029  
2030  
2031  
2032  
2033  
2034  
2035  
2036  
2037  
2038  
2039  
2040  
2041  
2042  
2043  
2044  
2045  
2046  
2047  
2048  
2049  
2050  
2051  
2052  
2053  
2054  
2055  
2056  
2057  
2058  
2059  
2060  
2061  
2062  
2063  
2064  
2065  
2066  
2067  
2068  
2069  
2070  
2071  
2072  
2073  
2074  
2075  
2076  
2077  
2078  
2079  
2080  
2081  
2082  
2083  
2084  
2085  
2086  
2087  
2088  
2089  
2090  
2091  
2092  
2093  
2094  
2095  
2096  
2097  
2098  
2099  
2100  
2101  
2102  
2103  
2104  
2105  
2106  
2107  
2108  
2109  
2110  
2111  
2112  
2113  
2114  
2115  
2116  
2117  
2118  
2119  
2120  
2121  
2122  
2123  
2124  
2125  
2126  
2127  
2128  
2129  
2130  
2131  
2132  
2133  
2134  
2135  
2136  
2137  
2138  
2139  
2140  
2141  
2142  
2143  
2144  
2145  
2146  
2147  
2148  
2149  
2150  
2151  
2152  
2153  
2154  
2155  
2156  
2157  
2158  
2159  
2160  
2161  
2162  
2163  
2164  
2165  
2166  
2167  
2168  
2169  
2170  
2171  
2172  
2173  
2174  
2175  
2176  
2177  
2178  
2179  
2180  
2181  
2182  
2183  
2184  
2185  
2186  
2187  
2188  
2189  
2190  
2191  
2192  
2193  
219

ciente consilio rogitantesque alii alios, nunc in liminibus starent, nunc errabundi domos suas, ultimum illud visuri, pervagarentur.

Ut vero iam equitum clamor exire iubentium instabat, 4 iam fragor tectorum, quae diruebantur, ultimis urbis partibus audiebatur pulvisque ex distantibus locis ortus velut nube inducta omnia impleverat, raptim quibus quisque poterat elatis, cum larem ac penates tectaque, in quibus natus quisque educatusque esset, relinquentes exirent, iam continens agmen migrantium inpleverat vias. et conspec- 5 tus aliorum mutua miseratione integrabat lacrimas vocesque etiam miserabiles exaudiebantur mulierum praecipue, cum obsessa ab armatis templa augusta praeterirent ac velut captos relinquerent deos. egressis urbem Albanis 6 Romanus passim publica privataque omnia tecta adaequat solo unaque hora quadringentorum annorum opus, quibus Alba steterat, excidio ac ruinis dedit; templis tamen deum — ita enim edictum ab rege fuerat — temperatum est.

XXX. Roma interim crescit Albae ruinis: duplicatur 1 civium numerus, Caelius additur urbi mons et quo frequentius habitaretur, eam sedem Tullus regiae capit ibique deinde habitavit. principes Albanorum in patres, ut 2 ea quoque pars rei publicae cresceret, legit: Tullios, Servilios, Quinctios, Geganios, Curiatios, Cloelios, templumque ordini ab se aucto curiam fecit, quae Hostilia usque ad patrum nostrorum aetatem appellata est. et ut omnium 3 ordinum viribus aliquid ex novo populo adiceretur, equitum decem turmas ex Albanis legit, legiones et veteres eodem supplemento explevit et novas scripsit.

Hac fiducia virium Tullus Sabinis bellum indicit, 4 genti ea tempestate secundum Etruscos opulentissimae viris armisque. utrimque iniuriae factae ac res nequiquam erant repetitae: Tullus ad Feroniae fanum mercatu fre- 5 quenti negotiatores Romanos comprehensos querebatur; Sabini suos prius in lucum confugisse ac Romae retentos. hae causae belli ferebantur.

Sabini, haut parum memores, et suarum virium partem 6 Romae ab Tatio locatam et Romanam rem nuper etiam adiectione populi Albani auctam, circumspicere et ipsi

7 externa auxilia. Etruria erat vicina, proximi Etruscorum  
Veientes. inde ob residuas bellorum iras maxime sollicitatis  
ad defectionem animis voluntarios traxere, et apud vagos  
quosdam ex inopi plebe etiam merces valuit; publico auxilio  
nullo adiuti sunt valuitque apud Veientes — nam de ceteris  
minus mirum est — pacta cum Romulo indutiarum fides.

8 Cum bellum utrimque summa ope pararent vertique in  
eo res videretur, utri prius arma inferrent, occupat Tullus  
9 in agrum Sabinum transire. pugna atrox ad silvam mati-  
tiosam fuit, ubi et peditum quidem robore, ceterum equi-  
10 tatu aucto nuper plurimum Romana acies valuit. ab equi-  
tibus repente invectis turbati ordines sunt Sabinorum, nec  
pugna deinde illis constare nec fuga explicari sine magna  
caede potuit.

1 XXXI. Devictis Sabinis, cum in magna gloria magnis-  
que opibus regnum Tulli ac tota res Romana esset, nun-  
tium regi patribusque est, in monte Albano lapidibus  
2 pluvisse. quod cum credi vix posset, missis ad id visen-  
dum prodigium in conspectu haut aliter quam cum gran-  
dinem venti glomeratam in terras agunt, crebri cecidere  
3 caelo lapides. visi etiam audire vocem ingentem ex summi  
cacuminis luco, ut patrio ritu sacra Albani facerent, quae,  
velut diis quoque simul cum patria relictis, oblivioni de-  
derant et aut Romana sacra susceperant aut fortunae, ut  
4 fit, obirati cultum reliquerant deum. Romanis quoque ab  
eodem prodigio novendiale sacrum publice susceptum est,  
seu voce caelesti ex Albano monte missa — nam id quo-  
que traditur — seu aruspicum monitu; mansit certe sol-  
lemne, ut, quandoque idem prodigium nuntiaretur, feriae  
per novem dies agerentur.

5 Haud ita multo post pestilentia laboratum est. unde  
cum pigritia militandi oreretur, nulla tamen ab armis quies  
dabatur a bellicoso rege, salubriora etiam credente mili-  
tiae quam domi iuvenum corpora esse, donec ipse quoque  
6 longinquo morbo est implicatus. tunc adeo fracti simul  
cum corpore sunt spiritus illi feroces, ut, qui nihil ante  
ratus esset minus regium, quam sacris dedere animum,  
repente omnibus magnis parvisque superstitionibus obno-  
7 xius degeret religionibusque etiam populum inpleret. vulgo

iam homines, eum statum rerum, qui sub Numa rege fuerat, requirentes, unam opem aegris corporibus relictam, si pax veniaque ab diis impetrata esset, credebant. ipsum 8 regem tradunt volventem commentarios Numae, cum ibi quaedam occulta sollemnia (sacrificia) Iovi Elicio facta invenisset, operatum iis sacris se abdidisse, sed non rite initum aut curatum id sacrum esse nec solum nullam ei oblatam caelestium speciem, sed ira Iovis sollicitati prava religione fulmine ictum cum domo conflagrasse. Tullus magna gloria belli regnavit annos duos et triginta.

XXXII. Mortuo Tullo, res, ut institutum iam inde ab 1 initio erat, ad patres redierat hique interregem nominaverant. quo comitia habente Ancum Marcium regem populus creavit; patres fuere auctores.

Numae Pompili regis nepos filia ortus Ancus Marcius erat. qui ut regnare coepit, et avitae gloriae memor et 2 quia proximum regnum, cetera egregium, ab una parte haut satis prosperum fuerat aut neglectis religionibus aut prave cultis, longeque antiquissimum ratus, sacra publica ut a Numa instituta erant facere, omnia ea ex commentariis regis pontificem in album relata proponere in publico iubet.

Inde et civibus otii cupidis et finitimis civitatibus facta spes, in avi mores atque instituta regem abiturum. igitur 3 Latini, cum quibus Tullo regnante ictum foedus erat, sustulerant animos, et, cum incursionem in agrum Romanum fecissent, repetentibus res Romanis superbe responsum reddunt, desidem Romanum regem inter sacella et aras acturum esse regnum rati.

Medium erat in Anco ingenium, et Numae et Romuli 4 memor; et praeterquam quod avi regno magis necessariam fuisse pacem credebat cum in novo tum feroci populo, etiam quod illi contigisset otium, sine iniuria id se haud facile habiturum: temptari patientiam et temptatam contemni temporaque esse Tullo regi aptiora quam Numae. ut tamen, quoniam Numa in pace religiones instituisset, a 5 se bellicae caerimoniae proderentur nec gererentur solum, sed etiam indicerentur bella aliquo ritu, ius ab antiqua gente Aequiculis, quod nunc fetiales habent, descripsit, quo res repetuntur.

6 Legatus ubi ad fines eorum venit, unde res repetuntur, capite velato filo — lanae velamen est — ‘audi Iuppiter,’ inquit ‘audite fines’ — cuiuscumque gentis sunt, nominat — ‘audiat fas! ego sum publicus nuntius populi Romani, iuste pieque legatus venio verbisque meis fides  
7 sit.’ peragit deinde postulata. inde Iovem testem facit: ‘si ego iniuste impieque illos homines illasque res dedier mihi exposco, tum patriae compotem me numquam siris  
8 esse.’ haec cum fines suprascendit, haec quicumque ei primus vir obvius fuerit, haec portam ingrediens, haec forum ingressus paucis verbis carminis concipiendique  
9 iuris iurandi mutatis peragit. si non deduntur quos exposcit, diebus tribus et triginta — tot enim sollemnes  
10 sunt — peractis bellum ita indicit: ‘audi Iuppiter et tu Iuno, Quirine diique omnes caelestes vosque terrestres vosque inferni audite! ego vos testor, populum illum’ — quicumque est, nominat — ‘iniustum esse neque ius persolvere. sed de istis rebus in patria maiores natu consulemus, quo pacto ius nostrum adipiscamur.’ cum iis  
11 nuntius Romam ad consulendum redit. confestim rex his ferme verbis patres consulebat: ‘quarum rerum, litium, causarum condixit pater patratus populi Romani Quiritium patri patrato priscorum Latinorum hominibusque priscis Latinis, quas res nec dederunt nec solverunt nec fecerunt, quas res dari, solvi, fieri oportuit, dic,’ inquit ei, quem  
12 primum sententiam rogabat ‘quid censes?’ tum ille ‘puro pioque duello quaerendas censeo itaque consentio consciscoque.’ inde ordine alii rogabantur quandoque pars maior eorum qui aderant in eandem sententiam ibat, bellum erat consensum. fieri solitum, ut fetialis hastam ferratam aut sanguineam praeustam ad fines eorum ferret et, non  
13 minus tribus puberibus praesentibus, diceret ‘quod populi priscorum Latinorum hominesque prisci Latini adversus populum Romanum Quiritium fecerunt, deliquerunt, quod populus Romanus Quiritium bellum cum priscis Latinis iussit esse senatusque populi Romani Quiritium censuit, consensit, conscivit, ut bellum cum priscis Latinis fieret, ob eam rem ego populusque Romanus populis priscorum Latinorum hominibusque priscis Latinis bellum indico



facioque.' id ubi dixisset, hastam in fines eorum emittebat. hoc tum modo ab Latinis repetitae res ac bellum 14 indictum moremque eum posterī acceperunt.

XXXIII. Ancus, demandata cura sacrorum flaminibus sacerdotibusque aliis, exercitu novo conscripto, profectus Politorium urbem Latinorum vi cepit secutusque morem regum priorum, qui rem Romanam auxerant hostibus in civitatem accipiendis, multitudinem omnem Romam traduxit. et cum circa Palatium, sedem veterum Romanorum, Sabini Capitolium atque arcem, Caelium montem Albani inplessent, Aventinum novae multitudini datum. additi eodem haut ita multo post Tellenis Ficanaque captis novi cives.

Politorium inde rursus bello repetitum, quod vacuum 3 occupaverant prisci Latini. eaque causa diruendae urbis eius fuit Romanis, ne hostium semper receptaculum esset. postremo omni bello Latino Medulliam compulso, ali- 4 quamdiu ibi Marte incerto varia victoria pugnatum est: nam et urbs tuta munitionibus praesidioque firmata valido erat et castris in aperto positis aliquotiens exercitus Latinus cominus cum Romanis signa contulerat. ad 5 ultimum omnibus copiis conisus Ancus acie primum vincit, inde ingenti praeda potens Romam redit, tum quoque multis milibus Latinorum in civitatem acceptis, quibus, ut iungeretur Palatio Aventinum, ad Murciae datae sedes.

Ianiculum quoque adiectum, non inopia loci, sed ne 6 quando ea arx hostium esset. id non muro solum, sed etiam ob commoditatem itineris ponte sublicio, tum primum in Tiberim facto, coniungi urbi placuit. Quiritium 7 quoque fossa, haut parvum munimentum a planioribus aditu locis, Anci regis opus est. ingenti incremento rebus 8 auctis, cum in tanta multitudine hominum, discrimine recte an perperam facti confuso, facinora clandestina fierent, carcer ad terrorem increscentis audaciae media urbe imminens foro aedificatur.

Nec urbs tantum hoc rege crevit, sed etiam ager finesque: silva Messia Veientibus adempta usque ad mare imperium prolatum et in ore Tiberis Ostia urbs condita,

salinae circa factae egregieque rebus bello gestis aedis Iovis Feretrii amplificata.

1 XXXIII. Anco regnante Lucumo, vir inpiger ac  
divitiis potens, Romam commigravit cupidine maxime ac  
spe magni honoris, cuius adipiscendi Tarquiniis — nam  
2 ibi quoque peregrina stirpe oriundus erat — facultas non  
fuerat. Demarati Corinthii filius erat, qui ob seditiones  
domo profugus cum Tarquiniis forte consedisset, uxore  
ibi ducta duos filios genuit. nomina his Lucumo atque  
Arruns fuerunt. Lucumo superfuit patri bonorum omnium  
heres, Arruns prior quam pater moritur, uxore gravida  
3 relictā. nec diu manet superstes filio pater; qui cum,  
ignorans nurum ventrem ferre, inmemor in testando ne-  
potis decessisset, puero, post avi mortem in nullam sortem  
4 bonorum nato, ab inopia Egerio inditum nomen. Lucu-  
moni contra omnium heredi bonorum cum divitiae iam  
animos facerent, auxit ducta in matrimonium Tanaquil  
summo loco nata et quae haud facile iis, in quibus nata  
5 erat, humiliora sineret ea, quo innupsisset. spernentibus  
Etruscis Lucumonem, exule advena ortum, ferre indigni-  
tatem non potuit oblitaque ingenitae erga patriam carita-  
tis, dummodo virum honoratum videret, consilium migrandi  
6 ab Tarquiniis cepit. Roma est ad id potissimum visa: in  
novo populo, ubi omnis repentina atque ex virtute nobili-  
tas sit, futurum locum forti ac strenuo viro; regnasse  
Tatium Sabinum, arcessitum in regnum Numam a Curi-  
bus et Ancum Sabina matre ortum nobilemque una ima-  
7 gine Numae esse. facile persuadet ut cupido honorum et  
cui Tarquiniis materna tantum patria esset.

8 Sublatis itaque rebus amigrant Romam. ad Ianiculum  
forte ventum erat. ibi ei carpento sedenti cum uxore  
aquila suspensis demissa leniter alis pilleum aufert super-  
que carpentum cum magno clangore volitans, rursus, velut  
ministerio divinitus missa, capiti apte reponit, inde subli-  
9 mis abit. accepisse id augurium laeta dicitur Tanaquil,  
perita, ut vulgo Etrusci, caelestium prodigiorum mu-  
lier. excelsa et alta sperare complexa virum iubet: eam  
alitem, ea regione caeli et eius dei nuntiam venisse, circa  
summum culmen hominis auspiciū fecisse, levasse

humano superpositum capiti decus, ut divinitus eidem redderet.

Has spes cogitationesque secum portantes urbem ingressi sunt, domicilioque ibi comparato L. Tarquinius Priscum edidere nomen. Romanis conspicuum eum novitas divitiaeque faciebant et ipse fortunam, benigno adloquio, comitate invitandi beneficiisque quos poterat sibi conciliando, adjuvabat, donec in regiam quoque de eo fama perlata est. notitiamque eam brevi apud regem liberaliter dextreque obeundo officia in familiaris amicitiae adduxerat iura, ut publicis pariter ac privatis consiliis bello domique interesset et per omnia expertus postremo tutor etiam liberis regis testamento institueretur.

XXXV. Regnavit Ancus annos quattuor et viginti, cuilibet superiorum regum belli pacisque et artibus et gloria par. iam filii prope puberem aetatem erant. eo magis Tarquinius instare, ut quam primum comitia regi creando fierent. quibus indictis sub tempus pueros ventum ablegavit. isque primus et petisse ambiciose regnum et orationem dicitur habuisse ad conciliandos plebis animos compositam: cum se non rem novam petere, quippe qui non primus, quod quisquam indignari mirarive posset, sed tertius Romae peregrinus regnum adfectet: et Tatium non ex peregrino solum, sed etiam ex hoste regem factum et Numam ignarum urbis, non petentem in regnum ultro accitum; [tum] se, ex quo sui potens fuerit, Romam cum coniuge ac fortunis omnibus commigrasse, maiorem partem aetatis eius, qua civilibus officiis fungantur homines, Romae se quam in vetere patria vixisse, domi militiaeque sub haut paenitendo magistro, ipso Anco rege, Romana se iura, Romanos ritus didicisse, obsequio et observantia in regem cum omnibus, benignitate erga alios cum rege ipso certasse. haec eum haut falsa memorantem ingenti consensu populus Romanus regnare iussit.

Ergo virum cetera egregium secuta, quam in petendo habuerat, etiam regnantem ambitio est, nec minus regni sui firmandi quam augendae rei publicae memor centum in patres legit, qui deinde minorum gentium sunt appellati, factio haut dubia regis, cuius beneficio in curiam

7 venerant. bellum primum cum Latinis gessit et oppidum  
ibi Apiolas vi cepit praedaeque inde maiore, quam quanta  
belli fama fuerat, revecta ludos opulentiùs instructiusque  
8 quam priores reges fecit. tunc primum circo, qui nunc  
maximus dicitur, designatus locus est. loca divisa patri-  
bus equitibusque, ubi spectacula sibi quisque facerent,  
9 fori appellati. spectavere furcis duodenos ab terra specta-  
cula alta sustinentibus pedes. ludicrum fuit equi pugiles-  
que ex Etruria maxime acciti. sollemnes deinde annui  
10 mansere ludi, Romani magnique varie appellati. ab eodem  
rege et circa forum privatis aedificanda divisa sunt loca,  
porticus tabernaeque factae.

1 XXXVI. Muro quoque lapideo circumdare urbem  
parabat, cum Sabinum bellum coeptis intervenit. adeoque  
ea subita res fuit, ut prius Anienem transirent hostes  
quam obviam ire ac prohibere exercitus Romanus posset.  
2 itaque trepidatum Romae est. et primo dubia victoria  
magna utrimque caede pugnatum est; reductis deinde in  
castra hostium copiis datoque spatio Romanis ad compa-  
randum de integro bellum, Tarquinius, equitem maxime  
suis deesse viribus ratus, ad Ramnis, Titienses, Luceres,  
quas centurias Romulus scripserat, addere alias constituit  
suoque insignes relinquere nomine.

3 Id quia inaugurato Romulus fecerat, negare Attus  
Navius, inclitus ea tempestate augur, neque mutari neque  
4 novum constitui, nisi aves addixissent, posse. ex eo ira  
regi mota, eludensque artem, ut ferunt, 'age dum,' in-  
quit 'divine tu, inaugura, fierine possit, quod nunc ego  
mente concipio.' cum ille in augurio rem expertus pro-  
fecto futuram dixisset, 'atqui hoc animo agitavi,' inquit  
'te novacula cotem discissurum: cape haec et perage,  
quod aves tuae fieri posse portendunt.' tum illum haud  
5 cunctanter discidissee cotem ferunt. statua Atti capite ve-  
lato, quo in loco res acta est, (in comitio) in gradibus  
ipsis ad laevam curiae fuit, cotem quoque eodem loco  
sitam fuisse memorant, ut esset ad posteros miraculi eius  
monumentum.

6 Auguriis certe sacerdotioque augurum tantus honos  
accessit, ut nihil belli domique postea nisi auspicato ge-

reretur, concilia populi, exercitus vocati, summa rerum, ubi aves non admisissent, dirimerentur. neque tum Tar- 7  
 quinius de equitum centuriis quicquam mutavit, numero  
 alterum tantum adiecit, ut mille octingenti equites in tri-  
 bus centuriis essent. posteriores modo sub isdem nomi- 8  
 nibus, qui additi erant, appellati sunt, quas nunc, quia  
 geminatae sunt, sex vocant centurias.

XXXVII. Hac parte copiarum aucta iterum cum 1  
 Sabinis confligitur. sed praeterquam quod viribus creve-  
 rat Romanus exercitus, ex occulto etiam additur dolus,  
 missis qui magnam vim lignorum, in Anienis ripa iacen-  
 tem, ardentem in flumen conicerent; ventoque iuvante  
 accensa ligna, et pleraque in ratibus inpacta sublicis cum  
 haerent, pontem incendunt. ea quoque res in pugna 2  
 terrorem attulit Sabinis, effusis eadem fugam impedit  
 multique mortales, cum hostes effugissent, in flumine  
 ipso perire; quorum fluitantia arma ad urbem cognita in  
 Tiberi prius paene, quam nuntiari posset, insignem victo-  
 riam fecere.

Eo proelio praecipua equitum gloria fuit: utrimque ab 3  
 cornibus positos, cum iam pelleretur media peditum suo-  
 rum acies, ita incurrisse ab lateribus ferunt, ut non siste-  
 rent modo Sabinas legiones ferociter instantes cedentibus,  
 sed subito in fugam averterent. montes effuso cursu Sa- 4  
 bini petebant. et pauci tenuere; maxima pars, ut ante  
 dictum est, ab equitibus in flumen acti sunt. Tarquinius 5  
 instandum perterritis ratus, praeda captivisque Romam  
 missis, spoliis hostium — id votum Vulcano erat — in-  
 genti cumulo accensis, pergit porro in agrum Sabinum  
 exercitum inducere et, quamquam male gestae res erant 6  
 nec gesturos melius sperare poterant, tamen, quia con-  
 sulendi res non dabat spatium, iere obviam Sabini tumul-  
 tuario milite iterumque ibi fusi, perditis iam prope rebus,  
 pacem petiere.

XXXVIII. Collatia et quicquid citra Collatiam agri 1  
 erat Sabinis ademptum, Egerius — fratris hic filius erat  
 regis — Collatiae in praesidio relictus. deditosque Colla-  
 tinos ita accipio eamque deditionis formulam esse: rex 2  
 interrogavit 'estisne vos legati oratoresque missi a populo

Conlatino, ut vos populumque Conlatinum dederetis?' 'sumus.' 'estne populus Conlatinus in sua potestate?' 'est.' 'deditisne vos populumque Conlatinum, urbem, agros, aquam, terminos, delubra, utensilia, divina humanaque omnia in meam populi Romani ditionem?' 'dedimus.' 'at ego recipio.'

3 Bello Sabino perfecto Tarquinius triumphans Romam  
4 redit. inde priscis Latinis bellum fecit, ubi nusquam ad universae rei dimicationem ventum est: ad singula oppida circumferendo arma omne nomen Latinum domuit. Corniculum, Ficulea vetus, Cameria, Crustumerium, Ameriola, Medullia, Nomentum, haec de priscis Latinis aut  
5 qui ad Latinos defecerant capta oppida. pax deinde est facta.

Maiore inde animo pacis opera inchoata quam quanta mole gesserat bella, ut non quietior populus domi esset  
6 quam militiae fuisset: nam et muro lapideo, cuius exordium operis Sabino bello turbatum erat, urbem, qua nondum munierat, cingere parat et infima urbis loca circa forum aliasque interiectas collibus convalles, quia ex planis locis haut facile evehebant aquas, cloacis fastigio in  
7 Tiberim ductis siccant et aream ad aedem in Capitolio Iovis, quam voverat bello Sabino, iam praesagiente animo futuram olim amplitudinem loci, occupat fundamentis.

1 XXXVIII. Eo tempore in regia prodigium visum eventumque mirabile fuit. puero dormienti, cui Servio Tullio fuit nomen, caput arsisse ferunt multorum in conspectu.  
2 plurimo igitur clamore inde ad tantae rei miraculum orto excitos reges et, cum quidam familiarium aquam ad restinguendum ferret, ab regina retentum, sedatoque iam tumultu moveri vetuisse puerum, donec sua sponte experrectus esset. mox cum somno et flammam abisse.  
3 tum abducto in secretum viro Tanaquil 'viden tu puerum hunc,' inquit 'quem tam humili cultu educamus? scire licet hunc lumen quondam rebus nostris dubiis futurum praesidiumque regiae adflictae. proinde materiam ingentis publice privatimque decoris omni indulgentia nostra nutriamus.'

4 Inde puerum liberum loco coeptum haberi erudiri



artibus, quibus ingenia ad magnae fortunae cultum excitantur. evenit facile, quod diis cordi esset: iuvenis evasit vere indolis regiae nec, cum quaereretur gener Tarquinio, quisquam Romanae iuventutis ulla arte conferri potuit filiamque ei suam rex despondit.

Hic quacumque de causa tantus illi honos habitus credere prohibet, serva natum eum parvumque ipsum servisse. eorum magis sententiae sum, qui, Corniculo capto, Servi Tulli, qui princeps in illa urbe fuerat, gravidam viro occiso uxorem, cum inter reliquas captivas cognita esset, ob unicam nobilitatem ab regina Romana prohibitam, ferunt servitio partum Romae edidisse Prisci Tarquini domo. inde tanto beneficio et inter mulieres familiaritatem auctam et puerum, ut in domo a parvo educ- tum, in caritate atque honore fuisse, fortunam matris, quod capta patria in hostium manus venerit, ut serva natus crederetur, fecisse.

XXXX. Duodequadragesimo ferme anno, ex quo regnare coeperat Tarquinius, non apud regem modo, sed apud patres plebemque longe maximo honore Servius Tullius erat. tum Anci filii duo, etsi antea semper pro indignissimo habuerant, se patrio regno tutoris fraude pulsos, regnare Romae advenam non modo civicae, sed ne Italicae quidem stirpis, tum inpensius iis indignitas crescere, si ne ab Tarquinio quidem ad se rediret regnum, sed praeceps inde porro ad servitia caderet, ut in eadem civitate post centesimum fere annum quod Romulus, deo prognatus deus ipse, tenuerit regnum, donec in terris fuerit, id servus serva natus possideat. cum commune Romani nominis, tum praecipue id domus suae dedecus fore, si Anci regis virili stirpe salva non modo advenis, set servis etiam regnum Romae pateret.

Ferro igitur eam arcere contumeliam statuunt. sed et iniuriae dolor in Tarquinium ipsum magis, quam in Servium eos stimulabat; et, quia gravior ultor caedis, si superesset, rex futurus erat quam privatus, tum Servio occiso quemcumque alium generum delegisset, eundem regni heredem facturum videbatur — ob haec ipsi regi insidiae parantur. ex pastoribus duo ferocissimi delecti ad

facinus, quibus consueti erant uterque agrestibus ferra-  
mentis, in vestibulo regiae quam potuere tumultuosissime  
specie rixae in se omnes apparitores regios convertunt.  
inde, cum ambo regem appellarent clamorque eorum pe-  
nitus in regiam pervenisset, vocati ad regem pergunt.  
6 primo uterque vociferari et certatim alter alteri obstrepere.  
coerciti ab lictore et iussi invicem dicere tandem obloqui  
7 desistunt, unus rem ex composito orditur. dum intentus in  
eum se rex totus averteret, alter elatam securim in caput  
deicit relictoque in vulnere telo ambo se foras eiciunt.

1 XXXXI. Tarquinius moribundum cum qui circa erant  
excepissent, illos fugientes lictores comprehendunt. cla-  
mor inde concursusque populi mirantium, quid rei esset.  
Tanaquil inter tumultum claudi regiam iubet, arbitros  
eicit, simul quae curando vulneri opus sunt, tamquam  
spes subesset, sedulo comparat simul, si destituat spes,  
alia praesidia molitur.

2 Servio propere accito cum paene exsanguem virum  
ostendisset, dextram tenens orat, ne inultam mortem so-  
3 ceri, ne socrum inimicis ludibrio esse sinat. 'tuum est,'  
inquit 'Servi, si vir es, regnum, non eorum, qui alienis  
manibus pessimum facinus fecere. erige te deosque duces  
sequere, qui clarum hoc fore caput divino quondam cir-  
cumfuso igni portenderunt. nunc te illa caelestis excitet  
flamma, nunc expergiscere vere. et nos peregrini regna-  
vimus. qui sis, non unde natus sis, reputa. si tua re  
4 subita consilia torpent, at tu mea consilia sequere.' cum  
clamor impetusque multitudinis vix sustineri posset, ex  
superiore parte aedium per fenestras in novam viam ver-  
sas — habitabat enim rex ad Iovis Statoris — populum  
5 Tanaquil adloquitur. iubet bono animo esse: sopitum  
fuisse regem subito ictu, ferrum haut alte in corpus de-  
scendisse, iam ad se redisse; inspectum vulnus abterso  
cruore, omnia salubria esse. confidere, prope diem ipsum  
eos visuros; interim Servio Tullio iubere populum dicto  
audientem esse, eum iura redditurum obiturumque alia  
6 regis munia esse. Servius cum trabea et lictoribus pro-  
dit ac, sede regia sedens, alia decernit, de aliis consultu-  
rum se regem esse simulat. itaque per aliquot dies, cum

iam exspirasset Tarquinius, celata morte per speciem alienae fungendae vicis suas opes firmavit: tum demum palam factum ex conploratione in regia orta. Servius, praesidio firmo munitus, primus iniussu populi voluntate patrum regnavit. Anci liberi iam tum, comprehensis sceleris 7 ministris, ut vivere regem et tantas esse opes Servi nuntiatum est, Suessam Pometiam exulatum ierant.

XXXII. Nec iam publicis magis consiliis Servius 1 quam privatis munire opes et ne, qualis Anci liberum animus adversus Tarquinium fuerat, talis adversus se Tarquini liberum esset, duas filias iuvenibus regiis Lucio atque Arrunti Tarquiniis iungit. nec rupit tamen fati necessita- 2 tem humanis consiliis, quin invidia regni etiam inter domesticos infida omnia atque infesta faceret. peropportune ad praesentis quietem status bellum cum Veientibus — iam enim indutiae exierant — aliisque Etruscis sumptum. in 3 eo bello et virtus et fortuna enituit Tulli, fusoque ingenti hostium exercitu haut dubius rex, seu patrum seu plebis animos periclitaretur, Romam rediit. adgrediturque inde 4 ad pacis longe maximum opus, ut, quemadmodum Numa divini auctor iuris fuisset, ita Servium conditorem omnis in civitate discriminis ordinumque, quibus inter gradus dignitatis fortunaeque aliquid interlucet, posteris fama ferrent. censum enim instituit, rem saluberrimam tanto fu- 5 turo imperio, ex quo belli pacisque munia non viritim ut ante, sed pro habitu pecuniarum fierent. tum classis centuriasque et hunc ordinem ex censu descripsit vel paci decorum vel bello.

XXXIII. Ex iis, qui centum milium aeris aut maio- 1 rem censum haberent, octoginta confecit centurias, quadragenas seniorum ac iuniorum: primae classis omnes appel- 2 lati, seniores ad urbis custodiam ut praesto essent, iuvenes ut foris bella gererent. arma his imperata galea, clipeum, ocreae, lorica, omnia ex aere, haec ut tegumenta corporis essent, tela in hostem hastaque et gladius. additae huic 3 classi duae fabrum centuriae, quae sine armis stipendia facerent; datum munus, ut machinas in bello ferrent. secunda classis intra centum usque ad quinque et septua- 4 ginta milium censum instituta et ex iis, senioribus iunio-

ribusque, viginti conscriptae centuriae. arma imperata  
5 scutum pro clipeo et praeter lorica omnia eadem. tertiae  
classis in quinquaginta milium censum esse voluit. toti-  
dem centuriae et hae eodemque discrimine aetatum factae  
nec de armis quicquam mutatum, ocreae tantum ademptae.  
6 in quarta classe census quinque et viginti milium; toti-  
dem centuriae factae, arma mutata, nihil praeter hastam  
7 et verutum datum. quinta classis aucta, centuriae triginta  
factae. fundas lapidesque missiles hi secum gerebant; in  
his accensi, cornicines tubicinesque, in tres centurias dis-  
8 tributi. undecim milibus haec classis censebatur. hoc  
minor census reliquam multitudinem habuit: inde una cen-  
turia facta est immunis militia.

Ita pedestri exercitu ornato distributoque equitum ex  
9 primoribus civitatis duodecim scripsit centurias. sex item  
alias centurias, tribus ab Romulo institutis, sub isdem,  
quibus inauguratae erant, nominibus fecit. ad equos emen-  
dos dena milia aeris ex publico data et, quibus equos  
alerent, viduae attributae, quae bina milia aeris in annos  
singulos penderent. haec omnia in dites a pauperibus in-  
clinata onera.

10 Deinde est honos additus: non enim, ut ab Romulo  
traditum ceteri servaverant reges, viritim suffragium ea-  
dem vi eodemque iure promisce omnibus datum est, sed  
gradus facti, ut neque exclusus quisquam suffragio vide-  
11 retur et vis omnis penes primores civitatis esset. equites  
enim vocabantur primi, octoginta inde primae classis cen-  
turiae primum peditum vocabantur; ibi si variaret, quod  
raro incidebat, ut secundae classis vocarentur nec fere  
umquam infra ita descenderent, ut ad infimos pervenirent.  
12 nec mirari oportet, hunc ordinem, qui nunc post expletas  
quinque et triginta tribus duplicato earum numero cen-  
turiis iuniorum seniorumque est, ad institutam ab Servio  
13 Tullio summam non convenire. quadrifariam enim urbe  
divisa regionibus, quae (collibus qui) habitabantur partes,  
eas tribus appellavit, ut ego arbitror a tributo — nam  
eius quoque aequaliter ex censu conferendi ab eodem  
inita ratio est —: neque eae tribus ad centuriarum dis-  
tributionem numerumque quicquam pertinere.

**XXXIII.** Censu perfecto, quem maturaverat metu 1  
legis de incensis latae cum vinculorum minis mortisque,  
edixit, ut omnes cives Romani, equites peditesque, in suis  
quisque centuriis in campo Martio prima luce adessent. ibi 2  
instructum exercitum omnem suovetaurilibus lustravit id-  
que conditum lustrum appellatum, quia is censendo finis  
factus est. milia octoginta eo lustro civium censa dicun-  
tur. adicit scriptorum antiquissimus Fabius Pictor, eo-  
rum, qui arma ferre possent, eum numerum fuisse.

Ad eam multitudinem urbs quoque amplificanda visa 3  
est. addit duos colles, Quirinalem Viminalemque, inde  
deinceps auget Esquilias ibique ipse, ut loco dignitas  
fieret, habitat. aggere et fossis et muro circumdat urbem;  
ita pomerium profert. pomerium, verbi vim solam intuen- 4  
tes, postmoerium interpretantur esse; est autem magis  
circamoerium, locus, quem in condendis urbibus quon-  
dam Etrusci, qua murum ducturi erant, certis circa ter-  
minis inaugurato consecrabant, ut neque interiore parte  
aedificia moenibus continuarentur, quae nunc vulgo etiam  
coniungunt, et extrinsecus puri aliquid ab humano cultu  
pateret soli. hoc spatium, quod neque habitari neque 5  
arari fas erat, non magis quod post murum esset quam  
quod murus post id, pomerium Romani appellarunt, et in  
urbis incremento semper, quantum moenia processura  
erant, tantum termini hi consecrati proferebantur.

**XXXV.** Aucta civitate magnitudine urbis, formatis 1  
omnibus domi et ad belli et ad pacis usus, ne semper  
armis opes acquirerentur, consilio augere imperium cona-  
tus est, simul et aliquid addere urbi decus. iam tum erat 2  
inclitum Dianae Ephesiae fanum. id communiter a civi-  
tatibus Asiae factum fama ferebat. eum consensum deos-  
que consociatos laudare mire Servius inter proceres La-  
tinorum, cum quibus publice privatimque hospitia amici-  
tiasque de industria iunxerat. saepe iterando eadem  
perpulit tandem, ut Romae fanum Dianae populi Latini  
cum populo Romano facerent. ea erat confessio, caput 3  
rerum Romam esse, de quo totiens armis certatum fuerat.

Id quamquam omisum iam ex omnium cura Latino-  
rum ob rem totiens infeliciter temptatam armis videbatur,

uni se ex Sabinis fors dare visa est privato consilio im-  
 4 perii recuperandi. bos in Sabinis nata cuidam patri fa-  
 miliae dicitur miranda magnitudine ac specie. fixa per  
 multas aetates cornua in vestibulo templi Dianae monu-  
 5 mentum ei fuere miraculo. habita, ut erat, res prodigii  
 loco est et cecinere vates, cuius civitatis eam civis Dianae  
 immolassent, ibi fore imperium, idque carmen pervenerat  
 6 ad antistitem fani Dianae, Sabinusque, ut prima apta dies  
 sacrificio visa est, bovem, Romam actam, deducit ad fa-  
 num Dianae et ante aram statuit. ibi antistes Romanus,  
 cum eum magnitudo victimae celebrata fama movisset,  
 memor responsi, Sabinum ita adloquitur: 'quidnam tu  
 hospes pararas?' inquit 'inceste sacrificium Dianae facere?  
 7 quin tu ante vivo perfunderis flumine? infima valle prae-  
 fluit Tiberis.' religione tactus hospes, qui omnia, ut pro-  
 digio responderet eventus, cuperet rite facta, extemplo  
 descendit ad Tiberim; interea Romanus immolat Dianae  
 bovem. id mire gratum regi atque civitati fuit.

1 XXXXVI. Servius quamquam iam usu haut dubium  
 regnum possederat, tamen, quia interdum iactari voces a  
 iuvene Tarquinio audiebat, se iniussu populi regnare, con-  
 ciliata prius voluntate plebis agro capto ex hostibus viri-  
 tim diviso ausus est ferre ad populum, vellent iuberentne  
 se regnare, tantoque consensu, quanto haud quisquam  
 2 alius ante, rex est declaratus. neque ea res Tarquinio  
 spem adfectandi regni minuit, immo eo inpensius, quia  
 de agro plebis adversa patrum voluntate senserat agi,  
 criminandi Servii apud patres crescendique in curia sibi  
 occasionem datam ratus est, et ipse iuvenis ardentis animi  
 3 et domi uxore Tullia inquietum animum stimulante. tulit  
 enim et Romana regia sceleris tragici exemplum, ut tae-  
 dio regum maturior veniret libertas ultimumque regnum  
 esset, quod scelere partum foret.

4 Hic L. Tarquinius — Prisci Tarquini regis filius ne-  
 posne fuerit, parum liquet, pluribus tamen auctoribus  
 filium ediderim — fratrem habuerat Arruntem Tarquinium,  
 5 mitis ingenii iuvenem. his duobus, ut ante dictum est,  
 duae Tulliae, regis filiae, nupserant, et ipsae longe dis-  
 pares moribus. forte ita inciderat, ne duo violenta in-



genia matrimonio iungerentur, fortuna credo populi Romani, quo diuturnius Servi regnum esset constituique civitatis mores possent. angebatur ferox Tullia, nihil materiae 6 in viro neque ad cupiditatem neque ad audaciam esse, tota in alterum aversa Tarquinium eum mirari, eum virum dicere ac regio sanguine ortum, spernere sororem, quod, virum nacta, muliebri cessaret audacia. contrahit celeriter 7 similitudo eos, ut fere fit malum malo aptissimum; sed initium turbandi omnia a femina ortum est. ea secretis viri alieni adsuefacta sermonibus, nullis verborum contumeliis parcere, de viro ad fratrem, de sorore ad virum, et se rectius viduam et illum caelibem futurum fuisse contendere quam cum inpari iungi, ut elanguescendum aliena ignavia esset. si sibi eum, quo digna esset, dii de- 8 dissent virum, domi se prope diem visuram regnum fuisse, quod apud patrem videat. celeriter adolescentem suae temeritatis implet. Arruns. Tarquinius et Tullia [maior 9 haud multo post morbo eodem obeunt; Lucius Tarquinius et Tullia] minor prope continuatis funeribus cum domos vacuas novo matrimonio fecissent, iunguntur nuptiis, magis non prohibente Servio quam adprobante.

XXXXVII. Tum vero in dies infestior Tulli senectus, 1 infestius coepit regnum esse. iam enim ab scelere ad aliud spectare mulier scelus, nec nocte nec interdiu virum conquiescere pati, ne gratuita praeterita parricidia essent: non sibi defuisse, cui nupta diceretur nec cum quo tacita 2 serviret, defuisse, qui se regno dignum putaret, qui meminisset, se esse Prisci Tarquini filium, qui habere quam sperare regnum mallet. 'si tu is es, cui nuptam esse me 3 arbitror, et virum et regem appello, sin minus, eo nunc peius mutata res est, quod istic cum ignavia est scelus. quin accingeris? non tibi ab Corintho nec ab Tarquiniis, 4 ut patri tuo, peregrina regna moliri necesse est, di te penates patrique et patris imago et domus regia et in domo regale solium et nomen Tarquinium creat vocatque regem. aut si ad haec parum est animi, quid frustraris civitatem? 5 quid te ut regium iuvenem conspici sinis? facesse hinc Tarquinius aut Corinthum, devolvere retro ad stirpem, fratris similior quam patris.' his aliisque increpando iuve- 6

nem instigat nec conquiescere ipsa potest, si, cum Tanaquil, peregrina mulier, tantum moliri potuisset animo, ut duo continua regna viro ac deinceps genero dedisset, ipsa, regio semine orta, nullum momentum in dando adimendoque regno faceret.

7 His muliebribus instinctus furiis Tarquinius circumire et prensare minorum maxime gentium patres, admonere paterni beneficii ac pro eo gratiam repetere, adlicere donis iuvenes, cum de se ingentia pollicendo tum regis criminibus omnibus locis crescere; postremo, ut iam agenda rei tempus visum est, stipatus agmine armatorum in forum inrupit. inde omnibus percussis pavore, in regia sede pro curia sedens, patres in curiam per praeconem ad  
8 regem Tarquinium citari iussit. convenere extemplo, alii iam ante ad hoc praeparati, alii metu, ne non venisse fraudi esset, novitate ac miraculo attoniti et iam de Servio actum rati.

10 Ibi Tarquinius maledicta ab stirpe ultima orsus, servum servaque natum, post mortem indignam parentis sui, non interregno, ut antea, inito, non comitiis habitis, non per suffragium populi, non auctoribus patribus, — muliebri  
11 dono regnum occupasse. ita natum, ita creatum regem, fautorem infimi generis hominum, ex quo ipse sit, odio alienae honestatis ereptum primoribus agrum sordidissimo  
12 cuique divisisse, omnia onera, quae communia quondam fuerint, inclinasse in primores civitatis, instituisse censum, ut insignis ad invidiam locupletiorum fortuna esset et parata, unde, ubi vellet, egentissimis largiretur.

1 XXXXVIII. Huic orationi Servius cum intervenisset trepido nuntio excitatus, extemplo a vestibulo curiae magna voce ‘quid hoc,’ inquit ‘Tarquini, rei est? qua tu audacia me vivo vocare ausus es patres aut in sede con-  
2 sidere mea?’ cum ille ferociter ad haec: se patris sui tenere sedem, multo quam servum potiolem filium regis regni heredem, satis illum diu per licentiam eludentem insultasse dominis, — clamor ab utriusque fautoribus oritur et concursus populi fiebat in curiam apparebatque, re-  
3 gnaturum qui vicisset. tum Tarquinius, necessitate iam etiam ipsa cogente ultima audere, multo et aetate et viribus

validior, medium arripit Servium elatumque e curia in inferiore partem per gradus deiecit, inde ad cogendum senatum in curiam rediit. fit fuga regis apparitorum at- 4  
 que comitum; ipse prope exsanguis (cum semianimis regio comitatu domum se reciperet pervenissetque ad summum Cyprium vicum) ab iis, qui missi ab Tarquinio fugientem consecuti erant, interficitur. creditur, quia non abhorret 5  
 a cetero scelere, admonitu Tulliae id factum. carpento certe, id quod satis constat, in forum invecta nec reverita coetum virorum, evocavit virum e curia regemque prima appellavit. a quo facessere iussa ex tanto tumultu cum 6  
 se domum reciperet pervenissetque ad summum Cyprium vicum, ubi Dianium nuper fuit, flectenti carpentum dextra in Orbium clivum, ut in collem Esquiliarium eveheretur, restitit pavidus atque inhibuit frenos is qui iumenta agebat iacentemque dominae Servium trucidatum ostendit. foedum inhumanumque inde traditur scelus monumento- 7  
 que locus est: sceleratum vicum vocant, quo, amens agitantibus furiis sororis ac viri, Tullia per patris corpus carpentum egisse fertur partemque sanguinis ac caedis paternae cruento vehiculo, contaminata ipsa respersaque, tulisse ad penates suos virique sui, quibus iratis malo regni principio similes prope diem exitus sequerentur.

Servius Tullius regnavit annos quattuor et quadra- 8  
 ginta ita, ut bono etiam moderatoque succedenti regi facilis aemulatio esset. ceterum id quoque ad gloriam accessit, quod cum illo simul iusta ac legitima regna occiderunt. id ipsum tam mite ac tam moderatum impe- 9  
 rium tamen, quia unius esset, deponere eum in animo habuisse quidam auctores sunt, ni scelus intestinum liberandae patriae consilia agitati intervenisset.

**XXXVIII.** Inde L. Tarquinius regnare occepit, 1  
 cui Superbo cognomen facta indiderunt, quia socerum gener sepultura prohibuit, Romulum quoque insepultum perisse dictitans, primoresque patrum, quos Servi rebus 2  
 favisse credebat, interfecit; conscius deinde male quaerendi regni ab se ipso adversus se exemplum capi posse, armatis corpus circumsaepsit: neque enim ad ius regni quic- 3  
 quam praeter vim habebat, ut qui neque populi iussu ne-

4 que auctoribus patribus regnaret. eo accedebat, ut in  
 caritate civium nihil spei reponenti metu regnum tutan-  
 dum esset. quem ut pluribus incuteret, cognitiones capi-  
 5 talium rerum sine consiliis per se solus exercebat, perque  
 eam causam occidere, in exilium agere, bonis multare  
 poterat non suspectos modo aut invisos, sed unde nihil  
 aliud quam praedam sperare posset.

6 Praecipue ita patrum numero inminuto statuit nullos  
 in patres legere, quo contemptior paucitate ipsa ordo esset  
 7 minusque per se nihil agi indignarentur. hic enim regum  
 primus traditum a prioribus morem de omnibus senatum  
 consulendi solvit, domesticis consiliis rem publicam ad-  
 ministravit, bellum, pacem, foedera, societates per se ipse  
 cum quibus voluit iniussu populi ac senatus fecit dire-  
 mitque.

8 Latinorum sibi maxime gentem conciliabat, ut pere-  
 grinis quoque opibus tutior inter cives esset, neque hospitia  
 modo cum primoribus eorum, sed adfinitates quoque iun-  
 9 gebat. Octavio Mamilio Tusculano — is longe princeps  
 Latini nominis erat, si famae credimus, ab Vlixē deaque  
 Circa oriundus —, ei Mamilio filiam nuptum dat perque  
 eas nuptias multos sibi cognatos amicosque eius conciliat.

1 L. Iam magna Tarquini auctoritas inter Latinorum  
 procures erat, cum in diem certam ut ad lucum Ferenti-  
 nae conveniant indicit; esse quae agere de rebus com-  
 2 munibus velit. conveniunt frequentes prima luce. ipse  
 Tarquinius diem quidem servavit, sed paulo ante quam  
 sol occideret venit. multa ibi toto die in concilio variis  
 3 iactata sermonibus erant. Turnus Herdonius ab Aricia  
 ferociter in absentem Tarquinium erat invectus: haud mi-  
 rum esse, Superbo ei inditum cognomen — iam enim ita  
 clam quidem mussitantes, volgo tamen, eum appella-  
 bant —; an quicquam superbius esse quam ludificari sic  
 4 omne nomen Latinum? principibus longe a domo excitis,  
 ipsum, qui concilium indixerit, non adesse. temptari pro-  
 fecto patientiam, ut, si iugum acceperint, obnoxios premat.  
 cui enim non apparere, adfectare eum imperium in Lati-  
 5 nos? quod si sui bene crediderint cives aut si creditum  
 illud, et non raptum parricidio sit, credere et Latinos,

quamquam ne sic quidem alienigenae, debere; sin suos eius paeniteat, quippe qui alii super alios trucidentur, 6 exulatum eant, amittant bona, quid spei melioris Latinis portendi? si se audiant, domum suam quemque inde abituros neque magis observaturos diem concilii quam ipse, qui indixerit, observet.

Haec atque alia eodem pertinentia seditiosus facino- 7 rosusque homo iisque artibus opes domi nactus cum maxime dissereret, intervenit Tarquinius. is finis orationi fuit: aversi omnes ad Tarquinium salutandum, qui, si- 8 lentio facto, monitus a proxumis, ut purgaret se, quod id temporis venisset, disceptatorem ait se sumptum inter patrem et filium, cura reconciliandi eos in gratiam moratum esse et, quia ea res exemisset illum diem, postero die acturum, quae constituisset. ne id quidem ab Turno 9 tulisse tacitum ferunt; dixisse enim, nullam breviorē esse cognitionem quam inter patrem et filium paucisque transigi verbis posse: ni pareat patri, habiturum infortunium esse.

LI. Haec Aricinus in regem Romanum increpans ex 1 concilio abiit. quam rem Tarquinius aliquanto quam videbatur aegrius ferens confestim Turno necem machinatur, ut eundem terrorem, quo civium animos domi oppresserat, Latinis iniceret. et quia pro imperio palam in- 2 terfici non poterat, oblato falso crimine insontem oppressit. per adversae factionis quosdam Aricinos servum Turni auro corripit, in deversorium eius vim magnam gladio- 3 rum inferri clam sineret. ea cum una nocte perfecta essent, Tarquinius paulo ante lucem accitis ad se principibus Latinorum quasi re nova perturbatus, moram suam hesternam, velut deorum quadam providentia inlatam, ait salutē sibi atque illis fuisse. ab Turno dici sibi et primo- 4 ribus populorum parari necem, ut Latinorum solus imperium teneat. adgressurum fuisse hesterno die in concilio, dilatam rem esse, quod auctor concilii afuerit, quem maxime peteret. inde illam absentis insectationem esse 5 natam, quod morando spem destituerit. non dubitare, si vera deferantur, quin prima luce, ubi ventum in concilium sit, instructus cum coniuratorum manu armatusque venturus sit. dici gladiatorum ingentem esse numerum ad 6

eum convectum. id vanum necne sit, extemplo sciri posse.  
7 rogare eos, ut inde secum ad Turnum veniant. suspectam  
fecit rem et ingenium Turni ferox et oratio hesterna et  
mora Tarquinii, quod videbatur ob eam differri caedis  
potuisse. eunt inclinatis quidem ad credendum animis,  
tamen, nisi gladiis deprehensis, cetera vana existimaturi.

8 Ubi est eo ventum, Turnum, ex somno excitatum,  
circumsistunt custodes, comprehensisque servis, qui cari-  
tate domini vim parabant, cum gladii abditi ex omnibus  
locis deverticuli protraherentur, enimvero manifesta res  
visa iniectaeque Turno catenae, et confestim Latinorum  
9 concilium magno cum tumultu advocatur. ibi tam atrox  
invidia orta est gladiis in medio positis, ut indicta causa,  
novo genere leti deiectus ad caput aquae Ferentinae crate  
superne iniecta saxisque congestis mergeretur.

1 LII. Revocatis deinde ad concilium Latinis Tarqui-  
nius conlaudatisque, qui Turnum novantem res pro mani-  
festo parricidio merita poena adfecissent, ita verba fecit:  
2 posse quidem se vetusto iure agere, quod, cum omnes  
Latini ab Alba oriundi sint, in eo foedere teneantur, quò  
ab Tullo res omnis Albana cum coloniis suis in Romanum  
3 cesserit imperium; ceterum se utilitatis id magis omnium  
causa censere, ut renovetur id foedus secundaque potius  
fortuna populi Romani ut participes Latini fruantur, quam  
urbium excidia vastationesque agrorum, quas Anco prius,  
patre deinde suo regnante perpassi sint, semper aut ex-  
spectent aut patiantur.

4 Haut difficulter persuasum Latinis, quamquam in eo  
foedere superior Romana res erat. ceterum et capita no-  
minis Latini stare ac sentire cum rege videbant et Turnus  
sui cuique periculi, si adversatus esset, recens erat docu-  
5 mentum. ita renovatum foedus indictumque iunioribus  
Latinorum, ut ex foedere die certa ad lucum Ferentinae  
6 armati frequentes adessent. qui ubi ad edictum Romani  
regis ex omnibus populis convenere, ne ducem suum neve  
secretum imperium propriave signa haberent, miscuit  
manipulos ex Latinis Romanisque, ut ex binis singulos  
faceret binosque ex singulis, ita geminatis manipulis cen-  
turiones inposuit.



LIII. Nec, ut iniustus in pace rex, ita dux belli prae- 1  
vus fuit, quin ea arte aequasset superiores reges, ni de-  
generatum in aliis huic quoque decori offecisset. is 2  
primus Volscis bellum in ducentos amplius post suam  
aetatem annos movit Suessamque Pometiam ex his vi  
cepit.

Ubi cum divendenda praeda quadraginta talenta ar- 3  
genti refecisset, concepit animo eam amplitudinem Iovis  
templi, quae digna deum hominumque rege, quae Romano  
imperio, quae ipsius etiam loci maiestate esset. captivam  
pecuniam in aedificationem eius templi seposuit.

Excepit deinde eum lentius spe bellum, quo Gabios 4  
propinquam urbem, nequiquam vi adortus, cum obsidendi  
quoque urbem spes pulso a moenibus adempta esset,  
postremo minime arte Romana, fraude ac dolo, adgressus  
est. nam cum, velut posito bello, fundamentis templi 5  
faciendis aliisque urbanis operibus intentum se esse si-  
mularet, Sextus filius eius, qui minimus ex tribus erat,  
transfugit ex composito Gabios, patris in se saevitiam in-  
tolerabilem conquerens: iam ab alienis in suos vertisse 6  
superbiam et liberorum quoque eum frequentiae taedere,  
ut quam in curia solitudinem fecerit, domi quoque faciat,  
ne quam stirpem; ne quem heredem regni relinquat. se 7  
quidem inter tela et gladios patris elapsum nihil usquam  
sibi tutum, nisi apud hostes L. Tarquini credidisse. nam  
ne errarent, manere iis bellum, quod positum simuletur,  
et per occasionem eum incautos invasurum. quod si apud 8  
eos supplicibus locus non sit, pererraturum se omne La-  
tium, Volscosque se inde et Aequeos et Hernicos petitu-  
rum, donec ad eos perveniat, qui a patrum crudelibus  
atque impiis suppliciis tegere liberos sciant. forsitan 9  
etiam ardoris aliquid ad bellum armaque se adversus su-  
perbissimum regem ac ferocissimum populum inven-  
turum.

Cum, si nihil morarentur, infensus ira porro inde 10  
abiturus videretur, benigne ab Gabinis excipitur. vetant  
mirari, si, qualis in cives, qualis in socios, talis ad ulti-  
mum in liberos esset. in se ipsum postremo saeviturum, 11  
si alia desint. sibi vero gratum adventum eius esse fu-

turumque credere brevi, ut, illo adiuvante, a portis Gabinis sub Romana moenia bellum transferatur.

1 LIII. Inde in consilia publica adhiberi. ubi cum de aliis  
rebus adsentire se veteribus Gabinis diceret, quibus eae  
notiores essent, ipse identidem belli auctor esse et in eo  
sibi praecipuam prudentiam adsumere, quod utriusque  
populi vires nosset sciretque, invisam profecto superbiam  
regiam civibus esse, quam ferre ne liberi quidem potuis-  
2 sent. ita cum sensim ad rebellandum primores Gabino-  
rum incitaret, ipse cum promptissimis iuvenum praedatum  
atque in expeditiones iret et dictis factisque omnibus ad  
fallendum instructis vana accresceret fides, dux ad ulti-  
3 mum belli legitur. ibi cum inscia multitudine, quid age-  
retur, proelia parva inter Romam Gabiosque fierent, qui-  
bus plerumque Gabina res superior esset, tum certatim  
summi infimique Gabinorum Sex. Tarquinius dono deum  
4 sibi missum ducem credere. apud milites vero obeundo  
pericula ac labores pariter, praedam munifice largiendo,  
tanta caritate esse, ut non pater Tarquinius potentior Ro-  
mae quam filius Gabiis esset.

5 Itaque postquam satis virium collectum ad omnes co-  
natus videbat, tum ex suis unum sciscitatum Romam ad  
patrem mittit, quidnam se facere vellet, quandoquidem,  
ut omnia unus prae [aliis] Gabiis posset, ei dii dedissent.  
6 huic nuntio, quia, credo, dubiae fidei videbatur, nihil  
voce responsum est. rex velut deliberabundus in hortum  
aedium transit sequenti nuntio filii; ibi inambulans tacitus  
7 summa papaverum capita dicitur baculo decussisse. inter-  
rogando exspectandoque responsum nuntius fessus, ut re  
imperfecta, redit Gabios, quae dixerit ipse quaeque vide-  
rit, refert: seu ira seu odio seu superbia insita ingenio  
8 nullam eum vocem emisisse. Sexto ubi, quid vellet pa-  
rens quidve praeciperet tacitis ambagibus, patuit, primores  
civitatis criminando alios apud populum, alios sua ipsos  
invidia oportunos interemit. multi palam, quidam, in  
quibus minus speciosa criminatio erat futura, clam inter-  
9 fecti. patuit quibusdam volentibus fuga aut in exilium  
acti sunt absentiumque bona iuxta atque interemptorum  
10 divisui fuere. largitiones inde praedaeque, et dulcedine

privati commodi sensus malorum publicorum adimi, donec orba consilio auxilioque Gabina res regi Romano sine ulla demicatione in manum traditur.

LV. Gabiis receptis Tarquinius pacem cum Aeque- 1  
rum gente fecit, foedus cum Tuscis renovavit, inde ad  
negotia urbana animum convertit. quorum erat primum,  
ut Iovis templum in monte Tarpeio monumentum regni  
sui nominisque relinqueret: Tarquinius reges ambos, pa-  
trem vovisse, filium perfecisse. et ut libera a ceteris re- 2  
ligionibus area esset tota Iovis templique eius, quod in-  
aedificaretur, exaugurare fana sacellaque statuit, quae  
aliquot ibi a T. Tatius rege primum in ipso discrimine ad-  
versus Romulum pugnae vota, consecrata inaugurataque  
postea fuerant. inter principia condendi huius operis mo- 3  
visse numen ad indicandam tanti imperii molem traditur  
deos; nam cum omnium sacellorum exaugurationes ad-  
mitterent aves, in Termini fano non addixere. idque omen 4  
auguriumque ita acceptum est, non motam Termini sedem  
unumque eum deorum non evocatum sacratis sibi finibus  
firma stabiliaque cuncta portendere. hoc perpetuitatis au- 5  
spicio accepto, secutum aliud magnitudinem imperii por-  
tendens prodigium est: caput humanum integra facie  
aperientibus fundamenta templi dicitur apparuisse, quae 6  
visa species haut per ambages arcem eam imperii caput-  
que rerum fore portendebat, idque ita cecinere vates qui-  
que in urbe erant quosque ad eam rem consultandam ex  
Etruria acciverant. augebatur ad inpensas regis animus.  
itaque Pometinae manubiae, quae perducendo ad culmen 7  
operi destinatae erant, vix in fundamenta suppeditavere.  
eo magis Fabio, praeterquam quod antiquior est, credi- 8  
derim, quadraginta ea sola talenta fuisse, quam Pisoni,  
qui quadraginta milia pondo argenti seposita in eam rem 9  
scribit, summam pecuniae neque ex unius tum urbis  
praeda sperandam et nullius, ne horum quidem magnifi-  
centiae operum fundamenta non exsuperaturam.

LVI. Intentus perficiendo templo, fabris undique ex 1  
Etruria accitis, non pecunia solum ad id publica est usus,  
sed operis etiam ex plebe. qui cum haut parvus et ipse  
militiae adderetur labor, minus tamen plebs gravabatur,

2 se templa deum exaedificare manibus suis, quam post-  
quam et ad alia, ut specie minora, sic laboris aliquanto  
maioris, traducebantur opera, foros in circo faciendos  
cloacamque maximam, receptaculum omnium purgamen-  
torum urbis, sub terram agendam, quibus-duobus operi-  
bus vix nova haec magnificentia quicquam adaequare  
3 potuit. his laboribus exercita plebe, quia et urbi multi-  
tudinem, ubi usus non esset, oneri rebatur esse, et colo-  
nis mittendis occupari latius imperii fines volebat, Signiam  
Circeiosque colonos misit, praesidia urbi futura terra ma-  
rique.

4 Haec agenti portentum terribile visum: anguis ex  
columna lignea elapsus cum terrorem fugamque in regia  
fecisset, ipsius regis non tam subito pavore perculit pectus  
5 quam anxiiis inplevit curis. itaque cum ad publica pro-  
digia Etrusci tantum vates adhiberentur, hoc velut domes-  
tico exterritus visu Delphos ad maxime inclitum in terris  
6 oraculum mittere statuit. neque responsa sortium ulli alii  
committere ausus, duos filios per ignotas ea tempestate  
7 terras, ignotiora maria, in Graeciam misit. Titus et Ar-  
runs profecti.

Comes iis additus L. Iunius Brutus, Tarquinia, so-  
rore regis, natus, iuvenis longe alius ingenio, quam cuius  
simulationem induerat. is cum primores civitatis, in qui-  
bus fratrem suum ab avunculo interfectum audisset, neque  
in animo suo quicquam regi timendum neque in fortuna  
concupiscendum relinquere statuit contemptuque tutus esse,  
8 ubi in iure parum praesidii esset. ergo ex industria factus  
ad imitationem stultitiae cum se suaque praedae esse regi  
sineret, Bruti quoque haut abnuvit cognomen, ut sub eius  
obtentu cognominis liberator ille populi Romani animus  
9 latens opperiretur tempora sua. is tum ab Tarquiniis  
ductus Delphos, ludibrium verius quam comes, aureum  
baculum inclusum corneo cavato ad id baculo tulisse  
donum Apollini dicitur, per ambages effigiem ingenii sui.  
10 Quo postquam ventum est, perfectis patris mandatis,  
cupido incessit animos iuvenum sciscitandi, ad quem  
eorum regnum Romanum esset venturum. ex infimo specu  
vocem redditam ferunt: 'imperium summum Romae habe-

bit, qui vestrum primus, o iuvenes, osculum matri tulerit.' Tarquinius Sextus, qui Romae relictus fuerat, ut ignarus 11 responsi expersque imperii esset, rem summa ope taceri iubent, ipsi inter se, uter prior, cum Romam redisset, matri osculum daret, sorti permittunt. Brutus alio ratus 12 spectare Pythicam vocem, velut si prolapsus cecidisset, terram osculo contigit, scilicet quod ea communis mater omnium mortalium esset. reditum inde Romam, ubi ad- 13 versus Rutulos bellum summa vi parabatur.

LVII. Ardeam Rutuli habebant, gens, ut in ea re- 1 gione atque in ea aetate, divitiis praepollens. eaque ipsa causa belli fuit, quod rex Romanus cum ipse ditari exhaustus magnificentia publicorum operum, tum praeda delenire popularium animos studebat, praeter aliam super- 2 biam regno infestos etiam, quod se in fabrorum ministerio ac servili tam diu habitos opere ab rege indignabantur. temptata res est, si primo impetu capi Ardea posset. ubi id 3 parum processit, obsidione munitionibusque coepti premi hostes. in stativis, ut fit longo magis quam acri bello, 4 satis liberi commeatus erant, primoribus tamen magis quam militibus; regii quidem iuvenes interdum otium 5 conviviiis comisationibusque inter se terebant.

Forte potantibus his apud Sex. Tarquinium, ubi et 6 Collatinus cenabat Tarquinius, Egerii filius, incidit de uxoribus mentio; suam quisque laudare miris modis. inde 7 certamine accenso Collatinus negat verbis opus esse, paucis id quidem horis posse sciri, quantum ceteris praestet Lucretia sua. 'quin, si vigor iuventae inest; conscendimus equos invisimusque praesentes nostrarum ingenia? id cuique spectatissimum sit, quod necopinato viri adventu occurrerit oculis.' incaluerant vino. 'age sane!' omnes.

Citatis equis avolant Romam. quo cum primis se 8 intendentibus tenebris pervenissent, pergunt inde Collatiam, ubi Lucretiam hautquaquam ut regias nurus, quas 9 in convivio luxuque cum aequalibus viderant tempus terentes, sed nocte sera deditam lanae inter lucubrantes ancillas in medio aedium sedentem inveniunt. muliebris 10 certaminis laus penes Lucretiam fuit; adveniens vir Tar-

quiniique excepti benigne, victor maritus comiter invitat  
regios iuvenes. ibi Sex. Tarquinius mala libido Lucre-  
tiae per vim stuprandae capit; cum forma tum spectata  
11 castitas incitat. et tum quidem ab nocturno iuvenali ludo  
in castra redeunt.

1 LVIII. Paucis interiectis diebus Sex. Tarquinius in-  
2 scio Collatino cum comite uno Collatiam venit. ubi  
exceptus benigne ab ignaris consilii cum post cenam in  
hospitale cubiculum deductus esset, amore ardens, post-  
quam satis tuta circa sopitque omnes videbantur, stricto  
gladio ad dormientem Lucretiam venit, sinistraque manu  
mulieris pectore oppresso 'tace Lucretia,' inquit 'Sex.  
Tarquinius sum; ferrum in manu est, moriere, si emiseris  
3 vocem.' cum pavida ex somno mulier nullam opem, prope  
mortem imminem videret, tum Tarquinius fateri amo-  
rem, orare, miscere precibus minas, versare in omnes  
4 partes muliebrem animum. ubi obstinatum videbat et ne  
mortis quidem metu inclinari, addit ad metum dedecus:  
cum mortua iugulatum servum nudum positurum ait, ut  
5 in sordido adulterio necata dicatur. quo terrore cum vi-  
cisset obstinatum pudicitiam (velut victrix) libido profectus-  
que inde Tarquinius ferox expugnato decore muliebri esset,  
Lucretia maesta tanto malo nuntium Romam eundem ad  
patrem Ardeamque ad virum mittit, ut cum singulis fide-  
libus amicis veniant: ita facto maturatoque opus esse, rem  
atrocem incidisse.

6 Spurius Lucretius cum P. Valerio, Volesi filio, Colla-  
tinus cum L. Iunio Bruto venit, cum quo forte Romam  
rediens ab nuntio uxoris erat conventus. Lucretiam  
7 sedentem maestam in cubiculo inveniunt; adventu suo-  
rum lacrimae obortae, quaerentique viro 'satin salve?'  
'minime.' inquit 'quid enim salvi est mulieri amissa  
pudicitia? vestigia viri alieni, Collatine, in lecto sunt  
tuo. ceterum corpus est tantum violatum, animus in-  
sons: mors testis erit. sed date dextras fidemque, haud  
8 impune adultero fore. Sex. est Tarquinius, qui, hostis  
pro hospite, priore nocte vi armatus mihi sibique, si  
9 vos viri estis, pestiferum hinc abstulit gaudium.' dant  
ordine omnes fidem, consolantur aegram animi aver-



tendo noxam ab coacta in auctorem delicti: mentem peccare, non corpus, et, unde consilium afuerit, culpam abesse. 'vos' inquit 'videritis, quid illi debeatur; ego me 10 etsi peccato absolvo, supplicio non libero nec ulla deinde inpudica Lucretiae exemplo vivet.' cultrum, quem sub 11 veste abditum habebat, eum in corde defigit prolapsaque 12 in vulnus moribunda cecidit. conclamat vir paterque.

LVIII. Brutus illis luctu occupatis cultrum ex vol- 1 nere Lucretiae extractum manantem cruore prae se tenens 'per hunc' inquit 'castissimum ante regiam iniuriam sanguinem iuro vosque, dii, testes facio, me L. Tarquinius Superbum cum scelerata coniuge et omni liberorum stirpe ferro, igni, quacumque dehinc vi possim, exacturum, nec illos nec alium quemquam regnare Romae passurum.' cul- 2 trum deinde Collatino tradit, inde Lucretio ac Valerio, stupentibus miraculo rei, unde novum in Bruti pectore ingenium. ut praeceptum erat, iurant totique ab luctu versi in iram Brutum, iam inde ad expugnandum regnum vocantem, secuntur ducem. elatum domo Lucretiae corpus in 3 forum deferunt concientque miraculo, ut fit, rei novae atque indignitate homines. pro se quisque scelus regium ac vim queruntur, movet cum patris maestitia tum Brutus 4 castigator lacrimarum atque inertium querellarum auctorque, quod viros, quod Romanos deceret, arma capiendi adversus hostilia ausos. ferocissimus quisque iuvenum 5 cum 'armis voluntarius adest, sequitur et cetera iuventus. inde pari praesidio relicto Collatiae ad portas custodibusque datis, ne quis eum motum regibus nuntiaret, ceteri armati, duce Bruto, Romam profecti. ubi eo ventum est, 6 quacumque incedit armata multitudo, pavorem ac tumultum facit. rursus ubi anteire primores civitatis vident, quidquid sit, haud temere esse rentur. nec minorem mo- 7 tum animorum Romae tam atrox res facit, quam Collatiae fecerat. ergo ex omnibus locis urbis in forum curritur. quo simul ventum est, praeco ad tribunum Celerum, in quo tum magistratu forte Brutus erat, populum advocavit. ibi 8 oratio habita nequaquam eius pectoris ingeniique, quod simulatum ad eam diem fuerat, de vi ac libidine Sex. Tarquini, de stupro infando Lucretiae et miserabili caede, de

orbitate Tricipitini, cui morte filiae causa mortis indignior  
9 ac miserabilior esset. addita superbia ipsius regis miseriaeque et labores plebis in fossas cloacasque exhauriendas demersae: Romanos homines, victores omnium circa populorum, opifices ac lapicidas pro bellatoribus factos.  
10 indigna Servi Tulli regis memorata caedis et invecta corpore patris nefando vehiculo filia, invocatique ultores parentum dii. his atrocioribusque credo aliis, quae praesens rerum indignitas haudquaquam relatu scriptoribus facilia subicit, memoratis incensam multitudinem perpulit, ut imperium regi abrogaret exulesque esse iuberet L. Tarquinius cum coniuge ac liberis. ipse iunioribus, qui ultro nomina dabant, lectis armatisque ad concitandum inde adversus regem exercitum Ardeam in castra est profectus; imperium in urbe Lucretio, praefecto urbis iam ante ab  
13 rege instituto, relinquit. inter hunc tumultum Tullia domo profugit exsecrantibus quacumque incedebat invocantibusque parentum furias viris mulieribusque.

1 LX. Harum rerum nuntiis in castra perlatis, cum re nova trepidus rex pergeret Romam ad comprimendos motus, flexit viam Brutus — senserat enim adventum —, ne obvius fieret; eodemque fere tempore diversis itineribus  
2 Brutus Ardeam, Tarquinius Romam venerunt. Tarquinio clausae portae exiliumque indictum, liberatorem urbis laeta castra accipere, exactique inde liberi regis: duo patrem secuti sunt, qui exulatum Caere in Etruscos ierunt; Sextus Tarquinius Gabios, tamquam in suum regnum, profectus, ab ultoribus veterum simultatium, quas sibi ipse caedibus rapinisque concierat, est interfectus.

3 L. Tarquinius Superbus regnavit annos quinque et viginti. regnatum Romae ab condita urbe ad liberatam  
4 annos ducentos quadraginta quattuor. duo consules inde comitiis centuriatis a praefecto urbis ex commentariis Servi Tulli creati sunt, L. Iunius Brutus et L. Tarquinius Collatinus.

---

## [PERIOCHA LIBRI II.]

[Brutus iure iurando populum astrinxit neminem Romae regnare passurum. Tarquinium collegam suum propter adfinitatem Tarquiniorum suspectum coegit consulatu se abdicare et civitate cedere. bona regum diripi iussit, agrum Marti consecravit, qui campus Martius nominatus est. adulescentes nobiles, in quibus suos quoque et fratris filios, quia coniuraverant de recipiendis regibus, securi percussit. servo indici, cui Vindicio nomen fuit, libertatem dedit; ex cuius nomine vindicta appellata. cum adversus reges, qui contractis Veientum et Tarquiniensium copiis bellum intulerant, exercitum duxisset, in acie cum Arrunte filio Superbi commortuus est, eumque matronae anno luxerunt. L. Valerius consul legem de provocatione ad populum tulit. Capitolium dedicatum est. Porsenna Clusinorum rex bello pro Tarquiniis suscepto cum ad Ianiculum venisset, ne Tiberim transiret virtute Coclitis Horati prohibitus est, qui, dum alii pontem sublicium rescindunt, solus Etruscos sustinuit, et ponte rupto armatus in flumen se misit et ad suos transnavit. accessit alterum virtutis exemplum a Mucio, qui cum ad feriendum Porsennam castra hostium intrasset, occiso scriba, quem regem esse existimaverat, comprehensus impositam manum altaribus, in quibus sacrificatum erat, exuri passus est dixitque, tales trecentos esse. quorum admiratione coactus Porsenna pacis condiciones ferre bellum omisit acceptis obsidibus. ex quibus virgo una Cloelia deceptis custodibus per Tiberim ad suos transnavit et, cum reddita esset, a Porsenna honorifice remissa equestri statua donata est. adversus Tarquinium Superbum cum Latinorum exercitu bellum inferentem Aulus Postumius dictator prospere pugnavit. Ap. Claudius ex Sabinis Romam transfugit: ob hoc Claudia tribus adiecta est. numerus tribuum ampliatus est, ut essent viginti una. plebs cum propter nexos ob aes alienum in sacrum montem secessisset, consilio Meneni Agrippae a seditione revocata est. idem Agrippa cum decessisset, propter paupertatem publico impendio elatus est. tribuni plebis quinque creati sunt. oppidum Vulscorum Ccrioli captum est virtute et opera Cn. Marci, qui ob hoc Coriolanus vocatus est. T. Latinius, vir de plebe, cum in visu admonitus, ut de quibusdam religionibus ad senatum perferret, id neglexisset, amisso filio debilis factus postquam delatus ad senatum lectica eadem illa indicaverat, usu pedum recepto domum reversus est. cum Cn. Marcius Coriolanus, qui in exilium erat pulsus, dux Vulscorum factus exercitum hostium urbi admovisset, et missi ad eum primum legati, postea sacerdotes frustra deprecati essent, ne bellum patriae inferret, Veturia mater et Volumnia uxor impetraverunt ab eo, ut recederet. lex agraria primum lata est. Spurius Cassius consularis regni crimine damnatus est necatusque. Opillia virgo Vestalis ob incestum viva defossa est. cum vicini Veientes

incommodi magis quam graves essent, familia Fabiorum id bellum gerendi \* depoposcit misitque in id trecentos sex armatos, qui ad Cremeram praeter unum ab hostibus caesi sunt. Appius Claudius consul, cum adversus Vulscos contumacia exercitus male pugnatum esset, decimum quemque militum fuste percussit. res praeterea adversus Vulscos et Hernicos et Veientes, et seditiones inter patres plebemque continet.]

## TITI LIVI

### AB VRBE CONDITA

#### LIBER II.

1 I. Liberi iam hinc populi Romani res pace belloque  
gestas, annuos magistratus imperiaque legum potentiora  
2 quam hominum peragam. quae libertas ut laetior esset,  
proximi regis superbia fecerat. nam priores ita regnarunt,  
ut haut inmerito omnes deinceps conditores partium certe  
3 urbis, quas novas ipsi sedes ab se auctae multitudinis ad-  
diderunt, numerentur. neque ambigitur, quin Brutus idem,  
qui tantum gloriae Superbo exacto rege meruit, pessimo  
publico id facturum fuerit, si libertatis inmaturae cupidine  
4 priorum regum alicui regnum extorsisset. quid enim futu-  
rum fuit, si illa pastorum convenarumque plebs, transfuga  
ex suis populis, sub tutela inviolati templi aut libertatem  
aut certe impunitatem adepta, soluta regio metu, agitari  
5 coepta esset tribuniciis procellis et in aliena urbe cum pa-  
tribus serere certamina, priusquam pignera coniugum ac  
liberorum caritasque ipsius soli, cui longo tempore ad-  
6 suescitur, animos eorum consociasset? dissipatae res non-  
dum adultae discordia forent, quas fovit tranquilla mode-  
ratio imperii eoque nutriendo perduxit, ut bonam frugem  
libertatis maturis iam viribus ferre posset.

7 Libertatis autem originem inde magis, quia annum  
imperium consulare factum est, quam quod deminutum  
8 quicquam sit ex regia potestate, numeres. omnia iura, om-  
nia insignia primi consules tenuere: id modo cautum est,  
ne, si ambo fasces haberent, duplicatus terror videretur.  
Brutus prior concedente collega fasces habuit, qui non  
acrior vindex libertatis fuerat, quam deinde custos fuit.

omnium primum avidum novae libertatis populum, ne post- 9  
modum flecti precibus aut donis regiis posset, iure iurando  
adegit, neminem Romae passuros regnare; deinde, quo plus 10  
virium in senatu frequentia etiam ordinis faceret, caedibus  
regis deminutum patrum numerum primoribus equestribus  
gradus lectis ad trecentorum summam explevit. traditum- 11  
que inde fertur, ut in senatum vocarentur qui patres qui-  
que conscripti essent; conscriptos videlicet novum [in] sena-  
tum appellabant lectos. id mirum quantum profuit ad con-  
cordiam civitatis iungendosque patribus plebis animos.

II. Rerum deinde divinarum habita cura; et quia quae- 1  
dam publica sacra per ipsos reges factitata erant, ne ubiubi  
regum desiderium esset, regem sacrificulum creant. id sa- 2  
cerdotium pontifici subiecere, ne additus nomini honos ali-  
quid libertati, cuius tunc prima erat cura, officeret. ac  
nescio, an nimis undique eam minimisque rebus muniendo  
modum excesserint. consulis enim alterius, cum nihil aliud 3  
offenderit, nomen invisum civitati fuit: nimium Tarquinius  
regno adsuesse. initium a Prisco factum. regnasse dein  
Ser. Tullium. ne intervallo quidem facto oblitum, tamquam  
alieni, regni Superbum Tarquinium velut hereditatem gen-  
tis scelere ac vi repetisse; pulso Superbo penes Collatinum  
imperium esse. nescire Tarquinius privatos vivere. non  
placere nomen, periculosum libertati esse.

Hinc primo sensim temptantium animos sermo per to- 4  
tam civitatem est datus, sollicitamque suspicione plebem  
Brutus ad contionem vocat. ibi omnium primum ius iu- 5  
randum populi recitat, neminem regnare passuros nec esse  
Romae, unde periculum libertati foret. id summa ope tuen-  
dum esse neque ullam rem, quae eo pertineat, contemnen-  
dam. invitum se dicere hominis causa nec dicturum fuisse,  
ni caritas rei publicae vinceret. non credere populum Ro- 6  
manum, solidam libertatem reciperatam esse. regium ge-  
nus, regium nomen non solum in civitate, sed etiam in  
imperio esse; id officere, id obstare libertati. 'hunc tu' 7  
inquit 'tua voluntate, L. Tarquini, remove metum. memi-  
nimus, fatemur, eiecisti reges; absolve beneficium tuum,  
aufer hinc regium nomen. res tuas tibi non solum red-  
dent cives tui auctore me, sed, si quid deest, munifice

augebunt. amicus abi, exonera civitatem vano forsitan metu. ita persuasum est animis, cum gente Tarquinia regnum hinc abiturum.'

8 Consuli primo tam novae rei ac subitae admiratio  
incluserat vocem. dicere deinde incipientem primores ci-  
9 vitatis circumsistunt, eadem multis precibus orant. et ce-  
teri quidem movebant minus: postquam Spurius Lucre-  
tius, maior aetate ac dignitate, socer praeterea ipsius,  
agere varie rogando alternis suadendoque coepit, ut vinci  
10 se consensu civitatis pateretur, timens consul, ne post-  
modum privato sibi eadem illa cum bonorum amissione  
additaque alia insuper ignominia acciderent, abdicavit se  
consulatu, rebusque suis omnibus Lavinium translatis  
11 civitate cessit. Brutus ex senatus consulto ad populum  
tulit, ut omnes Tarquiniae gentis exules essent, collegam  
sibi comitiis centuriatis creavit P. Valerium, quo adiutore  
reges eiecerat.

1 III. Cum haud cuiquam in dubio esset, bellum ab  
Tarquiniis imminere, id quidem spe omnium serius fuit.  
ceterum, id quod non timebant, per dolum ac proditionem  
prope libertas amissa est.

2 Erant in Romana iuventute adulescentes aliquot nec  
ii tenui loco orti, quorum in regno libido solutior fuerat,  
aequales sodalesque adulescentium Tarquiniolorum, adsueti  
3 more regio vivere. eam tum, aequato iure omnium, li-  
centiam quaerentes, libertatem aliorum in suam vertisse  
servitutem, inter se conquerebantur: regem hominem esse,  
a quo inpetres, ubi ius, ubi iniuria opus sit, esse gratiae  
locum, esse beneficio, et irasci et ignoscere posse, inter  
4 amicum atque inimicum discrimen nosse; leges rem sur-  
dam, inexorabilem esse, salubriorem melioremque inopi  
quam potenti, nihil laxamenti nec veniae habere, si mo-  
dum excesseris; periculosum esse in tot humanis errori-  
bus sola innocentia vivere.

5 Ita iam sua sponte aegris animis legati ab regibus  
superveniunt, sine mentione reditus bona tantum repeten-  
tes. eorum verba postquam in senatu audita sunt, per  
aliquot dies ea consultatio tenuit, ne non reddita belli  
6 causa, reddita belli materia et adiumentum essent. in-



terim legati alia moliri, aperte bona repetentes, clam recuperandi regni consilia struere; et tamquam ad id, quod agi videbatur, ambientes, nobilium adolescentium animos pertemptant: a quibus placide oratio accepta est, iis litteras ab Tarquiniis reddunt et de accipiendis clam nocte in urbem regibus conlocuntur.

III. Vitelliis Aquiliisque fratribus primo commissa res est. Vitelliorum soror consuli nupta Bruto erat iamque ex eo matrimonio adulescentes erant liberi, Titus Tiberiusque. eos quoque in societatem consilii avunculi adsumunt. praeterea aliquot nobiles adulescentes conscii adsumpti, quorum vetustate memoria abiit.

Interim cum in senatu vicisset sententia, quae censebat reddenda bona, eamque ipsam causam morae in urbe haberent legati, quod spatium ad vehicula comparanda a consulibus sumpsissent, quibus regum asportarent res, omne id tempus cum coniuratis consultando absumunt evincuntque instando, ut litterae sibi ad Tarquinius darentur: nam aliter qui credituros eos, non vana ab legatis super rebus tantis adferri?

Datae litterae, ut pignus fidei essent, manifestum facinus fecerunt. nam cum pridie quam legati ad Tarquinius proficiscerentur, et cenatum forte apud Vitellios esset coniuratique ibi, remotis arbitris, multa inter se de novo, ut fit, consilio egissent, sermonem eorum ex servis unus excepit, qui iam antea id senserat agi, sed eam occasionem, ut litterae legatis darentur, quae deprehensae rem coarguere possent, exspectabat. postquam datas sensit, rem ad consules detulit. consules ad deprehendendos legatos coniuratosque profecti domo, sine tumultu rem omnem oppressere, litterarum in primis habita cura, ne interciderent. proditoribus extemplo in vincla coniectis de legatis paululum addubitatum est, et quamquam visi sunt commisisse, ut hostium loco essent, ius tamen gentium valuit.

V. De bonis regis, quae reddi ante censuerant, res integra refertur ad patres. ibi victi ira vetuere reddi, vetuere in publicum redigi; diripienda plebi sunt data, ut contacta regia praeda spem in perpetuum cum iis pacis

amitteret. ager Tarquiniorum, qui inter urbem ac Tiberim fuit, consecratus Marti Martius deinde campus fuit.

3 Forte ibi tum seges farris dicitur fuisse matura messi. quem campi fructum quia religiosum erat consumere, de-  
sectam cum stramento segetem magna vis hominum simul  
inmissa corbibus fudere in Tiberim tenui fluentem aqua,  
ut mediis caloribus solet. ita in vadis haesitantis frumenti  
4 acervos sedisse inlitos limo, insulam inde paulatim et aliis,  
quae fert temere flumen, eodem invectis factam. postea  
credo additas moles manuque adiutum, ut tam eminens  
area firmaque templis quoque ac porticibus sustinendis  
esset.

5 Direptis bonis regum damnati proditores sumptumque  
supplicium, conspectus eo, quod poenae capiendae mini-  
sterium patri de liberis consulatus inposuit et, qui spe-  
ctator erat amovendus, eum ipsum fortuna exactorem  
6 supplicii dedit. stabant deligati ad palum nobilissimi iu-  
venes; sed a ceteris, velut ab ignotis capitibus, consulis  
liberi omnium in se averterant oculos miserebatque non  
poenae magis homines quam sceleris, quo poenam meriti  
7 essent: illos eo potissimum anno patriam liberatam, pa-  
trem liberatorem, consulatum ortum ex domo Iunia, pa-  
tres, plebem, quidquid deorum hominumque Romanorum  
esset, induxisse in animum, ut superbo quondam regi,  
8 tum infesto exuli proderent. consules in sedem proces-  
sere suam, missique lictores ad sumendum supplicium.  
nudatos virgis caedunt securique feriunt, cum inter omne  
tempus pater vultusque et os eius spectaculo esset, emi-  
nente animo patrio inter publicae poenae ministerium.

9 Secundum poenam nocentium, ut in utramque partem  
arcendis sceleribus exemplum nobile esset, praemium in-  
dici pecunia ex aerario libertas et civitas data. ille pri-  
10 mum dicitur vindicta liberatus. quidam vindictae quoque  
nomen tractum ab illo putant, Vindicio ipsi nomen fuisse.  
post illum observatum, ut qui ita liberati essent, in civi-  
tatem accepti viderentur.

1 VI. His sicut acta erant nuntiatis, incensus Tarqui-  
nius non dolore solum tantae ad inritum cadentis spei,  
sed etiam odio iraque, postquam dolo viam obsaeptam

vidit, bellum aperte moliendum ratus, circumire supplex Etruriae urbes, orare maxime Veientes Tarquiniensesque, 2 ne se ortum, eiusdem sanguinis, extorrem, egentem ex tanto modo regno cum liberis adulescentibus ante oculos suos perire sinerent. alios peregre in regnum Romam accitos, se regem, augmentem bello Romanum imperium, a proximis scelerata coniuratione pulsum. eos inter se, quia 3 nemo unus satis dignus regno visus sit, partes regni rapuisse, bona sua diripienda populo dedisse, ne quis expers sceleris esset. patriam se regnumque suum repetere et persequi ingratos cives velle; ferrent opem, adiuvent, suas quoque veteres iniurias ultum irent, totiens caesas legiones, agrum ademptum. haec moverunt Veientes ac 4 pro se quisque, Romano saltem duce, ignominias demendas belloque amissa repetenda minaciter fremunt. Tarquinienses nomen ac cognatio movet; pulchrum videbatur suos Romae regnare. ita duo duarum civitatum exerci- 5 tus ad repetendum regnum belloque persequendos Romanos secuti Tarquinium.

Postquam in agrum Romanum ventum est, obviam hosti consules eunt: Valerius quadrato agmine peditem 6 ducit; Brutus ad explorandum cum equitatu antecessit. eodem modo primus eques hostium agminis fuit, praecerat Arruns Tarquinius, filius regis; rex ipse cum legionibus sequebatur. Arruns ubi ex lictoribus procul consulem 7 esse, deinde iam propius ac certius facie quoque Brutum cognovit, inflammatus ira 'ille est vir,' inquit 'qui nos extorres expulit patria. ipse en ille nostris decoratus insignibus magnifice incedit. di regum ultores adeste.' con- 8 citat calcaribus equum atque in ipsum infestus consulem dirigit. sensit in se iri Brutus. decorum erat tum ipsis capessere pugnam ducibus, avide itaque se certamini offert, adeoque infestis animis concurrerunt, neuter, dum 9 hostem vulneraret, sui protegendī corporis memor, ut contrario ictu propter parmam uterque transfixus, duabus haerentes hastis moribundi ex equis lapsi sint. simul et cetera equestris pugna coepit, neque ita multo post et pe- 10 dites superveniunt. ibi varia victoria et velut aequo Marte pugnatum est; dextra utrimque cornua vicere, laeva

11 superata. Veientes, vinci ab Romano milite adsueti, fusi  
fugatique, Tarquiniensis novus hostis non stetit solum,  
sed etiam ab sua parte Romanum pepulit.

1 VII. Ita cum pugnatum esset, tantus terror Tarqui-  
nium atque Etruscos incessit, ut, omissa inrita re, nocte  
ambo exercitus, Veiens Tarquiniensisque, suas quisque  
2 abirent domos. adiciunt miracula huic pugnae: silentio  
proximae noctis ex silva Arsia ingentem editam vocem  
— Silvani vocem eam creditam —, haec dicta: uno plus  
3 Tuscorum cecidisse in acie, vincere bello Romanum. ita  
certe inde abiire Romani ut victores, Etrusci pro victis.  
nam postquam inluxit nec quisquam hostium in conspectu  
erat, P. Valerius consul spolia legit triumphansque inde  
4 Romam rediit. collegae funus quanto tum potuit appa-  
ratu fecit, sed multo maius morti decus publica fuit mae-  
stitia, eo ante omnia insignis, quia matronae annum ut  
parentem eum luxerunt, quod tam acer ultor violatae pu-  
dicitiae fuisset.

5 Consuli deinde, qui superfuerat, ut sunt mutabiles  
volgi animi, ex favore non invidia modo, sed suspicio  
6 etiam cum atroci crimine orta. regnum eum adfectare  
fama ferebat, quia nec collegam subrogaverat in locum  
Bruti et aedificabat in summa Velia: alto atque munito  
7 loco arcem inexpugnabilem fieri (fore). haec dicta vulgo  
creditaque cum indignitate angerent consulis animum, vo-  
cato ad concilium populo, summissis fascibus in contionem  
escendit. gratum id multitudini spectaculum fuit, sub-  
missa sibi esse imperii insignia confessionemque factam,  
populi quam consulis maiestatem vimque maiorem esse.  
8 ibi audire iussis consul laudare fortunam collegae, quod,  
liberata patria in summo honore pro re publica dimicans,  
matura gloria necdum se vertente in invidiam, mortem  
occubuisset. se superstitem gloriae suae ad crimen atque  
invidiam superesse, ex liberatore patriae ad Aquilios se  
9 Vitelliosque recidisse. ‘numquamne ergo’ inquit ‘ulla  
adeo a vobis spectata virtus erit, ut suspicione vio-  
lari nequeat? ego me, illum acerrimum regum hostem,  
10 ipsum cupiditatis regni crimen subiturum timerem? ego  
si in ipsa arce Capitolioque habitarem, metui me crederem

posse a civibus meis? tam levi momento mea apud vos fama pendet? adeone est fundata leviter fides, ut, ubi sim, quam qui sim, magis referat? non obstabunt Publi Valeri 11 aedes libertati vestrae, Quirites, tuta erit vobis Velia: deferam non in planum modo aedes, sed colli etiam subiciam, ut vos supra suspectum me civem habitetis. in Velia aedificent, quibus melius quam P. Valerio creditur libertas.' delata confestim materia omnis infra Veliam 12 et, ubi nunc Vicae Potae est, domus in infimo clivo aedificata.

VIII. Latae deinde leges, non solum quae regni suspi- 1 cione consulem absolverent, sed quae adeo in contrarium verterent, ut popularem etiam facerent. inde cognomen 2 factum Publicolae est. ante omnes de provocatione adversus magistratus ad populum sacrandoque cum bonis capite eius, qui regni occupandi consilia inisset, gratae in vulgus leges fuere. quas cum solus pertulisset, ut sua 3 unius in his gratia esset, tum deinde comitia collegae subrogando habuit. creatus Sp. Lucretius consul, qui magno 4 natu, non sufficientibus iam viribus ad consularia munera obeunda, intra paucos dies moritur.

Suffectus in Lucreti locum M. Horatius Pulvillus. apud 5 quosdam veteres auctores non invenio Lucretium consulem, Bruto statim Horatium suggerunt; credo, quia nulla gesta res insignem fecerit consulatum, memoria intercidisse.

Nondum dedicata erat in Capitolio Iovis aedes, Va- 6 lerius Horatiusque consules sortiti, uter dedicaret; Horatio sorte evenit, Publicola ad Veientium bellum profectus. aegrius, quam dignum erat, tulere Valerii neces- 7 sarii, dedicationem tam incliti templi Horatio dari. id omnibus modis impedire conati, postquam alia frustra temptata erant, postem iam tenenti consuli foedum interpretationem deum nuntium incutiunt, mortuum eius filium esse funestaque familia dedicare eum templum non posse. non crediderit factum an tantum animo roboris fuerit, nec 8 traditur certum nec interpretatio est facilis. nihil aliud ad eum nuntium a proposito aversus, quam ut cadaver efferri iuberet, tenens postem precationem peragit et dedicat templum.

9 Haec post exactos reges domi militiaeque gesta primo  
anno. inde P. Valerius iterum, T. Lucretius consules  
facti.

1 VIII. Iam Tarquini ad Lartem Porsinam, Clusinum  
regem, perfugerant. ibi miscendo consilium precesque  
2 nunc orabant, ne se, oriundos ex Etruscis, eiusdem san-  
guinis nominisque, egentes exulare pateretur, nunc mone-  
bant etiam, ne orientem morem pellendi reges inultum  
3 sineret. satis libertatem ipsam habere dulcedinis. nisi  
quanta vi civitates eam expetant, tanta regna reges de-  
fendant, aequari summa infimis, nihil excelsum, nihil quod  
4 supra cetera emineat in civitatibus fore, adesse finem reg-  
nis, rei inter deos hominesque pulcherrimae. Porsina,  
cum regem esse Romae, tum Etruscae gentis regem, am-  
5 plum Tuscis ratus, Romam infesto exercitu venit. non um-  
quam alias ante tantus terror senatum invasit, adeo valida  
res tum Clusina erat magnumque Porsinae nomen. nec  
hostes modo timebant, sed suosmet ipsi cives, ne Romana  
plebs, metu perculsa, receptis in urbem regibus vel cum  
servitute pacem acciperet.

6 Multa igitur blandimenta plebi per id tempus ab senatu  
data. annonae in primis habita cura et ad frumentum con-  
parandum missi alii in Volscos, alii Cumas. salis quoque  
vendendi arbitrium, quia inpenso pretio venibat, in publi-  
cum omni sumpto ademptum privatis, portoriisque et tri-  
buto plebe liberata, ut divites conferrent, qui oneri ferendo  
7 essent: pauperes satis stipendii pendere, si liberos edu-  
cerent. itaque haec indulgentia patrum asperis postmodum  
rebus in obsidione ac fame adeo concordem civitatem te-  
nuit, ut regium nomen non summi magis quam infimi hor-  
8 rerent nec quisquam unus malis artibus postea tam popularis  
esset quam tum bene imperando universus senatus fuit.

1 X. Cum hostes adessent, pro se quisque in urbem ex  
agris demigrant, urbem ipsam saepiunt praesidiis. alia  
2 muris, alia Tiberi obiecto videbantur tuta. pons sublicius  
iter paene hostibus dedit, ni unus vir fuisset Horatius Co-  
cles; id munimentum illo die fortuna urbis Romanae ha-  
3 buit. qui positus forte in statione pontis, cum captum  
repentino impetu Ianiculum atque inde citatos decurrere



hostes vidisset trepidamque turbam suorum arma ordines-  
que relinquere, reprehensans singulos, obsistens obtestans-  
que deum et hominum fidem testabatur, nequiquam de- 4  
serto praesidio eos fugere; si transitum pontem a tergo  
reliquissent, iam plus hostium in Palatio Capitolioque  
quam in Ianiculo fore. itaque monere, praedicere, ut pon-  
tem ferro, igni, quacumque vi possint, interrumpant; se  
impetum hostium, quantum corpore uno posset obsisti,  
excepturum. vadit inde in primum aditum pontis insignis- 5  
que inter conspecta cedentium pugnae terga, obversis com-  
minus ad ineundum proelium armis, ipso miraculo auda-  
ciae obstupescit hostis. duos tamen cum eo pudor te- 6  
nuit, Sp. Larcium ac T. Herminium, ambos claros genere  
factisque. cum his primam periculi procellam et quod tu- 7  
multuosissimum pugnae erat parumper sustinuit. deinde  
eos quoque ipsos, exigua parte pontis relictâ, revocanti-  
bus qui rescindebant, cedere in tutum coegit. circumfe- 8  
rens inde trucidis minaciter oculos ad proceres Etruscorum,  
nunc singulos provocare, nunc increpare omnes, servitia  
regum superbiorum, suae libertatis inmemores alienam  
oppugnatum venire. cunctati aliquamdiu sunt, dum alius 9  
alium, ut proelium incipiant, circumspectant. pudor deinde  
commovit aciem et clamore sublato undique in unum  
hostem tela coniciunt. quae cum in obiecto cuncta scuto 10  
haesissent neque ille minus obstinatus ingenti pontem ob-  
tineret gradu, iam impetu conabantur detrudere virum,  
cum simul fragor rupti pontis simul clamor Romanorum,  
alacritate perfecti operis sublatus, pavore subito impetum  
sustinuit. tum Cocles ‘Tiberine pater,’ inquit ‘te sancte 11  
precor, haec arma et hunc militem propitio flumine acci-  
pias!’ ita sic armatus in Tiberim desiluit multisque su-  
perincidentibus telis incolumis ad suos tranavit, rem ausus  
plus famae habituram ad posteros quam fidei. grata erga 12  
tantam virtutem civitas fuit: statua in comitio posita, agri  
quantum uno die circumaravit datum. privata quoque in- 13  
ter publicos honores studia eminebant: nam in magna  
inopia pro domesticis copiis unusquisque ei aliquid, frau-  
dans se ipse victu suo, contulit.

XI. Porsina primo conatu repulsus, consiliis ab op- 1

pugnanda urbe ad obsidendam versis, praesidio in Ianiculo locato, ipse in plano ripisque Tiberis castra posuit,  
2 navibus undique accitis, et ad custodiam, ne quid Romam frumenti subvehi sineret, et ut praedatum milites trans flumen per occasiones aliis atque aliis locis traicerent,  
3 brevique adeo infestum omnem Romanum agrum reddidit, ut non cetera solum ex agris, sed pecus quoque omne in urbem compelleretur neque quisquam extra portas propellere auderet.

4 Hoc tantum licentiae Etruscis non metu magis quam consilio concessum. namque Valerius consul, intentus in occasionem multos simul et effusos inproviso adoriundi, in parvis rebus neglegens ultor, gravem se ad maiora  
5 vindicem servabat. itaque, ut eliceret praedatores, edicit suis, postero die frequentes porta Esquilina, quae aversissima ab hoste erat, expellerent pecus, scituros id hostes  
6 ratus, quod in obsidione et fame servitia infida transfugerent. et sciare perfugae indicio multoque plures, ut in spem universae praedae, flumen traiciunt.

7 P. Valerius T. Herminium cum modicis copiis ad secundum lapidem Gabina via occultum considerare iubet, Sp. Larcium cum expedita iuventute ad portam Collinam stare, donec hostis praetereat, inde se obicere, ne sit ad  
8 flumen reditus. consulum alter T. Lucretius porta Naevia cum aliquot manipulis militum egressus, ipse Valerius  
9 Caelio monte cohortes delectas educit. iique primi apparuere hosti. Herminius ubi tumultum sensit, concurrit ex insidiis versisque in Valerium Etruscis terga caedit. dextra laevaue hinc a porta Collina, illinc ab Nae-  
10 via redditus clamor; ita caesi in medio praedatores neque ad pugnam viribus pares et ad fugam saeptis omnibus viis. finisque ille tam effuse evagandi Etruscis fuit.

1 XII. Obsidio erat nihilo minus et frumenti cum summa caritate inopia sedendoque expugnaturum se urbem spem  
2 Porsina habebat, cum C. Mucius, adolescens nobilis, cui indignum videbatur, populum Romanum servientem, cum sub regibus esset, nullo bello nec ab hostibus ullis obsessum esse, liberum eundem populum ab isdem Etruscis

obsideri, quorum saepe exercitus fuderit, itaque magno 3  
audacique aliquo facinore eam indignitatem vindicandam  
ratus, primo sua sponte penetrare in hostium castra con-  
stituit, dein metuens, ne, si consulum iniussu et ignaris 4  
omnibus iret, forte deprehensus a custodibus Romanis re-  
traheretur ut transfuga, fortuna tum urbis crimen adfir-  
mante, senatum adit. 'transire Tiberim,' inquit 'patres, 5  
et intrare, si possim, castra hostium volo, non praedo nec  
populationum invicem ultor; maius, si di iuvant, in animo  
est facinus.' adprobant patres, abdito intra vestem ferro  
proficiscitur. ubi eo venit, in confertissima turba prope 6  
regium tribunal constitit. ibi cum stipendium militibus 7  
forte daretur et scriba cum rege sedens pari fere ornatu  
multa ageret, eum milites volgo adirent, timens sciscitari,  
uter Porsina esset, ne ignorando regem semet ipse aperi-  
ret quis esset, quo temere traxit fortuna facinus, scribam  
pro rege obtruncat.

Vadentem inde, qua per trepidam turbam cruento mu- 8  
crone sibi ipse fecerat viam, cum, concursu ad clamorem  
facto, comprehensum regii satellites retraxissent, ante tri-  
bunal regis destitutus, tum quoque inter tantas fortunae  
minas metuendus magis quam metuens, 'Romanus sum' 9  
inquit 'civis, C. Mucium vocant. hostis hostem occidere  
volui, nec ad mortem minus animi est quam fuit ad cae-  
dem: et facere et pati fortia Romanum est. nec unus in 10  
te ego hos animos gessi, longus post me ordo est idem  
petentium decus. proinde in hoc discrimen, si iuvat, ac-  
cingere, ut in singulas horas capite dimices tuo, ferrum  
hostemque in vestibulo habeas regiae. hoc tibi iuventus 11  
Romana indicimus bellum. nullam aciem, nullum proelium  
timueris, uni tibi et cum singulis res erit.' cum rex simul 12  
ira infensus periculoque conterritus circumdari ignis mi-  
nitabundus iuberet, nisi expromeret propere, quas insidia-  
rum sibi minas per ambages iaceret, 'en tibi,' inquit 'ut 13  
sentias, quam vile corpus sit iis, qui magnam gloriam vi-  
dent' dextramque accenso ad sacrificium foculo inicit.  
quam cum velut alienato ab sensu torreret animo, prope  
attonitus miraculo rex cum ab sede sua prosilisset amo-  
verique ab altaribus iuvenem iussisset, 'tu vero abi,' in- 14

quit 'in te magis quam in me hostilia ausus. iuberem macte  
virtute esse, si pro mea patria ista virtus staret, nunc iure  
15 belli liberum te intactum inviolatumque hinc dimitto.' tunc  
Mucius, quasi remunerans meritum, 'quandoquidem' in-  
quit 'est apud te virtuti honos, ut beneficio tuleris a me,  
quod minis nequisti: trecenti coniuravimus principes iu-  
16 ventutis Romanae, ut in te hac via grassaremur. mea prima  
sors fuit, ceteri, utcumque ceciderit primi, quoad te oportu-  
num fortuna dederit, suo quisque tempore aderunt.'

1 XIII. Mucium dimissum, cui postea Scaevolae a clade  
dextrae manus cognomen inditum, legati a Porsina Romam  
2 secuti sunt; adeo moverat eum et primi periculi casus, quo  
nihil se praeter errorem insidiatoris texisset, et subeunda  
dimicatio totiens, quot coniurati superessent, ut pacis con-  
3 ditiones ultro ferret Romanis. iactatum in condicionibus  
nequiquam de Tarquiniis in regnum restituendis, magis  
quia id negare ipse nequiverat Tarquiniis, quam quod ne-  
4 gatum iri sibi ab Romanis ignoraret. de agro Veientibus  
restituendo impetratum expressaque necessitas obsides  
dandi Romanis, si Ianiculo praesidium deduci vellent. his  
condicionibus composita pace, exercitum ab Ianiculo de-  
5 duxit Porsina et agro Romano excessit. patres C. Mucio  
virtutis causa trans Tiberim agrum dono dedere, quae  
postea sunt Mucia prata appellata.

6 Ergo ita honorata virtute feminae quoque ad publica de-  
cora excitatae. et Cloelia, virgo una ex obsidibus, cum  
castra Etruscorum forte haud procul ripa Tiberis locata  
essent, frustrata custodes, dux agminis virginum inter tela  
hostium Tiberim tranavit sospitesque omnes Romam ad  
7 propinquos restituit. quod ubi regi nuntiatum est, primo,  
incensus ira, oratores Romam misit ad Cloeliam obsidem  
8 deposcendam, alias haud magni facere; deinde, in admira-  
tionem versus, supra Coclites Muciosque dicere id facinus  
esse et prae se ferre, quemadmodum, si non dedatur  
obses, pro rupto foedus se habiturum, sic deditam [in-  
9 tactam] inviolatamque ad suos remissurum. utrimque con-  
stitit fides: et Romani pignus pacis ex foedere restitue-  
runt et apud regem Etruscum non tuta solum, sed honorata  
etiam virtus fuit laudatamque virginem parte obsidum se

donare dixit, ipsa quos vellet legeret. productis omnibus 10  
elegisse inpubes dicitur, quod virginitati decorum et con-  
sensu obsidum ipsorum probabile erat, eam aetatem po-  
tissimum liberari ab hoste, quae maxime oportuna iniuriae  
esset. pace redintegrata Romani novam in femina virtu- 11  
tem novo genere honoris, statua equestri, donavere: in  
summa sacra via fuit posita virgo insidens equo.

XIII. Huic tam pacatae profectioni ab urbe regis 1  
Etrusci abhorrens mos, traditus ab antiquis, usque ad  
nostram aetatem inter cetera sollemnia manet, bona Por-  
sinae regis vendendi. cuius originem moris necesse est 2  
aut inter bellum natam esse neque omissam in pace aut  
a mitiore crevisse principio quam hic prae se ferat titulus  
bona hostiliter vendendi. proximum vero est ex iis, quae 3  
traduntur, Porsinam discedentem ab Ianiculo castra opu-  
lenta convecto ex propinquis ac fertilibus Etruriae arvis  
commeatu Romanis dono dedisse, inopi tum urbe ab lon-  
ginqua obsidione, ea deinde, ne populo inmisso diripe- 4  
rentur hostiliter, venisse bonaque Porsinae appellata, gra-  
tiam muneris magis significante titulo quam auctionem  
fortunae regiae, quae ne in potestatem quidem populi  
Romani esset.

Omisso Romano bello Porsina, ne frustra in ea loca 5  
exercitus adductus videretur, cum parte copiarum filium  
Arruntem Ariciam oppugnatum mittit. primo Aricinos 6  
res necopinata perculerat. arcessita deinde auxilia et a  
Latinis populis et a Cumis tantum spei fecere, ut acie  
decernere auderent. proelio inito adeo concitato impetu  
se intulerant Etrusci, ut funderent ipso incursu Aricinos.  
Cumanae cohortes, arte adversus vim usae, declinavere 7  
paululum effuseque praelatos hostes conversis signis ab  
tergo adortae sunt: ita in medio prope iam victores caesi  
Etrusci. pars perexigua duce amisso, quia nullum pro- 8  
pius perfugium erat, Romam inermes et fortuna et specie  
supplicum delati sunt, ibi benigne excepti divisique in  
hospitia. curatis vulneribus alii profecti domos nuntii 9  
hospitalium beneficiorum, multos Romae hospitem urbis-  
que caritas tenuit. his locus ad habitandum datus, quem  
deinde Tuscum vicum appellarunt.

1     XV. Spurius Lucretius inde et P. Valerius Publicola  
 consules facti. eo anno postremum legati a Porsina de  
 reduciendo in regnum Tarquinio venerunt. quibus cum  
 responsum esset, missurum ad regem senatum legatos,  
 2 missi confestim honoratissimus quisque e patribus: non  
 quin breviter reddi responsum potuerit, non recipi reges,  
 ideo potius delectos patrum ad eum missos quam legatis  
 eius Romae daretur responsum, sed ut in perpetuum  
 mentio eius rei finiretur neu in tantis mutuis beneficiis in-  
 vicem animi sollicitarentur, cum ille peteret, quod contra  
 libertatem populi Romani esset, Romani, nisi in perniciem  
 suam faciles esse vellent, negarent, cui nihil negatum  
 3 vellent. non in regno populum Romanum, sed in liber-  
 tate esse, ita induxisse in animum, hostibus potius portas  
 quam regibus patefacere.

Ea esse vota (eam esse voluntatem) omnium, ut qui  
 4 libertati erit in illa urbe finis, idem urbi sit; proinde, si  
 salvam esse vellet Romam, ut patiatur liberam esse, orare.  
 5 rex verecundia victus 'quando id certum atque obstinatum  
 est, inquit 'neque ego obtundam saepius eadem nequi-  
 quam agendo nec Tarquinius spe auxilii, quod nullum in  
 me est, frustrabor. alium hinc, seu bello opus est seu  
 quiete, exilio quaerant locum, ne quid meam vobiscum  
 6 pacem distineat.' dictis facta amicia adiecit. obsidum  
 quod reliquum erat reddidit, agrum Veientem foedere ad  
 7 Ianiculum icto ademptum restituit. Tarquinius, spe omni  
 reditus incisa, exulatum ad generum Mamilium Octavium  
 Tusculum abiit. Romanis pax fida ita cum Porsina fuit.

1     XVI. Consules M. Valerius, P. Postumius. eo anno  
 2 bene pugnatum cum Sabinis; consules triumpharunt. ma-  
 iore inde mole Sabini bellum parabant. adversus eos et ne  
 quid simul ab Tusculo, unde, etsi non apertum, suspec-  
 tum tamen bellum erat, repentini periculi oriretur, P.  
 Valerius quartum, T. Lucretius iterum consules facti.

3     Seditio inter belli pacisque auctores orta in Sabinis  
 4 aliquantum inde virium transtulit ad Romanos. namque  
 Attus Clausus, cui postea Appio Claudio fuit Romae  
 nomen, cum pacis ipse auctor a turbatoribus belli preme-  
 retur nec par factioni esset, a vicino Regillo, magna



clientium comitatus manu, Romam transfugit. his civitas 5  
data agerque trans Anienem; vetus Claudia tribus, addi-  
tis postea novis tribulibus, qui ex eo venirent agro, ap-  
pellata. Appius inter patres lectus haud ita multo post  
in principum dignationem pervenit. consules infesto exer- 6  
citu in agrum Sabinum profecti cum ita vastatione, dein  
proelio adflixissent opes hostium, ut diu nihil inde rebel-  
lionis timere possent, triumphantes Romam redierunt.

P. Valerius, omnium consensu princeps belli pacisque 7  
artibus, anno post Agrippa Menenio, P. Postumio con-  
sulibus moritur, gloria ingenti, copiis familiaribus adeo  
exiguus, ut funeri sumptus deesset: de publico est elatus,  
luxere matronae ut Brutum.

Eodem anno duae coloniae Latinae, Pometia et Cora, 8  
ad Auruncos deficiunt. cum Auruncis bellum initum, fu-  
soque ingenti exercitu, qui se ingredientibus fines consuli-  
bus ferociter obtulerat, omne Auruncum bellum Pometiam  
compulsum est. nec magis post proelium, quam in proe- 9  
lio caedibus temperatum est: et caesi aliquanto plures  
erant quam capti, et captos passim trucidaverunt; ne ab  
obsidibus quidem, qui trecenti accepti numero erant, ira  
belli abstinuit. et hoc anno Romae triumphatum.

XVII. Secuti consules Opiter Verginius, Sp. Cassius. 1  
Pometiam primo vi, deinde vineis aliisque operibus oppu-  
gnarunt. in quos Aurunci magis iam inexpiabili odio 2  
quam spe aliqua aut occasione coorti, cum plures igni  
quam ferro armati excucurrissent, caede incendioque  
cuncta complent. vineis incensis, multis hostium vulne- 3  
ratis et occisis, consulum quoque alterum, sed utrum  
auctores non adiciunt, gravi vulnere ex equo deiectum  
prope interfecerunt. Romam inde male gesta re reditum; 4  
inter multos saucios consul spe incerta vitae relatus.  
interiecto deinde haud magno spatio, quod vulneribus cu-  
randis supplendoque exercitui satis esset, cum ira maiore  
(bellum), tum viribus etiam auctis Pometiae arma inlata. et 5  
cum vineis reffectis aliaque mole belli iam in eo esset, ut  
in muros evaderet miles, deditio est facta. ceterum nihilo 6  
minus foede dedita urbe quam si capta foret, Aurunci  
passim principes securi percussi, sub corona venierunt

coloni alii, oppidum dirutum, ager veniit. consules magis ob iras graviter ultas quam ob magnitudinem perfecti belli triumpharunt.

1 XVIII. Insequens annus Postumum Cominium et T.  
2 Larcium consules habuit. eo anno Romae cum per ludos  
ab Sabinorum iuventute per lasciviam scorta raperentur,  
concursu hominum rixa ac prope proelium fuit, parvaque  
3 ex re ad rebellionem spectare res videbatur supra belli  
Latini metum. id quoque accesserat, quod triginta iam  
coniurasse populos concitante Octavio Mamilio satis constabat.

4 In hac tantarum expectatione rerum sollicita civitate  
dictatoris primum creandi mentio orta. sed nec quo anno  
nec quibus consulibus, quia ex factione Tarquinia essent  
— id quoque enim traditur —, parum creditum sit nec  
5 quis primum dictator creatus sit, satis constat. apud  
veterrimos tamen auctores T. Larcium dictatorem primum,  
Sp. Cassium magistrum equitum creatos invenio. consulares legere: ita lex iubebat de dictatore creando lata.  
6 eo magis adducor ut credam, Larcium, qui consularis erat,  
potius quam M'. Valerium, M. filium, Volesi nepotem,  
qui nondum consul fuerat, moderatorem et magistrum  
7 consulibus appositum. quin si maxime ex ea familia legi  
dictatorem vellent, patrem multo potius M. Valerium spectatae virtutis et consularem virum legissent.

8 Creato dictatore primum Romae postquam praeferri  
securas viderunt, magnus plebem metus incessit, ut intentiores essent ad dicto parendum. neque enim, ut in consulibus, qui pari potestate essent, alterius auxilium neque provocatio erat neque ullum usquam, nisi in cura parendi, auxilium.

9 Sabinis etiam creatus Romae dictator eo magis, quod propter se creatum crediderant, metum incussit. itaque  
10 legatos de pace mittunt. quibus orantibus dictatorem senatumque, ut veniam erroris hominibus adolescentibus darent, responsum, ignosci adolescentibus posse, senibus  
11 non posse, qui bella ex bellis sererent. actum tamen est de pace, impetrataque foret, si quod inpensae factum in bellum erat praestare Sabini — id enim postulatum erat —

in animum induxissent. bellum indictum: tacitae indutiae quietum annum tenuere.

XVIII. Consules Servius Sulpicius, Manius Tullius 1  
— nihil dignum memoria actum —, T. Aebutius deinde et  
C. Vetusius. his consulibus Fidenae obsessae, Crustumeria 2  
capta, Praeneste ab Latinis ad Romanos descivit. nec  
ultra bellum Latinum gliscens iam per aliquot annos di-  
latum. Aulus Postumius dictator, Titus Aebutius ma- 3  
gister equitum magnis copiis peditum equitumque pro-  
fecti, ad lacum Regillum in agro Tusculano agmini hostium  
occurrerunt et, quia Tarquinius esse in exercitu Latinorum 4  
auditum est, sustineri ira non potuit, quin extemplo con-  
fligerent. ergo etiam proelium aliquanto quam cetera gra- 5  
vius atque atrocius fuit. non enim duces ad regendam  
modo consilio rem adfuere, sed suismet ipsi corporibus  
dimicantes miscuere certamina. nec quisquam procerum  
ferme hac aut illa ex acie sine vulnere praeter dictatorem  
Romanum excessit. in Postumium prima in acie suos 6  
adhortantem instruentemque Tarquinius Superbus, quam-  
quam iam aetate et viribus erat gravior, equum infestus  
admisit ictusque ab latere concursu suorum receptus in  
tutum est; et ad alterum cornu Aebutius magister equi- 7  
tum in Octavium Mamilium inpetum dederat, nec fefellit  
veniens Tusculanum ducem, contra quem et ille concitat  
equum; tantaque vis infestis venientium hastis fuit, ut 8  
brachium Aebutio traiectum sit, Mamilio pectus percus-  
sum. hunc quidem in secundam aciem Latini recepere, 9  
Aebutius cum saucio brachio tenere telum non posset,  
pugna excessit. Latinus dux, nihil deterritus vulnere, 10  
proelium ciet et, quia suos percussos videbat, arcessit  
cohorte exulum Romanorum, cui Luci Tarquini filius  
praeerat. ea, quo maiore pugnabat ira ob erepta bona  
patriamque ademptam, pugnam parumper restituit.

XX. Referentibus iam pedem ab ea parte Romanis, 1  
M. Valerius, Publicolae frater, conspicatus ferocem iuve-  
nem Tarquinium ostentantem se in prima exulum acie,  
domestica etiam gloria accensus, ut, cuius familiae decus 2  
eiecti reges erant, eiusdem interfecti forent, subdit cal-  
caria equo et Tarquinium infesto spiculo petit. Tarquinius 3

retro in agmen suorum infenso cessit hosti. Valerium, temere invectum in exulum aciem, ex transverso quidam adortus transfigit: nec quicquam equitis vulnere equo retardato, moribundus Romanus, labentibus super corpus  
4 armis, ad terram defluxit. dictator Postumius postquam cecidisse talem virum, exules ferociter citato agmine in-  
5 vehi, suos perculsos cedere animadvertit, cohorti suae, quam delectam manum praesidii causa circa se habebat, dat signum, ut quem suorum fugientem viderint, pro hoste habeant. ita metu ancipiti versi a fuga Romani in  
6 hostem et restituta acies. cohors dictatoris tum primum proelium iniit: integris corporibus animisque fessos adorti  
7 exules caedunt. ibi alia inter procures coorta pugna. imperator Latinus, ubi cohortem exulum a dictatore Romano prope circumventam vidit, ex subsidiariis manipulos  
8 aliquot in primam aciem secum rapit. hos agmine venientes T. Herminius legatus conspicatus interque eos insignem veste armisque Mamilium noscitans, tanto vi maiore, quam paulo ante magister equitum, cum hostium duce proelium  
9 iniit, ut et uno ictu transfixum per latus occiderit Mamilium, et ipse inter spoliandum corpus hostis veruto percussus, cum victor in castra esset relatus, inter primam  
10 curationem exspiraverit. tum ad equites dictator advolat, obtestans, ut fesso iam pedite descendant ex equis et pugnam capessant. dicto paruerunt. desiliunt ex equis, pro-  
volant in primum et pro antesignanis parmas obiciunt.  
11 recipit extemplo animum pedestris acies, postquam iuventutis procures aequato genere pugnae secum partem periculi sustinentes vidit. tum demum impulsus Latini per-  
12 cussa et inclinavit acies; equiti admoti equi, ut persequi hostem posset, secuta et pedestris acies. ibi nihil nec divinae nec humanae opis dictator praetermittens aedem Castori vovisse fertur ac pronuntiasse militi praemia, qui  
13 primus, qui secundus castra hostium intrasset, tantusque ardor fuit, ut eodem impetu, quo fuderant hostem Romani, castra caperent. hoc modo ad lacum Regillum pugnatum est. dictator et magister equitum triumphantes in urbem rediere.

1 XXI. Triennio deinde nec certa pax nec bellum fuit.

consules Quintus Cloelius et T. Larcius, inde A. Sempronius et M. Minucius. his consulibus aedis Saturno 2 dedicata, Saturnalia institutus festus dies.

Aulus deinde Postumius et T. Verginius consules facti. hoc demum anno ad Regillum lacum pugnatum, apud quos- 3 dam invenio: A. Postumium, quia collega dubiae fidei fuerit, se consulatu abdicasse, dictatorem inde factum. tanti errores implicant temporum, aliter apud alios ordi- 4 natis magistratibus, ut nec qui consules secundum quosnam nec quid quoque anno actum sit, in tanta vetustate non rerum modo, sed etiam auctorum digerere possis.

Ap. Claudius deinde et P. Servilius consules facti. 5 insignis hic annus est nuntio Tarquinii mortis. mortuus Cumis, quo se post fractas opes Latinorum ad Aristodemum tyrannum contulerat. eo nuntio erecti patres, erecta 6 plebes. sed patribus nimis luxuriosa ea fuit laetitia; plebi, cui ad eam diem summa ope inservitum erat, iniuriae a primoribus fieri coepere. eodem anno Signia colonia, quam 7 rex Tarquinius deduxerat, suppleto numero colonorum iterum deducta est. Romae tribus una et viginti factae. aedes Mercuri dedicata est idibus Maiis.

XXII. Cum Volscorum gente Latino bello neque pax 1 neque bellum fuerat, nam et Volsci comparaverunt auxilia, quae mitterent Latinis, ni maturatum ab dictatore Romano esset, et maturavit Romanus, ne proelio uno cum Latino Volscoque contenderet. hac ira consules in Volscum agrum 2 legiones duxere. Volscos, consilii poenam non metuentes, necopinata res perculit. armorum inmemores obsides dant trecentos principum a Cora atque Pometia liberos: ita sine certamine inde abductae legiones. nec ita multo post 3 Volscis levatis metu suum rediit ingenium, rursus occultum parant bellum, Hernicis in societatem armorum adsumptis; legatos quoque ad sollicitandum Latium passim dimittunt. sed recens ad Regillum lacum accepta cladis 4 Latinos ira odioque eius, quicumque arma suaderet, ne ab legatis quidem violandis abstinuit. comprehensos Volscos Romam duxere. ibi traditi consulibus, indicatumque est, Volscos Hernicosque parare bellum Romanis. relata re 5 ad senatum adeo fuit gratum patribus, ut et captivorum

sex milia Latinis remitterent et de foedere, quod prope in  
perpetuum negatum fuerat, rem ad novos magistratus  
6 traicerent. enimvero tum Latini gaudere facto, pacis  
auctores in ingenti gloria esse. coronam auream Iovi  
donum in Capitolium mittunt. cum legatis donoque qui  
captivorum remissi ad suos fuerant, magna circumfusa  
7 multitudo venit. pergunt domos eorum, apud quem quis-  
que servierant, gratias agunt liberaliter habiti cultique in  
calamitate sua, inde hospitia iungunt. numquam alias ante  
publice privatimque Latinum nomen Romano imperio con-  
iunctius fuit.

1 XXIII. Sed et bellum Volscum imminebat et civitas,  
secum ipsa discors, intestino inter patres plebemque fla-  
2 grabat odio, maxime propter nexos ob aes alienum. fre-  
mebant, se, foris pro libertate et imperio dimicantes, domi  
a civibus captos et oppressos esse tutioremque in bello  
quam in pace et inter hostis quam inter cives libertatem  
plebis esse, invidiamque eam, sua sponte gliscentem, in-  
signis unius calamitas accendit.

3 Magno natu quidam cum omnium malorum suorum  
insignibus se in forum proiecit. obsita erat squalore vestis,  
4 foedior corporis habitus pallore ac macie perempti, ad hoc  
promissa barba et capilli efferaverant speciem oris. nosci-  
tabatur tamen in tanta deformitate, et ordines duxisse aie-  
bant aliaque militiae decora vulgo miserantes eum iacta-  
bant, ipse testes honestarum aliquot locis pugnarum cica-  
5 trices adverso pectore ostentabat. sciscitantibus, unde ille  
habitus, unde deformitas, cum circumfusa turba est prope  
in contionis modum, Sabino bello ait se militantem, quia  
propter populationes agri non fructu modo caruerit, sed  
villa incensa fuerit, direpta omnia, pecora abacta, tributum  
6 iniquo suo tempore inperatum, aes alienum fecisse. id,  
cumulatum usuris, primo se agro paterno avitoque exuisse,  
deinde fortunis aliis, postremo velut tabem pervenisse ad  
corpus: ductum se ab creditore non in servitium, sed in  
7 ergastulum et carnificinam esse. inde ostentare tergum  
foedum recentibus vestigiis verberum. ad haec visa audi-  
taque clamor ingens oritur. non iam foro se tumultus sus-  
8 tinet, sed passim totam urbem pervadit. nexi vincti soluti-



que se undique in publicum proripiunt, inplorant Quiritium fidem. nullo loco deest seditionis voluntarius comes, multis passim agminibus per omnes vias cum clamore in forum curritur. magno cum periculo suo, qui forte patrum 9 in foro erant, in eam turbam inciderunt; nec temperatum 10 manibus foret, ni propere consules P. Servilius et Ap. Claudius ad comprimendam seditionem intervenissent. at in eos multitudo versa ostentare vincula sua deformitatemque aliam. haec se meritos dicere exprobrantes suam quisque 11 alius alibi militiam, postulare multo minaciter magis quam suppliciter, ut senatum vocarent, curiamque ipsi futuri arbitri moderatoresque publici consilii circumsistunt. pauci 12 admodum patrum, quos casus obtulerat, contracti ab consulibus; ceteros metus non curia modo, sed etiam foro arcebat: nec agi quicquam per infrequentiam poterat senatus. tum vero eludi atque extrahi se multitudo putare: et 13 patrum qui abessent, non casu, non metu, sed inpediendae rei causa abesse et consules ipsos tergiversari, nec dubie ludibrio esse miserias suas. iam prope erat, ut ne consu- 14 lum quidem maiestas coerceret iras hominum, cum incerti, morando an veniendo plus periculi contraherent, tandem in senatum veniunt; frequentique tandem curia non modo inter patres, sed ne inter consules quidem ipsos satis conveniebat. Appius, vehementis ingenii vir, imperio consu- 15 lari rem agendam censebat: uno aut altero adrepto quieturos alios; Servilius, lenibus remediis aptior, concitatos animos flecti quam frangi putabat cum tutius tum facilius esse.

XXIII. Inter haec maior alius terror: Latini equites 1 cum tumultuoso advolant nuntio, Volscos infesto exercitu ad urbem oppugnandam venire. quae audita — adeo duas ex una civitate discordia fecerat — longe aliter patres ac plebem adfecere. exultare gaudio plebes, ultores super- 2biae patrum adesse dicere deos. alius alium confirmare, ne nomina darent, cum omnibus potius quam solos perituros; patres militarent, patres arma caperent, ut penes eosdem pericula belli, penes quos praemia essent. at vero 3 curia, maesta ac trepida ancipiti metu et ab cive et ab hoste, Servilium consulem, cui ingenium magis popolare

erat, orare, ut tantis circumventam terroribus expediret rem publicam.

4 Tum consul misso senatu in contionem prodit. ibi curae esse patribus ostendit, ut consulatur plebi, ceterum deliberationi de maxima quidem illa, sed tamen parte civi-  
5 tatis metum pro universa re publica intervenisse. nec posse, cum hostes prope ad portas essent, bello praeverti quicquam, nec, si sit laxamenti aliquid, aut plebi honestum esse, nisi mercede prius accepta arma pro patria non cepisse, neque patribus satis decorum, per metum potius quam postmodo voluntate adflictis civium suorum fortunis consuluisse.

6 Contioni deinde edicto addidit fidem, quo edixit, ne quis civem Romanum vinctum aut clausum teneret, quo minus ei nominis edendi apud consules potestas fieret, ne quis militis, donec in castris esset, bona possideret aut  
7 venderet, liberos nepotesve eius moraretur. hoc proposito edicto et qui aderant nexi profiteri extemplo nomina et undique ex tota urbe proripientium se ex privato, cum retinendi ius creditori non esset, concursus in forum, ut  
8 sacramento dicerent, fieri. magna ea manus fuit neque aliorum magis in Volscis bello virtus atque opera enituit. consul copias contra hostem educit, parvo dirimente intervallo castra ponit.

1 XXV. Proxima inde nocte Volsci, discordia Romana freti, si qua nocturna transitio proditiove fieri posset, temptant castra. sensere vigiles, excitatus exercitus, signo dato concursus est ad arma. ita frustra id inceptum  
2 Volscis fuit, relicum noctis utrimque quieti datum. postero die prima luce Volsci fossis repletis vallum invadunt.  
3 iamque ab omni parte munimenta vellebantur, cum consul, quamquam cuncti undique, et nexi ante omnes, ut signum daret clamabant, experiendi animos militum causa parum per moratus, postquam satis apparebat ingens ardor, dato tandem ad erumpendum signo militem avidum certaminis  
4 emittit. primo statim incursu pulsati hostes; fugientibus, quoad insequi pedes potuit, terga caesa, eques usque ad castra pavidos egit. mox ipsa castra legionibus circumdatis, cum Volscos inde etiam pavor expulisset, capta direptaque.

Postero die ad Suessam Pometiam, quo confugerant 5  
hostes, legionibus ductis intra paucos dies oppidum capi-  
tur; captum praedae datum. inde paulum recreatus egens  
miles. consul cum maxima gloria sua victorem exercitum 6  
Romam reducit. decedentem Romam Ecetranorum Vol-  
scorum legati, rebus suis timentes post Pometiam captam,  
adeunt. his ex senatus consulto data pax, ager ademptus.

XXVI. Confestim et Sabini Romanos territavere: 1  
tumultus enim fuit verius quam bellum. nocte in urbem  
nuntiatum est, exercitum Sabinum praedabundum ad  
Anienem amnem pervenisse, ibi passim diripi atque in-  
cendi villas. missus extemplo eo cum omnibus copiis 2  
equitum A. Postumius, qui dictator bello Latino fuerat,  
secutus consul Servilius cum delecta peditum manu. ple- 3  
rosque palantes eques circumvenit; nec advenienti pedi-  
tum agmini restitit Sabina legio: fessi cum itinere tum  
populatione nocturna, magna pars in villis repleti cibo  
vinoque, vix fugae quod satis esset virium habuere.

Nocte una audito perfectoque bello Sabino, postero 4  
die in magna iam spe undique partae pacis legati Aurunci  
senatum adeunt, ni decedatur Volsco agro, bellum indi-  
centes. cum legatis simul exercitus Auruncorum domo 5  
profectus erat, cuius fama haud procul iam ab Aricia visi  
tanto tumultu concivit Romanos, ut nec consuli ordine  
patres nec pacatum responsum arma inferentibus arma  
ipsi capientes dare possent. Ariciam infesto agmine itur, 6  
nec procul inde cum Auruncis signa conlata proelioque  
uno debellatum est.

XXVII. Fusis Auruncis victor tot intra paucos dies 1  
bellis Romanus promissa consulis fidemque senatus ex-  
spectabat, cum Appius, et insita superbia animo et ut col-  
legae vanam faceret fidem, quam asperrime poterat ius  
de creditis pecuniis dicere. deinceps et qui ante nexi  
fuerant creditoribus tradebantur et nectebantur alii. quod 2  
ubi cui militi inciderat, collegam appellabat. concursus  
ad Servilium fiebat, illius promissa iactabant, illi expro-  
brabant sua quisque belli merita cicatricesque acceptas.  
postulabant, ut aut referret ad senatum aut ut auxilio es-  
set consul civibus suis, inperator militibus. movebant 3

consulem haec, sed tergiversari res cogebat: adeo in alteram causam non collega solum praeceps erat, sed omnis factio nobilium. ita medium se gerendo nec plebis vitavit  
4 odium nec apud patres gratiam iniit. patres mollem consulem et ambitiosum rati, plebes fallacem, brevique apparuit, adaequasse eum Appii odium. certamen consulibus inciderat, uter dedicaret Mercuri aedem. senatus a se rem ad populum reiecit, utri eorum dedicatio iussu populi data esset, eum praeesse annonae, mercatorum collegium instituere, sollemnia pro pontifice iussit suscipere.  
6 populus dedicationem aedis dat M. Laetorio, primi pili centurioni, quod facile appareret non tam ad honorem eius, cui curatio altior fastigio suo data esset, factum quam ad consulum ignominiam.

7 Saevire inde utique consulum alter patresque, sed plebi creverant animi et longe alia quam primò instituerant via grassabantur. desperato enim consulum senatusque auxilio, cum in ius duci debitorem vidissent, undique convolabant; neque decretum exaudiri consulis praestrepitu et clamore poterat neque, cum decresset, quisquam obtemperabat. vi agebatur, metusque omnis et periculum libertatis, cum in conspectu consulis singuli a pluribus violarentur, in creditores a debitoribus verterant.  
10 super haec timor incessit Sabini belli, dilectumque decreto nemo nomen dedit, furente Appio et insectante ambitionem collegae, qui populari silentio rem publicam proderet et ad id, quod de credita pecunia ius non dixisset, adiceret, ut ne dilectum quidem ex senatus consulto haberet:  
11 non esse tamen desertam omnino rem publicam neque proiectum consulare imperium, se unum et suae et patrum maiestatis vindicem fore. cum circumstaret cotidiana multitudo, licentia accensa, arripi unum insignem ducem seditionum iussit. ille cum a lictoribus iam trahe-  
12 retur, provocavit, nec cessisset provocationi consul, quia non dubium erat populi iudicium, nisi aegre victa pertinacia foret consilio magis et auctoritate principum quam populi clamore: adeo supererant animi ad sustinendam  
13 invidiam. crescere inde malum in dies non clamoribus modo apertis sed, quod multo perniciosius erat, secessione

occultisque conloquiis. tandem invisi plebi consules magistratu abeunt, Servilius neutris, Appius patribus mire gratus.

XXVIII. A. Verginius inde et T. Vetusius consulatum ineunt. tum vero plebs incerta, quales habitura consules esset, coetus nocturnos, pars Esquiliis pars in Aventino, facere, ne in foro subitis trepidaret consiliis et omnia temere ac fortuito ageret. eam rem consules rati, ut erat, perniciosam ad patres deferunt, sed delatam consulere ordine non licuit, adeo tumultuose excepta est clamoribus undique et indignatione patrum, si, quod imperio consulari exsequendum esset, invidiam eius consules ad senatum reicerent. profecto, si essent in re publica magistratus, nullum futurum fuisse Romae nisi publicum concilium, nunc in mille curias contionesque, cum alia in Esquiliis, alia in Aventino fiant concilia, dispersam et dissipatam esse rem publicam. unum hercule virum, id enim plus esse quam consulem, qualis Appius Claudius fuerit, momento temporis discussurum illos coetus fuisse. correpti consules, cum, quid ergo se facere vellent — nihil enim segnius molliusve quam patribus placeat acturos —, percunctarentur, decernunt, ut dilectum quam acerrimum habeant: otio lascivire plebem.

Dimisso senatu consules in tribunal escendunt, citant nominatim iuniores. cum ad nomen nemo responderet, circumfusa multitudo in contionis modum negare, ultra decipi plebem posse, numquam unum militem habituros, ni praestaretur fides publica; libertatem unicuique prius reddendam esse quam arma danda, ut pro patria civibusque, non pro dominis, pugnent.

Consules, quid mandatum esset a senatu, videbant, sed eorum, qui intra parietes curiae ferociter loquerentur, neminem adesse invidiae suae participem. et apparebat atrox cum plebe certamen. prius itaque quam ultima experirentur, senatum iterum consulere placuit. tum vero ad sellas consulum prope convolare minimus quisque natu patrum, abdicare consulatum iubentes et deponere imperium, ad quod tuendum animus deesset.

XXVIII. Utraque re satis experta, tum demum con-

sules: 'ne praedictum negetis, patres conscripti, adest ingens seditio. postulamus, ut ii, qui maxime ignaviam increpant, adsint nobis habentibus dilectum. acerrimi cuiusque arbitrio, quando ita placet, rem agemus.' redeunt in tribunal, citari nominatim unum ex iis, qui in conspectu erant, dedita opera iubent. cum staret tacitus et circa eum aliquot hominum, ne forte violaretur, constitisset globus, lictorem ad eum consules mittunt. quo repulso, tum vero indignum facinus esse clamitantes qui patrum consulibus aderant devolant de tribunali, ut lictori auxilio essent. sed ab lictore, nihil aliud quam prendere prohibito, cum conversus in patres impetus esset, consulum intercurso rixa sedata est, in qua tamen sine lapide, sine telo plus clamoris atque irarum quam iniuriae fuerat. senatus, tumultuose vocatus, tumultuosius consulitur, quaestionem postulantibus iis, qui pulsati fuerant, decernente ferocissimo quoque non sententiis magis quam clamore et strepitu. tandem cum irae resedissent, exprobrantibus consulibus, nihilo plus sanitatis in curia quam in foro esse, ordine consuli coepit.

Tres fuere sententiae: P. Verginius rem non vulgabat, de iis tantum, qui fidem secuti Publi Servili consulis Volsco, Aurunco Sabinoque militassent bello, agendum censebat. Titus Larcus non id tempus esse, ut merita tantummodo exsolverentur; totam plebem aere alieno demersam esse nec sisti posse, ni omnibus consulatur, quin, si alia aliorum sit condicio, accendi magis discordiam quam sedari. Ap. Claudius, et natura inmitis et effertus hinc plebis odio, illinc patrum laudibus, non miseriis ait, sed licentia tantum concitum barbarum et lascivire magis plebem quam saevire. id adeo malum ex provocatione natum, quippe minas esse consulum, non imperium, ubi ad eos, qui una peccaverint, provocare liceat. 'agedum' inquit 'dictatorem, a quo provocatio non est, creemus! iam hic, quo nunc omnia ardent, conticiscet furor. pulset tum mihi lictorem, qui sciet, ius de tergo vitaeque sua penes unum illum esse, cuius maiestatem violavit!'

XXX. Multis, ut erat, horrida et atrox videbatur Appii sententia; rursus Vergini Larcique exemplo haud sa-



lubres, utique Larcii putabant sententiam, quae totam fidem tolleret. medium maxime et moderatum utroque consilium Verginii habebatur; sed factione respectuque rerum privatarum, quae semper offecere officientque publicis consiliis, Appius vicit ac prope fuit, ut dictator ille idem crearetur, quae res utique alienasset plebem periculosissimo tempore, cum Volsci Aequique et Sabini forte una omnes in armis essent. sed curae fuit consulibus et senioribus patrum, ut inperium suo vehemens, mansueto permetteretur ingenio. M. Valerium dictatorem, Volesi filium, creant. plebes etsi adversus se creatum dictatorem videbat, tamen, cum provocationem fratris lege haberet, nihil ex ea familia triste nec superbum timebat. edictum deinde a dictatore propositum confirmavit animos Servili fere consulis edicto conveniens. sed et homini et potestati melius rati credi, omisso certamine, nomina dedere: quantus numquam ante exercitus, legiones decem effectae; ternae inde datae consulibus, quattuor dictator usus.

Nec iam poterat bellum differri. Aequi Latinum agrum invaserant. oratores Latinorum ab senatu petebant, ut aut mitterent subsidium aut se ipsos tuendorum finium causa capere arma sinerent. tutius visum est, defendi inermes Latinos quam pati retractare arma. Vetusius consul missus est. is finis populationibus fuit. cessere Aequi campis, locoque magis quam armis freti summis se iugis montium tutabantur.

Alter consul in Volscos profectus, ne et ipse tereretur tempus, vastandis maxime agris hostem ad conferenda propius castra dimicandumque acie excivit. medio inter castra campo ante suum quisque vallum infestis signis consistere. multitudine aliquantum Volsci superabant: itaque effusi et contemptim pugnam inire. consul Romanus nec promovit aciem nec clamorem reddi passus, defixis pilis stare suos iussit: ubi ad manum venisset hostis, tum coortos tota vi gladiis rem gerere. Volsci cursu et clamore fessi cum se velut stupentibus metu intulissent Romanis, postquam impressionem sensere ex adverso factam et ante oculos micare gladios, haud secus, quam si insidias incidissent, turbati vertunt terga, et ne

ad fugam quidem satis virium fuit, quia cursu in proe-  
14 lium ierant. Romani contra, quia principio pugnae quieti  
steterant, vigent corporibus. facile adepti fessos et castra  
impetu ceperunt et, castris exutum hostem Velitras perse-  
cuti, uno agmine victores cum victis in urbem inrupere  
15 plusque ibi sanguinis promiscua omnium generum caede  
quam in ipsa dimicatione factum. paucis data venia, qui  
inermes in deditionem venerunt.

1 XXXI. Dum haec in Volscis geruntur, dictator  
Sabinos, ubi longe plurimum belli fuerat, fundit fu-  
2 gatque exiitque castris. equitatu inmisso mediam tur-  
baverat hostium aciem, qua, dum se cornua latius pan-  
dunt, parum apte introrsum ordinibus aciem firmaverant;  
turbatos pedes invasit. eodem impetu castra capta de-  
3 bellatumque est. post pugnam ad Regillum lacum non  
alia illis annis pugna clarior fuit. dictator triumphans  
urbem invehitur. super solitos honores locus in circo ipsi  
posterisque ad spectaculum datus, sella in eo loco curulis  
posita.

4 Volscis devictis Veliternus ager ademptus, Velitras  
coloni ab urbe missi et colonia deducta.

Cum Aequis post aliquanto pugnatum est, invito qui-  
dem consule, quia loco iniquo subeundum erat ad hostes;  
5 sed milites, extrahi rem criminantes, ut dictator, prius-  
quam ipsi redirent in urbem, magistratu abiret inritaque,  
sicut ante consulis, promissa eius caderent, perpulere, ut  
6 forte temere in adversos montis agmen erigeret. id male  
conmissum ignavia hostium in bonum vertit, qui, prius-  
quam ad coniectum teli veniretur, obstupefacti audacia  
Romanorum, relictis castris, quae munitissimis tenuerant  
locis, in aversas valles desiluere, ubi satis praedae et  
victoria incruenta fuit.

7 Ita trifariam re bello bene gesta, de domesticarum  
rerum eventu nec patribus nec plebi cura decesserat:  
tanta cum gratia tum arte praeparaverant faeneratores,  
quae non modo plebem, sed ipsum etiam dictatorem fru-  
8 strarentur. namque Valerius post Vetusi consulis redi-  
tum omnium actionum in senatu primam habuit pro vic-  
tore populo retulitque, quid de nexis fieri placeret. quae

cum reiecta relatio esset, 'non placeo' inquit 'concordiae 9  
 auctor. optabitis, me dius fidius, prope diem, ut mei si-  
 miles Romana plebis patronos habeat. quod ad me at- 10  
 tinet, neque frustrabor ultra cives meos neque ipse frustra  
 dictator ero. discordiae intestinae, bellum externum fe-  
 cere, ut hoc magistratu egeret res publica; pax foris parta  
 est, domi impeditur, privatus potius quam dictator sedi-  
 tioni interero.' ita curia egressus dictatura se abdicavit.  
 apparuit causa plebi, suam vicem indignantem magistratu 11  
 abisse. itaque velut persoluta fide, quoniam per eum non  
 stetisset, quin praestaretur, decedentem domum cum fa-  
 vore ac laudibus prosecuti sunt.

**XXXII.** Timor inde patres incessit, ne, si dimissus 1  
 exercitus foret, rursus coetus occulti coniurationesque fie-  
 rent. itaque, quamquam per dictatorem dilectus habitus  
 esset, tamen, quoniam in consulum verba iurassent, sa-  
 cramento teneri militem rati, per causam renovati ab Ae-  
 quis belli educi ex urbe legiones iussere. quo facto ma-  
 turata est seditio. et primo agitatum dicitur de consulum 2  
 caede, ut solverentur sacramento; doctos deinde, nullam  
 scelere religionem exsolvi, Sicinio quodam auctore, in-  
 iussu consulum in sacrum montem secessisse — trans  
 Anienem amnem est tria ab urbe milia passum —; ea 3  
 frequentior fama est quam, cuius Piso auctor est, in Aven-  
 tinum secessionem factam esse. ibi sine ullo duce vallo 4  
 fossaque communis castris quieti, rem nullam nisi ne-  
 cessariam ad victum sumendo, per aliquot dies neque la-  
 cessiti neque lacescentes sese tenuere. pavor ingens in 5  
 urbe metuque mutuo suspensa erant omnia. timere relictam  
 ab suis plebis violentiam patrum, timere patres residem  
 in urbe plebem, incerti, manere eam an abire mallent.  
 quamdiu autem tranquillam quae secesserit multitudinem 6  
 fore? quid futurum deinde, si quod externum interim bel-  
 lum existat? nullam profecto, nisi in concordia civium, 7  
 spem reliquam ducere; eam per aequa, per iniqua recon-  
 ciliandam civitati esse. sic placuit igitur oratorem ad ple- 8  
 bem mitti Menenium Agrippam, facundum virum et, quod  
 inde oriundus erat, plebi carum.

Is intromissus in castra prisco illo dicendi et horrido

9 modo nihil aliud quam hoc narrasse fertur: tempore, quo  
in homine, non ut nunc, omnia in unum consentientia,  
sed singulis membris suum cuique consilium, suus sermo  
fuerit, indignatas reliquas partes sua cura, suo labore ac  
ministerio ventri omnia quaeri, ventrem in medio quietum  
10 nihil aliud quam datis voluptatibus frui, conspirasse inde,  
ne manus ad os cibum ferrent nec os acciperet datum  
nec dentes [deni]que conficerent. hac ira dum ventrem  
fame domare vellent, ipsa una membra totumque corpus  
11 ad extremam tabem venisse. inde apparuisse, ventris quo-  
que haud segne ministerium esse nec magis ali quam alere  
eum, reddentem in omnis corporis partes hunc, quo vivi-  
mus vigemusque, divisum pariter in venas maturum con-  
12 fecto cibo sanguinem. comparando hinc, quam intestina  
corporis seditio similis esset irae plebis in patres, flexisse  
mentes hominum.

1 XXXIII. Agi deinde de concordia coeptum conces-  
sumque in condiciones, ut plebi sui magistratus essent  
sacrosancti, quibus auxilii latio adversus consules esset,  
2 neve cui patrum capere eum magistratum liceret. ita tri-  
buni plebei creati duo, C. Licinius et L. Albinus. ii tres  
collegas sibi creaverunt. in his Sicinium fuisse seditionis  
3 auctorem, de duobus qui fuerint minus convenit. sunt qui  
duos tantum in sacro monte creatos tribunos esse dicant  
ibique sacratam legem latam.

Per secessionem plebis Sp. Cassius et Postumus Co-  
4 minius consulatum inierant. iis consulibus cum Latinis  
populis ictum foedus. ad id feriendum consul alter Ro-  
mae mansit, alter ad Volscum bellum missus Antiates  
Volscos fundit fugatque, compulsos in oppidum Longu-  
5 lam persecutus, moenibus potitur. inde protinus Polu-  
scam, item Volscorum, cepit, tum magna vi adortus est  
Coriolos.

Erat tum in castris inter primores iuvenum C. Mar-  
cius, adulescens et consilio et manu promptus, cui cog-  
6 nomen postea Coriolano fuit. cum subito exercitum Ro-  
manum Coriolos obsidentem atque in oppidanos, quos  
intus clausos habebat, intentum sine ullo metu extrinsecus  
imminentis belli Volscae legiones, profectae ab Antio,

invasissent eodemque tempore ex oppido erupissent hostes, forte in statione Marcius fuit. is cum delecta militum manu non modo impetum erumpentium retudit, sed per patentem portam ferox inrupit, caedeq̃ue in proxima urbis facta ignem temere abreptum imminentibus muro aedificiis iniecit. clamor inde oppidanorum, mixtus muliebri puerilique ploratu, ad terrorem, ut solet, primo ortu et Romanis auxit animum et turbavit Volscos, utpote capta urbe, qui ad ferendam opem venerant. ita fusi Volsci Antiates, Corioli oppidum captum tantumque sua laude obstitit famae consulis Marcius, ut, nisi foedus cum Latinis, columna aenea insculptum, monumento esset, ab Sp. Cassio uno, quia collega afuerat, ictum, Postumum Cominium bellum gessisse cum Volscis memoria cessisset.

Eodem anno Agrippa Menenius moritur, vir omnium vita pariter patribus ac plebi carus, post secessionem carior plebi factus. huic interpreti arbitroque concordiae civium, legato patrum ad plebem, reductoris plebis Romanae in urbem, sumptus funeri defuit. extulit eum plebs sextantibus conlatis in capita.

**XXXIII.** Consules deinde T. Geganius, P. Minucius facti. eo anno cum et foris quieta omnia a bello essent et domi sanata discordia, aliud multo gravius malum civitatem invasit, caritas primum annonae ex incultis per secessionem plebis agris, fames deinde, qualis clausis solet, ventumque ad interitum servitiorum utique et plebis esset, ni consules providissent dimissis passim ad frumentum coemendum, non in Etruriam modo dextris ab Ostia litoribus laevoque per Volscos mari usque ad Cumas, sed quaesitum in Siciliam quoque: adeo finitimorum odia longinquis coegerant indigere auxiliis. frumentum Cumis cum coemptum esset, naves pro bonis Tarquiniorum ab Aristodemo tyranno, qui heres erat, retentae sunt. in Volscis Pomptinoque ne emi quidem potuit, periculum quoque ab impetu hominum ipsis frumentatoribus fuit; ex Tuscis frumentum Tiberi venit: eo sustentata est plebs. incommodo bello in tam artis commeatibus vexati forent, ni Volscos iam moventes arma pestilentia ingens invasisset. ea clade conterritis hostium animis, ut etiam, ubi ea remisisset,

terrore aliquo tenerentur, et Velitris auxere numerum colonorum Romani et Norbae in montis novam coloniam, quae arx in Pomptino esset, miserunt.

7 M. Minucio deinde et A. Sempronio consulibus magna  
vis frumenti ex Sicilia advecta agitatumque in senatu,  
8 quanti plebi daretur. multi venisse tempus premendae  
plebis putabant recuperandique iura, quae extorta seces-  
sione ac vi patribus essent; in primis Marcius Coriolanus,  
9 hostis tribuniciae potestatis, 'si annonam' inquit 'veterem  
volunt, ius pristinum reddant patribus. cur ego plebeios  
magistratus, cur Sicinium potentem video, sub iugum mis-  
10 sus, tamquam ab latronibus redemptus? egone has indig-  
nitates diutius patiar quam necesse est? Tarquinium regem  
qui non tulerim, Sicinium feram? secedat nunc, avocet  
plebem, patet via in sacrum montem aliosque colles. ra-  
pian frumenta ex agris, quemadmodum tertio anno ra-  
11 puere. fruantur annona, quam furore suo fecere. audeo  
dicere, hoc malo domitos ipsos potius cultores agrorum  
fore quam ut armati per secessionem coli prohibeant.'  
12 haud tam facile dictu est, faciendumne fuerit, quam po-  
tuisse arbitror fieri, ut condicionibus laxandi annonam et  
tribuniciam potestatem et omnia invitis iura inposita pa-  
tres demerent sibi.

1 XXXV. Et senatui nimis atrox visa sententia est et  
plebem ira prope armavit: fame se iam sicut hostes peti,  
cibo victuque fraudari; peregrinum frumentum, quae sola  
alimenta ex insperato fortuna dederit, ab ore rapi, nisi  
Gnaeo Marcio vincti dedantur tribuni, nisi de tergo plebis  
Romanae satisfiat. eum sibi carnificem novum exortum,  
qui aut mori aut servire iubeat.

2 In exeuntem e curia impetus factus esset, ni peropor-  
tune tribuni diem dixissent. ibi ira est suppressa: se iu-  
dicem quisque, se dominum vitae necisque inimici factum  
3 videbat. contemptim primo Marcius audiebat minas tri-  
bunicias: auxilii, non poenae ius datum illi potestati plebis-  
que, non patrum, tribunos esse. sed adeo infensa erat coorta  
4 plebs, ut unius poena defungendum esset patribus. restite-  
runt tamen adversa invidia usique sunt qua suis quisque,  
qua totius ordinis viribus. ac primo temptata res est, si



dispositis clientibus absterrendo singulos a coitionibus conciliisque disicere rem possent. universi deinde processere 5 — quidquid erat patrum reos diceres — precibus plebem exposcentes, unum sibi civem, unum senatorem, si innocentem absolvere nollent, pro nocente donarent. ipse cum 6 die dicta non adesset, perseveratum in ira est.

Damnatus absens in Volscos exulatum abiit, minitans patriae hostilesque iam tum spiritus gerens. Venientem Volsci benigni excepere benigniusque in dies colebant, quo maior ira in suos eminebat crebraeque nunc querellae, nunc minae percipiebantur. hospitio utebatur Atti Tulli. longe 7 is tum princeps Volsci nominis erat Romanisque semper infestus. ita cum alterum vetus odium, alterum ira recens stimulet, consilia conferunt de Romano bello. haud fa- 8 cile credebant, plebem suam inPELLI posse, ut totiens infeliciter temptata arma caperent. multis saepe bellis, pestilentia postremo amissa iuventute fractos spiritus esse, arte agendum in exoleto iam vetustate odio, ut recenti aliqua ira exacerbarentur animi.

XXXVI. Ludi forte ex instauratione magni Romae 1 parabantur. instaurandi haec causa fuerat: ludis mane servum quidam pater familiae, nondum commisso spectaculo, sub furca caesum medio egerat circo. coepti inde ludi, velut ea res nihil ad religionem pertinuisset. haud 2 ita multo post Tito Latinio, de plebe homini, somnium fuit. visus Iuppiter dicere, sibi ludis praesultatorem displicuisse; nisi magnifice instaurarentur ii ludi, periculum urbi fore: iret, ea consulibus nuntiaret. quamquam haud 3 sane liber erat religione animus, verecundia tamen maiestatis magistratuum timorem vicit, ne in ora hominum pro ludibrio abiret. magno illi ea cunctatio stetit: filium nam- 4 que intra paucos dies amisit. cuius repentinae cladis ne causa dubia esset, aegro animi eadem illa in somnis observata species visa est rogitare, satin magnam spreti numinis haberet mercedem; maiorem instare, ni eat propere ac nuntiet consulibus. iam praesentior res erat. cunc- 5 tantem tamen ac prolatantem ingens vis morbi adorta est debilitate subita. tunc enimvero deorum ira admonuit. 6 fessus igitur malis praeteritis instantibusque, consilio pro-

pinquorum adhibito, cum visa atque audita et obversatum totiens somno Iovem, minas irasque caelestes repraesentatas casibus suis exposuisset, consensu inde haud dubie omnium qui aderant in forum ad consules lectica defertur. 7 inde in curiam iussu consulum delatus eadem illa cum patribus ingenti omnium admiratione enarrasset, ecce aliud miraculum: qui captus omnibus membris delatus in curiam esset, eum functum officio pedibus suis domum redisse traditum memoriae est.

1 XXXVII. Ludi quam amplissimi ut fierent, senatus decrevit. ad eos ludos auctore Attio Tullio vis magna 2 Volscorum venit. priusquam committerentur ludi, Tullius, ut domi compositum cum Marcio fuerat, ad consules venit, 3 dicit esse, quae secreto agere de re publica velit. arbitris remotis, 'invitus' inquit 'quod sequius sit, de meis civibus loquor. non tamen admissum quicquam ab iis criminatum venio, sed cautum, ne admittant. nimio plus quam 4 velim nostrorum ingenia sunt mobilia. multis id cladibus sensimus, quippe qui non nostro merito, sed vestra patientia incolumes simus. magna hic nunc Volscorum multitudo est, ludi sunt, spectaculo intenta civitas erit. memini, 5 quid per eandem occasionem ab Sabinorum iuventute in hac urbe commissum sit. horret animus, ne quid inconsulte ac temere fiat. haec nostra vestraque causa prius 7 dicenda vobis, consules, ratus sum. quod ad me attinet, extemplo hinc domum abire in animo est, ne cuius facti dictive contagione praesens violer.' haec locutus abiit.

8 Consules cum ad patres rem dubiam sub auctore certo detulissent, auctor magis, ut fit, quam res ad praecavendum vel ex supervacuo movit, factoque senatus consulto, ut urbem excederent Volsci, praecones dimittuntur, qui 9 omnes eos proficisci ante noctem iuberent. ingens pavor primo discurrentis ad suas res tollendas in hospitia perculit, proficiscentibus deinde indignatio oborta, se ut consceleratos contaminatosque ab ludis festis diebus coetu quodammodo hominum deorumque abactos esse.

1 XXXVIII. Cum prope continuato agmine irent, praegressus Tullius ad caput Ferentinum, ut quisque veniret, primores eorum excipiens querendo indignandoque, et eos

ipsos, sedulo audientes secunda irae verba, et per eos multitudinem aliam in subiectum viae campum deduxit. ibi in contionis modum orationem exorsus ‘veteres populi 2 Romani iniurias cladesque gentis Volscorum, ut omnia’ inquit ‘obliviscamini alia, hodiernam hanc contumeliam quo tandem animo fertis, qua per nostram ignominiam ludos commisere? an non sensistis, triumphatum hodie de 3 vobis esse? vos omnibus, civibus, peregrinis, tot finitimis populis, spectaculo abeuntes fuisse, vestras coniuges, vestros liberos traductos per ora hominum? quid eos, qui 4 audivere vocem praeconis, quid, qui nos videre abeuntes, quid eos, qui huic ignominioso agmini fuere obvii, existimasse putatis, nisi aliquod profecto nefas esse; quod, si intersimus spectaculo, violaturi simus ludos piaculumque meritori, ideo nos ab sede piorum, coetu concilioque abigi? quid deinde illud non succurrit, vivere nos, quod 5 maturarimus proficisci? — si hoc profectio et non fuga est. et hanc urbem vos non hostium ducitis, ubi, si unum diem morati essetis, moriendum omnibus fuit? bellum vobis indictum est magno eorum malo, qui indixere, si viri estis.’ ita et sua sponte irarum pleni et incitati domos inde di- 6 gressi sunt instigandoque suos quisque populos effecere, ut omne Volscum nomen deficeret.

**XXXVIII.** Imperatores ad id bellum de omnium 1 populorum sententia lecti Attius Tullius et Cn. Marcius, exul Romanus, in quo aliquanto plus spei repositum. quam spem nequaquam fefellit, ut facile appareret, duci- 2 bus validiorem quam exercitu rem Romanam esse. Cerceios profectus, primum colonos inde Romanos expulit liberamque eam urbem Volscis tradidit, inde, in Latinam 3 viam transversis tramitibus transgressus, Satricum, Longulam, Poluscam, Coriolos, Bovillas, haec Romanis oppida ademit. inde Lavinium recepit, tum deinceps Corbionem, 4 Vitelliam, Trebium, Labicos, Pedum cepit. postremum ad 5 urbem a Peto ducit et, ad fossas Cluilias quinque ab urbe milia passuum castris positus, populatur inde agrum Romanum custodibus inter populatores missis, qui patricio- 6 rum agros intactos servarent, sive infensus plebi magis sive ut discordia inde inter patres plebemque oreretur.

7 quae profecto orta esset, adeo tribuni iam ferocem per se  
plebem criminando in primores civitatis instigabant, — sed  
externus timor, maximum concordiae vinculum, quamvis  
8 suspectos infensosque inter se iungebat animos. id modo  
non conveniebat, quod senatus consulesque nusquam alibi  
spem quam in armis ponebant, plebes omnia quam bellum  
malebat.

9 Sp. Nautius iam et Sex. Furius consules erant. eos  
recensentes legiones, praesidia per muros aliaque, in qui-  
bus stationes vigiliasque esse placuerat, loca distribuentis  
multitudo ingens pacem poscentium primum seditioso cla-  
more conterruit, deinde vocare senatum, referre de legatis  
10 ad Cn. Marcium mittendis coegit. acceperunt relationem  
patres, postquam apparuit, labare plebis animos, missique  
de pace ad Marcium oratores atrox responsum retulerunt:  
11 si Volscis ager redderetur, posse agi de pace, si praeda  
belli per otium frui velint, memorem se et civium iniuriae  
et hospitem beneficii adniscurum, ut appareat exilio sibi  
12 irritatos, non fractos animos esse. iterum deinde idem  
missi non recipiuntur in castra. sacerdotes quoque, suis  
insignibus velatos, isse supplices ad castra hostium tradi-  
tum est, nihilo magis quam legatos flexisse animum.

1 XXXX. Tum matronae ad Veturiam, matrem Corio-  
lani, Volumniamque uxorem frequentes coeunt. id publi-  
cum consilium an muliebris timor fuerit, parum invenio,  
2 pervicere certe, ut et Veturia, magno natu mulier, et Vo-  
lumnia, duos parvos ex Marcio ferens filios, secum in  
castra hostium irent et, quoniam armis viri defendere urbem  
non possent, mulieres precibus lacrimisque defenderent.

3 Ubi ad castra ventum est nuntiatumque Coriolano est,  
adesse ingens mulierum agmen, primo, ut qui nec publica  
maiestate in legatis nec in sacerdotibus tanta offusa oculis  
animoque religione motus esset, multo obstinatior adversus  
4 lacrimas muliebres erat. dein familiarium quidam, qui in-  
signem maestitia inter ceteras cognoverat Veturiam, inter  
norum nepotesque stantem, 'nisi me frustrantur' inquit  
5 'oculi, mater tibi coniunxque et liberi adsunt.' Coriolanus  
prope ut amens consternatus ab sede sua cum ferret matri  
obviae complexum, mulier in iram ex precibus versa 'sine,

priusquam complexum accipio, sciam,' inquit 'ad hostem an ad filium venerim, captiva materne in castris tuis sim. in hoc me longa vita et infelix senecta traxit, ut exulem 6 te, deinde hostem viderem? potuisti populari hanc terram, quae te genuit atque aluit? non tibi, quamvis infesto animo 7 et minaci perveneras, ingredienti fines ira cecidit? non, cum in conspectu Roma fuit, succurrit "intra illa moenia domus ac penates mei sunt, mater, coniunx liberique?" ergo ego nisi peperissem, Roma non oppugnaretur, nisi 8 filium haberem, libera in libera patria mortua essem. sed ego nihil iam pati nec tibi turpius, (quam) mihi miserius possum nec, ut sum miserrima, diu futura sum; de his 9 videris, quos, si pergis, aut inmatura mors aut longa servitus manet.' uxor deinde ac liberi amplexi fletusque ab omni turba mulierum ortus et conploratio sui patriaeque fregere tandem virum. complexus inde suos dimittit, ipse 10 retro ab urbe castra movit. abductis deinde legionibus ex agro Romano, invidia rei oppressum perisse tradunt alii alio leto; apud Fabium, longe antiquissimum auctorem, usque ad senectutem vixisse eundem invenio: refert certe, 11 hanc saepe eum, exacta aetate, usurpasse vocem, multo miserius seni exilium esse. non inviderunt laudes suas mulieribus viri Romani, adeo sine obtrectatione gloriae alienae vivebatur; monumento quoque quod esset, templum 12 Fortunae muliebri aedificatum dedicatumque est.

Rediere deinde Volsci adiunctis Aequis in agrum Romanum, sed Aequi Attium Tullium haud ultra tulere ducem. hinc ex certamine, Volsci Aequine imperatorem coniuncto 13 exercitui darent, seditio, deinde atrox proelium ortum. ibi fortuna populi Romani duos hostium exercitus haud minus pernicioso quam pertinaci certamine confecit.

Consules Titus Sicinius et C. Aquilius. Sicinio Volsci, 14 Aquilio Hernici — nam ii quoque in armis erant — provincia evenit. eo anno Hernici devicti, cum Volscis aequo Marte discessum est.

**XXXXI.** Sp. Cassius deinde et Proculus Verginius 1 consules facti. cum Hernicis foedus ictum, agri partes duae ademptae. inde dimidium Latinis, dimidium plebi divisurus consul Cassius erat. adiciebat huic muneri agri 2

aliquantum, quem publicum possideri a privatis crimina-  
 batur: id multos quidem patrum, ipsos possessores, peri-  
 culo rerum suarum terrebat. sed et publica patribus solli-  
 citudo inerat, largitione consulem periculosas libertati opes  
 3 struere. tum primum lex agraria promulgata est, num-  
 quam deinde usque ad hanc memoriam sine maximis  
 4 motibus rerum agitata. consul alter largitioni resistebat  
 auctoribus patribus nec omni plebe adversante, quae primo  
 coeperat fastidire munus: vulgatum, a civibus isse in so-  
 5 cios. saepe deinde et Verginium consulem in contionibus  
 velut vaticinantem audiebat, pestilens collegae munus esse,  
 agros illos servitutem iis qui acceperint laturos, regno  
 6 viam fieri. quid ita enim adsumi socios et nomen Lati-  
 num? quid attinuisse Hernicis, paulo ante hostibus, capti  
 agri partem tertiam reddi, nisi ut eae gentes pro Corio-  
 7 lano duce Cassium habeant? popularis iam esse dissuasor  
 et intercessor legis agrariae coeperat. uterque deinde con-  
 sul, ut certatim, plebi indulgere. Verginius dicere, pas-  
 surum se adsignari agros, dum ne cui nisi civi Romano  
 8 adsignentur, Cassius, quia in agraria largitione ambitiosus  
 in socios eoque civibus vilior erat, ut alio munere sibi re-  
 conciliaret civium animos, iubere pro Siculo frumento  
 9 pecuniam acceptam retribui populo. id vero haud secus  
 quam praesentem mercedem regni aspernata plebes; adeo  
 propter suspicionem insitam regni, velut abundarent omnia,  
 munera eius in animis hominum respuebantur.

10 Quem, ubi primum magistratu abiit, damnatum neca-  
 tumque constat. sunt qui patrem auctorem eius supplicii  
 ferant: eum, cognita domi causa, verberasse ac necasse  
 peculiumque filii Cereri consecravisse, signum inde fac-  
 11 tum esse et inscriptum 'ex Cassia familia datum.' invenio  
 apud quosdam, idque propius fidem est, a quaestoribus  
 Caesone Fabio et L. Valerio diem dictam perduellionis  
 12 damnatumque populi iudicio, dirutas publice aedes. ea est  
 area ante Telluris aedem. ceterum, sive illud domesticum  
 sive publicum fuit iudicium, damnatur Servio Cornelio,  
 Q. Fabio consulibus.

1 XXXXII. Haud diuturna ira populi in Cassium fuit.  
 dulcedo agrariae legis ipsa per se dempto auctore sub-

ibat animos accensaque ea cupiditas est malignitate patrum, qui, devictis eo anno Volscis Aequisque, militem praeda fraudavere. quidquid captum ex hostibus est, vendidit 2 Fabius consul ac redegit in publicum.

Invisum erat Fabium nomen plebi propter novissimum consulem; tenuere tamen patres, ut cum L. Aemilio Caeso Fabius consul crearetur. eo infestior facta plebes seditione 3 domestica bellum externum excivit. bello deinde civiles discordiae intermissae: uno animo patres ac plebs rebelantes Volscos et Aequos duce Aemilio prospera pugna vicere. plus tamen hostium fuga quam proelium absum- 4 psit; adeo pertinaciter fusos insecuti sunt equites. Castoris 5 aedes eodem anno idibus Quintilibus dedicata est: vota erat Latino bello Postumio dictatore, filius eius duumvir ad id ipsum creatus dedicavit.

Sollicitati et eo anno sunt dulcedine agrariae legis 6 animi plebis. tribuni plebi popularem potestatem lege populari celebrabant, patres, satis superque gratuiti favoris in multitudinem credentes esse, largitiones temeritatisque invitamenta horrebant. acerrimi patribus duces ad resistendum consules fuere.

Ea igitur pars rei publicae vicit: nec in praesens modo, 7 sed in venientem etiam annum M. Fabium, Caesonis fratrem, et magis invisum alterum plebi accusatione Sp. Cassi, L. Valerium, consules dedit. certatum eo quoque 8 anno cum tribunis est. vana lex vanique legis auctores iactando inritum munus facti. Fabium inde nomen ingens, post tres continuos consulatus unoque velut tenore omnes expertos tribuniciis certaminibus, habitum: itaque, ut bene locatus, mansit in ea familia aliquamdiu honos. bellum inde Veiens initum. et Volsci rebellarunt. sed ad 9 bella externa prope supererant vires abutebanturque iis inter semet ipsos certando. accessere ad aegras iam om- 10 nium mentes prodigia caelestia, prope cotidianas in urbe agrisque ostendantia minas, motique ira numinis causam nullam aliam vates canebant publice privatimque, nunc extis, nunc per aves consulti, quam haud rite sacra fieri. qui terrores tamen eo evasere, ut Opillia virgo Vestalis, 11 damnata incesti, poenas dederit.



1     **XXXXIII.** Q. Fabius inde et C. Iulius consules facti.  
eo anno non segnior discordia domi et bellum foris atro-  
cius fuit. ab Aequis arma sumpta. Veientes agrum quo-  
que Romanorum populantes inierunt.

Quorum bellorum crescente cura Caeso Fabius et Sp.  
2     Furius consules fiunt. Ortonam, Latinam urbem, Aequi  
oppugnabant, Veientes, pleni iam populationum, Romam  
3 ipsam se oppugnaturos minabantur. qui terrores cum  
conspescere deberent, auxere insuper animos plebis; red-  
ibatque non sua sponte plebi mos detractandi militiam, sed  
Spurius Licinius, tribunus plebis, venisse tempus ratus  
per ultimam necessitatem legis agrariae patribus iniun-  
4 gendae, suscepit rem militarem impediendam. ceterum  
tota invidia tribuniciae potestatis versa in auctorem est;  
nec in eum consules acrius quam ipsius collegae coorti  
5 sunt auxilioque eorum dilectum consules habent. ad duo  
simul bella exercitus scribitur: ducendus Fabio in Veien-  
tes, in Aequos Furio datur. et in Aequis quidem nihil  
6 dignum memoria gestum est; Fabio aliquanto plus negotii  
cum civibus quam cum hostibus fuit. unus ille vir, ipse  
consul, rem publicam sustinuit, quam exercitus odio con-  
7 sulis, quantum in se fuit, prodebat. nam cum consul  
praeter ceteras imperatorias artes, quas parando gerendo-  
que bello edidit plurimas, ita instruxisset aciem, ut solo  
equitatu emisso exercitum hostium funderet, insequi fusos  
8 pedes noluit. nec illos, etsi non adhortatio invisi ducis,  
suum saltem flagitium et publicum in praesentia dedecus,  
postmodo periculum, si animus hosti redisset, cogere po-  
tuit, gradum accelerare aut, si aliud nihil, stare instruc-  
9 tos. iniussu signa referunt, maestique — crederes victos —  
execrantes nunc imperatorem nunc navatam ab equite  
10 operam, redeunt in castra. nec huic tam pestilenti exemplo  
remedia ulla ab imperatore quaesita sunt: adeo excellenti-  
bus ingeniis citius defuerit ars, qua civem regant, quam  
11 qua hostem superent. consul Romam rediit, non tam belli  
gloria aucta quam inritato exacerbatoque in se militum odio.

Obtinuere tamen patres, ut in Fabia gente consulatus  
maneret: M. Fabium consulem creant, Fabio collega Gnaeus  
Manlius datur.

**XXXIII.** Et hic annus tribunum auctorem legis 1  
agrariae habuit: Tib. Pontificius fuit. is eandem viam,  
velut processisset Sp. Licinio, ingressus dilectum pauli-  
sper impediit. perturbatis iterum patribus, Appius Clau- 2  
dius victam tribuniciam potestatem dicere priore anno, in  
praesentia re, exemplo in perpetuum, quando inventum sit,  
suis ipsam viribus dissolvi; neque enim umquam defutu- 3  
rum, qui et ex collega victoriam sibi et gratiam melioris  
partis bono publico velit quaesitam, et plures, si pluribus  
opus sit, tribunos ad auxilium consulum paratos fore, et  
unum vel adversus omnes satis esse. darent modo et con- 4  
sules et primores patrum operam, ut, si minus omnes, ali-  
quos tamen ex tribunis rei publicae ac senatui concilia-  
rent. praeceptis Appii moniti patres et universi comiter 5  
ac benigne tribunos appellare, et consulares, ut cuique  
eorum privatim aliquid iuris adversus singulos erat, partim  
gratia partim auctoritate obtinere, ut tribuniciae pote-  
statis vires salubres vellent rei publicae esse: quattuorque 6  
tribunorum adversus unum, moratorem publici commodi,  
auxilio dilectum consules habent. inde ad Veiens bellum 7  
profecti, quo undique ex Etruria auxilia convenerant, non  
tam Veientium gratia concitata quam quod in spem ven-  
tum erat, discordia intestina dissolvi rem Romanam posse;  
principesque in omnium Etruriae populorum conciliis fre- 8  
mebant, aeternas opes esse Romanas, nisi inter semet ipsi  
seditionibus saeviant. id unum venenum, eam labem ci-  
vitatibus opulentis repertam, ut magna inperia mortalia  
essent. diu sustentatum id malum partim patrum con- 9  
siliis partim patientia plebis iam ad extrema venisse: duas  
civitates ex una factas, suos cuique parti magistratus, suas  
leges esse. primum in dilectibus saevire solitos, eosdem 10  
in bello tamen paruisse ducibus, qualicumque urbis statu  
manente disciplina militari sisti potuisse; iam non parendi  
magistratibus morem in castra quoque Romanum militem  
sequi. proximo bello in ipsa acie, in ipso certamine, con- 11  
sensu exercitus traditam ultro victoriam victis Aequis,  
signa deserta, imperatorem in acie relictum, iniussu in  
castra reditum. profecto, si instetur, suo milite vinci Ro- 12  
mam posse. nihil aliud opus esse quam indici ostendique

bellum, cetera sua sponte fata et deos gesturos. hae spes Etruscos armaverant multis invicem casibus victos victoresque.

1 XXXV. Consules quoque Romani nihil praeterea  
aliud quam suas vires, sua arma horrebant. memoria pes-  
2 simi proximo bello exempli terrebantur, ne rem conmit-  
terent eo, ubi duae simul acies timendae essent. itaque  
castris se tenebant tam ancipiti periculo aversi: diem tem-  
pusque forsitan ipsum lenitum iras sanitatemque animis  
3 adlaturum. Veiens hostis Etruscique eo magis praepro-  
pere agere, lacescere ad pugnam primo obequitando castris  
provocandoque, postremo, ut nihil movebant, qua consules  
4 ipsos, qua exercitum increpando: simulationem intestinae  
discordiae remedium timoris inventum et consules magis  
non confidere quam non credere suis militibus. novum  
seditionis genus silentium otiumque inter armatos. ad  
haec in novitatem generis originisque qua falsa, qua vera  
5 iacere. haec cum sub ipso vallo portisque streperent, haud  
aegre consules pati. at inperitae multitudini nunc indi-  
gnatio, nunc pudor pectora versare et ab intestinis avertere  
malis: nolle inultos hostes, nolle successum, non patribus,  
non consulibus; externa et domestica odia certare in ani-  
6 mis. tandem superant externa: adeo superbe insolenter-  
que hostis eludebat. frequentes in praetorium conveniunt,  
7 poscunt pugnam, postulant, ut signum detur. consules  
velut deliberabundi capita conferunt, diu conlocuntur.  
pugnare cupiebant, sed retro revocanda et abdenda cupi-  
ditas erat, ut adversando remorandoque incitato semel mi-  
8 liti adderent impetum. redditur responsum, in maturam  
rem agi, nondum tempus pugnae esse, castris se tenerent.  
edicunt inde, ut abstineant pugna; si quis iniussu pug-  
9 naverit, ut in hostem animadversuros. ita dimissis, quo  
minus consules velle credunt, crescit ardor pugnandi. ac-  
cendunt insuper hostes ferocius multo, ut statuisset non  
10 pugnare consules cognitum est, quippe inpune se insulta-  
turos, non credi militi arma, rem ad ultimum seditionis  
erupturam finemque venisse Romano imperio. his freti  
occursant portis, ingerunt probra, aegre abstinent, quin  
11 castra oppugnent. enimvero non ultra contumeliam pati

Romanus posse; totis castris undique ad consules curritur. non iam sensim, ut ante, per centurionum principes postulant, sed passim omnes clamoribus agunt. matura res erat, tergiversantur tamen. Fabius deinde, ad crescentem tumultum iam metu seditionis collega concedente, cum silentium classico fecisset: 'ego istos, Cn. Manli, posse vincere scio; velle ne scirem, ipsi fecerunt: itaque certum 12  
atque decretum est, non dare signum, nisi victores se redituros ex hac pugna iurant. consulem Romanum miles semel in acie fefellit, deos numquam fallit.' centurio erat M. Flavoleius inter primores pugnae flagitator. 'victor,' inquit 'M. Fabi, revertar ex acie.' si fallat, Iovem patrem 14  
Gradivumque Martem aliosque iratos invocat deos. idem deinceps omnis exercitus in se quisque iurat, iuratis datur signum, arma capiunt, eunt in pugnam irarum speique pleni; nunc iubent Etruscos probra iacere, nunc 15  
armatis sibi quisque lingua promptum hostem offerri. omnium illo die, qua plebis, qua patrum, eximia virtus 16  
fuit. Fabium nomen, Fabia gens maxime enituit. multis civilibus certaminibus infensos plebis animos illa pugna sibi reconciliare statuunt. instruitur acies, nec Veiens hostis Etruscaeque legiones detrectant.

XXXXVI. Prope certa spes erat, non magis secum 1  
pugnatos quam pugnarint cum Aequis, maius quoque aliquod in tam inritatis animis et occasione ancipiti haud desperandum esse facinus. res aliter longe evenit. nam 2  
non alio ante bello infestior Romanus — adeo hinc contumeliis hostes, hinc consules mora exacerbaverant — proelium iniit. vix explicandi ordines spatium Etruscis 3  
fuit, cum, pilis inter primam trepidationem abiectis temere magis quam emissis, pugna iam in manus, iam ad gladios, ubi Mars est atrocissimus, venerat. inter primores genus 4  
Fabium insigni spectaculo exemploque civibus erat. ex his Quintum Fabium — tertio hic anno ante consul fuerat —, principem in confertos Veientes euntem, ferox viribus et armorum arte Tuscus incautum inter multas versantem hostium manus gladio per pectus transfigit; telo extracto, praeceps Fabius in vulnus abiit. sensit utraque 5  
acies unius viri casum cedebatque inde Romanus, cum

M. Fabius consul transiit iacentis corpus, obiectaque parma ‘hoc iurastis,’ inquit ‘milites, fugientes vos in castra redituros? adeo ignavissimos hostis magis timetis quam Iovem Martemque, per quos iurastis? at ego iniuratus aut victor revertar, aut prope te hic, Quinte Fabi, dimicans cadam.’ consuli tum Caeso Fabius, prioris anni consul: ‘verbisne istis, frater, ut pugnent, te impetraturum credis? dii impetrabunt, per quos iuravere. et nos, ut decet procures, ut Fabio nomine est dignum, pugnando potius quam adhortando accendamus militum animos.’ sic in primum infensis hastis provolant duo Fabii, totamque moverunt secum aciem.

1 XXXXVII. Proelio ex parte una restituto, nihilo  
segnius in cornu altero Cn. Manlius consul pugnam cie-  
2 bat, ubi prope similis fortuna est versata. nam ut altero  
in cornu Q. Fabium, sic in hoc ipsum consulem Manlium  
iam velut fusos agentem hostis et inpigre milites secuti  
sunt et, ut ille gravi vulnere ictus ex acie cessit, inter-  
3 fectum rati gradum retulere; cessissentque loco, ni con-  
sul alter cum aliquot turmis equitum in eam partem citato  
equo advectus, vivere clamitans collegam, se victorem fuso  
4 altero cornu adesse, rem inclinatam sustinuisset. Manlius  
quoque ad restituendam aciem se ipse coram offert. duo-  
rum consulum cognita ora accendunt militum animos.  
simul et vanior iam erat hostium acies, dum, abundante  
multitudine freti, subtracta subsidia mittunt ad castra op-  
5 pugnanda. in quae haut magno certamine impetu facto,  
dum praedae magis quam pugnae memores tererent tem-  
pus, triarii Romani, qui primam inruptionem sustinere non  
potuerant, missis ad consules nuntiis, quo loco res essent,  
conglobati ad praetorium redeunt et sua sponte ipsi proe-  
6 lium renovant. et Manlius consul reiectus in castra, ad  
omnes portas milite opposito, hostibus viam clauserat. ea  
desperatio Tuscis rabiem magis quam audaciam accendit.  
nam cum incursantes, quacumque exitum ostenderet spes,  
vano aliquotiens impetu issent, globus iuvenum unus in  
7 ipsum consulem, insignem armis, invadit. prima excepta  
a circumstantibus tela, sustineri deinde vis nequit. con-  
sul mortifero vulnere ictus cadit, fusique circa omnes.

Tuscis crescit audacia, Romanos terror per tota castra 8  
trepidos agit et ad extrema ventum foret, ni legati, rapto  
consulis corpore, patefecissent una porta hostibus viam.  
ea erumpunt; consternatoque agmine abeuntes in vic- 9  
torem alterum incidunt consulem. ibi iterum caesi fusique  
passim.

Victoria egregia parta, tristis tamen duobus tam claris  
funeribus. itaque consul, decernente senatu triumphum, 10  
si exercitus sine imperatore triumphare possit, pro eximia  
eo bello opera facile passurum respondit; se, familia fu-  
nesta Quinti Fabi fratris morte, re publica ex parte orba  
consule altero amisso, publico privatoque deformem luctu  
lauream non accepturum. omni acto triumpho depositus 11  
triumphus clarior fuit, adeo spreta in tempore gloria in-  
terdum cumulator redit. funera deinde duo deinceps col-  
legae fratrisque ducit, idem in utroque laudator, cum,  
concedendo illis suas laudes, ipse maximam partem earum  
ferret. neque inmemor eius, quod initio consulatus in- 12  
biberat, reconciliandi animos plebis, saucios milites curan-  
dos dividit patribus. Fabiis plurimi dati, nec alibi maiore  
cura habiti. inde populares iam esse Fabii nec hoc ulla  
re, nisi salubri rei publicae arte.

XXXXVIII. Igitur non patrum magis quam plebis 1  
studiis K. Fabius cum Tito Verginio consul factus neque  
bella neque dilectus neque ullam aliam priorem curam  
agere, quam ut, iam aliqua ex parte inchoata concordiae  
spe, primo quoque tempore cum patribus coalescerent animi  
plebis. itaque principio anni censuit, priusquam quisquam 2  
agrariae legis auctor tribunus existeret, occuparent pa-  
tres ipsi suum munus facere, captivum agrum plebi quam  
maxime aequaliter darent: verum esse, habere eos, quo-  
rum sanguine ac sudore partus sit. aspernati patres sunt, 3  
questi quoque quidam, nimia gloria luxuriare et evane-  
scere vividum quondam illud Caesonis ingenium. nullae  
deinde urbanae factiones fuere. vexabantur incursionibus 4  
Aequorum Latini; eo cum exercitu Caeso missus, in  
ipsorum Aequorum agrum depopulandum transit. Aequi  
se in oppida receperunt murisque se tenebant. eo nulla  
pugna memorabilis fuit.

5 At a Veiente hoste clades accepta temeritate alterius  
consulis, actumque de exercitu foret, ni Caeso Fabius in  
tempore subsidio venisset. ex eo tempore neque pax ne-  
que bellum cum Veientibus fuit. res proxime in formam  
6 latrocinii venerat: legionibus Romanis cedebant in urbem,  
ubi abductas senserant legiones agros incursabant, bel-  
lum quiete, quietem bello invicem eludentes. ita neque  
omitti tota res nec perfici poterat. et alia bella aut prae-  
sentia instabant, ut ab Aequis Volscisque, non diutius  
quam recens dolor proximae cladis transiret quiescenti-  
bus, aut mox moturos se apparebat Sabinos, semper in-  
7 festos, Etruriamque omnem. sed Veiens hostis, adsiduus  
magis quam gravis, contumeliis saepius quam periculo  
animos agitabat, quod nullo tempore neglegi poterat aut  
8 averti alio sinebat. tum Fabia gens senatum adiit. con-  
sul pro gente loquitur: 'adsiduo magis quam magno prae-  
sidio, ut scitis, patres conscripti, bellum Veiens eget. vos  
alia bella curate, Fabios hostis Veientibus date. auctores  
9 sumus, tutam ibi maiestatem Romani nominis fore. no-  
strum id nobis velut familiare bellum privato sumptu ge-  
rere in animo est: res publica et milite illic et pecunia  
10 vacet.' gratiae ingentes actae. consul e curia egressus,  
comitante Fabiorum agmine, qui in vestibulo curiae se-  
natus consultum expectantes steterant, domum redit. iussi  
armati postero die ad limen consulis adesse. domos inde  
discedunt.

1 XXXXVIII. Manat tota urbe rumor, Fabios ad cae-  
lum laudibus ferunt: familiam unam subisse civitatis onus,  
Veiens bellum in privatam curam, in privata arma versum.  
2 si sint duae roboris eiusdem in urbe gentes, deposcant  
haec Volscos sibi, illa Aequos; populo Romano tranquil-  
lam pacem agente, omnes finitimos subigi populos posse.  
Fabii postera die arma capiunt, quo iussi erant conve-  
3 niunt. consul paludatus egrediens in vestibulo gentem  
omnem suam instructo agmine videt, acceptus in medium  
signa ferri iubet. numquam exercitus neque minor numero  
neque clarior fama et admiratione hominum per urbem  
4 incessit: sex et trecenti milites, omnes patricii, omnes  
unius gentis, quorum neminem ducem sperneres, egregius



quibuslibet temporibus senatus, ibant, unius familiae viribus Veienti populo pestem minitantes. sequebatur turba, 5 propria alia cognatorum sodaliumque, nihil medium, nec spem nec curam, sed immensa omnia volventium animo, alia publica sollicitudine excitata, favore et admiratione stupens. ire fortes, ire felices iubent, inceptis eventus 6 pares reddere; consulatus inde ac triumphos, omnia praemia ab se, omnes honores sperare. praetereuntibus Capitolium arcemque et alia templa, quidquid deorum oculis, quidquid animo occurrit, precantur, ut illud agmen faustum atque felix mittant, sospites brevi in patriam ad parentes restituant. incassum missae preces. infelici via, 8 dextro Iano portae Carmentalis, profecti, ad Cremeram flumen perveniunt. is opportunus visus locus communiendo praesidio.

L. Aemilius inde et C. Servilius consules facti. et 9 donec nihil aliud quam in populationibus res fuit, non ad praesidium modo tutandum Fabii satis erant, sed tota regione, qua Tusculus ager Romano adiacet, sua tuta omnia, infesta hostium, vagantes per utrumque finem, fecere. intervallum deinde haud magnum populationibus fuit, dum 10 et Veientes accito ex Etruria exercitu praesidium Cremerae oppugnant et Romae legiones, ab L. Aemilio consule adductae, comminus cum Etruscis dimicant acie. quamquam vix dirigendi aciem spatium Veientibus fuit: adeo inter 11 primam trepidationem, dum post signa ordines introeunt subsidiaque locant, invecta subito ab latere Romana equitum ala non pugnae modo incipiendae, sed consistendi ademit locum. ita fusi retro ad saxa rubra — ibi castra 12 habebant — pacem supplices petunt. cuius impetratae ab insita animis levitate ante deductum Cremera Romanum praesidium paenituit.

L. Rursus cum Fabiis erat Veienti populo sine ullo 1 maioris belli apparatu certamen nec erant incursiones modo in agros aut subiti impetus in incursantes, sed aliquotiens aequo campo conlatisque signis certatum gensque una populi Romani saepe ex opulentissima, ut tum res erant, Etrusca civitate victoriam tulit. id primo acerbum indignumque Veientibus est visum, inde consilium ex re natum 3

insidiis ferocem hostem captandi. gaudere etiam, multo  
 4 successu Fabiis audaciam crescere; itaque et pecora  
 praedantibus aliquotiens, velut casu incidissent, obviam  
 acta et agrestium fuga vasti relictis agri, et subsidia ar-  
 matorum ad arcendas populationes missa saepius simulato  
 5 quam vero pavore refugerunt. iamque Fabii adeo con-  
 tempserant hostem, ut sua invicta arma neque loco neque  
 tempore ullo crederent sustineri posse. haec spes pro-  
 vexit, ut ad conspecta procul a Cremera magno campi in-  
 tervallo pecora, quamquam rara hostium apparebant arma,  
 6 decurrerent. et cum improvidi effuso cursu insidias circa  
 ipsum iter locatas superassent palatique passim vaga, ut  
 fit pavore iniecto, raperent pecora, subito ex insidiis con-  
 7 surgitur et adversi et undique hostes erant. primo cla-  
 mor circumlatus exterruit, dein tela ab omni parte ac-  
 cidebant, coeuntibusque Etruscis iam continenti agmine  
 armatorum saepti, quo magis se hostis inferebat, coge-  
 8 bantur breviori spatio et ipsi orbem colligere, quae res  
 et paucitatem eorum insignem et multitudinem Etrusco-  
 9 rum multiplicatis in arto ordinibus faciebat. tum omissa  
 pugna, quam in omnes partis parem intenderant, in unum  
 locum se omnes inclinant. eo nisi corporibus armisque,  
 10 rupere cuneo viam. duxit via in editum leniter collem.  
 inde primo resistere. mox, ut respirandi superior locus  
 spatium dedit recipiendique a pavore tanto animum, pe-  
 pulere etiam subeuntes, vincebatque auxilio loci pauci-  
 tas, ni iugo circummissus Veiens in verticem collis eva-  
 11 sisset. ita superior rursus hostis factus. Fabii caesi ad  
 unum omnes praesidiumque expugnatum. trecentos sex  
 perisse satis convenit, unum propter impuberem aetatem  
 relictum, stirpem genti Fabiae dubiisque rebus populi  
 Romani saepe domi bellicae vel maximum futurum au-  
 xilium.

1 LI. Cum haec accepta clades est, iam C. Horatius et  
 T. Menenius consules erant. Menenius adversus Tuscos  
 2 victoria elatos confestim missus. tum quoque male pu-  
 gnatum est et Ianiculum hostes occupavere obsessaque  
 urbs foret super bellum annona premente — transierant  
 enim Etrusci Tiberim —, ni Horatius consul ex Volscis

esset revocatus; adeoque id bellum ipsis institit moenibus, ut primo pugnatum ad Spei sit aequo Marte, iterum ad portam Collinam. ibi quamquam parvo momento superior 3 Romana res fuit, meliorem tamen militem recepto pristino animo in futura proelia id certamen fecit.

A. Verginius et Sp. Servilius consules fiunt. post ac- 4 ceptam proximam pugnae cladem Veientes abstinuere acie. populationes erant et velut ab arce Ianiculi passim in Romanum agrum impetus dabant. non usquam pecora tuta, non agrestes erant. capti deinde eadem arte sunt, qua 5 ceperant Fabios. secuti dedita opera passim ad inlecebras propulsa pecora praecipitavere in insidias. quo plures erant, maior caedes fuit. ex hac clade atrox ira maioris 6 cladis causa atque initium fuit. trajecto enim nocte Tiberi, castra Servili consulis adorti sunt oppugnare. inde fusi magna caede in Ianiculum se aegre recepere. confestim 7 consul et ipse transit Tiberim, castra sub Ianiculo communit. postero die luce orta nonnihil et hesterna felicitate pugnae ferox, magis tamen, quod inopia frumenti quamvis in praecipitia, dum celeriora essent, agebat consilia, temere adverso Ianiculo ad castra hostium aciem erexit foediusque inde pulsus quam pridie pepulerat, interventu 8 collegae ipse exercitusque est servatus. inter duas acies 9 Etrusci, cum invicem his atque illis terga darent, occidione occisi. ita oppressum temeritate felici Veiens bellum.

LII. Urbi cum pace laxior etiam annona rediit et ad- 1 vecto ex Campania frumento et, postquam timor sibi cuique futurae inopiae abiit, eo, quod abditum fuerat, pro- lato. ex copia deinde otioque lascivire rursus animi et 2 pristina mala, postquam foris deerant, domi quaerere. tribuni plebem agitare suo veneno, agraria lege, in resistentis incitare patres, nec in universos modo, sed in singulos. Quintus Considius et T. Genucius, auctores agrariae 3 legis, T. Menenio diem dicunt. invidiae erat amissum Cremerae praesidium, cum haud procul inde stativa consul habuisset: ea oppressit. cum et patres haut minus 4 quam pro Coriolano adnisi essent et patris Agrippae favor hautdum exolevisset, in multa temperarunt tribuni: cum 5 capitis anquisissent, duo milia aeris damnato multam

edixerunt. ea in caput vertit. negant tulisse ignominiam aegritudinemque, inde morbo absumptum esse.

6 Alius deinde reus Sp. Servilius, ut consulatu abiit, C. Nautio et P. Valerio consulibus, initio statim anni ab L. Caedicio et T. Statio tribunis die dicta, non ut Mene-  
 7 nius precibus suis aut patrum, sed cum multa fiducia innocentiae gratiaeque tribunicios impetus tulit. et huic proelium cum Tuscis ad Ianiculum erat crimini. sed fer-  
 vidi animi vir, ut in publico periculo ante, sic tum in suo, non tribunos modo, sed plebem oratione feroci refutando exprobrandoque T. Meneni damnationem mortemque, cuius  
 8 patris munere restituta quondam plebs eos ipsos, quibus tum saeviret, magistratus, eas leges haberet, periculum audacia discussit. iuvit et Verginius collega testis pro-  
 ductus participando laudes, magis tamen Menenianum — adeo mutaverant animum — profuit iudicium.

1 LIII. Certamina domi finita. Veiens bellum exortum, quibus Sabini arma coniunxerunt. P. Valerius consul, accitis Latinorum Hernicorumque auxiliis cum exercitu Veios missus, castra Sabina, quae pro moenibus sociorum locata erant, confestim adgreditur, tantamque trepidationem iniecit, ut, dum dispersi alii alia manipulatim excur-  
 2 runt ad arcendam hostium vim, ea porta, cui signa primum intulerat, caperetur. intra vallum deinde caedes magis quam proelium esse. tumultus e castris et in urbem penetrat: tamquam Veiis captis, ita pavidī Veientes ad arma currunt. pars Sabinis eunt subsidio, pars Romanos  
 3 toto impetu intentos in castra adoriuntur. paulisper aversi turbatique sunt, deinde et ipsi utroque versis signis resistunt et eques, ab consule inmissus, Tuscos fundit fugatque. eadem hora duo exercitus, duae potentissimae et maximae finitumae gentes superatae sunt.

4 Dum haec ad Veios geruntur, Volsci Aequique in Latino agro posuerant castra populatique fines erant. eos per se ipsi Latini, adsumptis Hernicis, sine Romano aut  
 5 duce aut auxilio castris exuerunt. ingenti praeda praeter suas reciperatas res potiti sunt. missus tamen ab Roma consul in Volscos C. Nautius. mos, credo, non placebat sine Romano duce exercituque socios propriis viribus con-

siliisque bella gerere. nullum genus calamitatis contume- 6  
liaeque non editum in Volscos est, nec tamen perpelli  
potuere, ut acie dimicarent.

LIII. L. Furius inde et C. Manlius consules. Manlio 1  
Veientes provincia evenit; non tamen bellatum: indutiae  
in annos quadraginta petentibus datae frumento stipendio-  
que imperato. paci externae confestim continuatur discor- 2  
dia domi. agrariae legis tribuniciiis stimulis plebs furebat.  
consules, nihil Meneni damnatione, nihil periculo deteriti  
Servilii, summa vi resistunt. abeuntes magistratu Cn. Ge-  
nucius tribunus plebis arripuit.

L. Aemilius et Opiter Verginius consulatum ineunt; 3  
Vopiscum Iulium pro Verginio in quibusdam annalibus  
consulem invenio. hoc anno, quoscumque consules ha-  
buit, rei ad populum Furius et Manlius circumeunt sor-  
didati non plebem magis quam iuniores patrum. suadent, 4  
monent, honoribus et administratione rei publicae absti-  
neant, consulares vero fasces, praetextam curulemque  
sellam nihil aliud quam pompam funeris putent; claris  
insignibus velut infulis velatos ad mortem destinari. quod 5  
si consulatus tanta dulcedo sit, iam nunc ita in animum  
inducant, consulatum captum et oppressum ab tribunicia  
potestate esse, consuli, velut apparitori tribunicio, omnia  
ad nutum imperiumque tribuni agenda esse. si se com- 6  
moverit, si respexerit patres, si aliud quam plebem esse  
in re publica crediderit, — exilium Cn. Marci, Meneni  
damnationem et mortem sibi proponant ante oculos. his 7  
accensi vocibus patres consilia inde non publica, sed in  
privato seductaque a plurium conscientia habuere. ubi  
cum id modo constaret, iure an iniuria eripiendos esse  
reos, atrocissima quaeque maxime placebat sententia, nec  
auctor quamvis audaci facinori deerat. igitur iudicii die 8  
cum plebs in foro erecta expectatione staret, mirari primo,  
quod non descenderet tribunus, dein, cum iam mora su-  
spectior fieret, deteritum a primoribus credere et desertam  
ac proditam causam publicam queri; tandem qui obver- 9  
sati vestibulo tribuni fuerant, nuntiant domi mortuum esse  
inventum. quod ubi in totam contionem pertulit rumor,  
sicut acies funditur duce occiso, ita dilapsi passim alii

alio. praecipuus pavor tribunos invaserat, quam nihil auxilii sacratae leges haberent, morte collegae monitos.  
10 nec patres satis moderate ferre laetitiam; adeoque neminem noxae paenitebat, ut etiam insontes fecisse videri vellent palamque ferretur, malo domandam tribuniciam potestatem.

1 LV. Sub hac pessimi exempli victoria dilectus edicitur, paventibusque tribunis sine intercessione ulla consules  
2 rem peragunt. tum vero irasci plebs tribunorum magis silentio quam consulum imperio et dicere, actum esse de libertate sua, rursus ad antiqua reditum, cum Genucio uno mortuam ac sepultam tribuniciam potestatem: aliud  
3 agendum ac cogitandum, quo modo resistatur patribus; id autem unum consilium esse, ut se ipsa plebs, quando aliud nihil auxilii habeat, defendat. quattuor et viginti lictores apparere consulibus, et eos ipsos plebis homines. nihil contemptius neque infirmius, si sint qui contemnant; sibi quemque ea magna atque horrenda facere.

4 His vocibus alii alios cum incitassent, ad Voleronem Publilium, de plebe hominem, quia, quod ordines duxisset, negaret, se militem fieri debere, lictor missus est a  
5 consulibus. Volero appellat tribunos. cum auxilio nemo esset, consules spoliari hominem et virgas expediri iubent. 'provoco' inquit 'ad populum' Volero, 'quoniam tribuni civem Romanum in conspectu suo virgis caedi malunt quam ipsi in lecto suo a vobis trucidari.' quo ferocius clamitabat, eo infestius circumscindere et spoliare lictor.  
6 tum Volero et praevalens ipse et adjuvantibus advocatis repulso lictore, ubi indignantium pro se acerrimus erat  
7 clamor, eo se in turbam confertissimam recipit, clamitans 'provoco et fidem plebis inploro: adeste cives, adeste commilitones. nihil est, quod expectetis tribunos, quibus  
8 ipsis vestro auxilio opus est.' concitati homines veluti ad proelium se expediunt, apparebatque omne discrimen adesse, nihil cuiquam sanctum non publici fore, non privati  
9 iuris. huic tantae tempestati cum se consules obtulissent, facile experti sunt, parum tutam maiestatem sine viribus esse. violatis lictoribus, fascibus fractis e foro in curiam conpelluntur, incerti, quatenus Volero exerceret victoriam.

conticiscente deinde tumultu, cum in senatum vocari ius- 10  
sissent, queruntur iniurias suas, vim plebis, Voleronis au-  
daciam. multis ferociter dictis sententiis, vicere seniores,  
quibus ira patrum adversus temeritatem plebis certari non  
placuit.

LVI. Vleronem amplexa favore plebs proximis comi- 1  
tiis tribunum plebi creat in eum annum, qui Lucium Pi-  
narium, Publium Furium consules habuit. contraque om- 2  
nium opinionem, qui eum vexandis prioris anni consulibus  
permissurum tribunatum credebant, post publicam causam  
privato dolore habito, ne verbo quidem violatis consulibus,  
rogationem tulit ad populum, ut plebei magistratus tributis  
comitiis fierent. haut parva res sub titulo prima specie 3  
minime atroci ferebatur, sed quae patriciis omnem potesta-  
tem per clientium suffragia creandi quos vellent tribunos  
auferret. huic actioni gratissimae plebi cum summa vi 4  
resisterent patres neque, [quae] una vis ad resistendum erat,  
ut intercederet aliquis ex collegio auctoritate aut consulum  
aut principum adduci posset, res tamen, suo ipsa moli-  
mine gravis, certaminibus in annum extrahitur.

Plebs Vleronem tribunum reficit. patres, ad ultimum 5  
dimicationis rati rem venturam, Ap. Claudium, Appi filium,  
iam inde a paternis certaminibus invisum infestumque plebi,  
consulem faciunt. collega ei Titus Quinctius datur.

Principio statim anni nihil prius quam de lege ageba- 6  
tur. sed ut inventor legis Volero, sic Laetorius collega  
eius auctor cum recentior tum acrior erat. ferocem faciebat 7  
belli gloria ingens, quod aetatis eius haut quisquam manu  
promptior erat. is, cum Volero nihil praeterquam de lege  
loqueretur, insectatione abstinens consulum, ipse in accu-  
sationem Appi familiaeque superbissimae ac crudelissimae  
in plebem Romanam exorsus, cum a patribus non consu- 8  
lem, sed carnificem ad vexandam et lacerandam plebem  
creatum esse contenderet, rudis in militari homine lingua  
non suppetebat libertati animoque. itaque deficiente ora- 9  
tione 'quando quidem non facile loquor,' inquit 'Quirites,  
quam quod locutus sum praesto, crastino die adeste. ego  
hic aut in conspectu vestro moriar aut perferam legem.'

Occupabant tribuni templum postero die; consules 10



nobilitasque ad inpediendam legem in contione consistunt: submoveri Laetorius iubet, praeterquam qui suffragium  
11 ineant. adulescentes nobiles stabant, nihil cedentes viatori.  
tum ex his prendi quosdam Laetorius iubet. consul Appius negare, ius esse tribuno in quemquam, nisi in ple-  
12 beium: non enim populi, sed plebis eum magistratum esse,  
nec illum ipsum submovere pro imperio posse more maiorum, quia ita dicatur 'si vobis videtur, discedite, Quirites.' facile haec contemptim de iure disserendo perturbare Lae-  
13 torium poterat. ardens igitur ira tribunus viatorem mittit ad consulem, consul lictorem ad tribunum, privatum esse  
14 clamitans sine imperio, sine magistratu, violatusque esset tribunus, ni et contio omnis atrox coorta pro tribuno in consulem esset et concursus hominum in forum ex tota urbe concitatae multitudinis fieret. sustinebat tamen Appius  
15 pertinacia tantam tempestatem, certatumque haud incruento proelio foret, ni Quinctius, consul alter, consularibus negotio dato ut collegam vi, si aliter non possent, de foro abducerent, ipse nunc plebem saevientem precibus lenisset, nunc orasset tribunos, ut concilium dimitterent,  
16 darent irae spatium; non vim suam illis tempus adempturum, sed consilium viribus additurum; et patres in populi et consulem in patrum fore potestate.

1 LVII. Aegre sedata ab Quinctio plebs, multo aegrius  
2 consul alter a patribus. dimisso tandem concilio plebis, senatum consules habent. ubi cum timor atque ira invicem sententias variassent, quo magis spatio interposito ab impetu ad consultandum advocabantur, eo plus abhorrebant a certatione animi, adeo ut Quinctio gratias agerent, quod eius  
3 opera mitigata discordia esset. ab Appio petitur, ut tantam consularem maiestatem esse vellet, quanta esse in concordia civitate posset. dum consules tribunique ad se quisque omnia trahant, nihil relictum esse virium in medio; distractam laceratamque rem publicam magis quorum in manu sit,  
4 quam ut incolumis sit, quaeri. Appius contra testari deos atque homines, rem publicam prodi per metum ac deseri, non consulem senatui, sed senatum consuli deesse, graves accipi leges quam in sacro monte acceptae sint. victus tamen patrum consensu quievit. lex silentio perfertur.

LVIII. Tum primum tributis comitiis creati tribuni 1  
sunt. numero etiam additos tres, perinde ac duo antea  
fuerint, Piso auctor est. nominat quoque tribunos: Cn. 2  
Siccium, L. Numitorium, M. Duellium, Sp. Icilium, L.  
Maecilium.

Volscum Aequicumque inter seditionem Romanam est 3  
bellum coortum. vastaverant agros, ut, si qua secessio  
plebis fieret, ad se receptum haberet; compositis deinde  
rebus, castra retro movere. Ap. Claudius in Volscos mis- 4  
sus, Quinctio Aequi provincia evenit. eadem in militia  
saevitia Appi quae domi esse, liberior, quod sine tribuni-  
ciis vinculis erat; odisse plebem plus quam paterno odio: 5  
se victum ab ea, se unico consule electo adversus tribu-  
niciam potestatem perlatam legem esse, quam minore co-  
natu, nequaquam tanta patrum spe priores impedierunt  
consules. haec ira indignatioque ferocem animum ad 6  
vexandum saevo imperio exercitum stimulabat. nec ulla  
vi domari poterat, tantum certamen animis inbiberant.  
segniter, otiose, neglegenter, contumaciter omnia agere. 7  
nec pudor nec metus coercebat. si citius agi vellet agmen,  
tardius sedulo incedere, si adhortator operis adesset, omnes  
sua sponte motam remittere industriam, praesenti vultus 8  
demitte, tacite praetereuntem execrari, ut invictus ille  
odio plebeio animus interdum moveretur. omni nequi- 9  
quam acerbitate prompta nihil iam cum militibus agere, a  
centurionibus corruptum exercitum dicere, tribunos plebei  
cavillans interdum et Volerones vocare.

LVIII. Nihil eorum Volsci nesciebant instabantque 1  
eo magis, sperantes idem certamen animorum adversus  
Appium habiturum exercitum Romanum, quod adversus  
Fabium consulem habuisset. ceterum multo Appio quam 2  
Fabio violentior fuit: non enim vincere tantum noluit, ut  
Fabianus exercitus, sed vinci voluit. productus in aciem  
turpi fuga petit castra, nec ante restitit quam signa in-  
ferentem Volscum munimentis vidit foedamque extremi  
agminis caedem. tum expressa vis ad pugnandum, ut 3  
victor iam a vallo submoveretur hostis, satis tamen ap-  
pareret, capi tantum castra militem Romanum noluisse,  
aliter gaudere sua clade atque ignominia. quibus nihil 4

infractus ferox Appii animus cum insuper saevire vellet  
contionemque advocaret, concurrunt ad eum legati tri-  
bunique, monentes, ne utique experiri vellet imperium,  
5 cuius vis omnis in consensu oboedientium esset. negare  
vulgo milites, se ad contionem ituros, passimque exau-  
diri voces postulantium, ut castra ex Volsco agro move-  
antur. hostem victorem paulo ante prope in portis ac  
vallo fuisse ingentisque mali non suspicionem modo, sed  
6 apertam speciem obversari ante oculos. victus tandem,  
quandoquidem nihil praeter tempus noxae lucrarentur,  
remissa contione iter in insequentem diem pronuntiari  
cum iussisset, prima luce classico signum profectionis  
7 dedit. cum maxime agmen e castris explicaretur, Volsci,  
ut eodem signo excitati, novissimos adoriuntur. a quibus  
perlatus ad primos tumultus eo pavore signaque et ordines  
turbavit, ut neque imperia exaudiri neque instrui acies  
8 posset. nemo ullius nisi fugae memor. ita effuso agmine  
per stragem corporum armorumque evasere, ut prius  
9 hostis desisteret sequi quam Romanus fugere. tandem  
collectis ex dissipato cursu militibus consul, cum revo-  
cando nequiquam suos persecutus esset, in pacato agro  
castra posuit advocataque contione invectus haud falso  
in proditorem exercitum militaris disciplinae, desertorem  
10 signorum, ubi signa, ubi arma essent, singulos rogitans,  
11 inermes milites, signo amisso signiferos, ad hoc centurio-  
nes duplicariosque, qui reliquerant ordines, virgis caesos  
securi percussit; cetera multitudo sorte decimus quisque  
ad supplicium lecti.

1 LX. Contra ea in Aequis inter consulem ac milites  
comitate ac beneficiis certatum est. et natura Quinctius  
erat lenior et saevitia infelix collegae, quo is magis gau-  
2 deret ingenio suo, effecerat. huic tantae concordiae ducis  
exercitusque non ausi offerre se Aequi, vagari popula-  
bundum hostem per agros passi; nec ullo ante bello latius  
3 inde actae praedae. ea omnis militi data est. addebantur  
et laudes, quibus haud minus quam praemio gaudent mi-  
litum animi. cum duci, tum propter ducem patribus quo-  
que placatior exercitus redit, sibi parentem, alteri exerci-  
tui dominum datum ab senatu memorans.

Varia fortuna belli, atroci discordia domi forisque an- 4  
num exactum insignem maxime comitia tributa efficiunt,  
res maior victoria suscepti certaminis quam usu; plus enim 5  
dignitatis comitiis ipsis detractum est patribus ex concilio  
submovendis quam virium aut plebi additum est aut  
demptum patribus.

LXI. Turbulentior inde annus excepit L. Valerio, 1  
T. Aemilio consulibus, cum propter certamina ordinum  
de lege agraria tum propter iudicium Appi Claudii, cui 2  
acerrimo adversario legis causamque possessorum publici  
agri tamquam tertio consuli sustinenti M. Duellius et Cn.  
Siccus diem dixere. numquam ante tam invisus plebi 3  
reus ad iudicium vocatus populi est, plenus suarum, ple-  
nus paternarum irarum. patres quoque non temere pro 4  
ullo aequae adnisi sunt: propugnatorem senatus maiesta-  
tisque vindicem suae, ad omnes tribunicios plebeiosque  
oppositum tumultus, modum dumtaxat in certamine egres-  
sum, iratae obici plebi. unus e patribus ipse Ap. Clau- 5  
dius et tribunos et plebem et suum iudicium pro nihilo  
habebat. illum non minae plebis, non senatus preces per-  
pellere umquam potuere, non modo ut vestem mutaret aut  
supplex prensaret homines, sed ne ut ex consueta quidem  
asperitate orationis, cum ad populum agenda causa esset,  
aliquid leniret atque submitteret. idem habitus oris, ea- 6  
dem contumacia in vultu, idem in oratione spiritus erat,  
adeo ut magna pars plebis Appium non minus reum ti-  
meret quam consulem timuerat. semel causam dixit, quo 7  
semper agere omnia solitus erat, accusatorio spiritu, adeo-  
que constantia sua et tribunos obstupescit et plebem, ut  
diem ipsi sua voluntate prodicerent, trahi deinde rem si-  
nerent. haud ita multum interim temporis fuit; ante tamen 8  
quam prodicta dies veniret, morbo moritur. cuius cum lau- 9  
dationem tribuni plebis impedire conarentur, plebs frau-  
dari sollemni honore supremum diem tanti viri noluit et  
laudationem tam aequis auribus mortui audivit quam vivi  
accusationem audierat et exequias frequens celebravit.

LXII. Eodem anno Valerius consul cum exercitu in 1  
Aequos profectus cum hostem ad proelium elicere non  
posset, castra oppugnare est adortus. prohibuit foeda

2 tempestas cum grandine ac tonitribus caelo deiecta. ad-  
mirationem deinde auxit signo receptui dato adeo tran-  
quilla serenitas reddita, ut vel numine aliquo defensa  
3 castra oppugnare iterum religio fuerit. omnis ira belli ad  
populationem agri vertit. alter consul Aemilius in Sabinis  
bellum gessit. et ibi, quia hostis moenibus se tenebat,  
4 vastati agri sunt. incendiis deinde non villarum modo,  
sed etiam vicorum, quibus frequenter habitabatur, Sabini  
exciti cum praedatoribus occurrissent, ancipiti proelio di-  
5 gressi postero die retulere castra in tutiora loca. id satis  
consuli visum, cur pro victo relinqueret hostem, integro  
inde decedens bello.

1 LXIII. Inter haec bella manente discordia domi con-  
sules Titus Numicius Priscus, A. Verginius facti. non  
2 ultra videbatur latura plebes dilationem agrariae legis ul-  
timaque vis parabatur, cum Volscos adesse fumo ex in-  
cendiis villarum fugaque agrestium cognitum est. ea res  
maturam iam seditionem ac prope erumpentem repressit.  
3 consules coacto extemplo senatu, ad bellum educta ex  
urbe iuventute tranquilliores ceteram plebem fecerunt.  
4 et hostes quidem, nihil aliud quam perfusis vano timore  
5 Romanis, citato agmine abeunt. Numicius Antium adver-  
sus Volscos, Verginius contra Aequos profectus. ibi ex  
insidiis prope magna accepta clade, virtus militum rem  
6 prolapsam negligentia consulis restituit. melius in Volscis  
imperatum est: fusi primo proelio hostes fugaque in ur-  
bem Antium, ut tum res erant, opulentissimam acti. quam  
consul oppugnare non ausus, Caenonem, aliud oppidum  
7 nequaquam tam opulentum, ab Antiatibus cepit. dum  
Aequi Volscique Romanos exercitus tenent, Sabini usque  
ad portas urbis populantes incessere. deinde ipsi paucis  
post diebus ab duobus exercitibus, utroque per iram con-  
sule ingressis in finis, plus cladium quam intulerant acce-  
perunt.

1 LXIII. Extremo anno pacis aliquid fuit, sed, ut sem-  
per alias, sollicitae pacis certamine patrum et plebis. irata  
2 plebs interesse consularibus comitiis noluit; per patres  
clientesque patrum consules creati T. Quinctius, Q. Ser-  
vilius. similem annum priori consules habent, seditiosa

initia, bello deinde externo tranquilla. Sabini, Crustumini- 3  
 nos campos citato agmine transgressi, cum caedes et incendia circum Anienem flumen fecissent, a porta prope Collina moenibusque pulsi, ingentes tamen praedas hominum pecorumque egere. quos Servilius consul infesto 4  
 exercitu insecutus, ipsum quidem agmen adipisci aequis locis non potuit, populationem adeo effuse fecit, ut nihil bello intactum relinqueret multiplicique capta praeda rediret.

Et in Volscis res publica egregie gesta cum ducis tum 5  
 militum opera. primum, aequo campo signis conlatis, pugnatum ingenti caede utrimque, plurimo sanguine. et Romani, quia paucitas damno sentiendo propior erat, gradum retulissent, ni salubri mendacio consul, fugere hostes ab cornu altero clamitans, concitasset aciem. impetu facto, dum se putant vincere, vicere. consul metuens, ne nimis 7  
 instando renovaret certamen, signum receptui dedit. intercessere pauci dies, velut tacitis indutiis utrimque quiete sumpta, per quos ingens vis hominum ex omnibus Volscis Aequisque populis in castra venit, haut dubitans, si senserint, Romanos nocte abituros. itaque tertia fere vigilia 9  
 ad castra oppugnanda veniunt. Quinctius sedato tumultu, 10  
 quem terror subitus exciverat, cum manere in tentoriis quietum militem iussisset, Hernicorum cohortem in stationem educit, cornicines tubicinesque in equos inpositos canere ante vallum iubet sollicitumque hostem ad lucem tenere. relicum noctis adeo tranquilla omnia in castris 11  
 fuere, ut somni quoque Romanis copia esset. Volscos species armatorum peditum, quos et plures esse et Romanos putabant, fremitus hinnitusque equorum, qui et insueto sedente equite et insuper aures agitante sonitu saeviebant, intentos velut ad impetum hostium tenuit.

LXV. Ubi inluxit, Romanus, integer satiatusque somno, 1  
 productus in aciem, fessum stando et vigiliis Volscum primo impetu perculit, quamquam cessere magis quam pulsi hostes 2  
 sunt, quia ab tergo erant clivi, in quos post principia integris ordinibus tutus receptus fuit. consul, ubi ad iniquum locum ventum est, sistit aciem. miles aegre teneri, clamare et poscere, ut percussis instare liceat. ferocius agunt 3

equites, circumfusi duci vociferantur, se ante signa ituros. dum cunctatur consul, virtute militum fretus, loco parum fidens, conclamant, se ituros, clamoremque res est secuta. fixis in terram pilis, quo leviores ardua evaderent, cursu  
 4 subeunt. Volscus, effusis ad primum impetum missilibus telis, saxa obiacentia pedibus ingerit in subeuntes turbatosque ictibus crebris urget ex superiore loco. sic prope oneratum est sinistrum Romanis cornu, ni referentibus iam gradum consul, increpando simul temeritatem simul  
 5 ignaviam, pudore metum excussisset. resistere primo obstinatis animis, deinde, ut obtinentes locum vires refece- rant, audent ultro gradum inferre et clamore renovato commovent aciem. tum rursus impetu capto enituntur at-  
 6 que exsuperant iniquitatem loci. iam prope erat, ut in summum clivi iugum evaderent, cum terga hostes dedere effusoque cursu paene agmine uno fugientes sequentesque castris incidere. in eo pavore castra capiuntur. qui Vol-  
 7 scorum effugere potuerunt Antium petunt, Antium et Ro- manus exercitus ductus. paucos circumsessum dies deditur nulla oppugnantium nova vi, sed quod iam inde ab infelici pugna castrisque amissis ceciderant animi.

---

[PERIOCHA LIBRI III.]

[Seditiones de agrariis legibus fuere. Capitolium ab exulibus et servis occupatum, caesis iis receptum est. census bis actus est: priore lustris censa sunt civium capita † VIII milia DCCXIII prae- ter orbos orbasque, sequenti CXVII milia CCXVIII. cum ad- versus Aequos male gesta res esset, L. Quintius Cincinnatus dic- tator factus, cum rure intentus operi rustico esset, ad id bellum gerendum arcessitus est. is victos hostes sub iugum misit. tribu- norum plebis numerus ampliatus est, ut essent decem, tricesimo sexto anno a primis tribunis plebis. petitis per legatos et adlati Atticis legibus, ad constituendas eas proponendasque decemviri pro consulibus sine ullis aliis magistratibus creati altero et trecen- tesimo anno quam Roma condita erat, et ut a regibus ad consules, ita a consulibus ad decemviros imperium translatum. hi decem tabulis legum positae cum modeste se in eo honore gessissent et ob id in alterum quoque annum eundem esse magistratum pla- cuisset, duabus tabulis ad decem adiectis cum complura impo- tenter fecissent, magistratum noluerunt deponere et in tertium annum retinuerunt, donec invisio eorum imperio finem attulit



libido Ap. Claudii, qui, cum in amorem virginis incidisset, summisso, qui eam in servitutem peteret, necessitatem patri eius Verginio imposuit. raptō ex taberna proxima cultro filiam occidit, cum aliter effici non posset, ne in potestatem stuprum inlaturi veniret. hoc tam magnae iniuriae exemplo plebs concitata montem Aventinum occupavit coegitque decemviros abdicare se magistratu. ex quibus Appius, qui praecipue poenam meruerat, in carcerem coniectus est, ceteri in exilium sunt acti. res praeterea contra Sabinos et Vulscos prospere gestas continet et parum honestum populi Romani iudicium, qui iudex inter Ardeates et Aricinos sumptus agrum, de quo ambigebatur, sibi adiudicavit.]

## TITI LIVI

### AB VRBE CONDITA

#### LIBER III.

I. Antio capto Titus Aemilius et Q. Fabius consules 1  
fiunt. hic erat Fabius, qui unus extinctae ad Cremeram  
genti superfuerat. iam priore consulatu Aemilius dandi 2  
agri plebi fuerat auctor. itaque secundo quoque consulatu  
eius et agrarii se in spem legis erexerant et tribuni rem  
contra consules saepe temptatam adiutore utique consule  
obtineri posse rati suscipiunt et consul manebat in sen-  
tentia sua. possessores et magna pars patrum, tribunicis 3  
se iactare actionibus principem civitatis et largiendo de  
alieno popularem fieri querentes, totius invidiam rei a tri-  
bunis in consulem averterant. atrox certamen aderat, ni 4  
Fabius consilio neutri parti acerbo rem expedisset. T.  
Quincti ductu et auspicio agri capti priore anno aliquan-  
tum a Volscis esse, Antium, propinquam, oportunam et 5  
maritimam urbem, coloniam deduci posse: ita sine que-  
rellis possessorum plebem in agros ituram, civitatem in  
concordia fore. haec sententia accepta est. triumviros 6  
agro dando creat T. Quinctium, A. Verginium, P. Furium.  
iussi nomina dare, qui agrum accipere vellent. fecit sta- 7  
tim, ut fit, fastidium copia adeoque pauci nomina dedere,  
ut ad explendum numerum coloni Volsci adderentur; ce-  
tera multitudo poscere Romae agrum malle, quam alibi  
accipere. Aequi a Q. Fabio — is eo cum exercitu ve- 8

nerat — pacem petiere inritamque eam ipsi subita incursione in agrum Latinum fecere.

1 II. Q. Servilius insequenti anno — is enim cum Sp. Postumio consul fuit — in Aequos missus, in Latino agro stativa habuit. castris quies necessaria morbo implicitum  
2 exercitum tenuit. extractum in tertium annum bellum est Q. Fabio et T. Quinctio consulibus. Fabio extra ordinem, quia is victor pacem Aequis dederat, ea provincia  
3 data, qui haud dubia spe profectus est, famam nominis sui pacaturam Aequos. legatos in concilium gentis missos nuntiare iussit, Q. Fabium consulem dicere, se ex Aequis pacem Romam tulisse, ab Roma Aequis bellum adferre eadem dextra armata, quam pacatam illis antea  
4 dederat. quorum id perfidia et periurio fiat, deos nunc testes esse, mox fore ultores, se tamen, utcumque sit, etiam nunc paenitere sua sponte Aequos quam pati hostilia malle. si paeniteat, tutum receptum ad expertam clementiam fore, sin periurio gaudeant, dis magis iratis quam  
5 hostibus gesturos bellum. haec dicta adeo nihil moverunt quemquam, ut legati prope violati sint exercitusque in  
6 Algidum adversus Romanos missus. quae ubi Romam sunt nuntiata, indignitas rei magis quam periculum consulem alterum ab urbe excivit.

Ita duo consulares exercitus ad hostem accessere acie  
8 instructa, ut confestim dimicarent. sed cum forte haud multum diei superesset, unus ab statione hostium exclamat  
9 ‘ostentare hoc est, Romani, non gerere bellum. in noctem imminentem aciem instruitis. longiore luce ad id certamen, quod instat, nobis opus est. crastino die oriente sole  
10 redite in aciem. erit copia pugnandi, ne timete.’ his vocibus inritatus miles in diem posterum in castra reducitur, longam venire noctem ratus, quae moram certaminis faceret. tum quidem corpora cibo somnoque curant.

Ubi inluxit postero die, prior aliquanto constitit Romana acies, tandem et Aequi processere. proelium fuit  
11 utrimque vehemens, quod et Romanus ira odioque pugnabat et Aequos conscientia contracti culpa periculi et desperatio futurae sibi postea fidei ultima audere et ex  
12 periri cogebat. non tamen sustinuerunt aciem Romanam

Aequi, pulsique cum in fines suos se recepissent, nihilo inclinationioribus ad pacem animis ferox multitudo increpare duces, quod in aciem, qua pugnandi arte Romanus excellat, commissa res sit. Aequos populationibus incursionibusque meliores esse et multas passim manus quam magnam molem unius exercitus rectius bella gerere.

III. Relicto itaque castris praesidio egressi tanto cum tumultu invasere fines Romanos, ut ad urbem quoque terrorem pertulerint. necopinata etiam res plus trepidationis fecit, quod nihil minus, quam ne victus ac prope in castris obsessus hostis memor populationis esset, timeri poterat agrestesque pavidum incidentes portis, non populationem nec praedonum parvas manus, sed, omnia vano augentes timore, exercitus et legiones adesse hostium et infesto agmine ruere ad urbem clamabant. ab iis proxime audita incerta eoque vaniora ferri ad alios. cursus clamorque vocantium ad arma haut multum a pavore captae urbis abesse.

Forte ab Alcido Quinctius consul redierat Romam. id medium timori fuit tumultuque sedato victos timeri increpans hostes, praesidia portis inposuit. vocato dein senatu, cum ex auctoritate patrum iustitio indicto profectus ad tutandos fines esset, Q. Servilio praefecto urbis relicto, hostem in agris non invenit.

Ab altero consule res gesta egregie est, qui qua venturum hostem sciebat, gravem praeda eoque inpeditiore agmine incedentem adgressus, funestam populationem fecit. pauci hostium evasere ex insidiis, praeda omnis recepta est. sic finem iustitio, quod quadriduum fuit, reditus Quincti consulis in urbem fecit.

Census deinde actus et conditum ab Quinctio lustrum. censa civium capita centum quattuor milia ac centum quattuordecim dicuntur praeter orbos orbisque. in Aequis nihil deinde memorabile actum: in oppida sua se recepere, uri sua popularique passi. consul cum aliquotiens per omnem hostium agrum infesto agmine populabundus isset, cum ingenti laude praedaeque Romam rediit.

III. Consules inde A. Postumius Albus, Sp. Furius Fusus. Furios Fusios scripsere quidam; id admoneo, ne

quis inmutationem virorum ipsorum esse, quae nominum  
2 est, putet. haud dubium erat, quin cum Aequis alter consul  
bellum gereret. itaque Aequi ab Ecetranis Volscis  
praesidium petiere, quo cupide oblato — adeo civitates  
eae perpetuo in Romanos odio certavere — bellum summa  
3 vi parabatur. sentiunt Hernici et praedicunt Romanis Ecetranum  
ad Aequos descisse. suspecta et colonia Antium  
fuit, quod magna vis hominum inde, cum oppidum captum  
esset, confugisset ad Aequos, isque miles per bellum Aequi-  
4 cum vel acerrimus fuit. compulsis deinde in oppida  
Aequis ea multitudo dilapsa cum Antium redisset, sua  
5 sponte iam infidos colonos Romanis abalienavit. necdum  
matura re cum defectionem parari delatum ad senatum  
esset, datum negotium est consulibus, ut principibus co-  
6 loniae Romam excitis quaererent, quid rei esset. qui cum  
haut gravate venissent, introducti a consulibus ad senatum  
ita responderunt ad interrogata, ut magis suspecti  
quam venerant dimitterentur.

7 Bellum inde haud dubium haberi. Sp. Furius, consul  
alter, cui ea provincia evenerat, profectus in Aequos  
Hernicorum in agro populabundum hostem invenit.  
ignarusque multitudinis, quia nusquam universa conspecta  
fuerat, inparem copiis exercitum temere pugnae commisit.  
8 primo concursu pulsus se intra castra recepit. neque is  
finis periculi fuit. namque et proxima nocte et postero  
die tanta vi castra sunt circumsessa atque oppugnata, ut  
9 ne nuntius quidem inde mitti Romam posset. Hernici et  
male pugnatum et consulem exercitumque obsideri nuntiaverunt  
tantumque terrorem incussere patribus, ut, quae  
forma senatus consulti ultimae semper necessitatis habita  
est, Postumio, alteri consulum, negotium daretur, videret,  
10 ne quid respublica detrimenti caperet. ipsum consulem  
Romae manere ad conscribendos omnes, qui arma ferre  
possent, optimum visum est, pro consule T. Quinctium  
11 subsidio castris cum sociali exercitu mitti. ad eum explendum  
Latini Hernicique et colonia Antium dare Quinctio  
subitarios milites — ita tum repentina auxilia appellabant — iussi.

1 V. Multi per eos dies motus multique impetus hinc

atque illinc facti, quia superante multitudine hostes car-  
 pere multifariam vires Romanas, ut non suffecturas ad  
 omnia, adgressi sunt: simul castra oppugnabantur, simul 2  
 pars exercitus ad populandum agrum Romanum missa ur-  
 bemque ipsam, si qua fortuna daret, temptandam. L. Va- 3  
 lerius ad praesidium urbis relictus, consul Postumius ad  
 arcendas populationes finium missus. nihil remissum ab 4  
 ulla parte curae aut laboris: vigiliae in urbe, stationes  
 ante portas praesidiaque in muris disposita et, quod ne-  
 cesse erat in tanto tumultu, iustitium per aliquot dies ser-  
 vatum. interim in castris Furius consul cum primo quie- 5  
 tus obsidionem passus esset, in incautum hostem decumana  
 porta erupit et, cum persequi posset, metu subsistit, ne  
 qua ex parte altera in castra vis fieret.

Furium legatum — frater idem consulis erat — longius 6  
 extulit cursus, nec suos ille redeuntes persequendi studio  
 neque hostium ab tergo incursum vidit. ita exclusus mul-  
 tis saepe frustra conatibus captis, ut viam sibi ad castra  
 faceret, acriter dimicans cecidit. et consul, nuntio circum- 7  
 venti fratris conversus ad pugnandum, se temere magis  
 quam satis caute in mediam dimicationem infert. vulnere  
 accepto aegre ab circumstantibus ereptus, et suorum ani-  
 mos turbavit et ferociores hostes fecit, qui, caede legati 8  
 et consulis vulnere accensi, nulla deinde vi sustineri po-  
 tuere, quin compulsi in castra Romani rursus obsideren-  
 tur nec spe nec viribus pares; venissetque in periculum  
 summa rerum, ni T. Quinctius peregrinis copiis cum La-  
 tino Hernicoque exercitu subvenisset. is intentos in castra 9  
 Romana Aequos legatique caput ferociter ostentantes ab  
 tergo adortus, simul ad signum a se procul editum ex  
 castris eruptione facta, magnam vim hostium circumvenit.  
 minor caedis, fuga effusior Aequorum in agro fuit Ro- 10  
 mano. in quos palatos, praedam agentes Postumius ali-  
 quot locis, quibus oportuna inposuerat praesidia, impetum  
 dedit. hi vagi dissipato agmine fugientes in Quinctium  
 victorem cum saucio consule revertentem incidere. tum 11  
 consularis exercitus egregia pugna consulis vulnus, legati  
 et cohortium ultus est caedem.

Magnae clades ultro citroque illis diebus et inlatae et

12 acceptae. difficile ad fidem est in tam antiqua re, quot  
pugnauerint ceciderintve, exacto adfirmare numero. audet  
13 tamen Antias Valerius concipere summas: Romanos cecidi-  
disse in Hernico agro quinque milia ac ducentos, ex prae-  
datoribus Aequorum, qui populabundi in finibus Romanis  
vagabantur, ab A. Postumio consule duo milia et quadrin-  
gentos caesos, ceteram multitudinem praedam agentem,  
quae inciderit in Quinctium, nequaquam pari defunctam  
esse caede; interfecta inde quattuor milia et, exequendo  
subtiliter numerum, ducentos ait et triginta.

14 Ut Romam reditum et iustitium remissum est, caelum  
visum est ardere plurimo igni portentaque alia aut obver-  
sata oculis aut vanas exterritis ostentavere species. his  
avertendis terroribus in triduum feriae indictae, per quas  
omnia delubra pacem deum exposcentium virorum mulie-  
15 rumque turba inplebantur. cohortes inde Latinae Herni-  
caeque ab senatu gratiis ob inpigram militiam actis remis-  
sae domos. Antiates mille milites, quia serum auxilium  
post proelium venerant, prope cum ignominia dimissi.

1 VI. Comitia inde habita, creati consules L. Aebutius,  
P. Servilius. kalendis Sextilibus, ut tunc principium anni  
2 agebatur, consulatum ineunt. grave tempus et forte annus  
pestilens erat urbi agrisque nec hominibus magis quam  
pecori, et auxere vim morbi terrore populationis pecoribus  
3 agrestibusque in urbem acceptis. ea conludio mixtorum  
omnis generis animantium et odore insolito urbanos et  
agrestem confertum in arta tecta aestu ac vigiliis angebat  
ministeriaque invicem ac contagio ipsa volgabant mor-  
4 bos. vix instantes sustinentibus clades repente legati Her-  
nici nuntiant, in agro suo Aequos Volcosque coniunctis  
copiis castra posuisse, inde exercitu ingenti fines suos de-  
5 populari. praeterquam quod infrequens senatus indicio  
erat sociis, adflictam civitatem pestilentia esse, maestum  
etiam responsum tulere, ut per se ipsi Hernici cum Latinis  
res suas tutarentur: urbem Romanam subita deum ira  
morbo populari; si qua eius mali quies veniat, ut anno  
ante, ut semper alias sociis opem laturos.

6 Discessere socii pro tristi nuntio tristiores domum re-  
ferentes, quippe quibus per se sustinendum bellum erat,

quod vix Romanis fulti viribus sustinuissent. non diutius 7  
se in Hernico hostis continuit, pergit inde infestus in agros  
Romanos etiam sine belli iniuria vastatos. ubi cum obuius  
nemo, ne inermis quidem, fieret perque omnia non prae-  
sidiis modo deserta, sed etiam cultu agresti transirent,  
pervenere ad tertium lapidem Gabina via.

Mortuus Aebutius erat Romanus consul, collega eius 8  
Servilius exigua in spe trahebat animam, adfecti plerique  
principum, patrum maior pars, militaris fere aetas omnis,  
ut non modo ad expeditiones, quas in tanto tumultu res  
poscebat, sed vix ad quietas stationes viribus sufficerent.  
munus vigiliarum senatores, qui per aetatem ac valetudi- 9  
nem poterant, per se ipsi obibant, circumitio ac cura aedi-  
lium plebi erat; ad eos summa rerum ac maiestas consu-  
laris imperii venerat.

VII. Deserta omnia, sine capite, sine viribus, dii prae- 1  
sides ac fortuna urbis tutata est, quae Volscis Aequisque  
praedonum potius mentem quam hostium dedit: adeo enim 2  
nullam spem non potiundi modo, sed ne adeundi quidem  
Romana moenia animus eorum cepit, tectaque procul visa  
atque imminentes tumuli avertere mentes eorum, ut totis 3  
passim castris fremitu orto, quid in vasto ac deserto agro  
inter tabem pecorum hominumque desides sine praeda  
tempus tererent, cum integra loca, Tusculanum agrum  
opimum copiis petere possent, signa repente convellerent  
transversisque itineribus per Labicanos agros in Tuscula-  
nos colles transirent. eo vis omnis tempestasque belli con- 4  
versa est. interim Hernici Latinique, pudore etiam, non  
misericordia solum moti, si nec obstitissent communibus  
hostibus infesto agmine Romanam urbem petentibus nec  
opem ullam obsessis sociis ferrent, coniuncto exercitu Ro-  
mam pergunt. ubi cum hostis non invenissent, secuti fa- 5  
mam ac vestigia obvii fiunt descendentibus ab Tusculano  
in Albanam vallem. ibi haudquaquam aequo proelio pug-  
natum est fidesque sua sociis parum felix in praesentia  
fuit. haud minor Romae fit morbo strages quam quanta 6  
ferro sociorum facta erat. consul, qui unus supererat,  
moritur; mortui et alii clari viri, M. Valerius, T. Verginius  
Rutilus augures, Ser. Sulpicius curio maximus, et per 7



ignota capita late vagata est vis morbi inopsque senatus auxilii humani ad deos populum ac vota vertit: iussi cum coniugibus ac liberis supplicatum ire pacemque exposcere  
8 deum. ad id, quod sua quemque mala cogeant, auctoritate publica evocati, omnia delubra implent. stratae passim matres, crinibus templa verrentes, veniam irarum caelestium finemque pesti exposcunt.

1 VIII. Inde paulatim, seu pace deum impetrata seu graviore tempore anni iam circumacto, defuncta morbis corpora salubriora esse incipere, versisque animis iam ad  
2 publicam curam, cum aliquot interregna exissent, P. Valerius Publicola tertio die quam interregnum inierat consules creat L. Lucretium Tricipitium et T. Veturium  
3 Geminum, sive ille Vetusius fuit. ante diem tertium idus Sextiles consulatum ineunt iam satis valida civitate, ut non solum arcere bellum, sed ultro etiam inferre posset.  
4 igitur nuntiantibus Hernicis in fines suos transcendisse hostes, impigre promissum auxilium.

Duo consulares exercitus scripti. Veturius missus in  
5 Volscos ad bellum ultro inferendum. Tricipitinus, populationibus arcendis sociorum agro oppositus, non ultra quam in Hernicos procedit. Veturius primo proelio hostes  
6 fundit fugatque. Lucretium, dum in Hernicis sedet, praedonum agmen fefellit supra montes Praenestinos ductum, inde demissum in campos. vastavere agros Praenestinum Gabinumque, ex Gabino in Tusculanos flexere colles.

7 Urbi quoque Romae ingens praebitus terror, magis in re subita quam quod ad arcendam vim parum virium esset. Quintus Fabius praeerat urbi. is armata iuventute dispositisque praesidiis tuta omnia ac tranquilla fecit. itaque  
8 hostes praeda ex proximis locis rapta adpropinquare urbi non ausi, cum circumacto agmine redirent, quanto longius ab urbe hostium abscederent, eo solutiore cura, in Lucretium incidunt consulem, iam ante exploratis itineribus suis  
9 instructum et ad certamen intentum. igitur praeparatis animis repentino pavore percussos adorti, aliquanto pauciores multitudinem ingentem fundunt fugantque et compulsos in cavas valles, cum exitus haud in facili essent,  
10 circumveniunt. ibi Volscum nomen prope deletum est.

tredecim milia quadringentos septuaginta cecidisse in acie ac fuga, mille ac centum quinquaginta vivos captos, signa viginti septem militaria relata in quibusdam annalibus invenio, ubi etsi adiectum aliquid numero sit, magna certe caedes fuit. victor consul, ingenti praeda 11 potitus, eodem in stativa rediit. tum consules castra coniungunt et Volsci Aequique adflictas vires suas in unum contulere. tertia illa pugna eo anno fuit, eadem fortuna victoriam dedit: fuis hostibus etiam castra capta.

VIII. Sic res Romana in antiquum statum rediit se- 1 cundaeque belli res extemplo urbanos motus excitaverunt. C. Terentilius Harsa tribunus plebis eo anno fuit. is, con- 2 sulibus absentibus ratus locum tribuniciis actionibus datum, per aliquot dies patrum superbiam ad plebem criminatus, maxime in consulare imperium tamquam nimium nec tolerabile liberae civitati invehebatur. nomine enim tan- 3 tum minus invidiosum, re ipsa prope atrocius quam regium esse: quippe duos pro uno domino acceptos, in- 4 moderata, infinita potestate, qui, soluti atque effrenati ipsi, omnis metus legum omniaque supplicia verterent in plebem. quae ne aeterna illis licentia sit, legem se promul- 5 gaturum, ut quinque viri creentur legibus de imperio consulari scribendis; quod populus in se ius dederit, eo consulem usurum, non ipsos libidinem ac licentiam suam pro lege habituros.

Qua promulgata lege cum timerent patres, ne absentibus 6 consulibus iugum acciperent, senatus a praefecto urbis Q. Fabio vocatur, qui adeo atrociter in rogationem latoremque ipsum est invectus, ut nihil, si ambo consules infesti circumstarent tribunum, relictum minarum atque terroris sit: insidiatum eum et tempore capto adortum rem 7 publicam, si quem similem eius priore anno inter morbum bellumque irati dii tribunum dedissent, non potuisse sisti: mortuis duobus consulibus, iacente aegra civitate, in con- 8 luvione omnium rerum ad tollendum rei publicae consulare imperium laturum leges fuisse, ducem Volscis Aequisque ad oppugnandam urbem futurum. quid tandem? illi non 9 licere, si quid consules superbe in aliquem civium aut crudeliter fecerint, diem dicere, accusare iis ipsis iudici-

10 bus, quorum in aliquem saevitum sit? non illum consulare  
imperium, sed tribuniciam potestatem invisam intoleran-  
damque facere, quam placatam reconciliatamque patribus  
de integro in antiqua redigi mala. neque illum se depre-  
11 cari, quo minus pergat ut coeperit: 'vos,' inquit Fabius  
'ceteri tribuni, oramus, ut primum omnium cogitetis, po-  
testatem istam ad singulorum auxilium, non ad perniciem  
universorum comparatam esse, tribunos plebis vos crea-  
12 tos, non hostes patribus. nobis miserum, invidiosum vobis  
est, desertam rem publicam invadi. non ius vestrum, sed  
invidiam minueritis. agite cum collega, ut rem integram  
in adventum consulum differat. ne Aequi quidem ac Volsci,  
morbo absumptis priore anno consulibus, crudeli superbo-  
13 que nobis bello institere.' agunt cum Terentilio tribuni,  
dilataque in speciem actione re ipsa sublata consules ex-  
templo arcessiti.

1 X. Lucretius cum ingenti praeda, maiore multo glo-  
ria rediit. et auget gloriam adveniens exposita omni in  
campo Martio praeda, ut suum quisque per triduum co-  
gnitum abduceret. reliqua vendita, quibus domini non ex-  
2 titere. debebatur omnium consensu consuli triumphus,  
sed dilata res est tribuno de lege agente: id antiquius  
3 consuli fuit. iactata per aliquot dies cum in senatu res  
tum apud populum est. cessit ad ultimum maiestati con-  
sulis tribunus et destitit. tum imperatori exercituique honos  
4 suus redditus: triumphavit de Volscis Aequisque, trium-  
phantem secutae sunt legiones. alteri consuli datum, ut  
ovans sine militibus urbem iniret.

5 Anno deinde insequenti lex Terentilia ab toto relata  
collegio novos adgressa consules est. erant consules P.  
6 Volumnius, Ser. Sulpicius. eo anno caelum ardere visum,  
terra ingenti concussa motu est, bovem locutam, cui rei  
priore anno fides non fuerat, creditum. inter alia prodigia  
et carne pluit, quem imbrem ingens numerus avium inter-  
volitando rapuisse fertur, quod intercidit sparsum ita ia-  
7 cuisse per aliquot dies, ut nihil odor mutaret. libri per  
duumviros sacrorum aditi: pericula a conventu alienige-  
narum praedicta, ne qui in loca summa urbis impetus  
caedesque inde fierent. inter cetera monitum, ut seditio-

nibus abstineretur. id factum ad inpediendam legem tribuni criminabantur ingensque aderat certamen.

Ecce, ut idem in singulos annos orbis volveretur, 8  
Hernici nuntiant, Volscos et Aequos, etsi accisae res  
sint, reficere exercitus, Antii summam rei positam, Ece-  
trae Antiates colonos palam concilia facere, id caput, eas  
vires belli esse. ut haec dicta in senatu sunt, dilectus 9  
edicitur. consules belli administrationem inter se disper-  
tiri iussi, alteri ut Volsci, alteri ut Aequi provincia esset.  
tribuni coram in foro personare, fabulam conpositam 10  
Volsci belli, Hernicos ad partes paratos. iam ne virtute  
quidem premi libertatem populi Romani, sed arte eludi.  
quia occidione prope occisos Volscos et Aequos movere 11  
sua sponte arma posse iam fides abierit, novos hostes  
quaeri, coloniam fidam, propinquam infamem fieri. bellum  
innoxiis Antiatibus indici, geri cum plebe Romana, quam 12  
oneratam armis ex urbe praecipiti agmine acturi essent,  
exilio et relegatione civium ulciscentes tribunos. sic, ne 13  
quid aliud actum putent, victam legem esse, nisi, dum in  
integro res sit, dum domi, dum togati sint, caveant, ne  
possessione urbis pellantur, ne iugum accipiant. si ani- 14  
mus sit, non defore auxilium. consentire omnes tribunos,  
nullum terrorem externum, nullum periculum esse, ca-  
visse deos priore anno, ut tuto libertas defendi posset.  
haec tribuni.

XI. At ex parte altera consules in conspectu eorum 1  
positis sellis dilectum habebant. eo decurrunt tribuni con-  
tionemque secum trahunt. citati pauci, velut rei experiun-  
dae causa, et statim vis coorta. quemcumque lictor iussu 2  
consulis prendisset, tribunus mitti iubebat. neque suum  
cuique ius modum faciebat, sed virium ope et manu ob-  
tinendum erat, quod intenderes.

Quemadmodum se tribuni gessissent in prohibendo 3  
dilectu, sic patres in lege, quae per omnis comitalis dies  
ferebatur, inpedienda gerebant. initium erat rixae, cum 4  
discedere populum iussissent tribuni, quod patres se sub-  
moveri haud sinebant. nec fere seniores rei intererant,  
quippe quae non consilio regenda sed permissa temeritati  
audaciaeque esset. multum et consules se abstinebant, 5

ne cui in conluvione rerum maiestatem suam contumeliae offerrent.

6 Caeso erat Quinctius, ferox iuvenis qua nobilitate gentis, qua corporis magnitudine et viribus. ad ea munera data a diis et ipse addiderat multa belli decora facundiamque in foro, ut nemo non lingua, non manu promptior in  
7 civitate haberetur. hic cum in medio patrum agmine constitisset eminens inter alios, velut omnes dictaturas consulatusque gerens in voce ac viribus suis, unus impetus  
8 tribunicios popularesque procellas sustinebat. hoc duce saepe pulsi foro tribuni, fusa ac fugata plebes est. qui obvius fuerat, mulcatus nudatusque abibat, ut satis appareret, si sic agi liceret, victam legem esse.

9 Tum, prope iam percussis aliis tribunis, A. Verginius, ex collegio unus, Caesoni capitis diem dicit. atrox ingenium accenderat eo facto magis quam conterruerat: eo acrius obstare legi, agitare plebem, tribunos velut  
10 iusto persequi bello. accusator pati reum ruere invidiaeque flammam ac materiam criminibus suis suggerere, legem interim non tam ad spem perferendi quam ad laces-  
11 sendam Caesonis temeritatem ferre. ibi multa saepe ab iuventute inconsulte dicta factaque in unius Caesonis  
12 suspectum incidunt ingenium. tamen legi resistebatur. et A. Verginius identidem plebi: 'ecquid sentitis iam vos, Quirites, Caesonem simul civem et legem, quam cupitis,  
13 habere non posse? quamquam, quid ego legem loquor? libertati obstat, omnes Tarquinius superbia exsuperat. exspectate, dum consul aut dictator fiat, quem privatum viribus et audacia regnantem videtis.' adsentiebantur multi, pulsatos se querentes, et tribunum ad rem peragendam ultro incitabant.

1 XII. Iam aderat iudicio dies apparebatque, vulgo homines in damnatione Caesonis libertatem agi credere. tum demum coactus cum multa indignitate prensabat singulos. sequebantur necessarii, principes civitatis. Titus Quinctius Capitolinus, qui ter consul fuerat, cum multa  
3 referret sua familiaeque decora, adfirmabat, neque in Quinctia gente neque in civitate Romana tantam indolem tam maturae virtutis umquam extitisse, suum primum

militem fuisse, se saepe vidente pugnassee in hostem; Sp. 4  
 Furius, missum ab Quinctio Capitolino sibi eum in dubiis  
 suis rebus venisse subsidio: neminem unum esse, cuius  
 magis opera putet rem restitutam. L. Lucretius, consul 5  
 anni prioris, recenti gloria nitens, suas laudes participare  
 cum Caesone, memorare pugnas, referre egregia facinora,  
 nunc in expeditionibus nunc in acie, suadere et monere, 6  
 iuvenem egregium, instructum naturae fortunaeque omni-  
 bus bonis, maximum momentum rerum eius civitatis, in  
 quamcumque venisset, suum quam alienum mallent civem  
 esse. quod offendat in eo, fervorem et audaciam, aetatem 7  
 cotidie auferre, quod desideretur, consilium, id in dies  
 crescere. senescentibus vitiis, maturescente virtute sine-  
 rent tantum virum senem in civitate fieri. pater inter hos 8  
 L. Quinctius, cui Cincinnato cognomen erat, non iterando  
 laudes, ne cumlaret invidiam, sed veniam errori atque  
 adulescentiae petendo, sibi, qui non dicto, non facto  
 quemquam offendisset, ut condonarent filium, orabat. sed 9  
 alii aversabantur preces aut verecundia aut metu, alii, se  
 suosque mulcatos querentes, atroci responso iudicium suum  
 praeferebant.

XIII. Premebat reum praeter vulgatam invidiam cri- 1  
 men unum, quod M. Volscius Fictor, qui ante aliquot  
 annos tribunus plebis fuerat, testis extiterat, se haut 2  
 multo post quam pestilentia in urbe fuerat iuventutem  
 grassantem in Subura incidisse. ibi rixam natam esse  
 fratremque suum maiorem natu, necdum ex morbo satis  
 validum, pugno ictum ab Caesone cecidisse, semianimem 3  
 inter manus domum oblatum, mortuumque inde arbitrari,  
 nec sibi rem exequi tam atrocem per consules superiorum  
 annorum licuisse. haec Volscio clamitante adeo concitati  
 homines sunt, ut haut multum afuerit, quin impetu populi  
 Caeso interiret. Verginius arripi iubet hominem et in 4  
 vincula duci. patricii vi contra vim resistunt. T. Quinc-  
 tius clamat, cui rei capitalis dies dicta sit et de quo fu-  
 turum prope diem iudicium, eum indemnatum indicta causa  
 non debere violari. tribunus supplicium negat sumpturum 5  
 se de indemnato, servaturum tamen in vinculis esse ad  
 iudicii diem, ut, qui hominem necaverit, de eo supplicii

6 sumendi copia populo Romano fiat. appellati tribuni me-  
dio decreto ius auxilii sui expediunt, in vincla conici  
vetant, sisti reum pecuniamque, nisi sistatur, populo pro-  
7 mitti placere pronuntiant. summam pecuniae quantam  
aecum esset promitti, veniebat in dubium. id ad sena-  
tum reicitur. reus, dum consulerentur patres, retentus in  
8 publico est. vades dare placuit. unum vadem tribus mi-  
libus aeris obligaverunt, quot darentur, permissum tribunis  
est. decem finierunt; tot vadibus accusator vadatus est  
reum. hic primus vades publicos dedit. dimissus e foro  
9 nocte proxima in Tuscos in exilium abiit. iudicii die  
cum excusaretur, solum vertisse exilii causa, nihilo mi-  
nus Verginio comitia habente, conlegae appellati dimisere  
10 concilium. pecunia a patre exacta crudeliter, ut divendi-  
tis omnibus bonis aliquamdiu trans Tiberim veluti rele-  
gatus devio quodam tugurio viveret.

1 XIII. Hoc iudicium et promulgata lex exercuit civi-  
2 tatem, ab externis armis otium fuit. cum velut victores  
tribuni percussis patribus Caesonis exilio prope perlatam  
esse crederent legem et quod ad seniores patrum pertine-  
3 ret cessissent possessione rei publicae, iuniores, id maxime  
quod Caesonis sodalium fuit, auxere iras in plebem, non  
minuerunt animos. sed ibi plurimum profectum est, quod  
4 modo quodam temperavere impetus suos. cum primo  
post Caesonis exilium lex coepta ferri est, instructi  
paratique cum ingenti clientium exercitu sic tribunos,  
ubi primum submoventes praebuere causam, adorti sunt,  
ut nemo unus inde praecipuum quicquam gloriae domum  
invidiaeve ferret, mille pro uno Caesones extitisse ple-  
5 bes quereretur. mediis diebus, quibus tribuni de lege  
non agerent, nihil eisdem illis placidius aut quietius erat:  
benigne salutare, adloqui plebis homines, domum invi-  
tare, adesse in foro, tribunos ipsos cetera pati sine inter-  
pellatione concilia habere, numquam ulli neque publice  
neque privatim truces esse, nisi cum de lege agi coep-  
6 tum esset; alibi popularis iuventus erat. nec cetera modo  
tribuni tranquillo peregere, sed refecti quoque in inse-  
quentem annum, ne voce quidem incommoda, nedum ut  
ulla vis fieret, paulatim permulcendo tractandoque man-



suefecerant plebem. his per totum annum artibus lex elusa est.

XV. Accipiunt civitatem placidiorem consules C. Clau- 1  
dius, Appi filius, et P. Valerius Publicola. nihil novi no-  
vus annus attulerat: legis ferendae aut accipiendae cura  
civitatem tenebat. quantum iuniores patrum plebi se ma- 2  
gis insinuabant, eo acrius contra tribuni tendebant, ut plebi  
suspectos eos criminando facerent: coniurationem factam, 3  
Caesonem Romae esse, interficiendorum tribunorum, tru-  
cidandae plebis consilia inita. id negotii datum ab senio-  
ribus patrum, ut iuventus tribuniciam potestatem e re  
publica tolleret formaque eadem civitatis esset, quae ante  
sacrum montem occupatum fuerat.

Et a Volscis et Aequis statum iam ac prope sollemne 4  
in singulos annos bellum timebatur, propiusque aliud no-  
vum malum necopinato exortum: exules servique ad duo 5  
milia hominum et quingenti duce Appio Herdonio Sabino  
nocte Capitolium atque arcem occupavere. confestim in 6  
arce facta caedes eorum, qui coniurare et simul capere  
arma noluerant. alii inter tumultum praecipites pavore in  
forum devolant, alternae voces 'ad arma' et 'hostes in urbe  
sunt' audiebantur. consules et armare plebem et inermem 7  
pati timebant. incerti, quod malum repentinum, externum  
an intestinum, ab odio plebis an ab servili fraude, urbem  
invasisset, sedabant tumultus, sedando interdum move-  
bant: nec enim poterat pavida et consternata multitudo  
regi imperio. dant tamen arma, non vulgo, tantum ut in- 8  
certo hoste praesidium satis fidum ad omnia esset. solli-  
citi reliquum noctis incertique, qui homines, quantus nu-  
merus hostium esset, in stationibus disponendis ad oport-  
una omnis urbis loca egere. lux deinde aperuit bellum  
ducemque belli. servos ad libertatem Appius Herdonius 9  
ex Capitolio vocabat: se miserrimi cuiusque suscepisse  
causam, ut exules iniuria pulsos in patriam reduceret et  
servitiis grave iugum demeret. id malle populo Romano  
auctore fieri; si ibi spes non sit, se Volscos et Aequos et  
omnia extrema temptaturum et concitaturum.

XVI. Dilucere res magis patribus atque consulibus. 1  
praeter ea tamen, quae denuntiabantur, ne Veientium neu

2 Sabinorum id consilium esset timere et, cum tantum in  
urbe hostium esset, mox Sabinae Etruscaeque legiones  
ex composito adessent, tum aeterni hostes, Volsci et Ae-  
3 qui, non ad populandos, ut ante, fines, sed ad urbem ut  
ex parte captam, venirent. multi et varii timores. inter  
ceteros eminebat terror servilis, ne suus cuique domi hostis  
esset, cui nec credere nec non credendo, ne infestior fie-  
4 ret, fidem abrogare, satis erat tutum. vixque concordia  
sisti videbatur posse. tantum superantibus aliis ac mer-  
gentibus malis nemo tribunos aut plebem timebat: man-  
suetum id malum et per aliorum quietem malorum sem-  
per exoriens tumque esse peregrino terrore sopitum vide-  
5 batur. at id prope unum maxime inclinatis rebus incu-  
buit. tantus enim tribunos furor tenuit, ut non bellum,  
sed vanam imaginem belli ad avertendos ab legis cura  
plebis animos Capitolium insedissee contenderent; patricio-  
rum hospites clientesque, si perlata lege frustra tumultu-  
tuatos esse se sentiant, maiore quam venerint silentio abi-  
6 tuos. concilium inde legi perferendae habere, advocato  
populo ab armis. senatum interim consules habent, alio  
se maiore ab tribunis metu ostendente quam quem noc-  
turnus hostis intulerat.

1 XVII. Postquam arma poni et discedere homines ab  
stationibus nuntiatum est, P. Valerius collega senatum  
retinente se ex curia proripit, inde in templum ad tribu-  
2 nos venit. 'quid hoc rei est,' inquit 'tribuni? Appii Her-  
donii ductu et auspicio rem publicam eversuri estis? tam  
felix vobis corrumpendis fuit, qui servitia non commovit  
auctor? cum hostes supra caput sint, discedi ab armis  
3 legesque ferri placet?' inde ad multitudinem oratione versa:  
'si vos urbis, Quirites, si vestri nulla cura tangit, at vos  
veremini deos vestros ab hostibus captos. Iuppiter opti-  
mus maximus, Iuno regina et Minerva, alii dii deaque  
obsidentur. castra servorum publicos vestros penates te-  
4 nent. haec vobis forma sanae civitatis videtur? tantum  
hostium non solum intra muros est, sed in arce supra fo-  
rum curiamque; comitia interim in foro sunt, senatus in  
curia est; velut cum otium superat, senator sententiam  
5 dicit, alii Quirites suffragium ineunt. non, quidquid pa-

trum plebisque est, consules, tribunos, deos hominesque omnes armatos opem ferre, in Capitolium currere, liberare ac pacare augustissimam illam domum Iovis optimi maximi decuit? Romule pater, tu mentem tuam, qua quondam arcem ab his isdem Sabinis auro captam recepisti, da stirpi tuae. iube hanc ingredi viam, quam tu dux, quam tuus ingressus exercitus est. primus en ego consul, quantum mortalis deum possum, te ac tua vestigia sequar.' ultimum orationis fuit, se arma capere, vocare omnes Quirites ad arma; si qui inpediat, iam se consularis imperii, iam tribuniciae potestatis sacratarumque legum oblitum, quisquis ille sit, ubicumque sit, in Capitolio, in foro, pro hoste habiturum. iuberent tribuni, quoniam in Appium Herdonium vetarent, in P. Valerium consulem sumi arma; ausurum se in tribunis, quod princeps familiae suae ausus in regibus esset. vim ultimam apparebat futuram spectaculoque seditionem Romanam hostibus fore: nec lex tamen ferri nec ire in Capitolium consul potuit. nox certamina coepta oppressit; tribuni cessere nocti, timentes consulum arma. amotis inde seditionis auctoribus patres circumire plebem inserentesque se in circulos sermones tempori aptos serere, admonere, ut viderent, in quod discrimen rem publicam adducerent: non inter patres ac plebem certamen esse, sed simul patres plebemque, arcem urbis, templa deorum, penates publicos privatosque hostibus dedi. dum haec in foro sedandae discordiae causa aguntur, consules interim, ne Sabini neve Veiens hostis moveretur, circa portas murosque discesserant.

XVIII. Eadem nocte et Tusculum de arce capta Capitolioque occupato et alio turbatae urbis statu nuntii veniunt. L. Mamilius Tusculi tum dictator erat. is confestim convocato senatu atque introductis nuntiis magno opere censet, ne exspectent, dum ab Roma legati auxilium petentes veniant; periculum ipsum discrimenque ac sociales deos fidemque foederum id poscere. demerendi beneficio tam potentem, tam propinquam civitatem numquam parem occasionem daturus deos. placet ferri auxilium, iuventus conscribitur, arma dantur. Romam prima luce venientes procul speciem hostium praebuere; Aequi aut Volsci ve-

nire visi sunt. deinde, ubi vanus terror abiit, accepti in  
5 urbem agmine in forum descendunt. ibi iam P. Valerius  
relicto ad portarum praesidia collega instruebat aciem.  
6 auctoritas viri moverat, adfirmantis, Capitolio recuperato  
et urbe pacata, si edoceri se sissent, quae fraus ab tri-  
bunis occulta in lege ferretur, memorem se maiorum suo-  
rum, memorem cognominis, quod populi colendi velut  
hereditaria cura sibi a maioribus tradita esset, concilium  
7 plebis non inpediturum. hunc ducem secuti, nequiquam  
reclamantibus tribunis, in clivum Capitolinum erigunt  
aciem. adiungitur et Tusculana legio. certare socii cives-  
8 que, utri recuperatae arcis suum decus facerent. dux uter-  
que suos adhortatur. trepidare tum hostes nec ulli satis  
rei, praeterquam loco, fidere. trepidantibus inferunt signa  
Romani sociique. iam in vestibulum perruperant templi,  
cum P. Valerius inter primores pugnam ciens interficitur.  
9 P. Volumnius consularis vidit cadentem. is dato negotio  
suis, ut corpus obtegerent, ipse in locum vicemque con-  
sulis provolat. prae ardore impetuque tantae rei sensus  
non pervenit ad militem: prius vicit quam se pugnare  
10 sine duce sentiret. multi exulum caede sua foedavere  
templum, multi vivi capti, Herdonius interfectus. ita Ca-  
pitolium recuperatum. de captivis, ut quisque liber aut  
servus esset, suae fortunae a quoque sumptum supplicium  
est, Tusculanis gratiae actae, Capitolium purgatum atque  
11 lustratum. in consulis domum plebes quadrantes, ut fu-  
nere ampliore efferretur, iactasse fertur.

1 XVIII. Parta pace instare tum tribuni patribus, ut  
Publi Valeri fidem exsolverent, instare Claudio, ut col-  
legae deos manes fraude liberaret, agi de lege sineret.  
consul antequam collegam sibi subrogasset negare pas-  
2 surum agi de lege. hae tenuere contentiones usque ad  
comitia consulis subrogandi. Decembri mense summo  
patrum studio L. Quinctius Cincinnatus, pater Caesonis,  
3 consul creatur, qui magistratum statim occiperet. per-  
culsa erat plebes, consulem habitura iratum, potentem fa-  
vore patrum, virtute sua, tribus liberis, quorum nemo  
Caesoni cedebat magnitudine animi, consilium et modum  
4 adhibendo, ubi res posceret, priores erant. is ut magistra-

tum iniit, adsiduis contionibus pro tribunali non in plebe coercenda quam senatu castigando vehementior fuit, cuius ordinis languore perpetui iam tribuni plebis, non ut in re publica populi Romani, sed ut in perdita domo, lingua criminibusque regnarent: cum Caesone filio suo virtutem, 5 constantiam, omnia iuventutis belli domique decora pulsa ex urbe Romana et fugata esse. loquaces, seditiosos, semina discordiarum, iterum ac tertium tribunos pessimis artibus regia licentia vivere. 'Aulus' inquit 'ille Vergi- 6 nius, quia in Capitolio non fuit, minus supplicii quam Appius Herdonius meruit? plus hercule aliquanto, qui vere rem aestimare velit. Herdonius, si nihil aliud, hostem se fatendo prope denuntiavit, ut arma caperetis, hic, negando bella esse, arma vobis ademit nudosque servis vestris et exulibus obiecit. et vos — C. Claudii pace et Publi Valerii mortui loquar — prius in clivum Capitolinum signa intulistis quam hos hostis de foro tolleretis? pudet deorum hominumque. cum hostes in arce, in Capitolio essent, exulum et servorum dux, profanatis omnibus, in cella Iovis optimi maximi habitaret, Tusculi ante quam Romae sumpta sunt arma, in dubio fuit, utrum L. 8 Mamilius, Tusculanus dux, an P. Valerius et C. Claudius, consules, Romanam arcem liberarent, et qui ante Latinos ne pro se quidem ipsis, cum in finibus hostem haberent, attingere arma passi sumus, nunc, nisi Latini sua sponte arma sumpsissent, capti et deleti eramus. hoc est, tribuni, 9 auxilium plebi ferre, inermem eam hosti trucidandam obicere? scilicet, si quis vobis humillimus homo de vestra plebe, quam partem velut abruptam a cetero populo vestram patriam peculiaremque rem publicam fecistis, si quis ex his domum suam obsessam a familia armata nuntiaret, ferendum auxilium putaretis, Iuppiter optimus ma- 10 ximus, exulum atque servorum saeptus armis, nulla humana ope dignus erat? et hi postulant, ut sacrosancti habeantur, quibus ipsi dii neque sacri neque sancti sunt? at enim divinis humanisque obruti sceleribus legem vos 11 hoc anno perlaturus dictitatis. tum hercule illo die, quo ego consul sum creatus, male gesta res publica est, peius multo, quam cum P. Valerius consul periit, si tuleritis.

12 iam primum omnium,' inquit 'Quirites, in Volscos et Aequos mihi atque collegae legiones ducere in animo est. nescio quo fato magis bellantes quam pacati propitios habemus deos. quantum periculum ab illis populis fuerit, si Capitolium ab exulibus obsessum scissent, suspicari de praeterito quam re ipsa experiri est melius.'

1     XX. Moverat plebem oratio consulis, erecti patres restitutam credebant rem publicam. consul alter, comes animosior quam auctor, suscepisse collegam priorem actiones tam gravis facile passus, in peragendis consularis  
2 officii partem ad se vindicabat. tum tribuni eludentes velut vana dicta persequi quaerendo, quonam modo exercitum educturi consules essent, quos dilectum habere nemo  
3 passurus esset? 'nobis vero,' inquit Quinctius 'nihil dilectu opus est, cum, quo tempore P. Valerius ad recipiendum Capitolium arma plebi dedit, omnes in verba iuraverint, conventuros se iussu consulis nec iniussu ab-  
4 turos. edicimus itaque, omnes, qui in verba iurastis, crastina die armati ad lacum Regillum adsitis.' cavillari tum tribuni et populum exsolvere religione velle: privatum eo tempore Quinctium fuisse, cum sacramento adacti  
5 sint. sed nondum haec, quae nunc tenet saeculum, negligentia deum venerat nec interpretando sibi quisque ius iurandum et leges aptas faciebat, sed suos potius mores  
6 ad ea accommodabat. igitur tribuni, ut impediendae rei nulla spes erat, de proferendo exercitu agere, eo magis, quod et augures iussos adesse ad Regillum lacum fama exierat locumque inaugurari, ubi auspicato cum populo  
7 agi posset, ut quidquid Romae vi tribunicia rogatum esset, id comitiis ibi abrogaretur. omnes id iussuros quod consules vellent, neque enim provocationem esse longius ab urbe mille passuum et tribunos, si eo veniant, in alia turba  
8 Quiritium subiectos fore consulari imperio. terrebant haec, sed ille maximus terror animos agitabat, quod saepius Quinctius dictitabat, se consulum comitia non habiturum: non ita civitatem aegram esse, ut consuetis remediis sisti posset, dictatore opus esse rei publicae, ut qui se moverit ad sollicitandum statum civitatis, sentiat, sine provocatione dictaturam esse.

XXI. Senatus in Capitolio erat. eo tribuni cum per- 1  
 turbata plebe veniunt. multitudo clamore ingenti nunc con-  
 sulum, nunc patrum fidem inplorant, nec ante moverunt  
 de sententia consulem quam tribuni se in auctoritate pa-  
 trum futuros esse polliciti sunt. tunc referente consule 2  
 de tribunorum et plebis postulatis senatus consulta fiunt,  
 neque tribuni legem eo anno ferrent neque consules ab  
 urbe exercitum educerent; in reliquum magistratus conti-  
 nuari et eos tribunos refici iudicare senatum contra rem  
 publicam esse. consules fuere in patrum potestate; tri- 3  
 buni reclamantibus consulibus refecti. patres quoque, ne  
 quid cederent plebi, et ipsi Lucium Quinctium consulem  
 reficiebant. nulla toto anno vehementior actio consulis fuit.  
 ‘mirer,’ inquit ‘si vana vestra, patres conscripti, auctoritas 4  
 ad plebem est? vos elevatis eam, quippe, quia plebs sena-  
 tus consultum in continuandis magistratibus solvit, ipsi  
 quoque solutum vultis, ne temeritati multitudinis cedatis,  
 tamquam id sit plus posse in civitate, plus levitatis ac li- 5  
 centiae habere. levius enim vaniusque profecto est sua de-  
 creta et consulta tollere quam aliorum. imitamini, patres 6  
 conscripti, turbam inconsultam et qui exemplo aliis esse  
 debetis, aliorum exemplo peccetis potius quam alii vestro  
 recte faciant, dum ego ne imiter tribunos nec me contra  
 senatus consulta consulem renuntiari patiar. te vero, C. 7  
 Claudii, adhortor, ut et ipse populum Romanum hac licentia  
 arceas et de me hoc tibi persuadeas, me ita accepturum,  
 ut non honorem meum a te impeditum, sed gloriam spre-  
 ti honoris auctam invidiamque, quae ex continuato eo in-  
 penderet, levatam putem.’ communiter inde edicunt, ne 8  
 quis L. Quinctium consulem faceret; si quis fecisset, se  
 id suffragium non observaturos.

XXII. Consules creati Q. Fabius Vibulanus tertio et 1  
 L. Cornelius Maluginensis. census actus eo anno; lustrum  
 propter Capitolium captum, consulem occisum condi reli-  
 giosum fuit.

Quinto Fabio, L. Cornelio consulibus principio anni 2  
 statim res turbulenta. instigabant plebem tribuni. bel-  
 lum ingens a Volscis et Aequis Latini atque Hernici nun-  
 tiabant: iam Antii Volscorum legiones esse. et ipsam



coloniam ingens metus erat defecturam, aegreque impetratum a tribunis, ut bellum praeverti sinerent. consules inde partiti provincias: Fabio, ut legiones Antium duceret, datum, Cornelius ut Romae praesidio esset, ne qua pars hostium, qui Aequis mos erat, ad populandum veniret. Hernici et Latini iussi milites dare ex foedere, duaeque partes sociorum in exercitu, tertia civium fuit. postquam ad diem praestitutum venerunt socii, consul extra portam Capenam castra locat. inde lustrato exercitu Antium profectus, haud procul oppido stativisque hostium consedit. ubi cum Volsci, quia nondum ab Aequis venisset exercitus, dimicare non ausi, quemadmodum quieti vallo se tutarentur, pararent, postero die Fabius non permixtam unam sociorum civiumque, sed trium populorum tres separatim acies circa vallum hostium instruxit. ipse erat medius cum legionibus Romanis. inde signum observare iussit, ut pariter et socii rem inciperent referrentque pedem, si receptui cecinisset. equites item suae cuique parti post principia collocat. ita trifariam adortus castra circumvenit et, cum undique instaret, non sustinentes impetum Volscos vallo deturbat. transgressus inde munitiones, pavidam turbam inclinatamque in partem unam castris expellit. inde effuse fugientes eques, cui superare vallum haud facile fuerat, cum ad id spectator pugnae adstitisset, libero campo adeptus, parte victoriae fruitur territos caedendo. magna et in castris et extra munimenta caedis fugientium fuit, sed praeda maior, quia vix arma secum efferre hostis potuit. deletusque exercitus foret, nisi fugientis silvae texissent.

XXIII. Dum ad Antium haec geruntur, interim Aequi robore iuventutis praemisso arcem Tusculanam improviso nocte capiunt, reliquo exercitu haud procul moenibus Tusculi considunt, ut distenderent hostium copias. haec celeriter Romam, ab Roma in castra Antium perlata movent Romanos haud secus quam si Capitolium captum nuntiaretur; adeo et recens erat Tusculanorum meritum et similitudo ipsa periculi reposcere datum auxilium videbatur. Fabius omissis omnibus praedam ex castris raptim Antium convehit; ibi modico praesidio relicto citatum

agmen Tusculum rapit. nihil praeter arma et quod cocti ad manum fuit cibi ferre militi licuit. conmeatum ab Roma consul Cornelius subvehit. aliquot menses Tusculi bellatum. parte exercitus consul castra Aequorum oppugnabat, partem Tusculanis dederat ad arcem recuperandam. vi numquam eo subiri potuit, fames postremo inde detraxit hostem. quo postquam ventum ad extremum est, inermes nudique omnes sub iugum ab Tusculanis missi. hos ignominiosa fuga domum se recipientes Romanus consul in Algido consecutus ad unum omnes occidit. victor ad Columen — id loco nomen est — exercitu relicto castra locat. et alter consul, postquam moenibus iam Romanis pulso hoste periculum esse desierat, et ipse ab Roma profectus. ita bifariam consules ingressi hostium fines ingenti certamine hinc Volscos, hinc Aequos populantur.

Eodem anno descisse Antiates apud plerosque auctores invenio. L. Cornelium consulem id bellum gessisse oppidumque cepisse, certum adfirmare, quia nulla apud vetustiores eius rei mentio est, non ausim.

XXIII. Hoc bello perfecto tribunicium domi bellum patres territat. clamant, fraude fieri, quod foris teneatur exercitus: frustrationem eam legis tollendae esse, se nihilo minus rem susceptam peracturos. obtinuit tamen L. Lucretius praefectus urbis, ut actiones tribuniciae in adventum consulum differrentur.

Erat et nova exorta causa motus. A. Cornelius et Q. Servilius quaestores M. Volscio, quod falsus haud dubie testis in Caesonem extitisset, diem dixerant. multis enim emanabat indiciis, neque fratrem Volsci, ex quo semel fuerit aeger, umquam non modo visum in publico, sed ne adsurrexisse quidem ex morbo multorumque tabe mensum mortuum, nec his temporibus, in quae testis crimen coniecisset, Caesonem Romae visum, adfirmantibus qui una meruerant, secum eum tum frequentemque ad signa sine ullo commeatu fuisse; nisi ita esset, multi privatim ferebant Volscio iudicem. cum ad iudicium ire non auderet, omnes eae res in unum congruentes haud magis dubiam damnationem Volsci, quam Caesonis Volscio teste fuerat, faciebant. in mora tribuni erant, qui comitia quae-

stores habere de reo, nisi prius habita de lege essent, passuros negabant.

8 Ita extracta utraque res in consulum adventum est. qui ubi triumphantes victore cum exercitu urbem inierunt, quia silentium de lege erat, perculos magna pars crede-  
9 bant tribunos. at illi — etenim extremum anni iam erat —, quantum adfectantes tribunatum, in comitiorum disceptationem ab lege certamen averterant. et cum consules nihilo minus adversus continuationem tribunatus, quam si lex minuendae suae maiestatis causa promulgata ferretur, tetendissent, victoria certaminis penes tribunos fuit.

10 Eodem anno Aequis pax est petentibus data. census, res priore anno inchoata, perficitur, idque lustrum ab origine urbis decimum conditum ferunt. censa civium capita centum septemdecim milia trecenta undeviginti.

11 Consulum magna domi bellicue eo anno gloria fuit, quod et foris pacem peperere et domi, etsi non concors, minus tamen quam alias infesta civitas fuit.

1 XXV. L. Minucius inde et C. Nautius consules facti  
2 duas residuas anni prioris causas exceperunt. eodem modo consules legem, tribuni iudicium de Volscio impediebant, sed in quaestoribus novis maior vis, maior auctoritas erat.  
3 cum M. Valerio, Valeri filio, Volesi nepote, quaestor erat T. Quinctius Capitolinus, qui ter consul fuerat. is, quoniam neque Quinctiae familiae Caeso neque rei publicae maximus iuvenum restitui posset, falsum testem, qui dicendae causae innoxio potestatem ademisset, iusto ac pio bello  
4 persequabatur. cum Verginius maxime ex tribunis de lege ageret, duum mensum spatium consulibus datum est ad inspiciendam legem, ut, cum edocuissent populum, quid fraudis occultae ferretur, sinerent deinde suffragium inire. hoc  
5 intervalli datum res tranquillas in urbe fecit. nec diuturnam quietem Aequi dederunt, qui rupto foedere, quod ictum erat priore anno cum Romanis, imperium ad Gracchum Cloelium deferunt. is tum longe princeps in Aequis erat.  
6 Graccho duce in Lanuvinum agrum, inde in Tusculanum hostili populatione veniunt plenique praedae in Algido castra locant. in ea castra Q. Fabius, P. Volumnius, A. Postumius legati ab Roma venerunt questum iniurias et ex eo foedere

res repetitum. eos Aequorum imperator, quae mandata 7  
 habeant ab senatu Romano, ad quercum iubet dicere: se  
 alia interim acturum. quercus ingens arbor praetorio im-  
 minebat, cuius umbra opaca sedes erat. tum ex legatis 8  
 unus abiens 'et haec' inquit 'sacrata quercus et quidquid  
 deorum est audiant foedus a vobis ruptum nostrisque et  
 nunc querellis adsint et mox armis, cum deorum homi-  
 numque simul violata iura exsequemur.' Romam ut re- 9  
 diere legati, senatus iussit alterum consulem contra Grac-  
 chum in Algidum exercitum ducere, alteri populationem  
 finium Aequorum provinciam dedit. tribuni suo more im-  
 pedire dilectum; et forsitan ad ultimum impedissent, sed  
 novus subito additus terror est.

XXVI. Vis Sabinorum ingens prope ad moenia urbis 1  
 infesta populatione venit: foedati agri, terror iniectus urbi  
 est. tum plebs benigne arma cepit; reclamantibus frustra  
 tribunis magni duo exercitus scripti. alterum Nautius con- 2  
 tra Sabinos duxit castrisque ad Eretum positis per expe-  
 ditiones parvas, plerumque nocturnis incursionibus, tantam  
 vastitatem in Sabino agro reddidit, ut comparati ad eam  
 prope intacti bello fines Romani viderentur.

Minucio neque fortuna nec vis animi eadem in gerendo 3  
 negotiô fuit: nam cum laud procul ab hoste castra po-  
 suisset, nulla magnopere clade accepta, castris se pavidus  
 tenebat. quod ubi senserant hostes, crevit ex metu alieno, 4  
 ut fit, audacia, et nocte adorti castra, postquam parum vis  
 aperta profecerat, munitiones postero die circumdant. quae  
 priusquam undique vallo obiectae clauderent exitus, quin-  
 que equites inter stationes hostium emissi Romam pertu-  
 lere, consulem exercitumque obsideri. nihil tam necopi- 5  
 natum nec tam insperatum accidere potuit. itaque tantus  
 pavor, tanta trepidatio fuit, quanta, si urbem, non castra,  
 hostes obsiderent. Nautium consulem arcessunt. in quo 6  
 cum parum praesidii videretur dictatoremque dici place-  
 ret, qui rem perculsam restitueret, L. Quinctius Cincin-  
 natus consensu omnium dicitur.

Operae pretium est audire, qui omnia prae divitiis 7  
 humana spernunt neque honori magno locum neque virtuti  
 putant esse, nisi ubi effusae adfluant opes: spes unica im- 8

perii populi Romani, L. Quinctius, trans Tiberim contra eum ipsum locum, ubi nunc Navaliam sunt, quattuor iugerum colebat agrum, quae prata Quinctia vocantur. ibi ab legatis, seu fossam fodiens palae innixus seu cum araret, operi certe, id quod constat, agresti intentus, salute data invicem redditaque rogatus, ut, quod bene verteret ipsi rei publicae, togatus mandata senatus audiret, admiratus rogitansque ‘satin salve?’ togam propere e tugurio proferre uxorem Raciliam iubet. qua simul abterso pulvere ac sudore velatus processit, dictatorem eum legati gratulantes consalutant, in urbem vocant, qui terror sit in exercitu, exponunt. navis Quinctio publice parata fuit transvectumque tres obviam egressi filii excipiunt, inde alii propinqui atque amici, tum patrum maior pars. ea frequentia stipatus antecedentibus lictoribus deductus est domum. et plebis concursus ingens fuit; sed ea nequam tam laeta Quinctium vidit, et imperii nimium et virum (in) ipso imperio vehementiorem rata.

Et illa quidem nocte nihil praeterquam vigilatum est in urbe.

1 XXVII. Postero die dictator cum ante lucem in forum venisset, magistrum equitum dicit L. Tarquitium, patriciae gentis, sed qui, cum stipendia pedibus propter paupertatem fecisset, bello tamen primus longe Romanae iuventutis habitus esset. cum magistro equitum in con-  
 2 tionem venit, iustitium edicit, claudi tabernas tota urbe iubet, vetat quemquam privatae quicquam rei agere, tum quicumque aetate militari essent, armati cum cibariis in dies quinque coctis vallisque duodenis ante solis occasum  
 4 Martio in campo adessent; quibus aetas ad militandum gravior esset, vicino militi, dum is arma pararet vallum-  
 5 que peteret, cibaria coquere iussit. sic iuventus discurrit ad vallum petendum. sumpsere, unde cuique proximum fuit, prohibitus nemo est inpigreque omnes ad edictum  
 6 dictatoris praesto fuere. inde composito agmine non itineri magis apti quam proelio, si res ita tulisset, legiones ipse dictator, magister equitum suos equites ducit. in utroque agmine quas tempus ipsum poscebat adhortationes  
 7 erant: adderent gradum; maturato opus esse, ut nocte ad

hostem perveniri posset; consulem exercitumque Romanum obsideri, tertium diem iam clausos esse. quid quaeque nox aut dies ferat, incertum esse, puncto saepe temporis maximarum rerum momenta verti; 'accelera signifer, sequere miles' inter se quoque gratificantes ducibus clamabant. media nocte in Algidum perveniunt et, ut sensere se iam prope hostes esse, signa constituunt.

XXVIII. Ibi dictator, quantum nocte prospici poterat, 1 equo circumvectus contemplatusque, qui tractus castrorum quaeque forma esset, tribunis militum imperavit, ut sarcinas in unum conici iubeant; militem cum armis valloque redire in ordines suos. facta quae imperavit. tum, quo 2 fuerant ordine in via, exercitum omnem longo agmine circumdat hostium castris et, ubi signum datum sit, clamorem omnes tollere iubet, clamore sublato ante se quemque ducere fossam et iacere vallum. edito imperio signum 3 secutum est: iussa miles exsequitur, clamor hostes circumsonat; superat inde castra hostium et in castra consulis venit, alibi pavorem, alibi gaudium ingens facit. Romani, civilem esse clamorem atque auxilium adesse 4 inter se gratulantes, ultro ex stationibus ac vigiliis terriant hostem. consul differendum negat: illo clamore non 5 adventum modo significari, sed rem ab suis coeptam, mirumque esse, ni iam exteriori parte castra hostium oppugnentur. itaque arma suos capere et se subsequi iubet. nocte initum proelium est a legionibus; dictatori clamore 6 significant, ab ea quoque parte rem in discrimine esse. iam se ad prohibenda circumdari opera Aequi parabant, 7 cum ab interiore hoste proelio coepto, ne per media sua castra fieret eruptio, a munientibus ad pugnantes introrsum versi vacuum noctem operi dedere; pugnatumque cum consule ad lucem est. luce prima iam circumvallati ab 8 dictatore erant et vix adversus unum exercitum pugnam sustinebant. tum a Quinctiano exercitu, qui confestim a perfecto opere ad arma rediit, invaditur vallum. hic instabat nova pugna, illa nihil remiserat prior. tum ancipiti malo urgente a proelio ad preces versi, hinc dictatorem, hinc consulem orare, ne in occidione victoriam ponerent, ut inermes se inde abire sinerent. ab consule ad dictatorem ire iussis

10 ignominiam incensus addidit: Gracchum Cloelium ducem  
 principesque alios vinctos ad se adduci iubet, oppido Cor-  
 bione decedi. sanguinis se Aequorum non egere, licere  
 abire; sed ut exprimatur tandem confessio, subactam do-  
 11 mitamque esse gentem, (sub iugum) abituros. tribus hastis  
 iugum fit, humi fixis duabus superque eas transversa una  
 deligata. sub hoc iugo dictator Aequos misit.

1 XXVIII. Castris hostium receptis plenis omnium  
 rerum — nudos enim emiserat —, praedam omnem suo  
 2 tantum militi dedit. consularem exercitum ipsumque con-  
 sulem increpans, 'carebis' inquit 'praedae parte, miles,  
 ex eo hoste, cui prope praedae fuisti, et tu, L. Minuci,  
 donec consularem animum incipias habere, legatus his  
 3 legionibus praeeris.' ita se Minucius abdicat consulatu  
 iussusque ad exercitum manet. sed adeo tum imperio  
 meliori animus mansuete oboediens erat, ut beneficii ma-  
 gis quam ignominiae hic exercitus memor et coronam  
 auream dictatori libram pondo decreverit et proficiscentem  
 4 eum patronum salutaverit. Romae a Q. Fabio praefecto  
 urbis senatus habitus triumphantem Quinctium quo venie-  
 bat agmine urbem ingredi iussit. ducti ante currum ho-  
 stium duces, militaria signa praelata, secutus exercitus  
 5 praeda onustus. epulae instructae dicuntur fuisse ante  
 omnium domos, epulantesque cum carmine triumphali et  
 sollemnibus iocis comisantium modo currum secuti sunt.  
 6 eo die L. Mamilio Tusculano adprobantibus cunctis civi-  
 tas data est.

Confestim se dictator magistratu abdicasset, ni comi-  
 tia M. Volsci, falsi testis, tenuissent; ea ne inpedirent  
 tribuni, dictatoris obstitit metus. Volscius damnatus La-  
 7 nuvium in exilium abiit. Quinctius sexto decimo die  
 dictatura in sex menses accepta se abdicavit.

Per eos dies consul Nautius ad Eretum cum Sabinis  
 egregie pugnat: ad vastatos agros ea quoque clades ac-  
 cessit Sabinis. Minucio Fabius Quintus successor in Al-  
 8 gidum missus. extremo anno agitatum de lege ab tribunis  
 est, sed quia duo exercitus aberant, ne quid ferretur ad  
 populum, patres tenuere. plebes vicit, ut quintum eosdem  
 tribunos crearent.



Lupos visos in Capitolio ferunt a canibus fugatos, ob id prodigium lustratum Capitolium esse. haec eo anno gesta.

XXX. Secuntur consules Quintus Minucius, C. Horatius Pulvillus. cuius initio anni cum foris otium esset, domi seditiones idem tribuni, eadem lex faciebat, ulteriusque ventum foret — adeo exarserant animis —, ni velut dedita opera nocturno impetu Aequorum Corbione amissum praesidium nuntiatum esset. senatum consules vocant; iubentur subitarium scribere exercitum atque in Algidum ducere. inde posito legis certamine nova de dilectu contentio orta, vincebaturque consulare imperium tribunicio auxilio, cum alius additur terror, Sabinum exercitum praedatum descendisse in agros Romanos, inde ad urbem venire. is metus perculit, ut scribi militem tribuni sinerent, non sine pactione tamen, ut, quoniam ipsi quinquennium elusi essent parvumque id plebi praesidium foret, decem deinde tribuni plebis crearentur. expressit hoc necessitas patribus. id modo excepere, ne postea eosdem tribunos viderent. tribunicia comitia, ne id quoque post bellum ut cetera vanum esset, extemplo habita. tricesimo sexto anno a primis tribuni plebis decem creati sunt, bini ex singulis classibus, itaque cautum est ut postea crearentur.

Dilectu deinde habito Minucius contra Sabinos profectus non invenit hostem. Horatius, cum iam Aequi Corbione interfecto praesidio Ortonam etiam cepissent, in Algido pugnat, multos mortalis occidit, fugat hostem non ex Algido modo, sed a Corbione Ortonaque. Corbionem etiam diruit propter proditum praesidium.

XXXI. Deinde M. Valerius, Sp. Verginius consules facti. domi forisque otium fuit; annona propter aquarum intemperiem laboratum est. de Aventino publicando lata lex est, tribuni plebis idem refectioni.

Hi sequente anno T. Romilio, C. Veturio consulibus legem omnibus contionibus suis celebrant: pudere se numeri sui nequiquam aucti, si ea res aequae suo biennio iaceret ac toto superiore lustro iacuisset. cum maxime haec agerent, trepidi nuntii ab Tusculo veniunt, Aequos in agro Tusculano esse. fecit pudorem recens eius populi

meritum morandi auxilii. ambo consules cum exercitu  
 4 missi hostem in sua sede in Algido inveniunt. ibi pugna-  
 tum. supra septem milia hostium caesa, alii fugati, praeda  
 parta ingens. eam propter inopiam aerarii consules ven-  
 diderunt. invidiae tamen res ad exercitum fuit eademque  
 tribunis materiam criminandi ad plebem consules praebuit.

5 Itaque ergo, ut magistratu abiere, Spurio Tarpeio, A.  
 Aternio consulibus dies dicta est Romilio ab C. Calvio  
 Cicerone tribuno plebis, Veturio ab L. Alieno aedile  
 6 plebis. uterque magna patrum indignatione damnatus,  
 Romilius decem milibus aeris, Veturius quindecim. nec  
 haec priorum calamitas consulum segniores novos fecerat  
 consules; et se damnari posse aiebant, et plebem et tribu-  
 7 nos legem ferre non posse. tum abiecta lege, quae pro-  
 mulgata consenuerat, tribuni lenius agere cum patribus,  
 finem tandem certaminum facerent. si plebeiae leges dis-  
 plicerent, at illi communiter legum latores et ex plebe et  
 ex patribus, qui utrisque utilia ferrent quaeque aequandae  
 8 libertatis essent, sinerent creari. rem non aspernabantur  
 patres; daturum leges neminem nisi ex patribus, aiebant.  
 cum de legibus conveniret, de latore tantum discreparet,  
 missi legati Athenas Spurius Postumius Albus, A. Man-  
 lius, P. Sulpicius Camerinus iussique inclitas leges Solo-  
 nis describere et aliarum Graeciae civitatum instituta,  
 mores iuraque noscere.

1 XXXII. Ab externis bellis quietus annus fuit, quie-  
 tior insequens P. Curiatio et Sex. Quinctilio consulibus  
 perpetuo silentio tribunorum, quod primo legatorum, qui  
 Athenas ierant, legumque peregrinarum expectatio prae-  
 2 buit, dein duo simul mala ingentia exorta, fames pestilen-  
 tiaque foeda hominī, foeda pecori. vastati agri sunt, urbs  
 adsiduīs exhausta funeribus. multae et clarae lugubres  
 3 domus: flamen Quirinalis Servius Cornelius mortuus, au-  
 gur C. Horatius Pulvillus, in cuius locum C. Veturium  
 eo cupidius, quia damnatus a plebe erat, augures legere,  
 4 mortuus consul Quinctilius, quattuor tribuni plebi. mul-  
 tiplici clade foedatus annus. ab hoste otium fuit.

5 Inde consules C. Menenius, P. Sestius Capitolinus.  
 neque eo anno quicquam belli externi fuit: domi motus

orti. iam redierant legati cum Atticis legibus, eo intentius 6 instabant tribuni, ut tandem scribendarum legum initium fieret. placet creari decemviros sine provocatione et ne quis eo anno alius magistratus esset. admiscerenturne 7 plebei, controversia aliquamdiu fuit, postremo concessum patribus, modo ne lex Icilia de Aventino aliaeque sacrae leges abrogarentur.

XXXIII. Anno trecentesimo altero quam condita 1 Roma erat, iterum mutatur forma civitatis ab consulibus ad decemviros, quemadmodum ab regibus ante ad consules venerat, translato imperio. minus insignis, quia non 2 diuturna, mutatio fuit. laeta enim principia magistratus eius nimis luxuriavere; eo citius lapsa res est repetitumque, duobus uti mandaretur consulum nomen imperiumque. decemviri creati Appius Claudius, T. Genucius, P. 3 Sestius, L. Veturius, C. Iulius, A. Manlius, P. Sulpicius, P. Curiatius, T. Romilius, Sp. Postumius. Claudio et Ge- 4 nucio, quia designati consules in eum annum fuerant, pro honore honos redditus et Sestio, alteri consulum prioris anni, quod eam rem collega invito ad patres retulerat. his proximi habiti legati tres, qui Athenas ierant, simul 5 ut pro legatione tam longinqua praemio esset honos, simul peritos legum peregrinarum ad condenda nova iura usui fore credebant. supplere ceteri numerum. graves 6 quoque aetate electos novissimis suffragiis ferunt, quo minus ferociter aliorum scitis adversarentur. regimen to- 7 tius magistratus penes Appium erat favore plebis, adeoque novum sibi ingenium induerat, ut plebicola repente omnisque aerae popularis captator evaderet pro truci saevoque insectatore plebis.

Decimo die ius populo singuli reddebant. eo die pe- 8 nes praefectum iuris fasces duodecim erant, conlegis novem singuli accensi apparebant. et in unica concordia inter ipsos, qui consensus privatis interdum inutilis esset, summa adversus alios aequitas erat. moderationis eorum 9 argumentum exemplo unius rei notasse satis erit: cum sine provocatione creati essent, defosso cadavere domi apud Sestium, patriciae gentis virum, invento prolatoque 10 in contionem, in re iuxta manifesta atque atroci C. Iulius

decemvir diem Sestio dixit et accusator ad populum extitit cuius rei iudex legitimus erat decessitque ex iure suo, ut demptum de vi magistratus populi libertati adiceret.

1 XXXIII. Cum promptum hoc ius velut ex oraculo incorruptum pariter ab iis summi infimique ferrent, tum legibus condendis opera dabatur. ingentique hominum expectatione propositis decem tabulis populum ad contio-  
2 nem advocaverunt et, quod bonum faustum felixque rei publicae, ipsis liberisque eorum esset, ire et legere leges  
3 propositas iussere; se, quantum decem hominum ingeniis provideri potuerit, omnibus, summis infimisque, iura ae-  
4 quasse, plus pollere multorum ingenia consiliaque. versarent in animis secum unamquamque rem, agitent deinde sermonibus atque in medium, quid in quaque re plus  
5 minusve esset, conferrent. eas leges habiturum populum Romanum, quas consensus omnium non iussisse latas magis quam tulisse videri posset.

6 Cum ad rumores hominum de unoquoque legum capite editos satis correctae viderentur, centuriatis comitiis decem tabularum leges perlatae sunt, quae nunc quoque in hoc immenso aliarum super alias acervatarum legum  
7 cumulo fons omnis publici privatique est iuris. vulgatur deinde rumor, duas deesse tabulas, quibus adiectis absolvi posse velut corpus omnis Romani iuris. ea expectatio, cum dies comitiorum adpropinquaret, desiderium  
8 decemviros iterum creandi fecit. iam plebs, praeterquam quod consulum nomen haud secus quam regum perosa erat, ne tribunicium quidem auxilium cedentibus invicem appellatione decemviris quaerebat.

1 XXXV. Postquam vero comitia decemviris creandis in trinum nundinum indicta sunt, tanta exarsit ambitio,  
2 ut primores quoque civitatis — metu, credo, ne tanti possessio imperii vacuo ab se relicto loco haud satis dignis pateret — prensarent homines, honorem summa ope a se  
3 inpugnatum ab ea plebe, cum qua contenderant, suppliciter petentes. dimissa iam in discrimen dignitas ea aetate iisque honoribus actis stimulabat Appium Claudium; nescires, utrum inter decemviros an inter candidatos nu-  
4 merares. propior interdum petendo quam gerendo ma-

gistratui erat: criminari optimates, extollere candidatorum  
levissimum quemque humillimumque, ipse medius inter 5  
tribunicios, Duellios Iciliosque, in foro volitare, per illos  
se plebi venditare, donec collegae quoque, qui unice illi  
dediti fuerant ad id tempus, coniecere in eum oculos, mi-  
rantes, quid sibi vellet. apparere, nihil sinceri esse; pro- 6  
fecto haud gratuitam in tanta superbia comitatem fore;  
nimium in ordinem se ipsum cogere et vulgari cum pri-  
vatis, non tam properantis abire magistratu quam viam  
ad continuandum magistratum quaerentis esse. propalam 7  
obviam ire cupiditati parum ausi, obsequendo mollire im-  
petum adgrediuntur. comitiorum illi habendorum, quando  
minimus natus sit, munus consensu iniungunt. ars haec 8  
erat, ne semet ipse creare posset, quod praeter tribunos  
plebi, et id ipsum pessimo exemplo, nemo umquam fecis-  
set. ille enimvero, quod bene vertat, habiturum se comitia  
professus, impedimentum pro occasione arripuit deiectis- 9  
que honore per coitionem duobus Quinctiis, Capitolino et  
Cincinnato, et patruo suo C. Claudio, constantissimo viro  
in optimatum causa, et aliis eiusdem fastigii civibus, ne-  
quaquam splendore vitae pares decemviros creat, se in 10  
primis, quod haud secus factum inprobant boni, quam  
nemo facere ausurum crediderat. creati cum eo M. Cor- 11  
nelius Maluginensis, M. Sergius, L. Minucius, Q. Fabius  
Vibulanus, Q. Poetilius, T. Antonius Merenda, K. Duel-  
lius, Sp. Oppius Cornicen, M'. Rabuleius.

XXXVI. Ille finis Appio alienae personae ferendae 1  
fuit; suo iam inde vivere ingenio coepit novosque colle-  
gas iam priusquam inirent magistratum in suos mores  
formare. cotidie coibant remotis arbitris: inde inpotenti- 2  
bus instructi consiliis, quae secreto ab aliis coquebant, iam  
haud dissimulando superbiam, rari aditus, conloquentibus  
difficiles, ad idus Maias rem perduxere. idus tum Maias 3  
sollemnes ineundis magistratibus erant. initio igitur ma-  
gistratus primum honoris diem denuntiatione ingentis ter-  
roris insignem fecere. nam cum ita priores decemviri  
servassent, ut unus fasces haberet et hoc insigne regium  
in orbem suam cuiusque vicem per omnes iret, subito  
omnes cum duodenis fascibus prodire. centum viginti 4

lictores forum inpleverant et cum fascibus secures inli-  
 gatas praeferabant; nec adtinuisse demi securem, cum sine  
 5 provocatione creati essent, interpretabantur. decem regum  
 species erat multiplicatusque terror non infimis solum, sed  
 primoribus patrum, ratis, caedis causam ac principium  
 quaeri, ut, si quis memorem libertatis vocem aut in se-  
 natu aut in populum misisset, statim virgae securesque  
 6 etiam ad ceterorum metum expedirentur. nam praeter-  
 quam quod in populo nihil erat praesidii sublata provoca-  
 tione, intercessionem quoque consensu sustulerant, cum  
 priores decemviri appellatione collegae corrigi reddita ab  
 se iura tulissent et quaedam, quae sui iudicii videri pos-  
 7 sent, ad populum reiecissent. aliquamdiu aequatus inter  
 omnes terror fuit, paulatim totus vertere in plebem coepit.  
 abstinebatur a patribus, in humiliores libidine crudeliter-  
 que consulebatur. hominum, non causarum, toti erant,  
 ut apud quos gratia vim aequi haberet. iudicia domi con-  
 8 flabant, pronuntiabant in foro. si quis collegam appellasset,  
 ab eo, ad quem venerat, ita discedebat, ut paeniteret, non  
 9 prioris decreto stetisse. opinio etiam sine auctore exierat,  
 non in praesentis modo temporis eos iniuriam conspirasse,  
 sed foedus clandestinum inter ipsos iure iurando ictum,  
 ne comitia haberent perpetuoque decemviratu possessum  
 semel obtinerent imperium.

1 XXXVII. Circumspectare tum patriciorum vultus ple-  
 bei et inde libertatis captare auram, unde servitutem ti-  
 2 mendo in eum statum rem publicam adduxerant. primores  
 patrum odisse decemviros, odisse plebem, nec probare  
 quae fierent et credere haud indignis accidere, avide ruendo  
 ad libertatem in servitutem elapsos iuvare nolle, cumulare  
 3 quoque iniurias, ut taedio praesentium consules duo tan-  
 dem et status pristinus rerum in desiderium veniant.

4 Iam et processerat pars maior anni et duae tabulae  
 legum ad prioris anni decem tabulas erant adiectae, nec  
 quicquam iam supererat, si eae quoque leges centuriatis  
 comitiis perlatae essent, cur eo magistratu rei publicae  
 5 opus esset. expectabant, quam mox consulibus creandis  
 comitia edicerentur. id modo plebem agitabat, quonam  
 modo tribuniciam potestatem, munimentum libertati, rem

intermissam, repararent, cum interim mentio comitiorum 6  
nulla fieri. et decemviri, qui primo tribunicios homines,  
quia id populare habebatur, circum se ostentaverant ple-  
bei, patriciis iuvenibus saepserant latera. eorum catervae  
tribunalia obsidebant. hi ferre, agere plebem plebisque 7  
res, cum (fortuna) qua quidquid cupitum foret potentioris  
esset. et iam ne tergo quidem abstinebatur: virgis caedi, 8  
alii securi subici et, ne gratuita crudelitas esset, bonorum  
donatio sequi domini supplicium. hac mercede iuventus  
nobilis corrupta non modo non ire obviam iniuriae, sed  
propalam licentiam suam malle quam omnium libertatem.

XXXVIII. Idus Maiiae venire. nullis subrogatis ma- 1  
gistratibus, privati pro decemviris neque animis ad impe-  
rium inhibendum inminutis neque ad speciem honoris  
insignibus prodeunt. id vero regnum haud dubie videri.  
deploratur in perpetuum libertas, nec vindex quisquam 2  
existit aut futurus videtur. nec ipsi solum desponderant  
animos, sed contemni coepti erant a finitimis populis; im-  
periumque ibi esse, ubi non esset libertas, indignabantur.  
Sabini magna manu incursionem in agrum Romanum fe- 3  
cere; lateque populati cum hominum atque pecudum inulti  
praedas egissent, recepto ad Eretum, quod passim vaga-  
tum erat, agnine castra locant, spem in discordia Romana  
ponentes, eam impedimentum dilectui fore. non nuntii 4  
solum, sed per urbem agrestium fuga trepidationem in-  
iecit. decemviri consultant, quid opus facto sit, destituti  
inter patrum et plebis odia. addit terrorem insuper alium  
fortuna. Aequi alia ex parte castra in Algido locant; de- 5  
populanturque inde excursionibus Tusculanum agrum. le-  
gati ab Tusculo praesidium orantes nuntiant. is pavor 6  
perculit decemviros, ut senatum simul duobus circumstan-  
tibus urbem bellis consulerent. citari iubent in curiam pa-  
tres, haud ignari, quanta invidiae immineret tempestas:  
omnes vastati agri periculorumque imminentium causas in 7  
se congesturos temptationemque eam fore abolendi sibi  
magistratus, ni consensu resisterent imperioque inhibendo  
acriter in paucos praeferocis animi conatus aliorum con-  
primerent. postquam audita vox in foro est praeconis pa- 8  
tres in curiam ad decemviros vocantis, velut nova res, quia



intermiserant iam diu morem consulendi senatus, mirabundam plebem convertit, quidnam incidisset, cur ex  
9 tanto intervallo rem desuetam usurparent. hostibus belloque gratiam habendam, quod solitum quicquam liberae civitatis fieret. circumspectare omnibus fori partibus senatore  
10 natorem raroque usquam noscitare; curiam inde ac solitudinem circa decemviros intueri, cum et ipsi consensu invisum imperium et plebs, quia privatis ius non esset vocandi senatum, non convenire patres interpretarentur. iam caput fieri libertatem repetentium, si se plebs comitem senatui det et, quemadmodum patres vocati non coeant in senatum, sic plebs abnuat dilectum. haec fremunt plebes.  
11 patrum haud fere quisquam in foro, in urbe rari erant. indignitate rerum cesserant in agros suarumque rerum erant amissa publica, tantum ab iniuria se abesse rati, quantum a coetu congressuque inpotentium dominorum  
12 se amovissent. postquam citati non conveniebant, dimissi circa domos adparitores simul ad pignera capienda sciscitandumque, num consulto detrectarent, referunt senatum in agris esse. laetius id decemviris accidit quam si praesentis detrectare imperium referrent. iubent acciri omnes senatumque in diem posterum indicunt. qui aliquanto spe ipsorum frequentior convenit. quo facto proditam a patribus plebs libertatem rata, quod iis, qui iam magistratu abissent, privatisque, si vis abesset, tamquam iure cogen-  
13 tibus senatus paruisset.

1 XXXVIII. Sed magis oboedienter ventum in curiam  
2 est quam obnoxie dictas sententias accepimus. L. Valerium Potitum proditum memoriae est post relationem Appii Claudii, priusquam ordine sententiae rogarentur, postulando, ut de re publica liceret dicere, prohibentibus minaciter decemviris, proditurum se ad plebem denuntiantem  
3 tumultum excivisse. nec minus ferociter Marcum Horatium Barbatum isse in certamen, decem Tarquinius appellentem admonentemque, Valeriis et Horatiis ducibus pulsos reges.  
4 nec nominis tum pertaesum esse, quippe quo Iovem appellari fas sit, quo Romulum conditorem urbis deincepsque reges appellatos, quod sacris etiam ut sollemne re-  
5 tentum sit: superbiam violentiamque tum perosos regis.

quae si in rege (tum eodem) aut in filio regis ferenda non fuerint, quem laturum in tot privatis? viderent, ne vendando in curia libere homines loqui extra curiam etiam moverent vocem; neque se videre, qui sibi minus privato ad contionem populum vocare quam illis senatum cogere liceat. ubi vellent, experirentur, quanto fortior dolor libertate sua vindicanda quam cupiditas iniusta dominatione esset. de bello Sabino eos referre, tamquam maius ullum populo Romano bellum sit quam cum iis, qui, legum ferundarum causa creati, nihil iuris in civitate reliquerint, qui comitia, qui annuos magistratus, qui vicissitudinem imperitandi, quod unum exaequandae sit libertatis, sustulerint, qui privati fasces et regium imperium habeant. fuisse regibus exactis patricios magistratus, creatos postea post secessionem plebis plebeios. cuius illi partis essent, rogare. populares? quid enim eos per populum egisse? optimates? qui anno iam prope senatum non habuerint, tunc ita habeant, ut de re publica loqui prohibeant? ne nimium in metu alieno spei ponerent. graviora, quae patiantur, videri iam hominibus quam quae metuant.

**XXXX.** Haec vociferante Horatio cum decemviri nec irae nec ignoscendi modum reperirent nec quo evasura res esset cernerent, C. Claudii, qui patruus Appii decemviri erat, oratio fuit precibus quam iurgio similis, orantis per sui fratris parentisque eius manes, ut civilis potius societatis, in qua natus esset, quam foederis nefarie icti cum collegis meminisset. multo id magis se illius causa orare quam rei publicae: quippe rem publicam, si a volentibus nequeat, ab invitis ius expetituram; sed ex magno certamine magnas excitari ferme iras, earum eventum se horrere. cum aliud praeterquam de quo retulissent, decemviri dicere prohiberent, Claudium interpellandi verecundia fuit. sententiam igitur peregit, nullum placere senatus consultum fieri. omnesque ita accipiebant, privatos eos a Claudio iudicatos, multique ex consularibus verbo adsen- sunt. alia sententia, asperior in speciem, vim minorem aliquanto habuit, quae patricios coire ad prodendum interregem iubebat. censendo enim, quoscumque magistratus esse qui senatum haberent, iudicabant, quos privatos fecerat

8 auctor nullius senatus consulti faciendi. ita labente iam  
 causa decemvirorum L. Cornelius Maluginensis, M. Cor-  
 neli decemviri frater, cum ex consularibus ad ultimum  
 9 belli fratrem collegasque eius tuebatur, quonam fato inci-  
 disset mirari se dictitans, ut decemviros qui decemviratum  
 10 petissent, aut socii aut hi maxime, oppugnarent, aut quid  
 ita, cum per tot menses vacua civitate nemo, iustine ma-  
 gistratus summae rerum praeessent, controversiam fecerit,  
 nunc demum, cum hostes prope ad portas sint, civilis  
 discordias serant, nisi quod in turbido minus perspicuum  
 11 fore putent, quid agatur. ceterum neminem, maiore cura  
 occupatis animis, verum esse praeiudicium rei tantae au-  
 ferre. sibi placere de eo, quo Valerius Horatiusque ante  
 idus Maias decemviros abisse magistratu insimulent, bellis,  
 quae immineant, perfectis, re publica in tranquillum red-  
 12 acta, senatu disceptante agi et iam nunc ita se parare  
 Ap. Claudium, ut comitiorum, quae decemviris creandis  
 decemvirum ipse habuerit, sciat sibi rationem reddendam  
 esse, utrum in unum annum creati sint an donec leges,  
 13 quae deessent, perferrentur. in praesentia omnia praeter  
 bellum omitti placere; cuius si falso famam volgatam  
 vanaque non nuntios solum, sed Tusculanorum etiam lega-  
 tos adtulisse putent, speculatores mittendos censere, qui  
 14 certius explorata referant: sin fides et nuntiis et legatis  
 habeatur, dilectum primo quoque tempore haberi, decem-  
 viros, quo cuique eorum videatur, exercitus ducere nec  
 rem aliam praeverti.

1 XXXXI. In hanc sententiam ut discederetur, iunio-  
 res patrum evincebant. ferocioresque iterum coorti Valerius  
 Horatiusque vociferari, ut de re publica liceret dicere. dic-  
 turos ad populum, si in senatu per factionem non liceat:  
 neque enim sibi privatos aut in curia aut in contione posse  
 obstare neque se imaginariis fascibus eorum cessuros esse.  
 2 tum Appius, iam prope esse ratus, ut, ni violentiae eorum  
 3 pari resisteretur audacia, victum imperium esset, 'non erit  
 melius,' inquit 'nisi de quo consulimus, vocem misisse'  
 et ad Valerium, negantem se privato reticere, lictorem ac-  
 4 cedere iussit. iam Quiritium fidem inplorante Valerio a

uriae limine, L. Cornelius complexus Appium non cui  
 imulabat consulendo diremit certamen. factaque per Cor-  
 nelium Valerio dicendi gratia quae vellet, cum libertas non  
 ultra vocem excessisset, decemviri propositum tenere.  
 consulares quoque ac seniores ab residuo tribuniciae po- 5  
 estatis odio, cuius desiderium plebi multo acrius quam  
 consularis imperii rebantur esse, prope malebant postmodo  
 posos decemviros voluntate abire magistratu quam invidia  
 eorum exsurgere rursus plebem. si leniter ducta res sine 6  
 populari strepitu ad consules redisset, aut bellis interposi-  
 is aut moderatione consulum in imperiis exercendis posse  
 a oblivionem tribunorum plebem adduci.

Silentio patrum edicitur dilectus. iuniores, cum sine 7  
 revocatione imperium esset, ad nomina respondent. le-  
 gionibus scriptis inter se decemviri comparabant, quos ire  
 d bellum, quos praeesse exercitibus oporteret. principes 8  
 inter decemviros erant Q. Fabius et Appius Claudius.  
 bellum domi maius quam foris apparebat. Appii violen-  
 tiam aptiorem rati ad comprimendos urbanos motus, in  
 Fabio minus in bono constans quam navum in malitia  
 ingenium esse. hunc enim virum, egregium olim domi 9  
 militiaeque, decemviratus collegaeque ita mutaverant, ut  
 Appi quam sui similis mallet esse. huic bellum in Sabi-  
 is M. Rabuleio et Q. Poetilio additis conlegis mandatum.  
 M. Cornelius in Algidum missus cum L. Minucio et T. 10  
 Antonio et Caesone Duillio et M. Sergio. Sp. Oppium  
 ap. Claudio adiutorem ad urbem tuendam aequo omnium  
 decemvirorum imperio decernunt.

XXXXII. Nihilo militiae quam domi melius res pu- 1  
 lica administrata est. illa modo in ducibus culpa, quod 2  
 t odio essent civibus fecerant; alia omnis penes milites  
 noxia erat, qui, ne quid ductu atque auspicio decemviro-  
 um prospere usquam gereretur, vinci se per suum atque  
 eorum dedecus patiebantur. fusi et ab Sabinis ad Ere- 3  
 tum et in Algido ab Aequis exercitus erant. ab Ereto per  
 silentium noctis profugi propius urbem inter Fidenas Cru-  
 tumeriamque loco edito castra communierant. persecutis 4  
 ostibus nusquam se aequo certamine committentes, natura  
 soci ac vallo, non virtute aut armis tutabantur. maius 5

flagitium in Algido, maior etiam clades accepta: castra quoque amissa erant, exutusque omnibus utensilibus miles Tusculum se, fide misericordiaque victurus hospitem, quae tamen non fefellerunt, contulerat. Romam tanti erant terrores allati, ut posito iam decemvirali odio patres vigili-  
 6 as in urbe habendas censerent; omnes, qui per aetatem arma ferre possent, custodire moenia ac pro portis stationes agere iuberent, arma Tusculum ad supplementum decernerent decemvirosque ab arce Tusculi digressos in castris militem habere; castra alia a Fidenis in Sabinum agrum transferri belloque ultro inferendo deterreri hostes a consilio urbis oppugnandae.

1 XXXXIII. Ad clades ab hostibus acceptas duo nefanda facinora decemviri belli domique adiciunt. L. Siccium, in Sabinis per invidiam decemviralem tribunorum creandorum secessionisque mentiones ad vulgus militum sermonibus occultis serentem, prospeculatum ad locum  
 2 castris capiendum mittunt. datur negotium militibus, quos miserant expeditionis eius comites, ut eum oportuno adorti loco interficerent. haud inultum interfecere: nam circa repugnantem aliquot insidiatores cecidere, cum ipse se prae-  
 3 validus pari viribus animo circumventus tutaretur. nuntiant in castra ceteri, praecipitatum in insidias esse, Siccium egregie pugnantem militesque quosdam cum eo  
 4 amissos. primo fides nuntiantibus fuit; profecta deinde cohors ad sepeliendos qui ceciderant decemvirorum permissu, postquam nullum spoliatum ibi corpus Sicciumque in medio iacentem armatumque omnibus in eum versis corporibus videre, hostium neque corpus ullum nec vestigia abeuntium, profecto ab suis interfectum memorantes rettu-  
 5 lere corpus. invidiaeque plena castra erant et Romam ferri protinus Siccium placebat, ni decemviri funus militare ei publica impensa facere maturassent. sepultus ingenti militum maestitia, pessima decemvirorum in vulgus fama est.

1 XXXXIII. Sequitur aliud in urbe nefas ab libidine ortum haud minus foedo eventu quam quod per stuprum caedemque Lucretiae urbe regnoque Tarquinius expulerat, ut non finis solum idem decemviris, qui regibus, sed causa etiam eadem imperii amittendi esset.

Ap. Claudium virginis plebeiae stuprandae libido cepit. pater virginis L. Verginius honestum ordinem in Al- 2  
 gido ducebat, vir exempli recti domi militiaeque. perinde  
 uxor instituta fuerat liberique instituebantur. desponderat 3  
 filiam L. Icilio tribunico, viro acri et pro causa plebis expertae virtutis. hanc virginem adultam, forma excellentem 4  
 Appius amore ardens pretio ac spe perlicere adortus, postquam omnia pudore saepta animadverterat, ad crudelem  
 superbamque vim animum convertit. M. Claudio clienti 5  
 negotium dedit, ut virginem in servitutem adsereret neque cederet secundum libertatem postulantibus vindicias, quod  
 pater puellae abesset locum iniuriae esse ratus. virgini 6  
 venienti in forum — ibi namque in tabernis litterarum ludi erant — minister decemviri libidinis manum iniecit, serva  
 sua natam servamque appellans, sequique se iubebat: cunctantem vi abstracturum. pavida puella stupente, ad clamorem 7  
 nutricis fidem Quiritium inplorantis fit concursus. Vergini patris sponsique Icili populare nomen celebrabatur. notos gratia eorum, turbam indignitas rei virgini conciliat. iam a vi tuta erat, cum adsertor nihil opus esse 8  
 multitudine concitata ait: se iure grassari, non vi. vocat puellam in ius; auctoribus, qui aderant, ut sequeretur, ad tribunal Appi perventum est. notam iudici fabulam petitor, quippe apud ipsum auctorem argumenti, peragit: puellam, domi suae natam furtoque inde in domum Verginii translata, suppositam ei esse; id se indicio conpertum 10  
 adferre probaturumque vel ipso Verginio iudice, ad quem maior pars iniuriae eius pertineat; interim dominum sequi ancillam aequum esse. advocati puellae cum Verginium 11  
 rei publicae causa dixissent abesse, biduo adfuturum, si nuntiatum ei sit, iniquum esse absentem de liberis dimicare, postulant, ut rem integram in patris adventum differat, lege ab ipso lata vindicias det secundum libertatem neu patiatur, virginem adultam famae prius quam libertatis periculum adire.

**XXXXV.** Appius decreto praefatus, quam libertati 1  
 faverit, eam ipsam legem declarare, quam Vergini amici postulationi suae praetendant; ceterum ita in ea firmum 2  
 libertati fore praesidium, si nec causis nec personis variet.

in iis enim, qui adserantur in libertatem, quia quivis lege  
 agere possit, id iuris esse: in ea, quae in patris manu sit,  
 3 neminem esse alium, cui dominus possessione cedat. pla-  
 cere itaque patrem arcessiri; interea iuris sui iacturam  
 adsertorem non facere, quin ducat puellam sistendamque  
 4 in adventum eius, qui pater dicatur, promittat. adversus  
 iniuriam decreti cum multi magis fremerent quam quis-  
 quam unus recusare auderet, P. Numitorius, puellae avus,  
 5 et sponsus Icilius interveniunt. dataque inter turbam via,  
 cum multitudo Icili maxime interventu resisti posse Ap-  
 pio crederet, lictor decresse ait vociferantemque Icilium  
 6 submovet. placidum quoque ingenium tam atrox iniuria  
 accendisset: 'ferro hinc tibi submovendus sum, Appi,'  
 inquit 'ut tacitum feras quod celari vis. virginem ego  
 7 hanc sum ducturus nuptamque pudicam habiturus. proinde  
 omnes collegarum quoque lictores convoca, expediri vir-  
 gas et secures iube: non manebit extra domum patris  
 8 sponsa Icili. non, si tribunicium auxilium et provocatio-  
 nem plebi Romanae, duas arces libertatis tuendae, ade-  
 mistis, ideo in liberos quoque nostros coniugesque regnum  
 9 vestrae libidini datum est. saevite in tergum et in cervices  
 nostras: pudicitia saltem in tuto sit. huic si vis adferetur,  
 ego praesentium Quiritium pro sponsa, Verginius militum  
 pro unica filia, omnes deorum hominumque inplorabimus  
 fidem neque tu istud umquam decretum sine caede nostra  
 10 referes. postulo, Appi, etiam atque etiam consideres, quo  
 progrediare. Verginius viderit de filia, ubi venerit, quid  
 11 agat; hoc tantum sciat, sibi, si huius vindiciis cesserit,  
 condicionem filiae quaerendam esse. me vindicantem spon-  
 sam in libertatem vita citius deseret quam fides.'

1 XXXXVI. Concitata multitudo erat certamenque in-  
 stare videbatur. lictores Icilium circumsteterant. nec ul-  
 2 tra minas tamen processum est, cum Appius non Vergi-  
 niam defendi ab Icilio, sed inquietum hominem et tribu-  
 natum etiam nunc spirantem locum seditionis quaerere  
 3 diceret. non praebiturum se illi eo die materiam, sed, ut  
 iam sciret, non id petulantiae suae, sed Verginio absenti  
 et patrio nomini et libertati datum, ius eo die se non dic-  
 turum neque decretum interpositurum; a M. Claudio pe-



titurum, ut decederet iure suo vindicarique puellam in posterum diem pateretur. quod nisi pater postero die adfuisset, denuntiare se Icilio similibusque Icili, neque legi suae latorem neque decemviro constantiam defore; nec se utique collegarum lictores convocaturum ad coercendos seditionis auctores, contentum se suis lictoribus fore.

Cum dilatum tempus iniuriae esset secessissentque advocati puellae, placuit omnium primum fratrem Icili filiumque Numitorii, inpigros iuvenes, pergere inde recta ad portam et quantum accelerari posset Verginium acciri e castris: in eo verti puellae salutem, si postero die vindex iniuriae ad tempus praesto esset. iussi pergunt citatisque equis nuntium ad patrem perferunt. cum instaret adsertor puellae, ut vindicaret sponsoresque daret, atque id ipsum agi diceret Icilius, sedulo tempus terens, dum praeciperent iter nuntii missi in castra, manus tollere undique multitudo et se quisque paratum ad spondendum Icilio ostendere. atque ille lacrimabundus 'gratum est,' inquit 'crastina die vestra opera utar, sponsores nunc satis est.' ita vindicatur Verginia spondentibus propinquis. Appius paulisper moratus, ne eius rei causa sedisse videretur, postquam omissis rebus aliis prae cura unius nemo adibat, domum se recepit collegisque in castra scribit, ne Verginio commeatum dent atque etiam in custodia habeant. improbum consilium serum, ut debuit, fuit et iam commeatu sumpto profectus Verginius prima vigilia erat, cum postero die mane de retinendo eo nequiquam litterae red- duntur.

XXXXVII. At in urbe prima luce cum civitas in foro expectatione erecta staret, Verginius sordidatus filiam secum obsoleta veste, comitantibus aliquot matronis, cum ingenti advocacy in forum deducit. circumire ibi et prensare homines coepit et non orare solum precariam opem, sed pro debita petere: se pro liberis eorum ac coniugibus cotidie in acie stare nec alium virum esse, cuius strenue ac ferociter facta in bello plura memorari possent: quid prodesse, si incolumi urbe quae capta ultima timeantur liberis suis sint patienda? haec prope contionabundus circumibat homines. similia his ab Icilio iactabantur.

comitatus muliebris plus tacito fletu quam ulla vox move-  
4 bat. adversus quae omnia obstinato animo Appius — tanta  
vis amentiae verius quam amoris mentem turbaverat — in  
tribunal escendit, et ultro querente pauca petitore, quod  
ius sibi pridie per ambitionem dictum non esset, prius-  
quam aut ille postulatum perageret aut Verginio respon-  
5 dendi daretur locus, Appius interfatur. quem decreto ser-  
monem praetenderit, forsitan aliquem verum auctores antiqui  
tradiderint; quia nusquam ullum in tanta foeditate decreti  
veri similem invenio, id quod constat nudum videtur pro-  
6 ponendum, decresce vindicias secundum servitutem. primo  
stupor omnes admiratione rei tam atrocis defixit; silentium  
inde aliquamdiu tenuit. dein, cum M. Claudius circum-  
stantibus matronis iret ad prendendam virginem lamenta-  
bilisque eum mulierum comploratio excepisset, Verginius  
7 intentans in Appium manus, 'Icilio,' inquit 'Appi, non tibi  
filiam despondi et ad nuptias, non ad stuprum educavi.  
placet pecudum ferarumque ritu promisce in concubitus  
ruere? passurine haec isti sint, nescio; non spero esse pas-  
8 suros illos qui arma habent.' cum repelleretur adsertor  
virginis a globo mulierum circumstantiumque advocato-  
rum, silentium factum per praeconem.

1 XXXXVIII. Decemvir, alienatus ad libidinem animo,  
negat ex hesterno tantum convitio Icili violentiaque Ver-  
ginii, cuius testem populum Romanum habeat, sed certis  
quoque indiciis conpertum se habere, nocte tota coetus in  
2 urbe factos esse ad movendam seditionem. itaque se haud  
inscium eius dimicationis cum armatis descendisse, non ut  
quemquam quietum violaret, sed ut turbantes civitatis  
3 otium pro maiestate imperii coerceret. 'proinde quiesce  
erit melius,' inquit. 'lictor, submove turbam et da viam  
domino ad prendendum mancipium.' cum haec intonuisset  
plenus irae, multitudo ipsa se sua sponte dimovit deserta-  
4 que praeda iniuriae puella stabat. tum Verginius, ubi ni-  
hil usquam auxilii vidit, 'quaeso,' inquit 'Appi, primum  
ignosce patrio dolori, si quo inclementius in te sum in-  
vectus, deinde sinas hic coram virgine nutricem percon-  
tari, quid hoc rei sit, ut, si falso pater dictus sum, aequiore  
5 hinc animo discedam.' data venia seducit filiam ac nutri-

cem prope Cloacinae ad tabernas, quibus nunc novis est nomen, atque ibi ab lanio cultro arrepto 'hoc te uno, quo possum,' ait 'modo, filia, in libertatem vindico': pectus deinde puellae transfigit respectansque ad tribunal 'te,' inquit 'Appi, tuumque caput sanguine hoc consecro.' clamore ad tam atrox facinus orto excitus Appius comprehendit Verginium iubet. ille ferro quacumque ibat viam facere, donec multitudine etiam prosequentium tuente ad portam perrexit. Icilius Numitoriusque exsanguie corpus sublatum ostendant populo; scelus Appi, puellae infelicem formam, necessitatem patris deplorant. sequentes clamitant matronae, eamne liberorum procreandorum condicionem, ea pudicitiae praemia esse, cetera, quae in tali re muliebris dolor, quo est maestior inbecillo animo, eo miserabilia magis querentibus subicit. virorum et maxime Icili vox tota tribuniciae potestatis ac provocationis ad populum ereptae publicarumque indignationum erat.

**XXXXVIII.** Concitatur multitudo partim atrocitate sceleris partim spe per occasionem repetendae libertatis. Appius nunc vocari Icilium, nunc retractantem arripi, postremo, cum locus adeundi apparitoribus non daretur, ipse cum agmine patriciorum iuvenum per turbam vadens in vincula duci iubet. iam circa Icilium non solum multitudo, sed duces quoque multitudinis erant L. Valerius et M. Horatius, qui repulso lictore, si iure ageret, vindicare se a privato Icilium aiebant, si vim adferre conarentur, ibi quoque haud inpares fore. hinc atrox rixa oritur. Valerium Horatiumque lictor decemviri invadit: franguntur a multitudine fascies. in contionem Appius escendit, secuntur Horatius Valeriusque; eos contio audit, decemviro obstrepitur. iam pro imperio Valerius discedere a privato lictores iubebat, cum fractis animis Appius, vitae metuens, in domum se propinquam foro insciis adversariis, capite obvoluto recipit. Sp. Oppius ut auxilio collegae esset, in forum ex altera parte inrumpit. videt imperium vi victum. agitatus deinde consiliis atque ex omni parte adsentiendo multis auctoribus trepidaverat: senatum postremo vocari iussit. ea res, quod magnae parti patrum displicere acta decemvirorum videbantur, spe per senatum finiendae

8 potestatis eius multitudinem sedavit. senatus nec plebem  
inritandam censuit et multo magis providendum, ne quid  
Verginii adventus in exercitu motus faceret.

1 L. Itaque missi iuniores patrum in castra, quae tum  
in monte Vecilio erant, nuntiant decemviris, ut omni ope  
2 ab seditione milites contineant. ibi Verginius maiorem,  
3 quam reliquerat in urbe, motum excivit. nam praeterquam  
quod agmine prope quadringentorum hominum veniens,  
qui ab urbe indignitate rei accensi comites ei se dederant,  
conspectus est, strictum etiam telum respersusque ipse  
cruore tota in se castra convertit. et togae multifariam  
in castris visae maioris aliquanto, quam erat, speciem ur-  
4 banae multitudinis fecerant. quaerentibus, quid rei esset,  
flens diu vocem non misit; tandem, ut iam ex trepidatione  
concurrentium turba constitit ac silentium fuit, ordine  
5 cuncta, ut gesta erant, exposuit. supinas deinde tendens  
manus, commilitones appellans orabat, ne, quod scelus  
Appi Claudii esset, sibi attribuerent neu se ut parricidam  
6 liberum aversarentur. sibi vitam filiae sua cariorem fuisse,  
si liberae ac pudicae vivere licitum fuisset: cum velut ser-  
vam ad stuprum rapi videret, morte amitti melius ratum  
quam contumelia liberos, misericordia se in speciem cru-  
7 delitatis lapsum. nec se superstitem filiae futurum fuisse,  
nisi spem ulciscendae mortis eius in auxilio commilitonum  
habuisset. illis quoque enim filias, sorores coniugesque  
esse, nec cum filia sua libidinem Appi Claudii extinctam  
8 esse, sed quo inpunitior sit, eo effrenatiorem fore. aliena  
calamitate documentum datum illis cavendae similis in-  
iuriae. quod ad se adtineat, uxorem sibi fato ereptam,  
filiam, quia non ultra pudica victura fuerit, miseram, sed  
9 honestam morte occubuisse. non esse iam Appi libidini  
locum in domo sua; ab alia violentia eius eodem se animo  
suum corpus vindicaturum, quo vindicaverit filiae; ceteri  
10 sibi ac liberis suis consulerent. haec Verginio vociferanti  
succlamabat multitudo, nec illius dolori nec suae libertati  
se defuturos. et inmixti turbae militum togati cum eadem  
illa querendo docendoque, quanto visa quam audita in-  
digniora potuerint videri, simul profligatam iam rem nun-  
11 tiando Romae esse insecutosque, qui Appium prope inter-

emptum in exilium abisse dicerent, perpulerunt, ut ad arma conclamaretur vellerentque signa et Romam profiscerentur. decemviri, simul his, quae videbant, iisque, 12 quae acta Romae audierant, perturbati, alius in aliam partem castrorum ad sedandos motus discurrunt. et leniter agentibus responsum non redditur; imperium si quis inhi- 13 beret, et viros et armatos se esse respondetur. eunt agmine ad urbem et Aventinum insidunt, ut quisque occurrerat, plebem ad repetendam libertatem creandosque tribunos plebis adhortantes. alia vox nulla violenta audita est. senatum Sp. Oppius habet. nihil placet aspere agi: 14 quippe ab ipsis datum locum seditionis esse. mittuntur 15 tres legati consulares, Sp. Tarpeius, C. Iulius, P. Sulpicius, qui quaerent senatus verbis, cuius iussu castra deseruissent aut quid sibi vellent, qui armati Aventinum obsedissent belloque averso ab hostibus patriam suam cepissent. non defuit quod responderetur, deerat qui da- 16 ret responsum, nullodum certo duce nec satis audentibus singulis invidiae se offerre. id modo a multitudine conclamatum est, ut L. Valerium et M. Horatium ad se mitterent: his se daturos responsum.

LI. Dimissis legatis admonet milites Verginius, in re 1 non maxima paulo ante trepidatum esse, quia sine capite multitudo fuerit, responsumque, quamquam non inutiliter, fortuito tamen magis consensu quam communi consilio esse. placere, decem creari, qui summae rei praeessent, 2 militarique honore tribunos militum appellare. cum ad 3 eum ipsum primum is honos deferretur, 'melioribus meis vestrisque rebus reservate' inquit 'ista de me iudicia; nec 4 mihi filia inulta honorem ullum iucundum esse patitur nec in perturbata re publica eos utile est praeesse vobis, qui proximi invidiae sint. si quis usus mei est, nihilo 5 minor ex privato capietur.' ita decem numero tribunos 6 militares creant.

Neque in Sabinis quievit exercitus. ibi quoque auc- 7 tore Icilio Numitorioque secessio ab decemviris facta est, non minore motu animorum Sicci caedis memoria renovata quam quem nova fama de virgine adeo foede ad libidinem petita accenderat. Icilius ubi audivit, tribunos 8

militum in Aventino creatos, ne comitiorum militarium praerogativam urbana comitia isdem tribunis plebis creandis sequerentur, peritus rerum popularium imminensque ei potestati, et ipse, priusquam iretur ad urbem, pari potestate eundem numerum ab suis creandum curat. porta Collina urbem intravere sub signis, mediaque urbe agmine in Aventinum pergunt. ibi coniuncti alteri exercitui viginti tribunis militum negotium dederunt, ut ex suo numero duos crearent, qui summae rerum praessent. M. Oppium, Sex. Manilium creant.

Patres solliciti de summa rerum, cum senatus cotidie esset, iurgiis saepius terunt tempus quam consiliis. Sicci caedes decemviris et Appiana libido et dedecora militiae obiciebantur. placebat, Valerium Horatiumque ire in Aventinum. illi negabant, se aliter ituros quam si decemviri deponerent insignia magistratus eius, quo anno iam ante abissent. decemviri, querentes se in ordinem cogi, non ante quam perlatis legibus, quarum causa creati essent, deposituros imperium se aiebant.

LII. Per M. Duilium, qui tribunus plebis fuerat, certior facta plebs, contentionibus adsiduis nihil transigi, in sacrum montem ex Aventino transit, adfirmante Duilio, non prius, quam deserere urbem videant, curam in animos patrum descensuram: admonitum sacrum montem constantiae plebis, sciturosque, nisi restituta potestate redigi in concordiam res nequire. via Nomentana, cui tum Ficulensi nomen fuit, profecti castra in monte sacro locavere, modestiam patrum suorum nihil violando imitati. secuta exercitum plebs nullo, qui per aetatem ire posset, retractante. prosequuntur coniuges liberique, cuinam se relinquerent in ea urbe, in qua nec pudicitia nec libertas sancta esset, miserabiliter rogitantes.

Cum vasta Romae omnia insueta solitudo fecisset, in foro praeter paucos seniorum nemo esset, vocatis utique in senatum patribus desertum apparuisset forum pluresque iam quam Horatius ac Valerius vociferarentur: 'quid expectabitis, patres conscripti? si decemviri finem pertinaciae non faciunt, ruere ac deflagrare omnia passuri estis? quod autem istud imperium est, decemviri, quod

amplexi tenetis? tectis ac parietibus iura dicturi estis? non 7  
 pudet, lictorum vestrorum maiorem prope numerum in foro  
 conspici quam togatorum aliorum(que)? quid, si hostes ad  
 urbem veniant, facturi estis? quid, si plebs mox, ubi parum  
 secessione moveatur, armata veniat? occasune urbis vultis  
 finire imperium? atqui aut plebs non est habenda aut ha- 8  
 bendi sunt tribuni plebis: nos citius caruerimus patriciis  
 magistratibus quam illi plebeis. novam inexpertamque eam 9  
 potestatem eripere patribus nostris, ne nunc dulcedine se-  
 mel capti ferant desiderium, cum praesertim nec nos tem-  
 peremus imperiis, quo minus illi auxilii egeant' — cum 10  
 haec ex omni parte iactarentur, victi consensu decemviri  
 futuros se, quando ita videatur, in potestate patrum adfir-  
 mant. id modo simul orant ac monent, ut ipsis ab invidia 11  
 caveatur nec suo sanguine ad supplicia patrum plebem  
 adsuefaciant.

LIII. Tum Valerius Horatiusque missi ad plebem 1  
 condicionibus quibus videretur revocandam componendas-  
 que res, decemviris quoque ab ira et impetu multitudinis  
 praecavere iubentur. profecti gaudio ingenti plebis in 2  
 castra accipiuntur, quippe liberatores haud dubie et motus  
 initio et exitu rei. ob haec iis advenientibus gratiae actae.  
 Icilius pro multitudine verba facit. idem, cum de condi- 3  
 tionibus ageretur, quaerentibus legatis quae postulata ple-  
 bis essent, conposito iam ante adventum legatorum con-  
 silio ea postulavit, ut appareret in aequitate rerum plus  
 quam in armis reponi spei. potestatem enim tribuniciam 4  
 provocationemque repetebant, quae ante decemviros crea-  
 tos auxilia plebis fuerant, et ne cui fraudi esset concisse  
 milites aut plebem ad repetendam per secessionem liber-  
 tatem. de decemvirorum modo supplicio atrox postulatum 5  
 fuit: dedi quippe eos aequum censebant vivosque igni  
 concrematuros minabantur. legati ad ea: 'quae consilii 6  
 fuerunt, adeo aequa postulastis, ut ultro vobis deferenda  
 fuerint: libertati enim ea praesidia petitis, non licentiae ad  
 impugnandos alios. irae vestrae magis ignoscendum quam 7  
 indulgendum est, quippe qui crudelitatis odio in crudeli-  
 tatem ruitis et prius paene quam ipsi liberi sitis, dominari  
 iam in adversarios vultis. numquamne quiescit civitas 8



nostra a suppliciis aut patrum in plebem Romanam aut  
9 plebis in patres? scuto vobis magis quam gladio opus est.  
satis superque humilis est, qui iure aequo in civitate vivit  
10 nec inferendo iniuriam nec patiendo. etiam si quando  
metuendos vos praebituri estis, cum reciperatis magistra-  
tibus legibusque vestris iudicia penes vos erunt de capite  
nostro fortunisque, tunc ut quaeque causa erit statuetis:  
nunc libertatem repeti satis est.'

1 LIII. Facerent ut vellent permittentibus cunctis mox  
2 redituros se legati rebus perfectis adfirmant. profecti cum  
mandata plebis patribus exposuissent, alii decemviri, quando  
quidem praeter spem ipsorum supplicii sui nulla mentio  
3 fieret, haud quicquam abnuere; Appius truci ingenio et  
invidia praecipua odium in se aliorum suo in eos metiens  
4 odio 'haud ignaro' inquit 'imminet fortuna. video, donec  
arma adversariis tradantur, differri adversus nos certamen.  
dandus invidiae est sanguis. nihil ne ego quidem moror,  
5 quo minus decemviratu abeam.' factum senatus consul-  
tum, ut decemviri se primo quoque tempore magistratu  
abdicarent, Q. Furius pontifex maximus tribunos plebis  
crearet et ne cui fraudi esset secessio militum plebisque.  
6 his senatus consultis perfectis, dimisso senatu, decemviri  
prodeunt in contionem abdicantque se magistratu, ingenti  
7 hominum laetitia. nuntiantur haec plebi. legatos quidquid  
in urbe hominum supererat prosequitur. huic multitudini  
laeta alia turba ex castris occurrit. congratulantur liber-  
8 tatem concordiamque civitati restitutam. legati pro con-  
tione: 'quod bonum faustum felixque sit vobis reiue  
publicae, redite in patriam ad penates, coniuges liberos-  
que vestros. sed, qua hic modestia fuistis, ubi nullius ager  
in tot rerum usu necessario tantae multitudini est violatus,  
eam modestiam ferte in urbem. in Aventinum ite, unde  
9 profecti estis. ibi felici loco, ubi prima initia inchoastis  
libertatis vestrae, tribunos plebi creabitis. praesto erit  
10 pontifex maximus, qui comitia habeat.' ingens adsensus  
alacritasque cuncta adprobantium fuit. convertunt inde  
signa, profectique Romam certant cum obviis gaudio. ar-  
11 mati per urbem silentio in Aventinum perveniunt. ibi ex-  
templo pontifice maximo comitia habente tribunos plebis

creaverunt, omnium primum L. Verginium, inde L. Icilium et P. Numitorium, avunculum Vergini, auctores secessionis, tum C. Sicinium, progeniem eius, quem primum tribunum plebis creatum in sacro monte proditum memoriae est, et M. Duillium, qui tribunatum insignem ante decemviros creatos gesserat nec in decemviralibus certaminibus plebi defuerat. spe deinde magis quam meritis electi M. Titinius, M. Pomponius, C. Apronius, Appius Villius, C. Oppius. tribunatu inito Lucius Icilius extemplo plebem rogavit et plebs scivit, ne cui fraudi esset secessio ab decemviris facta. confestim de consulibus creandis cum provocatione Marcus Duillius rogationem pertulit. ea omnia in pratis Flaminiis concilio plebis acta, quem nunc circum Flaminium appellant.

LV. Per interregem deinde consules creati L. Valerius, M. Horatius, qui extemplo magistratum occeperunt. quorum consulatus popularis sine ulla patrum iniuria, nec sine offensione fuit: quidquid enim libertati plebis caveatur, id suis decedere opibus credebant. omnium primum, cum velut in controverso iure esset, tenerenturne patres plebi scitis, legem centuriatis comitiis tulere, ut quod tributum plebis iussisset, populum teneret, qua lege tribuniciis rogationibus telum acerrimū datum est. aliam deinde consularem legem de provocatione, unicum praesidium libertatis, decemvirali potestate eversam non restitunt modo, sed etiam in posterum muniunt sanciendo novam legem, ne quis ullum magistratum sine provocatione crearet, qui creasset, eum ius fasque esset occidi, neve ea caedes capitalis noxae haberetur. et cum plebem hinc provocatione, hinc tribunicio auxilio satis firmassent, ipsis quoque tribunis, ut sacrosancti viderentur, cuius rei prope iam memoria aboleverat, relatis quibusdam ex magno intervallo caerimoniis renovarunt et cum religione inviolatos eos, tum lege etiam fecerunt sanciendo, ut qui tribunis plebis, aedilibus, iudicibus decemviris nocuisset, eius caput Iovi sacrum esset, familia ad aedem Cereris, Liberi Liberaeque venum iret. hac lege iuris interpretes negant quemquam sacrosanctum esse, sed eum, qui eorum cui nocuerit, sacrum sanciri. itaque aedilem prendi duci-

que a maioribus magistratibus, quod etsi non iure fiat — noceri enim ei, cui hac lege non liceat —, tamen argumentum esse, non haberi pro sacro sanctoque aedilem, tribunos vetere iure iurando plebis, cum primum eam potestatem creavit, sacrosanctos esse. fuere qui interpretarentur, eadem hac Horatia lege consulibus quoque et praetoribus, quia eisdem auspiciis quibus consules crearentur, cautum esse: iudicem enim consulem appellari. quae refellitur interpretatio, quod iis temporibus nondum consulem iudicem, sed praetorem appellari mos fuerit. hae consulares leges fuere.

Institutum etiam ab isdem consulibus, ut senatus consulta in aedem Cereris ad aediles plebis deferrentur, quae antea arbitrio consulum supprimebantur vitiabanturque. M. Duillius deinde tribunus plebis plebem rogavit plebesque scivit, qui plebem sine tribunis reliquisset quique magistratum sine provocatione creasset, tergo ac capite puniretur. haec omnia, ut invitis, ita non adversantibus patriciis transacta, quia nondum in quemquam unum saeviebatur.

LVI. Fundata deinde et potestate tribunicia et plebis libertate tum tribuni, adgredi singulos tutum maturumque iam rati, accusatorem primum Verginium et Appium reum deligunt. cum diem Appio Verginius dixisset et Appius, stipatus patriciis iuvenibus, in forum descendisset, redintegrata extemplo est omnibus memoria foedissimae potestatis, cum ipsum satellitesque eius vidissent. tum Verginius 'oratio' inquit 'rebus dubiis inventa est: itaque neque ego accusando apud vos eum tempus teram, a cuius crudelitate vosmet ipsi armis vindicastis, nec istum ad cetera scelera inpudentiam in defendendo se adicere patiar. omnium igitur tibi, Appi Claudi, quae impie nefarieque per biennium alia super alia es ausus, gratiam facio: unius tantum criminis, nisi vindices, te ab libertate in servitutem contra leges vindicias non dedisse, in vincla te duci iubebo.' nec in tribunicio auxilio Appius nec in iudicio populi ullam spem habebat: attamen et tribunos appellavit et, nullo morante arreptus a viatore, 'provoco' inquit. audita vox una, vindex libertatis, ex eo missa ore, quo

vindiciae nuper ab libertate dictae erant, silentium fecit. et dum pro se quisque deos tandem esse et non negligere 7 humana fremunt et superbiae crudelitatique, etsi seras, non leves tamen venire poenas; provocare, qui provoca- 8 tionem sustulisset, et inplorare praesidium populi, qui omnia iura populi obtrisset, rapique in vincla egentem iure libertatis, qui liberum corpus in servitutem addixisset: ipsius Appi, inter contionis murmur fidem populi Romani inplorantis, vox audiebatur. maiorum merita in rem 9 publicam domi militiaeque commemorabat; suum infelix erga plebem Romanam studium, quo aequandarum legum causa cum maxima offensione patrum consulatu abisset; suas leges, quibus manentibus lator earum in vincla ducatur. ceterum sua propria bona malaque, cum causae 10 dicendae data facultas sit, tum se experturum; in praesentia se communi iure civitatis civem Romanum die dicta postulare, ut dicere liceat, ut iudicium populi Romani experiri. non ita se invidiam pertimuisse, ut nihil in aequitate et misericordia civium suorum spei habeat. quod si 11 indicta causa in vincla ducatur, iterum se tribunos plebei appellare et monere, ne imitentur quos oderint. quod si 12 tribuni eodem foedere obligatos se fateantur tollendae appellationis causa, in quam conspirasse decemviros criminati sint, at se provocare ad populum, inplorare leges de provocatione et consulares et tribunicias eo ipso anno latas. quem enim provocaturum, si hoc indemnato in- 13 dicta causa non liceat? cui plebeio et humili praesidium in legibus fore, si Ap. Claudio non sit? se documento futurum, utrum novis legibus dominatio an libertas firmata sit et appellatio provocatioque adversus iniuriam magistratuum ostentata tantum inanibus litteris an vere data sit.

LVII. Contra ea Verginius unum Ap. Claudium et 1 legum expertem et civilis et humani foederis esse aiebat. respicerent tribunal homines, castellum omnium scelerum, 2 ubi decemvir ille perpetuus, bonis, tergo, sanguini civium infestus, virgas securesque omnibus minitans, deorum ho- 3 minumque contemptor, carnificibus, non lictoribus stipatus, iam ab rapinis et caedibus animo ad libidinem verso virginem ingenuam in oculis populi Romani velut bello

captam, ab complexu patris abreptam, ministro cubiculi  
4 sui clienti dono dederit, ubi crudeli decreto nefandisque  
vindiciis dextram patris in filiam armaverit, ubi tollentis  
corpus semianime virginis sponsum avumque in carcerem  
duci iusserit, stupro interpellato magis quam caede motus.  
et illi carcerem aedificatum esse, quod domicilium plebis  
5 Romanae vocare sit solitus. proinde ut ille iterum ac  
saepius provocet, sic se iterum ac saepius iudicem illi  
ferre, ni vindicias ab libertate in servitutem dederit. si  
ad iudicem non eat, pro damnato in vincla duci iubere.  
6 ut haud quoquam improbante sic magno motu animorum,  
cum tanti viri supplicio suamet plebi iam nimia libertas  
videretur, in carcerem est coniectus. tribunus ei diem  
prodixit.

7 Inter haec ab Latinis et Hernicis legati gratulatum de  
concordia patrum ac plebis Romam venerunt, donumque  
ob eam Iovi optumo maximo coronam auream in Capito-  
lium tulere parvi ponderis, prout res haud opulentae erant  
8 colebanturque religiones pie magis quam magnifice. isdem  
auctoribus cognitum est, Aequos Volscosque summa vi  
9 bellum apparare, itaque partiri provincias consules iussi.  
Horatio Sabini, Valerio Aequi evenere. cum ad ea bella  
dilectum edixissent, favore plebis non iuniores modo, sed  
emeritis etiam stipendiis pars magna voluntariorum ad  
nomina danda praesto fuere eoque non copia modo, sed  
genere etiam militum, veteranis admixtis, firmior exercitus  
10 fuit. priusquam urbem egrederentur, leges decemvirales,  
quibus tabulis duodecim est nomen, in aes incisas in pu-  
blico proposuerunt. sunt, qui iussu tribunorum aediles  
functos eo ministerio scribant.

1 LVIII. C. Claudius, qui perosus decemvirorum sce-  
lera et ante omnes fratris fili superbiae infestus Regillum  
antiquam in patriam se contulerat, is magno iam natu cum  
ad pericula eius deprecanda redisset, cuius vitia fugerat,  
sordidatus cum gentilibus clientibusque in foro prensabat  
2 singulos orabatque, ne Claudiae genti eam inustam macu-  
lam vellent, ut carcere et vinculis viderentur digni. virum  
honoratissimae imaginis futurum ad posterum, legum la-  
torem conditoremque Romani iuris, iacere vinctum inter

fures nocturnos ac latrones! adverterent ab ira parumper 3  
 ad cognitionem cogitationemque animos et potius unum  
 tot Claudiis deprecantibus condonarent quam propter unius  
 odium multorum preces aspernarentur. se quoque id ge- 4  
 neri ac nomini dare, nec cum eo in gratiam redisse, cuius  
 adversae fortunae velit succursum. virtute libertatem re-  
 cuperatam esse, clementia concordiam ordinum stabiliri  
 posse. erant quos moveret sua magis pietate quam eius, 5  
 pro quo agebat, causa. sed Verginius sui potius ut mi-  
 sererentur orabat filiaeque, nec gentis Claudiae regnum in  
 plebem sortitae, sed necessariorum Verginiae, trium tri-  
 bunorum, preces audirent, qui ad auxilium plebis creati  
 ipsi plebis fidem atque auxilium inplorarent. iustiores 6  
 hae lacrimae videbantur. itaque spe incisa, priusquam  
 prodicta dies adesset, Appius mortem sibi conscivit.

Subinde arreptus a P. Numitorio Sp. Oppius, proxi- 7  
 mus invidiae, quod in urbe fuerat, cum iniustae vindiciae  
 a collega dicerentur. plus tamen facta iniuria Oppio 8  
 quam non prohibita invidiae fecit. testis productus, qui  
 septem et viginti enumeratis stipendiis octiens extra ordi-  
 nem donatus donaque ea gerens in conspectu populi, scissa  
 veste tergum laceratum virgis ostendit, nihilum deprecans,  
 quin, si quam suam noxam reus dicere posset, privatus  
 iterum in se saeviret. Oppius quoque ductus in vincula 9  
 est et ante iudicii diem finem ibi vitae fecit. bona Claudii 10  
 Oppiique tribuni publicavere. collegae eorum exilii causa  
 solum verterunt, bona publicata sunt. et M. Claudius ad-  
 sertor Verginiae die dicta damnatus, ipso remittente Ver-  
 ginio ultimam poenam dimissus, Tibur exulatum abiit:  
 manesque Verginiae, mortuae quam vivae felicioris, per 11  
 tot domos ad petendas poenas vagati, nullo relicto sonte  
 tandem quieverunt.

LVIII. Ingens metus incesserat patres vultusque iam 1  
 inde tribunorum erant, qui decemvirorum fuerant, cum M.  
 Duillius tribunus plebis inhibito salubriter modo nimiae  
 potestati 'et libertatis' inquit 'nostrae et poenarum ex 2  
 inimicis satis est. itaque hoc anno nec diem dici cuiquam  
 nec in vincla duci quemquam sum passurus. nam neque 3  
 vetera peccata repeti iam obliterata placet, cum nova ex-

piata sint decemvirorum suppliciis, et nihil admissum iri, quod vim tribuniciam desideret, spondet perpetua consulum amborum in libertate vestra tuenda cura.' ea primum moderatio tribuni metum patribus dempsit eademque auxit consulum invidiam, quod adeo toti plebis fuissent, ut patrum salutis libertatisque prior plebeio magistratui quam patricio cura fuisset, et ante inimicos satietas poenarum suarum cepisset quam obviam ituros licentiae eorum consules appareret. multique erant, qui mollius consultum dicerent, quod legum ab iis latarum patres auctores fuissent, neque erat dubium, quin turbato rei publicae statu tempori succubuissent.

1 LX. Consules rebus urbanis compositis fundatoque plebis statu in provincias diversi abire. Valerius adversus coniunctos iam in Algido exercitus Aequorum Volscorumque sustinuit consilio bellum; quod si extemplo rem fortunae commisisset, haud scio an, qui tum animi ab decemvirorum infelicibus auspiciis Romanis hostibusque  
2 erant, magno detrimento certamen staturum fuerit. castris mille passuum ab hoste positis copias continebat. hostes medium inter bina castra spatium acie instructa complebant provocantibusque ad proelium responsum Romanus  
3 nemo reddebat. tandem fatigati stando ac nequiquam expectando certamen Aequi Volscique, postquam concessum propemodum de victoria credebant, pars in Hernicos, pars in Latinos praedatum abeunt. relinquitur magis castris praesidium quam satis virium ad certamen. quod  
4 ubi consul sensit, reddit inlatum antea terrorem instructaque acie ultro hostem lacescit. ubi illi conscientia, quid abesset virium, detractavere pugnam, crevit extemplo Romanis animus et pro victis habebant paventes intra vallum. cum per totum diem stetissent intenti ad certamen,  
5 nocti cessere. et Romani quidem pleni spei corpora curabant; haudquaquam pari hostes animo nuntios passim trepidi ad revocandos praedatores dimittunt: recurritur ex  
6 proximis locis, ultiores non inventi. ubi inluxit, egreditur castris Romanus vallum invasurus, ni copia pugnae fieret. et postquam multa iam dies erat neque movebatur quicquam ab hoste, iubet signa inferri consul. motaque



acie indignatio Aequos et Volscos incessit, si victores exercitus vallum potius quam virtus et arma tegerent. igitur et ipsi efflagitatum ab ducibus signum pugnae acceperunt. iamque pars egressa portis erat deincepsque alii servabant ordinem in suum quisque locum descendentes, cum consul Romanus, priusquam totis viribus fulta contra staret hostium acies, intulit signa; adortusque nec omnes dum eductos nec, qui erant, satis explicatis ordinibus, prope fluctuantem turbam trepidantium huc atque illuc circumspectantiumque se ac suos addito turbatis mentibus clamore atque impetu invadit. retulere primo pedem hostes; deinde, cum animos collegissent et undique duces, victisne cessuri essent, increparent, restituitur pugna.

LXI. Consul ex altera parte Romanos meminisse iubebat, illo die primum liberos pro libera urbe Romana pugnare. sibimet ipsis victuros, non ut decemvirorum victores praemium essent. non Appio duce rem geri, sed consule Valerio, ab liberatoribus populi Romani orto, liberatore ipso. ostenderent, prioribus proeliis per duces, non per milites stetisse, ne vincerent: turpe esse, contra cives plus animi habuisse quam contra hostes et domi quam foris servitutem magis timuisse. unam Verginiam fuisse, cuius pudicitiae in pace periculum esset, unum Appium civem periculosae libidinis: at, si fortuna belli inclinet, omnium liberis ab tot milibus hostium periculum fore. nolle ominari, quae nec Iuppiter nec Mars pater passuri sint iis auspiciis conditae urbi accidere. Aventini sacrique montis admonebat, ut, ubi libertas parta esset paucis ante mensibus, eo imperium inlibatum referrent ostenderentque, eandem indolem militibus Romanis post exactos decemviros esse, quae ante creatos fuerit, nec aequatis legibus inminutam virtutem populi Romani esse. haec ubi inter signa peditum dicta dedit, advolat deinde ad equites: 'agite iuvenes,' inquit 'praestate virtute peditem, ut honore atque ordine praestatis. primo concursu pedes movebit hostem, pulsum vos inmissis equis exigite e campo. non sustinebunt impetum, et nunc cunctantur magis quam resistunt.' concitant equos permittuntque in hostem pedestri iam turbatum pugna et, perruptis ordinibus elati ad no-

vissimam aciem, pars libero spatio circumvecti iam fugam undique capessentes plerosque a castris avertunt praeter-  
10 equitantesque absterrent. peditum acies et consul ipse visque omnis belli fertur in castra captisque cum ingenti caede, maiore praeda potitur.

11 Huius pugnae fama perlata non in urbem modo, sed in Sabinos ad alterum exercitum, in urbe laetitia modo celebrata est, in castris animos militum ad aemulandum  
12 decus accendit. iam Horatius eos excursionibus sufficiendo proeliisque levibus experiundo adsuefecerat, sibi potius fidere quam meminisse ignominiae decemvirorum ductu acceptae, parvaeque certamina in summam totius profecerant spei. nec cessabant Sabini, feroces ab re prioris anno bene gesta, lacescere atque instare rogitantes, quid latrocinii modo procursantes pauci recurrentesque tererent tempus et in multa proelia parvaeque carperent summam unius  
14 belli? quin illi congredierentur acie inclinandamque semel fortunae rem darent?

1 LXII. Ad id quod sua sponte satis conlectum animorum erat, indignitate etiam Romani accendebantur. iam alterum exercitum victorem in urbem rediturum, sibi ultro per contumelias hostem insultare. quando autem se, si  
2 tum non sint, pares hostibus fore? ubi haec fremere militem in castris consul sensit, contione advocata 'quemadmodum' inquit 'in Algido res gesta sit, arbitror vos, milites, audisse. qualem liberi populi exercitum decuit esse, talis fuit. consilio collegae, virtute militum victoria  
3 parta est. quod ad me attinet, id consilii animique habiturus sum, quod vos, milites, geritis. et trahi bellum salubriter et mature perfici potest. si trahendum est, ego, ut in dies spes virtusque vestra crescat, eadem qua institui disciplina efficiam; si iam satis animi est decernique placet, agitedum clamorem, qualem in acie sublaturi estis, tollite hic indicem voluntatis virtutisque vestrae.'  
5 postquam ingenti alacritate clamor est sublatus, quod bene vertat, gesturum se illis morem posteroque die in aciem deducturum adfirmat. reliquum diei apparandis armis consumptum est. postero die simul instrui Romanam aciem Sabini videre, et ipsi iam pridem avidi certaminis procedunt.

proelium fuit, quale inter fidentes sibimet ambo exercitus, veteris perpetuaeque alterum gloriae, alterum nuper nova victoria elatum. consilio etiam Sabini vires adiuvere. 7 nam cum aequassent aciem, duo extra ordinem milia, quae in sinistrum cornu Romanorum in ipso certamine impressionem facerent, tenuere. quae ubi inlatis ex trans- 8 verso signis degravabant prope circumventum cornu, equites duarum legionum sescenti fere ex equis desiliunt cedentibusque iam suis provolant in primum simulque et hosti se opponunt et aequato primum periculo, pudore deinde animos peditum accendunt. verecundiae erat, equi- 9 tem suo alienoque Marte pugnare, peditem ne ad pedes quidem degresso equiti parem esse.

LXIII. Vadunt igitur in proelium ab sua parte omis- 1 sum et locum, ex quo cesserant, repetunt: momentoque non restituta modo pugna, sed inclinatur etiam Sabinis cornu. eques, inter ordines peditum tectus, se ad equos 2 recipit, transvolat inde in partem alteram suis victoriae nuntius, simul et in hostes iam pavidos, quippe fuso suae partis validiore cornu, impetum facit. non aliorum eo proelio virtus magis enituit. consul providere omnia, lau- 3 dare fortis, increpare sicubi segnior pugna esset. castigati fortium statim virorum opera edebant, tantumque hos pudor, quantum alios laudes excitabant. redintegrato cla- 4 more undique omnes conisi hostem avertunt, nec deinde Romana vis sustineri potuit. Sabini fusi passim per agros castra hosti ad praedam relinquunt. ibi non sociorum, sicut in Algido, res, sed suas Romanus, populationibus agrorum amissas, recipit.

Gemina victoria duobus bifariam proeliis parta maligne 5 senatus in unum diem supplicationis consulum nomine decrevit. populus iniussu et altero die frequens iit supplicatum, et haec vaga popularisque supplicatio studiis prope celebratior fuit. consules ex composito eodem biduo ad 6 urbem accessere senatumque in Martium campum evocare. ubi cum de rebus ab se gestis agerent, questi primores patrum, senatum inter milites dedita opera terroris causa haberi. itaque inde consules, ne criminationi locus 7 esset, in prata Flaminia, ubi nunc aedes Apollinis est —

iam tum Apollinare appellabant — advocare senatum.  
8 ubi cum ingenti consensu patrum negaretur triumphus,  
L. Icilius tribunus plebis tulit ad populum de triumpho  
consulum, multis dissuasum prodeuntibus, maxime C.  
Claudio vociferante: de patribus non de hostibus consules  
9 triumphare velle, gratiamque pro privato merito in tribu-  
num, non pro virtute honorem peti. numquam ante de  
triumpho per populum actum, semper aestimationem ar-  
10 bitriumque eius honoris penes senatum fuisse. ne reges  
quidem maiestatem summi ordinis inminuisse. ne ita  
omnia tribuni potestatis suae implerent, ut nullum publi-  
cum consilium sinerent esse. ita demum liberam civitatem  
fore, ita aequatas leges, si sua quisque iura ordo, suam  
11 maiestatem teneat. in eandem sententiam multa et ceteris  
senioribus patrum cum essent dicta, omnes tribus eam ro-  
gationem acceperunt. tum primum sine auctoritate sena-  
tus populi iussu triumphatum est.

1 LXIII. Haec victoria tribunorum plebisque prope in  
haud salubrem luxuriam vertit conspiratione inter tribunos  
facta, ut idem tribuni reficerentur et, quo sua minus cu-  
piditas emerget, consulibus quoque continuarent magi-  
2 stratum. consensum patrum causabantur, quo per contu-  
3 meliam consulum iura plebis labefacta essent. quid futurum  
nondum firmatis legibus, si novos tribunos per factionis  
suas consules adorti essent? non enim semper Valerios  
Horatiosque consules fore, qui libertati plebis suas opes  
postferrent.

4 Forte quadam utili ad tempus ut comitiis praeeset  
potissimum M. Duillio sorte evenit, viro prudenti et ex  
continuatione magistratus invidiam imminentem cernenti.  
5 qui cum ex veteribus tribunis negaret se ullius rationem  
habiturum, pugnarentque collegae, ut liberas tribus in  
suffragium mitteret aut concederet sortem comitiorum col-  
legis habituris e lege potius comitia quam ex voluntate  
6 patrum, iniecta contentione Duillius consules ad subsellia  
accitos cum interrogasset, quid de comitiis consularibus  
in animo haberent, respondissentque, se novos consules  
creaturos, auctores populares sententiae haud popularis  
7 nactus, in contionem cum iis processit. ubi cum consules

producti ad populum interrogatique, si eos populus Romanus, memor libertatis per illos receptae domi, memor militiae rerumque gestarum, consules iterum faceret, quidnam facturi essent, nihil sententiae suae mutassent, con- 8  
laudatis consulibus, quod perseverarent ad ultimum dissimiles decemvirorum esse, comitia habuit et quinque tribunis plebi creatis, cum prae studiis aperte petentium novem tribunorum alii candidati tribus non explerent, concilium dimisit nec deinde comitiorum causa habuit. satisfactum legi aiebat, quae numero nusquam praefinito 9  
tribunis, modo ut relinquerentur sanciret et ab iis, qui creati essent, cooptari collegas iuberet, recitabatque rogationis carmen, in quo: 'si tribunos plebei decem rogabo, 10  
si qui vos minus hodie decem tribunos plebis feceritis, itum uti, quos sibi collegas cooptassint, ut illi legitimi eadem lege tribuni plebei sint, ut illi, quos hodie tribunos plebei feceritis.' Duillius cum ad ultimum perseverasset 11  
negando, quindecim tribunos plebei rem publicam habere posse, victa collegarum cupiditate pariter patribus plebeique acceptus magistratu abiit.

LXV. Novi tribuni plebis in cooptandis collegis patrum voluntatem foverunt, duos etiam patricios consularesque Sp. Tarpeium et A. Aternium cooptavere. consules 2  
creati Spurius Herminius, T. Verginius Caelimontanus, nihil magnopere ad patrum aut plebis causam inclinati, otium domi ac foris habuere. L. Trebonius tribunus ple- 3  
bis infestus patribus, quod se ab iis in cooptandis tribunis fraude captum proditumque a collegis aiebat, rogationem 4  
tulit, ut qui plebem Romanam tribunos plebi rogaret, is usque eo rogaret, dum decem tribunos plebei faceret, insectandisque patribus, unde Aspero etiam inditum est cognomen, tribunatum gessit.

Inde M. Geganius Macerinus et C. Iulius consules 5  
facti contentiones tribunorum adversus nobilium iuventutem ortas sine insectatione potestatis eius, conservata maiestate patrum sedavere. plebem decreto ad bellum 6  
Volscorum et Aequorum dilectu sustinendo rem ab seditionibus continuere, urbano quoque otio foris omnia tranquilla esse adfirmantes, per discordias civiles externos

7 tollere animos. cura pacis concordiae quoque intestinae  
causa fuit. sed alter semper ordo gravis alterius modestiae  
erat. quiescenti plebi ab iunioribus patrum iniuriae fieri  
8 coeptae. ubi tribuni auxilio humilioribus essent, in primis  
parum proderat, deinde ne ipsi quidem inviolati erant,  
utique postremis mensibus, cum et per coitiones potentio-  
rum iniuria fieret et vis potestatis omnis aliquanto poste-  
9 riore anni parte languidior ferme esset. iamque plebs ita  
in tribunatu ponere aliquid spei, si similes Icilio tribunos  
10 haberet: nomina tantum se biennio habuisse. seniores  
contra patrum, ut nimis feroces suos credere iuvenes esse,  
ita malle, si modus excedendus esset, suis quam adver-  
11 sariis superesse animos. adeo moderatio tuendae liberta-  
tis, dum aequari velle simulando ita se quisque extollit,  
ut deprimat alium, in difficili est, cavendoque, ne metu-  
ant, homines metuendos ultro se efficiunt, et iniuriam ab  
nobis repulsam, tamquam aut facere aut pati necesse sit,  
iniungimus aliis.

1 LXVI. T. Quinctius Capitolinus quartum et Agrippa  
Furius consules inde facti nec seditionem domi nec foris  
2 bellum acceperunt: sed imminebat utrumque. iam non  
ultra discordia civium reprimi poterat et tribunis et plebe  
incitata in patres, cum dies alicui nobilium dicta novis  
3 semper certaminibus contiones turbaret. ad quarum pri-  
mum strepitum velut signo accepto arma cepere Aequi  
ac Volsci, simul quod persuaserant iis duces cupidi prae-  
darum, biennio ante dilectum indictum haberi non po-  
4 tuisse abnuente iam plebe inperium. eo adversus se non  
esse missos exercitus. dissolvi licentia militandi morem  
nec pro communi iam patria Romam esse. quidquid ira-  
rum simultatiumque cum externis fuerit, in ipsos verti.  
occaecatos lupos intestina rabie opprimendi occasionem  
esse.

5 Coniunctis exercitibus Latinum primum agrum per-  
populati sunt; deinde, postquam ibi nemo vindex occurre-  
bat, tum vero, exultantibus belli auctoribus, ad moenia  
ipsa Romae populabundi regione portae Esquilinae acces-  
sere, vastationem agrorum per contumeliam urbi osten-  
6 tantes. unde postquam inulti, praedam prae se agentes

retro ad Corbionem agmine iere, Quinctius consul ad contionem populum vocavit.

LXVII. Ibi in hanc sententiam locutum accipio: 'etsi 1  
mihi nullius noxae conscius, Quirites, sum, tamen cum  
pudore summo in contionem vestram processi. hoc vos  
scire, hoc posteris memoriae traditum iri, Aequos et Vol-  
scos, vix Hernicis modo pares, T. Quinctio quartum con-  
sule ad moenia urbis Romae inpune armatos venisse!  
hanc ego ignominiam — quamquam iam diu ita vivitur, is 2  
status rerum est, ut nihil boni divinet animus — si huic  
potissimum imminere anno scissem, vel exilio vel morte,  
si alia fuga honoris non esset, vitassem. ergo si viri arma 3  
illa habuissent, quae in portis fuere nostris, capi Roma me  
consule potuit? satis honorum, satis superque vitae erat;  
mori consulem tertium oportuit. quem tandem ignavissimi 4  
hostium contempserunt? nos consules an vos, Quirites? si  
culpa in nobis est, auferte imperium indignis et, si id pa-  
rum est, insuper poenas expetite: si in vobis, nemo deo- 5  
rum nec hominum sit, qui vestra puniat peccata, Quirites,  
vosmet tantum eorum paeniteat. non illi vestram ignaviam  
contempserunt nec suae virtuti confisi sunt, quippe totiens  
fusi fugatique, castris exuti, agro multati, sub iugum  
missi, et se et vos novere. discordia ordinum est vene- 6  
num urbis huius, patrum ac plebis certamina. dum nec  
nobis imperii nec vobis libertatis est modus, dum taedet  
vos patriciorum, hos plebeiorum magistratum, sustulere  
illi animos. pro deum fidem quid vobis vultis? tribunos 7  
plebis concupistis: concordiae causa concessimus; decem-  
viros desiderastis: creari passi sumus; decemvirorum vos  
pertaesum est: coegimus abire magistratu. manente in 8  
eosdem privatos ira vestra, mori atque exulare nobilissi-  
mos viros honoratissimosque passi sumus. tribunos ple- 9  
bis creare iterum voluistis: creastis. consules facere  
vestrarum partium, etsi patribus videbamus iniquum,  
patricium quoque magistratum plebi donum fieri vidimus.  
auxilium tribunicium, provocationem ad populum, scita  
plebis iniuncta patribus, sub titulo aequandarum legum  
nostra iura oppressa tulimus et ferimus. qui finis erit 10  
discordiarum? ecquando unam urbem habere, ecquando



communem hanc esse patriam licebit? victi nos aequiore  
11 animo quiescimus, quam vos victores. satisne est, nobis  
vos metuendos esse? adversus nos Aventinum capitur,  
adversus nos sacer occupatur mons. Esquilias quidem  
ab hoste prope captas et scandentem in aggerem Vol-  
scum hostem nemo submovit. in nos viri, in nos armati  
estis.

1 LXVIII. Agitedum, ubi hic curiam circumsederitis  
et forum infestum feceritis et carcerem impleveritis prin-  
2 cipibus, isdem istis ferocibus animis egredimini extra por-  
tam Esquilinam aut, si ne hoc quidem audetis, ex muris  
visite agros vestros ferro ignique vastatos, praedam abigi,  
3 fumare incensa passim tecta. at enim communis res per  
haec loco est peiore: ager uritur, urbs obsidetur, belli glo-  
ria penes hostis est. quid tandem? privatae res vestrae  
quo statu sunt? iam unicuique ex agris sua damna nun-  
4 tiabuntur. quid est tandem domi, unde ea expleatis? tri-  
buni vobis amissa reddent ac restituent? vocis verborum-  
que quantum voletis ingerent et criminum in principes et  
legum aliarum super alias et contionum. sed ex illis con-  
tionibus numquam vestrum quisquam re (fortuna) domum  
5 auctior rediit. ecquis retulit aliquid ad coniugem ac libe-  
ros praeter odia, offensiones, simultates publicas privatas-  
que? a quibus semper non vestra virtute innocentiaque,  
6 sed auxilio alieno tuti sitis. at hercules, cum stipendia  
nobis consulibus, non tribunis ducibus et in castris, non  
in foro faciebatis, et in acie vestrum clamorem hostes,  
non in contione patres Romani horrebant, praeda parta,  
agro ex hoste capto, pleni fortunarum gloriaeque simul  
publicae simul privatae, triumphantes domum ad penates  
redibatis: nunc oneratum vestris fortunis hostem abire si-  
7 nitis. haerete adfixi contionibus et in foro vivite: sequitur  
vos necessitas militandi, quam fugitis. grave erat in Ae-  
quos et Volscos proficisci: ante portas est bellum. si inde  
non pellitur, iam intra moenia erit et arcem et Capitolium  
8 scandet et in domos vestras vos persequetur. biennio  
ante senatus dilectum haberi et educi exercitum in Algi-  
dum iussit: sedemus desides domi, mulierum ritu inter  
nos altercantes, praesenti pace laeti nec cernentes, ex otio

illo brevi multiplex bellum reditum. his ego gratiora 9  
dictu alia esse scio; sed me vera pro gratis loqui, etsi  
meum ingenium non moneret, necessitas cogit. vellem  
equidem vobis placere, Quirites, sed multo malo vos sal-  
vos esse, qualicumque erga me animo futuri estis. natura 10  
hoc ita comparatum est, ut qui apud multitudinem sua  
causa loquitur, gratior eo sit, cuius mens nihil praeter  
publicum commodum videt, nisi forte adsentatores publi-  
cos, plebicolas istos, qui vos nec in armis nec in otio esse  
sinunt, vestra vos causa incitare et stimulare putatis. con- 11  
citati aut honori aut quaestui illis estis et, quia in con-  
cordia ordinum nullos se usquam esse vident, malae rei  
se quam nullius, barbarum ac seditionum duces esse vo-  
lunt. quarum rerum si vos taedium tandem capere potest 12  
et patrum vestrosque antiquos mores vultis pro his novis  
sumere, nulla supplicia recuso, nisi paucis diebus hos 13  
populatores agrorum nostrorum fusos fugatosque castris  
exuero et a portis nostris moenibusque ad illorum urbes  
hunc belli terrorem, quo nunc vos attoniti estis, trans-  
tulero.'

LXVIII. Raro alias tribuni popularis oratio accep- 1  
tior plebi quam tunc severissimi consulis fuit. iuventus 2  
quoque, quae inter tales metus detractationem militiae te-  
lum acerrimum adversus patres habere solita erat, arma  
et bellum spectabat. et agrestium fuga spoliatique in agris  
et vulnerati foediora iis, quae subiciebantur oculis, nun-  
tiantes totam urbem ira inplevere. in senatum ubi ven- 3  
tum est, ibi vero in Quinctium omnes versi, ut unum vin-  
dicem maiestatis Romanae intueri, et primores patrum  
dignam dicere contionem imperio consulari, dignam tot  
consulatibus ante actis, dignam vita omni, plena honorum  
saepe gestorum, saepius meritorum. alios consules aut per 4  
proditionem dignitatis patrum plebi adulatos aut acerbe  
tuendo iura ordinis asperiores domando multitudinem fe-  
cisse: Titum Quinctium orationem memorem maiestatis  
patrum concordiaeque ordinum et temporum inprimis ha-  
buisse. orare eum collegamque, ut capesserent rem pu- 5  
blicam; orare tribunos, ut uno animo cum consulibus bel-  
lum ab urbe ac moenibus propulsari vellent plebemque

oboedientem in re tam trepida patribus praeberent; appellare tribunos communem patriam auxiliumque eorum  
6 inplorare vastatis agris, urbe prope obpugnata. consensu  
omnium dilectus decernitur habeturque. cum consules in  
contione pronuntiassent, tempus non esse causas cognoscendi, omnes iuniores postero die prima luce in campo  
7 Martio adessent, cognoscendis causis eorum, qui nomina  
non dedissent, bello perfecto se daturos tempus, pro desertore futurum, cuius non probassent causam, omnis iu-  
8 ventus adfuit postero die. cohortes sibi quaeque centuriones  
legerunt, bini senatores singulis cohortibus praepositi. haec omnia adeo mature perfecta accepimus, ut  
signa, eo ipso die a quaestoribus ex aerario prompta delataque in campum, quarta diei hora mota ex campo  
sint exercitusque novus, paucis cohortibus veterum militum voluntate sequentibus, manserit ad decimum lapidem.  
9 insequens dies hostem in conspectum dedit castraque ad Corbionem castris sunt coniuncta. tertio die cum ira Romanos, illos, cum totiens rebellassent, conscientia culpae  
ac desperatio irritaret, mora dimicandi nulla est facta.

1 LXX. In exercitu Romano cum duo consules essent  
potestate pari, quod saluberrimum in administratione magnarum rerum est, summa imperii, concedente Agrippa,  
penes collegam erat, et praelatus ille facilitate summitten-  
tis se comiter respondebat communicando consilia laudes-  
2 que et aequando inparem sibi. in acie Quinctius dextrum  
cornu, Agrippa sinistrum tenuit; Sp. Postumio Albo legato datur media acies tuenda, legatum alterum P. Sul-  
3 picium equitibus praeficiunt. pedites ab dextro cornu  
egregie pugnare haud segniter resistentibus Volscis.  
4 P. Sulpicius per mediam hostium aciem cum equitatu  
perrupit. unde cum eadem reverti posset ad suos, priusquam  
hostis turbatos ordines reficeret, terga inpugnare hostium  
satiis visum est. momentoque temporis in aversam  
incursando aciem ancipiti terrore dissipasset hostes,  
ni suo proprio eum proelio equites Volscorum et Aequo-  
5 rum exceptum aliquamdiu tenuissent. ibi vero Sulpicius  
negare cunctandi tempus esse, circumventos interclusosque  
ab suis vociferans, ni equestre proelium conixi omni

vi perficerent. nec fugare equitem integrum satis esse: 6  
 conficerent equos virosque, ne quis reveheretur inde ad  
 proglum aut integraret pugnam. non posse illos resistere  
 sibi, quibus conferta peditum acies cessisset. haud surdis 7  
 auribus dicta. inpressione una totum equitatum fudere,  
 magnam vim ex equis praecipitavere, ipsos equosque spi-  
 culis confodere. is finis pugnae equestris fuit. tunc adorti 8  
 peditum aciem nuntios ad consules rei gestae mittunt, ubi  
 iam inclinabatur hostium acies. nuntius deinde et vincen-  
 tibus Romanis animos auxit et referentes gradum perculit  
 Aequos. in media primum acie vinci coepti, qua permis- 9  
 sus equitatus turbaverat ordines. sinistrum deinde cornu 10  
 ab Quinctio consule pelli coeptum. in dextro plurimum  
 laboris fuit. ibi Agrippa, aetate viribusque ferox cum  
 omni parte pugnae melius rem geri quam apud se videret,  
 accepta signa ab signiferis ipse inferre, quaedam iacere  
 etiam in confertos hostes coepit; cuius ignominiae metu 11  
 concitati milites invasere hostem. ita aequata ex omni  
 parte victoria est. nuntius tum a Quinctio venit, victorem  
 iam se imminere hostium castris, nolle inrumpere antequam  
 sciat, debellatum et in sinistro cornu esse: si iam fudisset 12  
 hostes, conferret ad se signa, ut simul omnis exercitus  
 praeda potiretur. victor Agrippa cum mutua gratulatione 13  
 ad victorem collegam castraque hostium venit. ibi paucis  
 defendentibus momentoque fuis sine certamine in muni-  
 tiones inrumpunt praedaeque ingenti conpotem exercitum,  
 suis etiam rebus recuperatis, quae populatione agrorum  
 amissae erant, reducunt. triumphum nec ipsos postulasse 14  
 nec delatum iis ab senatu accipio, nec traditur causa spre-  
 ti aut non sperati honoris. ego quantum in tanto intervallo 15  
 temporum conicio, cum Valerio atque Horatio consulibus,  
 qui praeter Volscos et Aequos Sabini etiam belli perfecti  
 gloriam pepererant, negatus ab senatu triumphus esset,  
 verecundiae fuit pro parte dimidia rerum consulibus pe-  
 tere triumphum, ne, etiam si impetrassent, magis homi-  
 num ratio quam meritorum habita videretur.

LXXI. Victoriā honestam ex hostibus partam turpe 1  
 domi de finibus sociorum iudicium populi deformavit. Ari- 2  
 cini atque Ardeates de ambiguo agro cum saepe bello

certassent, multis invicem cladibus fessi iudicem popu-  
3 lum Romanum cepere. cum ad causam orandam venis-  
sent, concilio populi a magistratibus dato magna conten-  
tione actum. iamque editis testibus cum tribus vocari et  
populum inire suffragium oporteret, consurgit P. Scaptius  
de plebe magno natu et 'si licet,' inquit 'consules, de re  
publica dicere, errare ego populum in hac causa non pa-  
4 tiar.' cum ut vanum eum negarent consules audiendum  
esse vociferantemque, prodi publicam causam, submoveri  
5 iussissent, tribunos appellat. tribuni, ut fere semper re-  
guntur a multitudine magis quam regunt, dedere cupidae  
6 audiendi plebi, ut quae vellet Scaptius diceret. ibi inquit,  
annum se tertium et octogesimum agere et in eo agro, de  
quo agitur, militasse non iuvenem, vicesima iam stipendia  
merentem, cum ad Coriolos sit bellatum. eo rem se ve-  
tustate oblitteratam, ceterum suae memoriae infixam ad-  
7 ferre: agrum, de quo ambigitur, finium Coriolanorum  
fuisse captisque Coriolis iure belli publicum populi Ro-  
mani factum. mirari se, quonam more Ardeates Aricini-  
que, cuius agri ius numquam usurpaverint incolumi Co-  
riolana re, eum se a populo Romano, quem pro domino  
8 iudicem fecerint, intercepturos sperent. sibi exiguum vitae  
tempus superesse, non potuisse se tamen inducere in ani-  
mum, quin, quem agrum miles pro parte virili manu ce-  
pisset, eum senex quoque voce, qua una posset, vindicaret.  
magnopere se suadere populo, ne inutili pudore suam ipse  
causam damnaret.

1 LXXII. Consules cum Scaptium non silentio modo,  
sed cum adsensu etiam audiri animadvertissent, deos ho-  
minesque testantes, flagitium ingens fieri, patrum primores  
2 arcessunt. cum iis circumire tribus, orare, ne pessimum  
facinus peiore exemplo admitterent iudices in suam rem  
litem vertendo, cum praesertim, etiam si fas sit curam  
emolumenti sui iudici esse, nequaquam tantum agro inter-  
cipiendo acquiratur, quantum amittatur alienandis iniuria  
3 sociorum animis. nam famae quidem ac fidei damna ma-  
iora esse, quam quae aestimari possent. hoc legatos re-  
ferre domum, hoc vulgari, hoc socios audire, hoc hostes:  
4 quo cum dolore hos, quo cum gaudio illos! Scaptione hoc,

contionali seni, adsignaturos putarent finitimos populos? clarum hac fore imagine Scaptium, populum Romanum quadruplatoris et interceptoris litis alienae personam laturum. quem enim hoc privatae rei iudicem fecisse, ut sibi 5 controversiosam adiudicaret rem? Scaptium ipsum id quidem, etsi praemortui iam sit pudoris, non facturum. haec 6 consules, haec patres vociferantur: sed plus cupiditas et auctor cupiditatis Scaptius valet. vocatae tribus iudicaverunt, agrum publicum populi Romani esse. nec abnuitur 7 ita fuisse, si ad iudices alios itum foret: nunc haut sane quicquam bono causae levatur dedecus iudicii. idque non Aricinis Ardeatibusque quam patribus Romanis foedius atque acerbius visum. reliquum anni quietum ab urbanis motibus et ab externis mansit.

---

[PERIOCHA LIBRI III.]

[Lex de conubio patrum et plebis a tribunis plebis contentione magna patribus repugnantibus perlata est. tribuni \*\* plebis. aliquot annos res populi Romani domi militiaeque per hoc genus magistratus administratae sunt. item censores tunc primum creati sunt. ager Ardeatibus populi Romani iudicio ablati missi in eum colonis restitutus est. cum fame populus Romanus laboraret, Spurius Maelius eques Romanus frumentum populo sua impensa largitus est et ob id factum conciliata sibi plebe regnum adfectans a C. Servilio Ahala magistro equitum iussu Quincti Cincinnati dictatoris occisus est; L. Minucius index bove aurato donatus est. legatis Romanis a Fidenatibus occisis, quoniam ob rem publicam occubuerant, statucae in rostris positae sunt. Cossus Cornelius tribunus militum occiso Tolumnio Veientum rege opima spolia secunda retulit. Mam. Aemilius dictator censurae honore, qui antea per quinquennium gerebatur, anni et sex mensium spatio finito, ob eam rem a censoribus notatus est. Fidenae in potestatem redactae eoque coloni missi sunt; quibus occisis Fidenates cum defecissent, ab Mam. Aemilio dictatore victi sunt et Fidenae captae. coniuratio servorum oppressa. Postumius tribunus militum propter crudelitatem ab exercitu occisus est. stipendium ex aerario tum primum militibus datum est. res praeterea gestas adversus Vulscos et Fidenates et Faliscos continet.]

## TITI LIVI

## AB VRBE CONDITA

## LIBER III.

1 I. Hos secuti M. Genucius et C. Curtius consules.  
 fuit annus domi forisque infestus. nam anni principio et  
 de conubio patrum et plebis C. Canuleius tribunus plebis  
 2 rogationem promulgavit, qua contaminari sanguinem suum  
 patres confundique iura gentium rebantur, et mentio prima  
 sensim inlata a tribunis, ut alterum ex plebe consulem  
 liceret fieri, eo processit deinde, ut rogationem novem  
 3 tribuni promulgarent, ut populo potestas esset seu de  
 plebe seu de patribus vellet consules faciendi. id vero si  
 fieret, non vulgari modo cum infimis, sed prorsus auferri  
 a primoribus ad plebem summum imperium credebant.  
 4 laeti ergo audiere patres, Ardeatium populum ob iniuriam  
 agri abiudicati descisse et Veientes depopulatos extrema  
 agri Romani et Volscos Aequosque ob communitam Ver-  
 ruginem fremere; adeo vel infelix bellum ignominiosae  
 paci praeferebant.

5 His itaque in maius etiam acceptis, ut inter strepitum  
 tot bellorum conticiscerent actiones tribuniciae, dilectum  
 haberi, bellum armaque vi summa apparari iubent, si quo  
 intentius possit quam T. Quinctio consule apparatus sit.  
 6 tum C. Canuleius pauca in senatu vociferatus: nequiquam  
 territando consules avertere plebem a cura novarum legum;  
 numquam eos se vivo dilectum habituros, antequam ea  
 quae promulgata ab se collegisque essent, plebes scivisset  
 et confestim ad contionem advocavit.

1 II. Eodem tempore et consules senatum in tribunal  
 et tribunus populum in consules incitabat. negabant con-  
 sules, iam ultra ferri posse furores tribunicios, ventum iam  
 ad finem esse, domi plus belli concitari quam foris. id  
 non adeo plebis quam patrum, neque tribunorum magis



quam consulum culpa accidere. cuius rei praemium sit in 2  
civitate, eam maxumis semper auctibus crescere: sic pace  
bonos, sic bello fieri. maximum Romae praemium sedi- 3  
tionum esse, id et singulis universisque semper honori  
fuisse. reminiscerentur, quam maiestatem senatus ipsi a 4  
patribus accepissent, quam liberis tradituri essent, ut,  
quemadmodum plebs, gloriari possent, auctiorem amplio-  
remque esse. finem ergo non fieri, nec futuram, donec  
quam felices seditiones tam honorati seditionum auctores  
essent. quas quantasque res C. Canuleium adgressum! 5  
conluvionem gentium, perturbationem auspiciorum publi-  
corum privatorumque adferre, ne quid sinceri, ne quid  
incontaminati sit, ut discrimine omni sublato nec se quis-  
quam nec suos noverit. quam enim aliam vim conubia 6  
promiscua habere nisi ut ferarum prope ritu vulgentur  
concubitus plebis patrumque? ut qui natus sit ignoret,  
cuius sanguinis, quorum sacrorum sit, dimidius patrum  
(sit), dimidius plebis, ne secum quidem ipse concors.  
parum id videri, quod omnia divina humanaque turben- 7  
tur: iam ad consulatum vulgi turbatores accingi. et primo,  
ut alter consul ex plebe fieret, id modo sermonibus temp-  
tasse: nunc rogari, ut, seu ex patribus seu ex plebe velit,  
populus consules creet. et creaturos haud dubie ex plebe  
seditiosissimum quemque: Canuleios igitur Icilioque con-  
sules fore. ne id Iuppiter optimus maximus sineret, re- 8  
giae maiestatis imperium eo recidere; et se miliens mori-  
tuos potius, quam ut tantum dedecoris admitti patiantur.  
certum habere, maiores quoque, si divinassent, concedendo 9  
omnia non mitiorem in se plebem, sed asperiores alia ex  
aliis iniquiora postulando, cum prima impetrasset, futuram, 10  
primo quamlibet dimicationem subituros fuisse potius quam  
eas leges sibi inponi paterentur. quia tum concessum sit  
de tribunis, iterum concessum esse; finem non fieri. [non] 11  
posse in eadem civitate tribunos plebis et patres esse: aut  
hunc ordinem aut illum magistratum tollendum esse po-  
tiusque sero quam numquam obviam eundum audaciae  
temeritatieque. illine ut inpune primo discordias serentes 12  
concitent finitima bella, deinde adversus ea, quae conci-  
taverint, armari civitatem defendique prohibeant et, cum

hostes tantum non arcessierint, exercitus conscribi ad-  
13 sus hostes non patiantur, sed audeat Canuleius in senatu  
proloqui, se, nisi suas leges tamquam victoris patres ac-  
cipi sinant, dilectum haberi prohibiturum? quid esse aliud  
quam minari, se proditurum patriam, oppugnari atque capi  
passurum? quid eam vocem animorum non plebi Roma-  
nae, sed Volscis et Aequis et Veientibus allaturam?  
14 nonne Canuleio duce se speraturos Capitolium atque arcem  
scandere posse, si patribus tribuni cum iure ac maiestate  
adempta animos etiam eripuerint? consules paratos esse  
duces prius adversus scelus civium quam adversus ho-  
stium arma.

1 III. Cum maxume haec in senatu agerentur, Canu-  
leius pro legibus suis et adversus consules ita disseruit:  
2 'quanto opere vos, Quirites, contemnerent patres, quam  
indignos ducerent, qui una secum urbe intra eadem moe-  
nia viveretis, saepe equidem et ante videor animadver-  
tisse, nunc tamen maxime, quod adeo atroces in has  
3 rogationes nostras coorti sunt, quibus quid aliud quam  
admonemus cives, nos eorum esse et, si non easdem opes  
4 habere, eandem tamen patriam incolere? altera conubium  
petimus, quod finitumis externisque dari solet: et nos  
quidem civitatem, quae plus quam conubium est, hostibus  
5 etiam victis dedimus —, altera nihil novi ferimus, sed id  
quod populi est repetimus atque usurpamus, ut quibus  
6 velit populus Romanus honores mandet. quid tandem est  
cur caelum ac terras misceant, cur in me impetus modo  
paene in senatu sit factus, negent se manibus tempera-  
turos violaturosque denuntient sacrosanctam potestatem?  
7 si populo Romano liberum suffragium datur, ut quibus  
velit consulatum mandet, et non praeciditur spes plebeio  
quoque, si dignus summo honore erit, apiscendi summi  
honoris, stare urbs haec non poterit? de imperio actum  
est? et perinde hoc valet "plebeiusne consul fiat" tam-  
quam servum aut libertinum aliquis consulem futurum  
8 dicat? ecquid sentitis, in quanto contemptu vivatis? lucis  
vobis huius partem, si liceat, adimant. quod spiratis,  
quod vocem mittitis, quod formas hominum habetis, in-  
dignantur, quin etiam, si dis placet, nefas aiunt esse con-

sulem plebeium fieri. obsecro vos, si non ad fastos, non 9  
 ad commentarios pontificum admittimur, ne ea quidem sci-  
 mus, quae omnes peregrini etiam sciunt, consules in locum  
 regum successisse, nec aut iuris aut maiestatis quicquam  
 habere, quod non in regibus ante fuerit? en umquam cre- 10  
 ditis fando auditum esse, Numam Pompilium non modo  
 non patricium, sed ne civem quidem Romanum, ex Sabino  
 agro accitum, populi iussu patribus auctoribus Romae  
 regnasse? L. deinde Tarquinium non Romanae modo, sed 11  
 ne Italicae quidem gentis, Demarati Corinthii filium, in-  
 colam a Tarquiniis vivis liberis Anci regem factum?  
 Servium Tullium post hunc captiva Corniculana natum 12  
 patre nullo, matre serva, ingenio, virtute regnum tenuisse?  
 quid enim de T. Tatio Sabino dicam, quem ipse Romulus  
 parens urbis in societatem regni accepit? ergo dum nul- 13  
 lum fastiditur genus, in quo eniteret virtus, crevit impe-  
 rium Romanum. paeniteat nunc vos plebeii consulis, cum  
 maiores nostri advenas reges non fastidierint et ne regi-  
 bus quidem exactis clausa urbs fuerit peregrinae virtuti?  
 Claudiam certe gentem post reges exactos ex Sabinis non 14  
 in civitatem modo accepimus, sed etiam in patriciorum  
 numerum. ex peregrinone patricius, deinde consul fiat, 15  
 civis Romanus si sit ex plebe, praecisa consulatus spes  
 erit? utrum tandem non credimus fieri posse, ut vir fortis 16  
 ac strenuus, pace belloque bonus ex plebe sit Numae,  
 L. Tarquinio, Ser. Tullio similis: an ne si sit quidem ad 17  
 gubernacula rei publicae accedere eum patiemur potius-  
 que decemviris, taeterrimis mortalium, qui tamen omnes  
 ex patribus erant, quam optimis regum novis hominibus  
 similis consules sumus habituri?

III. "At enim nemo post reges exactos de plebe 1  
 consul fuit." quid postea? nullane res nova institui debet  
 et, quod nondum est factum, — multa enim nondum sunt  
 facta in novo populo — ea, ne si utilia quidem sunt, fieri  
 oportet? pontifices, augures Romulo regnante nulli erant: 2  
 a Numa Pompilio creati sunt. census in civitate et de-  
 scriptio centuriarum classiumque non erat: ab Ser. Tullio  
 est facta. consules numquam fuerunt: regibus exactis 3  
 creati sunt. dictatoris nec imperium nec nomen fuerat:

apud patres esse coepit. tribuni plebi, aediles, quaestores  
nulli erant: institutum est, ut fierent. decemviros legibus  
scribendis intra decem hos annos et creavimus et e re  
4 publica sustulimus. quis dubitat, quin in aeternum urbe  
condita, in immensum crescente, nova imperia, sacerdotia,  
5 iura gentium hominumque instituantur? hoc ipsum, ne  
conubium patribus cum plebe esset, non decemviri tule-  
runt paucis his annis pessimo (exemplo) publico cum  
summa iniuria plebis? an esse ulla maior aut insignitior  
contumelia potest quam partem civitatis velut contamina-  
6 tam indignam conubio haberi? quid est aliud quam exilium  
intra eadem moenia, quam relegationem pati? ne adfini-  
tatibus, ne propinquitatibus inmisceamur, cavent, ne so-  
7 cietur sanguis. quid? hoc si polluit nobilitatem istam  
vestram, quam plerique oriundi ex Albanis et Sabinis  
non genere nec sanguine, sed per cooptationem in patres  
habetis aut ab regibus lecti aut post reges exactos iussu  
populi, sinceram servare privatis consiliis non poteratis  
nec ducendo ex plebe neque vestras filias sororesque enu-  
8 bere sinendo e patribus? nemo plebeius patriciae virgini  
vim adferret: patriciorum ista lubido est. nemo invitum  
9 pactionem nuptialem quemquam facere coegisset. verum  
enim vero lege id prohibere et conubium tolli patrum ac  
plebis, id demum contumeliosum plebi est. cur enim non  
10 confertis, ne sit conubium divitibus ac pauperibus? quod  
privatorum consiliorum ubique semper fuit, ut in quam  
cuique feminae convenisset domum nuberet, ex qua pactus  
esset vir domo in matrimonium duceret, id vos sub legis  
superbissumae vincula conicitis, qua dirimatis societatem  
11 civilem duasque ex una civitates faciatis. cur non san-  
citis, ne vicinus patricio sit plebeius nec eodem itinere  
eat, ne idem convivium ineat, ne in foro eodem consistat?  
quid enim in re est aliud, si plebeiam patricius duxerit,  
si patriciam plebeius? quid iuris tandem immutatur?  
12 nempe patrem secuntur liberi. nec quod nos ex conubio  
vestro petamus quicquam est praeterquam ut hominum,  
ut civium numero simus; nec vos, nisi in contumeliam  
ignominiamque nostram certare iuvat, quod contendatis  
quicquam est.

V. Denique utrum tandem populi Romani an vestrum 1  
summum imperium est? regibus exactis utrum vobis do-  
minatio an omnibus aequa libertas parta est? oportet licere 2  
populo Romano, si velit, iubere legem; an, ut quaeque ro-  
gatio promulgata erit, vos dilectum pro poena decernetis?  
et simul ego tribunus vocare tribus in suffragium coe-  
pero, tu statim consul sacramento iuniores adiges et in  
castra educes et minaberis plebi, minaberis tribuno? quid, 3  
si non, quantum istae minae adversus plebis consensum  
valerent, bis iam experti essetis? scilicet, quia nobis con-  
sultum volebatis, certamine abstinuistis; an ideo non est  
dimicatum, quod quae pars firmior, eadem modestior fuit?  
nec nunc erit certamen, Quirites. animos vestros illi 4  
temptabunt semper, vires non experientur. itaque ad bella 5  
ista, seu falsa seu vera sunt, consules, parata vobis plebes  
est, si conubiis redditis unam hanc civitatem tandem fa-  
citis, si coalescere, si iungi miscerique vobis privatis ne-  
cessitudinibus possunt, si spes, si aditus ad honores viris  
strenuis et fortibus datur, si in consortio, si in societate  
rei publicae esse, si, quod aequae libertatis est, invicem  
annuis magistratibus parere atque imperitare licet. si haec 6  
impediet aliquis, ferte sermonibus et multiplycate fama bella:  
nemo est nomen daturus, nemo arma capturus, nemo di-  
micaturus pro superbis dominis, cum quibus nec in re pu-  
blica honorum nec in privata conubii societas est.'

VI. Cum in contionem et consules processissent et 1  
res a perpetuis orationibus in altercationem vertisset, in-  
terroganti tribuno, cur plebeium consulem fieri non oport-  
teret, ut fortasse vere, sic parum utiliter in praesens cer- 2  
tamen respondit, quod nemo plebeius auspicia haberet,  
ideoque decemviros conubium diremisse, ne incerta prole  
auspicia turbarentur. plebes ad id maxime indignatione 3  
exarsit, quod auspiciari tamquam invisi diis immortalibus  
negarentur posse. nec ante finis contentionum fuit, cum  
et tribunum acerrimum auctorem plebes nacta esset et  
ipsa cum eo pertinacia certaret, quam victi tandem patres  
ut de conubio ferretur consensere, ita maxime rati con- 4  
tentionem de plebeiis consulibus tribunos aut totam de-  
posituros aut post bellum dilaturos esse contentamque

5 interim conubio plebem paratam dilectui fore. cum Canu-  
leius victoria de patribus et plebis favore ingens esset,  
accensi alii tribuni ad certamen pro rogatione sua summa  
6 vi pugnant, et crescente in dies fama belli dilectum inpe-  
diunt. consules, cum per senatum intercedentibus tribu-  
nis nihil agi posset, consilia principum domi habebant.  
apparebat, aut hostibus aut civibus de victoria conceden-  
7 dum esse. soli ex consularibus Valerius atque Horatius  
non intererant consiliis. C. Claudii sententia consules ar-  
mabat in tribunos, Quinctiorum, Cincinnatique et Capi-  
tolini, sententiae abhorrebant a caede violandisque, quos  
8 foedere icto cum plebe sacrosanctos accepissent. per haec  
consilia eo deducta est res, ut tribunos militum consulari  
potestate promiscue ex patribus ac plebe creari sinerent,  
de consulibus creandis nihil mutaretur. eoque contenti  
tribuni, contenta plebs fuit.

9 Comitia tribunis consulari potestate tribus creandis in-  
dicuntur. quibus indictis extemplo quicumque aliquid se-  
ditiose dixerat aut fecerat umquam, maxime tribunicii, et  
prensare homines et concursare toto foro candidati coe-  
10 pere, ut patricios desperatio primo inritata plebe apiscendi  
honoris, deinde indignatio, si cum his gerendus esset ho-  
nos, deterreret. postremo coacti tamen a primoribus pe-  
11 tiere, ne cessisse possessione rei publicae viderentur. even-  
tus eorum comitiorum docuit, alios animos in contentione  
libertatis dignitatisque, alios secundum deposita certa-  
mina incorrupto iudicio esse: tribunos enim omnes patri-  
cios creavit populus, contentus eo, quod ratio habita ple-  
12 beiorum esset. hanc modestiam aequitatemque et altitu-  
dinem animi ubi nunc in uno inveneris, quae tum populi  
universi fuit?

1 VII. Anno trecentesimo decimo quam urbs Roma  
condita erat primum tribuni militum pro consulibus ma-  
gistratum ineunt A. Sempronius Atratinus, L. Atilius, T.  
Cluilius, quorum in magistratu concordia domi pacem  
2 etiam foris praebuit. sunt qui propter adiectum Aequorum  
Volscorumque bello et Ardeatium defectioni Veiens bel-  
lum, quia duo consules obire tot simul bella nequirent,  
tribunos militum tres creatos dicant sine mentione pro-

mulgatae legis de consulibus creandis ex plebe, et imperio et insignibus consularibus usos. non tamen pro firmato iam stetit magistratus eius ius, quia tertio mense quam inierunt augurum decreto perinde ac vitio creati honore abiere, quod C. Curtius, qui comitiis eorum praefuerat, parum recte tabernaculum cepisset.

Legati ab Ardeatibus Romam venerunt ita de iniuria querentes, ut, si demeretur ea, in foedere atque amicitia mansuros restituto agro appareret. ab senatu responsum est, iudicium populi rescindi ab senatu non posse, praeterquam quod nullo nec exemplo nec iure fieret, concordiae etiam ordinum causa. si Ardeates sua tempora expectare velint arbitriumque senatui levandae iniuriae suae permittant, fore ut postmodo gaudeant, se irae moderatos, sciantque, patribus aequae curae fuisse, ne qua iniuria in eos oreretur ac ne orta diuturna esset. ita legati, cum se rem integram relatueros dixissent, comiter dimissi.

Patricii, cum sine curuli magistratu res publica esset, coiere et interregem creavere. contentio, consulesne an tribuni militum crearentur, in interregno rem dies complures tenuit. interrex ac senatus consulum comitia, tribuni plebis et plebs tribunorum militum ut habeantur tendunt. vicerunt patres, quia et plebs patriciis seu hunc seu illum delatura honorem frustra certare supersedit et principes plebis ea comitia malebant, quibus non haberetur ratio sua, quam quibus ut indigni praeterirentur. tribuni quoque plebi certamen sine effectum in beneficio apud primores patrum reliquere.

T. Quinctius Barbatius interrex consules creat Lucium Papirium Mugilenum, L. Sempronium Atratinum. his consulibus cum Ardeatibus foedus renovatum est. idque monumenti est, consules eos illo anno fuisse, qui neque in annalibus priscis neque in libris magistratuum inveniuntur: credo, quod tribuni militum initio anni fuerunt, eo perinde ac si totum annum in imperio fuerint, suffectis iis consulibus praetermissa nomina consulum horum. Licinius Macer auctor est, et in foedere Ardeatino et in linteis libris ad Monetae inventa. et foris, cum tot terrores a finitimis ostentati essent, et domi otium fuit.



1 VIII. Hunc annum, seu tribunos modo seu tribunis  
 suffectos consules quoque habuit, sequitur annus haud  
 dubiis consulibus M. Geganio Macerino iterum, T. Quinctio  
 2 Capitolino quintum consule. idem hic annus censurae in-  
 itium fuit, rei a parva origine ortae, quae deinde tanto in-  
 cremento aucta est, ut morum disciplinaeque Romanae  
 penes eam regimen, senatus equitumque centuriae, decoris  
 dedecorisque discrimen sub ditione eius magistratus, pu-  
 blicorum ius privatorumque locorum vectigalia populi Ro-  
 3 mani sub nutu atque arbitrio essent. ortum autem initiumst  
 rei, quod in populo per multos annos incenso neque  
 differri census poterat neque consulibus, cum tot popu-  
 lorum bella imminerent, operae erat id negotium agere.  
 4 mentio inlata ad senatum est, rem operosam ac minime  
 consularem suo proprio magistratu egere, cui scribarum  
 ministerium custodiaeque (et) tabularum cura, cui arbi-  
 5 trium formulae censendi subiceretur. et patres quamquam  
 rem parvam, tamen, quo plures patricii magistratus in re  
 publica essent, laeti acceperere, id quod evenit futurum  
 credo etiam rati, ut mox opes eorum, qui praecessent, ipsi  
 6 honori ius maiestatemque adicerent. et tribuni id quod  
 tunc erat magis necessarium quam speciosi ministerii pro-  
 curationem intuentes, ne in parvis quoque rebus incom-  
 7 mode adversarentur, haut sane tetendere. cum a primori-  
 bus civitatis spretus honor esset, Papirium Sempronium-  
 que, quorum de consulatu dubitabatur, ut eo magistratu  
 parum solidum consulatum explerent, censui agendo po-  
 pulus suffragiis praefecit. censores ab re appellati sunt.

1 VIII. Dum haec Romae geruntur, legati ab Ardea  
 veniunt pro veterrima societate renovatoque foedere re-  
 2 centi auxilium prope eversae urbi inplorantes; frui nam-  
 que pace, optimo consilio cum populo Romano servata,  
 per intestina arma non licuit. quorum causae atque initium  
 3 traditur ex certamine factionum ortum, quae fuerunt erunt-  
 que pluribus populis magis exitio quam bella externa,  
 quam fames morbive quaeque alia in deum iras velut ul-  
 tima publicorum malorum vertunt.

4 Virginem plebei generis maxime forma notam petiere  
 iuvenes, alter virgini genere par, tutoribus fretus, qui et

ipsi eiusdem corporis erant, nobilis alter, nulla re praeterquam forma captus. adiuvabant eum optumatum studia, 5 per quae in domum quoque puellae certamen partium penetravit. nobilis superior iudicio matris esse, quae quam splendidissimis nuptiis iungi puellam volebat; tutores in ea quoque re partium memores ad suum tendere. cum res 6 peragi intra parietes nequisset, ventum in ius est. postulatu audito matris tutorumque magistratus secundum parentis arbitrium dant ius nuptiarum. sed vis potentior fuit. namque tutores, inter suae partis homines de iniuria decreti palam in foro contionati, manu facta virginem ex domo matris rapiunt. adversus quos infestior coorta optumatum 8 acies sequitur accensum iniuria iuvenem. fit proelium atrox. pulsa plebs, nihil Romanae plebi similis, armata ex urbe profecta, colle quodam capto in agros optumatum cum ferro ignique excursions facit, urbem quoque, omni etiam 9 experte ante certaminis multitudine opificum ad spem praedae evocata, obsidere parat. nec ulla species cladesque 10 belli abest velut contacta civitate rabie duorum iuvenum funestas nuptias ex occasu patriae petentium. parum parti 11 utrique domi armorum bellicae est visum. optumates Romanos ad auxilium urbis obsessae, plebs ad expugnandam secum Ardeam Volscos excivere. priores Volsci duce 12 Aeque Cluilio Ardeam venire et moenibus hostium vallum obiecere. quod ubi Romam est nuntiatum, extemplo 13 M. Geganius consul cum exercitu profectus tria milia passum ab hoste locum castris cepit praecipitique iam die curare corpora milites iubet. quarta deinde vigilia signa profert coeptumque opus adeo adproperatum est, ut sole orto Volsci firmiore se munimento ab Romanis circumvallatos quam a se urbem viderent. et alia parte consul 14 muro Ardeae brachium iniunxerat, qua ex oppido sui commovere possent.

X. Volscus imperator, qui ad eam diem non com- 1 meatu praeparato, sed ex populatione agrorum rapto in diem frumento aluisset militem, postquam saeptus vallo repente inops omnium rerum erat, ad colloquium consule evocato, si solvendae obsidionis causa venerit Romanus, abducturum se inde Volscos ait. adversus ea consul victis 2

condiciones accipiendas esse, non ferendas respondit, neque, ut venerint ad oppugnandos socios populi Romani  
3 suo arbitrio, ita abituros Volscos esse. dedi imperatorem, arma poni iubet, fatentes victos se esse et imperio parere: aliter tam abeuntibus quam manentibus se hostem infensum victoriam potius ex Volscis quam pacem infidam Romanam relaturum. Volsci exiguam spem in armis, alia undique abscisa, cum temptassent, praeter cetera adversa loco quoque iniquo ad pugnam congressi, iniquiore ad fugam, cum ab omni parte caederentur, ad preces a certamine versi dedito imperatore traditisque armis sub iugum missi cum singulis vestimentis ignominiae cladisque pleni  
5 dimittuntur. et cum haud procul urbe Tusculo consedisent, vetere Tusculanorum odio inermes oppressi dederunt poenas vix nuntiis caedis relictis. Romanus Ardeae turbatas seditione res principibus eius motus securi percussis bonisque eorum in publicum Ardeatium redactis composuit; demptamque iniuriam iudicii tanto beneficio populi Romani Ardeates credebant, senatui superesse aliquid ad delendum publicae avaritiae monimentum videbatur. consul triumphans in urbem redit Cluilio duce Volscorum ante currum ducto praelatisque spoliis, quibus dearmatum exercitum hostium sub iugum miserat.

8 Aequavit, quod haud facile est, Quinctius consul togatus armati gloriam collegae, qua<sup>a</sup> concordiae pacisque domesticam curam iura infimis summisque moderando ita tenuit, ut eum et patres severum consulem et plebs satis  
9 comem crediderint. et adversus tribunos auctoritate plura quam certamine tenuit. quinque consulatus eodem tenore gesti vitaeque omnis consulariter acta verendum paene ipsum magis quam honorem faciebant. eo tribunorum militarium nulla mentio his consulibus fuit.

1 XI. Consules creant M. Fabium Vibulanum, Postu-  
2 mum Aebutium Cornicinem. Fabius et Aebutius consules, quo maiori gloriae rerum domi forisque gestarum succedere se cernebant, maxime autem memorabilem annum apud finitimos socios hostesque esse, quod Ardeatibus  
3 in re praecipiti tanta foret cura subventum, eo inpensius, ut delerent prorsus ex animis hominum infamiam iudicii,

senatus consultum fecerunt, ut, quoniam civitas Ardeatium intestino tumultu redacta ad paucos esset, coloni eo praesidii causa adversus Volscos scriberentur. hoc palam relatum in tabulas, ut plebem tribunosque falleret iudicii rescindendi consilium initum. consenserant autem, ut multo maiore parte Rutulorum colonorum quam Romanorum scripta nec ager ullus divideretur nisi is, qui interceptus iudicio infami erat, nec ulli prius Romano ibi quam omnibus Rutulis divisus esset gleba ulla agri adsignaretur. sic ager ad Ardeates rediit. triumviri ad coloniam Ardeam deducendam creati Agrippa Menenius, T. Cluilius Siculus, M. Aebutius Helva, qui praeter minime popolare ministerium agro adsignando sociis, quem populus Romanus suum iudicasset, cum plebem offendissent, ne primoribus quidem patrum satis accepti, quod nihil gratiae cuiusquam dederant, vexationes, ad populum iam die dicta ab tribunis, coloni adscripti remanendo in colonia, quam testem integritatis iustitiaeque habebant, vitavere.

XII. Pax domi forisque fuit et hoc et insequente anno, C. Furio Pacilo et M. Papirio Crasso consulibus. ludi, ab decemviris per secessionem plebis a patribus ex senatus consulto voti, eo anno facti sunt. causa seditionum nequam a Poetilio quaesita, qui tribunus plebis iterum ea ipsa denuntiando factus neque ut de agris dividendis plebi referrent consules ad senatum pervincere potuit, et cum magno certamine obtinuisset, ut consulerentur patres, consulum an tribunorum placeret comitia haberi, consules creari iussi sunt, ludibrioque erant minae tribuni denuntiantis se dilectum inpediturum, cum quietis finitimis neque bello neque belli apparatu opus esset.

Sequitur hanc tranquillitatem rerum annus Proculo Geganio Macerino, L. Menenio Lanato consulibus multiplici clade ac periculo insignis, seditionibus, fame, regno prope per largitionis dulcedinem in cervices accepto. unum afuit bellum externum, quo si adgravatae res essent, vix ope deorum omnium resisti potuisset. coepere a fame mala, seu adversus annus frugibus fuit seu dulcedine contionum et urbis deserto agrorum cultu, nam utrumque traditur. et patres plebem desidem et tribuni plebis

nunc fraudem nunc negligentiam consulum accusabant.  
 8 postremo perpulere plebem haud adversante senatu, ut  
 L. Minucius praefectus annonae crearetur, felicius in eo  
 magistratu ad custodiam libertatis futurus quam ad cura-  
 tionem ministerii sui, quamquam postremo annonae quo-  
 que levatae haud inmeritam et gratiam et gloriam tulit.  
 9 qui cum multis circa finitimos populos legationibus terra  
 marique nequiquam missis, nisi quod ex Etruria haud ita  
 multum frumenti advectum est, nullum momentum anno-  
 10 nae fecisset et revolutus ad dispensationem inopiae profi-  
 teri cogendo frumentum et vendere, quod usu menstruo  
 superesset, fraudandoque parte diurni cibi servitia, crimi-  
 nando inde et obiciendo irae populi frumentarios, acerba in-  
 11 quisitione aperiret magis quam levaret inopiam, multi ex  
 plebe spe amissa potius quam ut cruciarentur trahendo ani-  
 mam capitibus obvolutis se in Tiberim praecipitaverunt.

1 XIII. Tum Sp. Maelius ex equestri ordine, ut illis  
 temporibus praedives, rem utilem pessimo exemplo, peiore  
 2 consilio est adgressus. frumento namque ex Etruria pri-  
 vata pecunia per hospitem clientiumque ministeria coempto,  
 quae, credo, ipsa res ad levandam publica cura annonam  
 impedimento fuerat, largitiones frumenti facere instituit,  
 3 plebemque hoc munere delinitam, quacumque incederet,  
 conspectus elatusque supra modum hominis privati secum  
 trahere, haud dubium consulatum favore ac spe despon-  
 4 dentem. ipse, ut est humanus animus insatiabilis eo,  
 quod fortuna spondet, ad altiora et non concessa tendere  
 et, quoniam consulatus quoque eripiendus invitis patribus  
 esset, de regno agitare: id unum dignum tanto apparatu  
 consiliorum et certaminum, quod ingens exsudandum esset,  
 praemium fore.

5 Iam comitia consularia instabant; quae res eum nec-  
 6 dum compositis maturisve satis consiliis oppressit. consul  
 sextum creatus T. Quinctius Capitolinus, minime oportu-  
 nus vir novanti res; collega additur ei Agrippa Mene-  
 7 nius, cui Lanato erat cognomen. et Lucius Minucius prae-  
 fectus annonae seu reffectus seu quoad res posceret in  
 incertum creatus; nihil enim constat nisi in libros linteos  
 utroque anno relatum inter magistratus praefecti nomen.

hic Minucius eandem rei publicae curationem agens, quam 8  
 Maelius privatim agendam susceperat, cum in utraque domo  
 genus idem hominum versaretur, rem conpertam ad sena-  
 tum refert, tela in domum Maelii conferri eumque contio- 9  
 nes domi habere ac non dubia regni consilia esse; tempus  
 agenda rei nondum stare, cetera iam convenisse et tri-  
 bunos mercede emptos ad prodendam libertatem et par-  
 tita ducibus multitudinis ministeria esse. serius se paene  
 quam tutum fuerit, ne cuius incerti vanique auctor esset,  
 ea deferre.

Quae postquam sunt audita et undique primores patrum 10  
 et prioris anni consules increparent, quod eas largitiones  
 coetusque plebis in privata domo passi essent fieri, et no-  
 vos consules, quod exspectassent, donec a praefecto anno-  
 nae tanta res ad senatum deferretur, quae consulem non  
 auctorem solum desideraret, sed etiam vindicem: tum 11  
 Quinctius consules inmerito increpari ait, qui constricti  
 legibus de provocatione ad dissolvendum imperium latis  
 nequaquam tantum virium in magistratu ad eam rem pro  
 atrocitate vindicandam, quantum animi haberent. opus  
 esse non forti solum viro, sed etiam libero exsolutoque  
 legum vinclis. itaque se dictatorem L. Quinctium dicturum, 12  
 ibi animum parem tantae potestati esse. adprobantibus  
 cunctis primo Quinctius abnuere et quid sibi vellent rogi-  
 tare, qui se aetate exacta tantae dimicationi obicerent.  
 dein, cum undique plus in illo senili animo non consilii 13  
 modo, sed etiam virtutis esse quam in omnibus aliis dice-  
 rent laudibusque haud inmeritis onerarent et consul nihil  
 remitteret, precatus tandem deos immortales Cincinnatus, 14  
 ne senectus sua in tam trepidis rebus damno dedecorive  
 rei publicae esset, dictator a consule dicitur. ipse deinde  
 C. Servilium Ahalam magistrum equitum dicit.

XIII. Postero die dispositis praesidiis cum in forum 1  
 descendisset conversaque in eum plebs novitate rei ac mi-  
 raculo esset et Maeliani atque ipse dux eorum in se inten-  
 tam vim tanti imperii cernerent, expertes consiliorum regni, 2  
 qui tumultus, quod bellum repens aut dictatoriam maiesta-  
 tem aut Quinctium post octogesimum annum rectorem rei  
 publicae quaesisset, rogarent, missus ab dictatore Servilius 3

magister equitum ad Maelium 'vocat te' inquit 'dictator.' cum pavidus ille quid vellet quaereret Serviliusque causam dicendam esse proponeret crimenque a Minucio delatum ad senatum diluendum, tunc Maelius recipere se in catervam suorum et primum circumspectans tergiversari, postremo, cum apparitor iussu magistri equitum duceret, ereptus a circumstantibus fugiensque fidem plebis Romanae inplorare et opprimi se consensu patrum dicere, quod plebi benigne fecisset, orare, ut opem sibi ultimo in discrimine ferrent neve ante oculos suos trucidari sinerent. haec eum vociferantem adsecutus Ahala Servilius obtruncat respersusque cruore obtruncati, stipatus caterva patriciorum iuvenum, dictatori renuntiat, vocatum ad eum Maelium repulso apparitore concitantem multitudinem poenam meritam habere. tum dictator 'macte virtute,' inquit 'C. Servili, esto liberata re publica!'

XV. Tumultuantem deinde multitudinem incerta estimatione facti ad contionem vocare iussit et Maelium iure caesum pronuntiavit, etiam si regni crimine insons fuerit, qui vocatus a magistro equitum ad dictatorem non venisset. se ad causam cognoscendam consedissee, qua cognita habiturum fuisse Maelium similem causae fortunam; vim parantem, ne iudicio se committeret, vi coercitum esse. nec cum eo tamquam cum cive agendum fuisse, qui natus in libero populo inter iura legesque, ex qua urbe reges exactos sciret eodemque anno sororis filios regis et liberos consulis, liberatoris patriae, propter pactiorem indicatam recipiendorum in urbem regum a patre securi esse percussos, ex qua Conlatinum Tarquinium consulem nominis odio abdicare se magistratu atque exulare iussum, in qua de Spurio Cassio post aliquot annos propter consilia inita de regno supplicium sumptum, in qua nuper decemviros bonis, exilio, capite multatos ob superbiam regiam — in ea Sp. Maelius spem regni conceperit. et quis homo? quamquam nullam nobilitatem, nullos honores, nulla merita cuiquam ad dominationem pandere viam; sed tamen Claudios, Cassios consulatibus, decemviratibus suis maiorumque honoribus, splendore familiarum sustulisse animos, quo nefas fuerit: Spurium Maelium,



cui tribunatus plebis magis optandus quam sperandus fuerit, frumentarium divitem, bilibris farris sperasse libertatem se civium suorum emisse ciboque obiciendo ratum victorem finitimorum omnium populum in servitutem perlici posse, ut quem senatorem concoquere civitas vix 7 posset, regem ferret, Romuli conditoris, ab diis orti, recepti ad deos, insignia atque imperium habentem. non pro scelere id magis quam pro monstro habendum nec 8 satis esse sanguine eius expiatum, nisi tecta parietesque, intra quae tantum amentiae conceptum esset, dissiparentur bonaque contacta pretiis regni mercandi publicarentur. iubere itaque, quaestores vendere ea bona atque in publicum redigere.

XVI. Domum deinde, ut monumento area esset oppressae nefariae spei, dirui extemplo iussit. id Aequimaelium appellatum est. L. Minucius bove aurato extra 2 portam trigeminam est donatus ne plebe quidem invita, quia frumentum Maelianum assibus in modios aestimatum plebi divisit. hunc Minucium apud quosdam auctores trans- 3 isse a patribus ad plebem undecimumque tribunum plebis cooptatum seditionem motam ex Maeliana caede sedasse invenio. ceterum vix credibile est, numerum tribunorum 4 patres augeri passos idque potissimum exemplum a patricio homine introductum; nec deinde id plebem concessum semel obtinuisse aut certe temptasse. sed ante omnia refellit falsum imaginis titulum paucis ante annis lege cautum, ne tribunis collegam cooptare liceret. Q. Caecilius, 5 Q. Iunius, Sex. Titinius soli ex collegio tribunorum neque tulerant de honoribus Minuci legem et criminari nunc Minucium nunc Servilium apud plebem querique indignam necem Maelii non destiterant. pervicerunt igitur, ut tri- 6 bunorum militum potius quam consulum comitia haberentur, haut dubii, quin sex locis — tot enim iam creari licebat — et plebei aliqui profitendo se ultores fore Maelianae caedis crearentur.

Plebs quamquam agitata multis eo anno et variis motibus erat, nec plures quam tres tribunos consulari potestate creavit et in his L. Quinctium Cincinnati filium, ex cuius dictaturae invidia tumultus quaerebatur. praela- 8

tus suffragiis Quinctio Mamercus Aemilius, vir summae dignitatis; L. Iulium tertium creant.

1 XVII. In horum magistratu Fidenae, colonia Romana,  
ad Lartem Tolumnium Veientium regem ac Veientes de-  
2 fecere. maius additum defectioni scelus: C. Fulcinium,  
Cloelium Tullum, Sp. Antium, L. Roscium, legatos Ro-  
manos, causam novi consilii quaerentes, iussu Tolumni  
3 interfecerunt. levant quidam regis facinus: in tesserarum  
prospero iactu vocem eius ambiguum, ut occidi iussisse  
videretur, a Fidenatibus exceptam causam mortis legatis  
4 fuisse, rem incredibilem, interventu Fidenatium novorum  
sociorum, consulentium de caede ruptura ius gentium, non  
aversum ab intentione lusus animum nec deinde in erro-  
5 rem verum facinus. propius est fidem, obstringi Fide-  
natium populum, ne respicere spem ullam ab Romanis  
6 posset, conscientia tanti sceleris voluisse. legatorum, qui  
Fidenis caesi erant, statuae publice in rostris positae sunt.

Cum Veientibus Fidenatibusque, praeterquam finitumis  
populis, ab causa etiam tam nefanda bellum exorsis atrox  
7 dimicatio instabat. itaque ad curam summae rerum quies  
plebe tribunisque eius nihil controversiae fuit, quin con-  
sules crearentur M. Geganius Macerinus tertium et L.  
Sergius Fidenas; a bello credo, quod deinde gessit, ap-  
8 pellatum. hic enim primus cis Anienem cum rege Veien-  
tium secundo proelio conflixit nec incruentam victoriam  
retulit. maior itaque ex civibus amissis dolor quam lae-  
titia fuis hostibus fuit; et senatus, ut in trepidis rebus,  
9 dictatorem dici Mamercum Aemilium iussit. is magistrum  
equitum ex collegio prioris anni, quo simul tribuni mili-  
tum consulari potestate fuerant, L. Quinctium Cincinna-  
10 tum, dignum parente iuvenem, dixit. ad dilectum a con-  
sulibus habitum centuriones veteres belli periti adiecti et  
numerus amissorum proxima pugna expletus. legatos  
Quinctium Capitolinum et M. Fabium Vibulanum sequi  
11 se dictator iussit. cum potestas maior tum vir quoque  
potestati par hostes ex agro Romano trans Anienem sub-  
movere. collesque inter Fidenas atque Anienem ceperunt  
referentes castra nec ante in campos degressi sunt quam  
12 legiones auxilio Faliscorum venerunt. tum demum castra

Etruscorum pro moenibus Fidenarum posita. et dictator Romanus haut procul inde ad confluentis consedit in utriusque ripis amnis, qua sequi munimento poterat, vallo interposito. postero die in aciem eduxit.

XVIII. Inter hostes variae fuere sententiae. Faliscus, 1 procul ab domo militiam aegre patiens, satisque fidens sibi, poscere pugnam: Veienti Fidenatique plus spei in trahendo bello esse. Tolumnius, quamquam suorum magis place- 2 bant consilia, ne longinquam militiam non paterentur Falisci, postero die se pugnaturum edicit. dictatori ac Ro- 3 manis, quod detrectasset pugnam hostis, animi accessere; posteroque die, iam militibus castra urbemque se oppugn- naturos frementibus, ni copia pugnae fiat, utrimque acies inter bina castra in medium campi procedunt. Veiens, 4 multitudine abundans, qui inter dimicationem castra Romana adgrederentur post montes circummisit. trium po- pulorum exercitus ita stetit instructus, ut dextrum cornu Veientes, sinistrum Falisci tenerent, medii Fidenates essent. dictator dextro cornu adversus Faliscos, sinistro contra 5 Veientem Capitolinus Quinctius intulit signa, ante mediam aciem cum equitatu magister equitum processit. parumper 6 silentium et quies fuit nec Etruscis, nisi cogerentur pugnam inituris et dictatore arcem Romanam respectante, ut ab auguribus, simul aves rite admisissent, ex composito tolleretur signum. quod (simul) ubi conspexit, primos 7 equites clamore sublato in hostem emisit. secuta peditum acies ingenti vi conflixit. nulla parte legiones Etruscae 8 sustinere impetum Romanorum: eques maxume resistebat; equitumque longe fortissimus ipse rex ab omni parte effuse sequentibus obequitans Romanis trahebat certamen.

XVIII. Erat tum inter equites tribunus militum A. 1 Cornelius Cossus, eximia pulchritudine corporis, animo ac viribus par memorque generis, quod amplissimum acceptum maius auctiusque reliquit posteris. is cum ad impe- 2 tum Tolumnii quacumque se intendisset trepidantis Romanas videret turmas insignemque eum regio habitu volitantem tota acie cognosset, 'hicine est' inquit 'ruptor 3 foederis humani violatorque gentium iuris? iam ego hanc mactatam victimam, si modo sancti quicquam in terris esse

4 dii volunt, legatorum manibus dabo.' calcaribus subditis  
infesta cuspide in unum fertur hostem. quem cum ictum  
equo deiecisset, confestim et ipse hasta innixus se in  
5 pedes excepit. adsurgentem ibi regem umbone resupinat,  
repetitumque saepius cuspide ad terram adfixit. tum ex-  
sanguis detracta spolia, caputque abscisum victor spiculo  
gerens terrore caesi regis hostes fudit. ita equitum quo-  
6 que fusa acies, quae una fecerat anceps certamen. dicta-  
tor legionibus fugatis instat et ad castra compulsos caedit.  
Fidenatium plurimi locorum notitia effugere in montes.  
Cossus Tiberim cum equitatu transvectus ex agro Veien-  
7 tano ingentem detulit praedam ad urbem. inter proelium  
et ad castra Romana pugnatum est adversus partem co-  
piarum ab Tolumnio, ut ante dictum est, ad castra mis-  
8 sam. Fabius Vibulanus corona primum vallum defendit;  
intentos deinde hostes in vallum egressus dextra principali  
cum triariis repente invadit. quo pavore iniecto caedes  
minor, quia pauciores erant, fuga non minus trepida quam  
in acie fuit.

1 XX. Omnibus locis re bene gesta dictator senatus  
2 consulto iussuque populi triumphans in urbem rediit. longe  
maximum triumphi spectaculum fuit Cossus spolia opima  
regis interfecti gerens. in eum milites carmina incondita  
3 aequantes cum Romulo canere. spolia in aede Iovis Fe-  
retrii prope Romuli spolia, quae prima opima appellata  
sola ea tempestate erant, cum sollemni dedicatione dono  
fixit. averteratque in se a curru dictatoris civium ora et  
4 celebritatis eius diei fructum prope solus tulerat. dictator  
coronam auream libram pondo ex publica pecunia populi  
iussu in Capitolio Iovi donum posuit.

5 Omnis ante me auctores secutus A. Cornelium Cos-  
sum tribunum militum secunda spolia opima Iovis Feretrii  
6 templo intulisse exposui. ceterum, praeterquam quod ea  
rite opima spolia habentur, quae dux duci detraxit, nec  
ducem novimus nisi cuius auspicio bellum geritur, titulus  
ipse spoliis inscriptus illos meque arguit, consulem ea  
Cossum cepisse.

7 Hoc ego cum Augustum Caesarem, templorum om-  
nium conditorem ac restitutorem, ingressum aedem Fere-

trii Iovis, quam vetustate dilapsam refecit, se ipsum in thorace linteo scriptum legisse audissem, prope sacrilegium ratus sum, Cosso spoliis suorum Caesarem, ipsius templi auctorem, subtrahere testem. qui si ea in re sit error, quod tam veteres annales quodque magistratum libri quos[que] linteos in aede repositos Monetae Macer Licinius citat identidem auctores, septimo post demum anno cum T. Quinctio Penno A. Cornelium Cossum consulem habeant, existimatio communis omnibus est. nam etiam illud accedit, ne tam clara pugna in eum annum transferri posset, quod inbelle triennium ferme pestilentia inopiaque frugum circa A. Cornelium consulem fuit, adeo ut quidam annales velut funesti nihil praeter nomina consulum suggerant. tertius ab consulatu Cossi annus tribunum eum militum consulari potestate habet, eodem anno magistrum equitum; quo in imperio alteram insignem edidit pugnam equestrem. ea libera coniectura est. sed, ut ego arbitror, vana versare in omnes opiniones licet, cum auctor pugnae recentibus spoliis in sacra sede positis Iovem prope ipsum, cui vota erant, Romulumque intuens, haut spernendos falsi tituli testes, se A. Cornelium Cossum consulem scripserit.

XXI. M. Cornelio Maluginense, L. Papirio Crasso consulibus exercitus in agrum Veientem ac Faliscum ducti, praedae abactae hominum pecorumque. hostis in agris nusquam inventus neque pugnandi copia facta. urbes tamen non obpugnatae, quia pestilentia populum invasit. et seditiones domi quaesitae sunt nec motae tamen ab Sp. Maelio tribuno plebis, qui favore nominis moturum se aliquid ratus et Minucio diem dixerat et rogationem de publicandis bonis Servili Ahalae tulerat, falsis criminibus a Minucio circumventum Maelium arguens, Servilio caedem civis indemnati obiciens. quae vaniora ad populum ipso auctore fuere. ceterum magis vis morbi ingravescens curae erat terroresque ac prodigia, maxime quod crebris motibus terrae ruere in agris nuntiabantur tecta. obsecratio itaque a populo duumviris praeceuntibus est facta.

Pestilentior inde annus C. Iulio iterum et L. Verginio consulibus tantum metum vastitatis in urbe agrisque fecit,

ut non modo praedandi causa quisquam ex agro Romano non exiret bellive inferendi memoria patribus aut plebi  
 7 esset, sed ultro Fidenates, qui se primo aut oppido aut montibus aut muris tenuerant, populabundi descenderent  
 8 in agrum Romanum. deinde Veientium exercitu accito — nam Falisci perpelli ad instaurandum bellum neque clade Romanorum neque sociorum precibus potuere — duo populi transiere Anienem atque haut procul Collina porta  
 9 signa habuere. trepidatum itaque non in agris magis quam in urbe est. Iulius consul in aggere murisque explicat copias, a Verginio senatus in aede Quirini consulitur. dictatorem dici Q. Servilium placet, cui Prisco  
 10 alii, alii Structo fuisse cognomen tradunt. Verginius dum collegam consuleret moratus, permittente eo nocte dictatorem dixit. is sibi magistrum equitum Postumum Aebutium Helvam dicit.

1 XXII. Dictator omnes luce prima extra portam Collinam adesse iubet. quibuscumque vires subpetebant ad arma ferenda praesto fuere. signa ex aerario prompta  
 2 feruntur ad dictatorem. quae cum agerentur, hostes in loca altiora concessere. eo dictator agmine infesto subit nec procul Nomento signis conlatis fudit Etruscas legiones; compulit inde in urbem Fidenas valloque circumdedit.  
 3 sed neque scalis capi poterat urbs alta et munita neque in obsidione vis ulla erat, quia frumentum non necessitati modo satis, sed copiae quoque abunde ex ante convecto  
 4 sufficebat. ita expugnandi pariter cogendique ad dediti- nem spe amissa, dictator in locis propter propinquitatem notis ab aversa parte urbis maxime neglecta, quia suapte natura tutissima erat, agere in arcem cuniculum instituit.  
 5 ipse diversissimis locis subeundo ad moenia quadrifariam diviso exercitu, qui alii aliis succederent ad pugnam, continenti die ac nocte proelio ab sensu operis hostes averte-  
 6 bat, donec perfosso a castris monte erecta in arcem via est intentisque Etruscis ad vanas a certo periculo minas clamor supra caput hostilis captam urbem ostendit.

7 Eo anno C. Furius Pacilus et M. Geganius Macerinus censores villam publicam in campo Martio probaverunt, ibique primum census populi est actus.

**XXIII.** Eosdem consules insequenti anno refectos 1  
 Iulium tertium, Verginium iterum apud Macrum Licinium  
 invenio. Valerius Antias et Q. Tubero M. Manium et 2  
 Q. Sulpicium consules in eum annum edunt. ceterum in  
 tam discrepante editione et Tubero et Macer libros linteos  
 auctores profitentur: neuter, tribunos militum eo anno  
 fuisse, traditum a scriptoribus antiquis dissimulat. Licinio 3  
 libros haut dubie sequi linteos placet et Tubero incertus  
 veri est. sed inter cetera vetustate inconperta hoc quoque  
 in incerto positum.

Trepidatum in Etruria est post Fidenas captas non 4  
 Veientibus solum exterritis metu similis excidii, sed etiam  
 Faliscis memoria initi primo cum his belli, quamquam re-  
 bellantibus non adfuerant. igitur cum duae civitates legatis 5  
 circa duodecim populos missis impetrassent, ut ad Vol-  
 tumnae fanum indiceretur omni Etruriae concilium, velut  
 magno inde tumultu imminente senatus Mam. Aemilium  
 dictatorem iterum dici iussit. ab eo A. Postumius Tuber- 6  
 tus magister equitum est dictus, bellumque tanto maiore  
 quam proximo conatu apparatus est, quanto plus erat ab  
 omni Etruria periculi quam ab duobus populis fuerat.

**XXIII.** Ea res aliquanto exspectatione omnium tran- 1  
 quillior fuit. itaque cum renuntiatum a mercatoribus esset, 2  
 negata Veientibus auxilia iussosque suo consilio bellum  
 initum suis viribus exsequi nec adversarum rerum quaerere  
 socios, cum quibus spem integram communicati non sint,  
 tum dictator, ne nequiquam creatus esset, materia quae- 3  
 rendae bello gloriae adempta in pace aliquid operis edere,  
 quod monumentum esset dictaturae, cupiens, censuram  
 minuere parat, seu nimiam potestatem ratus, seu non tam  
 magnitudine honoris quam diuturnitate offensus. contione 4  
 itaque advocata rem (publicam) foris gerendam ait tuta-  
 que omnia praestanda deos immortales suscepisse; se, quod  
 intra muros agendum esset, libertati populi Romani con-  
 sulturum. maximam autem eius custodiam esse, si magna  
 imperia diuturna non essent et temporis modus imponere-  
 tur, quibus iuris inponi non posset. alios magistratus an- 5  
 nuos esse, quinquennalem censuram. grave esse isdem  
 per tot annos magna parte vitae obnoxios vivere. se legem



laturum, ne plus quam annua ac semenstris censura esset.  
6 consensu ingenti populi legem postero die pertulit et 'ut  
re ipsa' inquit 'sciatis, Quirites, quam mihi diuturna non  
7 placeant imperia, dictatura me abdicō.' deposito suo ma-  
gistratu, modo aliorum magistratui inposito, fine alteri,  
cum gratulatione ac favore ingenti populi domum est  
reductus. censores aegre passi Mamercum, quod magi-  
stratum populi Romani minuisset, tribu moverunt octipli-  
8 catoque censu aerarium fecerunt. quam rem ipsum in-  
genti animo tulisse ferunt, causam potius notae intuentem  
quam ignominiam; primores patrum, quamquam deminu-  
tum censurae ius noluisent, exemplo acerbitatis censoriae  
offensos, quippe cum se quisque diutius ac saepius sub-  
iectum censoribus fore cerneret quam censuram gesturum.  
9 populi certe tanta indignatio coorta dicitur, ut vis a cen-  
soribus nullius auctoritate praeterquam ipsius Mamerci  
deterri quiverit.

1 XXV. Tribuni plebi adsiduis contionibus prohibendo  
consularia comitia, cum res prope ad interregnum per-  
ducta esset, evicere tandem, ut tribuni militum consulari  
2 potestate crearentur. victoriae praemium quod petebatur,  
ut plebeius crearetur, nullus fuit: omnes patricii creati sunt:  
M. Fabius Vibulanus, M. Foslius, L. Sergius Fidenas.

3 Pestilentia eo anno aliarum rerum otium praebuit. aedis  
Apollini pro valetudine populi vota est. multa duumviri ex  
libris placandae deum irae avertendaeque a populo pestis  
4 causa fecere: magna tamen clades in urbe agrisque pro-  
miscue hominum pecorumque perniciē accepta. famem  
cultoribus agrorum timentes in Etruriam Pomptinumque  
agrum et Cumas, postremo in Siciliam quoque frumenti  
causa misere. consularium comitiorum nulla mentio habita  
5 est; tribuni militum consulari potestate omnes patricii creati  
sunt: L. Pinarius Mamercus, L. Furius Medullinus, Sp.  
Postumius Albus.

6 Eo anno vis morbi levata neque a penuria frumenti,  
7 quia ante provisum erat, periculum fuit. consilia ad mo-  
venda bella in Volscorum Aequorumque conciliis et in  
8 Etruria ad fanum Voltumnae agitata. ibi prolatae in an-  
num res decretoque cautum, ne quod ante concilium fieret,

nequiquam Veiente populo querente, eandem, qua Fidenae deletae sint, imminere Veiis fortunam.

Interim Romae principes plebis, iam diu nequiquam 9 imminentes spei maioris honoris, dum foris otium esset, coetus indicere in domos tribunorum plebis; ibi secreta 10 consilia agitare, queri, se a plebe adeo spreto, ut, cum per tot annos tribuni militum consulari potestate creentur, nulli umquam plebeio ad eum honorem aditus fuerit. mul- 11 tum providisse suos maiores, qui caverint, ne cui patricio plebeii magistratus paterent — aut patricos habendos fuisse tribunos plebi: adeo se suis etiam sordere nec a plebe minus quam a patribus contemni. alii purgare ple- 12 bem, culpam in patres vertere: eorum ambitione artibusque fieri, ut obsaeptum plebi sit ad honorem iter. si plebi respirare ab eorum mixtis precibus minisque liceat, memorem eam suorum inituram suffragia esse et parto auxilio imperium quoque adscituram.

Placet, tollendae ambitionis causa tribunos legem pro- 13 mulgare, ne cui album in vestimentum addere petitionis liceret causa. parva nunc res et vix serio agenda videri possit, quae tunc ingenti certamine patres ac plebem accendit. vicere tamen tribuni, ut legem perferrent, appa- 14 rebatque, inritatis animis plebem ad suos studia inclinaturam. quae ne libera essent, senatus consultum factum est, ut consularia comitia haberentur.

XXVI. Tumultus causa fuit, quem ab Aequis et Vol- 1 scis Latini atque Hernici nuntiarent. T. Quinctius L. 2 filius Cincinnatus — eidem et Penno cognomen additur — et Gnaeus Iulius Mento consules facti. nec ultra terror belli est dilatus. lege sacrata, quae maxima apud eos vis 3 cogendae militiae erat, dilectu habito utrimque validi exercitus profecti in Algidum convenere ibique seorsum Aequi 4 seorsum Volsci castra communivere intentiorque quam umquam ante muniendi exercendique militem cura ducibus erat. eo plus nuntii terroris Romam adtulere. senatui dictatorem dici placuit, quia etsi saepe victi populi, maiore 5 tamen conatu quam alias umquam rebellarent; et aliquantum Romanae iuventutis morbo absumptum erat. ante 6 omnia pravitas consulum discordiaque inter ipsos et cer-

tamina in consiliis omnibus terrebant. sunt qui male pugnatum ab his consulibus in Algido auctores sint, eamque  
 7 causam dictatoris creandi fuisse. illud satis constat, ad alia discordes in uno adversus patrum voluntatem consensisse, ne dicerent dictatorem; donec, cum alia aliis terribiliora adferrentur nec in auctoritate senatus consules essent, Q. Servilius Priscus summis honoribus egregie  
 8 usus 'vos,' inquit 'tribuni plebis, quoniam ad extrema ventum est, senatus appellat, ut in tanto discrimine rei publicae dictatorem dicere consules pro potestate vestra  
 9 cogatis.' qua voce audita occasionem oblatam rati tribuni augendae potestatis secedunt proque collegio pronuntiant, placere consules senatui dicto audientes esse; si adversus consensum amplissimi ordinis ultra tendant, in vincla se  
 10 duci eos iussuros. consules ab tribunis quam ab senatu vinci maluerunt, proditum a patribus summi imperii ius datumque sub iugum tribuniciae potestati consulatum memorantes, si quidem cogi aliquid pro potestate ab tribuno consules et — quo quid ulterius privato timendum foret? —  
 11 in vincla etiam duci possent. sors ut dictatorem diceret, nam ne id quidem inter collegas convenerat, T. Quinctio evenit. is A. Postumium Tubertum socerum suum, severissimi imperii virum, dictatorem dixit. ab eo L. Iulius  
 12 magister equitum est dictus. simul edicitur et iustitium neque aliud tota urbe agi quam bellum apparari. cognitio vacantium militiae munere post bellum differtur. ita dubii quoque inclinant ad nomina danda. et Hernicis Latinisque milites imperati. utrimque enixe oboeditum dictatori est.

1 XXVII. Haec omnia celeritate ingenti acta; relictoque Cn. Iulio consule ad praesidium urbis et L. Iulio magistro equitum ad subita belli ministeria, ne qua res, qua eguis-  
 2 pontifice maximo ludos magnos tumultus causa vovit, profectusque ab urbe diviso cum Quinctio consule exercitu  
 3 ad hostes pervenit. sicut bina castra hostium parvo inter se spatio distantia viderant, ipsi quoque mille ferme passus ab hoste, dictator Tusculo, consul Lanuvio propio-  
 4 rem locum castris ceperunt. ita quattuor exercitus totidem

munimenta planitiem in medio non parvis modo excursio-  
nibus ad proelia, sed vel ad explicandas utrimque acies  
satis patentem habebant. nec ex quo castris castra con- 5  
lata sunt cessatum a levibus proeliis est, facile patiente  
dictatore, conferendo vires spem universae victoriae temp-  
tato paulatim eventu certaminum suos praecipere. itaque 6  
hostes, nulla in proelio iusto relictā spe, noctu adorti ca-  
stra consulis rem in casum ancipitis eventus committunt.  
clamor subito ortus non consulis modo vigiles, exercitum  
deinde omnem, sed dictatorem quoque ex somno excivit.  
ubi praesenti ope res egebant, consul nec animo defecit 7  
nec consilio; pars militum portarum stationes firmat, pars  
corona vallum cingunt. in alteris apud dictatorem castris 8  
quo minus tumultus est, eo plus animadvertitur, quid opus  
facto sit. missum extemplo ad castra subsidium, cui Sp.  
Postumius Albus legatus praeficitur; ipse parte copiarum  
parvo circuitu locum maxime secretum ab tumultu petit,  
unde ex necopinato aversum hostem invadat. Q. Sulpi- 9  
cium legatum praeficit castris, M. Fabio legato adsignat  
equites, nec ante lucem movere iubet manum inter noc-  
turnos tumultus moderatu difficilem. omnia, quae vel alius  
imperator prudens et inpiger in tali re praeciperet ageret-  
que, praecipit ordine atque agit: illud eximium consilii 10  
animique specimen et neutiquam volgatae laudis, quod  
ultra ad oppugnanda castra hostium, unde maiore agmine  
profectos exploratum fuerat, M. Geganium cum cohorti-  
bus delectis misit. qui postquam intentos homines in even- 11  
tū periculi alieni pro se incautos neglectis vigiliis sta-  
tionibusque est adortus, prius paene cepit castra quam  
obpugnari hostes satis scirent. inde fumo, ut convenerat, 12  
datum signum ubi conspectum ab dictatore est, exclamat,  
capta hostium castra, nuntiarique passim iubet.

XXVIII. Et iam luciscebat omniaque sub oculis erant. 1  
et Fabius cum equitatu impetum dederat et consul eruptio-  
nem e castris in trepidos iam hostes fecerat: dictator au- 2  
tem, parte altera subsidia et secundam aciem adortus,  
circumagenti se ad dissonos clamores ac subitos tumultus  
hosti undique obiecerat victorem peditem equitemque. cir- 3  
cumventi igitur iam in medio ad unum omnes poenas re-

bellionis dedissent, ni Vettius Messius ex Volscis, nobilior vir factis quam genere, iam orbem volventes suos in-  
 4 crepans clara voce 'hic praebituri' inquit 'vos telis hostium estis indefensi, inulti? quid igitur arma habetis aut quid ultro bellum intulistis, in otio tumultuosi, in bello segnes? quid hic stantibus spei est? an deum aliquem protecturum vos rapturumque hinc putatis? ferro via facienda est.  
 5 hac, qua me praegressum videritis, agite, qui visuri domos, parentes, coniuges, liberos estis, ite mecum. non murus nec vallum, sed armati armatis obstant. virtute pares, necessitate, quae ultimum ac maximum telum est,  
 6 superiores estis.' haec locutum exsequentemque dicta redintegrato clamore secuti dant inpressionem, qua Postumius Albus cohortes obiecerat, et moverunt victorem, donec dictator pedem iam referentibus suis advenit eoque  
 7 omne proelium versum est. uni viro Messio fortuna hostium innititur. multa utrimque vulnera, multa passim caedes est. iam ne duces quidem Romani incruenti pugn-  
 8 gnant. unus Postumius ictus saxo perfracto capite acie excessit. non dictatorem umerus vulneratus, non Fabium prope adfixum equo femur, non brachium abscisum consulem ex tam ancipiti proelio summovit.

1 XXVIII. Messium impetus per stratos caede hostes cum globo fortissimorum iuvenum extulit ad castra Vol-  
 2 scorum, quae nondum capta erant. eodem omnis acies inclinatur. consul effusos usque ad vallum persecutus ipsa castra vallumque adgreditur. eodem et dictator alia parte copias admovet. non segnior oppugnatio est quam pugna  
 3 fuerat. consulem signum quoque intra vallum iniecisse ferunt, quo milites acrius subirent, repetendoque signo primam inpressionem factam. et dictator proruto vallo iam  
 4 in castra proelium intulerat. tum abici passim arma ac dedi hostes coepti; castrisque et his captis hostes praeter senatores omnes venundati sunt. praedae pars sua cognoscentibus Latinis atque Hernicis reddita, partem sub hasta dictator vendidit; praepositoque consule castris ipse trium-  
 5 phans invectus urbem dictatura se abdicavit. egregiae dictaturae tristem memoriam faciunt, qui filium ab A. Postumio, quod occasione bene pugnandi captus iniussu

discesserit praesidio, victorem securi percussum tradunt. nec libet credere — et licet in variis opinionibus — et argumento est, quod imperia Manliana, non Postumiana appellata sint, quem qui prior auctor tam saevi exempli foret occupaturus insignem titulum crudelitatis fuerit. Imperioso quoque Manlio cognomen inditum, Postumius nulla tristi nota est insignitus.

Cn. Iulius consul aedem Apollinis absente collega sine sorte dedicavit. aegre id passus Quinctius cum dimisso exercitu in urbem redisset, nequiquam in senatu est conquestus.

Insigni magnis rebus anno additur nihil tum ad rem Romanam pertinere visum, quod Carthaginienses, tanti hostes futuri, tum primum per seditiones Siculorum ad partis alterius auxilium in Siciliam exercitum traiecere.

XXX. Agitatum in urbe ab tribunis plebis, ut tribuni militum consulari potestate crearentur, nec obtineri potuit. consules fiunt L. Papirius Crassus, L. Iulius. Aequorum legati foedus ab senatu cum petissent et pro foedere deditio ostentaretur, indutias annorum octo impetraverunt. Volscorum res super acceptam in Algido cladem pertinaci certamine inter pacis bellicue auctores in iurgia et seditiones versa. undique otium fuit Romanis. legem de multarum aestimatione pergratam populo cum ab tribunis parari consules unius ex collegio proditione excepissent, ipsi praeoccupaverunt ferre.

Consules L. Sergius Fidenas iterum, Hostius Lucretius Tricipitinus. nihil dignum dictu actum iis consulibus. secuti eos consules A. Cornelius Cossus, T. Quinctius Pennus iterum. Veientes in agrum Romanum excursionses fecerunt. fama fuit, quosdam ex Fidenatium iuventute participes eius populationis fuisse, cognitioque eius rei L. Sergio et Q. Servilio et Mam. Aemilio permissa. quidam Ostiam relegati, quod, cur per eos dies a Fidenis afuisent, parum constabat. colonorum additus numerus agerque his bello interemptorum adsignatus. siccitate eo anno plurimum laboratum est, nec caelestes modo defuerunt aquae, sed terra quoque ingenito umore egens vix ad perennes suffecit amnes. defectus alibi aquarum circa

torridos fontes rivosque stragem siti pecorum morientium dedit; scabie alia absumpta. volgatique contactu in homines morbi. et primo in agrestes ingruerant servitiaeque. urbs deinde inpletur. nec corpora modo adfecta tabo, sed animos quoque multiplex religio et pleraque externa invasit, novos ritus sacrificandi vaticinando inferentibus in domos, quibus quaestui sunt capti superstitione animi, donec publicus iam pudor ad primores civitatis pervenit, cernentes in omnibus vicis sacellisque peregrina atque insolita pricula pacis deum exposcendae. datum inde negotium aedilibus, ut animadverterent, ne qui nisi Romani dii neu quo alio more quam patrio colerentur.

Irae adversus Veientes in insequentem annum, Gaium Servilium Ahalam, L. Papirium Mugilanum consules dilatae sunt. tunc quoque, ne confestim bellum indiceretur neve exercitus mitterentur, religio obstitit: fetialis prius mittendos ad res repetendas censuere. cum Veientibus nuper acie dimicatum ad Nomentum et Fidenas fuerat indutiaeque inde, non pax facta, quarum et dies exierat et ante diem rebellaverant; missi tamen fetiales. nec eorum, cum more patrum iurati repeterent res, verba sunt audita. controversia inde fuit, utrum populi iussu indiceretur bellum an satis esset senatus consultum? pervicere tribuni denuntiando, impedituros se dilectum, ut Quinctius consul de bello ad populum ferret. omnes centuriae iussere. in eo quoque plebs superior fuit, quod tenuit, ne consules in proximum annum crearentur.

**XXXI.** Tribuni militum consulari potestate quattuor creati sunt: T. Quinctius Pennus ex consulatu, C. Furius, M. Postumius, A. Cornelius Cossus. ex his Cossus praefuit urbi, tres dilectu habito profecti sunt Veios documentoque fuere, quam plurimum imperium bello inutile esset. tendendo ad sua quisque consilia, cum aliud alii videretur, aperuerunt ad occasionem locum hosti. incertam namque aciem, signum aliis dari, receptui aliis cani iubentibus, invasere oportune Veientes. castra propinqua turbatos ac terga dantes acceperunt. plus itaque ignominiae quam cladis est acceptum. maesta civitas fuit vinci insueta: odisse tribunos, poscere dictatorem, in eo verti spes



civitatis. et cum ibi quoque religio obstaret, ne non posset nisi ab consule dici dictator, augures consulti eam religionem exemere. A. Cornelius dictatorem Mam. Aemilium dixit et ipse ab eo magister equitum est dictus: adeo, simul fortuna civitatis virtute vera eguit, nihil censoria animadversio effecit, quo minus regimen rerum ex notata indigne domo peteretur. Veientes, re secunda elati, missis circum Etruriae populos legatis iactando, tres duces Romanos ab se uno proelio fusos, cum tamen nullam publici consilii societatem movissent, voluntarios undique ad spem praedae adsciverunt. uni Fidenatium populo rebellare placuit, et tamquam nisi ab scelere bellum ordiri nefas esset, sicut legatorum ante, ita tum novorum colonorum caede inbutis armis, Veientibus sese coniungunt. consulare inde principes duorum populorum, Veios an Fidenas sedem belli caperent. Fidenae visae oportuniores. itaque trajecto Tiberi Veientes Fidenas transtulerunt bellum. Romae terror ingens erat. accito exercitu a Veïis eoque ipso ab re male gesta perculso, castra locantur ante portam Collinam, et in muris armati dispositi et iustitium in foro tabernaeque clausae, fiuntque omnia castris quam urbi similia.

XXXII. Cum trepidam civitatem praeconibus per vicinos dimissis dictator ad contionem advocatam increpuit, quod animos ex tam levibus momentis fortunae suspensos gererent, ut parva iactura accepta, quae ipsa non virtute hostium nec ignavia Romani exercitus, sed discordia imperatorum accepta sit, Veientem hostem sexiens victum pertimescant Fidenasque prope saepius captas quam oppugnatas. eosdem et Romanos et hostes esse, qui per tot saecula fuerint, eosdem animos, easdem corporis vires, eadem arma gerere; se quoque eundem dictatorem Mam. Aemilium esse, qui antea Veientium Fidenatiumque adiunctis Faliscis ad Nomentum exercitus fuderit, et magistrum equitum A. Cornelium eundem in acie fore, qui priore bello tribunus militum Larte Tolumnio rege Veientium in conspectu duorum exercituum occiso spolia opima Iovis Feretrii templo intulerit. proinde memores, secum triumphos, secum spolia, secum victoriam esse, cum hosti-

bus scelus legatorum contra ius gentium interfectorum, caedem in pace Fidenatum colonorum, indutias ruptas, 6 septimam infelicem defectionem, arma caperent. simul castra castris coniunxissent, satis confidere, nec scelera- tissimis hostibus diuturnum ex ignominia exercitus Ro- 7 mani gaudium fore et populum Romanum intellecturum, quanto melius de re publica meriti sint, qui se dictatorem tertium dixerint, quam (eos) qui ob ereptum censurae re- gnum labem secundae dictaturae suae inposuerint.

8 Votis deinde nuncupatis profectus mille et quingentos passus citra Fidenas castra locat, dextra montibus, laeva 9 Tiberi amne saeptus. T. Quinctium Pennum legatum oc- cupare montes iubet occultumque id iugum capere, quod 10 ab tergo hostibus foret. ipse postero die, cum Etrusci pleni animorum ab pristini diei meliore occasione quam pugna in aciem processissent, cunctatus parumper, dum specula- tores referrent, Quinctium evasisse in iugum propinquum 11 arcis Fidenarum, signa profert peditumque aciem instructam pleno gradu in hostem inducit. magistro equitum praecipit, ne iniussu pugnam incipiat: se, cum opus sit equestri au- xilio, signum daturum, tum ut memor regiae pugnae, me- mor opimi doni Romulique ac Iovis Feretrii rem gereret. 12 legiones impetu ingenti configunt. Romanus odio accen- sus, inpium Fidenatem, praedonem Veientem ruptores in- dutiarum, cruentos legatorum infanda caede, respersos sanguine colonorum suorum, perfidos socios, inbelles ho- stes compellans, factis simul dictisque odium explet.

1 XXXIII. Concusserat primo statim congressu hostem, cum repente patefactis Fidenarum portis nova erumpit acies 2 inaudita ante id tempus invisitataque: ignibus armata in- gens multitudo facibusque ardentibus tota conlucens velut fanatico instincta cursu in hostem ruit formaque insolitae 3 pugnae Romanos parumper exterruit. tum dictator ma- gistro equitum equitibusque, tum ex montibus Quinctio accito proelium ciens, ipse in sinistrum cornu, quod in- cendio similis quam proelio territum cesserat flammis, 4 accurrit, claraque voce 'fumone victi' inquit 'velut examen apium, loco vestro exacti inermi cedetis hosti? non ferro extinguitis ignes? non faces has ipsas pro se quisque, si

igni, non telis pugnandum est, ereptas ultro inferetis? agite, nominis Romani ac virtutis patrum vestraeque me- 5  
 mores vertite incendium hoc in hostium urbem et suis  
 flammis delete Fidenas, quas vestris beneficiis placare non  
 potuistis. legatorum hoc vos vestrorum colonorumque san-  
 guis vastatique fines monent.' ad imperium dictatoris mota 6  
 cuncta acies. faces partim emissae excipiuntur, partim vi  
 eripiuntur; utraque acies armatur igni. magister equitum 7  
 et ipse novat pugnam equestrem. frenos ut detrahant equis  
 imperat; et ipse princeps calcaribus subditis evectus ef-  
 freno equo in medios ignes infertur, et alii concitati equi  
 libero cursu ferunt equitem in hostem. pulvis elatus mix- 8  
 tasque fumo lucem ex oculis virorum equorumque aufert.  
 ea quae militem terruerat species nihil terruit equos. rui-  
 nae igitur similem stragem eques, quacumque pervaserat,  
 dedit. clamor deinde accidit novus; qui cum utramque mi- 9  
 rabundam in se aciem vertisset, dictator exclamat, Quinc-  
 tium legatum et suos ab tergo hostem adortos; ipse red-  
 integrato clamore infert acrius signa. cum duae acies duo 10  
 diversa proelia circumventos Etruscos et a fronte et ab  
 tergo urgerent neque in castra retro neque in montes — inde  
 se novus hostis obiecerat — iter fugae esset et equitem  
 passim liberis frenis distulissent equi, Veientium maxima  
 pars Tiberim effusi petunt, Fidenatum qui supersunt ad 11  
 urbem Fidenas tendunt. infert pavidos fuga in mediam  
 caedem; obtruncantur in ripis; alios in aquam compulsos  
 gurgites ferunt, etiam peritos nandi lassitudo et vulnera  
 et pavor degravant, pauci ex multis tranant. alterum agmen  
 fertur per castra in urbem. eadem et Romanos sequentes  
 impetus rapit, Quinctium maxime et cum eo degressos 12  
 modo de montibus, recentissimum ad laborem militem,  
 quia ultimo proelio advenerat.

XXXIII. Hi postquam mixti hostibus portam in- 1  
 traverunt, in muros evadunt suisque capti oppidi signum ex  
 muro tollunt. quod ubi dictator conspexit — iam enim 2  
 et ipse in deserta hostium castra penetraverat — cupien-  
 tem militem discurrere ad praedam spe iniecta maioris in  
 urbe praedae ad portam ducit receptusque intra muros in  
 arcem, quo ruere fugientium turbam videbat, pergit. nec 3

minor caedes in urbe quam in proelio fuit, donec abiectis armis nihil praeter vitam petentes dictatori deduntur. 4 urbs, castra diripiuntur. postero die, singulis captivis ab equite ad centurionem sorte ductis et quorum eximia virtus fuerat binis, aliis sub corona venundatis, exercitum victorem opulentumque praeda triumphans dictator 5 Romam reduxit, iussoque magistro equitum abdicare se magistratu, ipse deinde abdicat die sexto decimo reddito in pace imperio, quod in bello trepidisque rebus acceperat. 6 classi quoque ad Fidenas pugnatum cum Veientibus quidam in annales retulere, rem aequae difficilem atque incredibilem, nec nunc lato satis ad hoc anne et 7 tum aliquanto, ut a veteribus accepimus, artiore, nisi in traiectu forte fluminis prohibendo aliquarum navium concursum in maius, ut fit, celebrantes navalis victoriae vanum titulum appetivere.

1 XXXV. Insequens annus tribunos militares consulari potestate habuit A. Sempronium Atratinum, L. Quinctium Cincinnatum, L. Furium Medullinum, L. Horatium Barbatum. 2 Veientibus annorum viginti indutiae datae et Aequis triennii, cum plurium annorum petissent. et a seditionibus urbanis otium fuit.

3 Annum insequentem, neque bello foris neque domi seditione insignem, ludi bello voti celebrem et tribunorum 4 militum apparatu et finitimorum concursu fecere. tribuni consulari potestate erant [Ap.] Claudius Crassus, Spurius Nautius Rutilus, L. Sergius Fidenas, Sex. Iulius Iulus. 5 spectaculum comitate etiam hospitium, ad quam consensus erat consilio publico, advenis gratius fuit. post ludos contiones seditiosae tribunorum plebi fuerunt obiurgantium 6 multitudinem, quod admiratione eorum, quos odissent, stupens in aeterno se ipsa teneret servitio et non modo ad spem consulatus in partem revocandam aspirare non 7 auderet, sed ne in tribunis quidem militum creandis, quae communia essent comitia patrum ac plebis, aut sui aut suorum meminisset. desineret ergo mirari, cur nemo de commodis plebis ageret. eo inpendi laborem ac periculum, unde emolumentum atque honos speretur; nihil non aggressuros homines, si magna conatis magna praemia pro-

ponantur. ut quidem aliquis tribunus plebis ruat caecus 8  
 in certamina periculo ingenti, fructu nullo, ex quibus pro  
 certo habeat, patres, adversus quos tenderet, bello inex-  
 piabili se persecuturos, aput plebem, pro qua dimicaverit,  
 nihilo se honoratiorem fore, neque sperandum neque po-  
 stulandum esse. magnos animos magnis honoribus fieri. 9  
 neminem se plebeium contempturum, ubi contemni desis-  
 sent. experiundam rem denique in uno aut altero esse,  
 sitne aliqui plebeius ferendo magno honori an portento  
 simile miraculoque sit, fortem ac strenuum virum aliquem  
 existere ortum ex plebe. summa vi expugnatum esse, ut 10  
 tribuni militum consulari potestate et ex plebe crearentur.  
 petiasse viros domi militiaeque spectatos: primis annis sug-  
 gillatos, repulsos risui patribus fuisse, desisse postremo  
 praebere ad contumeliam os. nec se videre, cur non lex 11  
 quoque abrogetur, qua id liceat, quod numquam futurum  
 sit: minorem quippe ruborem fore in iuris iniquitate quam  
 si per indignitatem ipsorum praetereantur.

XXXVI. Huius generis orationes cum adsensu audi- 1  
 tae incitavere quosdam ad petendum tribunatum militum,  
 alium alia de commodis plebis laturum se in magistratu  
 profitentem. agri publici dividendi coloniarumque dedu- 2  
 cendarum ostentatae spes et vectigali possessoribus agro-  
 rum inposito in stipendium militum erogandi aeris. capta- 3  
 tum deinde tempus ab tribunis militum, quo per discessum  
 hominum ab urbe, cum patres clandestina denuntiatione  
 revocati ad diem certam essent, senatus consultum fieret  
 absentibus tribunis plebi, ut, quoniam Volscos in Herni- 4  
 oorum agros praedatum exisse fama esset, ad rem inspi-  
 ciendam tribuni militum proficiscerentur consulariaque co-  
 mitia haberentur. profecti Ap. Claudium filium decemviri 5  
 praefectum urbis relinquunt, inpigrum iuvenem et iam  
 inde ab incunabulis inbutum odio tribunorum plebisque.  
 tribuni plebi nec cum absentibus iis, qui senatus consul-  
 tum fecerant, nec cum Appio, transacta re, quod conten-  
 derent fuit.

XXXVII. Creati consules sunt C. Sempronius Atra- 1  
 tinus, Q. Fabius Vibulanus. peregrina res, sed memoria  
 digna traditur eo anno facta, Vulturnum Etruscorum urbem,

quae nunc Capua est, ab Samnitibus captam, Capuam-  
que ab duce eorum Capye vel, quod propius vero est, a  
2 campestri agro appellatam. cepere autem prius bello fati-  
gatis Etruscis in societatem urbis agrorumque accepti,  
deinde festo die gravis somno epulisque incolas veteres  
novi coloni nocturna caede adorti.

3 His rebus actis consules ii, quos diximus, idibus De-  
4 cembribus magistratum occepere. iam non solum, qui ad  
id missi erant, retulerant, imminere Volscum bellum, sed  
legati quoque ab Latinis et Hernicis nuntiabant, non ante  
umquam Volscos nec ducibus legendis nec exercitui scri-  
5 bendo intentiores fuisse: vulgo fremere, aut in perpetuum  
arma bellumque oblivioni danda iugumque accipiendum  
aut iis, cum quibus de imperio certetur, nec virtute nec  
6 patientia nec disciplina rei militaris cedendum esse. haut  
vana adtulere, sed nec perinde patres moti sunt et C.  
Sempronius, cui ea provincia sorti evenit, tamquam con-  
stantissimae rei, fortunae fretus, quod victoris populi ad-  
versus victos dux esset, omnia temere ac negligenter  
7 egit, adeo ut disciplinae Romanae plus in Volso exercitu  
quam in Romano esset. ergo fortuna, ut saepe alias,  
8 virtutem est secuta. primo proelio, quod ab Sempronio  
incaute inconsulteque commissum est, non subsidiis fir-  
9 mata acie, non equite apte locato concursus est. clamor  
indiciū primum fuit, qua res inclinatura esset, excitatior  
crebriorque ab hoste sublatus; ab Romanis dissonus, in-  
par, segnius saepe iteratus incerto clamore prodidit pa-  
10 vorem animorum. eo ferocior inlatus hostis urgere scutis,  
micare gladiis. altera ex parte nutant circumspectantibus  
11 galeae et incerti trepidant adplicantque se turbae. signa  
nunc resistentia deseruntur ab antesignanis, nunc inter  
suos manipulos recipiuntur. nondum fuga certa, nondum  
victoria erat. tegi magis Romanus quam pugnare: Vol-  
scus inferre signa, urgere aciem, plus caedis hostium  
videre quam fugae.

1 XXXVIII. Iam omnibus locis ceditur nequiquam  
2 Sempronio consule obiurgante atque hortante. nihil nec  
imperium nec maiestas valebat, dataque mox terga hosti-  
bus forent, ni Sex. Tempanius decurio equitum labante

iam re praesenti animo subvenisset. qui cum magna voce exclamasset, ut equites, qui salvam rem publicam vellent esse, ex equis desilirent, omnium turmarum equitibus 3 velut ad consulis imperium motis 'nisi haec' inquit 'parmata cohors sistit impetum hostium, actum de imperio est. sequimini pro vexillo cuspidem meam, ostendite Romanis Volscisque, neque equitibus vobis ullos equites nec peditibus esse pedites pares.' cum clamore conprobata ad- 4 hortatio esset, vadit alte cuspidem gerens. quacumque incedunt, vi viam faciunt, eo se inferunt obiectis parmis, ubi suorum plurimum laborem vident. restituitur omnibus 5 locis pugna, in quae eos inpetus tulit, nec dubium erat, quin, si tam pauci simul obire omnia possent, terga daturi hostes fuerint.

XXXVIII. Et cum iam parte nulla sustinerentur, 1 dat signum Volscus imperator, ut parmatis, novae cohorti hostium, locus detur, donec impetu inlati ab suis excludantur. quod ubi est factum, interclusi equites nec per- 2 rumpere eadem, qua transierant, posse, ibi maxime confertis hostibus, quaqua viam fecerant, et consul legionesque 3 Romanae, cum, quod tegumen modo omnis exercitus fuerat, nusquam viderent, ne tot fortissimos viros interclusos opprimeret hostis, tendunt in quemcumque casum. diversi 4 Volsci hinc consulem ac legiones sustinere, altera fronte instare Tempanio atque equitibus; qui cum saepe conati nequissent perrumpere ad suos, tumultu quodam occupato in orbem se tutabantur, nequaquam inulti. nec pugnae 5 finis ante noctem fuit. consul quoque nusquam remisso certamine, dum quicquam superfuit lucis, hostem tenuit. nox incertos diremit, tantusque ab imprudentia eventus 6 utraque castra tenuit pavor, ut relictis sauciis et magna parte impedimentorum ambo pro victis exercitus se in montes proximos reciperent. tumulus tamen circumsessus 7 ultra mediam noctem est. quo cum circumsedentibus nuntiatum esset, castra deserta esse, victos rati suos et ipsi, qua quemque in tenebris pavor tulit, fugerunt. Tempanius 8 metu insidiarum suos ad lucem tenuit. degressus deinde ipse cum paucis speculatum cum ab sauciis hostibus sciscitando comperisset, castra Volscorum deserta esse, laetus



ab tumulo suos devocat et in castra Romana penetrat.  
9 ubi cum vasta desertaque omnia atque eandem quam apud  
hostes foeditatem invenisset, priusquam Volscos cognitus  
error reduceret, quibus poterat sauciis ductis secum, igna-  
rus, quam regionem consul petisset, ad urbem proximis  
itineribus pergit.

1 XXXX. Iam eo fama pugnae adversae castrorumque  
desertorum perlata erat et ante omnia deplorati erant equi-  
2 tes non privato magis quam publico luctu Fabiusque con-  
sul terrore urbi quoque iniecto stationem ante portas age-  
bat, cum equites procul visi non sine terrore ab ducibus,  
quinam essent, mox cogniti tantam ex metu laetitiam  
fecere, ut clamor urbem pervaderet gratulantium, salvos  
3 victoresque redisse equites, et ex maestis paulo ante do-  
mibus, quae conclamaverant suos, procurreretur in vias  
pavidaeque matres ac coniuges, oblitae prae gaudio de-  
coris, obviam agmini occurrerent, in suos quaeque simul  
corpore atque animo vix prae gaudio compote effusae.  
4 tribunis plebi, qui M. Postumio et T. Quinctio diem dixe-  
rant, quod ad Veios eorum opera male pugnatum esset,  
occasio visa est per recens odium Semproni consulis re-  
5 novandae in eos invidiae. itaque advocata contione cum  
proditam Veiis rem publicam esse ab ducibus, proditum  
deinde, quia illis inpune fuerit, in Volscis ab consule  
exercitum, traditos ad caedem fortissimos equites, deserta  
6 foede castra vociferati essent, C. Iunius unus ex tribunis  
Tempanium equitem vocari iussit coramque ei ‘Sexte  
Tempani,’ inquit ‘quaero de te, arbitrerisne, Gaium Sem-  
pronium consulem aut in tempore pugnam inisse aut fir-  
masse subsidiis aciem aut ullo boni consulis functum officio?  
7 et tunc ipse victis legionibus Romanis tuo consilio equitem  
ad pedes deduxeris restituerisque pugnam? excluso deinde  
ab acie nostra tibi atque equitibus num aut consul ipse  
8 subvenerit aut miserit praesidium? postero denique die  
ecquid praesidi usquam habueris an tu cohorsque in castra  
vestra virtute perruperitis, ecquem in castris consulem,  
ecquem exercitum inveneritis an deserta castra, relictos  
9 saucios milites? haec pro virtute tua fideque, qua una  
hoc bello res publica stetit, dicenda tibi sunt hodie, deni-

que ubi C. Sempronius, ubi legiones nostrae sint, desertus sis an deserueris consulem exercitumque, victi denique simus an vicerimus?’

**XXXXI.** Adversus haec Tempani oratio incompta 1  
fuisse dicitur, ceterum militariter gravis, non suis vana laudibus, non crimine alieno laeta. quanta prudentia rei bellicae 2  
in C. Sempronio esset, non militis de imperatore existimationem esse, sed populi Romani fuisse, cum eum comitiis consulem legeret. itaque ne ab se imperatoria consilia neu consulares artes exquirere, quae pensitanda quoque magnis animis atque ingeniis essent; sed quod viderit, referre posse. vidisse autem se, priusquam ab acie intercluderetur, consulem in prima acie pignantem, adhortantem inter signa Romana telaque hostium versantem. postea se a conspectu suorum ablatum ex strepitu tamen et clamore sensisse, usque ad noctem extractum certamen; nec ad tumultum, quem ipse tenuerat, prae multitudine hostium credere perumpi potuisse. exercitus ubi esset, se nescire: arbitrari, 6  
velut ipse in re trepida loci praesidio se suosque sit tutatus, sic consulem servandi exercitus causa loca tutiora castris cepisse. nec Volscorum meliores res esse credere 7  
quam populi Romani: fortunam noctemque omnia erroris mutui inplesse. precantemque deinde, ne se fessum labore ac vulneribus tenerent, cum ingenti laude non virtutis magis quam moderationis dimissum.

Cum haec agerentur, iam consul via Labicana ad fa- 8  
num Quietis erat. eo missa plaustra iumentaue alia ab urbe exercitum adfectum proelio ac via nocturna excepere. paulo post in urbem est ingressus consul, non ab se magis 9  
enixe amovens culpam quam Tempanium meritis laudibus ferens. maestae civitati ab re male gesta et iratae ducibus 10  
M. Postumius reus obiectus, qui tribunus militum pro consule ad Veios fuerat, decem milibus aeris gravis damnatur. T. Quinctium collegam eius, quia et in Volscis consul 11  
auspicio dictatoris Postumi Tuberti et ad Fidenas legatus dictatoris alterius Mam. Aemili res prospere gesserat, totam culpam eius temporis in praedamnatum collegam transferentem omnes tribus absolverunt. profuisse ei Cinnati patris memoria dicitur, venerabilis viri, et exactae 12

iam aetatis Capitolinus Quinctius suppliciter orans, ne se brevi reliquo vitae spatio tam tristem nuntium ferre ad Cincinnatum paterentur.

1 XXXXII. Plebs tribunos plebi absentes Sex. Tempanium, A. Sellium, Sex. Antistium et Sp. Icilium fecit, quos et pro centurionibus sibi praefecerant Tempanio auctore equites. senatus, cum odio Semproni consulare nomen offenderet, tribunos militum consulari potestate creari iussit. creati sunt L. Manlius Capitolinus, Q. Antonius Merenda, L. Papirius Mugilanus.

3 Principio statim anni L. Hortensius tribunus plebis C. Sempronio consuli anni prioris diem dixit. quem cum quattuor collegae inspectante populo Romano orarent, ne imperatorem suum innoxium, in quo nihil praeter fortunam reprehendi posset, vexaret, aegre Hortensius pati, temptationem eam credens esse perseverantiae suae, nec precibus tribunorum, quae in speciem modo iactentur, sed auxilio  
4 confidere reum. itaque modo ad eum conversus, ubi illi patricii spiritus, ubi subnixus et fidens innocentiae animus esset, quaerebat: sub tribunicia umbra consularem virum  
5 delituisse; modo ad collegas: ‘vos autem, si reum perago, quid acturi estis? an erepturi ius populo et eversuri tribuniciam potestatem pl[ebeii]?’ cum illi et de Sempronio et de omnibus summam populi Romani potestatem esse dicerent, nec se iudicium populi tollere aut velle aut posse; sed si preces suae pro imperatore, qui sibi parentis esset  
6 loco, non valuissent, se vestem cum eo mutaturos: tum Hortensius ‘non videbit’ inquit ‘plebs Romana sordidatos tribunos suos. C. Sempronium nihil moror, quando hoc est in imperio consecutus, ut tam carus esset militibus.’  
7 nec pietas quattuor tribunorum quam Hortensi tam placabile ad iustas preces ingenium pariter plebi patribusque gratius fuit.

10 Non diutius fortuna Aequis indulset, qui ambiguam victoriam Volscorum pro sua amplexi fuerant.

1 XXXXIII. Proximo anno N. Fabio Vibulano, T. Quinctio Capitolini filio Capitolino consulibus ductu Fabi, cui sorte ea provincia evenerat, nihil dignum memoratu  
2 actum. cum trepidam tantum ostendissent aciem Aequi,

turpi fuga funduntur haud magno consulis decore. itaque triumphus negatus, ceterum ob Sempronianae cladis levatam ignominiam ut ovans urbem intraret concessum est.

Quemadmodum bellum minore quam timuerant diminutione erat perfectum, sic in urbe ex tranquillo necopinata moles discordiarum inter plebem ac patres exorta est, coepta ab duplicando quaestorum numero. quam rem — praeter duos urbanos quaestores duo ut consulibus ad ministeria belli praesto essent — a consulibus relatum cum et patres summa ope adprobassent, (a consulibus) tribuni plebi certamen intulerunt, ut pars quaestorum — nam ad id tempus patricii creati erant — ex plebe fieret. adversus quam actionem primo et consules et patres summa ope adnisi sunt: concedendo deinde, ut quemadmodum in tribunis consulari potestate creandis usi sunt, adaeque in quaestoribus liberum esset arbitrium populi, cum parum proficerent, totam rem de augendo quaestorum numero omittunt. excipiunt omissam tribuni aliaque subinde, inter quas et agrariae legis, seditiosae actiones existunt; propter quos motus cum senatus consules quam tribunos creari mallet neque posset per intercessionem tribunicias senatus consultum fieri, res (publica) a consulibus ad interregnum, neque id ipsum — nam coire patricos tribuni prohibebant — sine certamine ingenti, redit.

Cum pars maior insequentis anni per novos tribunos plebi et aliquot interreges certaminibus extracta esset, modo prohibentibus tribunis patricos coire ad prodendum interregem, modo interregem interpellantibus, ne senatus consultum de comitiis consularibus faceret, postremo L. Papirius Mugilanus proditus interrex castigando nunc patres nunc tribunos plebi, desertam omissamque ab hominibus rem publicam, deorum providentia curaque exceptam, memorabat Veientibus indutiis et cunctatione Aequorum stare. unde si quid increparet terroris, sine patricio magistratu placere rem publicam opprimi? non exercitum, non ducem scribendo exercitui esse? an bello intestino bellum externum propulsaturos? quae si in unum conveniant, vix deorum opibus quin obruatur Romana res resisti posse. quin illi remittendo de summa quisque iuris

12 mediis copularent concordiam, patres patiendo tribunos militum pro consulibus fieri, tribuni plebi non intercedendo, quominus quattuor quaestores promisce de plebe ac patribus libero suffragio populi fierent.

- 1 ~~XXXXIII~~. Tribunicia primum comitia sunt habita. creati tribuni consulari potestate omnes patricii: L. Quinctius Cincinnatus tertio, L. Furius Medullinus iterum, M.
- 2 Manlius, A. Sempronius Atratinus. hoc tribuno comitia quaestorum habente petentibusque inter aliquot plebeios filio Antisti tribuni plebis et fratre alterius tribuni plebis Sexti Pompili, nec potestas nec suffragatio horum valuit, quin, quorum patres avosque consules viderant, eos nobi-
- 3 litate praeferrent. furere omnes tribuni plebi, ante omnes
- 4 Pompilius Antistiusque repulsa suorum accensi: quidnam id rei esset, quod non suis beneficiis, non patrum iniuriis, non denique usurpandi libidine, cum liceat quod ante non licuerit, si non tribunum militarem, — ne quaestorem qui-
- 5 dem quemquam ex plebe factum! non valuisse patris pro filio, fratris pro fratre preces, tribunorum plebis, potestatis sacrosanctae ad auxilium libertatis creatae. fraudem profecto in re esse et A. Sempronium comitiis plus artis adhibuisse quam fidei. eius iniuria queri suos honore de-
- 6 iectos. itaque cum in ipsum et innocentia tutum et magistratu, in quo tunc erat, impetus fieri non posset, flexere iras in C. Sempronium, patruelem Atratini, eique ob ignominiam Volsci belli adiutore collega M. Canuleio diem
- 7 dixere. subinde ab isdem tribunis mentio in senatu de agris dividendis illata est, cui actioni semper acerrime C. Sempronius restiterat, ratis, id quod erat, aut deposita causa leviolem futurum apud patres reum aut perseveran-
- 8 tem sub iudicii tempus plebem offensurum. adversae invidiae obici maluit et suae nocere causae quam publicae deesse, stetitque in eadem sententia, ne qua largitio ces-
- 9 sura in triumphum gratiam tribunorum fieret. nec tam agrum plebi, sed sibi invidiam quaeri. se quoque subitum eam tempestatem forti animo. nec senatui tanti se civem aut quemquam alium debere esse, ut in parcendo uni malum
- 10 publicum fiat. nihilo demissiore animo, cum dies venit, causa ipse pro se dicta, nequiquam omnia expertis pa-

tribus, ut mitigarent plebem, quindecim milibus aeris damnatur.

Eodem anno Postumia virgo Vestalis de incestu causam dixit, criminis innoxia, ab suspicione propter cultum amoeniorem ingeniumque liberius quam virginem decet parum abhorrens. eam ampliata, deinde absolutam pro collegii sententia pontifex maximus abstinere iocis colique sancte potius quam scite iussit.

Eodem anno a Campanis Cumae, quam Graeci tum urbem tenebant, capiuntur.

Insequens annus tribunos militum consulari potestate habuit Agrippam Menenium Lanatum, P. Lucretium Tri-  
cipitinum, Spurium Nautium Rutilum.

XXXV. Annus felicitate populi Romani periculo potius ingenti quam clade insignis. servitia urbem ut incenderent distantibus locis coniurarunt populoque ad opem passim ferendam tectis intento ut arcem Capitoliumque armati occuparent. avertit nefanda consilia Iuppiter indicioque duorum comprehensi fontes poenas dederunt. indicibus dena milia gravis aeris, quae tum divitiae habebantur, ex aerario numerata et libertas praemium fuit.

Bellum inde ab Aequis reparari coeptum. et novos hostes Labicanos consilia cum veteribus iungere, haud incertis auctoribus Romam est allatum. Aequorum iam velut anniversariis armis adsueverat civitas, Labicos legati missi cum responsa inde retulissent dubia, quibus nec tum bellum parari nec diuturnam pacem fore appareret, Tusculanis negotium datum, adverterent animos, ne quid novi tumultus Labicis oreretur.

Ad insequentis anni tribunos militum consulari potestate inito magistratu legati ab Tusculo venerunt, L. Sergium Fidenatem, M. Papirium Mugilenum, C. Servilium Prisci filium, quo dictatore Fidenae captae fuerant. nuntiabant legati, Labicanos arma cepisse et cum Aequorum exercitu depopulatos agrum Tusculanum castra in Algidio posuisse. tum Labicanis bellum indictum; factoque senatus consulto, ut duo ex tribunis ad bellum proficiscerentur, unus res Romae curaret, certamen subito inter tribunos exortum. se quisque belli ducem potiore ferre,

8 curam urbis ut ingratham, ignobilem aspernari. cum parum decorum inter collegas certamen mirabundi patres conspicerent, Q. Servilius 'quando nec ordinis huius ulla' inquit 'nec rei publicae est verecundia, patria maiestas altercationem istam dirimet. filius meus extra sortem urbi praeerit. bellum utinam qui adpetunt consideratius concordiusque quam cupiunt gerant.'

1 XXXXVI. Dilectum haberi non ex toto passim populo placuit: decem tribus sorte ductae sunt. ex his scriptos  
2 iuniores duo tribuni ad bellum duxere. coepta inter eos in urbe certamina cupiditate eadem imperii multo inpen-  
3 sius in castris accendi: nihil sentire idem, pro sententia pugnare, sua consilia velle, sua imperia sola rata esse,  
4 contemnere invicem et contemni, donec castigantibus legatis tandem ita comparatum est, ut alternis diebus sum-  
5 mani imperii haberent. quae cum allata Romam essent, dicitur Q. Servilius, aetate et usu doctus, precatus ab diis immortalibus, ne discordia tribunorum damnosior rei publicae esset quam ad Veios fuisset, et velut haud dubia clade imminente, institisse filio, ut milites scriberet et arma  
6 pararet. nec falsus vates fuit. nam ductu L. Sergi, cuius dies imperii erat, loco iniquo sub hostium castris, cum, quia simulato metu receperat se hostis ad vallum, spes vana expugnandi castra eo traxisset, repentino impetu Aequorum per supinam vallem fusi sunt, multique in ruina  
7 maiore quam fuga oppressi obtruncatique. castraque eo die aegre retenta, postero die circumfusus iam magna ex parte hostibus per aversam portam fuga turpi deseruntur. duces legatique et quod circa signa roboris de exercitu  
8 fuit Tusculum petiere. palati alii per agros passim multis itineribus maioris quam accepta erat cladis nuntii Romam contenderunt. minus trepidationis fuit, quod eventus timori hominum congruens fuerat et quod subsidia, quae respicerent in re trepida, praeparata erant ab tribuno  
9 militum. iussuque eiusdem, per minores magistratus sedato in urbe tumultu, speculatores propere missi nuntiare, Tusculi duces exercitumque esse, hostem castra loco  
10 non movisse. et, quod plurimum animorum fecit, dictator ex senatus consulto dictus Q. Servilius Priscus, vir cuius



providentiam in re publica cum multis aliis tempestatibus ante experta civitas erat, tum eventu eius belli, quod uni certamen tribunorum suspectum ante rem male gestam fuerat; magistro equitum creato, a quo ipse tribuno militum dictator erat dictus, filio suo — ut tradidere quidam, nam alii Aham Servilium magistrum equitum eo anno fuisse scribunt — novo exercitu profectus ad bellum, accitis qui Tusculi erant, duo milia passum ab hoste locum castris cepit.

XXXVII. Transierat ex re bene gesta superbia negligentiaque ad Aequos, quae in Romanis ducibus fuerat. itaque primo statim proelio cum dictator equitatu inmisso antesignanos hostium turbasset, legionum inde signa inferri propere iussit signiferumque ex suis unum cunctantem occidit. tantus ardor ad dimicandum fuit, ut impetum Aequi non tulerint, victique acie cum fuga effusa petissent castra, brevior tempore et certamine minor castrorum opugnatio fuit quam proelium fuerat. captis direptisque castris cum praedam dictator militi concessisset secutique fugientem ex castris hostem equites renuntiassent, omnes Labicanos victos, magnam partem Aequorum Labicos confugisse, postero die ad Labicos ductus exercitus, oppidumque corona circumdata scalis captum ac direptum est. dictator exercitu victore Romam reducto, die octavo quam creatus erat, magistratu se abdicavit; et oportune senatus, priusquam ab tribunis plebi agrariae seditiones mentione illata de agro Labicano dividendo fierent, censuit frequens, coloniam Labicos deducendam. coloni ab urbe mille et quingenti missi bina iugera acceperant.

Captis Labicis ac deinde tribunis militum consulari potestate Agrippa Menenio Lanato et L. Servilio Structo et P. Lucretio Tricipitino, iterum omnibus his, et Spurio Veturio Crasso, et insequente anno A. Sempronio Atratio tertium et duobus iterum M. Papirio Mugilano et Sp. Nautio Rutilo, biennium tranquillae externae res, discordia domi ex agrariis legibus fuit.

XXXVIII. Turbatores vulgi erant Sp. Maecilius quarto et [M.] Metilius tertio tribuni plebis, ambo absentes creati. et cum rogationem promulgassent, ut ager ex

hostibus captus viritum divideretur magnaeque partis nobilium eo plebi scito publicarentur fortunae — nec enim ferme quicquam agri, ut in urbe alieno solo posita, non armis partum erat, nec quod venisset adsignatumve publice esset praeterquam plebs habebat — atrox plebi patribusque propositum videbatur certamen. nec tribuni militum nunc in senatu nunc in consiliis privatis principum cogendis viam consilii inveniebant, cum Ap. Claudius, nepos eius, qui decemvir legibus scribendis fuerat, minimus natus ex patrum concilio, dicitur dixisse, vetus se ac familiare consilium domo adferre: proavum enim suum Ap. Claudium ostendisse patribus viam unam dissolvendae tribuniciae potestatis per collegarum intercessionem. facile homines novos auctoritate principum de sententia deduci, si temporum interdum potius quam maiestatis memor adhibeatur oratio. pro fortuna illis animos esse. ubi videant, collegas principes agenda rei gratiam omnem ad plebem praeoccupasse nec locum in ea relictum sibi, haut gravate adclinaturos se ad causam senatus, per quam universo ordini, tum primoribus se patrum concilient. adprobantibus cunctis et ante omnes Q. Servilio Prisco quod non degenerasset ab stirpe Claudia conlaudante iuvenem, negotium datur, ut quos quisque posset ex collegio tribunorum ad intercessionem perlicerent. misso senatu pressantur ab principibus tribuni. suadendo, monendo pollicendoque, gratum id singulis privatim, gratum universo senatui fore, sex ad intercessionem comparavere; posteroque die cum ex composito relatum ad senatum esset de seditione, quam Maecilius Metiliusque largitione pessimi exempli concirent, eae orationes a primoribus patrum habitae sunt, ut pro se quisque iam nec consilium sibi suppetere diceret nec se ullam opem cernere aliam usquam praeterquam in tribunicio auxilio. in eius potestatis fidem circumventam rem publicam tamquam privatum inopem confugere. praeclarum ipsis potestatique esse, non ad vexandum senatum discordiamque ordinum movendam plus in tribunatu virium esse quam ad resistendum improbis conlegis. fremitus deinde universi senatus ortus, cum ex omnibus partibus curiae tribuni appellarentur. tum silentio

facto ii, qui praeparati erant gratia principum, quam rogationem a collegis promulgatam senatus censeat dissolvendae rei publicae esse, ei se intercessuros ostendunt. gratiae intercessoribus ab senatu actae. latores rogationis 16  
contione advocata proditores plebis commodorum ac servos consularium appellantes aliaque truci oratione in collegas invecti actionem deposuere.

**XXXVIII.** Ac duo bella insequens annus habuisset, quo P. Cornelius Cossus, C. Valerius Potitus, Q. Quinctius Cincinnatus, N. Fabius Vibulanus tribuni militum consulari potestate fuerunt, ni Veiens bellum religio principum distulisset, quorum agros Tiberis super ripas effusus maxime ruinis villarum vastavit. simul Aequos triennio 3  
ante accepta clades prohibuit Bolanis, suae gentis populo, praesidium ferre. excursions inde in confinem agrum Labicanum factae erant novisque colonis bellum inlatum. quam noxam cum se consensu omnium Aequorum defensores sperassent, deserti ab suis ne memorabili quidem bello per obsidionem levemque unam pugnam et oppidum et fines amisere. temptatum ab L. Sextio tribuno plebis, 6  
ut rogationem ferret, qua Bolas quoque sicut Labicos coloni mitterentur, per intercessionem collegarum, qui nullum plebi scitum nisi ex auctoritate senatus passuros se perferri ostenderunt, discussum est.

Bolis insequente anno receptis Aequi coloniaque eo 7  
deducta novis viribus oppidum firmarunt, tribunis militum Romae consulari potestate Cn. Cornelio Cosso, L. Valerio Potito, Q. Fabio Vibulano iterum, M. Postumio Regillensi. huic bellum adversus Aequos permissum est, pravae mentis homini, quam tamen victoria magis quam bellum ostendit. nam exercitu inpigre scripto ductoque ad Bolas cum 9  
levibus proeliis Aequorum animos fregisset, postremo in oppidum inrupit. deinde ab hostibus in civis certamen vertit et, cum inter oppugnationem praedam militis fore edixisset, capto oppido fidem mutavit. eam magis adducor ut credam irae causam exercitui fuisse, quam quod in urbe nuper direpta coloniaque nova minus praedicatione tribuni praedae fuerit. auxit eam iram, postquam 11  
ab collegis arcessitus propter seditiones tribunicias in ur-

bem revertit, audita vox eius in contione stolidi ac prope  
 vecors, qua Sextio tribuno plebis legem agrariam ferenti,  
 simul Bolas quoque ut mitterentur coloni laturum se di-  
 centi — dignos enim esse, qui armis cepissent, eorum ur-  
 bem agrumque Bolanum esse — ‘malum quidem militibus  
 meis,’ inquit ‘nisi quieverint.’ quod auditum non contio-  
 12 nem magis quam mox patres offendit. et tribunus plebis,  
 vir acer nec infacundus, nactus inter adversarios super-  
 bum ingenium inmodicamque linguam, quam irritando  
 agitandoque in eas inpelleret voces, quae invidiae non ipsi  
 tantum, sed causae atque universo ordini essent, neminem  
 ex collegio tribunorum militum saepius quam Postumium  
 13 in disceptationem trahebat. tum vero secundum tam sae-  
 vum atque inhumanum dictum ‘auditis,’ inquit ‘Quirites,  
 14 sicut servis malum minantem militibus? tamen haec belua  
 dignior vobis tanto honore videbitur quam qui vos urbe  
 agrisque donatos in colonias mittunt, qui sedem senectuti  
 vestrae prospiciunt, qui pro vestris commodis adversus  
 15 tam crudeles superbosque adversarios depugnant? incipite  
 deinde mirari, cur pauci iam vestram suscipiant causam.  
 quid ut a vobis sperent? an honores, quos adversariis ve-  
 stris potius quam populi Romani propugnatoribus datis?  
 16 ingemuistis modo voce huius audita. quid id refert? iam  
 si suffragium detur, hunc, qui malum vobis minatur, iis, qui  
 agros sedesque ac fortunas stabilire volunt, praeferetis.’

1 L. Perlata haec vox Postumi ad milites multo in ca-  
 stris maiorem indignationem movit: praedaene intercepto-  
 2 rem fraudatoremque etiam malum minari militibus? itaque  
 cum fremitus aperte esset et quaestor P. Sestius eadem  
 violentia coerceri putaret seditionem posse, qua mota erat,  
 misso ad vociferantem quendam militem lictore, cum inde  
 3 clamor et iurgium oreretur, saxo ictus turba excedit, in-  
 super increpante qui vulneraverat, habere quaestorem, quod  
 4 inperator esset militibus minatus. ad hunc tumultum ac-  
 citus Postumius asperiora omnia fecit acerbis quaestioni-  
 bus, crudelibus suppliciis. postremo cum modum irae nul-  
 lum faceret, ad vociferationem eorum, quos necari sub crate  
 iusserat, concursu facto, ipse ad interpellantis poenam ve-  
 5 cors de tribunali decurrit. ibi cum submoventes passim

lictos centurionesque vexarent turbam, eo indignatio erupit, ut tribunus militum ab exercitu suo lapidibus cooperiretur. quod tam atrox facinus postquam est Romam nuntiatum, tribunis militum de morte collegae per senatum quaestionis decernentibus tribuni plebis intercedebant. sed ea contentio ex certamine alio pendebat, quod cura incenserat patres, ne metu quaestionum plebs iraque tribunos militum ex plebe crearet, tendebantque summa ope, ut consules crearentur. cum senatus consultum fieri tribuni plebis non paterentur, idem intercederent consularibus comitiis, res ad interregnum rediit. victoria deinde penes patres fuit.

LI. Q. Fabio Vibulano interrege comitia habente consules creati sunt A. Cornelius Cossus, [L.] Furius Medullinus. his consulibus principio anni senatus consultum factum est, ut de quaestione Postumianae caedis tribuni primo quoque tempore ad plebem ferrent plebesque praeficeret quaestioni quem vellet. a plebe consensu populi consulibus negotium mandatur; qui summa moderatione ac lenitate per paucorum supplicium, quos sibimet ipsos conscisse mortem satis creditum est, transacta re, nequivere tamen consequi, ut non aegerrime id plebs ferret. iacere tam diu inritas actiones quae de suis commodis ferrentur, cum interim de sanguine ac supplicio suo latam legem confestim exerceri et tantam vim habere. aptissimum tempus fuerat, vindicatis seditionibus delenimentum animis Bolani agri divisionem obici, quo facto minuissent desiderium agrariae legis, quae possesso per iniuriam agro publico patres pellebat. tunc haec ipsa indignitas angebat animos, non in retinendis modo publicis agris, quos vi teneret, pertinacem nobilitatem esse, sed ne vacuum quidem agrum nuper ex hostibus captum plebi dividere, mox paucis ut cetera futurum praedae.

Eodem anno adversus Volscos populantes Hernicorum fines legiones ductae a Furio consule cum hostem ibi non invenissent, Ferentinum, quo magna multitudo Volscorum se contulerat, cepere. minus praedae quam speraverant fuit, quod Volsci, postquam spes tuendi exigua erat, sublati rebus nocte oppidum reliquerunt. postero die prope desertum capitur. Hernicis ipsum agerque dono datus.

1 LII. Annum modestia tribunorum quietum excepit tri-  
bunus plebis L. Icilius Q. Fabio Ambusto, C. Furio Pacilo  
2 consulibus. is cum principio statim anni velut pensum  
nominis familiaeque seditionis agrariis legibus promulgan-  
3 dis cieret, pestilentia coorta, minacior tamen quam perni-  
ciosior, cogitationes hominum a foro certaminibusque pu-  
blicis ad domum curamque corporum nutriendorum avertit;  
minusque eam damnosam fuisse quam seditio futura fuerit  
credunt.

4 Defuncta civitate plurimorum morbis, perpaucis fune-  
ribus, pestilentem annum inopia frugum neglecto cultu  
agrorum, ut plerumque fit, excepit M. Papirio Atratio,  
5 C. Nautio Rutilo consulibus. iam fames quam pestilentia  
tristior erat, ni dimissis circa omnes populos legatis, qui  
Etruscum mare quique Tiberim accolunt, ad frumentum  
6 mercandum annonae foret subventum. superbe ab Samni-  
tibus, qui Capuam habebant Cumasque, legati prohibiti  
conmercio sunt, contra ea benigne ab Siculorum tyrannis  
adiuti. maximos conmeatus summo Etruriae studio Ti-  
7 beris devexit. solitudinem in civitate aegra experti con-  
sules sunt, cum in legationes non plus singulis senatoribus  
8 invenientes coacti sunt binos equites adicere. praeter-  
quam ab morbo annonaeque nihil eo biennio intestini ex-  
ternive incommodi fuit. at ubi eae sollicitudines disces-  
sere, omnia, quibus turbari solita erat civitas, domi discor-  
dia, foris bellum exortum.

1 LIII. M'. Aemilio, C. Valerio Potito consulibus bellum  
Aequi parabant, Volscis quamquam non publico consilio  
capessentibus arma, voluntariis mercede secutis militiam.  
2 ad quorum famam hostium — iam enim in Latinum Her-  
nicumque transcenderant agrum — dilectum habentem Va-  
lerium consulem M. Menenius tribunus plebis, legis agrariae  
lator, cum inpediret auxilioque tribuni nemo invitus  
3 sacramento diceret, repente nuntiatur, arcem Carventanam  
4 ab hostibus occupatam esse. ea ignominia accepta cum  
apud patres invidiae Menenio fuit, tum ceteris tribunis,  
iam ante praeparatis intercessoribus legis agrariae, prae-  
5 buit iustiore causam resistendi collegae. itaque cum res  
diu ducta per altercationem esset, consulibus deos homi-

nesque testantibus, quidquid ab hostibus cladis ignominiae-  
 que aut iam acceptum esset aut inmineret, culpam penes  
 Menenium fore, qui dilectum impediret; Menenio contra 6  
 vociferante, si iniusti domini possessione agri publici ce-  
 derent, se moram dilectui non facere: decreto interposito  
 novem tribuni sustulerunt certamen pronuntiaveruntque ex 7  
 collegii sententia, C. Valerio consuli se, damnum aliam-  
 que coercionem adversus intercessionem collegae dilectus  
 causa detractantibus militiam inhibenti, auxilio futuros  
 esse. hoc decreto consul armatus cum paucis appellanti- 8  
 bus tribunum collum torsisset, metu ceteri sacramento di-  
 xere. ductus exercitus ad Carventanam arcem, quamquam 9  
 invisus infestusque consuli erat, inpigre primo statim ad-  
 ventu deiectis qui in praesidio erant, arcem recepit, prae-  
 datores ex praesidio per negligentiam dilapsi occasionem  
 aperuere ad invadendum. praedae ex adsiduis populatio- 10  
 nibus, quod omnia in locum tutum congesta erant, fuit  
 aliquantum. venditum sub hasta consul in aerarium redi-  
 gere quaestores iussit, tum praedicans participem praedae  
 fore exercitum, cum militiam non abnuisset. auctae inde 11  
 plebis ac militum in consulem irae. itaque cum ex sena-  
 tus consulto urbem ovans introiret, alternis inconditi ver-  
 sus militari licentia iactati, quibus consul increpitus, Meneni 12  
 celebre nomen laudibus fuit, cum ad omnem mentionem  
 tribuni favor circumstantis populi plausuque et adsensu  
 cum vocibus militum certaret. plusque ea res quam prope 13  
 sollemnis militum lascivia in consulem curae patribus in-  
 iecit, et tamquam haut dubius inter tribunos militum honos  
 Meneni, si peteret, consularibus comitiis est exclusus.

LIII. Creati consules sunt Cn. Cornelius Cossus, L. 1  
 Furius Medullinus iterum. non alias aegrius plebs tulit 2  
 tribunicia comitia sibi non commissa. eum dolorem quae-  
 storiis comitiis simul ostendit et ulta est, tunc primum ple-  
 beis quaestoribus creatis, ita ut in quattuor creandis uni 3  
 patricio K. Fabio Ambusto relinqueretur locus, tres ple-  
 beii Q. Silius, P. Aelius, P. Pupius clarissimarum familia-  
 rum iuvenibus praeferrentur. auctores fuisse tam liberi 4  
 populo suffragi Icilius accipio — ex familia infestissima  
 patribus tres in eum annum tribunos plebis creatos, (hi)



multarum magnarumque rerum molem avidissimo adeo po-  
5 pulo ostentantes —, cum adfirmassent, nihil se moturos,  
si ne quaestoriis quidem comitiis, quae sola promiscua ple-  
bei patribusque reliquisset senatus, satis animi populo es-  
6 set ad id, quod tam diu vellent et per leges liceret. pro  
ingenti itaque victoria id fuit plebi quaesturamque eam  
non honoris ipsius fine aestimabant, sed patefactus ad con-  
sulatum ac triumphos locus novis hominibus videbatur.  
7 patres contra non pro communicatis, sed pro amissis ho-  
noribus fremere; negare, si ea ita sint, liberos tollendos  
esse, qui pulsi maiorum loco cernentesque alios in posses-  
sione dignitatis suae salii flaminesque nusquam alio quam  
ad sacrificandum pro populo sine imperiis ac potestatibus  
8 relinquuntur. inritatis utriusque partis animis, cum et spi-  
ritus plebs sumpsisset et tres ad popularem causam cele-  
berrimi nominis haberet duces, patres omnia quaestoriis  
comitiis, ubi utrumque plebi liceret, similia fore cernentes  
tendere ad consulum comitia, quae nondum promiscua  
9 essent; Icilius contra tribunos militum creandos dicere et  
tandem aliquando inpertiendo plebi honores.

1 LV. Sed nulla erat consularis actio, quam inpediendo  
id quod petebant exprimerent, cum mira oportunitate Vol-  
scos et Aequos praedatum extra fines exisse in agrum La-  
2 tinum Hernicumque adfertur. ad quod bellum ubi ex se-  
natus consulto consules dilectum habere occipiunt, obstare  
tunc enixe tribuni, sibi plebique eam fortunam oblatam  
3 memorantes. tres erant et omnes acerrimi viri generosi-  
que iam ut inter plebeios. duo singuli singulos sibi con-  
sules adservandos adsidua opera desumunt, uni contionibus  
4 data nunc detinenda nunc concienda plebs. nec dilectum  
consules nec comitia, quae petebant, tribuni expediebant.  
inclinante deinde se fortuna ad causam plebis nuntii ve-  
niunt, arcem Carventanam dilapsis ad praedam militibus,  
qui in praesidio erant, Aequos interfectis paucis custodi-  
bus arcis invasisse; alios recurrentes in arcem, alios pa-  
5 lantes in agris caesos. ea adversa civitatis res vires tribu-  
niciae actioni adiecit. nequiquam enim temptati, ut tum  
denique desisterent inpediendo bello, postquam non ces-  
sere nec publicae tempestati nec suae invidiae, pervincunt,

ut senatus consultum fiat de tribunis militum creandis, certo tamen pacto, ne cuius ratio haberetur, qui eo anno 6 tribunus plebis esset, neve quis reficeretur in annum tribunus plebis, haut dubie Icilius denotante senatu, quos 7 mercedem seditiosi tribunatus petere consulatum insimulabant. tum dilectus haberi bellumque omnium ordinum consensu apparari coeptum. consules ambo profecti sint 8 ad arcem Carventanam an alter ad comitia habenda substituerit, incertum diversi auctores faciunt: illa pro certo habenda, in quibus non dissentiunt, ab arce Carventana, cum diu nequiquam oppugnata esset, recessum, Verruginem in Volscis eodem exercitu receptam populationesque et praedas et in Aequis et in Volsco agro ingentes factas.

LVI. Romae sicut plebis victoria fuit in eo, ut quae 1 mallent comitia haberent, ita eventu comitiorum patres evicere; namque tribuni militum consulari potestate contra 2 spem omnium tres patricii creati sunt: C. Iulius Iulus, P. Cornelius Cossus, C. Servilius Ahala. artem adhibitam 3 ferunt a patriciis, cuius eos Icilius tum quoque insimulabant, quod turbam indignorum candidatorum intermiscendo dignis taedio sordium in quibusdam insignium populum ab plebeiis avertissent.

Volscos deinde et Aequos, seu Carventana arx retenta 4 in spem seu Verrugine amissum praesidium ad iram cum impulisset, fama adfertur summa vi ad bellum coortos, caput rerum Antiates esse, eorum legatos utriusque gen- 5 tis populos circumnisse castigantes [increpantes]que ignaviam, quod abditi intra muros populabundos in agris vagari Romanos priore anno et opprimi Verruginis praesidium passi essent. iam non exercitus modo armatos, sed 6 colonias etiam in suos fines mitti; nec ipsos modo Romanos sua divisa habere, sed Ferentinum etiam de se captum Hernicis donasse. ad haec cum inflammarentur 7 animi, ut ad quosque ventum erat, numerus iuniorum conscribatur. ita omnium populorum iuventus Antium contracta. ibi castris positus hostem opperiebantur. quae ubi 8 tumultu maiore etiam, quam res erat, nuntiantur Romam, senatus extemplo, quod in rebus trepidis ultimum consilium erat, dictatorem dici iussit. quam rem aegre passos 9

Iulium Corneliumque ferunt, magnoque certamine animo-  
10 rum rem actam, cum primores patrum nequiquam con-  
questi, non esse in auctoritate senatus tribunos militum,  
postremo etiam tribunos plebi appellarent et consulibus  
quoque ab ea potestate vim super tali re inhibitam refer-  
11 rent; tribuni plebi, laeti discordia patrum, nihil esse in  
iis auxilii dicerent, quibus non civium, non denique homi-  
12 num numero essent. si quando promisci honores, com-  
municata res publica esset, tum se animadversuros, ne  
qua superbia magistratum irrita senatus consulta essent;  
13 interim patricii, soluti legum magistratumque verecundia,  
per se quoque tribuniciam potestatem agerent.

1 LVII. Haec contentio minime idoneo tempore, cum  
tantum belli in manibus esset, occupaverat cogitationes  
2 hominum, donec, ubi diu alternis Iulius Corneliusque,  
cum ad id bellum ipsi satis idonei duces essent, non esse  
aequum, mandatum sibi a populo eripi honorem disse-  
3 ruere, tum Ahala Servilius tribunus militum tacuisse se  
tam diu ait, non quia incertus sententiae fuerit — quem  
enim bonum civem discernere sua a publicis consilia? —,  
sed quia maluerit collegas sua sponte cedere auctoritati  
senatus quam tribuniciam potestatem adversus se inplo-  
4 rari paterentur. tum quoque, si res sineret, libenter se  
datum tempus iis fuisse ad receptum nimis pertinacis  
sententiae. sed cum belli necessitates non expectent hu-  
mana consilia, potiolem sibi collegarum gratia rem pu-  
5 blicam fore et, si maneat in sententia senatus, dictatorem  
nocte proxima dicturum ac, si quis intercedat senatus  
6 consulto, auctoritate se fore contentum. quo facto cum  
haud inmeritam laudem gratiamque aput omnis tulisset,  
dictatore P. Cornelio dicto, ipse ab eo magister equitum  
creatus est. exemplo fuit collegas eumque intuentibus,  
quam gratia atque honos oportuniora interdum non cu-  
pientibus essent.

7 Bellum haud memorabile fuit. uno atque eo facili  
proelio caesi ad Antium hostes, victor exercitus depu-  
latus Volscum agrum, castellum ad lacum Fucinum  
vi expugnatum atque in eo tria milia hominum capta,  
ceteris Volscis intra moenia compulsis nec defendentibus

agros. dictator bello ita gesto, ut tantum non defuisse 8  
 fortunae videretur, felicitate quam gloria maior in urbem  
 redit, magistratuque se abdicavit. tribuni militum men- 9  
 tione nulla comitiorum consularium habita, credo ob iram  
 dictatoris creati, tribunorum militum comitia edixerunt.  
 tum vero gravior cura patribus incessit, quippe cum prodi 10  
 causam ab suis cernerent. itaque sicut priore anno per 11  
 indignissimos ex plebeiis candidatos omnium etiam di-  
 gnorum taedium fecerant, sic tum primoribus patrum  
 splendore gratiaque ad petendum praeparatis omnia loca  
 obtinuere, ne cui plebeio aditus esset. quattuor creati 12  
 sunt, omnes iam functi eo honore: L. Furius Medullinus,  
 C. Valerius Potitus, N. Fabius Vibulanus, C. Servilius  
 Ahala, hic reffectus continuato honore cum ob alias vir-  
 tutes tum ob recentem favorem unica moderatione partum.

LVIII. Eo anno quia tempus indutiarum cum Veienti 1  
 populo exierat, per legatos fetialesque res repeti coeptae.  
 quibus venientibus ad finem legatio Veientium obviam  
 fuit. petiere, ne prius quam ipsi senatum Romanum adis- 2  
 sent, Veios iretur. ab senatu impetratum, quia discordia  
 intestina laborarent Veientes, ne res ab iis repeterentur:  
 tantum afuit, ut ex incommodo alieno sua occasio pete-  
 retur. et in Volscis accepta clades amisso Verrugine 3  
 praesidio; ubi tantum in tempore fuit momenti, ut, cum  
 precantibus opem militibus, qui ibi a Volscis obsideban-  
 tur, succurri, si maturatum esset, potuisset, ad id venerit  
 exercitus subsidio missus, ut ab recenti caede palati ad  
 praedandum hostes opprimerentur. tarditatis causa in se- 4  
 natu magis fuit quam tribunis; qui, quia summa vi restare  
 nuntiabantur, parum cogitaverunt, nulla virtute superari  
 humanarum virium modum. fortissimi milites non tamen 5  
 nec vivi nec post mortem inulti fuere.

Insequenti anno P. et Cn. Corneliis Cossis, N. Fabio 6  
 Ambusto, L. Valerio Potito tribunis militum consulari  
 potestate Veiens bellum motum ob superbum responsum  
 Veientis senatus, qui legatis repetentibus res, ni facesse- 7  
 rent propere urbe finibusque, daturus quod Lars Tolum-  
 nius dedisset, responderi iussit. id patres aegre passi 8  
 decrevere, ut tribuni militum de bello indicendo Veientibus

9 primo quoque die ad populum ferrent. quod ubi primo  
promulgatum est, fremere iuventus, nondum debellatum  
cum Volscis esse, modo duo praesidia occidione occisa et  
10 cum periculo retineri; nullum annum esse, quo non acie  
dimicaretur, et tamquam paeniteat laboris novum bellum  
cum finitimo populo et potentissimo parari, qui omnem  
11 Etruriam sit concitaturus. haec sua sponte agitata in-  
super tribuni plebis accendunt. maximum bellum patri-  
12 bus cum plebe esse dictitant: eam de industria vexandam  
militia trucidandamque hostibus obici, eam procul urbe  
haberi atque ablegari, ne domi per otium memor libertatis  
coloniarumque aut agri publici aut suffragii libere ferendi  
13 consilia agitet. prensantesque veteranos stipendia cuius-  
que et volnera ac cicatrices numerabant, quid iam integri  
esset in corpore loci ad nova volnera accipienda, quid  
super sanguinis, qui dari pro re publica posset, rogitantes.  
14 haec cum in sermonibus contionibusque interdum agitan-  
tes avertissent plebem ab suscipiendo bello, profertur tem-  
pus ferundae legis, quam, si subiecta invidiae esset, an-  
tiquari apparebat.

1 LVIII. Interim tribunos militum in Volscum agrum  
ducere exercitum placuit; Cn. Cornelius unus Romae re-  
2 lictus. tres tribuni, postquam nullo loco castra Volsco-  
rum esse nec commissuros se proelio apparuit, tripertito  
ad devastandos fines discessere. Valerius Antium petit,  
3 Cornelius Ecetras; quacumque incessere, late populati sunt  
tectata agrosque, ut distinerent Volscos; Fabius, quod ma-  
xime petebatur, ad Anxur oppugnandum sine ulla popu-  
4 latione accessit. Anxur fuit quae nunc Tarracinae sunt,  
urbs prona in paludes. ab ea parte Fabius oppugnatio-  
5 nem ostendit. circummissae quattuor cohortes cum C. Ser-  
vilio Ahala cum imminentem urbi collem cepissent, ex loco  
altiore qua nullum erat praesidium ingenti clamore ac tu-  
6 multu moenia invasere. ad quem tumultum obstupefacti  
qui adversus Fabium urbem infimam tuebantur locum de-  
dere scalas admovendi, plenaque hostium cuncta erant et  
inmitis diu caedes pariter fugientium ac resistentium, ar-  
7 matorum atque inermium fuit. cogeabantur itaque victi,  
quia cedentibus spei nil erat, pugnam inire, cum pronun-

tiatum repente, ne quis praeter armatus violaretur, reliquam omnem multitudinem voluntariam exuit armis; quorum ad duo milia et quingenti vivi capiuntur. a cetera 8 praeda Fabius militem abstinuit, donec collegae venirent, ab illis quoque exercitibus captum Anxur dictitans esse, 9 qui ceteros Volscos a praesidio eius loci avertissent. qui 10 ubi venerunt, oppidum vetere fortuna opulentum tres exercitus diripere. eaque primum benignitas imperatorum plebem patribus conciliavit. additum deinde omnium ma- 11 xime tempestivo principum in multitudinem munere, ut ante mentionem ullam plebis tribunorumque decerneret senatus, ut stipendium miles de publico acciperet, cum ante id tempus de suo quisque functus eo munere esset.

LX. Nihil acceptum umquam a plebe tanto gaudio 1 traditur. concursus itaque ad curiam esse prensatasque exeuntium manus et patres vere appellatos, effectum esse fatentibus, ut nemo pro tam munifica patria, donec quicquam virium superesset, corpori aut sanguini suo parceret. cum commoditas iuvabat, rem familiarem saltem adquie- 2 scere eo tempore, quo corpus addictum atque operatum rei publicae esset, tum, quod ultro sibi oblatum esset, non a tribunis plebis umquam agitatam, non suis sermonibus efflagitatum, id efficiebat multiplex gaudium cumulationemque gratiam rei. tribuni plebis, communis ordinum 3 laetitiae concordiaeque soli expertes, negare, tam id laetum patribus, universis (nec) prosperum fore quam ipsi crederent. consilium specie prima melius fuisse quam usu apparitum. unde enim eam pecuniam confici posse nisi 4 tributo populo indicto? ex alieno igitur aliis largitos. neque id, etiam si ceteri ferant, passuros eos, quibus iam emerita stipendia essent, meliore condicione alios militare quam ipsi militassent, et eosdem in sua stipendia inensas fecisse et in aliorum facere. his vocibus moverunt partem 5 plebis. postremo indicto iam tributo edixerunt etiam tribuni, auxilio se futuros, si quis in militare stipendium tributum non contulisset. patres bene coeptam rem perse- 6 veranter tueri; conferre ipsi primi, et quia nondum argentum signatum erat, aes grave plaustis quidam ad aerarium convehentes speciosam etiam conlationem faciebant. cum se- 7

natus summa fide ex censu contulisset, primores plebis,  
 8 nobilium amici, ex composito conferre incipiunt. quos  
 cum et a patribus conlaudari et a militari aetate tamquam  
 bonos cives conspici vulgus hominum vidit, repente spreto  
 9 tribunicio auxilio certamen conferendi est ortum. et lege  
 perlata de indicendo Veientibus bello, exercitum magna  
 ex parte voluntarium novi tribuni militum consulari po-  
 testate Veios duxere.

1 LXI. Fuere autem tribuni T. Quinctius Capitolinus,  
 Q. Quinctius Cincinnatus, C. Iulius Iulus iterum, A. Man-  
 lius, L. Furius Medullinus tertium, M'. Aemilius Mamer-  
 2 cus. ab iis primum circumsessi Veii sunt; sub cuius in-  
 itium obsidionis cum Etruscorum concilium ad fanum  
 Voltumnae frequenter habitum esset, parum constitit, bel-  
 3 lone publico gentis universae tuendi Veientes essent. ea  
 oppugnatio segnior insequenti anno fuit parte tribunorum  
 exercitusque ad Volscum advocata bellum.

4 Tribunos militum consulari potestate is annus habuit  
 C. Valerium Potitum tertio, M'. Sergium Fidenatem, P.  
 Cornelium Maluginensem, Cn. Cornelium Cossum, K. Fa-  
 5 bium Ambustum, Sp. Nautium Rutilum iterum. cum Vol-  
 scis inter Ferentinum atque Ecetram signis conlatis dimi-  
 6 catum; Romanis secunda fortuna pugnae fuit. Artena  
 inde, Volscorum oppidum, ab tribunis obsideri coepta. inde  
 inter eruptionem temptatam conpulso in urbem hoste oc-  
 casio data est Romanis inrumpendi, praeterque arcem ce-  
 7 tera capta. in arcem munitam natura globus armatorum  
 concessit, infra arcem caesi captique multi mortales. arx  
 deinde obsidebatur; nec aut vi capi poterat, quia pro spatio  
 loci satis praesidii habebat, aut spem dabat deditionis  
 omni publico frumento, priusquam urbs caperetur, in ar-  
 8 cem convecto. taedioque recessum inde foret, ni servus  
 arcem Romanis prodidisset. ab eo milites per locum ar-  
 duum accepti cepere; a quibus cum custodes trucidaren-  
 9 tionem venit. diruta et arce et urbe Artena reductae  
 legiones ex Volscis omnisque vis Romana Veios conversa  
 10 est. proditori praeter libertatem duarum familiarum bona  
 in praemium data, Servius Romanus vocitatus. sunt qui



Artenam Veientium, non Volscorum fuisse credant. praebet 11  
errorem, quod eiusdem nominis urbs inter Caere atque  
Veios fuit; sed eam reges Romani delevere, Caeretur-  
que non Veientium fuerat. altera haec nomine eodem in  
VolSCO agro fuit, cuius excidium est dictum.

---

[PERIOCHA LIBRI V.]

[In obsidione Veiorum hibernacula militibus facta sunt. ea res  
cum esset nova, indignationem tribunorum plebis movit queren-  
tium, non dari plebi nec per hiemem militiae requiem. equites tum  
primum equis suis merere coeperunt. cum inundatio ex lacu Al-  
bano facta esset, vates, qui eam rem interpretaretur, de hostibus  
captus est. Furius Camillus dictator decem annos obsessos Veios  
cepit, simulacrum Iunonis Romam transtulit, decimam partem  
praedae Delphos Apollini misit. item tribunus militum cum Fali-  
scos obsideret, proditos hostium filios parentibus remisit statim-  
que deditione facta Faliscorum victoriam iustitia consecutus est.  
cum alter ex censoribus C. Iulius decessisset, in locum eius M.  
Cornelius suffectus est, nec id postea factum est, quoniam eo lu-  
stro a Gallis Roma capta est. Furius Camillus, cum ei dies a L.  
Apuleio tribuno plebis dicta esset, in exilium abiit. cum Galli Se-  
nones Clusium obsiderent et legati a senatu missi ad componendam  
inter eos et Clusinos pacem pugnantes contra Gallos in acie Clusi-  
norum stetissent, hoc facto eorum concitati Senones urbem infesto  
exercitu petierunt, fuscisque ad Aliam Romanis cepere urbem  
praeter Capitolium, (in) quo se iuventus contulerat; maiores natu  
cum insignibus honorum, quos quisque gesserat, in vestibulis ae-  
dium sedentes occiderunt. et cum per aversam partem Capitoli  
iam in summum evasissent, proditi clangore anserum M. Manlii  
praecipue opera deiecti sunt. coactis deinde propter famem Ro-  
manis descendere, ut mille pondo auri darent et hoc pretio finem  
obsidionis emerent, Furius Camillus, dictator absens creatus, inter  
ipsum colloquium, quo de pacis condicionibus agebatur, cum  
exercitu venit et Gallos post sextum mensem urbe expulit cecidit-  
que. dictum est, ad Veios migrandum esse propter incensam et  
dirutam urbem, quod consilium Camillo auctore discussum est.  
movit populum vocis quoque omen ex centurione audita, qui cum  
in forum venisset manipulariis suis dixerat: 'sta miles, hic optime  
manebimus.' aedes Iovi Capitolino facta est, quod ante urbem cap-  
tam vox audita erat adventare Gallos.]

---

## TITI LIVI

## A B V R B E C O N D I T A

## LIBER V.

- 1 I. Pace alibi parata Romani Veique in armis erant  
 tanta ira odioque, ut victis finem adesse appareret. comitia  
 2 utriusque populi longe diversa ratione facta sunt. Romani  
 auxere tribunorum militum consulari potestate numerum;  
 octo, quot numquam antea creati: M'. Aemilius Mamercus  
 iterum, L. Valerius Potitus tertium, Ap. Claudius Crassus,  
 M. Quinctilius Varus, L. Iulius Iulus, M. Postumius, M.  
 3 Furius Camillus, M. Postumius Albinus. Veientes con-  
 tra taedio annuae ambitionis, quae interdum discordiarum  
 causa erat, regem creavere. offendit ea res populorum  
 Etruriae animos non maiore odio regni quam ipsius regis.  
 4 gravis iam is antea genti fuerat opibus superbiaque, quia  
 sollemnia ludorum, quos intermitteri nefas est, violenter di-  
 5 remisset, cum ob iram repulsae, quod suffragio duodecim  
 populorum alius sacerdos ei praelatus esset, artifices, quo-  
 rum magna pars ipsius servi erant, ex medio ludicro re-  
 6 pente abduxit. gens itaque ante omnes alias eo magis de-  
 dita religionibus, quod excelleret arte colendi eas, auxilium  
 Veientibus negandum, donec sub rege essent, decrevit.  
 7 cuius decreti suppressa fama est Veis propter metum re-  
 gis, qui, a quo tale quid dictum referretur, pro seditionis  
 8 eum principe, non vani sermonis auctore habebat. Ro-  
 manis etsi quietae res ex Etruria nuntiabantur, tamen,  
 quia omnibus conciliis eam rem agitari adferebatur, ita mu-  
 9 niebant, ut ancipitia munimenta essent, alia in urbem et  
 contra oppidanorum eruptiones versa, aliis frons in Etruriam  
 spectans auxiliis, si qua forte inde venirent, obstruebatur.
- 1 II. Cum spes maior imperatoribus Romanis in obsi-  
 dione quam in obpugnatione esset, hibernacula etiam, res  
 nova militi Romano, aedificari coepta, consiliumque erat

hiemando continuare bellum. quod postquam tribunis ple- 2  
bis iam diu nullam novandi res causam invenientibus Ro-  
mam est adlatum, in contionem prosiliunt, sollicitant plebis  
animos, hoc illud esse dictitantes, quod aera militibus sint 3  
constituta. nec se fefellisse, id donum inimicorum veneno  
inlitum fore. venisse libertatem plebis; remotam in perpe- 4  
tuum et ablegatam ab urbe et ab re publica iuventutem  
iam ne hiemi quidem aut tempori anni cedere ac domos ac  
res invisere suas. quam putarent continuatae militiae cau- 5  
sam esse? nullam profecto aliam inventuros, quam ne quid  
per frequentiam iuvenum eorum, in quibus vires omnes ple-  
bis essent, agi de commodis eorum posset. vexari praeterea 6  
et subigi multo acrius quam Veientes: quippe illos hie-  
mem sub tectis suis agere, egregiis muris situque naturali  
urbem tutantes; militem Romanum in opere ac labore, ni- 7  
vibus pruinisque obrutum, sub pellibus durare ne hiemis  
quidem spatio, quae omnium bellorum terra marique sit  
quies, arma deponentem. hoc neque reges neque ante tri- 8  
buniciam potestatem creatam superbos illos consules ne-  
que triste dictatoris imperium neque inportunos decemviros  
iniunxisse servitutis, ut perennem militiam facerent, quod  
tribuni militum in plebe Romana regnum exercerent. quid- 9  
nam illi consules dictatoresve facturi essent, qui procon-  
sularem imaginem tam saevam ac trucem fecerint! sed id  
accidere haud inmerito. non fuisse ne in octo quidem tri-  
bunis militum locum ulli plebeio. antea trina loca cum 10  
contentione summa patricios explere solitos, nunc iam octo-  
iuges ad imperia obtinenda ire et ne in turba quidem hae-  
rere plebeium quemquam, qui, si nihil aliud, admoneat 11  
collegas, liberos et cives eorum, non servos militare, quos  
hieme saltem in domos ac tecta reduci oporteat et aliquo 12  
tempore anni parentes liberosque ac coniuges invisere et  
usurpare libertatem et creare magistratus.

Haec taliaque vociferantes adversarium haud inparem 13  
nacti sunt Ap. Claudium, relictum a collegis ad tribuni-  
cias seditiones conprimendas, virum inbutum iam ab iu-  
venta certaminibus plebeiis, quem auctorem aliquot annis 14  
ante fuisse memoratum est per collegarum intercessionem  
tribuniciae potestatis dissolvendae.

1     III. Iste, iam non promptus ingenio tantum, sed usu  
2 etiam exercitatus talem orationem habuit: 'si umquam  
dubitatum est, Quirites, utrum tribuni plebis vestra an sua  
3 causa seditionum semper auctores fuerint, id ego hoc anno  
desisse dubitari certum habeo. et cum laetor, tandem  
longi erroris vobis finem factum esse, tum, quod secun-  
dis potissimum vestris rebus hic error est sublatus, et  
4 vobis et propter vos rei publicae gratulor. an est quis-  
quam, qui dubitet, nullis iniuriis vestris, si quae forte  
aliquando inciderunt, umquam aequae quam munere pa-  
trum in plebem, cum aera militantibus constituta sunt,  
5 tribunos plebis offensos ac concitados esse? quid illos  
aliud aut tum timuisse creditis aut hodie turbare velle nisi  
concordiam ordinum, quam dissolvendae maxime tribu-  
6 niciae potestatis rentur esse? sic hercule tamquam arti-  
fices improbi opus quaerunt, qui et semper aegri aliquid  
esse in re publica volunt, ut sit, ad cuius curationem a  
7 vobis adhibeantur. utrum enim defenditis an impugnatis  
plebem? utrum militantium adversarii estis an causam agi-  
tis? nisi forte hoc dicitis, quidquid patres faciunt displicet,  
8 sive illud pro plebe sive contra plebem est. et quemad-  
modum (cum) servis suis vetant domini quicquam rei cum  
alienis hominibus esse pariterque in iis beneficio ac ma-  
leficio abstineri aecum censent, sic vos interdicto patri-  
bus commercio plebis, ne nos comitate ac munificentia  
nostra provocemus plebem nec plebs nobis dicto audiens  
9 atque oboediens sit. quanto tandem, si quicquam in vobis  
non dico civilis, sed humani esset, favere vos magis et,  
quantum in vobis esset, indulgere potius comitati patrum  
10 atque obsequio plebis oportuit? quae si perpetua concor-  
dia sit, quis non spondere ausit, maximum hoc imperium  
inter finitimos brevi futurum esse?

1     III. Atque ego, quam hoc consilium collegarum meo-  
rum, quo abducere infecta re a Veiiis exercitum noluerunt,  
non utile solum, sed etiam necessarium fuerit, postea dis-  
seram; nunc de ipsa condicione dicere militantium libet.  
2 quam orationem non aput vos solum, sed etiam in castris  
si habeatur ipso exercitu disceptante aequam arbitror vi-  
deri posse, in qua, si mihi ipse nihil quod dicerem in

mentem venire posset, adversariorum certe orationibus contentus essem. negabant nuper, danda esse aera militibus, 3 quia numquam data essent. quonam modo igitur nunc indignari possunt, quibus aliquid novi adiectum commodi sit, eis laborem etiam novum pro portione iniungi? nusquam nec opera sine emolumento nec emolumentum ferme 4 sine inpena opera est. labor voluptasque, dissimillima natura, societate quadam inter se naturali sunt iuncta. moleste 5 antea ferebat miles, se suo sumptu operam rei publicae praebere; gaudebat idem, partem anni se agrum suum colere, quaerere, unde domi militiaeque se ac suos tueri posset; gaudet nunc, fructui sibi rem publicam esse, et 6 laetus stipendium accipit. aequo igitur animo patiatur se ab domo, ab re familiari, cui gravis inpena non est, paulo diutius abesse. an, si ad calculos eum res publica vocet, 7 non merito dicat: "annua aera habes, annuam operam ede. an tu aequum censes, militia semenstri solidum te stipendium accipere?" invitus in hac parte orationis, Quirites, moror: sic enim agere debent qui mercenario milite utuntur. nos tamquam cum civibus agere volumus agique tamquam cum patria nobiscum aecum censemus. aut non 9 suscipi bellum oportuit aut geri pro dignitate populi Romani et perfici quam primum oportet. perficietur autem, 10 si urgemus obsessos, si non ante abscedimus quam spei nostrae finem captis Veïis inposuerimus. si hercules nulla alia causa, ipsa indignitas perseverantiam inponere debuit. decem quondam annos urbs oppugnata est ob unam mulierem ab universa Graecia quam procul a domo, quot terras, quot maria distans: nos intra vicensimum lapidem in 12 conspectu prope urbis nostrae annuam oppugnationem perferre piget? scilicet quia levis causa belli est nec satis quicquam iusti doloris est, quod nos ad perseverandum stimulet. septiens rebellarunt, in pace numquam fida fuerunt, 13 agros nostros miliens depopulati sunt, Fidenates deficere a nobis coegerunt, colonos nostros ibi interfecerunt, auctores fuere contra ius caedis inopiae legatorum nostrorum, 14 Etruriam omnem adversus nos concitare voluerunt hodieque id moliuntur, res repetentis legatos nostros haut procul afuit quin violarent.

1 V. Cum his molliter et per dilationes bellum geri  
oportet? si nos tam iustum odium nihil movet, ne illa qui-  
2 dem, oro vos, movent? operibus ingentibus saepta urbs  
est, quibus intra muros coercetur hostis. agrum non co-  
3 luit, et culta evastata sunt bello. si reducimus exercitum,  
quis est qui dubitet, illos non a cupiditate solum ulciscendi,  
sed etiam necessitate inposita ex alieno praedandi, cum  
sua amiserint, agrum nostrum invasuros? non differimus  
igitur bellum isto consilio, sed intra fines nostros accipi-  
4 mus. quid? illud, quod proprie ad milites pertinet, quibus  
boni tribuni plebis cum stipendium extorquere voluerunt,  
5 nunc consultum repente volunt, quale est? vallum fossam-  
que, ingentis utrumque rem operis, per tantum spatii du-  
xerunt, castella primo pauca, postea exercitu aucto cre-  
berrima fecerunt, munitiones non in urbem modo, sed in  
Etruriam etiam spectantes, si qua inde auxilia veniant,  
6 opposuere. quid turres, quid vineas testudinesque et alium  
oppugnandarum urbium apparatus loquar? cum tantum  
laboris exhaustum sit et ad finem iam operis tandem per-  
ventum, relinquendane haec censetis, ut ad aestatem rur-  
sus novus de integro his instituendis exsudetur labor?  
7 quanto est minus, opera tueri facta et instare ac perseve-  
rare defungique cura? brevis enim profecto res est, si uno  
tenore peragitur, nec ipsi per intermissiones has interval-  
laque lentiores spem nostram facimus. loquor de opere  
8 et de temporis iactura. quid? periculi, quod differendo  
bello adimus, num oblivisci nos haec tam crebra Etruriae  
9 concilia de mittendis Veios auxiliis patiuntur? ut nunc res  
se habet, irati sunt, oderunt, negant missuros; quantum  
in illis est, capere Veios licet. quis est qui spondeat, eun-  
10 dem, si differtur bellum, animum postea fore, cum, si la-  
xamentum dederis, maior frequentiorque legatio itura sit,  
cum id quod nunc offendit Etruscos, rex creatus Veïis,  
mutari spatio interposito possit vel consensu civitatis, ut  
eo reconcilient Etruriae animos, vel ipsius voluntate regis,  
11 qui obstare regnum suum saluti civium nolit? videte, quot  
res, quam inutiles sequantur illam viam consilii, iactura  
operum tanto labore factorum, vastatio imminens finium  
12 nostrorum, Etruscum bellum pro Veiente concitatum. haec

sunt, tribuni, consilia vestra, non hercule dissimilia ac si qui aegro, qui curari se fortiter passus extemplo convalescere possit, cibi gratia praesentis aut potionis longinquum et forsitan insanabilem morbum efficiat.

VI. Si, me dius fidius, ad hoc bellum nihil pertine- 1  
ret, ad disciplinam certe militiae plurimum intererat, in-  
suescere militem nostrum non solum parta victoria frui,  
sed, si etiam res lentior sit, pati taedium et quamvis serae 2  
spei exitum expectare et, si non sit aestate perfectum  
bellum, hiemem opperiri nec sicut aestivas aves statim  
autumno tecta ac recessum circumspicere. obsecro vos, 3  
venandi studium ac voluptas homines per nives ac pruinas  
in montes silvasque rapit: belli necessitatibus eam patien-  
tiam non adhibebimus, quam vel lusus ac voluptas elicere  
solet? adeone effeminata corpora militum nostrorum esse 4  
putamus, adeo molles animos, ut hiemem unam durare in  
castris, abesse ab domo non possint? ut tamquam navale  
bellum tempestatibus captandis et observando tempore anni  
gerant, non aestus, non frigora pati possint? erubescant 5  
profecto, si quis eis haec obiciat, contendantque, et ani-  
mis et corporibus suis virilem patientiam inesse et se iuxta  
hieme atque aestate bella gerere posse nec se patrocinium  
mollitiae inertiaeque mandasse tribunis et meminisse, hanc  
ipsam potestatem non in umbra nec in tectis maiores suos  
creasse. haec virtute militum vestrorum, haec Romano 6  
nomine sunt digna, non Veios tantum nec hoc bellum in-  
tueri, quod instat, sed famam ad alia bella et ad ceteros  
populos in posterum quaerere. an mediocre discrimen 7  
opinionis secuturum ex hac re putatis, utrum tandem fini-  
tumi populum Romanum eum esse putent, cuius si qua  
urbs primum illum brevissimi temporis sustinuerit impe-  
tum, nihil deinde timeat: an hic sit terror nominis nostri, 8  
ut exercitum Romanum non taedium longinquae oppugna-  
tionis, non vis hiemis ab urbe circumsessa semel amovere  
possit nec finem ullum alium belli quam victoriam noverit  
nec impetu potius bella quam perseverantia gerat? quae 9  
in omni quidem genere militiae, maxime tamen in obsi-  
dendis urbibus necessaria est, quarum plerasque munitio-  
nibus ac naturali situ inexpugnabiles fame sitique tempus



10 ipsum vincit atque expugnat, sicut Veios expugnabit, nisi  
 auxilio hostibus tribuni plebis fuerint et Romae invenerint  
 praesidia Veientes, quae nequiquam in Etruria quaerunt.  
 11 an est quicquam, quod Veientibus optatum aequè con-  
 tingere possit, quam ut seditionibus primum urbs Romana,  
 12 deinde velut ex contagione castra impleantur? at hercule  
 aput hostis tanta modestia est, ut non obsidionis taedio,  
 non denique regni quicquam aput eos novatum sit, non  
 13 negata auxilia ab Etruscis inritaverint animos. morietur  
 enim extemplo quicumque erit seditionis auctor nec cui-  
 quam dicere ea licebit, quae aput vos inpune dicuntur.  
 14 fustuarium meretur qui signa relinquit aut praesidio de-  
 cedit: auctores signa relinquendi et deserendi castra non  
 uni aut alteri militi, sed universis exercitibus palam in  
 15 contione audiuntur. adeo quidquid tribunus plebi loqui-  
 tur, et si prodendae patriae dissolvendaeque rei publicae  
 est, adsuētis aequi audire et dulcedine potestatis eius  
 16 capti quaelibet sub ea scelera latere sinitis. reliquum  
 est, ut, quae hic vociferantur, eadem in castris et apud  
 milites agant et exercitus conrumpant ducibusque parere  
 17 non patiantur, quoniam ea demum Romae libertas est,  
 non senatum, non magistratus, non leges, non mores  
 maiorum, non instituta patrum, non disciplinam veteri  
 militiae.

1 VII. Par iam etiam in contionibus erat Appius tribu-  
 nis plebis, cum subito, unde minime quis crederet, accepta  
 calamitas apud Veios et superiorem Appium in causa et  
 concordia ordinum maiorem ardorem ad obsidendos per-  
 2 tinacius Veios fecit. nam cum agger promotus ad urbem  
 vineaeque tantum non iam iniunctae moenibus essent,  
 dum opera interdū fiunt intentius quam nocte custodiun-  
 tur, patefacta repente porta ingens multitudo facibus  
 3 maxime armata ignes coniecit horaeque momento simul  
 aggerem ac vineas, tam longi temporis opus, incendium  
 hausit; multique ibi mortales nequiquam opem ferentes  
 4 ferro ignique absumpti sunt. quod ubi Romam est nun-  
 tiatum, maestitiam omnibus, senatui curam metumque  
 iniecit, ne tum vero sustineri nec in urbe seditio nec in  
 castris posset et tribuni plebis velut ab se victae rei publi-

cae insultarent, cum repente quibus census equeſter erat, 5  
equi publici non erant adſignati, conſilio prius inter ſeſe  
habito ſenatum adeunt factaque dicendi poteſtate equis ſe  
ſuis ſtipendia facturos promittunt. quibus cum ampliſſi- 6  
mis verbis gratiae ab ſenatu actae eſſent famaue ea fo-  
rum atque urbem pervasiſſet, ſubito ad curiam concurſus  
fit plebis; pedestris ordinis ſe aiunt nunc eſſe operamque 7  
rei publicae extra ordinem polliceri, ſeu Veios ſeu quo alio  
ducere velint. ſi Veios ducti ſint, negant ſe iade prius  
quam capta urbe hoſtium redituros eſſe. tum vero iam 8  
ſuperfundenti ſe laetitiae vix temperatum eſt. non enim  
ſicut equites dato magiſtratibus negotio laudari iuſſi neque  
aut in curiam vocati, quibus reſponſum daretur, aut limine 9  
curiae continebatur ſenatus, ſed pro ſe quiſque ex ſupe-  
riore loco ad multitudinem in comitio ſtanti voce mani-  
busque ſignificare publicam laetitiam, beatam urbem Ro- 10  
manam et invictam et aeternam illa concordia dicere,  
laudare equites, laudare plebem, diem ipſum laudibus  
ferre, victam eſſe fateri comitatem benignitatemque ſena-  
tus. certatim patribus plebique manare gaudio lacrimae, 11  
donec revocatis in curiam patribus ſenatus conſultum  
factum eſt, ut tribuni militares contione advocata pediti- 12  
bus equitibusque gratias agerent, memorem pietatis eorum  
erga patriam dicerent ſenatum fore; placere autem, omni-  
bus his voluntariam extra ordinem profeſſis militiam aera  
procedere. et equiti certus numerus aeris eſt adſignatus.  
tum primum equis merere equites coeperunt. voluntarius 13  
ductus exercitus Veios non amiſſa modo reſtituit opera,  
ſed nova etiam inſtituit. ab urbe commeatus intentiore  
quam antea ſubvehi cura, ne quid tam bene merito exer-  
citu ad uſum deeſſet.

VIII. Inſequens annus tribunos militum conſulari po- 1  
teſtate habuit C. Servilium Aſalam tertium, Q. Servilium,  
L. Verginium, Q. Sulpicium, A. Manlium iterum, M'. Ser-  
gium iterum. his tribunis, dum cura omnium in Veiens 2  
bellum intenta eſt, neglectum Anxuri praesidium vaca-  
tionibus militum et Volſcos mercatores vulgo receptando  
proditis repente portarum cuſtodibus oppreſſum eſt. mi- 3  
nus militum periit, quia praeter aegros lixarum in modum

4 omnes per agros vicinasque urbes negotiabantur. nec  
Veiis melius gesta res, quod tum caput omnium curarum  
publicarum erat. nam et duces Romani plus inter se ira-  
rum quam adversus hostes animi habuerunt, et auctum  
est bellum adventu repentino Capenatium atque Falisco-  
5 rum. hi duo Etruriae populi, quia proximi regione erant,  
devictis Veiis bello quoque Romano se proximos fore cre-  
6 dentes, Falisci propria etiam causa infesti, quod Fidenati  
bello se iam antea inmiscuerant, per legatos ultro citroque  
missos iure iurandō inter se obligati cum exercitibus nec-  
7 opinato ad Veios accessere. forte ea regione, qua M.  
Sergius tribunus militum praeerat, castra adorti sunt in-  
gentemque terrorem intulere, quia Etruriam omnem ex-  
citam sedibus magna mole adesse Romani crediderant.  
8 eadem opinio Veientes in urbe concitavit. ita ancipiti  
proelio castra Romana oppugnabantur; concursantesque  
cum huc atque illuc signa transferrent, nec Veientem satis  
cohibere intra munitiones nec suis munimentis arcere vim  
9 ac tueri se ab exteriori poterant hoste. una spes erat, si  
ex maioribus castris subveniretur, ut diversae legiones,  
aliae adversus Capenatem ac Faliscum, aliae contra erup-  
tionem oppidanorum pugnarent. sed castris praeerat Ver-  
10 ginus, privatim Sergio invisus infestusque. is, cum plera-  
que castella oppugnata, superatas munitiones, utrimque  
invehi hostem nuntiaretur, in armis milites tenuit, si opus  
11 foret auxilio, collegam dictitans ad se missurum. huius  
adrogantiam pertinacia alterius aequabat, qui, ne quam  
opem ab inimicō videretur petisse, vinci ab hoste quam  
12 vincēre per civem maluit. diu in medio caesi milites;  
postremo desertis munitionibus perpauci in maiora castra,  
pars maxima atque ipse Sergius Romam pertenderunt.  
ubi cum omnem culpam in collegam inclinaret, acciri Ver-  
13 ginum ex castris, interea praeesse legatos placuit. acta  
deinde in senatu res est certatumque inter collegas male-  
dictis. pauci rei publicae, huic atque illi, ut quosque stu-  
dium privatim aut gratia occupaverunt, adsunt.

1 VIII. Primores patrum, sive culpa sive infelicitate  
imperatorum tam ignominiosa clades accepta esset, cen-  
suere, non exspectandum iustum tempus comitiorum, sed

extemplo novos tribunos militum creandos esse, qui a Kal. Octobribus magistratum occiperent. in quam sententiam 2 cum pedibus iretur, ceteri tribuni militum nihil contradicere. at enimvero Sergius Verginiusque, propter quos 3 paenitere magistratum eius anni senatum apparebat, primo deprecari ignominiam, deinde intercedere senatus consulto, negare, se ante idus Decembris, sollemnem ineundis magistratibus diem, honore abituros esse. inter haec tribuni 4 plebis, cum in concordia hominum secundisque rebus civitatis inviti silentium tenuissent, feroces repente minari tribunis militum, nisi in auctoritate senatus essent, se in vincla eos duci iussuros esse. tum C. Servilius Ahala 5 tribunus militum: 'quod ad vos attinet, tribuni plebis, minasque vestras, ne ego libenter experirer, quam non plus in his iuris quam in vobis animi esset; sed nefas est tendere adversus auctoritatem senatus. proinde et vos de- 6 sinite inter nostra certamina locum iniuriae quaerere, et collegae aut facient quod censet senatus aut si pertinacius tendent, dictatorem extemplo dicam, qui eos abire magistratu cogat.' cum omnium adsensu conprobata oratio 7 esset gauderentque patres sine tribuniciae potestatis terculis inventam esse aliam vim maiorem ad coercendos magistratus, victi consensu omnium comitia tribunorum 8 militum habuere, qui Kal. Octobribus magistratum occiperent, seque ante eam diem magistratu abdicavere.

X. L. Valerio Potito quartum, M. Furio Camillo iterum, M'. Aemilio Mamercio tertium, Cn. Cornelio Cosso iterum, K. Fabio Ambusto, L. Iulio Iulo tribunis militum consulari potestate multa domi militiaeque gesta. nam et 2 bellum multiplex fuit eodem tempore ad Veios et ad Capenam et ad Falerios et in Volscis, ut Anxur ab hostibus recuperaretur, et Romae simul dilectu simul tributo con- 3 ferendo laboratum est et de tribunis plebi cooptandis contentio fuit et haud parvum motum duo iudicia eorum, qui paulo ante consulari potestate fuerant, excivere.

Omnium primum tribunis militum fuit dilectum haberi. 4 nec iuniores modo conscripti, sed seniores etiam coacti nomina dare, ut urbis custodiam agerent. quantum autem 5 augebatur militum numerus, tanto maiore pecunia in sti-

pendium opus erat, eaque tributo conferebatur invitis conferentibus, qui domi remanebant, quia tuentibus urbem opera quoque militari laborandum serviendumque rei publicae erat. haec per se gravia. indignioraque ut viderentur, tribuni plebis seditiosis contionibus faciebant, ideo aera militibus constituta esse arguendo, ut plebis partem militia, partem tributo conficerent. unum bellum annum iam tertium trahi et consulto male geri, ut diutius gerant. in quattuor deinde bella uno dilectu exercitus scriptos et pueros quoque ac senes extractos. iam non aestatis nec hiemis discrimen esse, ne ulla quies umquam miserae plebi sit, quae nunc etiam vectigalis ad ultimum facta sit, ut cum confecta labore, vulneribus, postremo aetate corpora rettulerint incultaque omnia diutino dominorum desiderio domi invenerint, tributum ex adfecta re familiari pendant aeraque militaria velut faenore accepta multiplicia rei publicae reddant.

Inter dilectum tributumque et occupatos animos maiorum rerum curis comitiis tribunorum plebis numerus expleri nequit. pugnatum est inde, in loca vacua ut patricii cooptarentur. postquam obtineri non poterat, tamen labefactandae legis Treboniae causa effectum est, ut cooptarentur tribuni plebis C. Lacerius et M. Acutius haud dubie patriciorum opibus.

XI. Fors ita tulit, ut eo anno tribunus plebis Cn. Trebonius esset, qui nomini ac familiae debitum praestare videretur Treboniae legis patrociniū. is, quod petissent patres quondam primo incepto repulsi, tamen (tribunos militum) expugnasse vociferans, legem Treboniam sublatam et cooptatos tribunos plebis non suffragiis populi, sed imperio patriciorum, eo revolvi rem, ut aut patricii aut patriciorum adseculae habendi tribuni plebis sint, eripi sacratas leges, extorqueri tribuniciam potestatem, id fraude patriciorum, scelere ac prodicione collegarum factum arguere.

Cum arderent invidia non patres modo, sed etiam tribuni plebis cooptati pariter et qui cooptaverant, tum ex collegio tres, P. Curatius, M. Metilius, M. Minucius, trepidi rerum suarum, in Sergium Verginiumque prioris anni tribunos militares incurrunt, in eos ab se iram plebis in-

vidiamque die dicta avertunt. quibus dilectus, quibus tri- 5  
butum, quibus diutina militia longinquitasque belli sit gravis,  
qui clade accepta ad Veios doleant, qui amissis liberis, fra-  
tribus, propinquis, adfinibus lugubres domos habeant, his  
publici privatique doloris exsequendi ius potestatemque ex  
duobus noxiis capitibus datam ab se memorant. omnium 6  
namque malorum in Sergio Verginioque causas esse; nec  
id accusatorem magis arguere quam fateri reos, qui noxii  
ambo, alter in alterum causam conferant, fugam Sergi  
Verginii, Sergius proditionem increpans Verginii. quo- 7  
rum adeo incredibilem amentiam fuisse, ut multo veri si-  
milis sit, conpecto eam rem et communi fraude patricio-  
rum actam. ab his et prius datum locum Veientibus ad 8  
incendenda opera belli trahendi causa et nunc proditum  
exercitum, tradita Faliscis Romana castra. omnia fieri, ut 9  
consenescat ad Veios iuventus nec de agris nec de aliis  
commodis plebis ferre ad populum tribuni, frequentia ur-  
bana celebrare actiones et resistere conspirationi patricio-  
rum possint. praeiudicium iam de reis et ab senatu et ab 10  
populo Romano et ab ipsorum collegis factum esse: nam 11  
et senatus consulto eos ab re publica remotos esse et re-  
cusantes abdicare se magistratu dictatoris metu ab collegis  
coercitos esse et populum Romanum tribunos creasse, qui  
non Idibus Decembribus, die sollemni, sed extemplo Kal.  
Octobribus magistratum occiperent, quia stare diutius res  
publica his manentibus in magistratu non posset. et tamen 12  
eos tot iudiciis confossos praedamnatosque venire ad populi  
iudicium et existimare, defunctos se esse satisque poena-  
rum dedisse, quod duobus mensibus citius privati facti sint,  
neque intellegere, nocendi sibi diutius tum potestatem erep- 13  
tam esse, non poenam interrogatam: quippe et collegis abro-  
gatum imperium, qui certe nihil deliquissent. illos repeterent 14  
animos Quirites, quos recenti clade accepta habuissent, cum  
fuga trepidam, plenum vulnerum ac pavore incidentem por-  
tis exercitum viderint non fortunam aut quemquam deorum,  
sed hos duces accusantem. pro certo se habere, neminem 15  
in contione stare, qui illo die non caput, domum fortunas-  
que L. Verginii ac M'. Sergi sit execratus detestatusque.  
minime convenire, quibus iratos quisque deos precatus sit, 16

in iis sua potestate, cum liceat et oporteat, non uti. numquam deos ipsos admoveere nocentibus manus; satis esse, si occasione ulciscendi laesos arment.

- 1 XII. His orationibus incitata plebs denis milibus aeris  
gravis reos condemnat, nequiquam Sergio Martem com-  
munem belli fortunamque accusante, Verginio deprecante,  
2 ne infeliciores domi quam militiae esset. in hos versa ira  
populi cooptationis tribunorum fraudisque contra legem  
3 Treboniam factae memoriam obscuram fecit. victores tri-  
buni, ut praesentem mercedem iudicii plebes haberet, legem  
4 agrariam promulgant tributumque conferri prohibent, cum  
tot exercitibus stipendio opus esset resque militia ita pro-  
spere gererentur, ut nullo bello veniretur ad exitum rei.  
namque Veii castra, quae amissa erant, recuperata castel-  
lis praesidiisque firmanentur. praeerant tribuni militum M'.  
5 Aemilius et K. Fabius. a M. Furio in Faliscis et Cn.  
Cornelio in Capenate agro hostes nulli extra moenia in-  
venti, praedae actae incendiisque villarum ac frugum vastati  
6 fines, oppida oppugnata nec obsessa sunt. at in Volscis  
depopulato agro Anxur nequiquam oppugnatum, loco alto  
situm et, postquam vis inrita erat, vallo fossaque obsideri  
coeptum. Valerio Potito Volsci provincia evenerat.
- 7 Hoc statu militarium rerum seditio intestina maiore  
mole coorta quam bella tractabantur. et cum tributum  
conferri per tribunos non posset nec stipendium impèra-  
toribus mitteretur aeraque militaria flagitaret miles, haud  
procul erat, quin castra quoque urbanae seditionis conta-  
8 gione turbarentur. inter has iras plebis in patres cum  
tribuni plebi nunc illud tempus esse dicerent stabiliendae  
libertatis et ab Sergiis Verginiisque ad plebeios viros for-  
9 tes ac strenuos transferendi summi honoris, non tamen  
ultra processum est, quam ut unus ex plebe usurpandi  
iuris causa P. Licinius Calvus tribunus militum consulari  
10 potestate crearetur; ceteri patricii creati: P. Manlius, L.  
Titinius, P. Maelius, L. Furius Medullinus, L. Poplilius  
11 Volscus. ipsa plebes mirabatur, se tantam rem obtinuisse,  
non is modo qui creatus erat, vir nullis ante honoribus  
12 usus, vetus tantum senator et aetate iam gravis. nec satis  
constat, cur primus ac potissimus ad novum delibandum



honorem sit habitus. alii Cn. Corneli fratris, qui tribunus militum priore anno fuerat triplexque stipendium equitibus dederat, gratia extractum ad tantum honorem credunt, alii orationem ipsum tempestivam de concordia ordinum patribus plebique gratam habuisse. hac victoria 13 comitiorum exultantes tribuni plebis, quod maxime rem publicam impediabat, de tributo remiserunt. collatum oboedienter missumque ad exercitum est.

XIII. Anxur in Volscis brevi receptum est neglectis 1 die festo custodiis urbis.

Insignis annus hieme gelida ac nivosa fuit adeo, ut viae clausae, Tiberis innavigabilis fuerit. annona ex ante convecta copia nihil mutavit. et quia P. Licinius, ut ce- 2 perat haud tumultuose magistratum maiore gaudio plebis quam indignatione patrum, ita etiam gessit, dulcedo invasit proximis comitiis tribunorum militum plebeios creandi. unus M. Veturius ex patriciis candidatis locum te- 3 nuit; plebeios alios tribunos militum consulari potestate omnes fere centuriae dixere: M. Pomponium, Cn. Duilium, Voleronem Publilium, Cn. Genucium, L. Atilium.

Tristem hiemem, sive ex intemperie caeli raptim mu- 4 tatione in contrarium facta sive alia qua de causa, gravis pestilensque omnibus animalibus aestas excepit. cuius in- 5 sanabili perniciie quando nec causa nec finis inveniebatur, libri Sibyllini ex senatus consulto aditi sunt. duumviri 6 sacris faciundis, lectisternio tunc primum in urbe Romana facto, per dies octo Apollinem Latonamque et Dianam, Herculem, Mercurium atque Neptunum tribus quam amplissime tum apparari poterat stratis lectis placavere. pri- 7 vatim quoque id sacrum celebratum est. tota urbe patentibus ianuis promiscoque usu rerum omnium in propatulo posito notos ignotosque passim advenas in hospitium ductos ferunt et cum inimicis quoque benigne ac comiter sermones habitos, iurgiis ac litibus temperatum, vinctis 8 quoque dempta in eos dies vincula: religioni deinde fuisse quibus eam opem dii tulissent vinciri.

Interim ad Veios terror multiplex fuit tribus in unum 9 bellis conlatis. namque eodem quo antea modo circa munimenta, cum repente Capenates Faliscique subsidio ve-

nissent, adversus tres exercitus ancipiti proelio pugnatum  
 10 est. ante omnia adiuvit memoria damnationis Sergii ac  
 Verginii. itaque [e] maioribus castris, unde antea cessa-  
 tum fuerat, brevi spatio circumductae copiae Capenates  
 11 in vallum Romanum versos ab tergo adgrediuntur. inde  
 pugna coepta et Faliscis intulit terrorem, trepidantesque  
 eruptio ex castris opportune facta avertit. repulsos deinde  
 12 insecuti victores ingentem ediderunt caedem. nec ita multo  
 post iam palantes veluti forte ablati populatores Capena-  
 13 tis agri reliquias pugnae absumpsere. et Veientium re-  
 fugientes in urbem multi ante portas caesi, dum prae metu,  
 ne simul Romanus inrumperet, obiectis foribus extremos  
 suorum exclusere.

1 XIII. Haec eo anno acta. et iam comitia tribuno-  
 rum militum aderant, quorum prope maior patribus quam  
 belli cura erat, quippe non communicatum modo cum plebe,  
 2 sed prope amissum cernentibus summum imperium. ita-  
 que clarissimis viris ex composito praeparatis ad peten-  
 dum, quos praetereundi verecundiam crederent fore, nihilo  
 minus ipsi, perinde ac si omnes candidati essent, cuncta  
 experientes non homines modo, sed deos etiam excipie-  
 3 bant, in religionem vertentes comitia biennio habita. priore  
 anno intolerandam hiemem prodigiisque divinis similem  
 coortam, proxumo non prodigia, sed iam eventus, pesti-  
 4 lentiam agris urbiue inlatam haud dubia ira deum, quos  
 pestis eius arcendae causa placandos esse in libris fatali-  
 bus inventum sit. comitiis, auspicato quae fierent, indi-  
 gnum dis visum, honores vulgari discriminaque gentium  
 5 confundi. praeterquam maiestate petentium religione etiam  
 attoniti homines patricos omnis, partem magnam honora-  
 tissimum quemque, tribunos militum consulari potestate  
 creavere: L. Valerium Potitum quintum, M. Valerium  
 Maximum, M. Furium Camillum iterum, L. Furium Me-  
 dullinum tertium, Q. Servilium Fidenatem iterum, Q. Sul-  
 6 picium Camerinum iterum. his tribunis ad Veios nihil  
 admodum memorabile actum est; tota vis in populationi-  
 7 bus fuit. duo summi imperatores, Potitus a Faleriis, Ca-  
 millus a Capena praedas ingentes egere nulla incolumi  
 relictæ re, cui ferro aut igni noceri possit.

**XV.** Prodigia interim multa nuntiavere, quorum ple- 1  
raque et quia singuli auctores erant parum credita spre-  
taque et quia hostibus Etruscis, per quos ea procurarent,  
haruspices non erant. in unum omnium curae versae sunt, 2  
quod lacus in Albano nemore sine ullis caelestibus aquis  
cassave qua alia, quae rem miraculo eximeret, in altitu-  
dinem insolitam crevit. quidnam eo die portenderent pro- 3  
digio, missi sciscitatum oratores ad Delphicum oraculum.  
sed propior interpretis fati oblatus senior quidam Veiens, 4  
qui inter cavillantes in stationibus ac custodiis milites Ro-  
manos Etruscosque vaticinantis in modum cecinit, prius-  
quam ex lacu Albano aqua emissa foret, numquam poti-  
turam Veis Romanum. quod primo velut temere iactum 5  
sperni, agitari deinde sermonibus coeptum est, donec unus  
ex statione Romana percunctatus proximum oppidanorum,  
iam per longinquitatem belli commercio sermonum facto,  
quisnam is esset, qui per ambages de lacu Albano iaceret,  
postquam audivit haruspicem esse, vir haud intacti reli- 6  
gione animi, causatus de privati portenti procuratione, si  
operae illi esset, consulere velle, ad colloquium vatem  
elicuit. cumque progressi ambo a suis longius essent in- 7  
ermes sine ullo metu, praevalens iuvenis Romanus senem  
infirmum in conspectu omnium raptum nequiquam tumul-  
tuantibus Etruscis ad suos transtulit. qui cum perductus 8  
ad imperatorem, inde Romam ad senatum missus esset,  
sciscitantibus, quidnam id esset, quod de lacu Albano do-  
cuisset, respondit, profecto iratos deos Veienti populo illo 9  
fuisse die, quo sibi eam mentem obiecissent, ut excidium  
patriae fatale proderet. itaque quae tum cecinerit divino 10  
spiritu instinctus, ea se nec ut indicta sint revocare posse,  
et tacendo forsitan, quae di immortales vulgari velint, haud  
minus quam celanda effando nefas contrahi. sic igitur 11  
libris fatalibus, sic disciplina Etrusca traditum esse, ut  
quando aqua Albana abundasset, tum, si eam Romanus  
rite emisisset, victoriam de Veientibus dari, antequam id  
fiat, deos moenia Veientium deserturos non esse. exse- 12  
quebatur inde, quae sollemnis derivatio esset. sed aucto-  
rem levem nec satis fidum super tanta re patres rati de-  
crevere, legatos sortesque oraculi Pythici expectandas.

- 1 XVI. Priusquam a Delphis oratores redirent Alba-  
nive prodigii piacula invenirentur, novi tribuni militum  
consulari potestate L. Iulius Iulus, L. Furius Medullinus  
quartum, L. Sergius Fidenas, A. Postumius Regillensis,  
2 P. Cornelius Maluginensis, A. Manlius magistratum in-  
ierunt. eo anno Tarquinienses novi hostes exorti, quia  
multis simul bellis, Volscorum ad Anxur, ubi praesidium  
obsidebatur, Aequorum ad Labicos, qui Romanam ibi  
coloniam oppugnabant, ad hoc Veientique et Falisco et  
Capenati bello occupatos videbant Romanos nec intra mu-  
ros quietiora negotia esse certaminibus patrum ac plebis,  
3 inter haec locum iniuriae rati esse, praedatum in agrum  
Romanum cohortes expeditas mittunt: aut enim passuros  
inultam eam iniuriam Romanos, ne novo bello se onera-  
rent, aut exiguo eoque parum valido exercitu persecuturos.  
4 Romanis indignitas maior quam cura populationis Tar-  
quiniensium fuit. eo nec magno conatu suscepta nec in  
5 longum dilata res est. A. Postumius et L. Iulius non  
iusto dilectu — etenim ab tribunis plebis inpediebantur —,  
sed prope voluntariorum, quos adhortando incitaverant,  
coacta manu per agrum Caeretem obliquis tramitibus  
egressi redeunt a populationibus gravesque praeda Tar-  
6 quinienses oppressere. multos mortales obtruncant, omnes  
exuunt inpedimentis et receptis agrorum suorum spoliis  
7 Romam revertuntur. biduum ad recognoscendas res da-  
tum dominis, tertio incognita — erant autem ea pleraque  
hostium ipsorum — sub hasta veniere quodque inde red-  
actum militibus est divisum.
- 8 Cetera bella maximeque Veiens incerti exitus erant.  
iamque Romani desperata ope humana fata et deos specta-  
bant, cum legati ab Delphis venerunt, sortem oraculi adfe-  
9 rentes congruentem responso captivi vatis: ‘Romane, aquam  
Albanam cave lacu contineri, cave in mare manare suo flu-  
mine sinas. emissam per agros rigabis dissipatamque rivis  
10 extingues. tum tu insiste audax hostium muris, memor,  
quam per tot annos obsides urbem, ex ea tibi his quae  
11 nunc panduntur fatis victoriam datam. bello perfecto do-  
num amplum victor ad mea templa portato sacraque pa-  
tria, quorum omissa cura est, instaurata ut adsolet facito.’

XVII. Ingens inde haberi captivo vati honos coeptus, 1  
eumque adhibere tribuni militum Cornelius Postumius-  
que ad prodigii Albani procurationem ac deos rite pla-  
candos coepere. inventumque tandem est, ubi neglectas 2  
caerimonias intermissumve sollemne dii arguerent, nihil  
profecto aliud esse quam magistratus vitio creatos Lati-  
nas sacrumque in Albano monte non rite concepisse. unam 3  
expiationem eorum esse, ut tribuni militum abdicarent se  
magistratu, auspicia de integro repeterentur et interregnum  
iniretur.

Ea ita facta sunt ex senatus consulto. interreges tres 4  
deinceps fuere L. Valerius, Q. Servilius Fidenas, M. Fu-  
rius Camillus. numquam desitum interim turbari comitia 5  
interpellantibus tribunis plebis, donec convenisset prius,  
ut maior pars tribunorum militum ex plebe crearetur.

Quae dum aguntur, concilia Etruriae ad fanum Vol- 6  
tumnae habita postulantibusque Capenatibus ac Faliscis,  
ut Veios communi animo consilioque omnes Etruriae po-  
puli ex obsidione eriperent, responsum est, antea se id 7  
Veientibus negasse, quia, unde consilium non petissent  
super tanta re, auxilium petere non deberent: nunc iam  
pro se fortunam suam illis negare. maxime in ea parte  
Etruriae gentem invisitatam novos accolae Gallos esse, 8  
cum quibus nec pax satis fida nec bellum pro certo sit.  
sanguini tamen nominique et praesentibus periculis con- 9  
sanguineorum id dari, ut, si qui iuventutis suae voluntate  
ad id bellum eant, non inpediant. eum magnum advenisse 10  
hostium numerum fama Romae erat, eoque mitescere dis-  
cordiae intestinae metu communi, ut fit, coepit.

XVIII. Haut invitis patribus P. Licinium Calvum prae- 1  
rogativa tribunum militum non petentem creant, modera-  
tionis expertae in priore magistratu virum, ceterum iam  
tum exactae aetatis; omnesque deinceps ex collegio eius- 2  
dem anni refici apparebat, L. Titinium, [P. Manlium,] P.  
Maelium, Cn. Genucium, L. Atilium. qui priusquam renun-  
tiarentur, iure vocatis tribubus permissu interregis P. Lici-  
nius Calvus ita verba fecit: 'omen concordiae, Quirites, rei 3  
maxime in hoc tempus utili, memoria nostri magistratus  
vos his comitiis petere in insequentem annum video. si 4

collegas eosdem reficitis etiam usu meliores factos, me iam non eundem, sed umbram nomenque P. Licini relictum videtis. vires corporis adfectae, sensus oculorum atque aurium  
 5 hebetes, memoria labat, vigor animi obtusus. en vobis,' inquit iuvenem filium tenens, 'effigiem atque imaginem eius, quem vos antea tribunum militum ex plebe primum fecistis. hunc ego institutum disciplina mea vicarium pro me rei publicae do dicoque, vosque quaeso, Quirites, delatum mihi ultro honorem huic petenti meisque pro eo adiectis precibus  
 6 mandetis.' datum id petenti patri, filiusque eius P. Licinius tribunus militum consulari potestate cum iis, quos supra  
 7 scripsimus, declaratus. Titinius Genuciusque tribuni militum profecti adversus Faliscos Capenatesque, dum bellum maiore animo gerunt quam consilio, praecipitavere se in  
 8 insidias. Genucius morte honesta temeritatem luens ante signa inter primores cecidit: Titinius in editum tumulum ex multa trepidatione militibus collectis aciem restituit nec  
 9 se tamen aequo loco hosti commisit. plus ignominiae erat quam cladis acceptum, quae prope in cladem ingentem vertit: tantum inde terroris non Romae modo, quo multiplex fama pervenerat, sed in castris quoque fuit ad Veios.  
 10 aegre ibi miles retentus a fuga est, cum pervasisset castra rumor, ducibus exercituque caeso victorem Capenatem ac Faliscum Etruriaque omnem iuventutem haut pro-  
 11 cul inde abesse. his tumultuosiora Romae, iam castra ad Veios oppugnari, iam partem hostium tendere ad urbem agmine infesto crediderant, concursumque in muros est et matronarum, quas ex domo conciverat publicus pavor, obsecrationes in templis factae precibusque ab dis petitem,  
 12 ut exitium ab urbis tectis templisque ac moenibus Romanis arcerent Veiosque eum averterent terrorem, si sacra renovata rite, si procurata prodigia essent.

1 XVIII. Iam ludi Latinaeque instaurata erant, iam ex lacu Albano aqua emissa in agros, Veiosque fata adpetebant. igitur fatalis dux ad excidium illius urbis servandaeque patriae M. Furius Camillus dictator dictus magistrum  
 2 equitum P. Cornelium Scipionem dixit. omnia repente mutaverant imperatore mutato: alia spes, alius animus hominum, fortuna quoque alia urbis videri. omnium primum in  
 4

eos, qui a Veïis in illo pavore fugerant, more militari anim-  
 advertit effecitque, ne hostis maxime timendus militi esset.  
 deinde indicto dilectu in diem certam ipse interim Veios ad  
 confirmandos militum animos intercurrit; inde Romam ad 5  
 scribendum novum exercitum redit nullo detractante mili-  
 tiam. peregrina etiam iuventus, Latini Hernicique operam  
 suam pollicentes ad id bellum venire; quibus cum gratias 6  
 in senatu egisset dictator, satis iam omnibus ad id bellum  
 paratis, ludos magnos ex senatus consulto vovit Veïis captis  
 se facturum aedemque Matutae matris refectam dedicatu-  
 rum, iam ante ab rege Servio Tullio dedicatam. profectus 7  
 cum exercitu ab urbe expectatione hominum maiore quam  
 spe in agro primum Nepesino cum Faliscis et Capenatibus  
 signa confert. omnia ibi summa ratione consilioque acta 8  
 fortuna etiam, ut fit, secuta est. non proelio tantum fudit  
 hostes, sed castris quoque exiit ingentique praeda est po-  
 titus, cuius pars maxima ad quaestorem redacta est, haud  
 ita multum militi datum. inde ad Veios exercitus ductus 9  
 densioraque castella facta et a procursationibus, quae mul-  
 tae temere inter murum ac vallum fiebant, edicto, ne quis  
 iniussu pugnaret, ad opus milites traducti. operum fuit 10  
 omnium longe maximum ac laboriosissimum cuniculus in  
 arcem hostium agi coeptus. quod ne intermitteretur opus 11  
 neu sub terra continuus labor eosdem conficeret, in partes  
 sex munitorum numerum divisit. senae horae in orbem  
 operi attributae sunt, nocte ac die numquam ante omis-  
 sum quam in arcem viam facerent.

XX. Dictator cum iam in manibus videret victoriam 1  
 esse, urbem opulentissimam capi tantumque praedae fore,  
 quantum non omnibus in unum conlatis ante bellis fuisset,  
 ne quam inde aut militum iram ex malignitate praedae 2  
 partitae aut invidiam aput patres ex prodiga largitione  
 caperet, literas ad senatum misit: deum immortalium be- 3  
 nignitate, suis consiliis, patientia militum Veios iam fore  
 in potestate populi Romani: quid de praeda faciendum  
 censerent? duae senatum distinebant sententiae, senis P. 4  
 Licini, quem primum dixisse a filio interrogatum ferunt,  
 edici palam placere populo, ut qui particeps esse praedae  
 vellet, in castra Veios iret; altera Appi Claudii, qui, lar- 5



gitionem novam, prodigam, inaequalem, inconsultam arguens, si semel nefas ducerent, captam ex hostibus in aenario exhausto bellis pecuniam esse, auctor erat stipendii ex ea pecunia militi numerandi, ut eo minus tributum plebes  
6 conferret. eius enim doni societatem sensuras aequaliter omnium domos: non avidas in direptiones manus otiosorum urbanorum praerepturas fortium bellatorum praemia esse, cum ita ferme eveniat, ut segnior sit praedator, ut quisque laboris periculique praecipuam petere partem soleat.  
7 Licinius contra suspectam et invisam semper eam pecuniam fore aiebat causasque criminum ad plebem seditionum inde ac legum novarum praebituram. satius igitur  
8 esse, reconciliari eo dono plebis animos, exhaustis atque exinanitis tributo tot annorum succurri et sentire praedae fructum ex eo bello, in quo prope consenuerint. gratius id fore laetiusque quod quisque sua manu ex hoste  
9 captum domum rettulerit, quam si multiplex alterius arbitrio accipiat. ipsum dictatorem fugere invidiam ex eo criminaque, eo delegasse ad senatum. senatum quoque  
debere reiectam rem ad se permittere plebi ac pati habere,  
10 quod cuique fors belli dederit. haec tutior visa sententia est, quae popularem senatum faceret. edictum itaque est, ad praedam Veientem quibus videretur in castra ad dictatorem proficiscerentur.

1 XXI. Ingens profecta multitudo replevit castra. tum dictator auspicato egressus cum edixisset, ut arma milites  
2 caperent, 'tuo ductu,' inquit 'Pythice Apollo, tuoque numine instinctus pergo ad delendam urbem Veios tibi  
3 hinc decimam partem praedae voveo. te simul, Iuno regina, quae nunc Veios colis, precor, ut nos victores in nostram  
4 tuamque mox futuram urbem sequare, ubi te dignum amplitudine tua templum accipiat.' haec precatus superante  
5 multitudine ab omnibus locis urbem adgreditur, quo minor ab cuniculo ingruentis periculi sensus esset. Veientes  
6 ignari, se iam a suis vatibus, iam ab externis oraculis proditos, iam in partem praedae suae vocatos deos, alios votis ex urbe sua evocatos hostium templa novasque sedes spectare  
seque ultimum illum diem agere, nihil minus timebant quam subrutis cuniculo moenibus arcem iam plenam

hostium esse, in muros pro se quisque armati discurrunt mirantes, quidnam id esset, quod, cum tot per dies nemo 7 se ab stationibus Romanus movisset, tum velut repentino icti furore improvidi currerent ad muros.

Inseritur huic loco fabula: immolante rege Veientium 8 vocem haruspiciis dicentis, qui eius hostiae exta prosecuisset, ei victoriam dari, exauditam in cuniculo movisse Romanos milites, ut adaperto cuniculo exta raperent et ad dictatorem ferrent. sed in rebus tam antiquis si quae si- 9 milia veri sint pro veris accipiantur, satis habeam: haec ad ostentationem scaenae gaudentis miraculis aptiora quam ad fidem neque adfirmare neque refellere operae pretium est.

Cuniculus delectis militibus eo tempore plenus in aede 10 Iunonis, quae in Veientana arce erat, armatos repente edidit. et pars aversos in muris invadunt hostes, pars claustra portarum revellunt, pars, cum ex tectis saxa tegulaeque a mulieribus ac servitiis iacerentur, inferunt ignes. clamor 11 omnia variis terrentium ac paventium vocibus mixto mulierum ac puerorum ploratu complet. momento temporis 12 deiectis ex muro undique armatis patefactisque portis cum alii agmine inruerent, alii desertos scanderent muros, urbs hostibus inpletur, omnibus locis pugnatur. deinde multa 13 iam edita caede senescit pugna et dictator praecones edicere iubet, ut ab inermi abstineatur. is finis sanguinis fuit. dedi inde inermes coepti et ad praedam miles permissu 14 dictatoris discurrit. quae cum ante oculos eius aliquantum spe atque opinione maior maiorisque pretii rerum ferretur, dicitur manus ad caelum tollens precatus esse, ut, si cui 15 deorum hominumque nimia sua fortuna populi Romani videretur, ut eam invidiam lenire quam minimo suo privato incommodo publicoque populi Romani liceret. con- 16 vertentem se inter hanc venerationem traditur memoriae prolapsus cecidisse; idque omen pertinuisse postea eventum rem coniectantibus visum ad damnationem ipsius Camilli, captae deinde urbis Romanae, quod post paucos accidit annos, cladem. atque ille dies caede hostium ac direptione 17 urbis opulentissimae est consumptus.

XXII. Postero die libera corpora dictator sub corona 1 vendidit. ea sola pecunia in publicum redigitur haud sine

ira plebis. et quod rettulere secum praedae, nec duci, qui ad senatum, malignitatis auctores quaerendo, rem arbitrii  
2 sui reiecisset, nec senatui, sed Liciniae familiae, ex qua filius ad senatum rettulisset, pater tam popularis sententiae  
3 auctor fuisset, acceptum referebant. cum iam humanae opes egestae a Veïis essent, amoliri tum deum dona ipsosque deos, sed colentium magis quam rapientium modo,  
4 coepere. namque delecti ex omni exercitu iuvenes pure lautis corporibus, candida veste, quibus deportanda Romam regina Iuno adsignata erat, venerabundi templum  
5 iniere, primo religiose admoventes manus, quod id signum more Etrusco nisi certae gentis sacerdos adtrectare non esset solitus. dein cum quidam seu spiritu divino tactus seu iuvenali ioco: 'visne Romam ire, Iuno?' dixisset, adnuisse ceteri deam conclamaverunt. inde fabulae adiectum  
6 est, vocem quoque dicentis velle auditam; motam certe sede sua parvi molimenti adminiculis sequentis modo accepimus levem ac facilem tralatu fuisse integramque in  
7 Aventinum, aeternam sedem suam, quo vota Romani dictatoris vocaverant, perlatam, ubi templum ei postea idem qui voverat Camillus dedicavit.

8 Hic Veiorum occasus fuit, urbis opulentissimae Etrusci nominis, magnitudinem suam vel ultima clade indicantis, quod decem aestates hiemesque continuas circumsessa, cum plus aliquanto cladium intulisset quam accepisset, postremo iam fato quoque urgente operibus tamen, non vi expugnata est.

1 XXIII. Romam ut nuntiatum est Veios captos, quamquam et prodigia procurata fuerant et vatum responsa et Pythicae sortes notae et, quantum humanis adiuvari consiliis potuerat res, ducem M. Furium maximum imperatorum omnium legerant, tamen, quia tot annis varie ibi bellatum erat multaeque clades acceptae, velut ex insperato inmensum gaudium fuit, et priusquam senatus decerneret, plena omnia templa Romanarum matrum grates dis  
2 agentium erant. senatus in quadriduum, quot dierum nullo  
3 ante bello, supplicationes decernit. adventus quoque dictatoris omnibus ordinibus obviam effusis celebratior quam ullius umquam antea fuit triumphusque omnem consuetum

honorandi diei illius modum aliquantum excessit. maxime 5  
 spectus ipse est curru equis albis iuncto urbem invec-  
 tus, parumque id non civile modo, sed humanum etiam  
 visum. Iovis Solisque equis aequiperatum dictatorem in 6  
 religionem etiam trahebant triumphusque ob eam unam  
 maxime rem clarior quam gratior fuit. tum Iunoni regi- 7  
 nae templum in Aventino locavit dedicavitque Matutae  
 matris. atque his divinis humanisque rebus gestis dicta-  
 tura se abdicavit. agi deinde de Apollinis dono coeptum. 8  
 cui se decimam vovisse praedae partem cum diceret Ca-  
 millus, pontifices solvendum religione populum censerent,  
 haud facile inibatur ratio iubendi referre praedam popu- 9  
 lum, ut ex ea pars debita in sacrum secerneretur. tandem 10  
 eo quod lenissimum videbatur decursum est, ut qui se  
 domumque religione exsolvere vellet, cum sibimet ipse  
 praedam aestumasset suam, decumae pretium partis in  
 publicum deferret, ut ex eo donum aureum dignum am- 11  
 plitudine templi ac numine dei ex dignitate populi Romani  
 fieret. ea quoque conlatio plebis animos a Camillo alie-  
 navit. inter haec pacificatum legati a Volscis et Aequis 12  
 venerunt, impetrataque pax, magis ut fessa tam diutino  
 bello adquiesceret civitas, quam quod digni peterent.

XXIII. Veiiis captis sex tribunos militum consulari 1  
 potestate insequens annus habuit: duos Publios Cornelios,  
 Cossum et Scipionem, M. Valerium Maximum iterum, Cae-  
 sonem Fabium Ambustum tertium, L. Furium Medullinum  
 quintum, Q. Servilium tertium. Corneliis Faliscum bellum, 2  
 Valerio ac Servilio Capenas sorte evenit. ab iis non urbes  
 vi aut operibus temptatae, sed ager est depopulatus prae-  
 daeque rerum agrestium actae, nulla felix arbor, nihil fru-  
 giferum in agro relictum. ea clades Capenatem populum 3  
 subegit, pax petentibus data; in Faliscis bellum restabat.

Romae interim multiplex seditio erat, cuius leniendae 4  
 causa coloniam in Volscos, quo tria milia civium Roma-  
 norum scriberentur, deducendam censuerant; triumvirque  
 ad id creati terna iugera et septunces viritim diviserant.  
 ea largitio sperni coepta, quia spei maioris avertendae so- 5  
 lacium obiectum censebant: cur enim relegari plebem in  
 Volscos, cum pulcherrima urbs Veii agerque Veientanus

6 in conspectu sit, uberior ampliorque Romano agro? urbem  
quoque urbi Romae vel situ vel magnificentia publicorum  
7 privatorumque tectorum ac locorum praeponerent. quin  
illa quoque actio movebatur, quae post captam utique  
Romam a Gallis celebratior fuit, transmigrandi Veios.  
8 ceterum partem plebi partem senatus destinabant habitan-  
dis Veïis; duasque urbes communis rei publicae incolae a  
9 populo Romano posse. adversus quae cum optimates ita  
tenderent, ut morituros se citius dicerent in conspectu  
populi Romani quam quicquam earum rerum rogaretur:  
10 quippe nunc in una urbe tantum dissensionum esse, quid  
in duabus urbibus fore? victamne ut quisquam victricis  
patriae praeferret sineretque maiorem fortunam captis esse  
11 Veïis quam incolumibus fuerit? postremo se relinqui a  
civibus in patria posse, ut relinquant patriam atque cives  
nullam vim umquam subacturam; et: T. Sicinium, is enim  
ex tribunis plebis rogationis eius lator erat, conditorem  
Veios sequantur relicto deo Romulo, dei filio, parente et  
auctore urbis Romae: —

1 XXV. Haec cum foedis certaminibus agerentur, nam  
partem tribunorum plebi patres in suam sententiam traxe-  
2 rant, nulla res alia manibus temperare plebem coge-  
bat quam quod, ubi rixae committendae causa clamor ortus  
esset, principes senatus primi turbae offerentes se peti  
3 feriri atque occidi iubebant. ab horum aetatibus digni-  
tatibusque et honoribus violandis dum abstinencebatur, et ad  
4 reliquos similes conatus verecundia irae obstabat. Camil-  
lus, identidem omnibus locis contionabundus, haud mirum,  
[inquit,] id quidem esse, furere civitatem, quae damnata voti  
omnium rerum potiore curam quam religione se exsol-  
5 vendi habeat, nihil de conlatione dicere stipis verius quam  
decumae, quando ea se quisque privatim obligaverit, libe-  
6 ratus sit populus: enimvero illud se tacere suam conscien-  
tiam non pati, quod ex ea tantum praeda, quae rerum  
moventium sit, decuma designetur, urbis atque agri capti,  
7 quae et ipsa voto contineatur, mentionem nullam fieri. cum  
ea disceptatio anceps senatui visa delegata ad pontifices  
esset, adhibito Camillo visum collegio, quod eius ante  
conceptum votum Veientium fuisset et post votum in po-

testatem populi Romani venisset, eius partem decimam Apollini sacram esse. ita in aestimationem urbs agerque 8 venit. pecunia ex aerario prompta et tribunis militum consularibus, ut aurum ex ea coemerent, negotium datum. cuius cum copia non esset, matronae, coetibus ad eam rem consultandam habitis, communi decreto pollicitae tribunis militum aurum et omnia ornamenta sua in aerarium detulerunt. grata ea res ut quae maxime senatui umquam fuit, 9 honoremque ob eam munificentiam ferunt matronis habitum, ut pilento ad sacra ludosque, carpentis festo profestoque uterentur. pondere ab singulis auri accepto 10 aestimatoque, ut pecuniae solverentur, crateram auream fieri placuit, quae donum Apollini Delphos portaretur.

Simul ab religione animos remiserunt, integrant seditionem tribuni plebis; incitatur multitudo in omnes principes, ante alios in Camillum: eum praedam Veientanam 12 publicando sacrandoque ad nihilum redegissee. absentes ferociter increpant: praesentium, cum se ultro iratis offerrent, verecundiam habent. simul extrahi rem ex eo anno 13 viderunt, tribunos plebis latores legis in annum eosdem reficiunt. et patres hoc idem de intercessoribus legis adnisi. ita tribuni plebis magna ex parte idem refecti.

XXVI. Comitibus tribunorum militum patres summa 1 ope evicerunt, ut M. Furius Camillus crearetur. propter bella simulabant parari ducem, sed largitioni tribuniciae adversarius quaerebatur. cum Camillo creati tribuni militum consulari potestate L. Furius Medullinus sextum, C. Aemilius, L. Valerius Publicola, Sp. Postumius, P. Cornelius iterum. principio anni tribuni plebis nihil moverunt, 3 donec M. Furius Camillus in Faliscos, cui id bellum mandatum erat, proficisceretur. differendo deinde elanguit res et Camillo, quem adversarium maxime metuerant, gloria in Faliscis crevit. nam cum primo moenibus se hostes tene- 4 rent tutissimum id rati, populatione agrorum atque incendiis villarum coegit eos egredi urbe. sed timor longius progredi prohibuit. mille fere passum ab oppido castra locant, 5 nulla re alia fidentes ea satis tuta esse quam difficultate aditus asperis confragosisque circa et partim artis partim arduis viis. ceterum Camillus captivum indicem ex agris 6

secutus ducem castris multa nocte motis prima luce ali-  
7 quanto superioribus locis se ostendit. trifariam Romani  
muniebant, alius exercitus proelio intentus stabat. ibi in-  
pedire opus conatos hostes fundit fugatque; tantumque inde  
pavoris Faliscis iniectum est, ut effusa fuga castra sua,  
8 quae propiora erant, praelati urbem peterent. multi caesi  
vulneratique, priusquam paventes portis inciderent. castra  
capta, praeda ad quaestores redacta cum magna militum  
ira: sed severitate imperii victi eandem virtutem et ode-  
9 rant et mirabantur. obsidio inde urbis et munitiones; et  
interdum per occasionem impetus oppidanorum in Roma-  
nas stationes proeliaque parva fieri et teri tempus neutro  
inclinata spe, cum frumentum copiaque aliae ex ante  
convecto largius obsessis quam obsidentibus subpeterent.  
10 videbaturque aequae diuturnus futurus labor ac Veiiis fuisset,  
ni fortuna imperatori Romano simul et cognitae rebus  
bellicis virtutis specimen et maturam victoriam dedisset.

1 XXVII. Mos erat Faliscis eodem magistro liberorum  
et comite uti, simulque plures pueri, quod hodie quoque  
in Graecia manet, unius curae demandabantur. principum  
liberos, sicut fere fit, qui scientia videbatur praecellere  
2 erudiebat. is cum in pace instituisset pueros ante urbem  
lusus exercendique causa producere, nihil eo more per belli  
tempus intermisso (dum) modo brevioribus modo longiori-  
bus spatiis trahendo eos a porta, lusu sermonibusque va-  
riatis longius solito, ubi res dedit, progressus inter stationes  
eos hostium castraque inde Romana in praetorium ad  
3 Camillum perduxit. ibi scelesto facinori scelestiorem ser-  
4 monem addit, Falerios se in manus Romanis tradidisse,  
quando eos pueros, quorum parentes capita ibi rerum  
5 sint, in potestatem dediderit. quae ubi Camillus audivit:  
'non ad similem' inquit 'tui nec populum nec imperatorem  
6 scelestus ipse cum scelesto munere venisti: nobis cum  
Faliscis quae pacto fit humano societas non est, — quam  
ingeneravit natura, utriusque est eritque. sunt et belli  
sicut pacis iura, iusteque ea non minus quam fortiter di-  
7 dicimus gerere. arma habemus non adversus eam aetatem,  
cui etiam captis urbibus parcitur, sed adversus armatos et  
ipsos, qui nec laesi nec laccessiti a nobis castra Romana



ad Veios oppugnarunt. eos tu, quantum in te fuit, novo 8  
 scelere vicisti: ego Romanis artibus, virtute, opere, armis,  
 sicut Veios vincam.' denudatum deinde eum manibus post 9  
 tergum inligatis reducendum Falerios pueris tradidit vir-  
 gasque eis, quibus proditorem agerent in urbem verbe-  
 rantes, dedit. ad quod spectaculum concursu populi pri- 10  
 mum facto, deinde a magistratibus de re nova vocato  
 senatu, tanta mutatio animis est iniecta, ut qui modo effe-  
 rati odio iraque Veientium exitum paene quam Capenatum  
 pacem mallent, apud eos pacem universa posceret civitas.  
 fides Romana, iustitia imperatoris in foro et curia cele- 11  
 brantur consensuque omnium legati ad Camillum in castra  
 atque inde permissu Camilli Romam ad senatum, qui de-  
 derent Falerios, proficiscuntur.

Introducti ad senatum ita locuti traduntur: 'patres con- 12  
 scripti, victoria, cui nec deus nec homo quisquam invideat,  
 victi a vobis et imperatore vestro dedimus nos vobis, rati,  
 quo nihil victori pulchrius est, melius nos sub imperio  
 vestro quam legibus nostris victuros. eventu huius belli 13  
 duo salutaria exempla prodita humano generi sunt: vos  
 fidem in bello quam praesentem victoriam maluistis, nos  
 fide provocati victoriam ultro detulimus. sub ditione vestra 14  
 sumus. mittite, qui arma, qui obsides, qui urbem paten-  
 tibus portis accipiant. nec vos fidei nostrae nec nos im-  
 perii vestri paenitebit.' Camillo et ab hostibus et a civi- 15  
 bus gratiae actae. Faliscis in stipendium militum eius  
 anni, ut populus Romanus tributo vacaret, pecunia im-  
 perata. pace data exercitus Romam reductus.

XXVIII. Camillus meliore multo laude, quam cum 1  
 triumphantem albi per urbem vexerant equi, insignis iu-  
 stitia fideque hostibus victis cum in urbem redisset, taciti  
 eius verecundiam non tulit senatus, quin sine mora voti  
 liberaretur: crateramque auream donum Apollini Delphos 2  
 legati qui ferrent L. Valerius, L. Sergius, A. Manlius missi  
 longa una nave haud procul freto Siculo a piratis Liparen-  
 sium excepti devehuntur Liparas. mos erat civitatis velut 3  
 publico latrocinio partam praedam dividere. forte eo anno  
 in summo magistratu erat Timasitheus quidam, Romanis  
 vir similior quam suis, qui legatorum nomen donumque et 4

deum, cui mitteretur, et doni causam veritus ipse, multitudinem quoque, quae semper ferme regenti est similis, religionis iustae inplevit adductosque in publicum hospitium legatos cum praesidio etiam navium Delphos prosecutus Romam inde sospites restituit. hospitium cum eo senatus consulto est factum donaque publice data.

Eodem anno in Aequis varie bellatum, adeo ut in incerto fuerit et apud ipsos exercitus et Romae, vicissent victine essent. imperatores Romani fuere ex tribunis militum C. Aemilius, Sp. Postumius. primo rem communiter gesserunt; fuis inde acie hostibus Aemilium praesidio Verruginem obtinere placuit, Postumium fines vastare. ibi eum in composito agmine negligentius ab re bene gestam euntem adorti Aequi terrore iniecto in proximos conpulere tumultos, pavorque inde Verruginem etiam ad praesidium alterum est perlatus. Postumius suis in tutum receptis cum contione advocata terrorem increparet ac fugam, fusos esse ab ignavissimo ac fugacissimo hoste: conclamat universus exercitus, merito se ea audire et fateri admissum flagitium, sed eosdem correcturos esse neque diuturnum id gaudium hostibus fore. poscentes, ut confestim inde ad castra hostium duceret — ea in conspectu erant posita in plano —, nihil poenae recusabant, nisi ea ante noctem expugnassent. conlaudatos corpora curare paratosque esse quarta vigilia iubet. et hostes, nocturnam fugam ex tumultu Romanorum ut ab ea via, quae ferebat Verruginem, excluderent, fuere obvii proeliumque ante lucem — sed luna pernox erat — commissum est. et haud incertius diurno proelium fuit. sed clamor Verruginem perlatus, cum castra Romana crederent oppugnari, tantum iniecit pavoris, ut nequiquam retinente atque obsecrante Aemilio Tusculum palati fugerent. inde fama Romam perlata est, Postumium exercitumque occisum. qui, ubi prima lux metum insidiarum effuse sequentibus sustulit, cum perequitassem aciem promissa repetens, tantum iniecit ardoris, ut non ultra sustinuerint impetum Aequi. caedis inde fugientium, qualis ubi ira magis quam virtute res geritur, ad perniciem hostium facta est; tristemque ab Tusculo nuntium nequiquam exterrita civi-

tate litterae a Postumio laureatae secuntur, victoriam populi Romani esse, Aequorum exercitum deletum.

**XXVIII.** Tribunorum plebis actiones quia nondum 1 invenerant finem, et plebs continuare latoribus legis tribunatum et patres reficere intercessores legis adnisi sunt. sed plus suis comitiis plebs valuit. quem dolorem uli 2 patres sunt senatus consulto facto, ut consules, invisus plebi magistratus, crearentur. annum post quintum decimum creati consules L. Lucretius Flavius, Ser. Sulpicius Camerinus.

Principio huius anni ferociter, quia nemo ex collegio 3 intercessurus erat, coortis ad perferendam legem tribunis plebis nec segnius ob id ipsum consulibus resistentibus omnique civitate in unam eam curam conversa, Vitelliam coloniam Romanam in suo agro Aequi expugnant. colo- 4 norum pars maxima incolumis, quia nocte proditione oppidum captum liberam per aversa urbis fugam dederat, Romam perfugere. L. Lucretio consuli ea provincia 5 evenit. is cum exercitu profectus acie hostes vincit victorque Romam ad maius aliquanto certamen redit.

Dies dicta erat tribunis plebi bienni superioris A. Ver- 6 ginio et Q. Pomponio, quos defendi patrum consensu ad fidem senatus pertinebat: neque enim eos aut vitae ullo crimine alio aut gesti magistratus quisquam arguebat, praeterquam quod gratificantes patribus rogationi tribuniciae intercessissent. vicit tamen gratiam senatus plebis ira et 7 pessimo exemplo innoxii denis milibus gravis aeris condemnati sunt. id aegre passi patres. Camillus palam sceleris plebem arguere, quae iam in suos versa non intellegeret, se pravo iudicio de tribunis intercessionem sustulisse, intercessione sublata tribuniciam potestatem evertisse. nam 9 quod illi sperarent, effrenatam licentiam eius magistratus patres laturos, falli eos. si tribunicia vis tribunicio auxilio repelli nequeat, aliud telum patres inventuros esse. con- 10 sulesque increpabat, quod fide publica decipi tribunos eos taciti tulissent, qui senatus auctoritatem secuti essent. haec propalam contionabundus in dies magis augebat iras hominum.

**XXX.** Senatum vero incitare adversus legem haut 1

desistebat: ne aliter descenderent in forum, cum dies ferendae legis venisset, quam ut qui meminissent sibi pro aris focusque et deum templis ac solo, in quo nati essent, dimicandum fore. nam quod ad se privatim attineat, si suae gloriae sibi inter dimicationem patriae meminisse sit fas, sibi amplum quoque esse, urbem ab se captam frequentari, cotidie se frui monumento gloriae suae et ante oculos habere urbem latam in triumpho suo, insistere omnes vestigiis laudum suarum. sed nefas ducere, desertam ac relictam ab dis immortalibus incoli urbem et in captivo solo habitare populum Romanum et victrice patria victam mutari. his adhortationibus principis concitati patres, senes iuvenesque, cum ferretur lex, agmine facto in forum venerunt dissipatique per tribus suos quisque tribules prensantes orare cum lacrimis coepere, ne eam patriam, pro qua fortissime felicissimeque ipsi ac patres eorum dimicassent, desererent, Capitolium, aedem Vestae, cetera circa templa deorum ostentantes; ne exulem, extorrem populum Romanum ab solo patrio ac diis penatibus in hostium urbem agerent eoque rem adducerent, ut melius fuerit non capi Veios, ne Roma desereretur. quia non vi agebant, sed precibus, et inter preces multa deorum mentio erat, religiosum parti maximae fuit et legem una plures tribus antiquarunt quam iusserunt; adeoque ea victoria laeta patribus fuit, ut postero die referentibus consulibus senatus consultum fieret, ut agri Veientani septena iugera plebi dividerentur, nec patribus familiae tantum, sed ut omnium in domo liberorum capitum ratio haberetur, vellentque in eam spem liberos tollere.

**XXXI.** Eo munere delenita plebe nihil certatum est, quo minus consularia comitia haberentur. creati consules L. Valerius Potitus, M. Manlius, cui Capitolino postea fuit cognomen. ii consules magnos ludos fecere, quos M. Furius dictator voverat Veienti bello. eodem anno aedes Iunonis reginae ab eodem dictatore eodemque bello vota dedicatur, celebratamque dedicationem ingenti matronarum studio tradunt. bellum haut memorabile in Algido cum Aequis gestum est fuis hostibus prius paene quam manus consererent. Valerio, quod perseverantior caedendis

in fuga fuit, triumphus, Manlio, ut ovans ingrederetur urbem, decretum est.

Eodem anno novum bellum cum Volsiniensibus exortum, quo propter famem pestilentiamque in agro Romano ex siccitate caloribusque nimis ortam exercitus duci nequivit. ob quae Volsinienses Salpinatibus adiunctis superbia elati ultro agros Romanos incursavere. bellum inde duobus populis indictum.

C. Iulius censor decessit; in eius locum M. Cornelius suffectus, quae res postea religioni fuit, quia eo lustro Roma est capta; nec deinde umquam in demortui locum censor sufficitur. consulibusque morbo implicitis placuit per interregnum renovari auspicia. itaque cum ex senatus consulto consules magistratu se abdicassent, interrex creatur M. Furius Camillus, qui P. Cornelium Scipionem, is deinde L. Valerium Potitum interregem prodidit. ab eo creati sex tribuni militum consulari potestate, ut, etiam si cui eorum incommoda valitudo fuisset, copia magistratum rei publicae esset.

- XXXII. Kal. Quinctilibus magistratum occepere L. Lucretius, Servius Sulpicius, M. Aemilius, L. Furius Medullinus septimum, Agrippa Furius, C. Aemilius iterum. ex his L. Lucretio et C. Aemilio Volsiniensis provincia evenit, Salpinates Agrippae Furio et Ser. Sulpicio. prius cum Volsiniensibus pugnatum est. bellum numero hostium ingens, certamine haud sane asperum fuit. fusa concursu primo acies in fugam; milia octo armatorum ab equitibus interclusa positis armis in deditionem venerunt. eius belli fama effecit, ne se pugnae committerent Salpinates: moenibus armati se tutabantur. Romani praedas passim et ex Salpinati agro et ex Volsiniensi nullo eam vim arcente egerunt, donec Volsiniensibus fessis bello ea condicione, ut res populo Romano redderent stipendiumque eius anni exercitui praestarent, in viginti annos indutiae datae.

Eodem anno M. Caedicius de plebe nuntiavit tribunis, se in nova via, ubi nunc sacellum est supra aedem Vestae, vocem noctis silentio audisse clariorem humana, quae magistratibus dici iuberet, Gallos adventare. id, ut fit, propter auctoris humilitatem spreto et quod longinqua eoque

ignotior gens erat. neque deorum modo monita ingruente  
 fato spreta, sed humanam quoque opem, quae una erat,  
 8 M. Furium, ab urbe amovere: qui die dicta ab L. Apu-  
 leio tribuno plebis propter praedam Veientanam, filio quo-  
 que adulescente per idem tempus orbatus, cum accitis do-  
 mum tribulibus et clientibus, quae magna pars plebis erat,  
 percunctatus animos eorum responsum tulisset, se conla-  
 9 tuos quanti damnatus esset, absolvere eum non posse, in  
 exilium abiit precatus ab diis immortalibus, si innoxio sibi  
 ea iniuria fieret, primo quoque tempore desiderium sui  
 civitati ingratae facerent. absens quindecim milibus gra-  
 vis aeris damnatur.

1 XXXIII. Expulso cive, quo manente, si quicquam  
 humanorum certi est, capi Roma non potuerat, adventante  
 fatali urbi clade, legati ab Clusinis veniunt auxilium ad-  
 2 versus Gallos petentes. eam gentem traditur fama dul-  
 cedine frugum maximeque vini, nova tum voluptate, cap-  
 tam Alpes transisse agrosque ab Etruscis ante cultos  
 3 possedissee; et invexisse in Galliam vinum inliciendae gen-  
 tis causa Arruntem Clusinum ira corruptae uxoris ab Lu-  
 cumone, cui tutor is fuerat ipse, praepotente iuvene et a  
 quo expeti poenae, nisi externa vis quaesita esset, nequi-  
 4 rent: hunc transeuntibus Alpes ducem auctoremque Clu-  
 sium oppugnandi fuisse.

Equidem haut abnuerim, Clusium Gallos ab Arrunte  
 5 seu quo alio Clusino adductos; sed eos, qui oppugnave-  
 rint Clusium, non fuisse qui primi Alpes transierint, satis  
 constat. ducentis quippe annis ante quam Clusium op-  
 pugnarent urbemque Romam caperent, in Italiam Galli  
 6 transcenderunt; nec cum his primum Etruscorum, sed  
 multo ante cum iis, qui inter Appenninum Alpesque in-  
 7 colebant, saepe exercitus Gallici pugnaverunt. Tuscorum  
 ante Romanum imperium late terra marique opes patuere.  
 mari supero inferoque, quibus Italia insulae modo cingi-  
 tur, quantum potuerint, nomina sunt argumento, quod al-  
 terum Tuscum, communi vocabulo gentis, alterum Atria-  
 ticum mare ab Atria Tuscorum colonia vocavere Italicae  
 8 gentes; Graeci eadem Tyrrhenum atque Adriaticum vocant.  
 9 et in utrumque mare vergentes incoluere urbibus duodenis

terras, prius cis Appenninum ad inferum mare, postea trans Appenninum totidem, quot capita originis erant, coloniis missis, quae trans Padum omnia loca excepto Venetorum angulo, qui sinum circumcolunt maris, usque ad Alpes tenuere. Alpinis quoque ea gentibus haud dubie origo est, maxime Raetiis; quos loca ipsa efferarunt, ne quid ex antiquo praeter sonum linguae, nec eum incorruptum, retinerent.

**XXXIII.** De transitu in Italiam Gallorum haec accepimus. Prisco Tarquinio Romae regnante Celtarum, quae pars Galliae tertia est, penes Bituriges summa imperii fuit. ii regem Celtico dabant. Ambigatus is fuit, virtute fortunaque cum sua tum publica praepollens, quod in imperio eius Gallia adeo frugum hominumque fertilis fuit, ut abundans multitudo vix regi videretur posse. hic magno natu ipse iam exonerare praegravante turba regnum cupiens Bellovesum ac Segovesum sororis filios, inpigros iuvenes, missurum se esse in quas dii dedissent auguriis sedes ostendit: quantum ipsi vellent numerum hominum excirent, ne qua gens arcere advenientes posset. tum Segoveso sortibus dati Hercynei saltus; Belloveso haut paulo laetiores in Italiam vias dii dabant. is, quod eius ex populis abundabat, Bituriges, Arvernos, Senones, Aeduos, Ambarros, Carnutes, Aulercos excivit. profectus ingentibus peditum equitumque copiis in Tricastinos venit. Alpes inde oppositae erant; quas inexsuperabiles visas haud equidem miror, nulladum via — quod quidem continens memoria sit, nisi de Hercule fabulis credere libet — superatas. ibi cum velut saeptos montium altitudo teneret Gallos, circumspectarentque, quam per iuncta caelo iuga in alium orbem terrarum transirent, religio etiam tenuit, quod adlatum est, advenas quaerentes agrum ab Salluvium gente oppugnari. Massilienses erant ii, navibus a Phocaea profecti. id Galli fortunae suae omen rati adiuvere, ut quem primum in terram egressi occupaverant locum patentibus silvis communirent. ipsi per Taurinos saltusque Iuliae Alpae transcenderunt fuscis acie Tuscis haud procul Ticino flumine, cum in quo consederant agrum Insubrium appellari audissent, cognomine Insubribus pago



Haeduorum, ibi omen sequentes loci condidere urbem, Mediolanium appellarunt.

1 XXXV. Alia subinde manus Cenomanorum Elitovio  
duce vestigia priorum secuta eodem saltu favente Belloveso  
cum transcendisset Alpes, ubi nunc Brixia ac Verona urbes  
2 sunt — locos tenuere Libui — considunt; post hos Salluvii  
(qui) praeter antiquam gentem Laevos Ligures incolentes  
circa Ticinum amnem. Poeninon deinde Boii Lingonesque  
transgressi, cum iam inter Padum atque Alpes omnia tene-  
rentur, Pado ratibus traiecto non Etruscos modo, sed etiam  
Umbros agro pellunt: intra Appenninum tamen sese te-  
3 nuere. tum Senones recentissimi advenarum ab Utente flu-  
mine usque ad Aesim fines habuere. hanc gentem Clusium  
Romamque inde venisse comperio; id parum certum est, so-  
lamne an ab omnibus Cisalpinorum Gallorum populis ad-  
iutam.

4 Clusini novo bello exterriti cum multitudinem, cum  
formas hominum invisitatas cernerent et genus armorum  
audirentque saepe ab iis cis Padum ultraque legiones Etrus-  
corum fusas, quamquam adversus Romanos nullum eis  
ius societatis amicitiaeve erat, nisi quod Veientes consan-  
guineos adversus populum Romanum non defendissent,  
legatos Romam, qui auxilium ab senatu peterent, misere.  
5 de auxilio nihil impetratum: legati M. Fabi Ambusti filii  
missi, qui senatus populi Romani nomine agerent cum  
Gallis, ne, a quibus nullam iniuriam accepissent, socios  
6 populi Romani atque amicos oppugnarent. Romanis eos  
bello quoque, si res cogat, tuendos esse; sed melius vi-  
sum bellum ipsum amoveri, si posset, et Gallos, novam  
gentem, pace potius cognosci quam armis.

1 XXXVI. Mitis legatio, ni praeferoces legatos Gallis-  
que magis quam Romanis similes habuisset. quibus, post-  
quam mandata ediderunt in concilio Gallorum, datur re-  
2 sponsum: etsi novum nomen audiant Romanorum, tamen  
credere, viros fortes esse, quorum auxilium a Clusinis in  
3 re trepida sit inploratum. et quoniam legatione adversus  
se maluerint quam armis tueri socios, ne se quidem pacem  
quam illi adferant aspernari, si Gallis egentibus agro, quem  
*latius possideant* quam colant Clusini, partem finium con-

cedant; aliter pacem impetrari non posse. et responsum 4  
coram Romanis accipere velle et, si negetur ager, coram  
iisdem Romanis dimicatuuros, ut nuntiare domum possent,  
quantum Galli virtute ceteros mortales praestarent. quod- 5  
nam id ius esset, agrum a possessoribus petere aut minari  
arma, Romanis quaerentibus, et quid in Etruria rei Gallis  
esset, cum illi se in armis ius ferre et omnia fortium vi-  
rorum esse ferociter dicerent, accensis utrimque animis ad  
arma discurritur et proelium conseritur.

Ibi, iam urgentibus Romanam urbem fatis, legati con- 6  
tra ius gentium arma capiunt. nec id clam esse potuit,  
cum ante signa Etruscorum tres nobilissimi fortissimique  
Romanae iuventutis pugnarent: tantum eminebat pere-  
grina virtus. quin etiam Q. Fabius evectus extra aciem 7  
equo ducem Gallorum, ferociter in ipsa signa Etruscorum  
incursantem, per latus transfixum hasta occidit; spoliaque  
eius legentem Galli agnovere perque totam aciem Roma-  
num legatum esse signum datum est. omissa inde in 8  
Clusinos ira receptui canunt minantes Romanis. erant  
qui extemplo Romam eundum censerent; vicere seniores,  
ut legati prius mitterentur questum iniurias postulatamque,  
ut pro iure gentium violato Fabii dederentur. legati Gal- 9  
lorum cum ea, sicut erant mandata, exposuissent, senatui  
nec factum placebat Fabiorum et ius postulare barbari  
videbantur. sed ne id quod placebat decerneret in tan-  
tae nobilitatis viris, ambitio obstabat. itaque ne penes 10  
ipsos culpa esset cladis forte Gallico bello acceptae, co-  
gnitionem de postulatis Gallorum ad populum reiciunt.  
ubi tanto plus gratia atque opes valere, ut, quorum de  
poena agebatur, tribuni militum consulari potestate in  
insequentem annum crearentur. quo facto haud secus 11  
quam dignum erat infensi Galli bellum propalam minan-  
tes ad suos redeunt. tribuni militum cum tribus Fabiis 12  
creati Q. Sulpicius Longus, Q. Servilius quarto, P. Cor-  
nelius Maluginensis.

XXXVII. Cum tanta moles mali instaret — adeo ob- 1  
caecat animos fortuna, ubi vim suam ingruentem refringi  
non vult —, civitas, quae adversus Fidenatem ac Veien-  
tem hostem aliosque finitimos populos ultima experiens

2 auxilia dictatorem multis tempestatibus dixisset, ea tunc  
invisitato atque inaudito hoste ab Oceano terrarumque ul-  
timis oris bellum ciente nihil extraordinarii imperii aut  
3 auxilii quaesivit. tribuni, quorum temeritate bellum con-  
tractum erat, summae rerum praeerant dilectumque nihilo  
accuratiorem quam ad media bella haberi solitus erat ex-  
tenuantes etiam famam belli habebant.

4 Interim Galli, postquam accepere ultro honorem ha-  
bitum violatoribus iuris humani elusamque legationem suam  
esse, flagrantēs ira, cuius inpotens est gens, confestim si-  
5 gnis convulsis citato agmine iter ingrediuntur. ad quorum  
praetereuntium raptim tumultum cum exterritae urbes ad  
arma concurrerent fugaque agrestium fieret, Romam se  
ire magno clamore significabant, quacumque ibant equis  
virisque longe ac late fuso agmine immensum obtinentes  
6 loci. sed antecedente fama nuntiisque Clusinorum, dein-  
ceps inde aliorum populorum, plurimum terroris Romam  
7 celeritas hostium tulit, quippe quibus velut tumultuario  
exercitu raptim ducto aegre ad undecimum lapidem oc-  
cursum est, qua flumen Alia, Crustuminis montibus prae-  
alto defluens alveo, haud multum infra viam Tiberino amni  
8 miscetur. iam omnia contra circaque hostium plena erant  
et nata in vanos tumultus gens truci cantu clamoribusque  
variis horrendo cuncta conpleverant sono.

1 XXXVIII. Ibi tribuni militum non loco castris ante  
capto, non praemunito vallo, quo receptus esset, non deo-  
rum saltem, si non hominum, memores, nec auspicato nec  
litato instruunt aciem diductam in cornua, ne circumveniri  
2 multitudine hostium possent. nec tamen aequari frontes  
poterant, cum extenuando infirmam et vix cohaerentem  
mediam aciem haberent. paulum erat ab dextera editi loci,  
quem subsidiariis repleri placuit; eaque res, ut initium  
3 pavoris ac fugae, sic una salus fugientibus fuit. nam Bren-  
nus regulus Gallorum, in paucitate hostium artem maxime  
timens, ratus ad id captum superiorem locum, ut, ubi Galli  
cum acie legionum recta fronte concucurrissent, subsidia  
in aversos transversosque impetum darent, ad subsidiarios  
4 signa convertit, si eos loco depulisset haud dubius facilem  
*in aequo campi tantum superanti multitudine victoriam*

fore. adeo non fortuna modo, sed ratio etiam cum barbaris stabat. in altera acie nihil simile Romanis, non apud 5 duces, non apud milites erat. pavor fugaque occupaverat animos et tanta omnium oblivio, ut multo maior pars Veios in hostium urbem, cum Tiberis arceret, quam recto itinere Romam ad coniuges ac liberos fugerent. parumper sub- 6 sidiarios tutatus est locus: in reliqua acie simul est clamor proximis ab latere, ultimis ab tergo auditus, ignotum hostem prius paene quam viderent, non modo non temptato certamine, sed ne clamore quidem reddito, integri intactique fugerunt. nec ulla caedes pugnantium fuit: 7 terga caesa suomet ipsorum certamine in turba inpedientium fugam. circa ripam Tiberis, quo armis abiectis totum 8 sinistrum cornu defugit, magna strages facta est; multosque inperitos nandi aut invalidos graves lorice aliisque tegminibus hausere gurgites. maxima tamen pars in- 9 columis Veios perfugit, unde non modo praesidii quicquam, sed ne nuntius quidem cladis Romam est missus. ab dex- 10 tro cornu, quod procul a flumine et magis sub monte steterat, Romam omnes petiere et ne clausis quidem portis urbis in arcem confugerunt.

**XXXVIII.** Gallos quoque velut obstupefactos miraculum 1 victoriae tam repentinae tenuit. et ipsi pavore defixi primum steterunt velut ignari, quid accidisset; deinde insidias vereri; postremo caesorum spolia legere armorumque cumulos, ut mos eis est, coacervare. tum demum, 2 postquam nihil usquam hostile cernebatur, viam ingressi haud multo ante solis occasum ad urbem Romam perveniunt. ubi cum praegressi equites non portas clausas, non stationem pro portis excubare, non armatos esse in muris rettulissent, aliud priori simile miraculum eos sustinuit; noctemque veriti et ignotae situm urbis, inter Ro- 3 mam atque Anienem consedere exploratoribus missis circa moenia aliasque portas, quaenam hostibus in perdita re consilia essent. Romani, cum pars maior ex acie Veios 4 petisset (quam Romam), nemo superesse quemquam praeter eos qui Romam refugerant crederent, conplorati omnes pariter vivi mortuique totam prope urbem lamentis impleverunt. privatos deinde luctus stupefecit publicus 5

pavor, postquam hostes adesse nuntiatum est. mox ululatus cantusque dissonos vagantibus circa moenia turmatim barbaris audiebant. omne inde tempus suspensos ita tenuit animos usque ad lucem alteram, ut identidem iam in urbem futurus videretur impetus: primo adventu, quia accesserant ad urbem, mansuros enim ad Aliam fuisse, nisi hoc consilii foret; deinde sub occasum solis, quia haud multum diei supererat, ante noctem rati se invasuros; tum in noctem dilatum consilium esse, quo plus pavoris inferrent; postremo lux adpropinquans exanimare. timorique perpetuo ipsum malum continens fuit, cum signa infesta portis sunt inlata. nequaquam tamen ea nocte neque insequenti die similis illi, quae ad Aliam tam pavide fugerat, civitas fuit. nam cum defendi urbem posse tam parva relictā manu spes nulla esset, placuit cum coniugibus ac liberis iuventutem militarem senatusque robur in arcem Capitoliumque concedere armisque et frumento conlato ex loco inde munito deos hominesque et Romanum nomen defendere, flaminem sacerdotesque Vestales sacra publica a caede, ab incendiis procul auferre nec ante deseri cultum eorum quam non superessent qui colerent. si arx Capitoliumque, sedes deorum, si senatus, caput publici consilii, si militaris iuventus superfuerit imminenti ruinae urbis, facilem iacturam esse seniorum, relictā in urbe utique periturae turbae. et quo id aequiore animo de plebe multitudo ferret, senes triumphales consularesque simul se cum illis palam dicere obituros nec his corporibus, quibus non arma ferre, non tueri patriam possent, oneratos inopiam armatorum.

1 XXXX. Haec inter seniores morti destinatos iactata solacia. versae inde adhortationes ad agmen iuvenum, quos in Capitolium atque in arcem prosequiebantur, commendantes virtuti eorum iuventutis urbis, per trecentos sexaginta annos omnibus bellis victricis, quaecumque reliqua essent  
2 fortuna. digredientibus, qui spem omnem atque opem secum ferebant, ab his, qui captae urbis non superesse statuerant exitio, cum ipsa res speciesque miserabilis erat, tum muliebris fletus et concursatio incerta nunc hos nunc illos sequentium rogitantiumque viros natosque, cui se fato darent,

nihil quod humanis superesset malis relinquebant. magna 4  
 pars tamen earum in arcem suos persecutae sunt nec pro-  
 hibente ullo nec vocante, quia, quod utile obsessis ad  
 minuendam inbellem multitudinem, id parum humanum  
 erat. alia maxime plebis turba, quam nec capere tam 5  
 exiguus collis nec alere in tanta inopia frumenti poterat,  
 ex urbe effusa velut agmine iam uno petiit Ianiculum.  
 inde pars per agros dilapsi, pars urbes petunt finitimas, 6  
 sine ullo duce aut consensu, suam quisque spem, sua  
 consilia communibus deploratis exsequebantur. flamen in- 7  
 terim Quirinalis virginesque Vestales omissa rerum suarum  
 cura, quae sacrorum secum ferenda, quae, quia vires ad  
 omnia ferenda deerant, relinquenda essent consultantes  
 quisve ea locus fideli adservaturus custodia esset, optimum 8  
 ducunt condita in doliolis sacello proximo aedibus flaminis  
 Quirinalis, ubi nunc despui religio est, defodere; cetera  
 inter se onere partito ferunt via, quae sublicio ponte ducit  
 ad Ianiculum. in eo clivo eas cum L. Albinus de plebe 9  
 Romana homo conspexisset, plaustro coniugem ac liberos  
 habens, inter ceteram turbam, quae inutilis bello urbe ex-  
 cedebat, salvo etiam tum discrimine divinarum humana- 10  
 rumque rerum inreligiosum ratus, sacerdotes publicos  
 sacraque populi Romani pedibus ire ferrique, se ac suos  
 in vehiculo conspici, descendere uxorem ac pueros iussit,  
 virgines sacraque in plastrum inposuit et Caere, quo iter  
 sacerdotibus erat, pervexit.

**XXXI.** Romae interim satis iam omnibus ut in tali 1  
 re ad tuendam arcem compositis turba seniorum domos  
 regressa adventum hostium obstinato ad mortem animo  
 expectabat. qui eorum curules gesserant magistratus, ut 2  
 in fortunae pristinae honorumque aut virtutis insignibus  
 morerentur, quae augustissima vestis est tensas ducentibus  
 triumphantibusve, ea vestiti medio aedium eburnis sellis  
 sedere. sunt qui M. Fabio pontifice maximo praefante 3  
 carmen devovisse eos se pro patria Quiritibusque Romanis  
 tradant. Galli, et quia interposita nocte a contentione 4  
 pugnae remiserant animos et quod nec in acie ancipiti  
 usquam certaverant proelio nec tum impetu aut vi capie-  
 bant urbem, sine ira, sine ardore animorum ingressi

postero die urbem patente Collina porta in forum per-  
 veniunt, circumferentes oculos ad templa deum arcemque  
 5 (totam) solam belli speciem tenentem. inde modico relicto  
 praesidio, ne quis in dissipatos ex arce aut Capitolio im-  
 petus fieret, dilapsi ad praedam vacuis occursum hominum  
 viis, pars in proxima quaeque tectorum agmine ruunt,  
 pars ultima, velut ea demum intacta et referta praeda,  
 6 petunt. inde rursus ipsa solitudine absterriti, ne qua fraus  
 hostilis vagos exciperet, in forum ac propinqua foro loca  
 7 conglobati redibant; ubi eos plebis aedificiis obseratis, pa-  
 tentibus atriis principum, maior prope cunctatio tenebat  
 8 aperta quam clausa invadendi: adeo haud secus quam  
 venerabundi intuebantur in aedium vestibulis sedentes  
 viros praeter ornatum habitumque humano augustiorem  
 maiestate etiam, quam vultus gravitasque oris prae se  
 9 ferebat, simillimos dis. ad eos velut simulacra versi cum  
 starent, M. Papirius unus ex his dicitur Gallo barbam  
 suam, ut tum omnibus promissa erat, permulcenti scipione  
 eburneo in caput incusso iram movisse; atque ab eo ini-  
 tium caedis ortum, ceteros in sedibus suis trucidatos.  
 10 post principum caedem nulli deinde mortalium parci, diripi  
 tecta, exhaustis inici ignes.

1 XXXXII. Ceterum — seu non omnibus delendi ur-  
 bem libido erat seu ita placuerat principibus Gallorum, et  
 ostentari quaedam incendia terroris causa, si compelli ad  
 2 deditionem caritate sedum suarum obsessi possent, et non  
 omnia concremari tecta, ut quodcumque superesset urbis,  
 id pignus ad flectendos hostium animos haberent, — ne-  
 quaquam perinde atque in capta urbe prima die aut pas-  
 3 sim aut late vagatus est ignis. Romani ex arce plenam  
 hostium urbem cernentes vagosque per vias omnes cursus,  
 cum alia atque alia parte nova aliqua clades oreretur, non  
 mentibus solum concipere, sed ne auribus quidem atque  
 4 oculis satis constare poterant. quocumque clamor hostium,  
 mulierum puerorumque ploratus, sonitus flammae et fragor  
 ruentium tectorum avertisset, paventes ad omnia animos  
 oraque et oculos flectebant velut ad spectaculum a fortuna  
 positi occidentis patriae nec ullius rerum suarum relictis  
 5 praeterquam corporum vindices, tanto ante alios miserandi



magis, qui umquam obsessi sunt, quod interclusi a patria 5  
obsidebantur omnia sua cernentes in hostium potestate.  
nec tranquillior nox diem tam foede actum excepit, lux 6  
deinde noctem inquietam insecuta est, nec ullum erat  
tempus, quod a novae semper cladis alicuius spectaculo  
cessaret. nihil tamen tot onerati atque obruti malis flexe- 7  
runt animos, quin, etsi omnia flammis ac ruinis aequata  
vidissent, quamvis inopem parvumque quem tenebant col-  
lem libertati relictum virtute defenderent. et iam, cum 8  
eadem cotidie acciderent, velut adsueti malis abalienave-  
rant ab sensu rerum suarum animos, arma tantum ferrum-  
que in dextris velut solas reliquias spei suae intuentes.

XXXXIII. Galli quoque, per aliquot dies in tecta 1  
modo urbis nequiquam bello gesto, cum inter incendia ac  
ruinas captae urbis nihil superesse praeter armatos hostes  
viderent, nequiquam tot cladibus territos nec flexuros ad  
deditionem animos, ni vis adhiberetur, experiri ultima et  
impetum facere in arcem statuunt. prima luce signo dato 2  
multitudo omnis in foro instruitur; inde clamore sublato  
ac testudine facta subeunt. adversus quos Romani nihil  
temere nec trepide ad omnis aditus stationibus firmatis,  
qua signa ferri videbant, ea robore virorum opposito scan-  
dere hostem sinunt, quo successerit magis in arduum, eo  
pelli posse per proclive facilius rati. medio fere clivo re- 3  
stitere atque inde ex loco superiore, qui prope sua sponte  
in hostem inferebat, impetu facto strage ac ruina fudere  
Gallos, ut numquam postea nec pars nec universi tempta-  
verint tale pugnae genus. omissa itaque spe per vim at- 4  
que arma subeundi obsidionem parant, cuius ad id tempus  
inmemores et quod in urbe fuerat frumentum incendiis  
urbis absumpserant et ex agris per ipsos dies raptum  
omne Veios erat. igitur exercitu diviso partim per finiti- 5  
mos populos praedari placuit, partim obsideri arcem, ut  
obsidentibus frumentum populatores agrorum praeberent.  
proficiscentes Gallos ab urbe ad Romanam experiendam 6  
virtutem fortuna ipsa Ardeam, ubi Camillus exulabat,  
duxit; qui maestior ibi fortuna publica quam sua, cum 7  
diis hominibusque accusandis senesceret indignando mi-  
randoque, ubi illi viri essent, qui secum Veios Faleriosque

8 cepissent, qui alia bella fortius semper quam felicius gessissent, repente audit Gallorum exercitum adventare atque de eo pavidos Ardeates consultare. nec secus quam divino spiritu tactus, cum se in mediam contionem intulisset, abstinere suetus ante talibus conciliis:

1 XXXXIII. 'Ardeates,' inquit 'veteres amici, novi etiam cives mei, quando et vestrum beneficium ita tulit et fortuna hoc egit mea, nemo vestrum condicionis meae oblitum me huc processisse putet. sed res ac periculum commune cogit, quod quisque possit in re trepida praesidii in medium conferre. et quando ego vobis pro tantis vestris in me meritis gratiam referam, si nunc cessavero? aut ubi usus erit mei vobis, si in bello non fuerit? hac arte in patria steti et invictus bello, in pace ab ingratis  
3 civibus pulsus sum. vobis autem, Ardeates, fortuna oblata est et pro tantis populi Romani beneficiis, quanta ipsi meministis — nec enim exprobranda ea apud memores sunt —, gratiae referendae et huic urbi decus ingens belli  
4 ex hoste communi pariendi. qui effuso agmine adventant, gens est, cui natura corpora animosque magna magis quam firma dederit. eo in certamen omne plus terroris quam vi-  
5 rium ferunt. argumento sit clades Romana: patentem cepere urbem; ex arce Capitolioque his exigua resistitur manu. iam obsidionis taedio victi abscedunt vagique per  
6 agros palantur. cibo vinoque raptim hausto repleti, ubi nox adpetit, prope rivos aquarum sine munimento, sine stationibus ac custodiis, passim ferarum ritu sternuntur,  
7 nunc a secundis rebus magis etiam solito incauti. si vobis in animo est, tueri moenia vestra nec pati haec omnia Galliam fieri, prima vigilia capite arma frequentes, me sequimini ad caedem, non ad pugnam. nisi vinctos somno velut pecudes trucidandos tradidero, non recuso eundem Ardeae rerum mearum exitum, quem Romae habui.'

1 XXXXV. Aequis iniquisque persuasum erat, tantum bello virum neminem usquam ea tempestate esse. contione dimissa corpora curant intenti, quam mox signum daretur. quo dato primae silentio noctis ad portas Camillo praesto  
2 fuere. egressi haud procul urbe, sicut praedictum erat, castra Gallorum intuta neglectaque ab omni parte nacti

cum ingenti clamore invadunt. nusquam proelium, omni- 3  
bus locis caedes est; nuda corpora et soluta somno truci-  
dantur. extremos tamen pavor e cubilibus suis excitos,  
quae aut unde vis esset ignaros, in fugam et quosdam in  
hostem ipsum improvidos tulit. magna pars in agrum  
Antiatem delati incursione ab oppidanis in palatos facta  
circumveniuntur.

Similis in agro Veienti Tuscorum facta strages est, qui 4  
urbis, iam prope quadringentesimum annum vicinae, op-  
pressae ab hoste invisitato, inaudito adeo nihil miseriti  
sunt, ut in agrum Romanum eo tempore incursiones fa-  
cerent plenique praedae Veios etiam praesidiumque et  
spem ultimam Romani nominis in animo habuerint op-  
pugnare. viderant eos milites Romani vagantes per agros 5  
et congregatos agmine praedam prae se agentes et castra  
cernebant haud procul Veïis posita. inde primum mise- 6  
ratio sui, deinde indignitas atque ex ea ira animos cepit.  
Etruscisne etiam, a quibus bellum Gallicum in se avertis-  
sent, ludibrio esse clades suas? vix temperavere animis, 7  
quin extemplo impetum facerent, compressique a Caedicio  
centurione, quem sibimet ipsi praefecerant, rem in noctem  
sustinuere. tantum par Camillo defuit auctor, cetera eo- 8  
dem ordine eodemque fortunae eventu gesta. quin etiam  
ducibus captivis, qui caedi nocturnae superfuerant, ad  
aliam manum Tuscorum ad salinas profecti nocte inse-  
quente ex improviso maiorem caedem edidere, duplicique  
victoria ovantes Veios redeunt.

XXXXVI. Romae interim plerumque obsidio segnis 1  
et utrimque silentium esse, ad id tantum intentis Gallis,  
ne quis hostium evadere inter stationes posset, cum re-  
pente iuvenis Romanus admiratione in se cives hostesque  
convertit. sacrificium erat statum in Quirinali colle genti 2  
Fabiae. ad id faciendum C. Fabius Dorsuo Gabino cinctu  
sacra manibus gerens cum de Capitolio descendisset, per  
medias hostium stationes egressus nihil ad vocem cuius-  
quam terroremve motus, in Quirinalem collem pervenit;  
ibique omnibus sollemniter peractis eadem revertens simi- 3  
liter constanti vultu graduque, satis sperans, propitios esse  
deos, quorum cultum ne mortis quidem metu prohibitus

deseruisset, in Capitolium ad suos rediit seu attonitis Gallis miraculo audaciae seu religione etiam motis, cuius haudquaquam negligens gens est.

4 Veïis interim non animi tantum in dies, sed etiam vires crescebant. nec Romanis solum eo convenientibus ex agris, qui aut proelio adverso aut clade captae urbis palati fuerant, sed etiam ex Latio voluntariis confluentibus, ut in parte praedae essent, maturum iam videbatur, repeti patriam eripique ex hostium manibus. sed corpori 5 valido caput deerat. locus ipse admonebat Camilli et magna pars militum erat, qui ductu auspicioque eius res prospere gesserant; et Caedicius negare, se commissurum, cur sibi aut deorum aut hominum quisquam imperium finiret potius quam ipse memor ordinis sui posceret imperatorem. 7 consensu omnium placuit ab Ardea Camillum acciri, sed antea consulto senatu, qui Romae esset: adeo regebat omnia pudor, discriminaque rerum prope perditis rebus 8 servabant. ingenti periculo transeundum per hostium custodias erat. ad eam rem Pontius Cominius inpiger iuvenis operam pollicitus, incubans cortici secundo Tiberi 9 ad urbem defertur. inde, qua proximum fuit a ripa, per praeruptum eoque neglectum hostium custodiae saxum in Capitolium evadit et ad magistratus ductus mandata exercitus edit. accepto inde senatus consulto, uti comitiis curiatis revocatus de exilio iussu populi Camillus dictator extemplo diceretur militesque haberent imperatorem quem 11 vellent, eadem degressus nuntius Veios contendit, missique Ardeam legati ad Camillum Veios eum perduxere, seu — quod magis credere libet, non prius profectum ab Ardea quam conperit legem latam, quod nec iniussu populi mutari finibus posset nec nisi dictator dictus auspicia in exercitu habere — lex curiata lata est dictatorque absens dictus.

1 XXXXVII. Dum haec Veïis agebantur, interim arx 2 Romae Capitoliumque in ingenti periculo fuit. namque Galli seu vestigio notato humano, qua nuntius a Veïis pervenerat, seu sua sponte animadverso ad Carmentis saxo ascensu aequo, nocte sublustri, cum primo inermem, qui temptaret viam, praemisissent, tradentes inde

arma, ubi quid iniqui esset, alterni innixi sublevantesque invicem et trahentes alii alios, prout postularet locus, 8 tanto silentio in summum evasere, ut non custodes solum fallerent, sed ne canes quidem, sollicitum animal ad nocturnos strepitus, excitarent. anseres non fefellere, quibus 4 sacris Iunonis in summa inopia cibi tamen abstinebatur. quae res saluti fuit: namque clangore eorum alarumque crepitu excitus M. Manlius, qui triennio ante consul fuerat, vir bello egregius, armis arreptis simul ad arma ceteros ciens vadit et, dum ceteri trepidant, Gallum, qui iam in summo constiterat, umbone ictum deturbat. cuius ca- 5 sus prolapsi cum proximos sterneret, trepidantes alios armisque omissis saxa, quibus adhaerebant, manibus amplexos trucidat. iamque et alii congregati telis missilibusque saxis proturbare hostes ruinaque tota prolapsa acies in praeceps deferri. sedato deinde tumultu reliquum noctis, 6 quantum in turbatis mentibus poterat, cum praeteritum quoque periculum sollicitaret, quieti datum est. luce orta 7 vocatis classico ad concilium militibus ad tribunos, cum et recte et perperam facto pretium deberetur, Manlius primum ob virtutem laudatus donatusque non ab tribunis solum militum, sed consensu etiam militari; cui universi 8 selibras farris et quartarios vini ad aedes eius, quae in arce erant, contulerunt, rem dictu parvam; ceterum inopia fecerat eam argumentum ingens caritatis, cum se quisque victu suo fraudans detractum corpori atque usibus necessariis ad honorem unius viri conferret. tum vigiles eius 9 loci, qua fefellerat ascendens hostis, citati; et cum in omnes more militari se animadversurum Q. Sulpicius tribunus militum pronuntiasset, consentiente clamore militum 10 in unum vigilem coicientium culpam deterritus a ceteris abstinuit, reum haud dubium eius noxae adprobantibus cunctis de saxo deiecit. inde intentiores utrimque custo- 11 diae esse, et apud Gallos, quia vulgatum erat inter Veios Romanque nuntios commeare, et apud Romanos ab nocturni periculi memoria.

**XXXXVIII.** Sed ante omnia obsidionis bellicae mala 1 fames utrimque exercitum urgebat, Gallos pestilentia etiam, 2 cum loco iacente inter tumulos castra habentes tum ab incendiis torrido et vaporis pleno cineremque, non pulverem modo ferente, cum quid venti motum esset. quorum in- 3 tolerantissima gens umorique ac frigori adsueta, cum aestu et angore vexata vulgatis velut in pecua morbis

morerentur, iam pigritia singulos sepeliendi promisce acervatos cumulos hominum urebant; bustorumque inde Gallicorum nomine insignem locum fecere.

4 Indutiae deinde cum Romanis factae et colloquia permissu imperatorum habita; in quibus cum identidem Galli famem obicerent eaque necessitate ad deditionem vocarent, dicitur avertendae eius opinionis causa multis locis panis  
5 de Capitolio iactatus esse in hostium stationes. sed iam neque dissimulari neque ferri ultra fames poterat. itaque dum dictator dilectum per se Ardeae habet, magistrum equitum L. Valerium a Veiis abducere exercitum iubet,  
6 parat instruitque quibus haud inpar adoriatur hostes, interim Capitolinus exercitus stationibus, vigiliis fessus, superatis tamen humanis omnibus malis, cum famem unam natura vinci non sineret, diem de die prospectans, ecquod  
7 auxilium ab dictatore appareret, postremo spe quoque, iam non solum cibo deficiente et, cum stationes procederent, prope obruentibus infirmum corpus armis, vel dedi vel redimi se quacumque pactione possent iussit, iactantibus non obscure Gallis, haud magna mercede se adduci  
8 posse, ut obsidionem relinquunt. tum senatus habitus tribunisque militum negotium datum, ut paciscerentur. inde inter Q. Sulpicium tribunum militum et Brennum regulum Gallorum colloquio transacta res est et mille pondo auri pretium populi gentibus mox imperaturi factum. rei foedissimae per se adiecta indignitas est: pondera ab Gallis adlata iniqua et tribuno recusante additus ab insolente Gallo ponderi gladius auditaque intoleranda Romanis vox: vae victis esse.

1 XXXXVIII. Sed diique et homines prohibuere, redemptos vivere Romanos. nam forte quadam, priusquam infanda merces perficeretur, per altercationem nondum omni auro appenso dictator intervenit auferrique  
2 aurum de medio et Gallos summoverti iubet. cum illi renitentes pactos dicerent sese, negat, eam pactionem ratam esse, quae, postquam ipse dictator creatus esset, iniussu suo ab inferioris iuris magistratu facta esset, denuntiatque  
3 Gallis, ut se ad proelium expediant. suos in acervum conicere sarcinas et arma aptare ferroque, non auro recuperare patriam iubet, in conspectu habentes fana deum et coniuges et liberos et solum patriae deforme belli malis  
4 et omnia, quae defendi repetique et ulcisci fas sit. instruit deinde aciem, ut loci natura patiebatur, in semirutae solo

urbis et natura inaequali, et omnia, quae arte belli secunda suis eligi praepararive poterant, providit. Galli nova re 5  
trepidi arma capiunt iraque magis quam consilio in Romanos incurrunt. iam verterat fortuna, iam deorum opes humanaque consilia rem Romanam adiuvabant. igitur primo concursu haud maiore momento fusi Galli sunt quam ad Aliam vicerant.

Iustiore altero deinde proelio ad octavum lapidem Gabina via, quo se ex fuga contulerant, eiusdem ductu auspicioque Camilli vincuntur. ibi caedes omnia obtinuit. castra capiuntur, et ne nuntius quidem cladis relictus. dictator 7 recuperata ex hostibus patria triumphans in urbem redit, interque iocos militares, quos inconditos iaciunt, Romulus ac parens patriae conditorque alter urbis haud vanis laudibus appellabatur.

Servatam deinde bello patriam iterum in pace haud 8 dubie servavit, cum prohibuit migrari Veios et tribunis rem intentius agentibus post incensam urbem et per se inclinata magis plebe ad id consilium. eaque causa fuit 9 non abdicandae post triumphum dictaturae, senatu obsecrante, ne rem publicam in incerto relinqueret statu.

L. Omnium primum, ut erat diligentissimus religionum cultor, quae ad deos immortales pertinebant rettulit et senatus consultum facit, fana omnia, quod ea hostis 2 possedisset, restituerentur, terminarentur expiarenturque expiatioque eorum in libris per duumviros quaereretur; cum Caeretibus hospitium publice fieret, quod sacra populi Romani ac sacerdotes recepissent beneficioque eius populi non intermissus honos deum immortalium esset; ludi Capitolini fierent, quod Iuppiter optimus maximus 4 suam sedem atque arcem populi Romani in re trepidatutatus esset, collegiumque ad eam rem M. Furius dictator constitueret ex iis, qui in Capitolio atque arce habitarent. expiandae etiam vocis nocturnae, quae nuntia cladis ante 5 bellum Gallicum audita neglectaque esset, mentio inlata, iussumque templum in Nova via Aio Locutio fieri. aurum, quod Gallis ereptum erat quodque ex aliis templis inter trepidationem in Iovis cellam conlatum, cum, in quae referri oporteret, confusa memoria esset, sacrum omne iudicatum et sub Iovis sella poni iussum. iam ante in eo 7 religio civitatis apparuerat, quod, cum in publico deesset aurum, ex quo summa pactae mercedis Gallis confieret, a matronis conlatum acceperant, ut sacro auro abstineretur.



matronis gratiae actae; honosque additur, ut earum sicut virorum post mortem sollemnis laudatio esset.

8 His peractis, quae ad deos pertinebant quaeque per senatum agi poterant, tum demum agitantibus tribunis plebem adsiduis contionibus, ut relictis ruinis in urbem paratam Veios transmigrarent, in contionem universo senatu prosequente escendit atque ita verba fecit:

1 LI. 'Adeo mihi acerbae sunt, Quirites, contentiones cum tribunis plebis, ut nec tristissimi exilii solacium aliud habuerim, quoad Ardeae vixi, quam quod procul ab his certaminibus eram; et ob eadem haec non si mille senati consultis populiue iussu revocaretis, rediturus umquam  
2 fuerim. nec nunc me ut redirem mea voluntas mutata, sed vestra fortuna perpulit: quippe ut in sua sede maneret patria, id agebatur, non ut ego utique in patria essem. et nunc quiescerem ac tacerem libenter, nisi haec quoque pro patria dimicatio esset, cui deesse, quoad vita sup-  
3 petat, aliis turpe, Camillo etiam nefas est. quid enim repetiimus, quid obsessam ex hostium manibus eripuimus, si reciperatam ipsi deserimus? et cum victoribus Gallis capta tota urbe Capitolium tamen atque arcem diique et homines Romani tenuerint (habitaverint), victoribus Romanis, recuperata urbe, arx quoque et Capitolium deseretur et plus vastitatis huic urbi secunda nostra fortuna  
4 faciet quam adversa fecit? equidem, si nobis cum urbe simul positae traditaeque per manus religiones nullae essent, tamen tam evidens numen hac tempestate rebus adfuit Romanis, ut omnem negligentiam divini cultus ex-  
5 emptam hominibus putem. intuemini enim horum deinceps annorum vel secundas res vel adversas, invenietis, omnia prospere evenisse sequentibus deos, adversa spernentibus.  
6 iam omnium primum Veiens bellum — per quot annos quanto labore gestum! — non ante cepit finem, quam mo-  
7 nitu deorum aqua ex lacu Albano emissa est. quid haec tandem urbis nostrae clades nova num ante exorta est quam spreta vox caelo emissa de adventu Gallorum, quam gentium ius ab legatis nostris violatum, quam a nobis, cum vindicari deberet, eadem negligentia deorum prae-  
8 termissum? igitur victi captique ac redempti tantum poenarum dis hominibusque dedimus, ut terrarum orbi documento essemus. adversae deinde res admonuerunt re-  
9 ligionum. confugimus in Capitolium ad deos, ad sedem Iovis optimi maximi; sacra in ruina rerum nostrarum alia

terrae celavimus, alia avecta in finitimas urbes amovimus ab hostium oculis; deorum cultum deserti ab diis hominibusque tamen non intermisimus. reddidere igitur patriam et victoriam et antiquum belli decus amissum, et in hostes, qui caeci avaritia in pondere auri foedus ac fidem fefellerunt, verterunt terrorem fugamque et caedem.

LII. Haec culti neglectique numinis tanta monimenta in rebus humanis cernentes ecquid sentitis, Quirites, quantum vixdum e naufragiis prioris culpa cladisque emergentes paremus nefas? urbem auspicato inauguratoque conditam habemus; nullus locus in ea non religionum deorumque est plenus, sacrificiis sollemnibus non dies magis statim quam loca sunt, in quibus fiant. hos omnes deos publicos privatosque, Quirites, deserturi estis? quam par vestrum factum est [ei], quod in obsidione nuper in egregio adolescente C. Fabio non minore hostium admiratione quam vestra conspectum est, cum inter Gallica tela degressus ex arce sollemne Fabiae gentis in colle Quirinali obiit? an gentilicia sacra ne in bello quidem intermitti, publica sacra et Romanos deos etiam in pace deserere placet? et pontifices flaminesque neglegentiores publicarum religionum esse quam privatus in sollemni gentis fuerit? forsitan aliquis dicat, aut Veïis ea nos facturos aut huc inde missuros sacerdotes nostros, qui faciant; quorum neutrum fieri salvis caerimoniis potest. et ne omnia generatim sacra omnesque percenseam deos, in Iovis epulo num alibi quam in Capitolio pulvinar suscipi potest? quid de aeternis Vestae ignibus signoque, quod imperii pignus custodia eius templi tenetur, loquar? quid de ancilibus vestris, Mars Gradive tuque Quirine pater? haec omnia in profano deserere placet sacra aequalia urbi, quaedam vetustiora origine urbis? et videte, quid inter nos ac maiores intersit: illi sacra quaedam in monte Albano Lavinioque nobis facienda tradiderunt: — an ex hostium urbibus Romam ad nos transferri sacra religiosum fuit, hinc sine piaculo in hostium urbem Veios transferemus? recordamini, agitedum, quotiens sacra instaurentur, quia aliquid ex patrio ritu neglegentia casuve praetermissum est. modo quae res post prodigium Albani lacus nisi instauratio sacrorum auspiciorumque renovatio adfectae Veienti bello rei publicae remedio fuit? at etiam, tamquam veterum religionum memores, et peregrinos deos transtulimus Romam et instituimus novos. Iuno regina transvecta a Veïis

nuper in Aventino quam insigni ob excellens matrona-  
 11 rum studium celebrique dedicata est die! Aio Locutio  
 templum propter caelestem vocem exauditam in Nova via  
 iussimus fieri; Capitolinos ludos sollemnibus aliis addi-  
 12 dimus: quid horum opus fuit suscipi, si una cum Gallis  
 urbem Romanam relicturi fuimus, si non voluntate man-  
 13 bus metu retenti sumus? de sacris loquimur et de templis.  
 quid tandem? de sacerdotibus nonne in mentem venit  
 quantum piaculi committatur? Vestalibus nempe una illa  
 sedes est, ex qua nihil umquam praeterquam urbs capta  
 movit. flameni Diali noctem unam manere extra urbem  
 nefas est: hos Veientes pro Romanis facturi estis sacer-  
 14 dotes? et Vestales tuae te deserent, Vesta? et flamen  
 peregre habitando in singulas noctes tantum sibi reiue  
 15 publicae piaculi contrahet? quid alia, quae auspicato agi-  
 mus omnia fere intra pomerium, cui oblivioni aut cui ne-  
 16 glegentiae damus? comitia curiata, quae rem militarem  
 continent, comitia centuriata, quibus consules tribunosque  
 militares creatis, ubi auspicato, nisi ubi adsolent, fieri  
 17 possunt? Veiosne haec transferemus an comitiorum causa  
 populus tanto incommodo in desertam hanc ab dis homi-  
 nibusque urbem conveniet?

1 LIII. Sed res ipsa cogit vastam incendiis ruinisque  
 relinquere urbem et ad integra omnia Veios migrare nec  
 2 hic aedificando inopem plebem vexare. hanc autem iactari  
 magis causam quam veram esse, ut ego non dicam, appa-  
 rere vobis, Quirites, puto, qui meministis, ante Gallorum  
 adventum salvis tectis publicis privatisque, stante inco-  
 lumi urbe hanc eandem rem actam esse, ut Veios trans-  
 3 migraremus. et videte, quantum inter meam sententiam  
 vestramque intersit, tribuni. vos, etiamsi tunc faciendum  
 non fuerit, nunc utique faciendum putatis: ego contra —  
 nec id mirati sitis, priusquam quale sit audieritis — etiam  
 si tum migrandum fuisset incolumi tota urbe, nunc has  
 4 ruinas relinquendas non censerem. quippe tum causa no-  
 bis in urbem captam migrandi victoria esset, gloriosa  
 nobis ac posteris nostris; nunc haec migratio nobis mi-  
 5 sera ac turpis, Gallis gloriosa est. non enim reliquisse  
 victores, sed amisisse victi patriam videbimus; hoc ad  
 Aliam fuga, hoc capta urbs, hoc circumsessum Capitolium  
 necessitatis inposuisse, ut desereremus penates nostros,

exiliumque ac fugam nobis ex eo loco conscisceremus, quem tueri non possemus. et Galli evertere potuerunt Romam, quam Romani restituere non videbuntur potuisse? quid restat, nisi ut, si iam novis copiis veniant — constat 6 enim, vix credibilem multitudinem esse — et habitare in capta ab se, deserta a vobis hac urbe velint, sinatis? quid? 7 si non Galli hoc, sed veteres hostes vestri Aequi Volscive faciant, ut commigrent Romam, velitisne, illos Romanos, vos Veientes esse, an malitis hanc solitudinem vestram quam urbem hostium esse? non equidem video, quid magis nefas sit. haec scelera, quia piget aedificare, haec dedecora pati parati estis? si tota urbe nullum melius am- 8 pliusve tectum fieri possit quam casa illa conditoris est nostri, non in casis ritu pastorum agrestiumque habitare est satius inter sacra penatesque nostros quam exulatum publice ire? maiores nostri, convenae pastoresque, cum in 9 his locis nihil praeter silvas paludesque esset, novam urbem tam brevi aedificarunt: nos Capitolio, arce incolumi, stantibus templis deorum, aedificare incensa piget? et quod singuli facturi fuimus, si aedes nostrae deflagrassent, hoc in publico incendio universi recusamus facere?

LIIII. Quid tandem, si fraude, si casu Veis incen- 1 dium ortum sit, ventoque, ut fieri potest, diffusa flamma magnam partem urbis absumat, Fidenas inde aut Gabios aliamve quam urbem quaesituri sumus, quo transmigre- mus? adeo nihil tenet solum patriae nec haec terra, quam 2 matrem appellamus, sed in superficie tignisque caritas nobis patriae pendet? equidem — fatebor vobis, etsi mi- 3 nus iniuriae vestrae quam meae calamitatis meminisse iuvat — cum abessem, quotienscumque patria in mentem veniret, haec omnia occurrebant, colles campique et Tiberis et adsueta oculis regio et hoc caelum, sub quo natus educatusque essem; quae vos, Quirites, nunc moveant potius caritate sua, ut maneatis in sede vestra, quam postea, cum reliqueritis, ea macerent desiderio. non sine 4 causa dii hominesque hunc urbi condendae locum elegerunt, saluberrimos colles, flumen oportunum, quo ex mediterraneis locis fruges devehantur, quo maritimi com- meatus accipiantur, mari vicinum ad commoditates nec expositum nimia propinquitate ad pericula classium externarum, regionum Italiae medium, ad incrementum urbis natum unice locum. argumento est ipsa magnitudo 5 tam novae urbis. trecentessimus sexagensimus quintus

annus urbis, Quirites, agitur; inter tot veterrimos populos tam diu bella geritis, cum interea, ne singulas loquar urbes, non coniuncti cum Aequis Volsci, tot tam valida oppida, non universa Etruria tantum terra marique pollens atque inter duo maria latitudinem obtinens Italiae bello  
6 vobis par est. quod cum ita sit, quae — malum! — ratio est expertis alia experiri, cum, iam ut virtus vestra transire alio possit, fortuna certe loci huius transferri non possit?  
7 hic Capitolium est, ubi quondam capite humano invento responsum est, eo loco caput rerum summamque imperii fore; hic, cum augurato liberaretur Capitolium, Iuventas Terminusque maximo gaudio patrum vestrorum moveri se non passi; hic Vestae ignes, hic ancilia caelo demissa, hic omnes propitii manentibus vobis dii.'

1 LV. Movisse eos Camillus cum alia oratione tum ea, quae ad religiones pertinebat, maxime dicitur. sed rem dubiam decrevit vox opportune emissa, quod, cum senatus post paulo de his rebus in curia Hostilia haberetur cohortesque ex praesidiis revertentes forte agmine forum transirent, centurio in comitio exclamavit: 'signifer, statue  
2 signum, hic manebimus optime.' qua voce audita et senatus accipere se omen ex curia egressus conclamavit et plebs circumfusa adprobavit. antiquata deinde lege promisce urbs aedificari coepta. tegula publice praebita est,  
3 saxi materiaeque caedendae, unde quisque vellet, ius factum: praedibus acceptis eo anno aedificia perfecturos.  
4 festinatio curam exemit vicos dirigendi, dum omisso sui  
5 alienique discrimine in vacuo aedificant. ea est causa, ut veteres cloacae, primo per publicum ductae, nunc privata passim subeant tecta formaque urbis sit occupatae magis quam divisae similis.

---

**TITI LIVI**  
**AB VRBE CONDITA**  
**LIBRI.**

**EDIDIT**

**MARTINUS HERTZ.**

**VOL. I. PARS II.**

***EDITIO STEREOTYPA.***

**EX OFFICINA BERNHARDI TAUCHNITZ.**

**LIPSLAE MDCCCLVII.**





## [PERIOCHA LIBRI VI.]

[Res adversus Vulscos et Aequos et Praenestinos prospere gestas continet. quattuor tribus adiectae: Stellatina, Tromentina, Sabatina, Arniensis. M. Manlius, qui Capitolium a Gallis defenderat, cum obstrictos aere alieno liberaret, nexos exsolveret, crimine adfectati regni damnatus de saxo deiectus est; in cuius notam senatus consultum factum est, ne cui de Manlia gente Marco nomen esset. C. Licinius et L. Sextius tribuni plebis legem promulgaverunt, ut consules ex plebe fierent, qui ex patribus creabantur; eamque cum magna contentione repugnantibus patribus, cum idem tribuni plebis per quinquennium soli magistratus fuissent, pertulerunt, et primus ex plebe consul L. Sextius creatus est. lata est altera lex, ne cui plus quingentis iugeribus agri liceret possidere.]

# TITI LIVI

## AB VRBE CONDITA

### LIBER VI.

I. Quae ab condita urbe Roma ad captam eandem 1 urbem Romani sub regibus primum, consulibus deinde ac dictatoribus decemvirisque ac tribunis consularibus gessere, foris bella, domi seditiones, quinque libris exposui, res cum vetustate nimia obscuras, velut quae magno ex 2 intervallo loci vix cernuntur, tum quod parvae et rarae per eadem tempora litterae fuere, una custodia fidelis memoriae rerum gestarum, et quod, etiam si quae in commentariis pontificum aliisque publicis privatisque erant monumentis, incensa urbe pleraeque interiere. clariora 3 deinceps certioraque ab secunda origine velut ab stirpibus laetius feraciusque renatae urbis gesta domi militiaeque exponentur. ceterum primo quo adminiculo erecta erat, 4 eodem innixa M. Furio principe stetit, neque eum abdicare se dictatura nisi anno circumacto passi sunt. comitia 5

in insequentem annum tribunos habere, quorum in magistratu capta urbs esset, non placuit: res ad interregnum  
6 rediit. cum civitas in opere ac labore adsiduo reficiendae urbis teneretur, interim Q. Fabio, simul primum magistratu abiit, ab Cn. Marcio tribuno plebis dicta dies est, quod (legatus) in Gallos, ad quos missus erat orator,  
7 contra ius gentium pugnasset. cui iudicio eum mors adeo oportuna, ut voluntariam magna pars crederet, subtraxit.  
8 interregnum initum: P. Cornelius Scipio interrex et post eum M. Furius Camillus. iterum is tribunos militum consulari potestate creat: L. Valerium Publicolam iterum, L. Verginium, P. Cornelium, A. Manlium, L. Aemilium, L. Postumium.

9 Hi ex interregno cum extemplo magistratum inissent, nulla de re prius quam de religionibus senatum consulere.  
10 in primis foedera ac leges — erant autem eae duodecim tabulae et quaedam regiae leges — conquiri quae comparerent iusserunt. alia ex eis edita etiam in vulgus; quae autem ad sacra pertinebant, a pontificibus maxime, ut religione obstrictos haberent multitudinis animos, suppressa.  
11 tum de diebus religiosis agitari coeptum, diemque ante diem xv kal. Sextiles duplici clade insignem, quo die ad Cremeram Fabii caesi, quo deinde ad Aliam cum exitio urbis foede pugnatum, a posteriore clade Aliensem appellarunt insignemque rei nullius publice privatimque agenda  
12 fecerunt. quidam, quod postridie idus Quinctilis non litasset Sulpicius tribunus militum neque inventa pace deum post diem tertium obiectus hosti exercitus Romanus esset, etiam postridie idus rebus divinis supersederi iussum, inde ut postridie kal. quoque ac nonas eadem religio esset, traditum putant.

1 II. Nec diu licuit quietis consilia erigendae ex tam  
2 gravi casu rei publicae secum agitare. hinc Volsci, veteres hostes, ad extinguendum nomen Romanum arma ceperant, hinc Etruriae principum ex omnibus populis coniurationem de bello ad fanum Voltumnae factam mercatores adfere-  
3 bant; novus quoque terror accesserat defectione Latinorum Hernicorumque, qui post pugnam ad lacum Regillum factam per annos prope centum numquam ambigua fide in

amicitiam populi Romani fuerant. itaque, cum tanti un- 4  
dique terrores circumstarent appareretque omnibus, non  
odio solum apud hostis, sed contemptu etiam inter socios  
nomen Romanum laborare, placuit eiusdem auspiciis de- 5  
fendi rem publicam, cuius recuperata esset, dictatoremque  
dici M. Furium Camillum. is dictator C. Servilium Aha- 6  
lam magistrum equitum dixit iustitioque indicto dilectum  
iuniorum habuit, ita ut seniores quoque, quibus aliquid  
roboris superesset, in verba sua iuratos centuriaret. exer- 7  
citum conscriptum armatumque trifariam divisit. partem  
unam in agro Veiente Etruriae opposuit, alteram ante  
urbem castra locare iussit: tribuni militum his A. Man- 8  
lius, illis, qui adversus Etruscos mittebantur, L. Aemilius  
praepositus; tertiam partem ipse ad Volscos duxit nec  
procul a Lanuvio — ad Marcium is locus dicitur — castra  
oppugnare est adortus. quibus ab contemptu, quod prope 9  
omnem deletam a Gallis Romanam iuventutem crederent,  
ad bellum profectis tantum Camillus auditus imperator  
terroris intulerat, ut vallo se ipsi, vallum congestis arbo-  
ribus saepirent, ne qua intrare ad munimenta hostis pos-  
set. quod ubi animadvertit Camillus, ignem in obiectam 10  
saepem coici iussit. et forte erat vis magna venti versa  
in hostem. itaque non aperuit solum incendio viam, sed 11  
flammis in castra tendentibus vapore etiam ac fumo cre-  
pituque viridis materiae flagrantis ita consternavit hostes,  
ut minor moles superantibus vallum in castra Volscorum  
Romanis fuerit quam transcendentibus saepem incendio  
absumptam fuerat. fuis hostibus caesisque cum castra 12  
impetu cepisset dictator, praedam militi dedit, quo minus  
speratam minime largitore duce, eo militi gratiorem. per- 13  
secutus deinde fugientes cum omnem Volscum agrum de-  
populatus esset, ad deditionem Volscos septuagesimo de-  
mum anno subegit. victor ex Volscis in Aequos transiit 14  
et ipsos bellum molientes: exercitum eorum ad Bolas  
oppressit, nec castra modo, sed urbem etiam adgressus,  
impetu primo cepit.

III. Cum in ea parte, in qua caput rei Romanae Ca- 1  
millus erat, ea fortuna esset, aliam in partem terror ingens  
ingruerat. Etruria prope omnis armata Sutrium, socios 2

populi Romani, obsidebat, quorum legati opem rebus adfectis orantes cum senatum adissent, decretum tulere, ut dictator primo quoque tempore auxilium Sutrinis ferret. cuius spei moram cum pati fortuna obsessorum non potuisset confectaque paucitas oppidanorum opere, vigiliis, vulneribus, quae semper eosdem urgebant, per pactionem urbe hostibus tradita, inermis cum singulis emissa vestimentis miserabili agmine penates relinqueret, eo forte tempore Camillus cum exercitu Romano intervenit. cui cum se maesta turba ad pedes provolvisset principumque orationem necessitate ultima expressam fletus mulierum ac puerorum, qui exilii comites trahebantur, excepisset, parcere lamentis Sutrinos iussit: Etruscis se luctum lacrimasque ferre. sarcinas inde deponi Sutrinosque ibi considerare modico praesidio relicto, arma secum militem ferre iubet. ita expedito exercitu profectus ad Sutrium, id quod rebatur, soluta omnia rebus, ut fit, secundis invenit, nullam stationem ante moenia; patentes portas, victorem vagum praedam ex hostium tectis egerentem. iterum igitur eodem die Sutrium capitur; victores Etrusci passim trucidantur ab novo hoste neque se conglobandi coeundi-que in unum aut arma capiundi datur spatium. cum pro se quisque tenderent ad portas, si qua forte se in agros eicere possent, clausas — id enim primum dictator imperaverat — portas inveniunt. inde alii arma capere, alii, quos forte armatos tumultus occupaverat, convocare suos, ut proelium inirent. quod accensum ab desperatione hostium fuisset, ni praecones per urbem dimissi poni arma et parci inermi iussissent nec praeter armatos quemquam violari. tum etiam quibus animi in spe ultima obstinati ad decertandum fuerant, postquam data spes vitae est, iactare passim arma inermesque, quod tutius fortuna fecerat, se hosti offerre. magna multitudo in custodias divisa; oppidum ante noctem redditum Sutrinis inviolatum integrumque ab omni clade belli, quia non vi captum, sed traditum per condiciones fuerat.

III. Camillus in urbem triumphans rediit triumphum simul bellorum victor. longe plurimos captivos ex Etruscis ante currum duxit, quibus sub hasta venundatis tantum

aeris redactum est, ut pretio pro auro matronis persoluto ex eo quod supererat tres paterae aureae factae sint, quas 3 cum titulo nominis Camilli ante Capitolium incensum in Iovis cella constat ante pedes Iunonis positas fuisse.

Eo anno in civitatem accepti, qui Veientium Capena- 4 tiumque ac Faliscorum per ea bella transfugerant ad Romanos, agerque his novis civibus adsignatus. revocati 5 quoque in urbem senatus consulto a Veïis, qui aedificandi Romae pigritia occupatis ibi vacuis tectis Veios se contulerant. et primo fremitus fuit aspernantium imperium; dies deinde praestituta capitalisque poena, qui non remigrasset Romam, ex ferocibus universis singulos metu suo quemque oboedientes fecit. et Roma cum frequentia cre- 6 scere, tum tota simul exsurgere aedificiis et re publica impensas adiuvante et aedilibus velut publicum exigentibus opus et ipsis privatis — admonebat enim desiderium usus — festinantibus ad effectum operis. intraque annum nova urbs stetit.

Exitu anni comitia tribunorum militum consulari po- 7 testate habita. creati T. Quinctius Cincinnatus, Q. Servilius Fidenas quintum, L. Iulius Iulus, L. Aquilius Corvus, L. Lucretius Tricipitinus, Ser. Sulpicius Rufus exercitum alterum in Aequos non ad bellum — victos namque 8 se fatebantur —, sed ab odio ad pervastandos fines, ne quid ad nova consilia relinquerent virium, duxere, alterum in agrum Tarquiniensem.

Ibi oppida Etruscorum Cortuosa et Contenebra vi 9 capta. ad Cortuosam nihil certaminis fuit: improviso adorti primo clamore atque impetu cepere. direptum oppidum atque incensum est. Contenebra paucos dies op- 10 pugnationem sustinuit, laborque continuus non die, non nocte remissus subegit eos. cum in sex partes divisus exercitus Romanus senis horis in orbem succederet proelio, oppidanos eosdem integro semper certamini paucitas fessos obiceret, cessere tandem, locusque invadendi urbem Romanis datus est. publicari praedam tribunis place- 11 bat; sed imperium quam consilium segnius fuit: dum cunctantur, iam militum praeda erat nec nisi per invidiam adimi poterat.

12 Eodem anno, ne privatis tantum operibus cresceret  
urbs, Capitolium quoque saxo quadrato substructum est,  
opus vel in hac magnificentia urbis conspiciendum.

1 V. Iam et tribuni plebis civitate aedificando occupata  
contiones suas frequentare legibus agrariis conabantur.  
2 ostentabatur in spem Pomptinus ager tum primum post  
accisas a Camillo Volscorum res possessionis haud am-  
3 biguae. criminabantur, multo eum infestiores agrum ab  
nobilitate esse quam a Volscis fuerit: ab illis enim tan-  
tum, quoad vires et arma habuerunt, incursiones eo fac-  
4 tas, nobiles homines in possessionem agri publici grassari:  
nec nisi, antequam omnia praecipiant, divisus sit, locum  
5 ibi plebi fore. haud magno opere plebem moverant et  
infrequentem in foro propter aedificandi curam et eodem  
exhaustam impensis eoque agri inmemorem, ad quem in-  
struendum vires non essent.

6 In civitate plena religionum, tunc etiam ab recenti  
clade superstitiosis principibus, ut renovarentur auspicia,  
res ad interregnum rediit. interreges deinceps M. Manlius  
Capitolinus, Ser. Sulpicius Camerinus, L. Valerius Poti-  
7 tus. hic demum tribunorum militum consulari potestate  
comitia habuit: L. Papirium, [C. Cornelium], C. Sergium,  
L. Aemilium iterum, L. Menenium, L. Valerium Publico-  
lam tertium creat; ii ex interregno magistratum occepere.

8 Eo anno aedis Martis Gallico bello vota dedicata est a  
Tito Quinctio duumviro sacris faciendis. tribus quattuor ex  
novis civibus additae: Stellatina, Tromentina, Sabatina, Ar-  
niensis, eaeque viginti quinque tribuum numerum explevere.

1 VI. De agro Pomptino ab L. Sicinio tribuno plebis  
actum ad frequentiores iam populum mobilioremque ad  
2 cupiditatem agri quam fuerat. et de Latino Hernicoque  
bello mentio facta in senatu maioris belli cura, quod Etru-  
ria in armis erat, dilata est.

3 Res ad Camillum tribunum militum consulari potestate  
rediit. collegae additi quinque: Ser. Cornelius Maluginen-  
sis, Q. Servilius Fidenas sextum, L. Quinctius Cincinna-  
4 tus, L. Horatius Pulvillus, P. Valerius. principio anni  
aversae curae hominum sunt a bello Etrusco, quod fu-  
gientium ex agro Pomptino agmen repente inlatum in

urbem attulit, Antiates in armis esse Latinorumque populos iuventutem suam misisse ad id bellum, eo abnuentes publicum fuisse consilium, quod non prohibitos tantummodo voluntarios dicerent militare ubi vellent. desierant iam ulla contemni bella. itaque senatus diis agere gratias, quod Camillus in magistratu esset: dictatorem quippe dicendum eum fuisse, si privatus esset. et collegae fateri, regimen omnium rerum, ubi quid bellici terroris ingruat, in viro uno esse sibique destinatum in animo esse, Camillo summittere imperium, nec quicquam de maiestate sua detractum credere, quod maiestati eius viri concessissent. conlaudatis ab senatu tribunis et ipse Camillus, confusus animo, gratias egit. ingens inde ait onus a populo Romano sibi, qui se dictatorem iam quartum creasset, magnum a senatu talibus de se iudiciis eius ordinis, maxumum tam honoratorum collegarum obsequio iniungi. itaque si quid laboris vigiliarumque adici possit, certantem secum ipsum adniscurum, ut tanto de se consensu civitatis opinionem, quae maxima sit, etiam constantem efficiat. quod ad bellum atque Antiates attineat, plus ibi minarum quam periculi esse. se tamen, ut nihil timendi, sic nihil contemnendi auctorem esse. circumsederi urbem Romanam ab invidia et odio finitimorum: itaque et ducibus pluribus et exercitibus administrandam rem publicam esse. ‘te,’ inquit ‘P. Valeri, socium imperii consiliique legiones mecum adversus Antiatem hostem ducere placet; te, Q. Servili, altero exercitu instructo paratoque in urbe castra habere, intentum, sive Etruria se interim, ut nuper, sive nova haec cura, Latini atque Hernici moverint. pro certo habeo, ita rem gesturum, ut patre, avo teque ipso ac sex tribunatibus dignum est. tertius exercitus ex causariis senioribusque a L. Quinctio scribatur, qui urbi moenibusque praesidio sit. L. Horatius arma, tela, frumentum, quaeque belli alia tempora poscent provideat. te, Servi Corneli, praesidem huius publici consilii, custodem religionum, comitiorum, legum, rerum omnium urbanarum collegae facimus.’ cunctis in partes muneris sui benigne pollicentibus operam Valerius socius imperii lectus adiecit, M. Furium sibi pro dictatore seque ei pro magistro equitum futurum; proinde,



quam opinionem de unico imperatore, eam spem de bello haberent. se vero bene sperare patres et de bello et de  
 18 pace universaque re publica erecti gaudio fremunt nec dictatore umquam opus fore rei publicae, si tales viros in magistratu habeat, tam concordibus iunctos animis, parere atque imperare iuxta paratos laudemque conferentes potius in medium quam ex communi ad se trahentes.

1 VII. Iustitio indicto dilectuque habito Furius ac Valerius ad Satricum profecti, quo non Volscorum modo iuventutem Antiates ex nova subole lectam, sed ingentem Latinorum Hernicorumque conciverant ex integerrimis diutina pace populis. itaque novus hostis veteri adiunctus commovit animos militis Romani. quod ubi aciem iam  
 2 instruenti Camillo centuriones renuntiaverunt, turbatas militum mentes esse, segniter arma capta cunctabundosque et resistentes egressos castris esse, quin voces quoque auditas, cum centenis hostibus singulos pugnatu-  
 3 sustineri posse, in equum insilit et ante signa obversus in aciem, ordines interequitans: 'quae tristitia, milites, haec, quae insolita cunctatio est? hostem an me an vos ignoratis? hostis est quid aliud quam perpetua materia virtutis  
 4 gloriaeque vestrae? vos contra me duce, ut Falerios Veiosque captos et in capta patria Gallorum legiones caesas taceam, modo trigeminae victoriae triplicem triumphum  
 5 ex his ipsis Volscis et Aequis et ex Etruria egistis. an me, quod non dictator vobis, sed tribunus signum dedi, non agnoscitis ducem? neque ego maxima imperia in vos desidero et vos in me nihil praeter me ipsum intueri decet; neque enim dictatura mihi umquam animos fecit, ut  
 6 ne exilium quidem ademit. iidem igitur omnes sumus, et cum eadem omnia in hoc bellum adferamus, quae in priora attulimus, eundem eventum belli expectemus. simul concurreritis, quod quisque didicit ac consuevit, faciet: vos vincetis, illi fugient.'

1 VIII. Dato deinde signo ex equo desilit et proximum signiferum manu arreptum secum in hostem rapit 'infer,  
 2 miles,' clamitans 'signum.' quod ubi videre ipsum Camillum iam ad munera corporis senecta invalidum vadentem

in hostes, procurrunt pariter omnes clamore sublato 'sequere imperatorem' pro se quisque clamantes. emissum 3  
etiam signum Camilli iussu in hostium aciem ferunt idque  
ut repeteretur concitatos antesignanos. ibi primum pulsum 4  
Antiatem terroremque non in primam tantum aciem, sed  
etiam ad subsidiarios perlatum. nec vis tantum militum 5  
movebat excitata praesentia ducis, sed quod Volscorum  
animis nihil terribilius erat quam ipsius Camilli forte oblata species: ita, quocumque se intulisset, victoriam secum 6  
haud dubiam trahebat. maxime id evidens fuit, cum in  
laevum cornu prope iam pulsum arrepto repente equo cum  
scuto pedestri advectus conspectu suo proelium restituit,  
ostentans vincentem ceteram aciem. iam inclinata res erat, 7  
sed turba hostium et fugam inpediebat et longa caede conficienda multitudo tanta fesso militi erat, cum repente ingentibus procellis fusus imber certam magis victoriam quam proelium diremit. signo deinde receptui dato nox insecuta 8  
quietis Romanis perfecit bellum. Latini namque et Hernici relictis Volscis domos profecti sunt, malis consiliis pares adepti eventus; Volsci ubi se desertos ab eis videre, quorum fiducia rebellaverant, relictis castris moenibus Satrici se includunt. quos primo Camillus vallo circumdare et aggere atque operibus oppugnare est adortus. quae postquam nulla eruptione inpediri videt, minus esse 10  
animi ratus in hoste quam ut in eo tam lentae spei victoriam exspectaret, cohortatus milites, ne tamquam Veios oppugnantes in opere longinquo sese tererent, victoriam in manibus esse, ingenti militum alacritate moenia undique adgressus scalis oppidum cepit. Volsci abiectis armis sese dediderunt.

VIII. Ceterum animus ducis rei maiori, Antio, inminebat: id caput Volscorum, eam fuisse originem proximi belli. sed quia nisi magno apparatu, tormentis machinis- 2  
que, tam valida urbs capi non poterat, relicto ad exercitum collega Romam est profectus, ut senatum ad excidendum Antium hortaretur. inter sermonem eius — credo 3  
rem Antiatem diuturniorem manere diis cordi fuisse — legati ab Nepete ac Sutrio auxilium adversus Etruscos petentes veniunt, brevem occasionem esse ferendi auxilii

- 4 memorantes. eo vim Camilli ab Antio fortuna avertit. nam-  
que cum ea loca opposita Etruriae et velut claustra inde  
portaeque essent, et illis occupandi ea, cum quid novi  
molirentur, et Romanis recuperandi tuendique cura erat.  
5 igitur senatui cum Camillo agi placuit, ut omisso Antio  
bellum Etruscum susciperet. legiones urbanae, quibus  
6 Servilius praefuerat, ei decernuntur. quamquam exper-  
tum exercitum adsuetumque imperio, qui in Volscis erat,  
mallet, nihil recusavit, Valerium tantummodo imperi so-  
cium depoposcit. Quinctius Horatiusque successores Va-  
lerio in Volscis missi.
- 7 Profecti ab urbe Sutrium Furius et Valerius partem  
oppidi iam captam ab Etruscis invenere, ex parte altera  
intersaeptis itineribus aegre oppidanos vim hostium ab se  
8 arcetes. cum Romani auxilii adventus tum Camilli nomen  
celeberrimum apud hostis sociosque et in praesentia rem  
inclinatam sustinuit et spatium ad opem ferendam dedit.  
9 itaque diviso exercitu Camillus collegam in eam partem  
circumductis copiis, quam hostes tenebant, moenia ad-  
gredi iubet, non tam a spe, scalis capi urbem posse, quam  
ut aversis eo hostibus et oppidanis iam pugnando fessis  
laxaretur labor et ipse spatium intrandi sine certamine  
10 moenia haberet. quod cum simul utrimque factum esset  
ancepsque terror Etruscos circumstaret et moenia summa  
vi oppugnari et intra moenia esse hostem viderent, porta  
se, quae una forte non obsidebatur, trepidi uno agmine  
11 eiecere. magna caedes fugientium et in urbe et per agros  
est facta. plures a Furianis intra moenia caesi, Valeriani  
expeditiores ad persequendos fuere nec ante noctem, quae  
12 conspectum ademit, finem caedendi fecere. Sutrio recepto  
restitutoque sociis Nepete exercitus ductus, quod per de-  
ditionem acceptum iam totum Etrusci habebant.
- 1 X. Videbatur plus in ea urbe recipienda laboris fore,  
non eo solum, quod tota hostium erat, sed etiam quod  
parte Nepesinorum prodente civitatem facta erat deditio.  
2 mitti tamen ad principes eorum placuit, ut secernerent se  
ab Etruscis fidemque, quam inplorassent ab Romanis, ipsi  
3 praestarent. unde cum responsum allatum esset, nihil  
suae potestatis esse, Etruscos moenia custodiasque por-

tarum tenere, primo populationibus agri terror est oppidanis admotus; deinde, postquam deditionis quam societatis fides sanctior erat, fascibus sarmentorum ex agro conlatis ductus ad moenia exercitus completisque fossis scalae admotae; et clamore primo impetuque oppidum capitur. Nepesinis inde edictum, ut arma ponant, parcique iussum inermi; Etrusci pariter armati atque inermes caesi. Nepesinorum quoque auctores deditionis securi percussi; innoxiae multitudini redditae res oppidumque cum praesidio relictum. ita duabus sociis urbibus ex hoste receptis victorem exercitum tribuni cum magna gloria Romam reduxerunt.

Eodem anno ab Latinis Hernicisque res repetitae quaesitumque, cur per eos annos militem ex instituto non dedissent. responsum frequenti utriusque gentis concilio est, nec culpam in eo publicam nec consilium fuisse, quod suae iuventutis aliqui apud Volscos militaverint. eos tamen ipsos pravi consilii poenam habere nec quemquam ex his reducem esse. militis autem non dati causam terrorem adsidium a Volscis fuisse, quam pestem adhaerentem lateri suo tot super alia aliis bellis exauriri nequisset. quae relata patribus magis tempus quam causam non visa belli habere.

XI. Insequenti anno, A. Manlio, P. Cornelio, T. et L. Quinctiis Capitolinis, L. Papirio Cursore iterum, [C. Sergio iterum] tribunis consulari potestate, grave bellum foris, gravior domi seditio exorta: bellum ab Volscis adiuncta Latinorum atque Hernicorum defectione, seditio, unde minime timeri potuit, a patriciae gentis viro et inclitae famae, M. Manlio Capitolino. qui nimius animi cum alios principes sperneret, uni invideret eximio simul honoribus atque virtutibus, M. Furio, aegre ferebat, solum eum in magistratibus, solum apud exercitus esse, tantum iam eminere, ut isdem auspiciis creatos non pro collegis, sed pro ministris habeat, cum interim, si quis vere aestimare velit, a M. Furio recuperari patria ex obsidione hostium non potuerit, nisi a se prius Capitolium atque arx servata esset; et ille inter aurum accipiendum et in spem pacis solutis animis Gallos adgressus sit, ipse armatos capien-

tesque arcem depulerit; illius gloriae pars virilis apud omnes milites sit, qui simul vicerint, suae victoriae neminem omnium mortalium socium esse. his opinionibus inflato animo, ad hoc vitio quoque ingenii vehemens et impotens, postquam inter patres non quantum aequum censebat excellere suas opes animadvertit, primus omnium ex patribus popularis factus cum plebeiis magistratibus consilia communicare, criminando patres, adliciendo ad se plebem, iam aura, non consilio ferri famaeque magnae malle quam bonae esse. et non contentus agrariis legibus, quae materia semper tribunis plebi seditionum fuisset, fidem moliri coepit: acriores quippe aeris alieni stimulos esse, qui non egestatem modo atque ignominiam minentur, sed nervo ac vinculis corpus liberum territent. et erat aeris alieni magna vis re damnosissima etiam divitibus, aedificando, contracta. bellum itaque Volscum, grave per se, oneratum Latinorum atque Hernicorum defectione, in speciem causae iactatum, ut maior potestas quaereretur: sed nova consilia Manlii magis conpulere senatum ad dictatorem creandum. creatus A. Cornelius Cossus magistrum equitum dixit T. Quinctium Capitolinum.

1 XII. Dictator etsi maiorem dimicationem propositam domi quam foris cernebat, tamen, seu quia celeritate ad bellum opus erat seu victoria triumphoque dictaturae ipsi vires se additurum ratus, dilectu habito in agrum Pomptinum, quo a Volscis exercitum indictum audierat, pergit. 2 non dubito, praeter satietatem tot iam libris adsidua bella cum Volscis gesta legentibus illud quoque succursurum, quod mihi percensenti propiores temporibus harum rerum auctores miraculo fuit, unde totiens victis Volscis et A- 3 quis suffecerint milites. quod cum ab antiquis tacitum praetermissumque sit, cuius tandem ego rei praeter opinionem, quae sua cuique coniectanti esse potest, auctor 4 sim? simile veri est, aut intervallis bellorum, sicut nunc in dilectibus fit Romanis, alia atque alia subole iuniorum ad bella instauranda totiens usos esse, aut non ex isdem semper populis exercitus scriptos, quamquam eadem sem- 5 per gens bellum intulerit, aut innumerabilem multitudinem liberorum capitum in eis fuisse locis, quae nunc, vix

seminario exiguo militum relicto, servitia Romana ab solitudine vindicant. ingens certe, quod inter omnes auctores 6  
convenit, quamquam nuper Camilli ductu atque auspicio accisae res erant, Volscorum exercitus fuit. ad hoc Latini Hernicique accesserant et Cerceiensium quidam et coloni etiam a Velitris Romani.

Dictator, castris eo die positis, postero cum auspicato 7  
prodisset hostiaque caesa pacem deum adorasset, laetus ad milites iam arma ad propositum pugnae signum, sicut edictum erat, luce prima capientes processit. 'nostra victoria 8  
est, milites,' inquit 'si quid di vatesve eorum in futurum vident. itaque, ut decet certae spei plenos et cum imparibus manus conserturos, pilis ante pedes positis gladiis tantum dextras armemus. ne procurri quidem ab acie velim, sed obnixos vos stabili gradu impetum hostium excipere. ubi illi vana iniecerint missilia et effusi 9  
stantibus vobis se intulerint, tum micent gladii et veniat in mentem unicuique, deos esse, qui Romanum adiuvent, deos, qui secundis avibus in proelium miserint. tu, T. 10  
Quincti, equitem intentus ad primum initium moti certaminis teneas; ubi haerere iam aciem conlato pede videris, tum terrorem equestrem occupatis alio pavore infer invec-  
tusque ordines pugnantium dissipa.' sic eques, sic pedes, 11  
ut praeceperat, pugnant, nec dux legiones nec fortuna fefellit ducem.

XIII. Multitudo hostium, nulli rei praeterquam numero 1  
freta et oculis utramque metiens aciem, temere proelium iniit, temere omisit; clamore tantum missilibusque 2  
telis et primo pugnae impetu ferox gladios et conlatum pedem et vultum hostis ardore animi micantem ferre non potuit. impulsam frons prima et trepidatio subsidiis inlata. 3  
et suum terrorem intulit eques; rupti inde multis locis ordines motaque omnia et fluctuantis similis acies erat. dein, postquam cadentibus primis iam ad se quisque perventuram caedem credebat, terga vertunt. instare Romanus; 4  
et donec armati confertique abibant, peditum labor in persequendo fuit: postquam iactari arma passim fugaque per agros spargi aciem hostium animadversum est, tum equitum turmae emissae dato signo, ne in singulorum morando

caede spatium ad evadendum interim multitudini darent:  
5 satis esse, missilibus ac terrore inpediri cursum obequi-  
tandoque agmen teneri, dum adsequi pedes et iusta caede  
6 conficere hostem posset. fugae sequendique non ante  
noctem finis fuit. capta quoque ac direpta eodem die  
castra Volscorum praedaeque omnis praeter libera corpora  
7 militi concessa est. pars maxima captivorum ex Latinis  
atque Hernicis fuit, nec hominum de plebe, ut credi pos-  
set mercede militasse, sed principes quidam iuventutis  
inventi, manifesta fides, publica ope Volscos hostes ad-  
8 iutos. Cerceiensium quoque quidam cogniti et coloni a  
Velitris; Romamque omnes missi percunctantibus primo-  
ribus patrum eadem, quae dictatori, defectionem sui quis-  
que populi, haud perplexe indicavere.

1 XIII. Dictator exercitum in stativis tenebat, minime  
dubius, bellum cum iis populis patres iussuros, cum maior  
domi exorta moles coegit acciri Romam eum gliscente in  
dies seditione, quam solito magis metuendam auctor fa-  
2 ciebat. non enim iam orationes modo M. Manli, sed facta  
popularia in speciem, tumultuosa eadem qua mente fie-  
3 rent intuenti erant. centurionem nobilem militaribus fac-  
tis iudicatum pecuniae cum duci vidisset, medio foro  
cum caterva sua accurrit et manum iniecit, vociferatus-  
que de superbia patrum ac crudelitate faeneratorum et mi-  
4 seriis plebis, virtutibus eius viri fortunaque: 'tum vero  
ego,' inquit 'nequiquam hac dextra Capitolium arcemque  
servaverim, si civem commilitonemque meum tamquam  
Gallis victoribus captum in servitutum ac vincula duci  
5 videam.' inde rem creditori palam populo solvit libraque  
et aere liberatum emittit, deos atque homines obtestan-  
tem, ut M. Manlio, liberatori suo, parenti plebis Roma-  
6 nae, gratiam referant. acceptus extemplo in tumultuosam  
turbam et ipse tumultum augebat, cicatrices acceptas  
7 Veienti, Gallico aliisque deinceps bellis ostentans: se mi-  
litantem, se restituentem eversos penates, multiplici iam  
sorte exsoluta mergentibus semper sortem usuris, obru-  
tum faenore esse; videre lucem, forum, civium ora M. Manli  
8 opera, omnia parentium beneficia ab illo se habere, illi  
devovere corporis vitaeque ac sanguinis quod supersit:



quodcumque sibi cum patria, penatibus publicis ac privatis iuris fuerit, id cum uno homine esse.

His vocibus instincta plebes cum iam unius hominis 9  
esset, addita alia commotioris ad omnia turbanda consilii  
res. fundum in Veienti, caput patrimonii, subiecit prae- 10  
coni: 'ne quem vestrum,' inquit 'Quirites, donec quicquam  
in re mea supererit, iudicatum addictumve duci patiar.'  
id vero ita accendit animos, ut per omne fas ac nefas se-  
cuturi vindicem libertatis viderentur.

Ad hoc domi contionantis in modum sermones pleni 11  
criminum in patres; inter quos cum omisso discrimine vera  
an vana iaceret, thesauros Gallici auri occultari a patribus  
iecit, nec iam possidendis publicis agris contentos esse,  
nisi pecuniam quoque publicam avertant; ea res si palam  
fiat, exsolvi plebem aere alieno posse. quae ubi obiecta 12  
spes est, enimvero indignum facinus videri, cum confe-  
rendum ad redimendam civitatem a Gallis aurum fuerit:  
tributo conlationem factam, idem aurum ex hostibus cap-  
tum in paucorum praedam cessisse. itaque exsequeban- 13  
tur quaerendo, ubi tantae rei furtum occultaretur, differen-  
tique et tempore suo se indicaturum dicenti ceteris omissis  
eo versae erant omnium curae, apparebatque, nec veri  
indicii gratiam mediam nec falsi offensionem fore.

XV. Ita suspensis rebus dictator accitus ab exercitu 1  
in urbem venit. postero die senatu habito cum satis pe-  
riclitatus voluntates hominum discedere senatum ab se  
vetuisset, stipatus ea multitudine, sella in comitio posita,  
viatorem ad M. Manlium misit; qui dictatoris iussu vo- 2  
catus, cum signum suis dedisset, adesse certamen, agmine  
ingenti ad tribunal venit. hinc senatus, hinc plebs, suum 3  
quisque intuentes ducem, velut in acie constiterant. tum 4  
dictator silentio facto: 'utinam,' inquit 'mihi patribusque  
Romanis ita de ceteris rebus cum plebe conveniat, quem-  
admodum quod ad te attinet eamque rem, quam de te  
sum quaesiturus, conventurum satis confido. spem fac- 5  
tam a te civitati video, fide incolumi ex thesauris Gallicis,  
quos primores patrum occultent, creditum solvi posse.  
cui ego rei tantum abest, ut impedimento sim, ut contra  
te, M. Manli, adhorter, liberes faenore plebem Romanam

et istos incubantes publicis thesauris ex praeda clande-  
6 stina evolvas. quod nisi facis, sive ut et ipse in parte  
praedae sis sive quia vanum indicium est, in vincla te  
duci iubebo nec diutius patiar, a te multitudinem fallaci  
7 spe concitari.' ad ea Manlius nec se fefellisse ait, non  
adversus Volscos, totiens hostis quotiens patribus expe-  
diat, nec adversus Latinos Hernicosque, quos falsis cri-  
minibus in arma agant, sed adversus se ac plebem Roma-  
8 nam dictatorem creatum esse: iam omisso bello, quod  
simulatum sit, in se impetum fieri, iam dictatorem profi-  
teri patrocinium faeneratorum adversus plebem, iam sibi  
9 ex favore multitudinis crimen et perniciem quaeri. 'offen-  
dit' inquit 'te, A. Corneli, vosque, patres conscripti, cir-  
cumfusa turba lateri meo: quin eam diducitis a me singuli  
vestris beneficiis, intercedendo, eximendo de nervo cives  
vestros, prohibendo iudicatos addictosque duci, ex eo quod  
10 affluit opibus vestris sustinendo necessitates aliorum? sed  
quid ego vos, de vestro inpendatis, hortor? sortem ali-  
quam ferte, de capite deducite quod usuris pernumeratum  
est: iam nihilo mea turba quam ullius conspectior erit.  
11 at enim quid ita solus ego civium curam ago? nihilo ma-  
gis quod respondeam habeo quam si quaeras, quid ita  
solus Capitolium arcemque servaverim. et tum universis  
12 quam potui opem tuli et nunc singulis feram. nam quod  
ad thesauros Gallicos attinet, rem suapte natura facilem  
difficilem interrogatio facit. cur enim quaeritis quod scitis?  
cur quod in sinu vestro est excuti iubetis potius quam po-  
13 natis, nisi aliqua fraus subest? quo magis argui praesti-  
gias iubetis vestras, eo plus vereor, ne abstuleritis obser-  
vantibus etiam oculos. itaque non ego vobis ut indicem  
praedas vestras, sed vos id cogendi estis, ut in medium  
proferatis.'

1 XVI. Cum mittere ambages dictator iuberet et aut  
peragere verum indicium cogeret aut fateri facinus in-  
simulati falso crimine senatus oblataeque vani furti invi-  
diae, negantem arbitrio inimicorum se locuturum in vincla  
2 duci iussit. arreptus a viatore 'Iuppiter' inquit 'optime  
maxime Iunoque regina ac Minerva ceterique dii deae-  
que, qui Capitolium arcemque incolitis, sicine vestrum

militem ac praesidem sinitis vexari ab inimicis? haec  
 - dextra, qua Gallos fudi a delubris vestris, iam in vinclis  
 et catenis erit?’

Nullius nec oculi nec aures indignitatem ferebant, sed 3  
 invicta sibi quaedam patientissima iusti imperii civitas  
 fecerat nec adversus dictatoriam vim aut tribuni plebis  
 aut ipsa plebs attollere oculos aut hiscere audebant. con- 4  
 iecto in carcerem Manlio satis constat magnam partem  
 plebis vestem mutasse, multos mortales capillum ac bar-  
 bam promisisse obversatamque vestibulo carceris maestam  
 turbam.

Dictator de Volscis triumphavit, invidiaeque magis 5  
 triumphus quam gloriae fuit: quippe domi, non militiae  
 partum eum actumque de cive, non de hoste fremebant;  
 unum defuisse tantum superbiae, quod non M. Manlius  
 ante currum sit ductus. iamque haud procul seditione res 6  
 erat. cuius leniendae causa postulante nullo largitor vo-  
 luntarius repente senatus factus Satricum coloniam duo  
 milia civium Romanorum deduci iussit. bina iugera et  
 semisses agri adsignati. quod cum et parvum et paucis 7  
 datum et mercedem esse prodendi M. Manli interpreta-  
 rentur, remedio inritatur seditio. et iam magis insignis 8  
 sordibus et facie reorum turba Manliana erat, amotusque  
 post triumphum abdicatione dictaturae terror et linguam  
 et animos liberaverat hominum.

XVII. Audiebantur itaque propalam voces expro- 1  
 brantium multitudini, quod defensores suos semper in  
 praecipitem locum favore tollat, deinde in ipso discrimine  
 periculi destituat. sic Sp. Cassium in agros plebem vo- 2  
 cantem, sic Sp. Maelium ab ore civium famem suis in-  
 pensis propulsantem oppressos, sic M. Manlium mersam  
 et obrutam faenore partem civitatis in libertatem ac lucem  
 extrahentem proditum inimicis. saginare plebem popula-  
 res suos, ut iugulentur. hocine patiendum fuisse, si ad 3  
 nutum dictatoris non responderit vir consularis? fingerent  
 mentitum ante, atque ideo non habuisse quod tum respon-  
 deret: cui servo umquam mendacii poenam vincula fuisse?  
 non obversatam esse memoriam noctis illius, quae paene 4  
 ultima atque aeterna nomini Romano fuerit? non speciem

agminis Gallorum per Tarpeiam rupem scandentis? non ipsius M. Manli, qualem eum armatum plenum sudoris ac sanguinis ipso paene Iove erepto ex hostium manibus  
 5 vidissent? selibrisne farris gratiam servatori patriae relata-  
 tam? et quem prope caelestem, cognomine certe Capito-  
 lino Iovi parem fecerint, eum pati vinctum in carcere, in  
 tenebris obnoxiam carnificis arbitrio ducere animam? adeo  
 in uno omnibus satis auxilii fuisse, nullam opem in tam  
 multis uni esse?

6 Iam ne nocte quidem turba ex eo loco dilabebatur,  
 refracturosque carcerem minabantur, cum remisso, id  
 quod erepturi erant, ex senatus consulto Manlius vinclis  
 liberatur. quo facto non seditio finita, sed dux seditioni  
 datus est.

7 Per eosdem dies Latinis et Hernicis simul colonis  
 Circeiensibus et a Velitris, purgantibus se Volsci crimine  
 belli captivosque repetentibus, ut suis legibus in eos anim-  
 adverterent, tristia responsa reddita, tristiora colonis, quod  
 cives Romani patriae oppugnandae nefanda consilia inis-  
 8 sent. non negatum itaque tantum de captivis, sed, in quo  
 ab sociis tamen temperaverant, denuntiaturum senatus ver-  
 bis, facesserent propere ex urbe ab ore atque oculis po-  
 puli Romani, ne nihil eos legationis ius, externo, non  
 civi comparatum, tegeret.

1 XVIII. Recrudescente Manliana seditione sub exitu  
 anni comitia habita creatique tribuni militum consulari  
 potestate Servius Cornelius Maluginensis iterum, P. Va-  
 lerius Potitus iterum, M. Furius Camillus quintum, Ser-  
 vius Sulpicius Rufus iterum, C. Papirius Crassus, T.  
 2 Quinctius Cincinnatus iterum. cuius principio anni et  
 patribus et plebi peroportune externa pax data: plebi,  
 quod non advocata dilectu spem cepit, dum tam potentem  
 haberet ducem, faenoris expugnandi; patribus, ne quo ex-  
 terno terrore avocarentur animi ab sanandis domesticis  
 3 malis. igitur cum pars utraque acrior aliquanto coorta  
 esset, iam propinquum certamen aderat; et Manlius ad-  
 vocata domum plebe cum principibus novandarum rerum  
 interdiu noctuque consilia agit, plenior aliquanto animo-  
 4 rum irarumque quam antea fuerat. iram accenderat igno-

minia recens in animo ad contumeliam inexperto; spiritus dabat, quod nec ausus esset idem in se dictator, quod in Spurio Maelio Cincinnatus Quinctius fecisset, et vinculorum suorum invidiam non dictator modo abdicando dictaturam fugisset, sed ne senatus quidem sustinere potuisset.

His simul inflatus exacerbatumque iam per se accensos 5 incitabat plebis animos: 'quo usque tandem ignorabitis vires vestras, quas natura ne beluas quidem ignorare voluit? numerate saltem, quot ipsi sitis, quot adversarios habeatis. si singuli singulos adgressuri essetis, tamen 6 acrius crederem vos pro libertate quam illos pro dominatione certaturos. quot enim clientes circa singulos fuistis patronos, tot nunc adversus unum hostem eritis. ostendite modo bellum: pacem habebitis. videant vos paratos ad vim: ius ipsi remittent. audendum est aliquid universis aut omnia singulis patienda. quo usque me circumspectabitis? ego quidem nulli vestrum deero; ne fortuna 8 mea desit, videte. ipse vindex vester, ubi visum inimicis est, nullus repente fui, et vidistis in vincula duci universi eum, qui a singulis vobis vincula depuleram. quid sperem, 9 si plus in me audeant inimici? an exitum Cassi Maelique exspectem? bene facitis, quod abominamini: dii prohibebunt haec. sed numquam propter me de caelo descendent. vobis dent mentem oportet, ut prohibeatis, sicut mihi dederunt armato togatoque, ut vos a barbaris hostibus, a superbis defenderem civibus. tam parvus animus 10 tanti populi est, ut semper vobis auxilium adversus inimicos satis sit, nec ullum, nisi quatenus imperari vobis sinatis, certamen adversus patres noritis? nec hoc natura insitum vobis est, sed usu possidemini. cur enim adversus 11 externos tantum animorum geritis, ut imperare illis aequum censeatis? quia consuestis cum eis pro imperio certare, adversus hos temptare magis quam tueri libertatem. tamen, qualescumque duces habuistis, qualescumque 12 ipsi fuistis, omnia adhuc, quantacumque petistis, obtinuistis seu vi seu fortuna vestra. tempus est etiam maiora conari: experimini modo et vestram felicitatem et 13 me, ut spero, feliciter expertum; minore negotio qui imperet patribus inponetis, quam qui resisterent imperantibus

14 inposuistis. solo aequandae sunt dictaturae consulatus-  
que, ut caput attollere Romana plebes possit. proinde  
adeste, prohibete ius de pecuniis dici. ego me patronum  
profiteor plebis, quod mihi cura mea et fides nomen in-  
15 duit: vos si quo insigni magis imperii honorisve nomine  
vestrum appellabitis ducem, eo utemini potentiore ad ob-  
16 tinenda ea quae vultis.' inde de regno agendi ortum ini-  
tium dicitur, sed nec cum quibus nec quem ad finem  
consilia pervenerint, satis planum traditur.

1 XVIII. At in parte altera senatus de secessione in  
domum privatam plebis, forte etiam in arce positam, et  
2 imminenti mole libertati agitat. magna pars vociferantur,  
Servilio Ahala opus esse, qui non in vincla duci iubendo  
inritet publicum hostem, sed unius iactura civis finiat  
3 intestinum bellum. decurritur ad leniorem verbis senten-  
tiam, vim tamen eandem habentem, ut videant magistra-  
tus, ne quid ex perniciosis consiliis M. Manli res publica  
4 detrimenti capiat. tum tribuni consulari potestate tribuni-  
que plebi — nam et [ei], quia eundem et suae potestatis  
quem libertatis omnium finem cernebant, patrum auctori-  
tati se dediderant —, hi tum omnes quid opus facto sit,  
5 consultant. cum praeter vim et caedem nihil cuiquam  
occurreret, eam autem ingentis dimicationis fore appare-  
6 ret, tum M. Menenius et Q. Publilius tribuni plebis: 'quid  
patrum et plebis certamen facimus, quod civitatis esse  
adversus unum pestiferum civem debet? quid cum plebe  
adgredimur eum, quem per ipsam plebem tutius adgredi  
7 est, ut suis ipse oneratus viribus ruat? diem dicere ei  
nobis in animo est. nihil minus populare quam regnum  
est. simul multitudo illa non secum certari viderint, et  
ex advocatis iudices facti erunt et accusatores de plebe,  
patricium reum intuebuntur et regni crimen in medio,  
nulli magis quam libertati favebunt suae.'

1 XX. Adprobantibus cunctis diem Manlio dicunt. quod  
ubi est factum, primo commota plebs est, utique postquam  
2 sordidatum reum viderunt nec cum eo non modo patrum  
quemquam, sed ne cognatos quidem aut adfines, postremo  
ne fratres quidem Aulum et Titum Manlios, quod ad eum  
diem numquam usu venisset, ut in tanto discrimine non

et proximi vestem mutarent. Ap. Claudio in vincula ducto 3  
C. Claudium inimicum Claudiamque omnem gentem sor-  
didatam fuisse. consensu opprimi popularem virum, quod  
primus a patribus ad plebem defecisset. cum dies venit, 4  
quae praeter coetus multitudinis seditiosasque voces et  
largitionem et fallax indicium pertinentia proprie ad regni  
crimen ab accusatoribus obiecta sint reo, apud neminem  
auctorem invenio; nec dubito, haud parva fuisse, cum 5  
damnandi mora plebi non in causa, sed in loco fuerit.  
illud notandum videtur, ut sciant homines, quae et quanta  
decora foeda cupiditas regni non ingrata solum, sed invisae  
etiam reddiderit: homines prope quadringentos produxisse 6  
dicitur, quibus sine faenore expensas pecunias tulisset, quo-  
rum bona venire, quos duci addictos prohibuisset; ad haec 7  
decora quoque belli non commemorasse tantum, sed pro-  
tulisse etiam conspicienda, spolia hostium caesorum ad  
triginta, dona imperatorum ad quadraginta, in quibus in-  
signes duas murales coronas, civicas octo. ad hoc ser- 8  
vatos ex hostibus cives produxit, inter quos C. Servilium,  
magistrum equitum absentem nominatum. et cum ea quo-  
que, quae bello gesta essent, pro fastigio rerum oratione  
etiam magnifica facta dictis aequando memorasset, nu-  
dasse pectus insigne cicatricibus bello acceptis et identi- 9  
dem Capitolium spectans Iovem deosque alios devocasse  
ad auxilium fortunarum suarum precatusque esse, ut  
quam mentem sibi Capitolinam arcem protegenti ad sa-  
lutem populi Romani dedissent, eam populo Romano in  
suo discrimine darent, et orasse singulos universosque, ut  
Capitolium atque arcem intuentes, ut ad deos immortales  
versi de se iudicarent. in campo Martio cum centuriatim 10  
populus citaretur et reus ad Capitolium manus tendens ab  
hominibus ad deos preces avertisset, apparuit tribunis,  
nisi oculos quoque hominum liberassent tanti memoria  
decoris, numquam fore in praeoccupatis beneficio animis  
vero crimini locum. ita prodicte die in Petelinum lucum 11  
extra portam Flumentanam, unde conspectus in Capito-  
lium non esset, concilium populi indictum est. ibi crimen  
valuit, et obstinatis animis triste iudicium invisumque  
etiam iudicibus factum. sunt qui per duumviros, qui de 12



perduellione anquirerent creatos, auctores sint damnatum. tribuni de saxo Tarpeio deiecerunt, locusque idem in uno homine et eximiae gloriae monumentum et poenae ultimae  
 13 fuit. adiectae mortuo notae sunt: publica una, quod, cum domus eius fuisset, ubi nunc aedes atque officina Mone-  
 14 taë est, latum ad populum est, ne quis patricius in arce aut Capitolio habitaret; gentilicia altera, quod gentis Manliae decreto cautum est, ne quis deinde M. Manlius vocaretur. hunc exitum habuit vir, nisi in libera civitate  
 15 natus esset, memorabilis. populum brevi, postquam periculum ab eo nullum erat, per se ipsas recordantem virtutes desiderium eius tenuit. pestilentia etiam brevi consecuta nullis occurrentibus tantae cladis causis ex Manliano  
 16 supplicio magnae parti videri orta: violatum Capitolium esse sanguine servatoris nec dis cordi fuisse poenam eius oblatam prope oculis suis, a quo sua templa erepta manibus hostium essent.

1 XXI. Pestilentiam inopia frugum et volgatam utriusque mali famam anno insequente multiplex bellum ex-  
 cepit, L. Valerio quartum, Aulo Manlio tertium, Servio Sulpicio tertium, Lucio Lucretio, L. Aemilio tertium,  
 2 M. Trebonio tribunis militum consulari potestate. hostes novi praeter Volscos velut sorte quadam prope in aeternum exercendo Romano militi datos, Cerceiosque et Velitras colonias iam diu molientes defectionem et suspectum Latium, Lanuvini etiam, quae fidelissima urbs fuerat,  
 3 subito exorti. id patres rati contemptu accidere, quod Veliternis civibus suis tam diu impunita defectio esset, decreverunt, ut primo quoque tempore ad populum ferretur de bello eis indicendo. ad quam militiam quo paratior plebes esset, quinqueviros Pomptino agro dividendo et triumviros Nepete coloniae deducendae creaverunt.  
 4 tum ut bellum iuberent latum ad populum est, et neququam dissuadentibus tribunis plebis omnes tribus bellum  
 5 iusserunt. apparatus eo anno bellum est, exercitus propter pestilentiam non eductus. eaque cunctatio colonis spatium dederat deprecandi senatum; et magna hominum pars eo, ut legatio supplex Romam mitteretur inclinabat,  
 6 ni privato, ut fit, periculo publicum implicitum esset  
 7

auctoresque defectionis ab Romanis metu, ne soli crimini subiecti piacula irae Romanorum dederentur, avertissent colonias a consiliis pacis. neque in senatu solum per eos 8 legatio inpedita est, sed magna pars plebis incitata, ut praedatum in agrum Romanum exirent. haec nova iniuria exturbavit omnem spem pacis. de Praenestinatorum 9 quoque defectione eo anno primum fama exorta; arguentibusque eos Tusculanis et Gabinis et Labicanis, quorum in fines incursatum erat, ita placide ab senatu responsum est, ut minus credi de criminibus, quia nollent ea vera esse, appareret.

XXII. Insequenti anno Sp. et L. Papirii novi tribuni 1 militum consulari potestate Velitras legiones duxere, quatuor collegis, Ser. Cornelio Maluginensi tertium, Q. Servilio, C. Sulpicio, L. Aemilio quartum (tribunis), ad praesidium urbis et si qui ex Etruria novi motus nuntiarentur — omnia enim inde suspecta erant — relictis. ad 2 Velitras adversus maiora paene auxilia Praenestinatorum quam ipsam colonorum multitudinem secundo proelio pugnatum est ita, ut propinquitas urbis hosti et causa maturioris fugae et unum ex fuga receptaculum esset. oppidi oppugnatione tribuni abstinuere, quia et anceps 3 erat nec in perniciem coloniae pugnandum censebant. literae Romam ad senatum cum victoriae nuntiis acriores in Praenestinum quam in Veliternum hostem missae. itaque ex senatus consulto populi iussu bellum Prae- 4 nestinis indictum, qui coniuncti Volscis anno insequente Satricum, coloniam populi Romani pertinaciter a colonis defensam, vi expugnarunt foedeque in captis exercuere victoriam. eam rem aegre passi Romani M. Furium Ca- 5 millum sextum tribunum militum creavere. additi collegae A. et L. Postumii Regillenses ac L. Furius cum L. Lucretio et M. Fabio Ambusto.

Volscum bellum M. Furio extra ordinem decretum. 6 adiutor ex tribunis sorte L. Furius datur, non tam e re publica quam ut collegae materia ad omnem laudem esset, et publice, quod rem temeritate eius prolapsam restituit, et privatim, quod ex errore gratiam potius eius sibi quam suam gloriam petiit. exactae iam aetatis Camillus erat, 7

comitiisque iurare parato in verba excusandae valetudini solita consensus populi restiterat: sed vegetum ingenium in vivido pectore vigeat virebatque integris sensibus et civiles iam res haud magnopere obeuntem bella excitabant. quattuor legionibus quaternum milium scriptis, exercitu indicto ad portam Esquilinam in posteram diem, ad Satricum profectus. ibi eum expugnatores coloniae haudquaquam perculsi, fidentes militum numero, quo aliquantum praestabant, opperiebantur. postquam appropinquare Romanos senserunt, extemplo in aciem procedunt, nihil dilaturi, quin periculum summae rerum facerent: ita paucitati hostium nihil artes imperatoris unici, quibus solis confiderent, profuturas esse.

1     **XXIII.** Idem ardor et in Romano exercitu erat et in altero duce, nec praesentis dimicationis fortunam ulla res praeterquam unius viri consilium atque imperium morabatur, qui occasionem iuvandarum ratione virium trahendo  
2 bello quaerebat. eo magis hostis instare, nec iam pro castris tantum suis explicare aciem, sed procedere in medium campi, et vallo prope hostium signa inferendo  
3 superbam fiduciam virium ostentare. id aegre patiebatur Romanus miles, multo aegrius alter ex tribunis militum, L. Furius, ferox cum aetate et ingenio tum multitudinis  
4 ex incertissimo sumentis animos spe inflatus. hic per se iam milites incitatos insuper instigabat elevando, qua una poterat, aetate auctoritatem collegae, iuvenibus bella data dictitans et cum corporibus vigere et deflorescere animos;  
5 cunctatorem ex acerrimo bellatore factum, et qui adveniens castra urbesque primo impetu rapere sit solitus, eum residem intra vallum tempus terere, quid accessurum  
6 suis decessurumve hostium viribus sperantem, quam occasionem, quod tempus, quem insidiis instruendis locum? frigere ac torpere senis consilia. sed Camillo cum vitae  
7 satis tum gloriae esse. quid attinere cum mortali corpore uno civitatis, quam immortalem esse deceat, pati con-  
senescere vires?

8     His sermonibus tota in se averterat castra, et cum omnibus locis posceretur pugna: 'sustinere,' inquit 'M. Furi, non possumus impetum militum, et hostis, cuius

animos cunctando auximus, iam minime toleranda superbia insultat. cede unus omnibus et patere te vinci consilio, ut maturius bello vincas.' ad ea Camillus, quae bella suo 9 unius auspicio gesta ad eam diem essent, negare in eis neque se neque populum Romanum aut consilii sui aut fortunae paenituisse. nunc scire se collegam habere iure imperioque parem, vigore aetatis praestantem. itaque se 10 quod ad exercitum attineat regere consuesse, non regi, collegae imperium se non posse impedire. diis bene iuvantibus ageret quod e re publica duceret. aetati suae se 11 veniam etiam petere, ne in prima acie esset: quae senis munia in bello sint, iis se non defuturum. id a diis immortalibus precari, ne qui casus suum consilium laudabile efficiat. nec ab hominibus salutaris sententia nec a 12 diis tam piaee preces auditaee sunt. primam aciem auctor pugnae instruit, subsidia Camillus firmat validamque stationem pro castris opponit; ipse edito loco spectator intentus in eventu alieni consilii constitit.

XXIII. Simul primo concursu concrepuere arma, 1 hostis dolo, non metu pedem rettulit. lenis ab tergo cli- 2 vus erat inter aciem et castra, et, quod multitudo suppeditabat, aliquot validas cohortes in castris armatas instructasque reliquerant, quae inter commissum iam certamen, ubi vallo adpropinquasset hostis, erumperent. Romanus cedentem hostem effuse sequendo in locum ini- 3 quum pertractus oportunus huic eruptioni fuit. versus itaque in victorem terror et novo hoste et supina valle Romanam inclinavit aciem. instant Volsci recentes, qui e 4 castris impetum fecerant; integrant et illi pugnam, qui simulata cesserant fuga. iam non recipiebat se Romanus miles, sed inmemor recentis ferociae veterisque decoris terga passim dabat atque effuso cursu castra repetebat, cum Camillus subiectus ab circumstantibus in equum et 5 raptim subsidiis oppositis: 'haec est,' inquit 'milites, pugna, quam poposcistis? quis homo, quis deus est, quem accusare possitis? vestra illa temeritas, vestra ignavia haec est. secuti alium ducem sequimini nunc Camillum et, 6 quod ductu meo soletis, vincite. quid vallum et castra spectatis? neminem vestrum illa nisi victorem receptura

7 sunt.' pudor primo tenuit effusos; inde ut circumagi signa  
obvertique aciem viderunt in hostem, et dux, praeterquam  
quod tot insignis triumphis, etiam aetate venerabilis, inter  
prima signa, ubi plurimus labor periculumque erat, se of-  
ferebat, increpare singuli se quisque et alios, et adhor-  
8 tatio invicem totam alacri clamore pervasit aciem. neque  
alter tribunus rei defuit, sed missus a collega restituente  
peditum aciem ad equites, non castigando, ad quam rem  
leviorem auctorem eum culpaе societas fecerat, sed ab  
imperio totus ad preces versus orare singulos universos-  
que, ut se reum fortunae eius diei crimine eximerent:  
9 'abnuente ac prohibente collega temeritatis me omnium  
potius socium quam unius prudentiae dedi. Camillus in  
utraque vestra fortuna suam gloriam videt: ego, ni resti-  
tuitur pugna, quod miserrimum est, fortunam cum omni-  
10 bus, infamiam solus sentiam.' optimum visum est in fluc-  
tuantem aciem, tradi equos et pedestri pugna invadere  
hostem. eunt insignes armis animisque, qua premi parte  
maxime peditum copias vident. nihil neque apud duces  
neque apud milites remittitur a summo certamine animi.  
11 sensit ergo eventus virtutis enixae opem, et Volsci, qua  
modo simulato metu cesserant, ea in veram fugam effusi,  
magna pars et in ipso certamine et post in fuga caesi,  
ceteri in castris, quae capta eodem impetu sunt. plures  
tamen capti quam occisi.

1 XXV. Ubi in recensendis captivis cum Tusculani  
aliquot noscitantur, secreti ab aliis ad tribunos addu-  
cuntur, percontantibusque fassi, publico consilio se mili-  
2 tasse. cuius tam vicini belli metu Camillus motus extem-  
plo se Romam captivos ducturum ait, ne patres ignari  
sint, Tusculanos ab societate descisse. castris exercitui-  
3 que interim, si videatur, praesit collega. documento unus  
dies fuerat, ne sua consilia melioribus praeferret. nec ta-  
men aut ipsi aut in exercitu cuiquam satis placato animo  
Camillus laturus culpam eius videbatur, qua data in tam  
4 praecipitem casum res publica esset, et cum in exercitu  
tum Romae constans omnium fama erat, cum varia for-  
tuna in Volscis gesta res esset, adversae pugnae fugae-  
que in L. Furio culpam, secundae decus omne penes

M. Furium esse. introductis in senatum captivis cum bello 5  
persequendos Tusculanos patres censuissent Camilloque  
id bellum mandassent, adiutorem sibi ad eam rem unum  
petit, permissoque, ut ex collegis optaret quem vellet, con-  
tra spem omnium L. Furium optavit. qua moderatione 6  
animi cum collegae levavit infamiam, tum sibi gloriam in-  
gentem peperit. nec fuit cum Tusculanis bellum: pace  
constanti vim Romanam arcuerunt, quam armis non pote-  
rant. intransibiles fines Romanis non demigratum ex pro- 7  
pinquis itineris locis, non cultus agrorum intermissus,  
patentibus portis urbis togati obviam frequentes impera-  
toribus processere, commeatus exercitui comiter in castra  
ex urbe et ex agris devehitur. Camillus, castris ante por- 8  
tas positis, eademne forma pacis, quae in agris ostentare-  
tur, etiam intra moenia esset, scire cupiens, ingressus ur- 9  
bem ubi patentibus ianuas et tabernis apertis proposita omnia  
in medio vidit intentosque opifices suo quemque operi et  
ludos litterarum strepere discentium vocibus ac repletas  
semitas inter vulgus aliud puerorum et mulierum huc  
atque illuc euntium, qua quemque suorum usuum causae  
ferrent, nihil usquam non pavidis modo, sed ne miranti- 10  
bus quidem simile, circumspiciebat omnia inquirens ocu-  
lis, ubinam bellum fuisset; adeo nec amotae rei usquam 11  
nec oblatae ad tempus vestigium ullum erat, sed ita om-  
nia constanti tranquilla pace, ut eo vix fama belli perlata  
videri posset.

XXVI. Victus igitur patientia hostium senatum eo- 1  
rum vocari iussit. 'soli adhuc,' inquit 'Tusculani, vera  
arma verasque vires, quibus ab ira Romanorum vestra tu-  
taremmini, invenistis. ite Romam ad senatum; aestimabunt 2  
patres, utrum plus ante poenae an nunc veniae meriti sitis.  
non praecipiam gratiam publici beneficii: deprecandi po-  
testatem a me habueritis; precibus eventum vestris sena-  
tus, quem videbitur, dabit.' postquam Romam Tusculani 3  
venerunt senatusque paulo ante fidelium sociorum mae-  
stus in vestibulo curiae est conspectus, moti extemplo pa-  
tres vocari eos iam tum hospitaliter magis quam hostiliter  
iussere.

Dictator Tusculanus ita verba fecit: 'quibus bellum 4

indixistis intulistisque, patres conscripti, sicut nunc videtis nos stantes in vestibulo curiae vestrae, ita armati paratique obviam imperatoribus legionibusque vestris processimus. hic noster, hic plebis nostrae habitus fuit eritque semper, nisi si quando a vobis proque vobis arma acceperimus. gratias agimus et ducibus vestris et exercitibus, quod oculis magis quam auribus crediderunt et, ubi nihil hostile erat, ne ipsi quidem fecerunt. pacem quam nos praestitimus, eam a vobis petimus; bellum eo, sicubi est, avertatis precamur: in nos quid arma polleant vestra, si patiundo experiundum est, inermes experiemur. haec mens nostra est, dii immortales faciant, tam felix quam pia. quod ad crimina attinet, quibus moti bellum indixistis, etsi revicta rebus verbis confutare nihil attinet, tamen, etiam si vera sint, vel fateri nobis ea, cum tam evidenter paenituerit, tutum censemus. peccetur in vos, dum digni sitis quibus ita satisfiat.' tantum fere verborum ab Tusculanis factum. pacem in praesentia, nec ita multo post civitatem etiam impetraverunt. ab Tusculo legiones reductae.

XXVII. Camillus, consilio et virtute in Volsco bello, felicitate in Tusculana expeditione, utrubique singulari adversus collegam patientia et moderatione insignis, magistratu abiit creatis tribunis militaribus in insequentem annum L. et P. Valeriis, Lucio quintum, Publio tertium, et Gaio Sergio tertium, Lucio Menenio iterum, Publio Papirio, Servio Cornelio Maluginense. censoribus quoque eguit annus maxime propter incertam famam aeris alieni, adgravantibus summam etiam invidiae eius tribunis plebis, cum ab iis elevaretur, quibus fide magis quam fortuna debentium laborare creditum videri expediebat. creati censores C. Sulpicius Camerinus, Sp. Postumius Regillensis, coeptaque iam res morte Postumi, quia collegam suffici censori religio erat, interpellata est. igitur cum Sulpicius abdicasset se magistratu, censores alii vitio creati non gesserunt magistratum. tertios creari velut diis non accipientibus in eum annum censuram religiosum fuit. eam vero ludificationem plebis tribuni ferendam negabant: fugere senatum testes tabulas publicas census



cuiusque, quia nolint conspici summam aeris alieni, quae indicatura sit, demersam partem a parte civitatis, cum interim obaeratam plebem obiectari aliis atque aliis hostibus. passim iam sine ullo discrimine bella quaeri: ab 7 Antio Satricum, ab Satrico Velitras, inde Tusculum legiones ductas. Latinis, Hernicis, Praenestinis iam intentari arma civium magis quam hostium odio, ut in armis terant plebem nec respirare in urbe aut per otium libertatis meminisse sinant aut consistere in contione, ubi aliquando audiant vocem tribuniciam de levando faenore et fine aliarum iniuriarum agentem. quod si sit animus plebi 8 memor patrum libertatis, se nec addici quemquam civem Romanum ob creditam pecuniam passuros neque dilectum haberi, donec inspecto aere alieno initaque ratione minuendi eius sciat unus quisque, quid sui, quid alieni sit, supersit sibi liberum corpus an id quoque nervo debeatur. merces seditionis proposita confestim seditionem ex- 9 citavit. nam et addicebantur multi et ad Praenestini famam belli novas legiones scribendas patres censuerant. quae utraque simul auxilio tribunicio et consensu plebis impediri coepta; nam neque duci addictos tribuni sinebant 10 neque iuniores nomina dabant. cum patribus minor praesens cura creditae pecuniae iuris exsequendi quam dilectus esset — quippe iam a Praeneste profectos hostis in agro Gabino consedissee nuntiabatur —, interim tribunos 11 plebis fama ea ipsa irritaverat magis ad susceptum certamen quam deterruerat, neque aliud ad seditionem extinguendam in urbe quam prope inlatum moenibus ipsis bellum valuit.

XXVIII. Nam cum esset Praenestinis nuntiatum, nul- 1 lum exercitum conscriptum Romae, nullum ducem certum esse, patres ac plebem in semet ipsos versos, occasionem 2 rati duces eorum raptim agmine acto, pervastatis protinus agris ad portam Collinam signa intulere. ingens in 3 urbe trepidatio fuit. conclamatum ad arma concursusque in muros atque portas est, tandemque ab seditione ad bellum versi dictatorem T. Quinctium Cincinnatum creavere. is magistrum equitum Aulum Sempronium Atratinum di- 4 xit. quod ubi auditum est — tantus eius magistratus terror

erat —, simul hostes a moenibus recessere et iuniores  
 5 Romani ad edictum sine retractatione convenere. dum  
 conscribitur Romae exercitus, castra interim hostium haud  
 procul Alia flumine posita, inde agrum late populantes  
 fatalem se urbi Romanae locum cepisse inter se iacta-  
 6 bant: similem pavorem inde ac fugam fore ac bello Gal-  
 lico fuerit. etenim si diem contactum religione insignem-  
 que nomine eius loci timeant Romani, quanto magis Aliensi  
 die Aliam ipsam, monumentum tantae cladis, reformida-  
 turos? species profecto his ibi truces Gallorum sonumque  
 7 vocis in oculis atque auribus fore. has inanium rerum  
 inanes ipsas volventes cogitationes fortunae loci delega-  
 verant spes suas. Romani contra, ubicumque esset La-  
 tinus hostis, satis scire, eum esse, quem ad Regillum la-  
 cum devictum centum annorum pace obnoxia tenuerint.  
 8 locum insignem memoria cladis inritaturum se potius ad  
 delendam memoriam dedecoris quam ut timorem faciat,  
 9 ne qua terra sit nefasta victoriae suae. quin ipsi sibi  
 Galli si offerantur illo loco, se ita pugnatorios, ut Romae  
 pugnaverint in repetenda patria, ut postero die ad Ga-  
 bios, tunc cum effecerint, ne quis hostis, qui moenia Ro-  
 mana intrasset, nuntium secundae adversaeque fortunae  
 domum perferret.

1 XXVIII. His utrimque animis ad Aliam ventum est.  
 dictator Romanus, postquam in conspectu hostes erant in-  
 structi intentique: 'videsne tu,' inquit 'A. Semproni, loci  
 fortuna illos fretos ad Aliam constitisse? nec illis di in-  
 mortales certioris quicquam fiduciae maiorisve quod sit  
 2 auxilii dederint. at tu fretus armis animisque concitati-  
 equis invade mediam aciem; ego cum legionibus in am-  
 batos trepidantesque inferam signa. adeste dii testes fati-  
 deris et expetite poenas debitas simul vobis violatis no-  
 3 bisque per vestrum numen deceptis.' non equitem, non  
 peditem sustinere Praenestini. primo impetu ac clamore  
 dissipati ordines sunt; dein, postquam nullo loco constabat  
 acies, terga vertunt consternatique et praeter castra etiam  
 sua pavore praelati non prius se ab effuso cursu sistunt  
 4 quam in conspectu Praeneste fuit. ibi ex fuga dissipati  
 locum, quem tumultuario opere communirent, capiunt, ne,

si intra moenia se recepissent, extemplo ureretur ager depopulatisque omnibus obsidio urbi inferretur. sed postquam direptis ad Aliam castris victor Romanus aderat, id quoque munimentum relictum; et vix moenia tuta rati oppido se Praeneste includunt. octo praeterea oppida erant sub ditione Praenestinatorum. ad ea circumlatum bellum, deincepsque haud magno certamine captis Velitras exercitus ductus. eae quoque expugnatae. tum ad caput belli Praeneste ventum. id non vi, sed per deditionem receptum est. T. Quinctius, semel acie victor, binis castris hostium, novem oppidis vi captis, Praeneste in deditionem accepto, Romam revertit triumphansque signum Praeneste devectum Iovis Imperatoris in Capitolium tulit. dedicatum est inter cellam Iovis ac Minervae tabulaque sub eo fixa, monumentum rerum gestarum, his ferme incisa literis fuit: 'Iuppiter atque divi omnes hoc dederunt, ut T. Quinctius dictator oppida novem caperet.' die vicensimo quam creatus erat dictatura se abdicavit.

XXX. Comititia inde habita tribunorum militum consulari potestate, quibus aequatus patriciorum plebeiorumque numerus. ex patribus creati P. et C. Manlii cum L. Iulio, plebes C. Sextilium, M. Albinium, L. Antistium dedit. Manliis, quod genere plebeios, gratia Iulium antebant, Volsci provincia sine sorte, sine conparatione extraordinem data, cuius et ipsos postmodo et patres, qui dederant, paenituit. inexplorato pabulatum cohortes misere; quibus velut circumventis, cum id falso nuntiatum esset, dum praesidio ut essent citati feruntur, ne auctore quidem adservato, qui eos hostis Latinus pro milite Romano frustratus erat, ipsi in insidias praecipitavere. ibi dum iniquo loco sola virtute militum restantes caedunt caedunturque, castra interim Romana iacentia in campo ab altera parte hostes invasere. ab ducibus utrobique proditae temeritate atque inscitia res. quidquid superfuit fortunae populi Romani, id militum etiam sine rectore stabilis virtus tutata est. quae ubi Romam sunt relata, primum dictatorem dici placebat; deinde, postquam quietae res ex Volscis adferebantur, et apparuit, nescire eos victoria et tempore uti, revocati etiam inde exercitus ac duces, otium-

8 que inde, quantum a Volscis, fuit; id modo extremo anno tumultuatum, quod Praenestini concitatis Latinorum populis rebellarunt.

9 Eodem anno Setiam, ipsis querentibus penuriam hominum, novi coloni adscripti. rebusque haud prosperis bello domestica quies, quam tribunorum militum ex plebe gratia maiestasque inter suos obtinuit, solacium fuit.

1 XXXI. Insequentis anni principia statim seditione ingenti arsere tribunis militum consulari potestate Sp. Furio, Q. Servilio iterum, L. Menenio tertium, P. Cloelio,  
2 M. Horatio, L. Geganio. erat autem et materia et causa seditionis aes alienum, cuius noscendi gratia Sp. Servilius Priscus, Q. Cloelius Siculus censores facti, ne rem age-  
3 rent, bello inpediti sunt. namque trepidi nuntii primo, fuga deinde ex agris legiones Volscorum ingressas fines  
4 popularique passim Romanum agrum attulere. in qua trepidatione tantum afuit, ut civilia certamina terror externus cohiberet, ut contra eo violentior potestas tribuni-  
cia inpediendo dilectu esset, donec condiciones inpositae patribus, ne quis, quoad bellatum esset, tributum daret  
5 aut ius de pecunia credita diceret. eo laxamento plebi sumpto mora dilectui non est facta. legionibus novis scriptis placuit duos exercitus in agrum Volscum legioni-  
bus divisus duci: Sp. Furius, M. Horatius dextrorsus maritumam oram atque Antium, Q. Servilius et L. Geganius  
6 laeva ad montes Ecetram pergunt. neutra parte hostis obvius fuit. populatio itaque non illi vagae similis, quam Volscus latrocinii more, discordiae hostium fretus et virtutem metuens, per trepidationem raptim fecerat, sed ab iusto exercitu iusta ira facta spatio quoque temporis gra-  
7 vior. quippe a Volscis timentibus, ne interim exercitus ab Roma exiret, incursiones in extrema finium factae erant: Romano contra etiam in hostico morandi causa erat,  
8 ut hostem ad certamen eliceret. itaque omnibus passim tectis agrorum vicisque etiam quibusdam exustis, non arbore frugifera, non satis in spem frugum relictis, omni quae extra moenia fuit hominum pecudumque praeda ab-  
acta, Romam utrimque exercitus reducti.

1 XXXII. Parvo intervallo ad respirandum debitoribus

dato, postquam quietae res ab hostibus erant, celebrari de integro iuris dictio, et tantum abesse spes veteris levandi faenoris, ut tributo novum faenus contraheretur in murum a censoribus locatum saxo quadrato faciundum. cui succumbere oneri coacta plebes, quia quem dilectum 2 impedirent non habebant tribuni plebis. tribunos etiam 3 militares patricos omnes coacta principum opibus fecit: L. Aemilium, P. Valerium quartum, C. Veturium, Ser. Sulpicium, L. et C. Quinctios Cincinnatos. isdem opibus 4 obtinere, ut adversus Latinos Volscosque, qui coniunctis legionibus ad Satricum castra habebant, nullo impediante omnibus iunioribus sacramento adactis tres exercitus scriberent: unum ad praesidium urbis, alterum qui, si qui alibi 5 motus extitisset, ad subita belli mitti posset; tertium longe validissimum P. Valerius et L. Aemilius ad Satricum duxere. ubi cum aciem instructam hostium loco aequo in- 6 venissent, extemplo pugnatum; et ut nondum satis claram victoriam, sic prosperae spei pugnam imber ingentibus procellis fusus diremit. postero die iterata pugna. et ali- 7 quamdiu aequa virtute fortunaque Latinae maxime legiones, longa societate militiam Romanam edoctae, restabant. eques inmissus ordines turbavit, turbatis signa per- 8 ditum inlata, quantumque Romana se invexit acies, tantum hostes gradu demoti. et ut semel inclinavit pugna, iam intolerabilis Romana vis erat. fusi hostes cum Satricum, 9 quod duo milia inde aberat, non castra peterent, ab equite maxime caesi, castra capta direptaque. ab Satrico nocte, 10 quae proelio proxima fuit, fugae simili agmine petunt Antium; et cum Romanus exercitus prope vestigiis sequeretur, plus tamen timor quam ira celeritatis habuit. prius 11 itaque moenia intravere hostes quam Romanus extrema agminis carpere aut morari posset. inde aliquot dies vastando agro absumpti, nec Romanis satis instructis apparatu bellico ad moenia adgredienda nec illis ad subeundum pugnae casum.

XXXIII. Seditio tum inter Antiates Latinosque coorta, 1 cum Antiates victi malis subactique bello, in quo et nati erant et consenuerant, deditionem spectarent, Latinos ex 2 diutina pace nova defectio recentibus adhuc animis fero-

ciores ad perseverandum in bello faceret. finis certaminis fuit, postquam utrisque apparuit, nihil per alteros stare, 3 quo minus incepta persequerentur. Latini profecti a societate pacis, ut rebantur, inhonestae sese vindicaverunt, Antiates incommodis arbitris salutarium consiliorum re- 4 motis urbem agrosque Romanis dedunt. ira et rabies Latinorum, quia nec Romanos bello laedere nec Volscos in armis retinere potuerant, eo erupit, ut Satricum urbem, quae receptaculum primum eis adversae pugnae fuerat, igni concremarent; nec aliud tectum eius superfuit urbis, cum faces pariter sacris profanisque inicerent, quam ma- 5 tris Matutae templum. inde eos nec sua religio nec verecundia deum arcuisse dicitur, sed vox horrenda edita templo cum tristibus minis, ni nefandos ignes procul de- 6 lubris amovissent. incensos ea rabie impetus Tusculum tulit ob iram, quod deserto communi concilio Latinorum non in societatem modo Romanam, sed etiam in civita- 7 tem se dedissent. patentibus portis cum improviso incidissent, primo clamore oppidum praeter arcem captum est. in arcem oppidani refugere cum coniugibus ac liberis, nuntiosque Romam, qui certiores de suo casu senatum facerent, misere. haud segnius quam fide populi Romani dignum fuit exercitus Tusculum ductus. L. Quinctius et Ser. Sulpicius tribuni militum duxere. clausas portas Tusculi Latinosque simul obsidentium atque obsessorum animo hinc moenia Tusculi tueri vident, illinc ar- 10 cem oppugnare, terrere una ac pavere. adventus Romanorum mutaverat utriusque partis animos: Tusculanos ex ingenti metu in summam alacritatem, Latinos ex prope certa fiducia mox capiendae arcis, quoniam oppido poterantur, in exiguam de se ipsis spem verterat. tollitur ex arce clamor ab Tusculanis; excipitur aliquanto maiore ab exercitu Romano. utrimque urgentur Latini: nec impetus Tusculanorum decurrentium ex superiore loco sustinent nec Romanos subeuntes moenia molientesque obices portarum arcere possunt. 12 scalis prius moenia capta, inde effracta claustra portarum. et cum anceps hostis et a fronte et a tergo urgueret nec ad pugnam ulla vis nec ad fugam loci quicquam superesset, in medio caesi ad unum

omnes. recuperato ab hostibus Tusculo exercitus Romam est reductus.

**XXXIII.** Quanto magis prosperis eo anno bellis 1 tranquilla omnia foris erant, tanto in urbe vis patrum in dies miseriaeque plebis crescebant, cum eo ipso, quod necesse erat solvi, facultas solvendi impediretur. itaque cum 2 iam ex re nihil dari posset, fama et corpore, iudicati atque addicti, creditoribus satisfaciebant, poenaeque in vicem fidei cesserat. adeo ergo obnoxios summiserant animos 3 non infimi solum, sed principes etiam plebis, ut non modo ad tribunatum militum inter patricios petendum, quod tanta vi ut liceret tetenderant, sed ne ad plebeios quidem ma- 4 gistratus capessendos petendosque ulli viro acri experientique animus esset possessionemque honoris usurpati modo a plebe per paucos annos recuperasse in perpetuum patres viderentur. ne id nimis laetum parti alteri esset, parva, 5 ut plerumque solet, rem ingentem moliundi causa intervenit.

M. Fabi Ambusti, potentis viri cum inter sui corporis homines tum etiam ad plebem, quod haudquaquam inter id genus contemptor eius habebatur, filiae duae nuptae, Ser. Sulpicio maior, minor C. Licinio Stolori erat, inlustri quidem viro, tamen plebeio, eaque ipsa adfinitas haud spreta gratiam Fabio ad vulgum quaesierat. forte ita incidit, ut, 6 in Servi Sulpici tribuni militum domo sorores Fabiae cum inter se, ut fit, sermonibus tempus tererent, lictor Sulpici, cum is de foro se domum reciperet, forem, ut mos est, virga percuteret. cum ad id moris eius insueta expavisset minor Fabia, risui sorori fuit miranti, ignorare id sororem. ceterum is risus stimulos parvis mobili rebus animo mu- 7 liebri subdidit. frequentia quoque prosequentium roantiumque, num quid vellet, credo fortunatum matrimonium ei sororis visum suique ipsam malo arbitrio, quo a proximis quisque minime anteiri vult, paenituisse. confusam 8 eam ex recenti morsu animi cum pater forte vidisset, percontatus: 'satin salve?' avertentem causam doloris, quippe nec satis piam adversus sororem nec admodum in virum honorificam, elicuit comiter sciscitando, ut fateretur, eam 9 esse causam doloris, quod iuncta inpari esset, nupta in



10 domo, quam nec honos nec gratia intrare posset. conso-  
lans inde filiam Ambustus bonum animum habere iussit:  
eisdem prope diem domi visuram honores, quos apud so-  
11 rorem videat. inde consilia inire cum genero coepit ad-  
hibito L. Sextio, strenuo adolescente et cuius spei nihil  
praeter genus patricium deesset.

1 XXXV. Occasio videbatur rerum novandarum propter  
ingentem vim aeris alieni, cuius levamen mali plebis nisi  
2 suis in summo imperio locatis nullum speraret. accingen-  
dum ad eam cogitationem esse. conando agendoque iam  
eo gradum fecisse plebeios, unde, si porro adnitantur, per-  
venire ad summa et patribus aequari tam honore quam  
virtute possent.

3 In praesentia tribunos plebis fieri placuit, quo in ma-  
gistratu sibimet ipsi viam ad ceteros honores aperirent.  
4 creatique tribuni C. Licinius et L. Sextius promulga-  
vere leges omnes adversus opes patriciorum et pro com-  
modis plebis: unam de aere alieno, ut deducto eo de  
capite, quod usuris pernumeratum esset, id quod su-  
5 peresset triennio aequis portionibus persolveretur; alte-  
ram de modo agrorum, ne quis plus quingenta iugera  
agri possideret; tertiam, ne tribunorum militum comitia  
fierent, consulumque utique alter ex plebe crearetur;  
cuncta ingentia et quae sine certamine maximo obtineri  
non possent.

6 Omnium igitur simul rerum, quarum inmodica cupido  
inter mortales est, agri, pecuniae, honorum discrimine pro-  
posito conterriti patres cum trepidassent, publicis privatis-  
que consiliis nullo remedio alio praeter expertam multis iam  
ante certaminibus intercessionem invento, collegas adver-  
7 sus tribunicias rogationes comparaverunt. qui ubi tribus  
ad suffragium ineundum citari a Licinio Sextioque vide-  
runt, stipati patrum praesidiis nec recitari rogationes nec  
sollemne quicquam aliud ad sciscendum plebi fieri passi  
8 sunt. iamque frustra saepe concilio advocato cum pro  
antiquatis rogationes essent: 'bene habet' inquit Sextius;  
'quando quidem tantum intercessionem pollere placet,  
9 isto ipso telo tutabimur plebem. agitedum, comitia indi-  
cite, patres, tribunis militum creandis: faxo, ne iuvet vox

ista “veto,” qua nunc concinentes collegas nostros tam laeti auditis.’

Haud inritae cecidere minae: comitia praeter aedilium 10  
tribunorumque plebi nulla sunt habita. Licinius Sextius-  
que tribuni plebis refectioni nullos curules magistratus creari  
passi sunt, eaque solitudo magistratum, et plebe refi-  
ciente duos tribunos et iis comitia tribunorum militum  
tollentibus, per quinquennium urbem tenuit.

XXXVI. Alia bella opportune quieverunt: Veliterni co- 1  
loni gestientes otio, quod nullus exercitus Romanus esset,  
et agrum Romanum aliquotiens incursare et Tusculum  
oppugnare adorti sunt. eaque res Tusculanis veteribus 2  
sociis, novis civibus opem orantibus verecundia maxime  
non patres modo, sed etiam plebem movit. remittentibus 3  
tribunis plebis, comitia per interregem sunt habita, crea-  
tique tribuni militum: L. Furius, A. Manlius, Ser. Sul-  
picius, Ser. Cornelius, P. et C. Valerii haudquaquam tam  
oboedientem in dilectu quam in comitiis plebem habuere;  
ingentique contentione exercitu scripto profecti non ab 4  
Tusculo modo summovere hostem, sed intra suamet ip-  
sum moenia compulere. obsidebanturque haud paulo vi 5  
maiore Velitrae quam Tusculum obsessum fuerat. nec  
tamen ab eis, a quibus obsideri coeptae erant, expugnari  
potuere. ante novi creati sunt tribuni militum: Q. Servi- 6  
lius, Gaius Veturius, Aulus et Marcus Cornelii, Q. Quinc-  
tius, M. Fabius. nihil ne ab iis quidem tribunis ad Veli-  
tras memorabile factum.

In maiore discrimine domi res vertebantur. nam 7  
praeter Sextium Liciniumque latores legum, iam octavum  
tribunos plebis refectioni, Fabius quoque tribunus militum,  
Stolonis socer, quarum legum auctor fuerat, earum sua-  
sorem se haud dubium ferebat. et cum octo ex collegio 8  
tribunorum plebi primo intercessores legum fuissent, quin-  
que soli erant; et, ut ferme solent qui a suis desciscunt,  
capti et stupentes animi vocibus alienis id modo, quod  
domi praeceptum erat, intercessionem suam praetendebant:  
Velitris in exercitu plebis magnam partem abesse, in ad- 9  
ventum militum comitia differri debere, ut universa plebes  
de suis commodis suffragium ferret. Sextius Liciniusque 10

cum parte collegarum et uno ex tribunis militum Fabio, artifices iam tot annorum usu tractandi animos plebis, primores patrum productos interrogando de singulis, quae  
11 ferebantur ad populum, fatigabant: auderentne postulare, ut, cum bina iugera agri plebi dividerentur, ipsis plus quingenta iugera habere liceret, ut singuli prope trecentorum civium possiderent agros, plebeio homini vix ad tectum necessarium aut locum sepulturae suus pateret  
12 ager? an placeret faenore circumventam plebem, ni potius quam sortem creditum solvat, corpus in nervum ac supplicia dare et gregatim cotidie de foro addictos duci et repleri vinctis nobiles domus et, ubicumque patricius habitet, ibi carcerem privatum esse?

1 XXXVII. Haec indigna miserandaque auditu cum apud timentes sibimet ipsos maiore audientium indignatione quam sua increpuissent, atqui nec agros occupandi modum nec faenore trucidandi plebem alium patribus umquam fore adfirmabant, nisi alterum ex plebe consulem,  
2 custodem suae libertatis, plebis fecisset. contemni iam tribunos plebis, quippe quae potestas iam suam ipsa vim  
3 frangat intercedendo. non posse aequo iure agi, ubi imperium penes illos, penes se auxilium tantum sit. nisi imperio communicato numquam plebem in parte pari rei publicae fore. nec esse quod quisquam satis putet, si plebeiorum ratio comitiis consularibus habeatur; nisi alterum consulem utique ex plebe fieri necesse sit, neminem  
4 fore. an iam memoria exisse, cum tribunos militum idcirco potius quam consules creari placuisset, ut et plebeiis pateret summus honos, quattuor et quadraginta annis  
5 neminem ex plebe tribunum militum creatum esse? qui crederent, duobus nunc in locis sua voluntate inpertituros plebi honorem, qui octona loca tribunis militum creandis occupare soliti sint, et ad consulatum viam fieri passuros,  
6 qui tribunatum saeptum tam diu habuerint? lege obtinendum esse, quod comitiis per gratiam nequeat, et seponendum extra certamen alterum consulatum, ad quem plebi sit aditus, quoniam in certamine relictus praemium semper  
7 potentioris futurus sit. nec iam posse dici id, quod antea iactare soliti sint, non esse in plebeiis idoneos viros  
8

ad curulis magistratus: numqui enim socordius aut segnius rem publicam administrari post Publi Licini Calvi tribunatum, qui primus ex plebe creatus sit, quam per eos annos gesta sit, quibus praeter patricios nemo tribunus militum fuerit? quin contra patricios aliquot damnatos post tribunatum, neminem plebeium. quaestores quoque sicut 9 tribunos militum paucis ante annis ex plebe coeptos creari, nec ullius eorum populum Romanum paenituisse. consu- 10 latum superesse plebeiis; eam esse arcem libertatis, id columen. si eo perventum sit, tum populum Romanum vere exactos ex urbe reges et stabilem libertatem suam existimaturum: quippe ex illa die in plebem ventura omnia, 11 quibus patricii excellant, imperium atque honorem, gloriam belli, genus, nobilitatem, magna ipsis fruenda, maiora liberis relinquenda. huius generis orationes ubi accipi videre, 12 novam rogationem promulgant, ut pro duumviris sacris faciundis decemviri creentur ita, ut pars ex plebe, pars ex patribus fiat, omniumque earum rogationum comitia in adventum eius exercitus differunt, qui Velitras obsidebat.

**XXXVIII.** Prius circumactus est annus quam a Ve- 1 litris reducerentur legiones. ita suspensa de legibus res ad novos tribunos militum dilata: nam plebis tribunos eosdem, duos utique, quia legum latores erant, plebes reficiebat. tribuni militum creati T. Quinctius, Ser. Cor- 2 nelius, Ser. Sulpicius, Sp. Servilius, L. Papirius, L. Veturius. principio statim anni ad ultimam dimicationem de 3 legibus ventum; et cum tribus vocarentur nec intercessio collegarum latoribus obstaret, trepidi patres ad duo ultima auxilia, summum imperium summumque ad civem, decurrunt. dictatorem dici placet. dicitur M. Furius Camillus, 4 qui magistrum equitum L. Aemilium cooptat. legum quoque latores adversus tantum apparatus adversariorum et ipsi causam plebis ingentibus animis armant concilioque plebis indicto tribus ad suffragium vocant. cum dictator 5 stipatus agmine patriciorum plenus irae minarumque consedisset, atque ageretur res solito primum certamine inter se tribunorum plebi ferentium legem intercedentiumque, et, quanto iure potentior intercessio erat, tantum vinceretur favore legum ipsarum latorumque, et 'uti rogas' primae

6 tribus dicerent, tum Camillus: 'quando quidem,' inquit  
 'Quirites, iam vos tribunicia libido, non potestas regit, et  
 intercessionem secessione quondam plebis partam vobis  
 eadem vi facitis irritam, qua peperistis, non rei publicae  
 7 adero eversumque vestrum auxilium imperio tutabor. ita-  
 que, si C. Licinius et L. Sextius intercessioni conlegarum  
 cedunt, nihil patricium magistratum inseram concilio ple-  
 bis: si adversus intercessionem tamquam captae civitati  
 leges inponere tendent, vim tribuniciam a se ipsa dissolvi  
 8 non patiar.' adversus ea cum contemptim tribuni plebis  
 rem nihilo segnius peragerent, tum percitus ira Camillus  
 lictores, qui de medio plebem emoverent, misit et addidit  
 minas, si pergerent, sacramento omnes iuniores adactu-  
 9 rum exercitumque extemplo ex urbe educturum. terrorem  
 ingentem incusserat plebi; ducibus plebis accendit magis  
 certamine animos quam minuit; sed re neutro inclinata  
 magistratu se abdicavit, seu quia vitio creatus erat, ut  
 scripsere quidam, seu quia tribuni plebis tulerunt ad ple-  
 bem idque plebs scivit, ut, si M. Furius pro dictatore  
 10 quid egisset, quingentum milium ei multa esset. sed au-  
 spiciis magis quam novi exempli rogatione deterritum ut  
 potius credam, cum ipsius viri facit ingenium, tum quod  
 11 ei suffectus est extemplo P. Manlius dictator — quem quid  
 creari attinebat ad id certamen, quo M. Furius victus  
 esset? — et quod eundem M. Furium dictatorem inse-  
 quens annus habuit, haud sine pudore certe fractum priore  
 12 anno in se imperium repetiturum; simul quod eo tempore,  
 quo promulgatum de multa eius traditur, aut et huic ro-  
 gationi, qua se in ordinem cogi videbat, obsistere potuit,  
 aut ne illas quidem, propter quas et haec lata erat, in-  
 13 pedire, et quod usque ad memoriam nostram tribuniciis  
 consularibusque certatum viribus est, dictaturae semper  
 altius fastigium fuit.

1 XXXVIII. Inter priorem dictaturam abdicatam no-  
 vamque a Manlio initam ab tribunis velut per interregnum  
 concilio plebis habito apparuit, quae ex promulgatis plebi,  
 2 quae latoribus gratiora essent. nam de faenore atque agro  
 rogationes iuebant, de plebeio consule antiquabant. et

perfecta utraque res esset, ni tribuni se in omnia simul consulere plebem dixissent. P. Manlius deinde dictator 3 rem in causam plebis inclinavit C. Licinio, qui tribunus militum fuerat, magistro equitum de plebe dicto. id aegre 4 patres passos accipio; dictatorem propinqua cognatione Licini se apud patres excusare solitum, simul negantem, magistri equitum maius quam tribuni consularis imperium esse.

Licinius Sextiusque, cum tribunorum plebi creando- 5 rum indicta comitia essent, ita se gerere, ut negando, iam sibi velle continuari honorem, acerrime accenderent ad id, quod dissimulando petebant plebem: nonum se 6 annum iam velut in aciem adversus optumates maximo privatim periculo, nullo publice emolumento stare. consenuisse iam secum et rogationes promulgatas et vim omnem tribuniciae potestatis. primo intercessione colle- 7 garum in leges suas pugnatum esse, deinde ablegatione iuventutis ad Veliternum bellum, postremo dictatorium fulmen in se intentatum. iam nec collegas nec bellum nec 8 dictatorem obstare, quippe qui etiam omen plebeio consuli magistro equitum ex plebe dicendo dederit. se ipsam plebem et commoda morari sua; liberam urbem ac forum a 9 creditoribus, liberos agros ab iniustis possessoribus extemplo, si velit, habere posse. quae munera quando tan- 10 dem satis grato animo aestimatueros, si inter accipiendas de suis commodis rogationes spem honoris latoribus earum incidant? non esse modestiae populi Romani, id postulare, ut ipse faenore levetur et in agrum iniuria possessum a potentibus inducatur, per quos ea consecutus sit, senes tribunicios non sine honore tantum, sed etiam sine spe honoris relinquat. proinde ipsi primum statuerent apud 11 animos, quid vellent, deinde comitiis tribuniciis declararent voluntatem. si coniuncte ferri ab se promulgatas rogationes vellent, esse, quod eosdem reficerent tribunos plebis, perlaturus enim quae promulgaverint; sin, quod 12 cuique privatim opus sit, id modo accipi velint, opus esse nihil invidiosa continuatione honoris: nec se tribunatum nec illos ea, quae promulgata sint, habituros.

XXXX. Adversus tam obstinatam orationem tribu- 1 norum cum prae indignitate rerum stupor silentiumque

2 inde ceteros patrum defixisset, Ap. Claudius Crassus, ne-  
pos decemviri, dicitur odio magis iraque quam spe ad  
dissuadendum processisse et locutus in hanc fere senten-  
3 tiam esse: 'neque novum neque inopinatum mihi sit, Qui-  
rites, si, quod unum familiae nostrae semper obiectum est  
ab seditiosis tribunis, id nunc ego quoque audiam, Clau-  
diae genti iam inde ab initio nihil antiquius in re publica  
patrum maiestate fuisse, semper plebis commodis adver-  
4 satos esse. quorum alterum neque nego neque infitias eo,  
nos, ex quo adsciti sumus simul in civitatem et patres,  
enixe operam dedisse, ut per nos aucta potius quam in-  
minuta maiestas earum gentium, inter quas nos esse vo-  
5 luistis, dici vere posset. illud alterum pro me maioribus-  
que meis contendere ausim, Quirites, nisi, quae pro uni-  
versa re publica fiant, ea plebi tamquam aliam incolenti  
urbem adversa quis putet, nihil nos neque privatos neque  
in magistratibus, quod incommodum plebi esset, scientes  
fecisse nec ullum factum dictumve nostrum contra utilita-  
tem vestram, etsi quaedam contra voluntatem fuerint, vere  
6 referri posse. an hoc, si Claudiae familiae non sim nec  
ex patricio sanguine ortus, sed unus Quiritum quilibet,  
qui modo me duobus ingenuis ortum et vivere in libera  
7 civitate sciam, reticere possim, L. illum Sextium et C.  
Licinium, perpetuos, si diis placet, tribunos, tantum li-  
centiae novem annis quibus regnant sumpsisse, ut vobis  
negent potestatem liberam suffragii non in comitiis, non  
8 in legibus iubendis se permissuros esse? "sub condicione"  
inquit "nos reficietis decimum tribunos." quid est aliud  
dicere: "quod petunt alii, nos adeo fastidimus, ut sine  
9 mercede magna non accipiamus?" sed quae tandem ista  
merces est, qua vos semper tribunos plebis habeamus?  
"ut rogationes" inquit "nostras, seu placent seu displicent,  
seu utiles seu inutiles sunt, omnes coniunctim accipiatis."  
10 obsecro vos, Tarquinii tribuni plebis, putate, me ex media  
contione unum civem succlamare "bona venia vestra li-  
ceat ex his rogationibus legere, quas salubres nobis cen-  
11 semus esse, antiquare alias." "non" inquit "licebit. tu de  
faenore atque agris, quod ad vos omnes pertinet, iubeas, et  
hoc portenti non fiat in urbe Romana, uti L. Sextium at-



que hunc Gaium Licinium consules, quod indignaris, quod abominaris, videas? aut omnia accipe aut nihil fero.” ut 12  
 si quis ei, quem urgeat fames, venenum ponat cum cibo et aut abstinere eo quod vitale sit iubeat aut mortiferum vitali admisceat. ergo si esset libera haec civitas, non tibi frequentes succlamassent “abi hinc cum tribunatibus ac rogationibus tuis!” quid? si tu non tuleris, quod commodum est populo accipere, nemo erit qui ferat illud? si 13  
 quis patricius, si quis — quod illi volunt invidiosius esse — Claudius diceret “aut omnia accipite aut nihil fero,” quis vestrum, Quirites, ferret? numquamne vos res po- 14  
 tius quam auctores spectabitis, sed omnia semper, quae magistratus ille dicet, secundis auribus, quae ab nostrum quo dicentur, adversis accipietis? at hercule sermo est 15  
 minime civilis: quid? rogatio qualis est, quam a vobis antiquatam indignantur? sermoni, Quirites, simillima. “consules” inquit “rogo, ne vobis quos velitis facere liceat.” an aliter rogat, qui utique alterum ex plebe fieri 16  
 consulem iubet nec duos patricios creandi potestatem vobis permittit? si hodie bella sint, quale Etruscum fuit, 17  
 cum Porsina Ianiculum insedit, quale Gallicum modo, cum praeter Capitolium atque arcem omnia haec hostium erant, et consulatum cum hoc M. Furio et quolibet alio ex patribus L. ille Sextius peteret, possetisne ferre, Sextium haud pro dubio consulem esse, Camillum de repulsa dimicare? hocine est in commune honores vocare, ut duos 18  
 plebeios fieri consules liceat, duos patricios non liceat, et alterum ex plebe creari necesse sit, utrumque ex patribus praeterire liceat? quaenam ista societas, quaenam consortio est? parum est, si, cuius pars tua nulla adhuc fuit, in partem eius venis, nisi partem petendo totum traxeris? “timeo” inquit “ne, si duos licebit creari patricios, ne- 19  
 minem creetis plebeium.” quid est dicere aliud: “quia indignos vestra voluntate creaturi non estis, necessitatem vobis creandi quos non vultis inponam?” quid sequitur, 20  
 nisi ut ne beneficium quidem debeat populo, si cum duobus patriciis unus petierit plebeius et lege se, non suffragio creatum dicat?

XXXXI. Quo modo extorqueant, non quo modo petant 1

honores, quaerunt; et ita maxuma sunt adepturi, ut nihil ne pro minimis quidem debeant; et occasionibus potius quam  
2 virtute petere honores malunt. est aliquis, qui se inspici, aestimari fastidiat, qui certos sibi uni honores inter dimi-  
cantes conpetitores aequum censeat esse, qui se arbitrio vestro eximat, qui vestra necessaria suffragia pro volun-  
3 tariis et serva pro liberis faciat — omitto Licinium Sextiumque, quorum annos in perpetua potestate tamquam regum in Capitolio numeratis —, quis est hodie in civitate tam humilis, cui non via ad consulatum facilior per istius legis occasionem quam nobis ac liberis nostris fiat? si quidem nos ne cum volueritis quidem creare interdum poteritis, istos etiam si nolueritis necesse sit.

4 De indignitate satis dictum est, etenim dignitas ad homines pertinet: quid de religionibus atque auspiciis, quae propria deorum immortalium contemptio atque iniuria est, loquar? auspiciis hanc urbem conditam esse, auspiciis bello ac pace, domi militiaeque omnia geri, quis est  
5 qui ignoret? penes quos igitur sunt auspicia more maiorum? nempe penes patres. nam plebeius quidem magistratus nullus auspicato creatur: nobis adeo propria sunt auspicia, ut non solum quos populus creat patricios magistratus non aliter quam auspicato creet, sed nos quoque ipsi sine suffragio populi auspicato interregem prodamus et privatim auspicia habeamus, quae isti ne in magistratibus quidem habent. quid igitur aliud quam tollit ex  
7 civitate auspicia, qui plebeios consules creando a patribus, qui soli ea habere possunt, aufert? eludant nunc licet religiones: quid enim est, si pulli non pascentur, si ex cavea tardius exierint, si occecinerit avis? parva sunt haec, sed parva ista non contemnendo maiores vestri  
9 maximam hanc rem fecerunt; nunc nos, tamquam iam nihil pace deorum opus sit, omnes caerimonias polluimus. vulgo ergo pontifices, augures, sacrificuli reges creentur; cuilibet apicem dialem, dummodo homo sit, inponamus, tradamus ancilia, penetralia, deos deorumque curam quibus  
10 nefas est; non leges auspicato ferantur, non magistratus creentur, nec centuriatis nec curiatis comitiis patres auctores fiant: Sextius et Licinius tamquam Romulus ac

Tatius in urbe Romana regnent, quia pecunias alienas, quia agros dono dant. tanta dulcedo est ex alienis fortu- 11  
nis praedandi, nec in mentem venit, altera lege solitudines vastas in agris fieri pellendo finibus dominos, altera fidem abrogari, cum qua omnis humana societas tollitur. omnium 12  
rerum causa vobis antiquandas censeo istas rogationes. quod faxitis, deos velim fortunare.'

XXXXII. Oratio Appi ad id modo valuit, ut tempus 1  
rogationum iubendarum proferretur. refecti decumum idem 2  
tribuni Sextius et Licinius de decemviris sacrorum ex parte de plebe creandis legem pertulere. creati quinque patrum, quinque plebis, graduque eo iam via facta ad consulatum videbatur. hac victoria contenta plebes cessit patribus, 3  
ut in praesentia consulum mentione omissa tribuni militum crearentur. creati A. et M. Cornelii iterum, M. Geganus, P. Manlius, L. Veturius, P. Valerius sextum. cum praeter Velitrarum obsidionem, tardi magis rem exi- 4  
tus quam dubii, quietae externae res Romanis essent, fama repens belli Gallici allata perpulit civitatem, ut M. Furius dictator quintum diceretur. is T. Quinctium Pennum magistrum equitum dixit. bellatum cum Gallis eo 5  
anno circa Anienem flumen auctor est Claudius, inclitamque in ponte pugnam, qua T. Manlius Gallum, cum quo provocatus manus conseruit, in conspectu duorum exercituum caesum torque spoliavit, tum pugnatum. plu- 6  
ribus auctoribus magis adducor ut credam, decem haud minus post annos ea acta, hoc autem anno in Albano agro cum Gallis dictatore M. Furio signa conlata. nec 7  
dubia nec difficilis Romanis, quamquam ingentem Galli terrorem memoria pristinae cladis attulerant, victoria fuit. multa milia barbarorum in acie, multa captis castris caesa; palati alii Apuliam maxime petentes cum fuga longinqua, 8  
tum quod passim eos simul pavor terrorque distulerant, ab hoste sese tutati sunt. dictatori consensu patrum plebisque triumphus decretus. vixdum perfunctum eum bello 9  
atrocius domi seditio excepit; et per ingentia certamina dictator senatusque victus, ut rogationes tribuniciae acciperentur, et comitia consulum adversa nobilitate habita, quibus L. Sextius de plebe primus consul factus.

10 Et ne is quidem finis certaminum fuit. quia patricii  
 se auctores futuros negabant prope secessionem plebis res  
 11 terribilesque alias minas civilium certaminum venit, cum  
 tamen per dictatorem condicionibus sedatae discordiae sunt  
 concessumque ab nobilitate plebi de consule plebeio, a  
 plebe nobilitati de praetore uno, qui ius in urbe diceret,  
 12 ex patribus creando. ita ab diutina ira tandem in con-  
 cordiam redactis ordinibus cum dignam eam rem senatus  
 censeret esse, meritoque id, si quando umquam alias,  
 deum immortalium (causa libenter facturos) fore, ut ludi  
 13 maximi fierent et dies unus ad triduum adiceretur, recu-  
 santibus id munus aedilibus plebis conclamatum a patri-  
 ciis est iuvenibus, se id honoris deum immortalium causa  
 14 libenter acturos, ut aediles fierent. quibus cum ab uni-  
 versis gratiae actae essent, factum senatus consultum, ut  
 duoviros aediles ex patribus dictator populum rogaret,  
 patres auctores omnibus eius anni comitiis fierent.

---

[PERIOCHA LIBRI VII.]

[Duo novi magistratus adiecti sunt, praetura et curulis aedilitas. pestilentia civitas laboravit, eamque insignem fecit mors Furi Camilli; cuius remedium et finis cum per novas religiones quaeretur, ludi scaenici tunc primum facti sunt. cum dies L. Manlio dicta esset a M. Pomponio tribuno plebis propter dilectum acerbe actum et T. Manlium filium rus relegatum sine ullo crimine, adolescens ipse, cuius relegatio patri obiciebatur, venit in cubiculum tribuni strictoque gladio coegit eum in verba sua iurare, se non perseveraturum in accusatione. cum telluris hiatu tota ad ultimum territa patria foret, tunc omnia pretiosa missa sunt in praealtam voraginem urbis Romanae. in eam Curtius armatus sedens equo praecipitavit, et expletast. T. Manlius adolescens, qui patrem a tribunicia vexatione vindicaverat, contra Gallum provocantem aliquem ex militibus Romanis in singulare certamen descendit ei-que occiso torquem aureum detraxit, quem ipse postea tulit et ex eo Torquatus est nuncupatus. duae tribus additae, Pomptina et Publilia. Licinius Stolo lege lata damnatus est, quod plus quingentis iugeribus agri possideret. M. Valerius tribunus militum Gallum, a quo provocatus erat, insidente galeae corvo et unguibus rostroque hostem infestante occidit et ex eo Corvi nomen accepit consulque proximo anno, cum annos viginti tres haberet, ob virtutem creatus est. amicitia cum Carthaginensibus iuncta est.]

Campani cum a Samnitibus bello urgerentur, auxilio adversus eos a senatu petito, cum id non inpetrarent, urbem et agros populo Romano dediderunt: ob quam causam ea, quae populi Romani facta essent, defendi bello adversus Samnites placuit. cum ab Aulo Cornelio consule exercitus in locum iniquum deductus in magno discrimine esset, P. Deci Muris tribuni militum opera servatus est, qui occupato colle super id iugum, in quo Samnites considerant, occasionem consuli in aequiorem locum evadendi dedit, ipse ab hostibus circumsessus erupit. cum milites Romani, qui Capuae in praesidio relictī erant, de occupanda urbe conspirassent et detecto consilio metu supplicii a populo Romano defecissent, per M. Valerium Corvum dictatorem, qui consilio suo eos a furore revocaverat, patriae restituti sunt. res praeterea contra Hernicos et Gallos et Tiburtes et Privernates et Tarquinienses et Samnites et Volscos prospere gestas continet.]

## TITI LIVI

### AB VRBE CONDITA

#### LIBER VII.

I. Annus hic erit insignis novi hominis consulatu, insignis novis duobus magistratibus, praetura et curuli aedilitate. hos sibi patricii quaesivere honores pro concesso plebi altero consulatu. plebes consulatum L. Sextio, cuius lege partus erat, dedit; patres praeturam Sp. Furio Marci filio Camillo, aedilitatem Gnaeo Quinctio Capitolino et P. Cornelio Scipioni, suarum gentium viris, gratia campestri ceperunt. L. Sextio collega ex patribus datus L. Aemilius Mamercus. principio anni et de Gallis, quos primo palatos per Apuliam congregari iam fama erat, et de Hernicorum defectione agitata mentio. cum de industria omnia, ne quid per plebeium consulem ageretur, proferrentur, silentium omnium rerum ac iustitio simile otium fuit, nisi quod non patientibus tacitum tribunis, quod pro consule uno plebeio tres patricos magistratus curulibus sellis praetextatos tamquam consules sedentes nobilitas sibi sumpsisset, praetorem quidem etiam iura reddentem et collegam consulibus atque isdem auspiciis creatum, verecundia inde inposita est senatui ex patribus iubendi

aediles curules creari. primo ut alternis annis ex plebe fierent convenerat; postea promiscuum fuit.

7 Inde L. Genucio et Q. Servilio consulibus et ab sedi-  
8 tione et a bello quietis rebus, ne quando a metu ac peri-  
culis vacarent, pestilentia ingens orta. censorem, aedilem  
curulem, tres tribunos plebis mortuos ferunt, pro portione  
et ex multitudine alia multa funera fuisse. maxumeque  
9 M. Furi fecit. fuit enim vere vir unicus in omni fortuna,  
princeps pace belloque priusquam exulatum iret; clarior  
in exilio vel desiderio civitatis, quae capta absentis in-  
ploravit opem, vel felicitate, qua restitutus in patriam se-  
10 cum patriam ipsam restituit; par deinde per quinque et  
viginti annos — tot enim postea vixit — titulo tantae  
gloriae fuit dignusque habitus, quem secundum a Romulo  
conditorem urbis Romanae ferrent.

1 II. Et hoc et insequenti anno C. Sulpicio Petico, C.  
2 Licinio Stolone consulibus pestilentia fuit. eo nihil di-  
gnum memoria actum, nisi quod pacis deum exposcendae  
causa tertio tum post conditam urbem lectisternium fuit.  
3 et cum vis morbi nec humanis consiliis nec ope divina  
levaretur, victis superstitione animis ludi quoque scae-  
nici, nova res bellicoso populo — nam circi modo spec-  
taculum fuerat —, inter alia caelestis irae placamina in-  
4 stituti dicuntur. ceterum parva quoque, ut ferme principia  
omnia, et ea ipsa peregrina res fuit: sine carmine ullo,  
sine imitandorum carminum actu ludiones ex Etruria ac-  
citi ad tibicinis modos saltantes haud indecoros motus  
5 more Tusco dabant. imitari deinde eos iuventus, simul  
inconditis inter se iocularia fundentes versibus, coepere;  
6 nec absoni a voce motus erant. accepta itaque res sae-  
piusque usurpando excitata. vernaculis artificibus, quia  
ister Tusco verbo ludio vocabatur, nomen histrionibus in-  
7 ditum, qui non, sicut ante, Fescennino versu similem in-  
compositum temere ac rudem alternis iaciebant, sed inpletas  
modis saturas descripto iam ad tibicinem cantu motuque  
8 congruenti peragebant. Livius post aliquot annis, qui ab  
saturis ausus est primus argumento fabulam serere, idem  
scilicet, id quod omnes tum erant, suorum carminum ac-

tor, dicitur, cum saepius revocatur, vocem obtudisse et, 9  
 venia petita puerum ad canendum ante tibicinem cum  
 statuisset, canticum egisse aliquanto magis vigente motu,  
 quia nihil vocis usus inpediebat. inde ad manum cantari 10  
 histrionibus coeptum diverbiaque tantum ipsorum voci  
 relictæ. postquam lege hac fabularum ab risu ac soluto 11  
 ioco res avocabatur et ludus in artem paulatim verterat,  
 iuventus histrionibus fabellarum actu relicto ipsa inter se  
 more antiquo ridicula intexta versibus iactitare coepit,  
 quæ exodia postea appellata consertaque fabellis potissi-  
 mum Atellanis sunt. quod genus ludorum ab Oscis ac- 12  
 ceptum tenuit iuventus nec ab histrionibus pollui passa  
 est. eo institutum manet, ut actores Atellanarum nec  
 tribu moveantur et stipendia, tamquam expertes artis lu-  
 dicrae, faciant. inter aliarum parva principia rerum ludo- 13  
 rum quoque prima origo ponenda visa est, ut appareret,  
 quam ab sano initio res in hanc vix opulentis regnis to-  
 lerabilem insaniam venerit.

III. Nec tamen ludorum primum initium procurandis 1  
 religionibus datum aut religione animos aut corpora mor-  
 bis levavit, quin etiam, cum medios forte ludos circus 2  
 Tiberi superfuso inrigatus inpedisset, id vero velut aver-  
 sis iam diis aspernantibusque placamina irae terrorem in-  
 gentem fecit. itaque C. Genucio, L. Aemilio Mamercus 3  
 iterum consulibus cum piaculorum magis conquisitio ani-  
 mos quam corpora morbi adficerent, repetitum ex senio-  
 rum memoria dicitur, pestilentiam quondam clavo ab dic-  
 tatore fixo sedatam. ea religione adductus senatus dicta- 4  
 torem clavi figendi causa dici iussit. dictus L. Manlius  
 Imperiosus L. Pinarium magistrum equitum dixit.

Lex vetusta est, priscis literis verbisque scripta, ut 5  
 qui praetor maximus sit idibus Septembribus clavum  
 pangat. fixa fuit dextro lateri aedis Iovis optimi maximi,  
 ex qua parte Minervæ templum est. eum clavum, quia 6  
 raræ per ea tempora literæ erant, notam numeri anno-  
 rum fuisse ferunt, eoque Minervæ templo dicatam legem, 7  
 quia numerus Minervæ inventum sit. Volsiniis quoque  
 clavos indices numeri annorum fixos in templo Nortiae  
 Etruscae deae comparere diligens talium monumentorum



8 auctor Cincius adfirmat. Horatius consul ea lege templum Iovis optimi maximi dedicavit anno post reges exactos; a consulibus postea ad dictatores, quia maius imperium erat, sollemne clavi figendi translatum est. intermisso deinde more digna etiam per se visa res, propter quam dictator  
9 crearetur. qua de causa creatus L. Manlius, perinde ac rei gerendae ac non solvendae religionis gratia creatus esset, bellum Hernicum adfectans dilectu acerbo iuventutem agitavit tandemque omnibus in eum tribunis plebis coortis seu vi seu verecundia victus dictatura abiit.

1 III. Neque eo minus principio insequentis anni Q. Servilio Ahala, L. Genucio consulibus dies Manlio dicitur  
2 a M. Pomponio tribuno plebis. acerbitas in dilectu non damno modo civium, sed etiam laceratione corporum lata, partim virgis caesis, qui ad nomina non respondissent,  
3 partim in vincula ductis, invisa erat et ante omnia invisum ipsum ingenium atrox cognomenque Imperiosi grave liberae civitati ab ostentatione saevitiae adscitum, quam non magis in alienis quam in proximis ac sanguine ipso  
4 suo exerceret. criminique ei tribunus inter cetera dabat, quod filium iuvenem, nullius probri conpertum, extorrem urbe, domo, penatibus, foro, luce, congressu aequalium prohibitum, in opus servile, prope in carcerem atque in  
5 ergastulum dederit, ubi summo loco natus dictatorius iuvenis cotidiana miseria disceret, vere Imperioso patre se natum esse. at quam ob noxam? quia infacundior sit et  
6 lingua inpromptus. quod naturae damnum utrum nutriendum patri, si quicquam in eo humani esset, an castigandum ac vexatione insigne faciendum fuisse? ne mutas quidem bestias minus alere ac fovere, si quid ex pro-  
7 genie sua parum prosperum sit. at hercule L. Manlium malum malo augere filii et tarditatem ingenii insuper premere et, si quid in eo exiguum naturalis vigoris sit, id extinguere vita agresti et rustico cultu inter pecudes habendo.

1 V. Omnium potius his criminationibus quam ipsius iuvenis irritatus est animus: quin contra se quoque parenti causam invidiae atque criminum esse aegre passus,  
2 ut omnes dii hominesque scirent, se parenti opem latam

quam inimicis eius malle, capit consilium rudis quidem atque agrestis animi et quamquam non civilis exempli, tamen pietate laudabile. inscientibus cunctis cultro succinctus mane in urbem atque a porta domum confestim ad M. Pomponium tribunum pergit, ianitori opus esse sibi domino eius convento extemplo ait: nuntiaret, Titum Manlium L. filium esse. mox introductus — etenim percitum ira in patrem spes erat aut criminis aliquid novi aut consilii ad rem agendam deferre —, salute accepta redditaque esse ait, quae cum eo agere arbitris remotis velit. procul inde omnibus abire iussis cultrum stringit et super lectum stans ferro intento, nisi in quae ipse concepisset verba iuraret, se patris eius accusandi causa concilium plebis numquam habiturum, se eum extemplo transfixurum minatur. pavidus tribunus, quippe qui ferrum ante oculos micare, se solum inermem, illum praevalidum iuvenem et, quod haud minus timendum erat, stolide ferocem viribus suis cerneret, adiurat in quae adactus est verba, et prae se deinde tulit, ea vi subactum se incepto destitisse. nec perinde ut maluisset plebes, sibi suffragii ferendi de tam crudeli et superbo reo potestatem fieri, ita aegre habuit, filium id pro parente ausum. eoque id laudabilius erat, quod animum eius tanta acerbitas patria nihil a pietate avertisset. itaque non patri modo remissa causae dictio est, sed ipsi etiam adulescenti ea res honori fuit, et cum eo anno primum placuisset tribunos militum ad legiones suffragio fieri — nam et antea, sicut nunc quos Rufulos vocant, imperatores ipsi faciebant —, secundum in sex locis tenuit, nullis domi militiaeque ad conciliandam gratiam meritis, ut qui rure et procul coetu hominum iuventam egisset.

VI. Eodem anno seu motu terrae seu qua vi alia forum medium ferme specu vasto conlapsum in inmensam altitudinem dicitur, neque eam voraginem coniectu terrae, cum pro se quisque gereret, explere potuisse prius quam deum monitu quaeri coeptum, quo plurimum populus Romanus posset; id enim illi loco dicandum vates canebant, si rem publicam Romanam perpetuam esse vellent. tum M. Curtium, iuvenem bello egregium, castigasse fe-

- runt dubitantes, an ullum magis Romanum bonum quam  
4 arma virtusque esset? silentio facto templa deorum in-  
mortalium, quae foro inminent, Capitoliumque intuentem  
et manus nunc in caelum nunc in patentes terrae hiatus  
5 ad deos manes porrigentem se devovisse, equoque deinde  
quam poterat maxime exornato insidentem armatum se in  
specum inmisisse; donaque ac fruges super eum a multi-  
tudine virorum ac mulierum congestas lacumque Curtium  
non ab antiquo illo Titi Tati milite Curtio Mettio, sed ab  
6 hoc appellatum. cura non deesset, si qua ad verum via  
inquirentem ferret; nunc fama rerum standum est, ubi  
certam derogat vetustas fidem, et lacus nomen ab hac  
recentiore insignitius fabula est.
- 7 Post tanti prodigii procurationem eodem anno de Her-  
necis consultus senatus cum fetiales ad res repetendas  
nequiquam misisset, primo quoque die ferendum ad po-  
pulum de bello indicendo Hernecis censuit, populusque id  
8 bellum frequens iussit. L. Genucio consuli ea provincia  
sorte evenit. in expectatione civitas erat, quod primus  
ille de plebe consul bellum suis auspiciis gesturus esset,  
perinde ut evenisset res, ita communicatos honores pro  
9 bene aut secus consulto habitura. forte ita tulit casus, ut  
Genucius ad hostes magno conatu profectus in insidias  
praecipitaret, legionibus necopinato pavore fuis consul,  
circumventus ab insciis quem interfecissent, occideret.  
10 quod ubi est Romam nuntiatum, nequaquam tantum pu-  
blica calamitate maestis patres quantum feroces infelici  
consulis plebei ductu fremunt omnibus locis: irent, crea-  
rent consules ex plebe, transferrent auspicia quo nefas  
11 esset. potuisse patres plebi scito pelli honoribus suis; num  
etiam in deos immortales inauspicatam legem valuisse?  
vindicasse ipsos suum numen, sua auspicia, quae ut pri-  
mum contacta sint ab eo, a quo nec ius nec fas fuerit,  
deletum cum duce exercitum documento fuisse, ne deinde  
12 turbato gentium iure comitia haberentur. his vocibus curia  
et forum personat. Ap. Claudium, quia dissuaserat legem,  
maiore nunc auctoritate eventum reprehensi ab se consilii  
incusantem, dictatorem consensu patriciorum Servilius  
consul dicit, dilectusque et iustitium indictum.

VII. Priusquam dictator legionesque novae in Hernicos 1  
venirent, ductu C. Sulpici legati res per occasionem gesta  
egregie est. in Hernicos, morte consulis contemptim ad 2  
castra Romana cum haud dubia expugnandi spe succeden-  
tes, hortante legato et plenis irae atque indignitatis mili-  
tum animis eruptio est facta. multum ab spe adeundi  
valli res Hernicis afuit: adeo turbatis inde ordinibus abs-  
cessere. dictatoris deinde adventu novus veteri exercitus 3  
iungitur et copiae duplicantur; et pro contione dictator  
laudibus legati militumque, quorum virtute castra defensa  
erant, simul audientibus laudes meritas tollit animos, si-  
mul ceteros ad aemulandas virtutes acuit. neque segnius 4  
ad hostes bellum apparatus, qui et parti ante decoris me-  
mores neque ignari auctarum virium hostis suas quoque  
vires augent. omne Hernicum nomen, omnis militaris  
aetas excitur: quadringenariae octo cohortes, lecta robora  
virosum, scribuntur. hunc eximium florem iuventutis eo 5  
etiam, quod ut duplex acciperent stipendium decreverant,  
spei animorumque inplevere. immunes quoque operum  
militarium erant, ut in unum pugnae laborem reservati  
plus sibi quam pro virili parte adnitendum scirent. extra 6  
ordinem etiam in acie locati, quo conspectior virtus esset.

Duum milium planities castra Romana ab Hernicis  
dirimebat: ibi pari ferme utrimque spatio in medio pugna-  
tum est. primo stetit ambigua spe pugna, nequiquam 7  
saepe conatis equitibus Romanis impetu turbare hostium  
aciem. postquam equestris pugna effectum quam conatibus 8  
vanior erat, consulto prius dictatore equites permissu  
deinde eius relictis equis clamore ingenti provolant ante  
signa et novam integrant pugnam. neque sustineri pote- 9  
rant, nisi extraordinariae cohortes pari corporum animorum-  
que robore se obiecissent.

VIII. Tunc inter primores duorum populorum res 1  
geritur. quidquid hinc aut illinc communis Mars belli  
aufert, multiplex quam pro numero damnum est. vulgus  
aliud armatorum, velut delegata primoribus pugna, even-  
tum suum in virtute aliena ponit. multi utrimque cadunt,  
plures vulnera accipiunt. tandem equites alius alium in- 2  
crepantes, quid deinde restaret, quaerendo, si neque ex

equis pepulissent hostem neque pedites quicquam momenti facerent? quam tertiam exspectarent pugnam? quid ante signa feroces prosiluissent et alieno pugnarent loco? —  
3 his inter se vocibus concitati clamore renovato inferunt pedem: et primum gradu moverunt hostem, deinde pepu-  
4 lerunt, postremo iam haud dubie avertunt; neque tam vires pares quae superaverit res facile dictu est, nisi quod perpetua fortuna utriusque populi et extollere animos et  
5 minuere potuit. usque ad castra fugientes Hernicos Romanus sequitur; castrorum oppugnatione, quia serum erat diei, abstinuere. diu non perlitatum tenuerat dictatorem, ne ante meridiem signum dare posset: eo in noctem tractum erat certamen. postero die deserta fuga castra Hernicorum et saucii relictis quidam inventi, agmenque fugientium ab Signinis, cum praeter moenia eorum infrequentia conspecta signa essent, fusum ac per agros trepida fuga  
7 palatum est. nec Romanis incruenta victoria fuit: quarta pars militum amissa, et ubi haud minus iacturae fuit, aliquot equites Romani cecidere.

1 VIII. Insequenti anno cum C. Sulpicius et C. Licinius Calvus consules in Hernicos exercitum duxissent, neque inventis in agro hostibus Ferentinum, urbem eorum, vi cepissent, revertentibus inde eis Tiburtes portas clau-  
2 sere. ea ultima fuit causa, cum multae ante querimoniae ultro citroque iactatae essent, cur per fetiales rebus repetitis bellum Tiburti populo indiceretur.

3 Dictatorem T. Quinctium Pennum eo anno fuisse satis constat et magistrum equitum Ser. Cornelium Maluginensem. Macer Licinius comitiorum habendorum causa et ab Licinio consule dictum scribit, quia collega comitia bello praeferre festinante, ut continuaret consulatum, ob-  
5 viam eundem pravae cupiditati fuerit. quaesita ea propria familiae laus leviolem auctorem Licinium facit. cum mentionem eius rei in vetustioribus annalibus nullam inveniam, magis ut belli Gallici causa dictatorem creatum arbitrer  
6 inclinatur animus. eo certe anno Galli ad tertium lapidem Salaria via trans pontem Anienis castra habuere. dictator cum tumultus Gallici causa iustitium edixisset, omnes iuniores sacramento adegit, ingentique exercitu ab urbe

profectus in citeriore ripa Anienis castra posuit. pons in 7  
medio erat, neutris eum rumpentibus, ne timoris indicium  
esset. proelia de occupando ponte crebra erant nec, qui  
poterentur, incertis viribus satis discerni poterat. tum 8  
eximia corporis magnitudine in vacuum pontem Gallus  
processit et quantum maxima voce potuit 'quem nunc'  
inquit 'Roma virum fortissimum habet, procedat agedum  
ad pugnam, ut noster duorum eventus ostendat, utra gens  
bello sit melior.'

X. Diu inter primores iuvenum Romanorum silentium 1  
fuit, cum et abnuere certamen vererentur et praecipuam  
sortem periculi petere nollent. tum T. Manlius L. filius, 2  
qui patrem a vexatione tribunica vindicaverat, ex statione  
ad dictatorem pergit: 'iniussu tuo,' inquit 'imperator, ex-  
tra ordinem numquam pugnaverim, non si certam victo-  
riam videam; si tu permittis, volo ego illi beluae osten- 3  
dere, quando adeo ferox praesultat hostium signis, me ex  
ea familia ortum, quae Gallorum agmen ex rupe Tarpeia  
deiecit.' tum dictator 'macte virtute' inquit 'ac pietate in 4  
patrem patriamque, T. Manli, esto. perge et nomen Ro-  
manum invictum iuvantibus diis praesta.' armant inde 5  
iuvenem aequales: pedestre scutum capit, Hispano cingi-  
tur gladio ad propiorem habili pugnam; armatum adorna-  
tumque adversus Gallum stolidè laetum et — quoniam id  
quoque memoria dignum antiquis visum est — linguam  
etiam ab inrisu exserentem producunt. recipiunt inde se 6  
ad stationem; et duo in medio armati spectaculi magis  
more quam lege belli destituuntur, nequaquam visu ac  
specie aestimantibus pares: corpus alteri magnitudine exi- 7  
mum, versicolori veste pictisque et auro caelatis refulgens  
armis; media in altero militaris statura modicaque in armis  
habilibus magis quam decoris species. non cantus, non 8  
exultatio armorumque agitatio vana, sed pectus animo-  
rum iraeque tacitae plenum omnem ferociam in discrimen  
ipsum certaminis distulerat. ubi constitere inter duas acies 9  
tot circa mortalium animis spe metuque pendentibus, Gal-  
lus velut moles superne imminens proiecto laeva scuto in  
advenientis arma hostis vanum caesim cum ingenti sonitu  
ensem deiecit: Romanus mucrone subrecto, cum scuto 10

scutum imum perculisset totoque corpore interior periculo  
vulneris factus insinuasset se inter corpus armaque, uno  
alteroque subinde ictu ventrem atque inguina hausit et in  
11 spatium ingens ruentem porrexit hostem. iacentis inde  
corpus ab omni alia vexatione intactum uno torque spo-  
12 liavit, quem respersum cruore collo circumdedit suo. de-  
fixerat pavor cum admiratione Gallos: Romani alacres ab  
statione obviam militi suo progressi, gratulantes laudan-  
13 tesque ad dictatorem perducunt. inter carminum prope  
modum incondita quaedam militariter ioculantes Torquati  
cognomen auditum; celebratum deinde posteris etiam fa-  
14 miliaeque honori fuit. dictator coronam auream addidit  
donum mirisque pro contione eam pugnam laudibus tulit.

1 XI. Et hercule tanti ea ad universi belli eventum  
momenti dimicatio fuit, ut Gallorum exercitus proxima  
noctē relictis trepide castris in Tiburtem agrum atque  
inde, societate belli facta commeatuque benigne ab Ti-  
2 burtibus adiutus, mox in Campaniam transierit. ea fuit  
causa, cur proximo anno C. Poetelius Balbus consul, cum  
collegae eius M. Fabio Ambusto Hernici provincia eve-  
nisset, adversus Tiburtes iussu populi exercitum duceret.  
3 ad quorum auxilium cum Galli ex Campania redissent,  
foedae populationis in Labicano Tusculanoque et Albano  
4 agro haud dubie Tiburtibus ducibus sunt factae. et cum  
adversus Tiburtem hostem duce consule contenta res pu-  
blica esset, Gallicus tumultus dictatorem creari coegit.  
creatus Q. Servilius Ahala T. Quinctium magistrum  
equitum dixit et ex auctoritate patrum, si prospere id  
5 bellum evenisset, ludos magnos vovit. dictator, ad con-  
tinendos proprio bello Tiburtis consulari exercitu iusso  
manere, omnes iuniores, nullo detractante militiam, sacra-  
6 mento adegit. pugnatum haud procul porta Collina est  
totius viribus urbis in conspectu parentum coniugumque  
ac liberorum, quae magna etiam absentibus hortamenta  
animi tum subiecta oculis simul verecundia misericordia-  
7 que militem accendebant. magna utrimque edita caede  
avertitur tandem acies Gallorum. fuga Tibur sicut arcem  
belli Gallici petunt: palati a consule Poetelio haud procul  
Tibure excepti, egressis ad opem ferendam Tiburtibus



simul cum iis intra portas conpelluntur. egregie cum ab 8  
dictatore tum ab consule res gesta est. et consul alter  
Fabius proeliis primum parvis, postremo una insigni  
pugna, cum hostes totis adorti copiis essent, Hernicos  
devincit. dictator consulibus in senatu et apud populum 9  
magnifice conlaudatis et suarum quoque rerum illis re-  
misso honore dictatura se abdicavit. Poetelius de Gallis  
Tiburtibusque geminum triumphum egit, Fabio satis vi-  
sum, ut ovans urbem iniret. inridere Poeteli triumphum 10  
Tiburtes: ubi enim eum secum acie conflixisse? specta-  
tores paucos fugae trepidationisque Gallorum extra portas  
egressos, postquam in se quoque fieri impetum viderint et  
sine discrimine obvios caedi, recepisse se intra urbem.  
eam rem triumpho dignam visam Romanis. ne nimis 11  
mirum magnumque censerent tumultum exciere in ho-  
stium portis, maiorem ipsos trepidationem ante moenia  
sua visuros.

XII. Itaque insequenti anno M. Popilio Laenate, 1  
Cn. Manlio consulibus primo silentio noctis ab Tibure  
agmine infesto profecti ad urbem Romam venerunt. ter- 2  
rorem repente ex somno excitatis subita res et nocturnus  
pavor praebuit, ad hoc multorum inscitia, qui aut unde  
hostes advenissent. conclamatum tamen celeriter ad arma 3  
est, et portae stationibus murique praesidiis firmati; et  
ubi prima lux mediocrem multitudinem ante moenia ne-  
que alium quam Tiburtem hostem ostendit, duabus portis  
egressi consules utrimque aciem subeuntium iam muros  
adgrediuntur: apparuitque, occasione magis quam virtute 4  
fretos venisse; adeo vix primum impetum Romanorum  
sustinuere. quin etiam bono fuisse Romanis adventum  
eorum constabat orientemque iam seditionem inter patres  
et plebem metu tam propinqui belli conpressam.

Alius adventus hostium fuit proximo bello agris terri- 5  
biliores quam urbi: populabundi Tarquinienses fines Roma- 6  
nos, maxime qua ex parte Etruriam adiacent, peragravere.  
rebusque nequiquam repetitis novi consules iis C. Fabius  
et C. Plautius iussu populi bellum indixere, Fabioque ea  
provincia, Plautio Hernici evenere.

Gallici quoque belli fama increbrescebat. sed inter 7

multos terrores solacio fuit pax Latinis petentibus data et magna vis militum ab his ex foedere vetusto, quod multis  
8 intermiserant annis, accepta. quo praesidio cum fulta res Romana esset, levius fuit, quod Gallos mox Praeneste venisse atque inde circa Pedum consedissee auditum est.  
9 dictatorem dici C. Sulpicium placuit: consul ad id accitus C. Plautius dixit, magister equitum dictatori additus M. Valerius. hi robora militum ex duobus consularibus exer-  
10 citibus electa adversus Gallos duxerunt. lentius id aliquanto bellum quam parti utrique placēbat fuit. cum primo Galli tantum avidi certaminis fuissent, deinde Romanus miles ruendo in arma ac dimicationem aliquantum  
11 Gallicam ferociam vinceret, dictatori neutiquam placebat, quando nulla cogeret res, fortunae se committere adversus hostem, quem tempus deteriore in dies et locis alienis faceret sine praeparato commeatu, sine firmo munimento morantem, ad hoc iis corporibus animisque, quorum omnis in impetu vis esset, parva eadem languesceret mora.

12 His consiliis dictator bellum trahebat, gravemque edixerat poenam, si quis iniussu in hostem pugnasset. milites aegre id patientes primo in stationibus vigiliisque inter se dictatorem sermonibus carpere, interdum patres communiter increpare, quod non iussissent per consules  
13 geri bellum: electum esse eximium imperatorem unicum ducem, qui nihil agenti sibi de caelo devolaturam in sinum victoriam censeat. eadem deinde haec interdum propalam ac ferociora his iactare: se iniussu imperatoris  
14 aut dimicatuos aut agmine Romam ituros. inmiscerique iam militibus centuriones, nec in circulis modo fremere, sed iam in principiis ac praetorio in unum sermones confundi atque in contionis magnitudinem crescere turba et vociferare ex omnibus locis, ut extemplo ad dictatorem iretur, verba pro exercitu faceret Sex. Tullius, ut virtute eius dignum esset.

1 XIII. Septimum primum pilum iam Tullius ducebat neque erat in exercitu, qui quidem pedestria stipendia  
2 fecisset, vir factis nobilior. is praecedens militum agmen ad tribunal pergit mirantique Sulpicio non turbam magis

quam turbae principem Tullium, imperiis oboedientissimum militem: 'scilicet, dictator,' inquit 'condemnatum se 3  
universus exercitus a te ignaviae ratus et prope ignominiae causa destitutum sine armis oravit me, ut suam causam apud te agerem. equidem, sicubi loco cessum, si 4  
terga data hosti, si signa foede amissa obici nobis possent, tamen hoc a te impetrari aequum censerem, ut nos virtute culpam nostram corrigere et abolere flagitii memoriam nova gloria patereris. etiam ad Aliam fusae legiones 5  
eandem, quam per pavorem amiserant, patriam profectae postea a Veiis virtute recuperavere. nobis deum benignitate, felicitate tua populique Romani et res et gloria est integra. quamquam de gloria vix dicere ausim, si nos et 6  
hostes haud secus quam feminas abditos intra vallum omnibus contumeliis eludunt et tu imperator noster, quod aegrius patimur, exercitum tuum sine animis, sine armis, sine manibus iudicas esse et, priusquam expertus nos esses, de nobis ita desperasti, ut te mancorum ac debilium ducem iudicares esse. quid enim aliud esse causae credamus, cur vetera- 7  
nus dux, fortissimus bello, compressis, quod aiunt, manibus sed eas? utcumque enim se habet res, te de nostra virtute dubitasse videri quam nos de tua verius est. sin 8  
autem non tuum istuc, sed publicum est consilium et consensus aliqui patrum, non Gallicum bellum nos ab urbe, a penatibus nostris ablegatos tenet, quaeso, ut ea quae dicam non a militibus imperatori dicta censeas, sed a plebe patribus, quae sicut vos vestra habeatis consilia, sic se sua habituram dicat. quis tandem suscenseat, mi- 9  
lites nos esse, non servos vestros, ad bellum, non in exilium missos? si quis det signum, in aciem educat, ut viris ac Romanis dignum sit, pugnatu-  
ros, si nihil armis opus sit, otium Romae potius quam in castris acturos? haec dicta sint patribus. te, imperator, milites tui ora- 10  
mus, ut nobis pugnandi copiam facias. cum vincere cupimus tum te duce vincere, tibi lauream insignem deferre, tecum triumphantes urbem inire, tuum sequentes currum Iovis optimi maximi templum gratantes ovantesque adire.' orationem Tulli exceperunt preces multitudinis, et undi- 11  
que, ut signum daret, ut capere arma iuberet, clamabant.

1     XIII. Dictator quamquam rem bonam exemplo haud  
probabili actam cernebat, tamen facturum quod milites  
vellent se recepit, Tulliumque secreto, quaenam haec res  
2 sit aut quo acta more, percontatur. Tullius magno opere  
a dictatore petere, ne se oblitum disciplinae militaris, ne  
sui neve imperatoriae maiestatis crederet: multitudini  
concitatae, quae ferme auctoribus similis esset, non sub-  
traxisse se ducem, ne quis alius, qualis mota creare  
3 multitudo soleret, existeret. nam se quidem nihil non  
arbitrio imperatoris acturum; illi quoque tamen videndum  
magno opere esse, ut exercitum in potestate haberet.  
differri non posse adeo concitados animos. ipsos sibi lo-  
cum ac tempus pugnandi sumpturos, si ab imperatore  
4 non detur. dum haec loquuntur, iumenta forte pascentia  
extra vallum Gallo abigenti duo milites Romani ademe-  
runt. in eos saxa coniecta a Gallis, deinde ab Romana  
5 statione clamor ortus ac procursum utrimque est. iamque  
haud procul iusto proelio res erant, ni celeriter diremptum  
certamen per centuriones esset. adfirmata certe eo casu  
Tulli apud dictatorem fides est, nec recipiente iam dila-  
tionem re in posterum diem edicatur acie pugnaturus.  
6 dictator tamen, ut qui magis animis quam viribus fretus  
ad certamen descenderet, omnia circumspicere atque agi-  
tare coepit, ut arte aliqua terrorem hostibus incuteret.  
sollerti animo rem novam excogitat, qua deinde multi  
nostri atque externi imperatores, nostra quoque quidam  
7 aetate, usi sunt: mulis strata detrahi iubet binisque tan-  
tum centunculis relictis agasones partim captivis partim  
8 aegrorum armis ornatos inponit. his fere mille effectis  
centum admiscet equites et nocte super castra in montes  
evadere ac silvis se occultare iubet neque inde ante mo-  
9 veri quam ab se acciperent signum. ipse, ubi inluxit, in  
radicibus montium extendere aciem coepit sedulo, ut ad-  
10 versus montes consisteret hostis. instructo vani terroris  
apparatu, qui quidem terror plus paene veris viribus pro-  
fuit, primo credere duces Gallorum, non descensuros in  
aequum Romanos, deinde, ubi degressos repente viderunt,  
et ipsi avidi certaminis in proelium ruunt, priusque pugna  
coepit quam signum ab ducibus daretur.

XV. Acrius invasere Galli dextrum cornu, neque 1  
sustineri potuissent, ni forte eo loco dictator fuisset, Sex.  
Tullium nomine increpans rogitansque: sicine pugnatu- 2  
ros milites spopondisset? ubi illi clamores sint arma poscen-  
tium, ubi minae, iniussu imperatoris proelium inituros?  
en ipsum imperatorem clara voce vocare ad proelium et  
ire armatum ante prima signa! ecquis sequeretur eorum,  
qui modo ducturi fuerint, in castris feroces, in acie pa-  
vidi? — vera audiebant: itaque tantos pudor stimulos 3  
admovit, ut ruerent in hostium tela alienatis a memoria  
periculi animis. hic primo impetus prope vecors turbavit  
hostes, eques deinde emissus turbatos avertit. ipse dicta- 4  
tor, postquam labantem una parte vidit aciem, signa in  
laevum cornu confert, quo turbam hostium congregari  
cernebat, et iis qui in monte erant signum quod conve-  
nerat dedit. ubi inde quoque novus clamor ortus et ten- 5  
dere obliquo monte ad castra Gallorum visi sunt, tum  
metu, ne excluderentur, omissa pugna est cursuque effuso  
ad castra ferebantur. ubi cum occurrisset eis M. Valerius 6  
magister equitum, qui profligato dextro cornu obequitabat  
hostium munimentis, ad montes silvasque vertunt fugam,  
plurimique ibi a fallaci equitum specie agasonibusque ex- 7  
cepti sunt. et eorum, quos pavor perculerat in silvas,  
atrox caedes post sedatum proelium fuit. nec alius post 8  
M. Furium quam C. Sulpicius iustiores de Gallis egit  
triumphum. auri quoque ex Gallicis spoliis satis magnum  
pondus saxo quadrato saeptum in Capitolio sacravit.

Eodem anno et a consulibus vario eventu bellatum. 9  
nam Hernici a C. Plautio devicti subactique sunt, Fabius  
collega eius incaute atque inconsulte adversus Tarquinien-  
ses pugnavit. nec in acie tantum ibi cladis acceptum quam 10  
quod trecentos septem milites Romanos captos Tarquinien-  
ses immolarunt, qua foeditate supplicii aliquanto ignominia  
populi Romani insignitior fuit. accessit ad eam cladem et 11  
vastatio Romani agri, quam Privernates, Veliterni deinde,  
incursione repentina fecerunt.

Eodem anno duae tribus, Pomptina et Publilia, addi- 12  
tae, ludi votivi, quos M. Furius dictator voverat, facti.  
et de ambitu ab C. Poetelio tribuno plebis auctoribus

18 patribus tum primum ad populum latum est, eaque rogatione novorum maxime hominum ambitionem, qui nundinas et conciliabula obire soliti erant, conpressam credebant.

1 XVI. Haud aequae laeta patribus insequenti anno C. Marcio, Cn. Manlio consulibus de unciario faenore a M. Duilio, L. Menenio tribunis plebis rogatio est perlata; et plebis aliquanto eam cupidius scivit (accepit).

2 Ad bella nova priore anno destinata Falisci quoque hostes exorti duplici crimine, quod et cum Tarquiniensibus iuventus eorum militaverat et eos, qui Falerios perfugerant, cum male pugnatum est, repetentibus fetialibus

3 Romanis non reddiderant. ea provincia Cn. Manlio obvenit. Marcius exercitum in agrum Privernatem integrum pace longinqua induxit militemque praeda inplevit. ad copiam rerum addidit munificentiam, quod nihil in publi-

4 cum secernendo augenti rem privatam militi favit. Privernates cum ante moenia sua castris permunitis consedis-  
dissent, vocatis ad contionem militibus, 'castra nunc'

inquit 'vobis hostium urbemque praedae do, si mihi pollicemini, vos fortiter in acie operam navaturos nec praedae  
5 magis quam pugnae paratos esse.' signum poscunt ingenti clamore celsique et spe haud dubia feroces in proelium vadunt. ibi ante signa Sex. Tullius, de quo ante dictum

est, exclamat: 'aspice, imperator,' inquit 'quemadmodum exercitus tuus tibi promissa praestet,' piloque posito stricto  
6 gladio in hostem impetum facit. secuntur Tullium antesignani omnes primoque impetu avertere hostem; fusum inde ad oppidum persecuti, cum iam scalas moenibus ad-

moverent, in deditionem urbem acceperunt. triumphus de  
7 Privernatibus actus. ab altero consule nihil memorabile gestum, nisi quod legem novo exemplo ad Sutrium in castris tributim de vicensima eorum, qui manu mitterentur, tulit. patres, quia ea lege haud parvum vectigal

8 inopi aerario additum esset, auctores fuerunt. ceterum tribuni plebis non tam lege quam exemplo moti, ne quis postea populum sevocaret, capite sanxerunt: nihil enim non per milites iuratos in consulis verba quamvis perniciosum populo, si id liceret, ferri posse.

9 Eodem anno C. Licinius Stolo a M. Popilio Laenate

sua lege decem milibus aeris est damnatus, quod mille iugerum agri cum filio possideret emancipandoque filium fraudem legi fecisset.

XVII. Novi consules inde, M. Fabius Ambustus iterum et M. Popilius Laenas iterum, duo bella habuere. facile alterum cum Tiburtibus, quod Laenas gessit, qui hoste in urbem compulso agros vastavit. Falisci Tarquiniensesque alterum consulem prima pugna fuderunt. inde terror maximus fuit, quod sacerdotes eorum facibus ardentibus anguibusque praelatis incessu furiali militem Romanum insueta turbaverunt specie. et tum quidem velut lymphati et attoniti munimentis suis trepido agmine inciderunt; deinde, ubi consul legatique ac tribuni puorum ritu vana miracula paventis inridebant increpabantque, vertit animos repente pudor, et in ea ipsa quae fugerant velut caeci ruebant. discusso itaque vano adparatu hostium cum in ipsos armatos se intulissent, averterunt totam aciem castrisque etiam eo die potiti, praeda ingenti parta victores reverterunt, militaribus iocis cum apparatus hostium tum suum increpantes pavorem. concitatur deinde omne nomen Etruscum et Tarquiniensibus Faliscisque ducibus ad salinas perveniunt. adversus eum terrorem dictator C. Marcius Rutilus primus de plebe dictus magistrum equitum item de plebe C. Plautium dixit. id vero patribus indignum videri, etiam dictaturam iam in promisco esse; omnique ope inpediebant, ne quid dictatori ad id bellum decerneretur parareturve. eo promptius cuncta ferente dictatore populus iussit. profectus ab urbe utraque parte Tiberis ratibus exercitu, quocumque fama hostium ducebat, traiecto multos populatores agrorum vagos palantes oppressit. castra quoque necopinato adgressus cepit et octo milibus hostium captis, ceteris aut caesis aut ex agro Romano fugatis sine auctoritate patrum populi iussu triumphavit.

Quia nec per dictatorem plebeium nec per consulem comitia consularia haberi volebant et alter consul Fabius bello retinebatur, res ad interregnum redit. interreges deinceps Q. Servilius Ahala, M. Fabius, Cn. Manlius, C. Fabius, C. Sulpicius, L. Aemilius, Q. Servilius, M.



12 Fabius Ambustus. in secundo interregno orta contentio  
est, quod duo patricii consules creabantur, intercedenti-  
busque tribunis interrex Fabius aiebat, in duodecim ta-  
bulis legem esse, ut quodcumque postremum populus  
iussisset, id ius ratumque esset; iussum populi et suffra-  
18 gia esse. cum intercedendo tribuni nihil aliud quam ut  
differrent comitia valuissent, duo patricii consules creati  
sunt, C. Sulpicius Peticus tertium, M. Valerius Publicola,  
eodemque die magistratum inierunt.

1 XVIII. Quadringentesimo anno quam urbs Romana  
condita erat, quinto tricesimo quam a Gallis recuperata,  
ablato post undecimum annum a plebe consulatu patricii  
consules ambo ex interregno magistratum iniere: C. Sul-  
2 picus Peticus tertium, M. Valerius Publicola. Empulum  
eo anno ex Tiburtibus haud memorando certamine cap-  
tum, sive duorum consulum auspicio bellum ibi gestum  
est, ut scripsere quidam, seu per idem tempus Tarqui-  
niensium quoque sunt vastati agri ab Sulpicio consule,  
quo Valerius adversus Tiburtes legiones duxit.

3 Domi maius certamen consulibus cum plebe ac tribu-  
nis erat. fidei iam suae, non solum virtutis ducebant  
esse, ut accepissent duo patricii consulatum, ita ambobus  
4 patriciis mandare: quin aut toto cedendum esse, si ple-  
beius iam magistratus consulatus fiat, aut totum possi-  
dendum, quam possessionem integram a patribus acce-  
5 pissent. plebes contra fremit: quid se vivere, quid in  
parte civium censer, si, quod duorum hominum virtute,  
L. Sexti ac C. Licini, partum sit, id obtinere universi  
6 non possint? vel reges vel decemviros vel si quod tristius  
sit imperii nomen patiendum esse potius quam ambos  
7 patricos consules videant, nec invicem pareatur atque  
imperetur, sed pars altera in aeterno imperio locata ple-  
bem nusquam alio natam quam ad serviendum putet.  
8 non desunt tribuni auctores turbarum, sed inter concita-  
9 tos per se omnes vix duces eminent. aliquotiens frustra  
in campum descensum cum esset multique per seditiones  
acti comitiales dies, postremo victa perseverantia consu-  
lum plebis. eo dolor erupit, ut tribunos, actum esse de  
libertate vociferantes relinquendumque non campum iam

solum, sed etiam urbem captam atque oppressam regno patriciorum, maesta plebis sequeretur. consules relictī a 10 parte populi per infrequentiam comitia nihilo segnius perficiunt. creati consules ambo patricii, M. Fabius Ambustus tertium, T. Quinctius. in quibusdam annalibus pro T. Quinctio M. Popilium consulem invenio.

XVIII. Duo bella eo anno prospere gesta, cum Tiburtibusque ad deditionem pugnatum. Sassula ex his urbs capta; ceteraque oppida eandem fortunam habuissent, ni universa gens positis armis in fidem consulis venisset. triumphatum de Tiburtibus, alioquin mitis victoria fuit. 2 in Tarquinienses acerbe saevitum: multis mortalibus in acie caesis ex ingenti captivorum numero trecenti quinquaginta octo delecti, nobilissimus quisque, qui Romam mitterentur, volgus aliud trucidatum. nec populus in eos, 3 qui missi Romam erant, mitior fuit: medio in foro omnes virgis caesi ac securi percussi. id pro immolatis in foro Tarquiniensium Romanis poenae hostibus redditum. res 4 bello bene gestae, ut Samnites quoque amicitiam peterent, effecerunt. legatis eorum comiter ab senatu responsum, foedere in societatem accepti.

Non eadem domi quae militiae fortuna erat plebi Romanae. nam etsi unciario faenore facto levata usura erat, sorte ipsa obruebantur inopes nexumque inibant: eo nec patricos ambo consules neque comitiorum curam publicae studia prae privatis incommodis plebs ad animum admittebat. consulatus uterque apud patricos manet: 6 consules creati C. Sulpicius Peticus quartum, M. Valerius Publicola iterum.

In bellum Etruscum intentam civitatem, quia Caeritem populum misericordia consanguinitatis Tarquiniensibus adiunctum fama ferebat, legati Latini ad Volscos convertere, nuntiantes, exercitum conscriptum armatumque iam suis finibus imminere, inde populabundos in agrum Romanum venturos esse. censuit igitur senatus, neutram neglegendam rem esse, utroque legiones scribi consulesque sortiri provincias iussit. inclinavit deinde pars maior curae in 8 Etruscum bellum, postquam litteris Sulpicii consulis, cui Tarquinii provincia evenerat, cognitum est, depopulatum

agrum circa Romanas salinas praedaeque partem in Caeritum fines auctam et haud dubie iuventutem eius populi  
 9 inter praedatores fuisse. itaque Valerium consulem, Volschis  
 oppositum castraque ad finem Tusculanum habentem, re-  
 10 vocatum inde senatus dictatorem dicere iussit. T. Man-  
 lium L. filium dixit. is cum sibi magistrum equitum  
 A. Cornelium Cossum dixisset, consulari exercitu con-  
 tentus ex auctoritate patrum ac populi iussu Caeritibus  
 bellum indixit.

1 XX. Tum primum Caerites, tamquam in verbis ho-  
 stium vis maior ad bellum significandum quam in suis  
 factis, qui per populationem Romanos lacessierant, esset,  
 verus belli terror invasit; et quam non suarum virium ea  
 2 dimicatio esset, cernebant paenitebatque populationis et  
 Tarquinienses execrabantur defectionis auctores; nec  
 arma aut bellum quisquam apparare, sed pro se quisque  
 3 legatos mitti iubebat ad petendam erroris veniam. legati  
 senatum cum adissent, ab senatu reiecti ad populum deos  
 rogaverunt, quorum sacra bello Gallico accepta rite pro-  
 curassent, ut Romanos florentes ea sui misericordia ca-  
 peret, quae se rebus adfectis quondam populi Romani  
 4 cepisset; conversique ad delubra Vestae hospitium flami-  
 num Vestaliumque ab se caste ac religiose cultum invo-  
 5 cabant: eane meritos crederet quisquam hostes repente  
 sine causa factos, aut, si quid hostiliter fecissent, consilio  
 id magis quam furore lapsos fecisse, ut sua vetera bene-  
 ficia, locata praesertim apud tam gratos, novis conrum-  
 perent maleficiis florentemque populum Romanum ac feli-  
 cissimum bello sibi desumerent hostem, cuius afflictum  
 amicitiam petissent? ne appellarent consilium, quae vis  
 6 ac necessitas appellanda esset. transeuntis agmine infesto  
 per agrum suum Tarquinienses, cum praeter viam nihil  
 petissent, traxisse quosdam agrestium populationis eius,  
 7 quae sibi crimini detur, comites. eos seu dedi placeat,  
 dedere se paratos esse, seu supplicio adfici, daturos poe-  
 nas. Caere, sacrarium populi Romani, deversorium sa-  
 cerdotum ac receptaculum Romanorum sacrorum, intactum  
 inviolatumque crimine belli hospitio Vestalium cultisque  
 8 diis darent. movit populum non tam causa praesens quam

vetus meritum, ut maleficii quam beneficii potius inmemores essent. itaque pax populo Caeriti data, induciasque in centum annos factas in senatus consultum referri placuit. in Faliscos eodem noxios crimine vis belli conversa 9 est, sed hostes nusquam inventi. cum populatione peragrati fines essent, ab oppugnatione urbium temperatum; legionibusque Romam reductis relicum anni muris turribusque reficiendis consumptum et aedis Apollinis dedicata est.

XXI. Extremo anno comitia consularia certamen 1 patrum ac plebis diremit, tribunis negantibus passuros comitia haberi, ni secundum Liciniam legem haberentur, dictatore obstinato tollere potius totum e re publica consulatum quam promiscuum patribus ac plebi facere. pro- 2 latandis igitur comitiis cum dictator magistratu abisset, res ad interregnum rediit. infestam inde patribus plebem interreges cum accepissent, ad undecimum interregem seditionibus certatum est. legis Liciniae patrocinium tribuni 3 iactabant; propior dolor plebi faenoris ingravescentis erat curaeque privatae in certaminibus publicis erumpébant. quorum taedio patres L. Cornelium Scipionem interregem 4 concordiae causa observare legem Liciniam comitiis consularibus iussere. P. Valerio Publicolae datus e plebe collega C. Marcius Rutilus. inclinatis semel in concordiam 5 animis novi consules faenebrem quoque rem, quae distingere unanimos videbatur, levare adgressi solutionem alieni aeris in publicam curam verterunt quinqueviris creatis, quos 6 mensarios ab dispensatione pecuniae appellarunt. meriti aequitate curaue sunt, ut per omnium annalium monumenta célebres nominibus essent. fuere autem C. Duellius, P. Decius Mus, M. Papirius, Q. Publilius et T. Aemilius, qui rem difficillimam tractatu et plerumque parti utrique, 7 semper certe alteri gravem cum alia moderatione tum inpendio magis publico quam iactura sustinuerunt. tarda 8 enim nomina et impeditiora inertia debitorum quam facultatibus aut aerarium mensis cum aere in foro positis dissolvit, ut populo prius caveretur, aut aestimatio aequis rerum pretiis liberavit, ut non modo sine iniuria, sed etiam sine querimoniis partis utriusque exhausta vis ingens aeris alieni sit.

9 Terror inde vanus belli Etrusci, cum coniurasse duodecim populos fama esset, dictatorem dici coegit. dictus in castris — eo enim ad consules missum senatus consultum est — C. Iulius, cui magister equitum adiectus L. Aemilius. ceterum foris tranquilla omnia fuere.

1 XXII. Temptatum domi per dictatorem, ut ambo patricii consules crearentur, rem ad interregnum perduxit.  
2 duo interreges C. Sulpicius et M. Fabius interpositi obtinere, quod dictator frustra tetenderat, mitiore iam plebe ob recens meritum levati aeris alieni, ut ambo patricii  
3 consules crearentur. creati ipse C. Sulpicius Peticus, qui prior interregno abiit, et T. Quinctius Pennus; quidam  
4 Caesonem, alii C. nomen Quinctio adiciunt. ad bellum ambo profecti, Faliscum Quinctius, Sulpicius Tarquiniense, nusquam acie congresso hoste cum agris magis quam cum  
5 hominibus urendo populandoque gesserunt bella; cuius lentae velut tabis senio victa utriusque pertinacia populi est, ut primum a consulibus, dein permissu eorum ab senatu indutias peterent. in quadraginta annos impetra-  
6 verunt. ita posita duorum bellorum quae imminebant cura, dum aliqua ab armis quies esset, quia solutio aeris alieni multarum rerum mutaverat dominos, censum agi placuit.  
7 ceterum cum censoribus creandis indicta comitia essent, professus censuram se petere C. Marcius Rutilus, qui primus dictator de plebe fuerat, concordiam ordinum tur-  
8 bavit. quod videbatur quidem tempore alieno fecisse, quia ambo tum forte patricii consules erant, qui rationem eius  
9 se habituros negabant; sed et ipse constantia inceptum obtinuit et tribuni omni vi, reciperaturi ius consularibus comitiis amissum, adiuverunt; et cum ipsius viri maiestas nullius honoris fastigium non aequabat, tum per eundem, qui ad dictaturam aperuisset viam, censuram quoque in  
10 partem vocari plebes volebat. nec variatum comitiis est, quin cum Manlio Gnaeo censor Marcius crearetur.

Dictatorem quoque hic annus habuit M. Fabium nullo terrore belli, sed ne Licinia lex comitiis consularibus ob-  
11 servaretur. magister equitum dictatori additus Q. Servilius. nec tamen dictatura potentior eum consensum patrum consularibus comitiis fecit quam censoriis fuerat.

XXIII. M. Popilius Laenas a plebe consul, a patri- 1  
 bus L. Cornelius Scipio datus. fortuna quoque inlustrio-  
 rem plebeium consulem fecit: nam cum ingentem Gallo- 2  
 rum exercitum in agro Latino castra posuisse nuntiatum  
 esset, Scipione gravi morbo implicito, Gallicum bellum  
 Popilio extra ordinem datum. is inpigre exercitu scripto, 3  
 cum omnis extra portam Capenam ad Martis aedem con-  
 venire armatos iuniores iussisset signaque eodem quae-  
 stores ex aerario deferre, quattuor expletis legionibus,  
 quod superfuit militum P. Valerio Publicolae praetori  
 tradidit, auctor patribus scribendi alterius exercitus, quod 4  
 ad incertos belli eventus subsidium rei publicae esset.  
 ipse iam satis omnibus instructis comparatisque ad hostem 5  
 pergit. cuius ut prius nosceret vires quam periculo ultimo  
 temptaret, in tumultu, quem proximum castris Gallorum  
 capere potuit, vallum ducere coepit. gens ferox et ingenii 6  
 avidi ad pugnam cum procul visis Romanorum signis, ut  
 extemplo proelium initura, explicuisset aciem, postquam  
 neque in aequum demitti agmen vidit et cum loci altitu-  
 dine tum vallo etiam integri Romanos, perculosos pavore  
 rata simul oportuniores, quod intenti tum maxime operi  
 essent, truci clamore adgreditur. ab Romanis nec opus 7  
 intermissum — triarii erant qui muniebant — et ab hasta-  
 tis principibusque, qui pro munitioribus intenti armatique  
 steterunt, proelium initum. praeter virtutem locus quoque 8  
 superior adiuvit, ut pila omnia hastaeque non, tamquam  
 ex aequo missa, vana, quod plerumque fit, caderent, sed  
 omnia librata ponderibus figerentur; oneratique telis Galli, 9  
 quibus aut corpora transfixa aut praegravata inhaerentibus  
 gerebant scuta, cum cursu paene in adversum subissent,  
 primo incerti resistere, dein cum ipsa cunctatio et his ani- 10  
 mos minuisset et auxisset hosti, impulsus retro ruere alii  
 super alios stragemque inter se caede ipsa foediorum  
 dare: adeo praecipiti turba obtriti plures quam ferro  
 necati.

XXIII. Necdum certa Romanis victoria erat, alia 1  
 in campum degressis supererat moles: namque multitudo 2  
 Gallorum sensum omnem talis damni exsuperans velut  
 nova rursus exoriente acie integrum militem adversus

victorem hostem ciebat. stetitque suppresso impetu Romanus, et quia iterum fessis subeunda dimicatio erat et quod consul, dum inter primores incautus agitatur, laevo humero matari prope trajecto cesserat parumper ex acie. iamque ommissa cunctanda victoria erat, cum consul vulnerere alligato revector ad prima signa: 'quid stas, miles?' inquit; 'non cum Latino Sabinoque hoste res est, quem victum armis socium ex hoste facias: in beluas strinximus ferrum, hauriendus aut dandus est sanguis. propulistis a castris, supina valle praecipites egistis, stratis corporibus hostium superstatis; complete eadem strage campos, quae montis replestis. nolite expectare, dum stantes vos fugiant; inferenda sunt signa et vadendum in hostem.' his adhortationibus iterum coorti pellunt loco primos manipulos Gallorum, cuneis deinde in medium agmen perimpunt. inde barbari dissipati, quibus nec certa imperia nec duces essent, vertunt impetum in suos, fusique per campos et praeter castra etiam sua fuga praelati, quod editissimum inter aequales tumulos occurrebat oculis, arcem Albanam petunt. consul non ultra castra insecutus, quia et vulnus degravabat et subicere exercitum tumultibus ab hoste occupatis nolebat, praeda omni castrorum militi data victorem exercitum opulentumque Gallicis spoliis Romam reduxit. moram triumpho vulnus consulis attulit eademque causa dictatoris desiderium senatui fecit, ut esset qui aegris consulibus comitia haberet. dictator L. Furius Camillus dictus, addito magistro equitum P. Cornelio Scipione, reddidit patribus possessionem pristinam consulatus. ipse ob id meritum ingenti patrum studio creatus consul collegam Ap. Claudium Crassum dixit.

XXV. Priusquam inirent novi consules magistratum, triumphus a Popilio de Gallis actus magno favore plebis, mussantesque inter se rogabant, num quem plebei consulis paeniteret. simul dictatorem increpabant, qui legis Liciniae spretae mercedem consulatum privata cupiditate quam publica iniuria foediorum cepisset, ut se ipse consulem dictator crearet. annus multis variisque motibus fuit insignis. Galli ex Albanis montibus, quia hiemis vim pati nequiverant, per campos maritumaque loca vagi



populabantur; mare infestum classibus Graecorum erat 4  
 oraque litoris Antiatis Laurensque tractus et Tiberis ostia,  
 ut praedones maritimi cum terrestribus congressi ancipiti  
 semel proelio decertarent, dubiique discesserint in castra  
 Galli, Graeci retro ad naves, victos se an victores puta-  
 rent. inter hos longe maximus extitit terror, concilia 5  
 populorum Latinorum ad lucum Ferentinae habita re-  
 sponsumque haud ambiguum imperantibus milites Roma-  
 nis datum, absisterent imperare iis, quorum auxilio ege-  
 rent: Latinos pro sua libertate potius quam pro alieno 6  
 imperio laturos arma. inter duo simul bella externa de- 7  
 fectione etiam sociorum senatus anxius cum cerneret, metu  
 tenendos, quos fides non tenuisset, extendere omnes im-  
 perii vires consules dilectu habendo iussit: civili quippe  
 standum exercitu esse, quando socialis coetus desereret.  
 undique non urbana tantum, sed etiam agresti iuventute 8  
 decem legiones scriptae dicuntur quaternum milium et  
 ducentorum peditum equitumque trecentorum, quem nunc 9  
 novum exercitum, si qua externa vis ingruat, hae vires  
 populi Romani, quas vix terrarum capit orbis, contractae  
 in unum haud facile efficiant: adeo in quae laboramus  
 sola crevimus, divitias luxuriamque.

Inter cetera tristia eius anni consul alter Ap. Claudius 10  
 in ipso belli apparatu moritur, redierantque res ad Camil-  
 lum, cui unico consuli vel ob aliam dignationem haud 11  
 subiciendam dictaturae vel ob omen faustum ad Gallicum  
 tumultum cognominis dictatorem adrogari haud satis de-  
 corum visum est patribus. consul duabus legionibus urbi 12  
 praepositis, octo cum L. Pinario praetore divisis memor  
 paternae virtutis Gallicum sibi bellum extra sortem sumit,  
 praetorem maritimam oram tutari Graecosque arcere lito- 13  
 ribus iussit. et cum in agrum Pomptinum descendisset,  
 quia neque in campis congredi nulla cogente re volebat et  
 prohibendo populationibus, quos rapto vivere necessitas  
 cogeret, satis domari credebat hostem, locum idoneum  
 stativis delegit.

XXVI. Ubi cum stationibus quieti tempus tererent, 1  
 Gallus processit magnitudine atque armis insignis, qua-  
 tiensque scutum hasta cum silentium fecisset, provocat

per interpretem unum ex Romanis, qui secum ferro de-  
2 cernat. M. erat Valerius tribunus militum adulescens,  
qui haud indigniorem eo decore se quam T. Manlium  
ratus, prius sciscitatus consulis voluntatem in medium  
3 armatus processit. minus insigne certamen humanum  
numine interposito deorum factum: namque conserenti  
iam manum Romano corvus repente in galea consedit, in  
4 hostem versus. quod primo ut augurium caelo missum  
laetus accepit tribunus, precatus deinde: si divus, si diva  
esset, qui sibi praepetem misisset, volens propitius ad-  
5 esset. dictu mirabile, tenuit non solum ales captam semel  
sedem, sed quotienscumque certamen initum est levans  
se alis os oculosque hostis rostro et unguibus adpetit,  
donec territum prodigii talis visu oculisque simul ac mente  
turbatum Valerius obtruncat. corvus ex conspectu elatus  
6 orientem petit. hactenus quietae utrimque stationes fuere.  
postquam spoliare corpus caesi hostis tribunus coepit, nec  
Galli se statione tenuerunt et Romanorum cursus ad vic-  
torem etiam ocior fuit. ibi circa iacentis Galli corpus  
7 contracto certamine pugna atrox concitatur. iam non  
manipulis proximarum stationum, sed legionibus utrim-  
que effusis res geritur. Camillus laetum militem victoria  
tribuni, laetum tam praesentibus ac secundis diis ire in  
proelium iubet, ostentansque insignem spoliis tribunum:  
'hunc imitare, miles,' aiebat 'et circa iacentem ducem  
8 sterne Gallorum catervas.' dii hominesque illi adfuere  
pugnae depugnatumque haudquaquam certamine ambiguo  
cum Gallis est: adeo duorum militum eventum, inter quos  
9 pugnatum erat, utraque acies animis praeceperat. inter  
primos, quorum concursus alios exciverat, atrox proelium  
fuit: alia multitudo, priusquam ad coniectum teli veniret,  
terga vertit. primo per Volscos Falernumque agrum dis-  
sipati sunt, inde Apuliam ac mare inferum petierunt.  
10 consul contione advocata laudatum tribunum decem bubus  
aureaque corona donat. ipse iussus ab senatu bellum  
11 maritimum curare cum praetore iunxit castra. ibi quia  
res trahi segnitia Graecorum non committentium se in  
aciem videbantur, dictatorem comitiorum causa T. Man-  
12 lium Torquatum ex auctoritate senatus dixit. dictator,

magistro equitum A. Cornelio Cosso dicto, comitia consularia habuit aemulumque decoris sui absentem M. Valerium Corvum — id enim illi deinde cognominis fuit — summo favore populi, tres et viginti natus annos, consulem renuntiavit. collega Corvo de plebe M. Popilius 13 Laenas, quartum consul futurus, datus est. cum Graecis a Camillo nulla memorabilis gesta res: nec illi terra nec Romanus mari bellator erat. postremo cum litoribus ar- 14 cerentur, aqua etiam praeter cetera necessaria usui deficiente Italiam reliquere. cuius populi ea (cuius gentis) 15 classis fuerit, nihil certi est. maxime Siciliae fuisse tyrannos crediderim, nam ulterior Graecia ea tempestate intestino fessa bello iam Macedonum opes horrebat.

XXVII. Exercitibus dimissis cum et foris pax et 1 domi concordia ordinum otium esset, ne nimis laetae res essent, pestilentia civitatem adorta coegit senatum imperare decemviris, ut libros Sibyllinos inspicerent: eorumque monitu lectisternium fuit. eodem anno Satricum ab 2 Antiatribus colonia deducta restitutaque urbs, quam Latini diruerant. et cum Carthaginiensibus legatis Romae foedus ictum, cum amicitiam ac societatem petentes venissent.

Idem otium domi forisque mansit T. Manlio Torquato, 3 C. Plautio consulibus. semunciarium tantum ex unciario faenus factum et in pensiones aequas triennii, ita ut quarta praesens esset, solutio aeris alieni dispensata est. et sic 4 quoque parte plebis adfecta, fides tamen publica privatis difficultatibus potior ad curam senatui fuit. levatae maxime res, quia tributo ac dilectu supersessum.

Tertio anno post Satricum restitutum a Volscis M. 5 Valerius Corvus iterum consul cum C. Poetelio factus, cum ex Latio nuntiatum esset, legatos ab Antio circumire populos Latinorum ad concitandum bellum, priusquam 6 plus hostium fieret, Volscis arma inferre iussus ad Satricum exercitu infesto pergit. quo cum Antiates alique Volsci praeparatis iam ante, si quid ab Roma moveretur, copiis occurrissent, nulla mora inter infensos diutino odio dimicandi facta est. Volsci, ferocior ad rebellandum quam 7 ad bellandum gens, certamine victi fuga effusa Satrici moenia petunt. et ne in muris quidem satis firma spe

cum corona militum cincta iam scalis caperetur urbs, ad quattuor milia militum praeter multitudinem inbellem sese  
 8 dedidere. oppidum dirutum atque incensum — ab aede tantum matris Matutae abstinuere ignem —, praeda omnis militi data. extra praedam quattuor milia deditorum habita; eos vinctos consul ante currum triumphans egit, venditis deinde magnam pecuniam in aerarium redegit.  
 9 sunt qui hanc multitudinem captivam servorum fuisse scribant, idque magis veri simile est quam deditos venisse.

1 XXVIII. Hos consules secuti sunt M. Fabius Dor-  
 suo, Ser. Sulpicius Camerinus. Auruncum inde bellum  
 2 ab repentina populatione coeptum, metuque, ne id factum populi unius, consilium omnis nominis Latini esset, dictator velut adversus armatum iam Latium L. Furius  
 3 creatus. magistrum equitum Cn. Manlium Capitolinum dixit. et cum, quod per magnos tumultus fieri solitum erat, iustitio indicto dilectus sine vacationibus habitus esset, legiones, quantum maturari potuit, in Auruncos ductae. ibi praedonum magis quam hostium animi in-  
 4 venti; prima itaque acie debellatum est. dictator tamen, quia et ultro bellum intulerant et sine detractatione se certamini offerebant, deorum quoque opes adhibendas ratus inter ipsam dimicationem aedem Iunoni Monetae vovit: cuius damnatus voti cum victor Romam revertisset, dic-  
 5 tatura se abdicavit. senatus duumviros ad eam aedem pro amplitudine populi Romani faciendam creare iussit; locus in arce destinatus, quae area aedium M. Manli  
 6 Capitolini fuerat. consules dictatoris exercitum ad bellum Volscum usi Soram ex hostibus, incautos adorti, ceperunt.

Anno post quam vota erat aedes Monetae dedicatur C. Marcio Rutilo tertium, T. Manlio Torquato iterum  
 7 consulibus. prodigium extemplo dedicationem secutum, simile vetusto montis Albani prodigio: namque et lapidibus pluit et nox interdiu visa intendi; librisque inspectis cum plena religione civitas esset, senatui placuit, dicta-  
 8 torem feriarum constituendarum causa dici. dictus P. Valerius Publicola, magister equitum ei Q. Fabius Am-

bustus datus est. non tribus tantum supplicatum ire placuit, sed finitimos etiam populos, ordoque iis, quo quisque die supplicarent, statutus.

Iudicia eo anno populi tristitia in faeneratores facta, quibus ab aedilibus dicta dies esset, traduntur. et res haud ulla insigni ad memoriam causa ad interregnum redit. ex 10 interregno, ut id actum videri posset, ambo patricii consules creati sunt: M. Valerius Corvus tertium, A. Cornelius Cossus.

XXVIII. Maiora iam hinc bella et viribus et longinquitate vel regionum vel temporum (spatio), quibus bellatum est, dicentur. namque eo anno adversus Samnites, gentem opibus armisque validam, mota arma. Samnitium bellum ancipiti Marte gestum Pyrrus hostis, Pyrrum Poeni secuti. quanta rerum moles! quotiens in extrema periculorum ventum, ut in hanc magnitudinem, quae vix sustinetur, erigi imperium posset! belli autem 3 causa cum Samnitibus Romanis, cum societate amicitiaque iuncti essent, extrinsecus venit, non orta inter ipsos est. Samnites Sidicinis iniusta arma, quia viribus plus 4 poterant, cum intulissent, coacti inopes ad opulentiorum auxilium confugere, Campanis sese coniungunt. Campani 5 magis nomen ad praesidium sociorum quam vires cum attulissent, fluentes luxu ab duratis usu armorum in Sidicino pulsi agro, in se deinde molem omnem belli verterunt. namque Samnites omissis Sidicinis ipsam arcem 6 finitimorum, Campanos, adorti, unde aequae facilis victoria, praedae atque gloriae plus esset, Tifata, imminentis Capuae collis, cum praesidio firmo occupassent, descendunt inde quadrato agmine in planitiem, quae Capuam Tifataque interiacet. ibi rursus acie dimicatum, adversoque 7 proelio Campani intra moenia compulsi, cum robore iuventutis suae acciso nulla propinqua spes esset, coacti sunt ab Romanis petere auxilium.

XXX. Legati introducti in senatum maxime in hanc 1 sententiam locuti sunt: 'populus nos Campanus legatos ad vos, patres conscripti, misit amicitiam in perpetuum, auxilium praesens a vobis petitur. quam si secundis 2 rebus nostris petissemus, sicut coepta celerius, ita infir-

miore vinculo contracta esset. tunc enim, ut qui e  
aequo nos venisse in amicitiam meminissemus, amic  
forsitan pariter ac nunc, subiecti atque obnoxii vobi  
8 minus essemus: nunc, misericordia vestra conciliati auxi  
lioque in dubiis rebus defensi, beneficium quoque accep  
tum colamus oportet, ne ingrati atque omni ope divin  
4 humanaque indigni videamur. neque hercule, quod Sam  
nites priores amici sociique vobis facti sunt, ad id valer  
arbitror, ne nos in amicitiam accipiamur, sed ut vetustas  
et gradu honoris nos praestent. neque enim foeder  
Samnitium, ne qua nova iungeretis foedera, cautum est  
5 fuit quidem apud vos semper satis iusta causa amicitiae  
6 velle eum vobis amicum esse, qui vos appeteret: Cam  
pani, etsi fortuna praesens magnifice loqui prohibet, non  
urbis amplitudine, non agri ubertate ulli populo praeter  
quam vobis cedentes, haud parva, ut arbitror, accessi  
7 bonis rebus vestris in amicitiam venimus vestram. Aequi  
Volscisque, aeternis hostibus huius urbis, quandocumque  
se moverint, ab tergo erimus et, quod vos pro salut  
nostra priores feceritis, id nos pro imperio vestro et glori  
8 semper faciemus. subactis his gentibus, quae inter no  
vosque sunt, quod prope diem futurum spondet et virtu  
et fortuna vestra, continens imperium usque ad nos habe  
9 bitis. acerbum ac miserum est, quod fateri nos fortun  
nostra cogit: eo ventum est, patres conscripti, ut au  
10 amicorum aut inimicorum Campani simus: si defenditis  
vestri, si deseritis, Samnitium erimus; Capuam ergo et  
Campaniam omnem vestris an Samnitium viribus acce  
11 dere malitis, deliberate. omnibus quidem, Romani, ve  
stram misericordiam vestrumque auxilium aequum es  
patere, iis tamen maxime, qui, eam inplorantibus alii  
auxilium dum supra vires suas praestant, (omnes) ipsi i  
12 hanc necessitatem venerunt. quamquam pugnativimus verbo  
pro Sidicinis, re pro nobis, cum videremus finitimum po  
pulum nefario latrocinio Samnitium peti et, ubi conflag  
rassent Sidicini, ad nos traiecturum illud incendium esse  
13 nec enim nunc, quia dolent iniuriam acceptam Samnites  
sed quia gaudent, oblatam sibi esse causam, oppugnatum  
14 nos veniunt. an, si ultio irae haec et non occasio cupi

ditatis explendae esset, parum fuit, quod semel in Sidi-  
cino agro, iterum in Campania ipsa legiones nostras ceci-  
dere? quae est ista tam infesta ira, quam per duas acies 15  
fusus sanguis explere non potuerit? adde huc populatio-  
nem agrorum, praedas hominum atque pecudum actas,  
incendia villarum ac ruinas, omnia ferro ignique vastata:  
hiscine ira expleri non potuit? sed cupiditas explenda est. 16  
ea ad oppugnandam Capuam rapit: aut delere urbem pul-  
cherrimam aut ipsi possidere volunt. sed vos potius, 17  
Romani, beneficio vestro occupate eam, quam illos habere  
per maleficio sinatis. non loquor apud recusantem iusta  
bella populum, sed tamen, si ostenderitis auxilia vestra,  
ne bello quidem arbitror vobis opus fore. usque ad nos 18  
contemptus Samnitium pervenit, supra non ascendit: ita-  
que umbra vestri auxilii, Romani, tegi possumus, quid-  
quid deinde habuerimus, quidquid ipsi fuerimus, vestrum  
id omne existimaturi. vobis arabitur ager Campanus, 19  
vobis Capua urbs frequentabitur; conditorum, parentium,  
deorum immortalium numero nobis eritis, nulla colonia  
vestra erit, quae nos obsequio erga vos fideque superet.  
adnuite, patres conscripti, nutum numenque vestrum in- 20  
victum Campanis et iubete sperare, incolumem Capuam  
futuram. qua frequentia omnium generum multitudinis 21  
prosequente creditis nos illinc profectos, quam omnia vo-  
torum lacrimarumque plena reliquisse, in qua nunc ex-  
spectatione senatum populumque Campanum, coniuges  
liberosque nostros esse? stare omnem multitudinem ad 22  
portas viam hinc ferentem prospectantes certum habeo,  
quid illis nos, patres conscripti, sollicitis ac pendentibus  
animis renuntiare iubeatis. alterum responsum salutem, 23  
victoriam, lucem ac libertatem, alterum ominari horreo  
quae ferat! proinde ut aut de vestris futuris sociis atque  
amicis aut nusquam ullis futuris nobis consulite.'

XXXI. Summotis deinde legatis cum consultus se- 1  
natus esset, etsi magnae parti urbs maxima opulentissi-  
maque Italiae, uberrimus ager marique propinquus ad  
varietates annonae horreum populi Romani fore videbatur,  
tamen tanta utilitate fides antiquior fuit, responditque ita  
ex auctoritate senatus consul: 'auxilio vos, Campani, 2



dignos censet senatus, sed ita vobiscum amicitiam institui par est, ne qua vetustior amicitia ac societas violetur. Samnites nobiscum foedere iuncti sunt. itaque arma, deos prius quam homines violatura, adversus Samnites  
 3 vobis negamus: legatos, sicut fas iusque est, ad socios atque amicos precatum mittemus, ne qua vobis vis fiat.' ad ea princeps legationis — sic enim domo mandatum attulerant — "quando quidem" inquit "nostra tueri adver-  
 4 sus vim atque iniuriam iusta vi non vultis, vestra certe defendetis: itaque populum Campanum urbemque Capuam, agros, delubra deum, divina humanaque omnia in vestram, patres conscripti, populique Romani ditionem dedimus, quidquid deinde patiemur deditici vestri pas-  
 5 suri.' sub haec dicta omnes manus ad consules tendentes 6 pleni lacrimarum in vestibulo curiae procubuerunt. commoti patres vice fortunarum humanarum, si ille praepotens opibus populus, luxuria superbiaque clarus, a quo paulo ante auxilium finitimi petissent, adeo infractos gereret animos, ut se ipse suaque omnia potestatis alienae  
 7 faceret. tum iam fides agi visa, deditos non prodi, nec facturum aequa Samnitium populum censebant, si agrum urbemque per deditiorem factam populi Romani oppugna-  
 8 rent. legatos itaque extemplo mitti ad Samnites placuit. data mandata, ut preces Campanorum, responsum senatus amicitiae Samnitium memor, deditiorem postremo factam  
 9 Samnitibus exponerent, peterent pro societate amicitiaeque, ut dediticiis suis parcerent neque in eum agrum, qui po-  
 10 puli Romani factus esset, hostilia arma inferrent. si leniter agendo parum proficerent, demitterent Samnitibus populi Romani senatusque verbis, ut Capua urbe Cam-  
 11 panoque agro abstinerent. haec legatis agentibus in concilio Samnitium adeo est ferociter responsum, ut non solum gesturos se esse dicerent id bellum, sed magistra-  
 12 tus eorum e curia egressi, stantibus legatis, praefectos cohortum vocarentisque clara voce imperarent, ut praedatum in agrum Campanum extemplo proficiscerentur.

1 XXXII. Hac legatione Romanam relata, positis omnium aliarum rerum curis patres, fetialibus ad res repetendas missis belloque, quia non redderentur, sollemni

more indicto, decreverunt, ut primo quoque tempore de  
 ea re ad populum ferretur. iussuque populi consules 2  
 ambo cum duobus exercitibus ab urbe profecti, Valerius  
 in Campaniam, Cornelius in Samnium, ille ad montem  
 Gaurum, hic ad Saticulam castra ponunt. priori Valerio 3  
 Samnitium legiones — eo namque omnem belli molem  
 inclinaturam censebant — occurrunt. simul in Campanos  
 stimulabat ira, tam promptos nunc ad ferenda nunc ad  
 accersenda adversus se auxilia. ut vero castra Romana 4  
 viderunt, ferociter pro se quisque signum duces poscere,  
 adfirmare, eadem fortuna Romanum Campano latutum  
 opem, qua Campanus Sidicino tulerit. Valerius levibus 5  
 certaminibus temptandi hostis causa hant ita multos mo-  
 ratus dies signum pugnae proposuit, paucis suos adhor-  
 tatus, ne novum bellum eos novusque hostis terreret:  
 quidquid ab urbe longius proferrent arma, magis magis- 6  
 que in inbelles gentes eos prodire. ne Sidicinorum Cam- 7  
 panorumque cladibus Samnitiū aestimarent virtutem:  
 qualescūque inter se certaverint, necesse fuisse, alteram  
 partem vinci. Campanos quidem haud dubie magis nimio  
 luxu fluentibus rebus molitiaque sua quam vi hostium  
 victos esse. quid autem esse duo prospera in tot saeculis 8  
 bella Samnitium adversus tot decora populi Romani, qui  
 triumphos paene plures quam annos ab urbe condita nu-  
 merent, qui omnia circa se — Sabinos, Etruriam, Lati- 9  
 nos, Hernicos, Aequos, Volscos, Auruncos — domita  
 armis habeant, qui Gallos tot proeliis caesos postremo in  
 mare ac naves fuga compulerint. cum gloria belli ac vir- 10  
 tute sua quemque fretos ire in aciem debere, tum etiam  
 intueri, cuius ductu auspicioque inienda pugna sit, utrum, 11  
 qui audiendus dumtaxat magnificus adhortator sit, verbis  
 tantum ferox, operum militarium expertus, an qui et ipse  
 tela tractare, procedere ante signa, versari media in mole  
 pugnae sciat. ‘facta mea, non dicta vos, militas,’ inquit 12  
 ‘sequi volo nec disciplinam modo, sed exemplum etiam a  
 me petere. non factionibus modo nec per coitiones, usi-  
 tatas nobilibus, sed hac dextra mihi tres consulatus sum-  
 mamque laudem pepesi. fuit, cum hoc dici poterat: “pa- 13  
 tricius enim eras et a liberatoribus patriae ortus et eodem

anno familia ista consulatum, quo urbs haec consulem  
14 habuit;" nunc iam nobis patribus vobisque plebei promiscuus consulatus patet nec generis, ut ante, sed virtutis est praemium. proinde summum quodque spectate, milites, decus. non si mihi novum hoc Corvini cognomen  
15 diis auctoribus homines dedistis, Publicolarum vetustum  
16 familiae nostrae cognomen memoria excessit. semper ego plebem Romanam militiae domique, privatus, in magistratibus parvis magnisque, aequae tribunus ac consul, eodem tenore per omnes deinceps consulatus colo atque  
17 colui. nunc quod instat, diis bene iuvantibus novum atque integrum de Samnitibus triumphum mecum petite.'

1 XXXIII. Non alias militi familiarior dux fuit omnia  
2 inter infimos militum haud gravate munia obeundo. in ludo praeterea militari, cum velocitatis viriumque inter se aequales certamina ineunt, comiter facilis, vincere ac vinci vultu eodem nec quemquam aspernari parem qui se offerret, factis benignus pro re, dictis haud minus libertatis alienae quam suae dignitatis memor et, quo nihil popularius est, quibus artibus petierat magistratus, iisdem gerebat. itaque universus exercitus incredibili alacritate ad  
4 hortationem prosecutus ducis castris egreditur. proelium, ut quod maxime umquam, pari spe, utrimque aequis viribus, cum fiducia sui, sine contemptu hostium commissum  
5 est. Samnitibus ferociam augebant novae res gestae et paucos ante dies geminata victoria, Romanis contra quadringentorum annorum decora et conditae urbi aequalis  
7 victoria; utrisque tamen novus hostis curam addebat. pugna indicio fuit, quos gesserint animos: namque ita conflixerunt, ut aliquamdiu in neutram partem inclinarent  
8 acies. tum consul trepidationem iniciendam ratus, quando vi pelli non poterant, equitibus inmissis turbare prima  
9 signa hostium conatur. quos ubi nequiquam tumultuantes in spatio exiguo volvere turmas vidit nec posse aperire in hostes viam, revector ad antesignanos legionum cum  
10 desiluisse ex equo: 'nostrum' inquit 'peditum illud, milites, est opus; agitedum, ut me videritis, quacumque incessero in aciem hostium, ferro viam facientem, sic pro se quisque obvios sternite: illa omnia, qua nunc erectae

micant hastae, patefacta strage vasta cernetis.' haec dicta 11  
 dederat, cum equites consulis iussu discurrunt in cornua  
 legionibusque in mediam aciem aperiunt viam. primus  
 omnium consul invadit hostem et cum quo forte contulit  
 gradum, obtruncat. hoc spectaculo accensi dextra laeva- 12  
 que ante se quisque memorandum proelium ciet. stant  
 obnixi Samnites, quamquam plura accipiunt quam infe-  
 runt vulnera. aliquamdiu iam pugnatum erat, atrox cae- 13  
 des circa signa Samnitium, fuga ab nulladum parte erat:  
 adeo morte sola vinci destinaverant animis. itaque Ro- 14  
 mani, cum et fluere iam lassitudine vires sentirent et diei  
 haud multum superesse, accensi ira concitant se in hostem.  
 tum primum referri pedem atque inclinari rem in fugam 15  
 apparuit, tum capi, occidi Samnis; nec superfuissent multi,  
 ni nox victoriam magis quam proelium diremisset. et Ro- 16  
 mani fatebantur, numquam cum pertinacior hoste conflic-  
 tum, et Samnites, cum quaereretur, quaenam prima causa  
 tam obstinatos movisset in fugam, oculos sibi Romanorum 17  
 ardere visos aiebant vesanosque vultus et furentia ora;  
 inde plus quam ex alia ulla re terroris ortum. quem ter-  
 rorem non pugnae solum eventu, sed nocturna profectione  
 confessi sunt. postero die vacuis hostium castris Roma- 18  
 nus potitur, quo se omnis Campanorum multitudo gratu-  
 labunda effudit.

**XXXIII.** Ceterum hoc gaudium magna prope clade 1  
 in Samnio foedatum est. nam ab Saticula profectus Cor-  
 nelius consul exercitum incaute in saltum cava valle per-  
 vium circaque insessum ab hoste induxit, nec prius quam 2  
 recipi tuto signa non poterant, inminentem capiti hostem  
 vidit. dum id morae Samnitibus est, quoad totum in val- 3  
 lem infimam demitteret agmen, P. Decius tribunus militum  
 conspicit unum editum in saltu collem, inminentem hostium  
 castris, aditu arduum inpedito agmini, expeditis haud dif-  
 ficilem. itaque consuli terrore animi 'videsne tu,' inquit 4  
 'A. Corneli, cacumen illud supra hostem? arx illa est spei  
 salutisque nostrae, si eam, quoniam caeci reliquere Sam-  
 nites, impigre capimus. ne tu mihi plus quam unius legio- 5  
 nis principes hastatosque dederis; cum quibus ubi evasero  
 in summum, perge hinc omni liber metu teque et exerci-

tum serva: neque enim moveri hostis subiectus nobis ad  
 6 omnes ictus sine sua pernicie poterit. nos deinde aut  
 7 fortuna populi Romani aut nostra virtus expediet.' con-  
 laudatus ab consule accepto praesidio vadit occultus per  
 saltum; nec prius ab hoste est visus quam loco, quem  
 8 petebat, adpropinquavit. inde admiratione paventibus cunc-  
 tis cum omnium in se vertisset oculos, et spatium consuli  
 dedit ad subducendum agmen in aequiorem locum et ipse  
 9 in summo constitit vertice. Samnites, dum huc illuc signa  
 vertunt, utriusque rei amissa occasione neque insequi con-  
 sulem nisi per eandem vallem, in qua paulo ante subiec-  
 tum eum telis suis habuerant, possunt nec erigere agmen  
 10 in captum super se ab Decio tumulum. sed cum ira in  
 hos magis, qui fortunam gerendae rei eripuerant, tum  
 11 propinquitas loci atque ipsa paucitas incitat; et nunc cir-  
 cumdare undique collem armatis volunt, ut a consule  
 Decium intercludant, nunc viam patefacere, ut degressos  
 in vallem adoriantur. incertos, quid agerent, nox oppres-  
 12 sit. Decium primum spes tenuit, cum subeuntibus in  
 adversum collem ex superiore loco se pugnaturum; deinde  
 admiratio incessit, quod nec pugnam inirent nec, si ab eo  
 consilio iniquitate loci deterrerentur, opere se valloque  
 13 circumdarent. tum centurionibus ad se vocatis: 'quaenam  
 illa inscitia belli ac pigritia est, aut quonam modo isti ex  
 Sidicinis Campanisque victoriam pepererunt? huc atque  
 illuc signa moveri ac modo in unum conferri modo educi  
 videtis: opus quidem incipit nemo, cum iam circumdati  
 14 vallo potuerimus esse. tum vere nos similes istorum si-  
 mus, si diutius hic moremur quam commodum sit. agite-  
 dum, ite mecum et, dum lucis aliquid superest, quibus  
 locis praesidia ponant, qua pateat hinc exitus, explore-  
 15 mus.' haec omnia sagulo gregali amictus, centurionibus  
 item manipularium militum habitu ductis, ne ducem cir-  
 cumire hostes notarent, perlustravit.

1 XXXV. Vigiliis deinde dispositis ceteris omnibus  
 tesseram dari iubet, ubi secundae vigiliae bucina datum  
 2 signum esset, armati cum silentio ad se convenirent. quo  
 ubi, sicut edictum erat, taciti convenerunt, 'hoc silentium,  
 milites,' inquit 'omisso militari adsensu in me audiendo

servandum est. ubi sententiam meam vobis peregero, tum quibus eadem placebunt in dextram partem taciti transibitis: quae pars maior erit, eo stabitur consilio. nunc quae mente agitem audite. non fuga delatos nec inertia relictos hic vos circumvenit hostis: virtute cepistis locum, virtute hinc oportet evadatis. veniendo huc exercitum egregium populo Romano servastis: erumpendo hinc vosmet ipsos servate. digni estis, qui pauci pluribus opem tuleritis, ipsi nullius auxilio egueritis. cum eo hoste res est, qui hesterno die delendi omnis exercitus fortuna per socordiam usus non sit, hunc tam opportunum collem inminentem capiti suo non ante viderit quam captum a nobis, nos tam paucos tot ipsi milibus hominum nec ascensu arcuerint, nec tenentes locum, cum diei tantum superesset, vallo circumdederint. quem videntem ac vigilantem sic eluseritis, sopitum oportet fallatis, immo necesse est. in eo enim loco res sunt nostrae, ut vobis ego magis necessitatis vestrae index quam consilii auctor sim. neque enim, maneatis an abeatis hinc, deliberari potest, cum praeter arma et animos armorum memores nihil vobis fortuna reliqui fecerit, fameque et siti moriendum sit, si plus quam viros ac Romanos decet ferrum timeamus. ergo una est salus erumpere hinc atque abire. id aut interdiu aut nocte faciamus oportet. ecce autem aliud minus dubium. quippe si lux exspectetur, quae spes est, non vallo perpetuo fossaque nos saepturum hostem, qui nunc corporibus suis subiectis undique cinxerit, ut videtis, collem? atqui si nox oportuna est eruptioni, sicut est, haec profecto noctis aptissima hora est. signo secundae vigiliae convenistis, quod tempus mortales somno altissimo premit. per corpora sopita vadetis vel silentio incautos fallentes vel sentientibus clamore subito pavorem iniecturi. me modo sequimini, quem secuti estis: ego eandem, quae duxit huc, sequar fortunam. quibus haec salutaria videntur, agitedum, in dextram partem pedibus transite.'

XXXVI. Omnes transierunt vadentemque per intermissa custodiis loca Decium secuti sunt. iam evaserant media castra, cum superscandens vigilum strata somno corpora miles offenso scuto praebuit sonitum; quo excita-

tus vigil cum proximum movisset erectique alios concitarent, ignari, cives an hostes essent, praesidium erumperet  
3 an consul castra cepisset, Decius, quoniam non fallerent, clamorem tollere iussis militibus torpidos somno insuper pavore exanimat, quo praepediti nec arma inpigre capere  
4 nec obsistere nec insequi poterant. inter trepidationem tumultumque Samnitium praesidium Romanum obviis custodibus caesis ad castra consulis pervadit.

5 Aliquantum supererat noctis iamque in tuto videbantur esse, cum Decius 'macte virtute,' inquit 'milites Romani, este; vestrum iter ac reditum omnia saecula laudibus  
6 ferent, sed ad conspiciendam tantam virtutem luce ac die opus est, nec vos digni estis, quos cum tanta gloria in castra reduces silentium ac nox tegat: hic lucem quieti  
7 opperiemur.' dictis obtemperatum. atque ubi primum inluxit, praemisso nuntio ad consulem in castra, ingenti gaudio concitantur: et tessera data incolumes reverti, qui sua corpora pro salute omnium haud dubio periculo obiecissent, pro se quisque obviam effusi laudant, gratulantur, singulos universos servatores suos vocant, diis laudes  
8 gratesque agunt, Decium in caelum ferunt. hic Decii castrensis triumphus fuit incedentis per media castra cum armato praesidio coniectis in eum omnium oculis et omni  
9 honore tribunum consuli aequantibus. ubi ad praetorium ventum est, consul classico ad contionem convocat, orsusque meritas Decii laudes interfante ipso Decio distulit  
10 contionem, qui auctor omnia posthabendi, dum occasio in manibus esset, perpulit consulem, ut hostes et nocturno pavore attonitos et circa collem castellatim dissipatos adgrederetur: credere etiam, aliquos ad se sequendum  
11 emissos per saltum vagari. iussae legiones arma capere, egressaeque castris, cum per exploratores notior iam saltus esset, via patentiore ad hostem ducuntur; quem incautum improviso adortae, cum palati passim Samnitium milites plerique inermes nec coire in unum nec arma capere nec recipere intra vallum se possent, paventem primum in castra compellunt, deinde castra ipsa turbatis  
12 stationibus capiunt. perfertur circa collem clamor fugatque ex suis quemque praesidiis. ita magna pars absenti



hosti cessit: quot intra vallum egerat pavor — fuere autem ad triginta milia — omnes caesi, castra direpta.

**XXXVII.** Ita rebus gestis consul advocata contione 1  
P. Decii non coeptas solum ante, sed cumulas novas virtute laudes peragit et praeter militaria alia dona aurea corona eum et centum bubus eximioque uno albo opimo auratis cornibus donat. milites, qui in praesidio simul 2 fuerant, duplici frumento in perpetuum, in praesentia (singulis) bubus privis binisque tunicis donati. secundum consulis donationem legiones gramineam coronam obsidalem clamore donum adprobantes Decio inponunt. altera corona, eiusdem honoris index, a praesidio suo inposita est. his decoratus insignibus bovem eximium Marti 3 immolavit, centum boves militibus dono dedit, qui secum in expeditione fuerant. iisdem militibus legiones libras farris et sextarios vini contulerunt; omniaque ea ingenti alacritate per clamorem militarem, indicem omnium ad-sensus, gerebantur.

Tertia pugna ad Suessulam commissa est, qua fuga- 4 tus a M. Valerio Samnitium exercitus, omni robore iuventutis domo accito, certamine ultimo fortunam experiri statuit. ab Suessula nuntii trepidi Capuam, inde equites 5 citati ad Valerium consulem opem oratum veniunt. con- 6 festim signa mota, relictisque impedimentis castrorum valido praesidio raptim agitur agmen; nec procul ab hoste locum perexiguum, ut quibus praeter equos ceterorum iumentorum calorumque turba abesset, castris cepit. Sam- 7 nitium exercitus, velut haud ulla mora pugnae futura esset, aciem instruit; deinde, postquam nemo obvius ibat, infestis signis ad castra hostium succedit. ibi ut militem 8 in vallo vidit missique ab omni parte exploratum, quam in exiguum orbem contracta castra essent, paucitatem inde hostium colligentes, rettulerunt, fremere omnis acies, 9 complendas esse fossas scindendumque vallum et in castra inrumpendum; transactumque ea temeritate bellum foret, ni duces continuissent impetum militum. ceterum, quia 10 multitudo sua commeatibus gravis, et prius sedendo ad Suessulam et tum certaminis mora, haud procul ab rerum omnium inopia esset, placuit, dum inclusus paveret hostis,

11 frumentatum per agros militem duci: interim quieto Ro-  
mano, qui expeditus quantum umeris inter arma geri  
12 posset frumenti secum attulisset, defutura omnia. consul  
palatos per agros cum vidisset hostes, stationes infre-  
quentes relictas, paucis milites adhortatus ad castra op-  
13 pugnanda ducit. quae cum primo clamore atque impetu  
cepisset pluribus hostium in tentoriis suis quam in portis  
valloque caesis, signa captiva in unum locum conferri  
iussit, relictisque duabus legionibus custodiae et praesidii  
causa gravi edicto monitis, ut, donec ipse revertisset,  
14 praeda abstinerent, profectus agmine instructo, cum prae-  
missus eques velut indagine dissipatos Samnites ageret,  
15 caedem ingentem fecit. nam neque quo signo coirent  
inter se neque utrum castra peterent an longiorem inten-  
16 derent fugam, territis constare poterat: tantumque fugae  
ac formidinis fuit, ut ad quadraginta milia scutorum, ne-  
quaquam tot caesis, et signa militaria cum iis, quae in  
castris capta erant, ad centum septuaginta ad consulem  
17 deferrentur. tum in castra hostium reditum ibique omnis  
praeda militi data.

1 XXXVIII. Huius certaminis fortuna et Faliscos, cum  
in indutiis essent, foedus petere ab senatu coegit, et La-  
tinos iam exercitibus comparatis ab Romano in Paelignum  
2 vertit bellum. neque ita rei gestae fama Italia se finibus  
tenuit, sed Carthaginienses quoque legatos gratulatum  
Romam misere cum coronae aureae dono, quae in Capi-  
tolio in Iovis cella poneretur. fuit pondo viginti quinque.  
3 consules ambo de Samnitibus triumpharunt sequente De-  
cio insigni cum laude donisque, cum incondito militari  
ioco haud minus tribuni celebre nomen quam consulum  
esset.

4 Campanorum deinde Suessanorumque auditae legatio-  
nes; precantibusque datum, ut praesidium eo in hiberna  
5 mitteretur, quo Samnitium excursiones arcerentur. iam  
tum minime salubris militari disciplinae Capua instru-  
mento omnium voluptatum delenitos militum animos aver-  
tit a memoria patriae; inibanturque consilia in hibernis  
eodem scelere adimendae Campanis Capuae, per quod illi  
6 eam antiquis cultoribus ademissent: neque inmerito suum

ipsorum exemplum in eos versurum. cur autem potius Campani agrum Italiae uberrimum, dignam agro urbem, qui nec se nec sua tutari possent, quam victor exercitus haberet, qui suo sudore ac sanguine inde Samnites depulisset? an aequum esse, dediticios suos illa fertilitate 7 atque amoenitate perfrui, se militando fessos in pestilenti atque arido circa urbem solo luctari aut in urbe insidentem labem crescentis in dies faenoris pati? haec agitata 8 occultis coniurationibus necdum vulgata in omnes consilia invenit novus consul C. Marcius Rutilus, cui Campania sorte provincia evenerat, Q. Servilio collega ad urbem relicto. itaque cum omnia ea sicut gesta erant per tribu- 9 nos conperta et aetate haberet et usu doctus, quippe qui iam quartum consul esset dictatorque et censor fuisset, optimum ratus, differendo spem, quandocumque vellent, consilii exsequendi militarem impetum frustrare, rumorem dissipat in iisdem oppidis, et anno post praesidia hibernatura. divisa enim erant per Campaniae urbes, mana- 10 verantque a Capua consilia in exercitum omnem. eo laxamento cogitationibus dato quievit in praesentia seditio.

XXXVIII. Consul educto in aestiva milite, dum 1 quietos Samnites habebat, exercitum purgare missionibus turbulentorum hominum instituit, aliis emerita dicendo stipendia esse, alios graves iam aetate aut viribus parum validos. quidam in commeatus mittebantur, singuli primo, 2 deinde et cohortes quaedam, quia procul ab domo ac rebus suis hibernassent; per speciem etiam militarium usum, cum alii alio mitterentur, magna pars ablegati. quam 3 multitudinem consul alter Romae praetorque alias ex aliis fingendo moras retinebat. et primo quidem ignari ludifi- 4 cationis minime inviti domos revisebant. postquam neque reverti ad signa primos nec ferme alium quam qui in Campania hibernassent, praecipueque ex his seditionis auctores, mitti viderunt, primum admiratio, deinde haud dubius timor incessit animos, consilia sua emanasse: iam 5 quaestiones, iam indicia, iam occulta singulorum supplicia inpotensque et crudele consulum ac patrum in se regnum passuros. haec qui in castris erant occultis sermonibus 6 serunt, nervos coniurationis eiectos arte consulis cernentes.

7 cohors una cum haud procul Anxure esset, ad Lautulas  
 saltu angusto inter mare ac montis consedit ad excipien-  
 dos quos consul aliis atque aliis, ut ante dictum est, cau-  
 8 sis mittebat. iam valida admodum numero manus erat,  
 nec quicquam ad iusti exercitus formam praeter ducem  
 deerat. inconpositi itaque praedantes in agrum Albanum  
 perveniunt et sub iugo Albae longae castra vallo cingunt.  
 9 perfecto inde opere reliquum diei de imperatore sumendo  
 sentiis decertant, nulli ex praesentibus satis fidentes:  
 10 quem autem ab Roma posse exciri? quem patrum aut  
 plebis esse, qui aut se tanto periculo sciens offerat aut  
 cui ex iniuria insanientis exercitus causa recte committa-  
 11 tur? postero die cum eadem deliberatio teneret, ex prae-  
 datoribus vagis quidam conpertum attulerunt, T. Quinc-  
 tium in Tusculano agrum colere, urbis honorumque in-  
 12 memorem. patriciae hic vir gentis erat; cui cum militiae  
 magna cum gloria actae finem pes alter ex vulnere claudus  
 fecisset, ruri agere vitam procul ambitione ac foro consti-  
 13 tuit. nomine audito extemplo agnovere virum et, quod  
 bene verteret, acciri iusserunt. sed parum spei erat, vo-  
 luntate quicquam facturum: vim adhiberi ac metum pla-  
 14 cuit. itaque silentio noctis cum tectum villae qui ad id  
 missi erant intrassent, somno gravem Quinctium (oppres-  
 sum), nihil medium, aut imperium atque honorem aut,  
 ubi restitaret, mortem (ni sequeretur) denuntiantes, in  
 15 castra pertraxerunt. imperator extemplo adveniens appel-  
 latus, insigniaque honoris exterrito subitae rei miraculo  
 16 deferunt et ad urbem ducere iubent. suo magis inde  
 impetu quam consilio ducis convulsis signis infesto agmine  
 ad lapidem octavum viae, quae nunc Appia est, perve-  
 17 niunt; issentque confestim ad urbem, ni venire contra  
 exercitum dictatoremque adversus se M. Valerium Corvum  
 dictum audissent et magistrum equitum L. Aemilium  
 Mamercum.

1 XXXX. Ubi primum in conspectum ventum est,  
 arma signaque agnovere, extemplo omnibus memoria  
 2 patriae iras permulsit. nondum erant tam fortes ad san-  
 guinem civilem nec praeter externa noverant bella ulti-  
 maque rabies secessio ab suis habebatur. itaque iam

duces, iam milites utrimque congressus quaerere ad con-  
loquia: Quinctius, quem armorum etiam pro patria satietas 3  
teneret, nedum adversus patriam, Corvinus, omnes cari-  
tate cives praecipue milites et ante alios suum exercitum  
complexus, ad colloquium processit. cognito ei extemplo 4  
haut minore ab adversariis verecundia quam ab suis si-  
lentium datum. 'deos' inquit 'inmortales, milites, vestros  
publicos meosque ab urbe proficiscens ita adoravi veniam-  
que supplex poposci, ut mihi de vobis concordiae partae  
gloriam, non victoriam darent. satis fuit eritque, unde 5  
belli decus pariat: hinc pax petenda est. quod deos  
inmortales inter nuncupanda vota expoposci, eius me con- 6  
potem voti vos facere potestis, si meminisse vultis, non  
vos in Samnio nec in Volscis, sed in Romano solo castra  
habere, si illos colles, quos cernitis, patriae vestrae esse,  
si hunc exercitum civium vestrorum, si me consulem  
vestrum, cuius ductu auspicioque priore anno bis legiones  
Samnitium fudistis, bis castra vi cepistis. ego sum M. 7  
Valerius Corvus, milites, cuius vos nobilitatem beneficiis  
erga vos, non iniuriis sensistis, nullius superbae in vos  
legis, nullius crudelis senati consulti auctor, in omnibus  
meis imperiis in me severior quam in vos. ac si cui ge- 8  
nus, si cui sua virtus, si cui etiam maiestas, si cui hono-  
res subdere spiritus potuerunt, is eram natus, id specimen  
mei dederam, ea aetate consulatum adeptus eram, ut po-  
tuerim tris et viginti annos natus consul patribus quoque  
ferox esse, non solum plebi. quod meum factum dictumve 9  
consulis gravius quam tribuni audistis? eodem tenore duo  
insequentes consulatus gessi, eodem haec imperiosa dic-  
tatura geretur, ut neque in hos meos et patriae meae mi-  
lites mitior quam in vos — horreo dicere — hostis. ergo 10  
vos prius in me strinxeritis ferrum quam in vos ego:  
istinc signa canent, istinc clamor prius incipiet atque im-  
petus, si dimicandum est. inducite in animum, quod non 11  
induxerunt patres avique vestri, non illi qui in sacrum  
montem secesserunt, non hi, qui postea Aventinum inse-  
derunt. exspectate, dum vobis singulis, ut olim Coriolano, 12  
matres coniugesque crinibus passis obviae ab urbe veniant!  
tum Volscorum legiones, quia Romanum habebant ducem,

quieverunt; vos, Romanus exercitus, ne destiteritis in pio  
13 bello! T. Quincti, quocumque istic loco seu volens seu  
invitus constitisti, si dimicandum erit, tum tu in novissi-  
mos te recipito; fugeris etiam honestius tergumque civi  
14 dederis quam pugnaveris contra patriam. nunc ad paci-  
ficandum bene atque honeste inter primos stabis, et con-  
loquii huius salutaris interpretes fueris. postulate aequa et  
ferte, quamquam vel iniquis standum est potius quam  
15 inpias inter nos conseramus manus.' T. Quinctius plenus  
lacrimarum ad suos versus 'me quoque,' inquit 'milites,  
si quis usus mei est, meliorem pacis quam belli habetis  
16 ducem. non enim illa modo Volscus aut Samnis, sed  
Romanus verba fecit, vester consul, vester imperator,  
milites, cuius auspicia pro vobis experti nolite adversus  
17 vos velle experiri. qui pugnarent vobiscum infestius, et  
alios duces senatus habuit: qui maxime vobis suis militi-  
bus parceret, cui plurimum vos imperatori vestro credere-  
18 tis, eum elegit. pacem etiam qui vincere possunt. volunt:  
quid nos velle oportet? quin omissis ira et spe, fallacibus  
auctoribus, nos ipsos nostraque omnia cognitae permitti-  
mus fidei?'

1 XXXXI. Adprobantibus clamore cunctis T. Quinc-  
tius ante signa progressus in potestate dictatoris milites  
fore dixit. oravit, ut causam miserorum civium susciperet  
susceptamque eadem fide, qua rem publicam administrare  
2 solitus esset, tueretur. sibi se privatim nihil cavere; nolle  
alibi quam in innocentia spem habere; militibus cavendum,  
quod apud patres semel plebi, iterum legionibus cautum  
3 sit, ne fraudi secessio esset. Quinctio conlaudato, ceteris  
bonum animum habere iussis, dictator equo citato ad ur-  
bem revectus auctoribus patribus tulit ad populum in luco  
Petelino, ne cui militum fraudi secessio esset, oravit etiam  
bona venia Quirites, ne quis eam rem ioco seriove cui-  
4 quam exprobraret. lex quoque sacrata militaris lata est,  
ne cuius militis scripti nomen nisi ipso volente deleretur,  
additumque legi, ne quis, ubi tribunus militum fuisset,  
5 postea ordinum ductor esset. id propter P. Salonium  
postulatum est ab coniuratis, qui alternis prope annis et  
tribunus militum et primus centurio erat, quem nunc

primi pili appellant. huic infensi milites erant, quod sem- 6  
per adversatus novis consiliis fuisset et, ne particeps eorum  
esset, (qui) ab Lantulis fugisse(n)t. itaque cum hoc unum 7  
propter Salonium ab senatu non impetraretur, tum Salonius  
obtestatus patres conscriptos, ne suum honorem pluris quam  
concordiam civitatis aestimarent, perpulit, ut id quoque fer-  
retur. aequae inpotens postulatum fuit, ut de stipendio equi- 8  
tum — merebant autem triplex ea tempestate — aera de-  
merentur, quod adversati coniurationi fuissent.

XXXII. Praeter haec invenio apud quosdam, L. 1  
Genucium tribunum plebis tulisse ad plebem, ne faenerare  
liceret; item aliis plebi scitis cautum, ne quis eundem 2  
magistratum intra decem annos caperet neu duos magi-  
stratus uno anno gereret, utique liceret consules ambos  
plebeios creari. quae si omnia concessa sunt plebi, appa-  
ret, haud parvas vires defectionem habuisse. aliis anna- 3  
libus proditum est, neque dictatorem Valerium dictum, sed  
per consules omnem rem actam, neque antequam Romam  
veniretur, sed Romae eam multitudinem coniuratorum ad  
arma consternatam esse, nec in T. Quincti villam, sed in 4  
aedis C. Manli nocte impetum factum eumque a coniuratis  
conprehensum, ut dux fieret, inde ad quartum lapidem  
profectos loco munito consedissee; nec ab ducibus mentio- 5  
nem concordiae ortam, sed repente, cum in aciem armati  
exercitus processissent, salutationem factam et permixtos 6  
dextras iungere ac complecti inter se lacrimantes milites  
coepisse, coactosque consules, cum viderent aversos a  
dimicatione militum animos, rettulisse ad patres de con-  
cordia reconcilianda. adeo nihil praeterquam seditionem 7  
fuisse eamque compositam inter antiquos rerum auctores  
constat. et huius fama seditionis et susceptum cum Sam- 8  
nitibus grave bellum aliquot populos ab Romana societate  
avertit, et praeter Latinorum infidum iam diu foedus Pri-  
vernates etiam Norbam atque Setiam, finitimas colonias  
Romanas, incursione subita depopulati sunt.



## [PERIOCHA LIBRI VIII.]

[Latini cum Campanis defecere et missis legatis ad senatum condicionem tulerunt, ut, si pacem habere vellent, alterum ex Latinis consulem facerent. qua legatione perlata praetor eorum Annius de Capitolio ita prolapsus est, ut exanimaretur. T. Manlius consul filium, quod contra edictum eius adversus Latinos pugnaverat, quamvis prospere pugnasset, securi percussit. laborantibus in acie Romanis P. Decius, tunc consul cum Manlio, devovit se pro exercitu et, concitato equo cum in medios hostes se intulisset interfectus, mortē sua Romanis victoriam restituit. Latini in deditionem venerunt. T. Manlio in urbem reverso nemo ex iuventute obviam processit. Minucia virgo Vestalis incesti damnata est. Ausonibus victis in oppidum ex iis captum Cales colonia deducta est: item Fregellae colonia deducta est. veneficium conplurium matronarum deprehensum est, ex quibus plurimae statim epotis medicaminibus perierunt. lex de veneficio tunc primum constituta est. Privernatibus, cum rebellassent, victis civitas data est. Neapolitani bello et obsidione victi in deditionem venerunt. Q. Publilio, qui eos obsederat, primo et imperium prolatum est et pro consule triumphus decretus. plebs nexu liberata est propter L. Papiri creditoris libidinem, qui C. Publilio debitori suo stuprum inferre voluerat. cum L. Papirius Cursor dictator reversus in urbem ab exercitu esset propter auspicia repetenda, Q. Fabius magister equitum, occasione bene gerendae rei invitatus, contra edictum eius prospere adversus Samnites pugnavit. ob eam causam cum dictator de magistro equitum supplicium sumpturus videretur, Fabius Romam profugit et, cum parum causa proficeret, populi precibus donatus est. res praeterea contra Samnites prospere gestas continet.]

## TITI LIVI

## AB VRBE CONDITA

## LIBER VIII.

- 1 I. Iam consules erant C. Plautius iterum, L. Aemilius Mamercus, cum Setini Norbanique Romam nuntii defectionis Privernatium cum querimoniis acceptae cladis
- 2 venerunt. Volscorum item exercitum duce Antiati populo consedissee ad Satricum adlatum est. utrumque bellum
- 3 Plautio sorte venit. prius ad Privernum profectus extemplo

acie conflixit. haud magno certamine devicti hostes, oppidum captum redditumque Privernatibus praesidio valido inposito, agri partes duae ademptae. inde victor exercitus 4 Satricum contra Antiatis ductus. ibi magna utrimque caede atrox proelium fuit, et cum tempestas eos neutro inclinata spe dimicantes diremisset, Romani, nihil eo certamine tam ambiguo fessi, in posterum diem proelium parant. Volscis 5 recensentibus, quos viros in acie amisissent, haudquaquam idem animus ad iterandum periculum fuit: nocte pro victis Antium agmine trepido, sauciis ac parte inpedimentorum relictis abierunt. armorum magna vis cum inter caesa 6 hostium corpora tum in castris inventa est. ea Lucae matri dare se consul dixit finesque hostium usque ad oram maritumam est depopulatus.

Alteri consuli Aemilio ingresso Sabellum agrum non 7 castra Samnitium, non legiones usquam oppositae. ferro ignique vastantem agros legati Samnitium pacem orantes adeunt. a quo reiecti ad senatum, potestate facta dicendi, 8 positis ferocibus animis, pacem sibi ab Romanis bellicque ius adversus Sidicinos petierunt: quae se eo iustius petere, 9 quod et in amicitiam populi Romani secundis suis rebus, non adversis ut Campani, venissent et adversus Sidicinos sumerent arma, suos semper hostes, populi Romani numquam amicos, qui nec ut Samnites in pace amicitiam nec 10 ut Campani auxilium in bello petissent, nec in fide populi Romani nec in ditione essent.

II. Cum de postulatis Samnitium T. Aemilius praetor 1 senatum consulisset reddendumque iis foedus patres censuissent, praetor Samnitibus respondit, nec, quo minus perpetua cum eis amicitia esset, per populum Romanum stitisse nec contradici, quin, quoniam ipsos belli culpa sua contracti taedium ceperit, amicitia de integro reconcilietur. quod ad Sidicinos attineat, nihil intercedi, quo minus Sam- 3 niti populo pacis bellicque liberum arbitrium sit. foedere 4 icto cum domum revertissent, extemplo inde exercitus Romanus deductus annuo stipendio et trium mensum frumento accepto, quod pepigerat consul, ut tempus indutiis daret, quoad legati redissent.

Samnites copiis isdem, quibus usi adversus Romanum 5

bellum fuerant, contra Sidicinos profecti, haud in dubia  
6 spe erant mature urbis hostium potiundae. tum ab Sidi-  
cinis deditio prius ad Romanos coepta fieri est; dein,  
postquam patres ut seram eam ultimaque tandem necessi-  
tate expressam aspernabantur, ad Latinos iam sua sponte  
7 in arma motos facta est. ne Campani quidem — adeo  
iniuriae Samnitium quam beneficii Romanorum memoria  
8 praesentior erat — his se armis abstinuere. ex his tot  
populis unus ingens exercitus duce Latino fines Samnitium  
ingressus plus populationibus quam proeliis cladium fecit.  
et quamquam superiores certaminibus Latini erant, haud  
inviti, ne saepius dimicandum foret, agro hostium exces-  
9 sere. id spatium Samnitibus datum est Romam legatos  
mittendi; qui cum adissent senatum, conquesti, eadem se  
foederatos pati, quae hostes essent passi, precibus infimis  
10 petiere, ut satis ducerent Romani victoriam, quam Sam-  
nitibus ex Campano Sidicinoque hoste eripuissent, ne vinci  
11 etiam se ab ignavissimis populis sinerent. Latinos Cam-  
panosque, si sub ditione populi Romani essent, pro im-  
perio arcerent Samniti agro, sin imperium abnuerent, ar-  
12 mis coercerent. adversus haec responsum anceps datum,  
quia fateri pigebat, in potestate sua Latinos iam non esse,  
13 timebantque, ne arguendo abalienarent. Campanorum  
aliam condicionem esse, qui non foedere, sed per dedi-  
tionem in fidem venissent; itaque Campanos, seu velint  
seu nolint, quieturos. in foedere Latino nihil esse, quo  
bellare cum quibus ipsi velint prohibeantur.

1 III. Quod responsum sicut dubios Samnites, quidnam  
facturum Romanum censerent, dimisit, ita Campanos metu  
abalienavit, Latinos velut nihil iam non concedentibus Ro-  
2 manis ferociores fecit. itaque per speciem adversus Sam-  
nites belli parandi crebra concilia indicentes omnibus con-  
sultationibus inter se principes occulte Romanum coquebant  
bellum. huic quoque adversus servatores suos bello Cam-  
3 panus aderat. sed quamquam omnia de industria cela-  
bantur — priusquam moverentur Romani, tolli ab tergo  
Samnitem hostem volebant — tamen per quosdam privatis  
hospitiis necessitudinibusque coniunctos indicia coniura-  
4 tionis eius Romam emanarunt, iussisque ante tempus con-

sulibus abdicare se magistratu, quo maturius novi consules adversus tantam molem belli crearentur, religio incessit, ab eis, quorum inminutum imperium esset, comitia haberi. itaque interregnum initum. duo interreges 5 fuerunt M. Valerius ac M. Fabius: [Fabius] creavit consules T. Manlium Torquatum tertium, P. Decium Murem.

Eo anno Alexandrum Epiri regem in Italiam classem 6 appulisse constat, quod bellum, si prima satis prospera fuissent, haud dubie ad Romanos pervenisset. eadem 7 aetas rerum magni Alexandri est, quem, sorore huius ortum, in alio tractu orbis invictum bellis iuvenem fortuna morbo extinxit.

Ceterum Romani, etsi defectio sociorum nominisque 8 Latini haud dubia erat, tamen, tamquam de Samnitibus, non de se curam agerent, decem principes Latinorum Romam evocaverunt, quibus imperarent quae vellent. praetores tum duos Latium habebat, L. Annium Setinum 9 et L. Numisium Cerceiensem, ambo ex colonis Romanis. per quos praeter Signiam Velitrasque, et ipsas colonias Romanas, Volsci etiam exciti ad arma erant. eos nominatim evocari placuit. haud cuiquam dubium erat, super 10 qua re accirentur. itaque concilio prius habito praetores quam Romam proficiscerentur, evocatos se ab senatu docent Romano et quae actum iri secum credant, quidnam ad ea responderi placeat referunt.

III. Cum aliud alii censerent, tum Annius: 'quam- 1 quam ipse ego rettuli, quid responderi placeret, tamen magis ad summam rerum nostrarum pertinere arbitror, quid agendum nobis quam quid loquendum sit. facile erit explicatis consiliis accommodare rebus verba. nam 2 si etiam nunc sub umbra foederis aequi servitutem pati possimus, quid abest, quin proditis Sidicinis non Romanorum solum, sed Samnitium quoque dicto pareamus respondeamusque Romanis, nos, ubi innuerint, posituros arma? sin autem tandem libertatis desiderium remordet 3 animos, si foedus est, si societas, aequatio iuris est, si consanguineos nos Romanorum esse, quod olim pudebat, nunc gloriari licet, si socialis illis exercitus is est, quo

adiuncto duplicent vires suas, quem secernere ab se consules bellis propriis ponendis sumendisque nolint, cur non  
4 omnia aequantur? cur non alter ab Latinis consul datur,  
5 ubi pars virium, ibi et imperii pars est? est quidem nobis hoc per se haut nimis amplum, quippe concedentibus Romam caput Latii esse, sed ut amplum videri posset, diurna  
6 patientia fecimus. atqui si quando umquam consociandi imperii, usurpandae libertatis tempus optastis, en hoc tempus adest et virtute vestra et deum benignitate  
7 vobis datum. temptastis patientiam negando militem. quis dubitat, exarsisse eos, cum plus ducentorum annorum morem solveremus? pertulerunt tamen hunc dolorem.  
8 bellum nostro nomine cum Paelignis gessimus: qui ne nostrorum quidem finium nobis per nos tuendorum ius  
9 antea dabant, nihil intercesserunt. Sidicinos in fidem receptos, Campanos ab se ad nos descisse, exercitus nos parare adversus Samnites, foederatos suos, audierunt, nec  
10 moverunt se ab urbe. unde, unde haec illis tanta modestia nisi a conscientia virium etstrarum et suarum? idoneos auctores habeo, querentibus de nobis Samnitibus ita responsum ab senatu Romano esse, ut facile appareret, ne ipsos quidem iam postulare, ut Latium sub Romano imperio sit. usurpate modo postulando eo, quod illi vobis  
11 taciti concedunt. si quem hoc metus dicere prohibet, en ego ipse, audiente non populo Romano modo senatuque, sed Iove ipso, qui Capitolium incolit, profiteor, me dicturum, ut, si nos in foedere ac societate esse velint, consul  
12 eum alterum ab nobis senatusque partem accipiant.' haec ferociter non suadenti solum, sed pollicenti clamore et adsensu omnes permiserunt, ut ageret diceretque, quae e re publica nominis Latini fideque sua viderentur.

1 V. Ubi est Romam ventum, in Capitolio eis senatus datus est. ibi cum T. Manlius consul egisset cum eis ex  
2 auctoritate patrum, ne Samnitibus foederatis bellum inferrent, Annius, tamquam victor armis Capitolium cepisset, non legatus iure gentium tutus loqueretur: 'tempus erat,' inquit 'Tite Manli vosque patres conscripti, tandem iam vos nobiscum nihil pro imperio agere, cum florentissimum deum benignitate nunc Latium armis virisque

Samnitibus bello victis, Sidicinis Campanisque sociis, nunc etiam Volscis adiunctis videretis, colonias quoque vestras Latinum Romano praetulisse imperium. sed quoniam vos regno inpotenti finem ut inponatis non inducitis in animum, nos, quamquam armis possumus adserere Latium in libertatem, consanguinitati tamen hoc dabimus, ut condiciones pacis feramus aequas utrisque, quoniam vires quoque aequari diis immortalibus placuit. consulem alterum Roma, alterum ex Latio creari oportet, senatus partem aequam ex utraque gente esse, unum populum, unam rem publicam fieri; et ut imperii eadem sedes sit idemque omnibus nomen, quoniam ab altera utra parte concedi necesse est, quod utrisque bene vertat, sit haec sane patria potior et Romani omnes vocemur.' forte ita accidit, ut parem ferociae huius et Romani consulem T. Manlium haberent, qui adeo non tenuit iram, ut, si tanta dementia patres conscriptos cepisset, ut ab Setino homine leges acciperent, gladio cinctum in senatum venturum se esse palam diceret et quemcumque in curia Latinum vidisset sua manu interempturum. et conversus ad simulacrum Iovis: 'audi, Iuppiter, haec scelera,' inquit 'audite, Ius Fasque: peregrinos consules et peregrinum senatum in tuo, Iuppiter, augurato templo captus atque ipse oppressus visurus es? haecine foedera Tullus Romanus rex cum Albanis, patribus vestris, Latini, haec L. Tarquinius vobiscum postea fecit? non venit in mentem pugna apud Regillum lacum? adeo et cladium veterum vestrarum et beneficiorum nostrorum erga vos obliti estis?'

VI. Cum consulis vocem subsecuta patrum indignatio esset, proditur memoriae, adversus crebram inplorationem deum, quos testes foederum saepius invocabant consules, vocem Anni spernentis numina Iovis Romani auditam. certe cum commotus ira se a vestibulo templi citato gradu proriperet, lapsus per gradus capite graviter offenso impactus imo ita est saxo, ut sopiretur. exanimatum auctores quoniam non omnes sunt, mihi quoque in incerto relictum sit, sicut inter foederum ruptorum testationem ingenti fragore caeli procellam effusam; nam et vera esse et apte ad repraesentandam iram deum ficta possunt.

- 4 Torquatus missus ab senatu ad dimittendos legatos cum  
iacentem Annium vidisset, exclamat, ita ut populo patri-  
busque audita vox pariter sit: 'bene habet; dñi pium mo-  
5 vere bellum. est caeleste numen, es magne Iuppiter:  
haut frustra te patrem deum hominumque hac sede sacra-  
6 vimus. quid cessatis, Quirites vosque patres conscripti,  
arma capere deis ducibus? sic stratas legiones Latinorum  
7 dabo, quemadmodum legatum iacentem videtis,' ad-  
sensu populi excepta vox consulis tantum ardoris animis  
fecit, ut legatos proficiscentes cura magistratum magis,  
qui iussu consulis prosequerentur, quam ius gentium ab  
ira impetuque hominum tegeret.
- 8 Consensit et senatus bellum, consulesque duobus scrip-  
tis exercitibus per Marsos Paefignosque profecti adiuncto  
Samnitium exercitu ad Capuam, quo iam Latini sociique  
9 convenerant, castra locant. ibi in quiete utrique consuli  
eadem dicitur visa species viri maioris quam pro humano  
10 habitu augustiorisque, dicentis, ex una acie imperatorem,  
ex altera exercitum deis Manibus matrique Terrae deberi.  
utrius exercitus imperator legiones hostium superque eas  
11 se devovisset, eius populi partisque victoriam fore. hos  
ubi nocturnos visus inter se consules contulerunt, placuit  
averruncandae deum irae victimas caedi, simul ut, si  
extis eadem, quae somnio visa fuerant, portenderentur,  
12 alteruter consulum fata impleret. ubi responsa haru-  
spicum insidenti iam animo tacitae religioni congruerunt,  
tum adhibitis legatis tribunisque et imperiis deum pro-  
palam expositis, ne mors voluntaria consulis exercitum  
13 in acie terreret, comparant inter se, ut ab utra parte ce-  
dere Romanus exercitus coepisset, inde se consul devo-  
14 veret pro populo Romano Quiritibusque. agitatum etiam  
in consilio est, ut si quando umquam severo ullum im-  
perio bellum administratum esset, tunc uti disciplina mi-  
15 litaris ad priscos redigeretur mores. curam acuebat, quod  
adversus Latinos bellandum erat, lingua, moribus, armo-  
rum genere, institutis ante omnia militaribus congruentes:  
milites militibus, centurionibus centuriones, tribuni tribu-  
nis conpares collegaeque isdem praesidiis, saepe isdem  
16 manipulis permixti fuerant. per haec ne quo errore milites



caperentur, edicunt consules, ne quis extra ordinem in hostem pugnaret.

VII. Forte inter ceteros turmarum praefectos, qui 1 exploratum in omnes partes dimissi erant, T. Manlius consulis filius super castra hostium cum suis turmalibus evasit, ita ut vix teli iactu ab statione proxima abesset. ibi Tusculani erant equites; praeerat Geminus Maecius, 2 vir cum genere inter suos tum factis clarus. is ubi Romanos equites insignemque inter eos praecedentem consulis filium — nam omnes inter se utique inlustres viri noti erant — cognovit: ‘unane’ ait ‘turma, Romani, cum 4 Latinis sociisque bellum gesturi estis? quid interea consules, quid duo exercitus consulares agent?’ ‘aderunt in 5 tempore’ Manlius inquit ‘et cum illis aderit Iuppiter ipse, foederum a vobis violatorum testis, qui plus potest polletque. si ad Regillum lacum ad satietatem vestram 6 pugnavimus, hic quoque efficiemus profecto, ne nimis acies vobis et conlata signa nobiscum cordi sint.’ ad ea 7 Geminus paulum ab suis equo proventus: ‘visne igitur, dum dies ista venit, qua magno conatu exercitus moveatis, interea tu ipse congredi mecum, ut nostro duorum iam hinc eventu cernatur, quantum eques Latinus Romano praestet?’ movet ferocem animum iuvenis seu ira 8 seu detractandi certaminis pudor seu inexsuperabilis vis fati. oblitus itaque imperii patrii consulumque edicti praecipue ad id certamen agitur, quo vinceret an vinceretur haud multum interesset. equitibus ceteris velut ad spec- 9 taculum summotis spatio, quod vacui interiacebat campi, adversos concitant equos, et cum infestis cuspidibus concurrissent, Manlii cuspis super galeam hostis, Maecii trans cervicem equi elapsa est. circumactis deinde equis 10 cum prior ad iterandum ictum Manlius consurrexisset, spiculum inter aures equi fixit. ad cuius vulneris sensum cum equus prioribus pedibus erectis magna vi caput quateret, excussit equitem, quem cuspide parmaque in- 11 nixum attollentem se ab gravi casu Manlius ab iugulo, ita ut per costas ferrum emineret, terrae adfixit. spoliis- 12 que lectis ad suos revector cum ovante gaudio turma in castra atque inde ad praetorium ad patrem tendit, ignarus

13 facti futurique, laus an poena merita esset. 'ut me om-  
nes,' inquit 'pater, tuo sanguine ortum vere ferrent, pro-  
vocatus equestria haec spolia capta ex hoste caeso porto.'  
14 quod ubi audivit consul, extemplo filium aversatus con-  
15 tionem classico advocari iussit. quae ubi frequens con-  
venit: 'quandoque' inquit 'tu, T. Manli, neque imperium  
consulare neque maiestatem patriam veritus adversus edic-  
16 tum nostrum extra ordinem in hostem pugnasti et, quan-  
tum in te fuit, disciplinam militarem, qua stetit ad hanc  
diem Romana res, solvisti meque in eam necessitatem  
adduxisti, ut aut rei publicae mihi aut mei meorumque  
17 obliviscendum sit, nos potius nostro delicto plectemur,  
quam res publica tanto suo damno nostra peccata luat.  
triste exemplum, sed in posterum salubre iuventuti eri-  
18 mus. me quidem cum ingenita caritas liberum tum spe-  
cimen istud virtutis deceptum vana imagine decoris in te  
19 movet: sed cum aut morte tua sancienda sint consulum  
imperia aut impunitate in perpetuum abroganda, nec te  
quidem, si quid in te nostri sanguinis est, recusare cen-  
seam, quin disciplinam militarem culpa tua prolapsam  
20 poena restituas. i, lictor, deliga ad palum.' exanimati  
omnes tam atroci imperio, nec aliter quam in se quisque  
destrictam cernentes securem, metu magis quam modestia  
21 quievere. itaque velut emerso ab admiratione animo, cum  
silentio defixi stetissent, repente, postquam cervice caesa  
fusus est cruor, tum libero conquestu coortae voces sunt,  
22 ut neque lamentis neque execrationibus parceretur, spo-  
liisque contectum iuvenis corpus, quantum militaribus  
studiis funus ullum concelebrari potest, structo extra  
vallum rogo cremaretur, Manlianaque imperia non in  
praesentia modo horrenda, sed exempli etiam tristic in  
posterum essent.

1 VIII. Fecit tamen atrocitas poenae oboedientio-  
rem duci militem, et praeterquam quod custodiae vigiliaeque  
et ordo stationum intentioris ubique curae erant, in ultimo  
etiam certamine, cum descensum in aciem est, ea severi-  
2 tas profuit. fuit autem civili maxime bello pugna similis:  
adeo nihil apud Latinos dissonum ab Romana re praeter  
animos erat.

Clipeis antea Romani usi sunt, dein, postquam sti- 3  
pendiarii facti sunt, scuta pro clipeis fecere. et quod  
antea phalanges similes Macedonicis, hoc postea mani-  
pulatim structa acies coepit esse: postremo in plures or- 4  
dines instruebantur. ordo sexagenos milites, duos cen-  
turiones, vexillarium unum habebat. prima acies hastati 5  
erant, manipuli quindecim, distantes inter se modicum  
spatium. manipulus levis vicos milites, aliam turbam  
scutatorum habebat; leves autem qui hastam tantum gae-  
saeque gererent vocabantur. haec prima frons in acie flo- 6  
rem iuvenum pubescentium ad militiam habebat. robustior  
inde aetas totidem manipulorum, quibus principibus est  
nomen, hos sequebantur, scutati omnes, insignibus maxime  
armis. hoc triginta manipulorum agmen antepilanos appel- 7  
labant, quia sub signis iam alii quindecim ordines loca-  
bantur, ex quibus ordo unusquisque tres partes habebat  
— earum unamquamque primam pilum vocabant — (tri- 8  
bus ex vexillis constabat. vexillum centum octoginta sex  
homines erant). primum vexillum triarios ducebat, vete-  
ranum militem spectatae virtutis, secundum rorarios, mi-  
nus roboris aetate factisque, tertium accensos, minimae  
fiduciae manum: eo et in postremam aciem reiciebantur.  
ubi his ordinibus exercitus instructus esset, hastati omnium 9  
primi pugnam inibant. si hastati profligare hostem non  
possent, pede presso eos retro cedentes in intervalla ordi-  
num principes recipiebant. tum principum pugna erat;  
hastati sequebantur. triarii sub vexillis considebant sinistro 10  
crure porrecto, scuta innixa umeris, hastas suberecta cu-  
spide in terra fixas, haud secus quam vallo saepta inhor-  
reret acies, tenentes. si apud principes quoque haud satis 11  
prospere esset pugnatum, a prima acie ad triarios sensim  
referebantur. inde rem ad triarios redisse, cum laboratur,  
proverbio increbuit. triarii consurgentes, ubi in intervalla 12  
ordinum suorum principes et hastatos recepissent, extemplo  
compressis ordinibus velut claudebant vias unoque conti- 13  
nenti agmine, iam nulla spe post relicta, in hostem in-  
cidebant: id erat formidolosissimum hosti, cum velut victos  
insecuti novam repente aciem exurgentem auctam numero  
cernebant. scribebantur autem quattuor fere legiones quin- 14

milibus peditum, equitibus in singulas legiones trecenis. alterum tantum ex Latino dilectu adiciebatur, qui ea tempestate hostes erant Romanis, eodemque ordine in-  
 15 struxerant aciem. nec vexilla cum vexillis tantum, uni-  
 versi hastati cum hastatis, principes cum principibus, sed  
 centurio quoque cum centurione, si ordines turbati non  
 16 essent, concurrendum sibi esse sciebat. duo primi pili ex  
 utraque acie inter triarios erant, Romanus corpore haud-  
 quaquam satis validus, ceterum strenuus vir peritusque  
 17 militiae, Latinus viribus ingens bellatorque primus, notis-  
 18 simi inter se, quia pares semper ordines duxerant. Ro-  
 mano haut satis fidenti viribus iam Romae permissum  
 erat ab consulibus, ut subcenturionem sibi quem vellet  
 legeret, qui tutaretur eum ab uno destinato hoste. isque  
 iuvenis in acie oblatus ex centurione Latino victoriam  
 19 tulit. pugnatum est haud procul radicibus Vesuvii mon-  
 tis, qua via ad Vesperim ferebat.

1 VIII. Romani consules priusquam educerent in aciem  
 immolaverunt. Decio caput iocineris a familiari parte  
 caesum haruspex dicitur ostendisse: alioqui acceptam dis  
 hostiam esse, Manlium egregie litasse. 'atqui bene habet,'  
 2 inquit Decius 'si ab collega litatum est.' instructis, sicut  
 ante dictum est, ordinibus processere in aciem. Manlius  
 3 dextro, Decius laevo cornu praeerat. primo utrimque ae-  
 quis viribus, eodem ardore animorum gerebantur res;  
 deinde ab laevo cornu hastati Romani, non ferentes in-  
 4 pressionem Latinorum, se ad principes recepere. in hac  
 trepidatione Decius consul M. Valerium magna voce in-  
 clamat: 'deorum' inquit 'ope, Valeri, opus est: agedum,  
 pontifex publicus populi Romani, praei verba, quibus me  
 5 pro legionibus devoveam.' pontifex eum togam praetex-  
 tam sumere iussit et velato capite, manu subter togam ad  
 mentum exserta super telum subiectum pedibus stantem  
 6 sic dicere: 'Iane, Iuppiter, Mars pater, Quirine, Bellona,  
 Lares, divi Novensiles, di Indigetes, divi quorum est po-  
 testas nostrorum hostiumque, diique manes, vos precor,  
 7 veneror, veniam peto feroque, uti populo Romano Quiri-  
 tium vim, victoriam prosperetis hostesque populi Romani  
 8 Quiritium terrore, formidine morteque adficiatis. sicut

verbis nuncupavi, ita pro re publica Quiritium, exercitu, legionibus, auxiliis populi Romani Quiritium legiones auxiliaque hostium mecum deis Manibus Tellurique devoveo.' haec ita precatus lictores ire ad T. Manlium 9 iubet matureque collegae se devotum pro exercitu nuntiare. ipse incinctus cinctu Gabino armatus in equum insilivit ac se in medios hostes inmisit. conspectus ab 10 utraque acie, aliquanto augustior humano visus, sicut caelo missus piaculum omnis deorum irae, qui pestem ab suis aversam in hostes ferret: ita omnis terror pavorque 11 cum illo latus signa primo Latinorum turbavit, deinde in 12 totam penitus aciem pervasit. evidentissimum id fuit, quod quacumque equo invectus est, ibi haud secus quam pestifero sidere icti pavebant: ubi vero corruit obrutus telis, inde iam haut dubie consternatae cohortes Latinorum fugam ac vastitatem late fecerunt. simul et Romani ex- 13 solutis religione animis, velut tum primum signo dato coorti, pugnam integram ediderunt. nam et rorarii pro- 14 currebant inter antepilanos addebantque vires hastatis ac principibus, et triarii genu dextro innixi nutum consulis ad consurgendum expectabant.

X. Procedente deinde certamine cum aliis partibus 1 multitudo superaret Latinorum, Manlius consul audito eventu collegae cum, ut ius fasque erat, lacrumis non minus quam laudibus debitis prosecutus tam memorabilem mortem esset, paulisper addubitavit, an consurgendi iam 2 triariis tempus esset; deinde melius ratus, integros eos ad ultimum discrimen servari, accensos ab novissima acie ante signa procedere iubet. qui ubi subiere, extemplo 3 Latini, tamquam idem adversarii fecissent, triarios suos excitaverunt; qui aliquamdiu pugna atroci cum et semet ipsi fatigassent et hastas aut praefregissent aut hebetassent, pellerent vi tamen hostem, debellatum iam rati per- ventumque ad extremam aciem, tum consul triariis: 'con- 4 surgite nunc' inquit 'integri adversus fessos, memores patriae parentumque et coniugum ac liberorum, memores consulis pro vestra victoria morte occubantis.' ubi triarii 5 consurrexerunt integri, refulgentibus armis, nova ex improviso exorta acies, receptis in intervalla ordinum ante-

pilanis, clamore sublato principia Latinorum perturbant,  
6 hastisque ora fodientes primo robore virorum caeso per  
alios manipulos velut inermes prope intacti evasere tanta-  
que caede perrupere cuneos, ut vix quartam partem re-  
7 linquerent hostium. Samnites quoque sub radicibus mon-  
tis procul instructi praebuere terrorem Latinis. ceterum  
inter omnes cives sociosque praecipua laus eius belli  
penes consules fuit, quorum alter omnis minas pericula-  
8 que ab deis superis inferisque in se unum vertit, alter ea  
virtute eoque consilio in proelio fuit, ut facile convenerit  
inter Romanos Latinosque, qui eius pugnae memoriam  
posteris tradiderunt, utrius partis T. Manlius dux fuisset,  
9 eius futuram haud dubie fuisse victoriam. Latini ex fuga  
se Menturnas contulerunt. castra secundum proelium capta  
multique mortales ibi vivi oppressi, maxime Campani.  
10 Decii corpus ne eo die inveniretur, nox quaerentes op-  
pressit; postero die inventum inter maximam hostium  
stragem coopertum telis, funusque ei par morti celebrante  
11 collega factum est. illud adiciendum videtur, licere con-  
suli dictatorique et praetori, cum legiones hostium devo-  
veat, non utique se, sed quem velit ex legione Romana  
12 scripta civem devovere. si is homo, qui devotus est,  
moritur, probe factum videri; ni moritur, tum signum  
septem pedes altum aut maius in terram defodi et piacu-  
culum hostia caedi; ubi illud signum defossum erit, eo  
13 magistratum Romanum escendere fas non esse. sin autem  
sese devovere volet, sicuti Decius devovit, ni moritur, ne-  
que suum neque publicum divinum pure faciet qui sese  
devoverit. Vulcano arma sive cui alii divo vovere volet  
14 sive hostia sive quo alio volet ius est. telo, super quod  
stans consul precatus est, hostem potiri fas non est; si  
potiatur, Marti suovetaurilibus piaculum fieri.

1 XI. Haec, etsi omnis divini humanique moris me-  
moriam abolevit nova peregrinaque omnia priscis ac patriis  
praeferendo, haud ab re duxi verbis quoque ipsis ut tra-  
dita nuncupataque sunt referre.

2 Romanis post proelium demum factum Samnites ve-  
nisse subsidio exspectato eventu pugnae, apud quosdam  
3 auctores invenio. Latinis quoque ab Lavinio auxilium,

dum deliberando terunt tempus, victis demum ferri coep-  
tum. et cum iam portis prima signa et pars agminis esset 4  
egressa, nuntio adlato de clade Latinorum cum conversis  
signis retro in urbem rediretur, praetorem eorum nomine  
Milionium dixisse ferunt, pro paulula via magnam mer-  
cedem esse Romanis solvendam. qui Latinorum pugnae 5  
superfuerant multis itineribus dissipati cum se in unum  
conglobassent, Vescia urbs eis receptaculum fuit. ibi in 6  
conciliis Numisius imperator eorum adfirmando, commu-  
nem vere Martem belli utramque aciem pari caede pro-  
stravisse victoriaeque nomen tantum penes Romanos esse,  
ceteram pro victis fortunam et illos gerere; funesta duo 7  
consulum praetoria, alterum parricidio filii, alterum con-  
sulis devoti caede; trucidatum exercitum omnem, caesos  
hastatosque principesque, stragem et ante signa et post  
signa factam, triarios postremo rem restituisse: Latinorum 8  
etsi pariter adcisae copiae sint, tamen supplemento vel  
Latium propius esse vel Volscos quam Romam: — ita- 9  
que, si videatur eis, se ex Latinis et ex Volscis populis  
iuventute propere excita rediturum infesto exercitu Ca-  
puam esse Romanosque nihil tum minus quam proelium  
expectantes necopinato adventu perculsurum. fallacibus 10  
litteris circa Latium nomenque Volscum missis, quia qui  
non interfuerant pugnae ad credendum temere faciliores  
erant, tumultuarius undique exercitus raptim conscriptus  
convenit. huic agmini Torquatus consul ad Trifanum — 11  
inter Sinuessam Menturnasque is locus est — occurrit.  
priusquam castris locus caperetur, sarcinis utrimque in  
acervum coniectis pugnatum debellatumque est: adeo enim 12  
accisae res sunt, ut consuli victorem exercitum ad depo-  
pulandos agros eorum ducenti dederent se omnes Latini  
deditionemque eam Campani sequerentur. Latium Ca- 13  
puaque agro multati, Latinus ager Privernati addito agro  
et Falernus, qui populi Campani fuerat, usque ad Vultur-  
num flumen plebi Romanae dividitur. bina in Latino 14  
iugera, ita ut dodrantem ex Privernati conplerent, data,  
terna in Falerno, quadrantibus etiam pro longinquitate  
adiectis. extra poenam fuere Latinorum Laurentes Cam- 15  
panorumque equites, quia non desciverant. cum Lauren-



tibus renovari foedus iussum, renovaturque ex eo quotan-  
 16 nis post diem decimum Latinarum. equitibus Campa-  
 nis civitas Romana data, monumentoque ut esset aeneam  
 tabulam in aede Castoris Romae fixerunt. vectigal quoque  
 eis Campanus populus iussus pendere in singulos quotan-  
 nis — fuere autem mille et sescenti — denarios nummos  
 quadringenos quinquagenos.

- 1 XII. Ita bello gesto, praemiis poenaeque pro cuiusque  
 merito persolutis, T. Manlius Romam rediit. cui venienti  
 seniores tantum obviam exisse constat, iuventutem et tunc  
 et omni vita deinde aversatam eum execratamque.
- 2 Antiates in agrum Ostiensem, Ardeatem, Solonium  
 incursiones fecerunt. Manlius consul, quia ipse per vale-  
 tudinem id bellum exequi nequierat, dictatorem L. Papi-  
 3 rium Crassum, qui tum forte erat praetor, dixit; ab eo  
 magister equitum L. Papirius Cursor dictus. nihil me-  
 morabile adversus Antiates ab dictatore gestum est, cum  
 aliquot menses stativa in agro Antiati habuisset.
- 4 Anno insigni victoria de tot ac tam potentibus populis,  
 ad hoc consulum alterius nobili morte, alterius sicut truci,  
 ita claro ad memoriam imperio, successere consules Titus  
 5 Aemilius Mamercinus, [Q.] Publilius Philo, neque in simi-  
 lem materiam rerum et ipsi aut suarum rerum aut partium  
 in re publica magis quam patriae memores. Latinos ob  
 iram agri amissi rebellantes in campis Feneclanis fuderunt  
 6 castrisque exuerunt. ibi Publilio, cuius ductu auspicioque  
 res gestae erant, in deditionem accipiente Latinos populos,  
 quorum ibi iuventus caesa erat, Aemilius ad Pedum exer-  
 7 citum duxit. Pedanos tuebatur Tiburs, Praenestinus Ve-  
 liternusque populus, venerant et ab Lanuvio Antioque  
 8 auxilia. ubi cum proeliis quidem superior Romanus esset,  
 ad urbem ipsam Pedum castraque sociorum populorum,  
 9 quae urbi adiuncta erant, integer labor restaret, bello in-  
 fecto repente omisso consul, quia collegae decretum  
 triumphum audivit, ipse quoque triumphi ante victoriam  
 10 flagitator Romam rediit. qua cupiditate offensis patribus  
 negantibusque nisi Pedito capto aut dedito triumphum,  
 hinc alienatus ab senatu Aemilius seditiosis tribunatibus  
 11 similem deinde consulatum gessit. nam neque, quoad

fuit consul, criminari apud populum patres destitit collega  
 haudquaquam adversante, quia et ipse de plebe erat —  
 materiam autem praebebat criminibus ager in Latino Fa- 12  
 lernoque agro maligne plebei divisus — et, postquam  
 senatus finire imperium consulibus cupiens dictatorem  
 adversus rebellantes Latinos dici iussit, Aemilius, cuius 13  
 tum fasces erant, collegam dictatorem dixit; ab eo ma-  
 gister equitum Iunius Brutus dictus.

Dictatura popularis et orationibus in patres criminosus 14  
 fuit et quod tres leges secundissimas plebei adversas no-  
 bilitati tulit: unam, ut plebi scita omnes Quirites tenerent;  
 alteram, ut legum, quae comitiis centuriatis ferrentur, ante 15  
 initum suffragium patres auctores fierent; tertiam, ut alter 16  
 utique ex plebe, cum eo ventum sit, ut utrumque plebeium  
 fieri liceret, censor crearetur. plus eo anno domi accep- 17  
 tum cladis ab consulibus ac dictatore quam ex victoria  
 eorum bellicisque rebus foris auctum imperium patres  
 credebant.

XIII. Anno insequenti, L. Furio Camillo, C. Maenio 1  
 consulibus, quo insignitius omissa res Aemilio superioris  
 anni consuli exprobraretur, Pedum armis virisque et omni  
 vi expugnandum ac delendum senatus fremit, coactique  
 novi consules omnibus eam rem praeverti proficiscuntur.  
 iam Latio is status erat rerum, ut neque bellum neque 2  
 pacem pati possent. ad bellum opes deerant, pacem ob  
 agri adempti dolorem aspernabantur. mediis consiliis stan- 3  
 dum videbatur, ut oppidis se tenerent, ne laccessitus Ro-  
 manus causam belli haberet et, si cuius oppidi obsidio  
 nuntiata esset, undique ex omnibus populis auxilium ob-  
 sessis ferretur. neque tamen nisi admodum a paucis 4  
 populis Pedani adiuti sunt. Tiburtes Praenestinique, quo-  
 rum ager propior erat, Pedum pervenere; Aricinos Lanu- 5  
 vinosque et Veliternos Antiatibus Volscis se coniungentes  
 ad Asturae flumen Maenius improviso adortus fudit. Ca- 6  
 millus ad Pedum cum Tiburtibus maxime valido exercitu  
 maiore mole, quamquam aequo prospero eventu pugnat.  
 tumultum maxime repentina inter proelium eruptio oppi- 7  
 danorum fecit, in quos parte exercitus conversa Camillus  
 non compulit solum eos intra moenia, sed eodem etiam

die, cum ipsos auxiliaque eorum perculisset, oppidum  
8 scalis cepit. placuit inde iam maiore conatu animoque  
ab unius expugnatione urbis ad perdomandum Latium  
victorem circumducere exercitum. nec quievire ante quam  
expugnando aut in deditionem accipiendo singulas urbes  
9 Latium omne subiecere. praesidiis inde dispositis per  
recepta oppida Romam ad destinatum omnium consensu  
triumphum secessere. additus triumpho honos, ut statuae  
10 equestres eis, rara illa aetate res, in foro ponerentur. prius-  
quam comitiis in insequentem annum consules rogarent,  
Camillus de Latinis populis ad senatum rettulit atque ita  
11 disseruit: 'patres conscripti, quod bello armisque in Latio  
agendum fuit, id iam deum benignitate ac virtute militum  
12 ad finem venit. caesi ad Pedum Asturamque sunt exer-  
citus hostium, oppida Latina omnia et Antium ex Volscis  
aut vi capta aut recepta in deditionem praesidiis tenentur  
13 vestris. reliqua consultatio est, quoniam rebellando sae-  
pius nos sollicitant, quonam modo perpetua pace quietos  
14 obtineamus. di immortales ita vos potentes huius consilii  
fecerunt, ut, sit Latium deinde an non sit, in vestra manu  
posuerint. itaque pacem vobis, quod ad Latinos attinet,  
parare in perpetuum vel saeviendo vel ignoscendo potestis.  
15 vultis crudeliter consulere in deditos victosque: licet de-  
lere omne Latium, vastas inde solitudines facere, unde  
sociali egregio exercitu per multa bella magnaque saepe  
16 usi estis; vultis exemplo maiorum augere rem Romanam  
victos in civitatem accipiendo: materia crescendi per  
summam gloriam suppeditat. certe id firmissimum longe  
17 imperium est, quo oboedientes gaudent. sed maturato  
opus est, quidquid statuere placet. tot populos inter spem  
metumque suspensos animi habetis, et vestram itaque de  
eis curam quam primum absolvi et illorum animos, dum  
expectatione stupent, seu poena seu beneficio praeoccu-  
18 pari oportet. nostrum fuit efficere, ut omnium rerum  
vobis ad consulendum potestas esset, vestrum est decer-  
nere quod optimum vobis rei publicae sit.'

1 XIII. Principes senatus relationem consulis de summa  
rerum laudare, sed, cum aliorum causa alia esset, ita ex-  
pediri posse consilium dicere, ut pro merito cuiusque

statueretur, si de singulis nominatim referrent populis. relatum igitur de singulis decretumque. Lanuvinis civi- 2  
tas data sacraque sua reddita cum eo, ut aedes lucusque Sospitae Iunonis communis Lanuvinis municipibus cum populo Romano esset. Aricini Nomentanique et Pedani 3  
eodem iure quo Lanuvini in civitatem accepti. Tusculan- 4  
is servata civitas quam habebant, crimenque rebellionis a publica fraude in paucos auctores versum. in Veliter- 5  
nos, veteres cives Romanos, quod totiens rebellassent, graviter saevitum: et muri deiecti et senatus inde abductus iussique trans Tiberim habitare, ut eius, qui cis Tiberim 6  
deprehensus esset, usque ad mille pondo clarigatio esset nec prius quam aere persoluto is qui cepisset extra vincula captum haberet. in agrum senatorum coloni missi, quibus 7  
adscriptis speciem antiquae frequentiae Velitrae receperunt. et Antium nova colonia missa cum eo, ut Antiatibus per- 8  
mitteretur, si et ipsi adscribi coloni vellent; naves inde longae abactae, interdictumque mari Antiati populo est et civitas data. Tiburtes Praenestinique agro multati neque 9  
ob recens tantum rebellionis commune cum aliis Latinis crimen, sed quod taedio imperii Romani cum Gallis, gente efferata, arma quondam consociassent. ceteris Latinis po- 10  
pulis conubia commerciaque et concilia inter se ademerunt. Campanis, equitum honoris causa, quia cum Latinis rebellare nolissent, Fundanisque et Formianis, quod per finis eorum tuta pacataque semper fuisset via, civitas sine suffragio data. Cumanos Suessulanosque eiusdem iuris 11  
condicionisque, cuius Capuam, esse placuit. naves An- 12  
tiatium partim in navalia Romae subductae partim incensae, rostrisque earum suggestum in foro exstructum adornari placuit, rostraque id templum appellatum.

XV. C. Sulpicio Longo, P. Aelio Paeto consulibus 1  
cum omnia non opes magis Romanae quam beneficiis parta gratia bona pace obtineret, inter Sidicinos Auruncosque bellum ortum. Aurunci T. Manlio consule in deditionem 2  
accepti nihil inde moverant: eo petendi auxilii ab Romanis causa iustior fuit. sed priusquam consules ab urbe 3  
— iusserat enim senatus defendi Auruncos — exercitum educerent, fama adfertur, Auruncos metu oppidum dese- 4

ruisse profugosque cum coniugibus ac liberis Suessam communisse, quae nunc Aurunca appellata, moenia anti-  
5 qua eorum urbemque ab Sidicinis deletam. ob ea infensus consulibus senatus, quorum cunctatione profiti socii essent, dictatorem dici iussit. dictus C. Claudius Regillensis ma-  
6 gistrum equitum C. Claudium Hortatorem dixit. religio inde iniecta de dictatore, et cum augures vitio creatum videri dixissent, dictator magisterque equitum se magistratu abdicarunt.

7     Eo anno Minucia Vestalis suspecta primo propter  
8 mundio rem iusto cultum, insimulata deinde apud pontifices ab indice servo, cum decreto eorum iussa esset sacris abstinere familiamque in potestate habere, facto iudicio viva sub terram ad portam Collinam dextra viam stratam defossa scelerato campo. credo ab incesto id ei loco nomen factum.

9     Eodem anno Q. Publilius Philo praetor primum de plebe adversante Sulpicio consule, qui negabat rationem eius se habiturum, est factus senatu, cum in summis imperiis id non obtinuisset, minus in praetura intendente.

1     XVI. Insequens annus, L. Papirio Crasso, Caesone Duillio consulibus, Ausonum magis novo quam magno  
2 bello fuit insignis. ea gens Cales urbem incolebat. Sidicinis finitimis arma coniunxerat, unoque proelio haud sane memorabili duorum populorum exercitus fusus propinquitate urbium et ad fugam pronior et in fuga ipsa  
3 tutior fuit. nec tamen omissa eius belli cura patribus, quia totiens iam Sidicini aut ipsi moverant bellum aut moventibus auxilium tulerant aut causa armorum fuerant.  
4 itaque omni ope adnisi sunt, ut maximum ea tempestate imperatorem M. Valerium Corvum consulem quartum facerent. collega additus Corvo M. Atilius Regulus. et ne forte casu erraretur, petitum ab consulibus, ut extra sortem Corvi ea provincia esset. exercitu victore a superioribus consulibus accepto ad Cales, unde bellum ortum erat, profectus cum hostes ab superioris etiam certaminis memoria pavidos clamore atque impetu primo fudisset,  
5  
6  
7 moenia ipsa oppugnare est adgressus. et militum quidem is erat ardor, ut iam inde cum scalis succedere ad muros

vellent evasurosque contenderent. Corvus, quia id ar- 8  
 duum factu erat, labore militum potius quam periculo  
 peragere inceptum voluit. itaque aggerem et vineas egit  
 turresque muro admovit, quarum usum forte oblata oportu-  
 nitas praevertit. namque M. Fabius, captivus Romanus, 9  
 cum per negligentiam custodum festo die vinculis ruptis  
 per murum inter opera Romanorum religata ad pinnam  
 muri recte suspensus manibus se demisisset, perpulit im- 10  
 peratorem, ut vino epulisque sopitos hostes adgrederetur.  
 nec maiore certamine capti cum urbe Ausones sunt quam  
 acie fusi erant. praeda capta ingens est praesidioque in-  
 posito Calibus reductae Romam legiones. consul ex sena- 11  
 tus consulto triumphavit et, ne Atilius expers gloriae esset,  
 iussi ambo consules adversus Sidicinos ducere exercitum.  
 dictatorem ante ex senatus consulto comitiorum causa 12  
 dixerunt L. Aemilium Mamercinum; is magistrum equi-  
 tum Q. Publilium Philonem dixit.

Dictatore comitia habente consules creati sunt T. Ve-  
 turius, Sp. Postumius. etsi belli pars cum Sidicinis re- 13  
 stabat, tamen, ut beneficio praevenirent desiderium plebis,  
 de colonia deducenda Cales rettulerunt factoque senatus 14  
 consulto, ut duo milia quingenti homines eo scriberentur,  
 triumviros coloniae deducendae agroque dividendo crea-  
 verunt Caesonem Duillium, T. Quinctium, M. Fabium.

XVII. Novi deinde consules a veteribus exercitu ac- 1  
 cepto ingressi hostium fines populando usque ad moenia  
 atque urbem pervenerunt. ibi quia ingenti exercitu con- 2  
 parando Sidicini et ipsi pro extrema spe dimicaturi enixe  
 videbantur et Samnium fama erat conciri ad bellum, dic- 3  
 tator ab consulibus ex auctoritate senatus dictus P. Cor-  
 nelius Rufinus, magister equitum M. Antonius. religio 4  
 deinde incessit, vitio eos creatos, magistratuque se abdi-  
 caverunt et, quia pestilentia insecuta est, velut omnibus  
 eo vitio contactis auspiciis, res ad interregnum rediit.

Ab interregno inito per quintum demum interregem 5  
 M. Valerium Corvum creati consules A. Cornelius iterum  
 et Cn. Domitius. tranquillis rebus fama Gallici belli pro 6  
 tumultu valuit, ut et dictatorem dici placeret. dictus M.  
 Papirius Crassus et magister equitum P. Valerius Publi-

7 cola. a quibus cum dilectus intentius quam adversus  
finitima bella haberetur, exploratores missi attulerunt,  
8 quieta omnia apud Gallos esse. Samnium quoque iam  
alterum annum turbari novis consiliis suspectum erat: eo  
9 ex agro Sidicino exercitus Romanus non deductus. cete-  
rum Samnites bellum Alexandri Epirensis in Lucanos  
traxit, qui duo populi adversus regem escensionem a  
10 Paesto facientem signis conlatis pugnaverunt. eo certa-  
mine superior Alexander, incertum, qua fide culturus, si  
perinde cetera processissent, pacem cum Romanis.

11 Eodem anno census actus novique cives censi, tribus  
propter eos additae Maecia et Scaptia. censores addide-  
12 runt Q. Publilius Philo, Sp. Postumius. Romani facti  
Acerrani lege ab L. Papirio praetore lata, qua civitas  
sine suffragio data. haec eo anno domi militiaeque gesta.

1 XVIII. Foedus insequens annus seu intemperie caeli  
seu humana fraude fuit, M. Claudio Marcello, T. Valerio  
2 consulibus. Flaccum Potitumque varie in annalibus cog-  
nomen consulis invenio: ceterum in eo parvi refert quid  
veri sit. illud pervelim — nec omnes auctores sunt —  
proditum falso esse, venenis absumptos, quorum mors  
3 infamem annum pestilentia fecerit: sicut proditur tamen  
res, ne cui auctorum fidem abrogaverim, exponenda est.  
4 cum primores civitatis similibus morbis eodemque ferme  
omnes eventu morerentur, ancilla quaedam ad Q. Fabium  
Maximum aedilem curulem indicaturam se causam publi-  
cae pestis professsa est, si ab eo fides sibi data esset,  
5 haud futurum noxiae indicium. Fabius confestim rem ad  
consules, consules ad senatum referunt; consensuque or-  
6 dinis fides indici data. tum patefactum, muliebri fraude  
civitatem premi matronasque ea venena coquere et, si  
7 sequi extemplo velint, manifesto deprehendi posse. secuti  
indicem et coquentis quasdam medicamenta et recondita  
8 letalia invenerunt. quibus in forum delatis et ad viginti  
matronis, apud quas deprehensa erant, per viatorem ac-  
citis, duae ex eis Cornelia ac Sergia, patriciae utraque  
gentis, cum ea medicamenta salubria esse contenderent,  
ab confutante indice bibere iussae, ut se falsum com-  
9 mentam arguerent, spatio ad colloquendum sumpto cum



summoto populo in conspectum omnium rem ad ceteras rettulissent, haud abnuentibus et illis bibere, epoto medicamento suamet ipsae fraude omnes interierunt. comprehensae extemplo earum comites magnum numerum matronarum indicaverunt. ex quibus ad centum septuaginta damnatae. neque de veneficiis ante eam diem Romae quaesitum est. prodigii ea res loco habita captisque magis mentibus quam consceleratis similis visa. itaque memoria ex annalibus repetita, in secessionibus quondam plebis clavum ab dictatore fixum alienatasque discordia mentes hominum eo piaculo compotes sui fecisse, dictatorem clavi figendi causa creari placuit. creatus Cn. Quinctilius magistrum equitum L. Valerium dixit, qui fixo clavo magistratu se abdicaverunt.

XVIII. Creati consules L. Papirius Crassus iterum, L. Plautius Venox. cuius principio anni legati ex Volscis Fabraterni et Lucani Romam venerunt orantes, ut in fidem reciperentur: si a Samnitium armis defensi essent, se sub imperio populi Romani fideliter atque oboedienter futuros. missi tum ab senatu legati denuntiaturumque Samnitibus, ut eorum populorum finibus vim abstinerent: valuitque ea legatio, non tam quia pacem volebant Samnites quam quia nondum parati erant ad bellum.

Eodem anno Privernas bellum initum, cuius socii Fundani, dux etiam fuit Fundanus Vitruvius Vaccus, vir non domi solum, sed etiam Romae clarus. aedes fuere in Palatio eius, quae Vacci prata diruto aedificio publicatoque solo appellata. adversus hunc vastantem effuse Setinum Norbanumque et Coranum agrum L. Papirius profectus, haud procul castris eius consedit. Vitruvio nec ut vallo se teneret adversus validiorem hostem sana constare mens nec ut longius a castris dimicaret animus subpetere. vix tota extra portam castrorum explicata acie, fugam magis retro quam proelium aut hostem spectante milite, sine consilio, sine audacia depugnat. ut et levi momento nec ambigue est victus, ita brevitate ipsa loci facilique receptu in tam propinqua castra haud aegre militem a multa caede est tutatus; nec fere quisquam in ipso certamine, pauci in turba fugae extremae cum in castra

ruerent caesi, primisque tenebris Privernum inde petatum  
 agmine trepido, ut muris potius quam vallo sese tutaren-  
 tur. a Priverno Plautius alter consul pervastatis passim  
 agris praedaeque abacta in agrum Fundanum exercitum  
 10 inducit. ingredienti fines senatus Fundanorum occurrit:  
 negant, se pro Vitruvio sectamque eius secutis precatum  
 venisse, sed pro Fundano populo, quem extra culpam  
 belli esse ipsum Vitruvium iudicasse, cum receptaculum  
 11 fugae Privernum habuerit, non patriam. Priverni igitur  
 hostes populi Romani quaerendos persequendosque esse,  
 qui simul a Fundanis ac Romanis utriusque patriae in-  
 memores defecerint. Fundanis pacem esse et animos Ro-  
 12 manos et gratam memoriam acceptae civitatis. orare se  
 consulem, ut bellum ab innoxio populo abstineat: agros,  
 urbem, corpora ipsorum coniugumque ac liberorum suo-  
 13 rum in potestate populi Romani esse futuraque. conlau-  
 datis Fundanis consul litterisque Romam missis, in officio  
 Fundanos esse, ad Privernum flexit iter. prius animad-  
 versum in eos, qui capita coniurationis fuerant, a consule  
 14 scribit Claudius; ad trecentos quinquaginta ex coniuratis  
 vinctos Romam missos eamque deditionem ab senatu non  
 acceptam, quod egentium atque humilium poena defungi  
 velle Fundanum censuerint.

1 XX. Privernum duobus consularibus exercitibus cum  
 obsideretur, alter consul comitiorum causa Romam revo-  
 2 catus. carceres eo anno in circo primum statuti. nondum  
 perfunctos cura Privernatis belli tumultus Gallici fama  
 3 atrox invasit haut ferme umquam neglecta patribus. ex-  
 templo igitur consules novi L. Aemilius Mamercinus et  
 C. Plautius eo ipso die, Kal. Quinctilibus, quo magistra-  
 tum inierunt, comparare inter se provincias iussi, Mamer-  
 cinus, cui Gallicum bellum evenerat, scribere exercitum  
 4 sine ulla vacationis venia. quin opificum quoque vulgus  
 et sellularii, minime militiae idoneum genus, exciti dicun-  
 tur Veiosque ingens exercitus contractus, ut inde obviam  
 5 Gallis iretur. longius discedi, ne alio itinere hostis falle-  
 ret ad urbem incedens, non placuit. paucos deinde post  
 dies satis explorata temporis eius quiete a Gallis Priver-  
 6 num omnis conversa vis. duplex inde fama est: alii vi

captam urbem Vitruviumque vivum in potestatem venisse, alii, priusquam ultima adhiberetur vis, ipsos se in ditionem consulis caduceum praeferentes permisisse auctores sunt Vitruviumque ab suis traditum. senatus de Vitruvio Privernatibusque consultus consulem Plautium dirutis Priverni muris praesidioque valido inposito ad triumphum accersit, Vitruvium in carcerem adservari iussit quoad consul redisset, tum verberatum necari. aedes eius quae essent in Palatio diruendas, bona Semoni Sanco censuerunt consecranda, quodque aeris ex eis redactum est, ex eo aenei orbes facti positi in sacello Sancus adversus aedem Quirini. de senatu Privernate ita decretum, ut qui senator Priverni post defectionem ab Romanis mansisset, trans Tiberim lege eadem qua Veliterni habitaret. his ita decretis usque ad triumphum Plauti silentium de Privernatibus fuit: post triumphum consul necato Vitruvio sociisque eius noxae apud satiatos iam supplicii nocentium tutam mentionem de Privernatibus ratus: ‘quoniam auctores defectionis’ inquit ‘meritas poenas et ab diis immortalibus et a vobis habent, patres conscripti, quid placeat de innoxia multitudo fieri? equidem, etsi meae partes exquirendae magis sententiae quam dandae sunt, tamen, cum videam Privernates vicinos Samnitibus esse, unde nunc nobis incertissima pax est, quam minimum irarum inter nos illosque relinqui velim.’

XXI. Cum ipsa per sese res anceps esset, prout cuiusque ingenium erat atrocius mitiusve suadentibus, tum incertiora omnia unus ex Privernatibus legatis fecit, magis condicionis, in qua natus esset, quam praesentis necessitatis memor, qui interrogatus a quodam tristioris sententiae auctore, quam poenam meritos Privernates censeret ‘eam,’ inquit ‘quam merentur qui se libertate dignos censent.’ cuius cum feroci responso infestiores factos videret consul eos, qui ante Privernatium causam inpugnabant, ut ipse benigna interrogatione mitius responsum eliceret: ‘quid, si poenam’ inquit ‘remittimus vobis, qualem nos pacem vobiscum habituros speremus?’ ‘si bonam dederitis,’ inquit ‘et fidam et perpetuam; si malam, haud diuturnam.’ tum vero minari, nec id ambigue, Privernatem

quidam, et illis vocibus ad rebellandum incitari pacatos  
6 populos; pars melior senatus ad meliora responsa trahere  
et dicere, viri et liberi vocem auditam: an credi posse,  
ullum populum aut hominem denique in ea condicione,  
cuius eum paeniteat, diutius quam necesse sit mansurum?  
7 ibi pacem esse fidam, ubi voluntarii pacati sint, neque eo  
loco, ubi servitutem esse velint, fidem sperandam esse.  
8 in hanc sententiam maxime consul ipse inclinavit animos  
identidem ad principes sententiarum consulares, uti exau-  
9 diri posset a pluribus, dicendo, eos demum, qui nihil  
praeterquam de libertate cogitent, dignos esse qui Ro-  
10 mani fiant. itaque et in senatu causam obtinere et ex  
auctoritate patrum latum ad populum est, ut Privernati-  
11 bus civitas daretur. eodem anno Anxur trecenti in colo-  
niam missi sunt; bina iugera agri acceperunt.

1 XXII. Secutus est annus nulla re belli domive in-  
signis, P. Plautio Proculo, P. Cornelio Scapula consuli-  
2 bus, praeterquam quod Fregellas — Sidicinorum is ager,  
deinde Volscorum fuerat — colonia deducta et populo  
3 visceratio data a M. Flavio in funere matris. erant qui  
per speciem honorandae parentis meritam mercedem po-  
pulo solutam interpretarentur, quod eum die dicta ab  
aedilibus crimine stupratae matris familiae absolvisset.  
4 data visceratio in praeteritam iudicii gratiam honoris etiam  
ei causa fuit, tribunatumque plebei proximis comitiis ab-  
sens petentibus praefertur.

5 Palaepolis fuit haud procul inde, ubi nunc Neapolis  
sita est. duabus urbibus populus idem habitabat. Cumis  
erant oriundi, Cumani Chalcide Euboica originem trahunt.  
6 classe, qua advecti ab domo fuerant, multum in ora maris  
eius quod accolunt potuere, primo in insulas Aenariam et  
Pithecusas egressi, deinde in continentem ausi sedes trans-  
7 ferre. haec civitas cum suis viribus tum Samnitium infi-  
dae adversus Romanos societati freta sive pestilentiae,  
quae Romanam urbem adorta nuntiabatur, fidens multa  
hostilia adversus Romanos agrum Campanum Falernum-  
que incolentes fecit.

8 Igitur L. Cornelio Lentulo, Q. Publilio Philone iterum  
consulibus, fetialibus Palaepolim ad res repetendas missis,

cum relatum esset a Graecis, gente lingua magis strenua quam factis, ferox responsum, ex auctoritate patrum populus Palaepolitanis bellum fieri iussit. inter consules 9 provinciis comparatis bello Graeci persequendi Publilio evenerunt, Cornelius altero exercitu Samnitibus, si qua se moverent, oppositus. fama autem erat, defectioni 10 Campanorum imminentes admoturos castra. ibi optimum visum Cornelio stativa habere.

XXIII. Ab utroque consule exiguam spem pacis cum 1 Samnitibus esse certior fit senatus: Publilius duo milia Nolanorum militum et quattuor Samnitium magis Nolanis cogentibus quam voluntate Graecorum recepta Palaepolim miserat (Romae conpertum), Cornelius dilectum indictum 2 a magistratibus universumque Samnium erectum ac vicinos populos, Privernatem Fundanumque et Formianum, haud ambigue sollicitari. ob haec cum legatos mitti pla- 3 cuisset prius ad Samnites quam bellum fieret, responsum redditur ab Samnitibus ferox. ultro incusabant iniurias Romanorum, neque eo negligentius ea quae ipsis obice- 4 rentur purgabant: haud ullo publico consilio auxiliove 5 iuvari Graecos, nec Fundanum Formianumve a se sollicitatos: quippe minime paenitere se virium suarum, si bellum placeat. ceterum non posse dissimulare, aegre 6 pati civitatem Samnitium, quod Fregellas ex Volscis captas dirutasque ab se restituerit Romanus populus, coloniamque in Samnitium agro inposuerint, quam coloni eorum Fregellas appellent. eam se contumeliam iniuriam- 7 que, ni sibi ab iis qui fecerint dematur, ipsos omni vi depulsuros esse. cum Romanus legatus ad disceptandum eos 8 ad communes socios atque amicos vocaret: 'quid perplexe agimus?' inquit 'nostra certamina, Romani, non verba legatorum nec hominum quisquam disceptator, sed campus Campanus, in quo concurrendum est, et arma et communis Mars belli decernet. proinde inter Capuam Suessu- 9 lamque castra castris conferamus et Samnis Romanusne imperio Italiam regant decernamus.' legati Romanorum 10 cum se non quo hostis vocassent, sed quo imperatores sui duxissent, ituros esse respondissent, iam Publilius inter Palaepolim Neapolimque loco opportune capto diremerat.

hostibus societatem auxilii mutui, qua, ut quisque locus  
 11 premeretur, inter se usi fuerant. itaque cum et comitio-  
 rum dies instaret et Publilium inminentem hostium muris  
 avocari ab spe capiendae in dies urbis haud e re publica  
 12 esset, actum cum tribunis est, ad populum ferrent, ut,  
 cum Q. Publilius Philo consulatu abisset, pro consule  
 13 rem gereret, quoad debellatum cum Graecis esset. L.  
 Cornelio, quia ne eum quidem in Samnium iam ingres-  
 sum revocari ab impetu belli placebat, litterae missae,  
 ut dictatorem comitiorum causa diceret. dixit M. Clau-  
 14 dium Marcellum; ab eo magister equitum dictus Sp.  
 Postumius. nec tamen ab dictatore comitia sunt habita,  
 quia, vitio creatus esset, in disquisitionem venit. con-  
 sulti augures vitiosum videri dictatorem pronuntiaverunt.  
 15 eam rem tribuni suspectam infamemque criminando fece-  
 runt: nam neque facile fuisse id vitium nosci, cum con-  
 sul oriens nocte silentio diceret dictatorem, neque ab  
 consule cuiquam publice privatimve de ea re scriptum  
 16 esset, nec quemquam mortalium extare, qui se vidisse  
 aut audisse quid dicat, quod auspiciis dirimeret, neque  
 augures divinare Romae sedentes potuisse, quid in castris  
 consuli vitii obvenisset. cui non apparere, quod plebeius  
 17 dictator sit, id vitium auguribus visum? haec aliaque ab  
 tribunis nequiquam iactata: tandem ad interregnum res  
 redit, dilatisque alia atque alia de causa comitiis quartus  
 decimus demum interrex L. Aemilius consules creat C.  
 Poetelium, L. Papirium Mugilanum. Cursorem in aliis  
 annalibus invenio.

1 XXIII. Eodem anno Alexandream in Aegypto pro-  
 ditum conditam Alexandrumque Epiri regem ab exule  
 Lucano interfectum sortes Dodonaei Iovis eventu adfir-  
 2 masse. accito ab Tarentinis in Italiam data dictio erat,  
 caveret Acherusiam aquam Pandosiamque urbem; ibi fati  
 3 eius terminum dari. eoque ocius transmisit in Italiam, ut  
 quam maxime procul abesset urbe Pandosia in Epiro et  
 Acheronte amni, quem ex Molosside fluentem in stagna  
 4 inferna accipit Thesprotius sinus. ut ceterum ferme fu-  
 giendo in media fata ruitur, cum saepe Bruttias Lucanas-  
 que legiones fudisset, Heracleam Tarentinorum coloniam,

Consentiam (ex Lucanis) Sipontumque (Bruttiorum) ac  
 Terinam, alias inde Messapiorum ac Lucanorum cepisset  
 urbes et trecentas familias inlustres in Epirum, quas ob-  
 sidum numero haberet, misisset, haud procul Pandosia 5  
 urbe imminente Lucanis ac Bruttiis finibus tris tumulos  
 aliquantum inter se distantes insedit, ex quibus incursio-  
 nes in omnem partem agri hostilis faceret. et ducentos 6  
 ferme Lucanorum exules circa se pro fidis habebat, ut  
 pleraque eius generis ingenia sunt, cum fortuna mutabi-  
 lem gerentes fidem. imbres continui campis omnibus in- 7  
 undantes cum interclusissent trifariam exercitum a mutuo  
 inter se auxilio, duo praesidia, quae sine rege erant, in-  
 proviso hostium adventu opprimuntur; deletisque eis ad  
 ipsius obsidionem omnes conversi. inde ab Lucanis ex- 8  
 ulibus ad suos nuntii missi sunt, pactoque reditu pro-  
 missum est, regem aut vivum aut mortuum in potestatem  
 datuos. ceterum cum delectis ipse egregium facinus ausus 9  
 per medios erumpit hostes et ducem Lucanorum comminus  
 congressum obtruncat, contrahensque suos ex fuga pala- 10  
 tos pervenit ad amnem ruinis recentibus pontis, quem vis  
 aquae abstulerat, incidentem iter. quem cum incerto vado 11  
 transiret agmen, fessus metu ac labore miles increpans  
 nomen abominandum fluminis: 'iure Acheros vocaris' in-  
 quit. quod ubi ad aures accidit regis, adiecit extemplo  
 animum fati suis substititque dubius an transiret. tum 12  
 Sotimus minister ex regiis pueris, quid in tanto discrimine  
 periculi cunctaretur interrogans, indicat, Lucanos insidiis  
 quaerere locum. quod ubi respexit rex procul grege facto 13  
 venientes, stringit gladium et per medium amnem trans-  
 mittit equum; iamque in vadum egressum eminus veruto  
 Lucanus exul transfigit. lapsum inde cum inhaerente 14  
 telo corpus exanime detulit amnis in hostium praesidia.  
 ibi foeda laceratio corporis facta. namque praeciso medio  
 partem Consentiam misere, pars ipsis retenta ad ludi-  
 brium. quae cum iaculis saxisque procul incesseretur, 15  
 mulier una ultra humanarum irarum fidem saevienti tur-  
 bae inmixta, ut parumper sustinerent precata, flens ait,  
 virum sibi liberosque captos apud hostes esse, sperare.  
 corpore regio utcumque mulcato se suos redempturam.



16 is finis lacerationi fuit, sepultumque Consentiae quod  
 17 membrorum reliquum fuit cura mulieris unius, ossaque  
 Metapontum ad hostes remissa, inde Epirum devecta ad  
 Cleopatram uxorem sororemque Olympiadem, quarum  
 18 mater magni Alexandri altera, soror altera fuit. haec de  
 Alexandri Epirensis tristi eventu, quamquam Romano  
 bello fortuna eum abstinuit, tamen, quia in Italia bella  
 gessit, paucis dixisse satis sit.

1 XXV. Eodem anno lectisternium Romae, quinto post  
 conditam urbem, isdem quibus ante placandis habitum est  
 2 deis. novi deinde consules iussu populi cum misissent  
 qui indicerent Samnitibus bellum, ipsi maiore conatu  
 quam adversus Graecos cuncta parabant. et alia nova  
 3 nihil tum animo tale agitantibus accesserunt auxilia: Lu-  
 cani atque Apuli, quibus gentibus nihil ad eam diem cum  
 Romano populo fuerat, in fidem venerunt, arma virosque  
 ad bellum pollicentes; foedere ergo in amicitiam accepti.  
 4 eodem tempore etiam in Samnio res prospere gesta. tria  
 oppida in potestatem venerunt, Allifae, Callifae, Rufrium;  
 aliusque ager primo adventu consulum longe lateque est  
 5 pervastatus. hoc bello tam prospere commisso alteri quo-  
 que bello, quo Graeci obsidebantur, iam finis aderat. nam  
 praeterquam quod intersaeptis munimentis hostium pars  
 parti abscisa erat, foediora aliquanto intra muros iis, qui-  
 6 bus hostis territabat (patiebantur), et velut capti a suismet  
 ipsis praesidiis indigna iam liberis quoque ac coniugibus  
 7 et quae captarum urbium extrema sunt patiebantur. ita-  
 que cum et a Tarento et a Samnitibus fama esset nova  
 auxilia ventura, Samnitium plus quam vellent intra moe-  
 8 nia esse rebantur, Tarentinorum iuventutem Graeci Grae-  
 cos, haud minus per quos Samniti Nolanoque quam ut  
 Romanis hostibus resisterent, expectabant. postremo le-  
 9 vissimum malorum deditio ad Romanos visa. Charilaus  
 et Nymphius principes civitatis communicato inter se  
 consilio partes ad rem agendam divisere, ut alter ad im-  
 peratorem Romanorum transfugeret, alter subsisteret ad  
 10 praebendam opportunam consilio urbem. Charilaus fuit, qui  
 ad Publilium Philonem venit et, quod bonum, faustum,  
 felix Palaepolitanis populoque Romano esset, tradere se

ait moenia statuisse. eo facto utrum ab se prodita an 11  
servata patria videatur, in fide Romana positum esse. sibi  
privatim nec pacisci quicquam nec petere, publice petere 12  
quam pacisci magis, ut, si successisset inceptis, cogitaret  
populus Romanus potius, cum quanto studio periculoque  
reditum in amicitiam suam esset quam qua stultitia et  
temeritate de officio decessum. conlaudatus ab impera- 13  
tore tria milia militum ad occupandam eam partem urbis,  
quam Samnites insidebant, accepit: praesidio ei L. Quinc-  
tius tribunus militum praepositus.

XXVI. Eodem tempore et Nymphius praetorem Sam- 1  
nitium arte adgressus perpulerat, ut, quoniam omnis Ro-  
manus exercitus aut circa Palaepolim aut in Samnio esset,  
sineret se classe circumvehi ad Romanum agrum, non  
oram modo maris, sed ipsi urbi propinqua loca depopu-  
laturum. sed ut falleret, nocte proficiscendum esse ex- 2  
temploque naves deducendas. quod quo maturius fieret,  
omnis iuventus Samnitium praeter necessarium urbis prae-  
sidium ad litus missa. ubi dum Nymphius in tenebris et 3  
multitudine semet ipsa inpediente sedulo aliis alia imperia  
turbans terit tempus, Charilaus ex conposito ab sociis in  
urbem receptus cum summa urbis Romano milite inples-  
set, tolli clamorem iussit, ad quem Graeci signo accepto  
a principibus quievere. Nolani per aversam partem urbis 4  
via Nolam ferente effugiunt. Samnitibus exclusis ab urbe  
ut expeditior in praesentia fuga ita foedior, postquam  
periculo evaserunt, visa, quippe qui inermes nulla rerum 5  
suarum non relictas inter hostes, ludibrium non externis  
modo, set etiam popularibus, spoliati atque egentes do-  
mos rediere. haud ignarus opinionis alterius, qua haec 6  
proditio ab Samnitibus facta traditur, cum auctoribus hoc  
dedi, quibus dignius credi est, tum foedus Neapolitanum  
— eo enim deinde summa rei Graecorum venit — simi-  
lius vero facit ipsos in amicitiam redisse. Publilio trium- 7  
phus decretus, quod satis credebatur, obsidione domitos  
hostes in fidem venisse. duo singularia haec ei viro pri-  
mum contigere; prorogatio imperii non ante in ullo facta  
et acto honore triumphus.

XXVII. Aliud subinde bellum cum alterius orae 1

2 Graecis exortum. namque Tarentini cum rem Palaepoli-  
tanam vana spe auxilii aliquamdiu sustinuissent, post-  
quam Romanos urbe potitos acceperere, velut destituti ac  
non qui ipsi destituissent, increpare Palaepolitanos, ira  
atque invidia in Romanos furere, eo etiam quod Lucanos  
et Apulos — nam utraque eo anno societas coepta est —  
3 in fidem populi Romani venisse adlatum est: quippe pro-  
pemodum perventum ad se esse iamque in eo rem fore,  
4 ut Romani aut hostes aut domini habendi sint. discrimen  
profecto rerum suarum in bello Samnitium eventumque  
eius verti. eam solam gentem restare, nec eam ipsam  
5 satis validam, quando Lucanus defecerit, quem revocari  
adhuc inpellicque ad abolendam societatem Romanam posse,  
6 si qua ars serendis discordiis adhibeatur. haec consilia  
cum apud cupidos rerum novandarum valuissent, ex iu-  
ventute quidam Lucanorum pretio adsciti, clari magis  
inter populares quam honesti, inter se mulcati ipsi virgis  
cum corpora nuda intulissent in civium coetum, vociferati  
7 sunt, se, quod castra Romana ingredi ausi essent, a con-  
sulibus virgis caesos ac prope securi percussos esse.  
8 deformis suapte natura res cum speciem iniuriae magis  
quam doli prae se ferret, concitati homines cogunt cla-  
9 more suo magistratus senatum vocare, et alii circumstan-  
tes concilium bellum in Romanos poscunt, alii ad con-  
citandam in arma multitudinem agrestium discurrunt,  
tumultuque etiam sanos consternante animos decernitur,  
ut societas cum Samnitibus renovaretur, legatique ad eam  
10 rem mittuntur. repentina res quia quam causam nullam  
tam ne fidem quidem habebat, coacti a Samnitibus et  
obsides dare et praesidia in loca munita accipere: caeci  
11 fraude et ira nihil recusarunt. dilucere deinde brevi fraus  
coepit, postquam criminum falsorum auctores Tarentum  
commigravere, sed amissa omni de se potestate nihil ultra  
quam ut paeniteret frustra restabat.

1 XXVIII. Eo anno plebei Romanae velut aliud ini-  
tium libertatis factum est, quod necti desierunt: mutatum  
autem ius ob unius faeneratoris simul libidinem simul  
2 crudelitatem insignem. L. Papirius is fuit, cui cum se  
C. Publilius ob aes alienum paternum nexum dedisset,

quae aetas formaque misericordiam elicere poterat, ad libidinem et contumeliam animum accenderunt. ut florem 3 aetatis eius fructum adventicium crediti ratus, primo perlicere adulescentem sermone incesto est conatus; dein, postquam aspernabantur flagitium aures, minis territare atque identidem admonere fortunae; postremo, cum ingenuitatis magis quam praesentis condicionis memorem videret, nudari iubet verberaque adferri. quibus laceratus 5 iuvenis cum se in publicum proripuisset, libidinem crudelitatemque conquerens faeneratoris, ingens vis hominum cum aetatis miseratione atque indignitate iniuriae accensa, tum suae condicionis liberumque suorum respectu, in forum atque inde agmine facto ad curiam concurrit; et, cum consules tumultu repentino coacti senatum 7 vocarent, introeuntibus in curiam patribus laceratum iuvenis tergum procumbentes ad singulorum pedes ostentabant. victum eo die ob inpotentem iniuriam unius ingens 8 vinculum fidei, iussique consules ferre ad populum, ne quis, nisi qui noxam meruisset, donec poenam lueret, in conpedibus aut in nervo teneretur, pecuniae creditae bona 9 debitoris, non corpus obnoxium esset. ita nexi soluti, cautumque in posterum, ne necterentur.

XXVIII. Eodem anno cum satis per se ipsum Samnitium bellum et defectio repens Lucanorum auctoresque defectionis Tarentini sollicitos haberent patres, accessit ut et Vestinus populus Samnitibus sese coniungeret. quae 2 res sicut eo anno sermonibus magis passim hominum iactata quam in publico ullo concilio est, ita insequentis anni consulibus, L. Furio Camillo iterum, Iunio Bruto Scaevae, nulla prior potiorque visa est, de qua ad senatum referrent. et quamquam nova res erat, tamen tanta 3 cura patres incessit, ut pariter eam susceptam neglectamque timerent, ne aut impunitas eorum lascivia superbiaque aut bello poenae expetitae metu propinquo atque ira concirent finitimos populos. et erat genus omne abunde bello 4 Samnitibus par, Marsi Paelignique et Marrucini: quos, si Vestinus attingeretur, omnes habendos hostes. vicit tamen 5 pars, quae in praesentia videri potuit maioris animi quam consilii; sed eventus docuit fortes fortunam iuvare. bellum 6

ex auctoritate patrum populus adversus Vestinos iussit.  
7 provincia ea Bruto, Samnium Camillo sorte evenit. exer-  
citus utroque ducti et cura tuendorum finium hostes pro-  
8 hibiti coniungere arma. ceterum alterum consulem L.  
Furium, cui maior moles rerum inposita erat, morbo gravi  
9 implicitum fortuna bello subtraxit, iussusque dictatorem  
dicere rei gerendae causa longe clarissimum bello ea  
tempestate dixit L. Papirium Cursorem, a quo Q. Fabius  
10 Maximus Rullianus magister equitum est dictus, par no-  
bile rebus in eo magistratu gestis, discordia tamen, qua  
prope ad ultimum dimicationis ventum est, nobilius.

11 Ab altero consule in Vestinis multiplex bellum nec  
usquam vario eventu gestum est. nam et pervastavit  
agros et populando atque urendo tecta hostium sataque  
12 in aciem invitos extraxit: et ita proelio uno accidit Vesti-  
norum res, haudquaquam tamen incruento milite suo, ut  
non in castra solum refugerent hostes, sed iam ne vallo  
quidem ac fossis freti dilaberentur in oppida, situ urbium  
13 moenibusque se defensuri. postremo oppida quoque vi  
expugnare adortus, primo Cutinam ingenti ardore militum  
aut vulnerum ira, quod hau fere quisquam integer proelio  
14 excesserat, scalis cepit, deinde Cingiliam. utriusque urbis  
praedam militibus, quod eos neque portae nec muri ho-  
stium arcuerant, concessit.

1 XXX. In Samnium incertis itum auspiciis est; cuius  
rei vitium non in belli eventum, quod prospere gestum  
2 est, sed in rabiem atque iras imperatorum vertit. namque  
Papirius dictator a pullario monitus cum ad auspicium  
repetendum Romam proficisceretur, magistro equitum de-  
nuntiavit, ut sese loco teneret neu absente se cum hoste  
3 manum consereret. Q. Fabius cum post profectionem  
dictatoris per exploratores conperisset, perinde omnia  
soluta apud hostes esse ac si nemo Romanus in Samnio  
4 esset, seu ferox adulescens indignitate accensus, quod  
omnia in dictatore viderentur reposita esse, seu occasione  
bene gerendae rei inductus, exercitu instructo paratoque  
profectus ad Inbrinium — ita vocant locum — acie cum  
5 Samnitibus conflixit. ea fortuna pugnae fuit, ut nihil re-  
lictum sit, quo, si adfuisset dictator, res melius geri po-

tuerit. non dux militi, non miles duci defuit. eques etiam 6  
auctore L. Cominio tribuno militum, qui aliquotiens impetu  
capto perrumpere non poterat hostium agmen, detraxit  
frenos equis atque ita concitados calcaribus permisit, ut  
sustinere eos nulla vis posset. per arma, per viros late  
stragem dedere. secutus pedes impetum equitum turbatis 7  
hostibus intulit signa. viginti milia hostium caesa eo die  
traduntur. auctores habeo, bis cum hoste signa conlata  
dictatore absente, bis rem egregie gestam. apud antiquis-  
simos scriptores una haec pugna invenitur, in quibusdam  
annalibus tota res praetermissa est. magister equitum, ut 8  
ex tanta caede, multis potitus spoliis congesta in ingentem  
acervum hostilia arma subdito igne concremavit, seu vo- 9  
tum id deorum cuiquam fuit seu credere libet Fabio auctori,  
eo factum, ne suae gloriae fructum dictator caperet nomen-  
que ibi scriberet aut spolia in triumpho ferret. litterae 10  
quoque de re prospere gesta ad senatum, non ad dictato-  
rem missae argumentum fuere minime cum eo communi-  
cantis laudes. ita certe dictator id factum accepit, ut laetis  
aliis victoria parta prae se ferret iram tristitiamque. misso 11  
itaque repente senatu se ex curia proripuit, tum vero non  
Samnitium magis legiones quam maiestatem dictatoriam  
et disciplinam militarem a magistro equitum victam et  
eversam dictitans, si illi inpune spretum imperium fuisset.  
itaque plenus minarum iraeque profectus in castra cum 12  
maximis itineribus isset, non tamen praevenire famam  
adventus sui potuit. praecurrerant enim ab urbe qui nun- 13  
tiarent, dictatorem avidum poenae venire, alternis paene  
verbis T. Manlii factum laudantem.

XXXI. Fabius contione extemplo advocata obtestatus 1  
milites est, ut qua virtute rem publicam ab infestissimis  
hostibus defendissent, eadem se, cuius ductu auspicioque  
vicissent, ab inpotenti crudelitate dictatoris tutarentur.  
venire amentem invidia, iratum virtuti alienae felicitati- 2  
que; furere, quod se absente res publica egregie gesta  
esset; malle, si mutare fortunam posset, apud Samnites  
quam Romanos victoriam esse; imperium dictitare spretum, 3  
tamquam non eadem mente pugnari vetuerit, qua pugna-  
tum doleat. et tunc invidia impedire virtutem alienam

voluisse cupidissimisque arma ablaturum fuisse militibus,  
4 ne se absente moveri possent, et nunc id furere, id aegre  
pati, quod sine L. Papirio non inermes, non manci milites  
fuerint, quod se Q. Fabius magistrum equitum duxerit ac  
5 non accensum dictatoris. quid illum facturum fuisse, si,  
quod belli casus ferunt Marsque communis, adversa pugna  
evenisset, qui sibi devictis hostibus, re publica bene gesta,  
ita ut non ab illo unico duce melius geri potuerit, suppli-  
6 cium magistro equitum minetur! neque illum magistro  
equitum infestiores quam tribunis militum, quam centu-  
rionibus, quam militibus esse. si posset, in omnes saevi-  
7 turum fuisse; quia id nequeat, in unum saevire — etiam  
invidiam tamquam ignem summa petere —, in caput con-  
sili, in ducem incurrere. si se simul cum gloria rei gestae  
extinxisset, tunc victorem velut in capto exercitu domi-  
nantem, quidquid licuerit in magistro equitum, in militibus  
8 ausurum. proinde adessent in sua causa omnium libertati.  
si consensum exercitus eundem, qui in proelio fuerit, in  
tuenda victoria videat et salutem unius omnibus curae  
esse, inclinaturum ad clementiorem sententiam animum.  
9 postremo se vitam fortunasque suas illorum fidei virtutique  
permittere.

1 XXXII. Clamor est tota contione ortus, uti bonum  
animum haberet: neminem illi vim adlaturum salvis legio-  
nibus Romanis. haud multo post dictator advenit classi-  
2 coque extemplo ad contionem advocavit. tum silentio  
facto praeco Q. Fabium magistrum equitum citavit. qui  
3 simul ex inferiore loco ad tribunal accessit, tum dictator:  
'quaero' inquit 'de te, Q. Fabi, cum summum imperium  
dictatoris sit pareantque ei consules, regia potestas, prae-  
tores isdem auspiciis quibus consules creati, aequum cen-  
seas necne, magistrum equitum dicto audientem esse?  
4 itemque illud interrogo, cum me incertis auspiciis pro-  
fectum ab domo scirem, utrum mihi turbatis religionibus  
res publica in discrimen committenda fuerit an auspicia  
5 repetenda, ne quid dubiis dis agerem? simul illud, quae  
dictatori religio impedimento ad rem gerendam fuerit, num  
ea magister equitum solutus ac liber potuerit esse? sed  
quid ego haec interrogo, cum, si ego tacitus abissem,



tamen tibi ad voluntatis interpretationem meae dirigenda tua sententia fuerit: — quin tu respondes, vetuerimne te quicquam rei me absente agere, vetuerimne signa cum hostibus conferre? quo tu imperio meo spreto, incertis auspiciis, turbatis religionibus adversus morem militarem disciplinamque maiorum et numen deorum ausus es cum hoste configere. ad haec quae interrogatus es responde, at extra ea cave vocem mittas. accede, lictor.' adversus singula quae[que] cum respondere haud facile esset et nunc quereretur, eundem accusatorem capitis sui ac iudicem esse, modo vitam sibi eripi citius quam gloriam rerum gestarum posse vociferaretur purgaretque se invicem atque ultro accusaret, tunc Papirius redintegrata ira spoliari magistrum equitum ac virgas et secures expediri iussit. Fabius fidem militum inplorans lacerantibus vestem lictoribus ad triarios tumultum [ultima] iam in contione miscentes sese recepit. inde clamor in totam contionem est perlatus: alibi preces, alibi minae audiebantur. qui proximi forte tribunali steterant, quia subiecti oculis imperatoris noscitari poterant, orabant, ut parceret magistro equitum neu cum eo exercitum damnaret: extrema contio et circa Fabium globus increpabant inclementem dictatorem nec procul seditione aberant. ne tribunal quidem satis quietum erat. legati circumstantes sellam orabant, ut rem in posterum diem differret et irae suae spatium et consilio tempus daret. satis castigatam adulescentiam Fabii esse, satis deformatam victoriam: ne ad extremum finem supplicii tenderet neu unico iuveni neu patri eius clarissimo viro neu Fabiae genti eam iniungeret ignominiam. cum parum precibus, parum causa proficerent, intueri saevientem contionem iubebant. ita irritatis militum animis subdere ignem ac materiam seditioni non esse aetatis, non prudentiae eius. neminem id Q. Fabio poenam deprecanti suam vitio versurum, sed dictatori, si occaecatus ira infestam multitudinem in se pravo certamine movisset. postremo, ne id se gratiae dare Q. Fabii crederet, se ius iurandum dare paratos esse, non videri e re publica in Q. Fabium eo tempore animadverti.

XXXIII. His vocibus cum in se magis incitarent 1

dictatorem quam magistro equitum placarent, iussi de  
2 tribunali descendere legati; et silentio nequiquam per  
praeconem temptato, cum prae strepitu ac tumultu nec  
ipsius dictatoris nec apparitorum eius vox audiretur, nox  
3 velut in proelio certamini finem fecit. magister equitum  
iussus postero die adesse, cum omnes adfirmarent, in-  
festius Papirium exarsurum agitatum contentione ipsa  
4 exacerbatumque, clam ex castris Romam profugit: et  
patre auctore M. Fabio, qui ter iam consul dictatorque  
fuerat, vocato extemplo senatu cum maxime conquerere-  
tur apud patres vim atque iniuriam dictatoris, repente  
5 strepitus ante curiam lictorum summoventium auditur, et  
ipse infensus aderat, postquam conperit profectum ex  
castris, cum expedito equitatu secutus. iterata deinde  
6 contentio, et prendi Fabium Papirius iussit. ubi cum  
deprecantibus primoribus patrum atque universo senatu  
7 perstaret in incepto inmitis animus, tum pater M. Fabius:  
'quando quidem' inquit 'apud te nec auctoritas senatus  
nec aetas mea, cui orbitatem paras, nec virtus nobilitas-  
que magistri equitum a te ipso nominati valet nec preces,  
quae saepe hostem mitigavere, quae deorum iras placant,  
tribunos plebis appello et provoco ad populum eumque  
8 tibi fugienti exercitus tui, fugienti senatus iudicium iudi-  
cem fero, qui certe unus plus quam tua dictatura potest  
polletque. videro, cessurusne provocationi sis, cui rex  
9 Romanus Tullus Hostilius cessit.' ex curia in contionem  
itur. quo cum paucis dictator, cum omni agmine princi-  
pum magister equitum [cum] escendisset, deduci eum de  
10 rostris Papirius in partem inferiorem iussit. secutus pa-  
ter: 'bene agis,' inquit 'cum eo nos deduci iussisti, unde  
et privati vocem mittere possemus.' ibi primo non tam  
11 perpetuae orationes quam altercatio exaudiebantur. vincit  
deinde strepitum vox et indignatio Fabi senis, increpan-  
12 tis superbiam crudelitatemque Papiri: se quoque dictato-  
rem Romae fuisse nec a se quemquam, ne plebis quidem  
13 hominem, non centurionem, non militem violatum: Papi-  
rium tamquam ex hostium ducibus, sic ex Romano im-  
peratore victoriam et triumphum petere. quantum interesse  
inter moderationem antiquorum et novam superbiam cru-

delitatemque! dictatorem Quinctium Cincinnatum in L. 14  
 Minucium consulem ex obsidione a se ereptum non ultra  
 saevisse, quam ut legatum eum ad exercitum pro consule  
 relinqueret. M. Furium Camillum in L. Furio, qui con- 15  
 tempta sua senectute et auctoritate foedissimo cum eventu  
 pugnasset, non solum in praesentia moderatum irae esse,  
 ne quid de collega secus populo aut senatui scriberet, sed, 16  
 cum revertisset, potissimum ex tribunis consularibus ha-  
 buisse, quem, ex collegis optione ab senatu data, socium  
 sibi imperii deligeret. nam populi quidem, penes quem 17  
 potestas omnium rerum esset, ne iram quidem umquam  
 atrociorē fuisse in eos, qui temeritate atque inscitia exer-  
 citus amisissent, quam ut pecunia eos multaret: capite  
 anquisitum ob rem bello male gestam de imperatore nullo  
 ad eam diem esse. nunc ducibus populi Romani, quae ne 18  
 victis quidem bello fas fuerit, virgas et secures victoribus  
 et iustissimos meritis triumphos intentari. quid enim tan- 19  
 dem passurum fuisse filium suum, si exercitum amisisset,  
 si fusus, fugatus, castris exutus fuisset? quo ultra iram  
 violentiamque eius excessuram fuisse quam ut verbe-  
 raret necaretque? quam conveniens esse, propter Q. Fa- 20  
 bium civitatem in laetitia, victoria, supplicationibus ac  
 gratulationibus esse, eum, propter quem deum delubra 21  
 pateant, arae sacrificiis fument, honore, donis cumulen-  
 tur, nudatum virgis lacerari in conspectu populi Romani,  
 intuentem Capitolium atque arcem deosque ab se duobus  
 proeliis hau frustra advocatos? quo id animo exercitum, 22  
 qui eius ductu auspiciisque vicisset, laturum? quem  
 luctum in castris Romanis, quam laetitiam inter hostes  
 fore? haec simul iurgans, querens, deum hominumque 23  
 fidem obtestans et complexus filium plurimis cum lacru-  
 mis agebat.

XXXIII. Stabat cum eo senatus maiestas, favor po- 1  
 puli, tribunicium auxilium, memoria absentis exercitus;  
 ex parte altera imperium invictum populi Romani et dis- 2  
 ciplina rei militaris et dictatoris edictum pro numine sem-  
 per observatum et Manliana imperia et posthabita filii  
 caritas publicae utilitati iactabantur. hoc etiam L. Brutum, 3  
 conditorem Romanae libertatis, antea in duobus liberis

fecisse: nunc patres comes et senes faciles de alieno imperio spreto, tamquam rei parvae, disciplinae militaris  
4 eversae iuventuti gratiam facere. se tamen perstatutum in incepto nec ei, qui adversus dictum suum turbatis religionibus ac dubiis auspiciis pugnasset, quicquam ex iusta  
5 poena remissurum. maiestas imperii perpetuane esset, non  
6 esse in sua potestate: L. Papirium nihil eius deminuturum; optare, ne potestas tribunicia, inviolata ipsa, violet intercessione sua Romanum imperium neu populus in se potissimum dictatorem et ius dictaturae extinguat. quod si  
7 fecisset, non L. Papirium, sed tribunos, sed pravum populi iudicium nequiquam posteros accusaturos, cum polluta semel militari disciplina non miles centurionis, non centurio tribuni, non tribunus legati, non legatus consulis,  
8 non magister equitum dictatoris pareat imperio, nemo hominum, nemo deorum verecundiam habeat, non edicta  
9 imperatorum, non auspicia observentur, sine commeatu vagi milites in pacato, in hostico errent, inmemores sacramenti licentia sola se ubi velint exauctorent, infrequentia deserantur signa neque conveniatur ad edictum nec  
10 discernatur, interdium nocte, aequo iniquo loco, iussu iniussu imperatoris pugnent, et non signa, non ordines servant, latrocinii modo caeca et fortuita pro sollemni et sacrata  
11 militia sit —: horum criminum vos reos in omnia saecula offerte, tribuni plebi, vestra obnoxia capita pro licentia Q. Fabi obicite.

1 XXXV. Stupentes tribunos et suam iam vicem magis anxios quam eius, cui auxilium ab se petebatur, liberavit onere consensus populi Romani ad preces et obtestationem versus, ut sibi poenam magistri equitum dictator remitteret. tribuni quoque, inclinatam rem in preces subsecuti,  
2 orare dictatorem insistunt, ut veniam errori humano, veniam adulescentiae Q. Fabii daret: satis eum poenarum  
3 dedisse. iam ipse adulescens, iam pater M. Fabius contentionis obliti procumbere ad genua et iram deprecari  
4 dictatoris. tum dictator silentio facto: 'bene habet,' inquit 'Quirites: vicit disciplina militaris, vicit imperii maiestas, quae in discrimine fuerunt an ulla post hanc diem essent.  
5 non noxae eximitur Q. Fabius, qui contra edictum impe-

ratoris pugnavit, sed noxae damnatus donatur populo Romano, donatur tribuniciae potestati precarium, non iustum auxilium ferenti. vive, Quinte Fabi, felicior hoc consensu 6 civitatis ad tuendum te quam qua paulo ante exsultabas victoria, vive, id facinus ausus, cuius tibi ne parens quidem, si eodem loco fuisset, quo fuit L. Papirius, veniam dedisset. mecum ut voles reverteris in gratiam; populo 7 Romano, cui vitam debes, nihil maius praestiteris quam si hic tibi dies satis documenti dederit, ut bello ac pace pati legitima imperia possis.' cum se nihil morari magistrum equitum pronuntiasset, degressum eum templo laetus senatus, laetior populus, circumfusi ac gratulantes hinc magistro equitum, hinc dictatori, prosecuti sunt, firmatum- 9 que imperium militare haud minus periculo Q. Fabii quam supplicio miserabili adolescentis Manlii videbatur.

Forte ita eo anno evenit, ut, quotienscumque dictator 10 ab exercitu recessit, hostes in Samnio moverentur. ceterum in oculis exemplum erat Q. Fabius M. Valerio legato, qui castris praeerat, ne quam vim hostium magis quam trucem dictatoris iram timeret. itaque frumentatores cum 11 circumventi ex insidiis caesi loco iniquo essent, creditum vulgo est, subveniri eis ab legato potuisse, ni tristia edicta exhorruisset. ea quoque ira alienavit a dictatore militum 12 animos iam ante infensos, quod inplacabilis Q. Fabio fuisset et quod suis precibus negasset, eius populo Romano veniam dedisset.

XXXVI. Postquam dictator praeposito in urbe L. 1 Papirio Crasso, magistro equitum Q. Fabio vetito quicquam pro magistratu agere, in castra rediit, neque civibus satis laetus adventus eius fuit nec hostibus quicquam attulit terroris. namque postero die, seu ignari venisse dictatorem seu adesset an abesset parvi facientes, instructa acie ad castra accesserunt. ceterum tantum momenti in 3 uno viro L. Papirio fuit, ut, si ducis consilia favor subsecutus militum foret, debellari eo die cum Samnitibus potuisse pro haud dubio habitum sit: ita instruxit aciem 4 loco ac subsidiis, ita omni arte bellica firmavit. cessatum a milite ac de industria, ut obtrectaretur laudibus ducis, impedita victoria est. plures Samnitium cecidere, plures

5 Romani vulnerati sunt. sensit peritus dux, quae res victo-  
riae obstaret; temperandum ingenium suum esse et seve-  
6 ritatem miscendam comitati. itaque adhibitis legatis ipse  
circum saucios milites inserens in tentoria caput singulos-  
que, ut sese haberent, rogitans curam eorum nominatim  
7 legatis tribunisque et praefectis demandabat. rem per se  
popularem ita dexter egit, ut medendis corporibus animi  
multo prius militum imperatori reconciliarentur, nec quic-  
quam ad salubritatem efficacius fuerit quam quod grato  
8 animo ea cura accepta est. refecto exercitu cum hoste  
congressus haud dubia spe sua militumque ita fudit fuga-  
vitque Samnites, ut ille ultimus eis dies conferendi signa  
9 cum dictatore fuerit. incessit deinde, qua duxit praedae  
spes, victor exercitus perlustravitque hostium agros nulla  
arma, nullam vim nec apertam nec ex insidiis expertus.  
10 addebat alacritatem, quod dictator praedam omnem edixe-  
rat militibus, nec ira magis publica quam privatum con-  
11 pendium in hostem acuebat. his cladibus subacti Samni-  
tes pacem a dictatore petiere; cum quo pacti, ut singula  
12 vestimenta militibus et annum stipendium darent, cum  
ire ad senatum iussi essent, secuturos se dictatorem re-  
sponderunt, unius eius fidei virtutisque causam suam com-  
mendantes. ita deductus ex Samnitibus exercitus.

1 XXXVII. Dictator triumphans urbem est ingressus  
et, cum se dictatura abdicare vellet, iussu patrum prius-  
quam abdicaret consules creavit C. Sulpicium Longum  
2 iterum, Q. Aemilium Cerretanum. Samnites infecta pace,  
quia de condicionibus agebatur, indutias annuas ab urbe  
rettulerant. nec earum ipsarum sancta fides fuit: adeo,  
postquam Papirium abisse magistratu nuntiatum est, ar-  
recti ad bellandum animi sunt.

3 C. Sulpicio, Q. Aemilio — Aulium quidam annales  
habent — consulibus ad defectionem Samnitium Apulum  
novum bellum accessit. utroque exercitus missi. Sulpicio  
4 Samnites, Apuli Aemilio sorte evenerunt. sunt qui non  
ipsis Apulis bellum inlatum, sed socios eius gentis popu-  
5 los ab Samnitium vi atque iniuriis defensos scribant. cete-  
rum fortuna Samnitium, vix a se ipsis eo tempore pro-  
pulsantium bellum, propius ut sit vero facit, non Apulis

ab Samnitibus arma inlata, sed cum utraque simul gente bellum Romanis fuisse. nec tamen res ulla memorabilis 6 acta: ager Apulus Samniumque evastatum, hostes nec hic nec illic inventi. Romae nocturnus terror ita ex somno trepidam repente civitatem excivit, ut Capitolium atque arx moeniaque et portae plena armatorum fuerint. et cum 7 concursatum clamatumque ad arma omnibus locis esset, prima luce nec auctor nec causa terroris conparuit.

Eodem anno de Tusculanis Flavia rogatione populi fuit 8 iudicium. M. Flavius tribunus plebis tulit ad populum, ut in Tusculanos animadverteretur, quorum (eorum) ope ac consilio Veliterni Privernatesque populo Romano bellum fecissent. populus Tusculanus cum coniugibus ac liberis Romam venit. ea multitudo veste mutata et specie reorum tribus circuit, genibus se omnium advolvens. plus itaque misericordia ad poenae veniam impetrandam quam causa ad 10 crimen purgandum valuit. tribus omnes praeter Polliam antiquarunt legem. Polliae sententia fuit, puberes verberatos necari, coniuges liberosque sub corona lege belli venire; memoriamque eius irae Tusculanis in poenae tam 12 atrocis auctorem mansisse ad patrum aetatem constat nec quemquam ferme ex Pollia tribu candidatum Papiriam ferre solitum.

XXXVIII. Insequenti anno, Q. Fabio, L. Fulvio consulibus, A. Cornelius Arvina dictator et M. Fabius Ambustus magister equitum metu gravioris in Samnio belli — conducta enim pretio a finitimis iuventus dicebatur — intentiore dilectu habito egregium exercitum adversus Samnites duxerunt. castra in hostico incuriose ita posita tamquam procul abesset hostis, cum subito advenere Samnitium legiones tanta ferocia, ut vallum usque ad stationem Romanam inferrent. nox iam adpetebat; id prohibuit munimenta adoriri. nec dissimulabant, orta luce postero die facturos. dictator ubi propiorem spe dimicationem vidit, 4 ne militum virtuti damno locus esset, ignibus crebris relictis, qui conspectum hostium frustrarentur, silentio legiones educit: nec tamen fallere propter propinquitatem castrorum potuit. eques extemplo insecutus ita institit agmini, 5 ut, donec lucesceret, proelio abstineret. ne pedestres qui-



6 dem copiae ante lucem castris egressae. eques ausus luce  
demum incursare in hostem carpendo novissimos premen-  
doque iniquis ad transitum locis agmen detinuit. interim  
7 pedes equitem adsecutus; et totis iam copiis Samnis urge-  
bat. tum dictator, postquam sine magno incommodo pro-  
gredi non poterat, cum ipsum in quo constiterat locum  
castris dimetari iussit. id vero circumfuso undique equi-  
tatu, ut vallum peteretur opusque inciperet, fieri non po-  
8 terat. itaque ubi neque eundi neque manendi copiam esse  
videt, instituit aciem impedimentis ex agmine remotis. in-  
9 struunt contra et hostes, et animis et viribus pares. auxe-  
rat id maxime animos, quod ignari, loco iniquo, non hosti  
cessum, velut fugientes ac territos terribiles ipsi secuti  
10 fuerant. id aliquamdiu aequavit pugnam, iam pridem de-  
sueti Samnite clamorem Romani exercitus pati. et hercule  
illo die ab hora diei tertia ad octavam ita anceps dicitur  
certamen stetisse, ut neque clamor, ut primo semel con-  
cursu est sublatus, iteratus sit neque signa promota loco  
11 retrove recepta neque recursum ab ulla sit parte. in suo  
quisquis gradu obnixa urgentes scutis sine respiratione ac  
respectu pugnabant; fremitus aequalis tenorque idem pu-  
12 gnae in defatigationem ultimam aut noctem spectabat. iam  
viris vires, iam ferro sua vis, iam consilia ducibus deerant,  
cum subito Samnitium equites, cum turma una longius  
provecta accepissent impedimenta Romanorum procul ab  
armatis sine praesidio, sine munimento stare, aviditate  
13 praedae impetum faciunt. quod ubi dictatori trepidus nun-  
tius adtulit: 'sine modo,' inquit 'sese praeda praepediant.'  
alii deinde super alios diripi passim ferrique fortunas mi-  
14 litum vociferabantur. tum magistro equitum accito: 'vides  
tu,' inquit 'M. Fabi, ab hostium equite omissam pugnam?  
15 haerent inpediti impedimentis nostris. adgredere, quod in-  
ter praedandum omni multitudini evenit, dissipatos. raros  
equis insidentes, raros, quibus ferrum in manu sit inve-  
nies; equosque dum praeda onerant, caede inermes cruen-  
16 tamque illis praedam redde. mihi legiones peditumque  
pugna curae erunt: penes te equestre sit decus.'

1 XXXVIII. Equitum acies, qualis quae esse instruc-  
tissima potest, invecta in dissipatos inpeditosque hostes

caede omnia replet. inter sarcinas omissas repente, obia- 2  
centes pedibus fugientium consternatorumque equorum,  
neque pugnae neque fugae satis potentes caeduntur. tum 3  
deleto prope equitatu hostium M. Fabius circumductis pau-  
lum alis ab tergo pedestrem aciem adoritur. clamor inde 4  
novus accidens et Samnitium terruit animos; et dictator,  
ubi respectantes hostium antesignanos turbataque signa et  
fluctuantem aciem vidit, tum appellare tum adhortari mi-  
lites, tribunos principesque ordinum nominatim ad iteran-  
dam secum pugnam vocare. novato clamore signa infe- 5  
runtur, et quidquid progrediebantur, magis magisque tur-  
batos hostes cernebant. eques ipse iam primis erat in con-  
spectu, et Cornelius respiciens ad manipulos militum, quod 6  
manu, quod voce poterat, monstrabat, vexilla se suorum  
parmasque cernere equitum. quod ubi auditum simul vi- 7  
sumque est, adeo repente laboris per diem paene totum  
tolerati vulnerumque obliti sunt, ut haud secus, quam si  
tum integri e castris signum pugnae accepissent, concita-  
verint se in hostem. nec ultra Samnis tolerare terrorem 8  
equitum peditumque vim potuit: partim in medio caesi,  
partim in fugam dissipati sunt. pedes restantes ac cir- 9  
cumventos cecidit, ab equite fugientium strages est facta,  
inter quos et ipse imperator cecidit. hoc demum proelium 10  
Samnitium res ita infregit, ut omnibus conciliis fremerent,  
minime id quidem mirum esse, si in pio bello et contra  
foedus suscepto, infestioribus merito deis quam homini-  
bus, nihil prospere agerent: expiandum id bellum magna  
mercede luendumque esse; id referre tantum, utrum sup- 11  
plicia noxio paucorum an omnium innoxio praebeant san-  
guine; audebantque iam quidam nominare auctores armo-  
rum. unum maxime nomen per consensum clamantium 12  
Brutuli Papi exaudiebatur. vir nobilis potensque erat, haut  
dubie proximarum indutiarum ruptor. de eo coacti referre  
praetores decretum fecerunt, ut Brutulus Papius Romanis 13  
dederetur et cum eo praeda omnis Romana captivique ut  
Romam mitterentur quaeque res per fetiales ex foedere  
repetitae essent, secundum ius fasque restituerentur. fe- 14  
tiales Romam, ut censuerunt, missi et corpus Brutuli exa-  
nime: ipse morte voluntaria ignominiae se ac supplicio

15 subtraxit. placuit cum corpore bona quoque eius dedi. nihil tamen earum rerum praeter captivos ac si qua cognita ex praeda sunt acceptum est, ceterarum rerum inrita fuit deditio. dictator ex senatus consulto triumphavit.

1 XXXX. Hoc bellum a consulibus bellatum quidam auctores sunt eosque de Samnitibus triumphasse, Fabium etiam in Apuliam processisse atque inde magnas praedas egisse. nec discrepat, quin dictator eo anno A. Cornelius  
2 fuerit: id ambigitur, belline gerendi causa creatus sit an ut esset qui ludis Romanis, quia L. Plautius praetor gravi morbo forte implicitus erat, signum mittendis quadrigis  
3 daret functusque eo haud sane memorandi imperii ministerio se dictatura abdicaret; nec facile est aut rem rei  
4 aut auctorem auctori praeferre. vitiata memoria funebribus laudibus reor falsisque imaginum titulis, dum familia ad se quaeque famam rerum gestarum honorumque  
5 fallenti mendacio trahunt. inde certe et singulorum gesta et publica monumenta rerum confusa. nec quisquam aequalis temporibus illis scriptor extat, quo satis certo auctore stetur.

---

[PERIOCHA LIBRI VIII.]

[T. Veturius, Spurius Postumius consules apud furcas Caudinas deducto in locum artum exercitu, cum spes nulla esset evadendi, foedere cum Samnitibus facto et sescentis equitibus Romanis obsidibus datis ita exercitum abduxerunt, ut omnes sub iugum mitterentur, idemque auctore Spurio Postumio consule, qui in senatu suaserat, ut eorum deditio, quorum culpa tam deformis foedus ictum erat, publica fides liberaretur, cum duobus tribunis plebis et omnibus, qui foedus sponderant, dediti Samnitibus non sunt recepti. nec multo post fuis a Papirio Cursore Samnitibus et sub iugum missis receptisque sescentis equitibus Romanis, qui obsides dati erant, pudor flagitii prioris abolitus est. tribus duae adiectae sunt, Oufentina et Falerna; Suessa et Pontiae coloniae deductae sunt. Appius Claudius censor aquam perduxit, viam stravit quae Appia vocata est, libertinorum filios in senatum legit: ideoque, quoniam is ordo indignis inquinatus videbatur, sequentis anni consules observaverunt, quemadmodum ante proximos censores fuerat. res praeterea contra Apulos, Etruscos et Umbrós et Marsos et Paelignos et Aequos et Samnites, quibus

foedus restitutum est, prospere gestas continet. Cn. Flavius scriba, libertino patre natus, aedilis curulis fuit per forensem factionem creatus; quae cum comitia et campum turbaret et in his propter nimias vires dominaretur, a Q. Fabio censore in quatuor tribus redacta est, quas urbanas appellavit; eaque res Fabio Maximo nomen dedit. in hoc libro mentionem habet Alexandri, qui temporibus his fuit, et aestimatis populi Romani viribus, quae tunc erant, colligit, si Alexander in Italiam traiecisset, non tam facilem ei victoriam de populo Romano fore quam de iis gentibus, quas ad Orientem imperio suo subiecerat.]

## TITI LIVI

### AB VRBE CONDITA

#### LIBER VIII.

I. Sequitur hunc annum nobilis clade Romana Cau- 1  
dina pax T. Veturio Calvino, Sp. Postumio consulibus.  
Samnites eo anno imperatorem C. Pontium Herenni filium 2  
habuerunt, patre longe prudentissimo natum, primum ipsum  
bellatorem ducemque. is, ubi legati, qui ad dedendas res 3  
missi erant, pace infecta redierunt: 'ne nihil actum' in-  
quit 'hac legatione censeatis, expiatum est quidquid ex  
foedere rupto irarum in nos caelestium fuit. satis scio, 4  
quibuscumque diis cordi fuit, subigi nos ad necessitatem  
dedendi res, quae ab nobis ex foedere repetitae fuerant,  
is non fuisse cordi tam superbe ab Romanis foederis ex-  
piationem spretam. quid enim ultra fieri ad placandos 5  
deos mitigandosque homines potuit quam quod nos feci-  
mus? res hostium in praeda captas, quae belli iure nostrae  
videbantur, remisimus; auctores belli, quia vivos non po- 6  
tuimus, perfunctos iam fato dedidimus, bona eorum, ne  
quid ex contagione noxae remaneret penes nos, Romam  
portavimus. quid ultra tibi, Romane, quid foederi, quid 7  
diis arbitris foederis debeo? quem tibi tuarum irarum,  
quem meorum suppliciorum iudicem feram, neminem,  
neque populum neque privatum, fugio. quod si nihil cum 8  
potentiore iuris humani relinquitur inopi, at ego ad deos  
vindices intolerandae superbiae confugiam et precabor, ut 9

iras suas vertant in eos, quibus non suae redditae res, non  
 alienae adcumulatae satis sint, quorum saevitiam non mors  
 noxiorum, non deditio exanimatorum corporum, non bona  
 sequentia domini deditioem exsatient, placari nequeant  
 nisi hauriendum sanguinem laniandaque viscera nostra  
 10 praebuerimus. iustum est bellum, Samnites, quibus ne-  
 cessarium, et pia arma, quibus nulla nisi in armis relin-  
 11 quitur spes. proinde cum rerum humanarum maximum  
 momentum sit, quam propitiis rem, quam adversis agant  
 diis, pro certo habete, priora bella adversus deos magis  
 quam homines gessisse, hoc quod instat ducibus ipsis diis  
 gesturos.'

1 II. Haec non laeta magis quam vera vaticinatus, exer-  
 citu educto circa Caudium castra quam potest occultissime  
 2 locat. inde ad Calatiam, ubi iam consules Romanos castra-  
 que esse audiebat, milites decem pastorum habitu mittit  
 pecoraque diversos alium alibi haud procul Romanis pa-  
 3 scere iubet praesidiis: ubi inciderint in praedatores, ut  
 idem omnibus sermo constet, legiones Samnitium in Apu-  
 liam esse, Luceriam omnibus copiis circumsedere, nec  
 4 procul abesse, quin vi capiant. iam iste rumor ante de  
 industria volgatus venerat ad Romanos, sed fidem auxere  
 captivi eo maxime, quod sermo inter omnes congruebat.  
 5 haut erat dubium, quin Lucerinis opem Romanus ferret,  
 bonis ac fidelibus sociis, simul ne Apulia omnis ad prae-  
 sentem terrorem deficeret. ea modo, qua irent, consulta-  
 6 tio fuit. duae ad Luceriam ferebant viae, altera praeter  
 oram superi maris patens apertaue, sed quanto tutior,  
 tanto fere longior, altera per furculas Caudinas brevior.  
 7 sed ita natus locus est: saltus duo alti angusti silvosique  
 sunt, montibus circa perpetuis inter se iuncti. iacet inter  
 eos satis patens clausus in medio campus herbidus aquo-  
 8 susque, per quem medium iter est. sed antequam venias  
 ad eum, intrandae primae angustiae sunt et aut eadem,  
 qua te insinuaveris, retro via repetenda aut, si ire porro  
 pergas, per alium saltum artiolem inpeditioremque eva-  
 9 dendum. in eum campum via alia per cavam rupem Ro-  
 mani demisso agmine, cum ad alias angustias protinus  
 pergerent, saeptas deiectu arborum saxorumque ingentium

obiacentem molem invenere. cum fraus hostilis apparuis-  
 set, praesidium etiam in summo saltu conspicitur. citati 10  
 inde retro, qua venerant, pergunt repetere viam. eam quo-  
 que clausam sua obice armisque inveniunt. sistunt inde  
 gradum sine ullius imperio, stuporque omnium animos ac  
 velut torpor quidam insolitus membra tenet, intuentesque 11  
 alii alios, cum alterum quisque conpotem magis mentis ac  
 consilii ducerent, diu immobiles silent. deinde ubi praeto- 12  
 ria consulum erigi videre et expedire quosdam utilia operi,  
 quamquam ludibrio fore munientes perditis rebus ac spe  
 omni adempta cernebant, tamen, ne culpam malis adde- 13  
 rent, pro se quisque nec hortante ullo nec imperante ad  
 muniendum versi castra propter aquam vallo circumdant,  
 sua ipsi opera laboremque inritum, praeterquam quod ho- 14  
 stes superbe increpabant, cum miserabili confessione elu-  
 dentes. ad consules maestos, ne advocantes quidem in 15  
 consilium, quando nec consilio nec auxilio locus esset, sua  
 sponte legati ac tribuni conveniunt, militesque ad praeto-  
 rium versi opem, quam vix dii immortales ferre poterant,  
 ab ducibus exposcunt.

III. Querentes magis quam consultantes nox oppres- 1  
 sit, cum pro ingenio quisque fremerent, alius: 'per obices  
 viarum,' alius: 'per adversa montium, per silvas, qua ferri  
 arma poterunt, eamus. modo ad hostem pervenire liceat, 2  
 quem per annos iam prope triginta vincimus; omnia aequa  
 et plana erunt Romano in perfidum Samnitem pugnanti,'  
 alius: 'quo aut qua eamus? num montes moliri sede sua 3  
 paramus? dum haec iminebunt iuga, qua tu ad hostem  
 venies? armati inermes, fortes ignavi, pariter omnes capti  
 atque victi sumus. ne ferrum quidem ad bene moriendum  
 oblaturus est hostis, sedens bellum conficiet.' his invicem 4  
 sermonibus qua cibi qua quietis inmemor nox traducta est.

Ne Samnitibus quidem consilium in tam laetis suppe-  
 tebat rebus. itaque universi Herennium Pontium patrem  
 imperatoris per litteras consulendum censent. iam is gra- 5  
 vis annis non militaribus solum, sed civilibus quoque abs-  
 cesserat muneribus, in corpore tamen adfecto vigebat vis  
 animi consiliique. is ubi accepit, ad furculas Caudinas 6  
 inter duos saltus clausos esse exercitus Romanos, consul-

tus ab nuntio filii censuit, omnes inde quam primum in-  
 7 violatos dimittendos. quae ubi sprete sententia est iterum-  
 que eodem remeante nuntio consulebatur, censuit, ad unum  
 8 omnes interficiendos. quae ubi tam discordia inter se velut  
 ex ancipiti oraculo responsa data sunt, quamquam filius  
 ipse in primis iam animum quoque patris consenuisse in  
 adfecto corpore rebatur, tamen consensu omnium victus  
 9 est, ut ipsum in consilium acciret. nec gravatus senex  
 plastro in castra dicitur advectus vocatusque in consilium  
 ita ferme locutus esse, ut nihil sententiae suae mutaret,  
 10 causas tantum adiceret: priore se consilio, quod optimum  
 duceret, cum potentissimo populo per ingens beneficium  
 perpetuam firmare pacem amicitiamque, altero consilio in  
 multas aetates, quibus amissis duobus exercitibus haut  
 facile receptura vires Romana res [esset], bellum differre:  
 11 tertium nullum consilium esse. cum filius alique princi-  
 pes percunctando exsequerentur, quid, si media via consilii  
 caperetur, ut et dimitterentur incolumes et leges iis iure  
 12 belli victis inponerentur: 'ista quidem sententia' inquit  
 'ea est, quae neque amicos parat nec inimicos tollit. ser-  
 vate modo quos ignominia inritaveritis: ea est Romana  
 13 gens, quae victa quiescere nesciat. vivet semper in pecto-  
 ribus illorum quidquid istuc praesens necessitas inusserit  
 nec eos ante multiplices poenas expetitas a vobis quiescere  
 sinet.'

1 IIII. Neutra sententia accepta Herennius domum e  
 castris est avectus. et in castris Romanis cum frustra multi  
 conatus ad erumpendum capti essent et iam omnium rerum  
 2 inopia esset, victi necessitate legatos mittunt, qui primum  
 pacem aequam peterent; si pacem non inpetrarent, uti pro-  
 3 vocarent ad pugnam. tum Pontius debellatum esse respon-  
 dit et, quoniam ne victi quidem ac capti fortunam fateri  
 scirent, inermes cum singulis vestimentis sub iugum mis-  
 surum; alias condiciones pacis aequas victis ac victoribus  
 4 fore: si agro Samnitium decederetur, coloniae abduceren-  
 tur, suis inde legibus Romanum ac Samnitem aequo foe-  
 5 dere victurum. his condicionibus paratum se esse foedus  
 cum consulibus ferire: si quid eorum displiceat, legatos  
 6 redire ad se vetuit. haec cum legatio renuntiaretur, tantus



gemitus omnium subito exortus est tantaque maestitia incessit, ut non gravius accepturi viderentur, si nuntiaretur, omnibus eo loco mortem oppetendam esse. cum diu 7 silentium fuisset nec consules aut pro foedere tam turpi aut contra foedus tam necessarium hiscere possent, tum L. Lentulus, qui tum princeps legatorum virtute atque honoribus erat: 'patrem meum,' inquit 'consules, saepe 8 audiui memorantem, se in Capitolio unum non fuisse auctorem senatui redimendae auro a Gallis civitatis, quando nec fossa valloque ab ignavissimo ad opera ac muniendum hoste clausi essent et erumpere, si non sine magno periculo, tamen sine certa perniciie possent. quod si illis ut 9 decurrere ex Capitolio armatis in hostem licuit, quo saepe modo obsessi in obsidentes eruperunt, ita nobis aequo aut iniquo loco dimicandi tantummodo cum hoste copia esset, non mihi paterni animi indoles in consilio dando deesset. equidem mortem pro patria praeclaram esse fateor et me 10 vel devovere pro populo Romano legionibusque vel in medios me inmittere hostes paratus sum: sed hic patriam 11 video, hic quidquid Romanarum legionum est. quae nisi pro se ipsis ad mortem ruere volunt, quid habent quod morte sua servant? tecta urbis, dicat aliquis, et moe- 12 nia et eam turbam, a qua urbs incolitur. immo hercule produntur ea omnia deleta hoc exercitu, non servantur. quis enim ea tuebitur? inbellis videlicet atque inermis multitudo. tam hercule quam a Gallorum impetu defendit. 13 an a Veiis exercitum Camillumque ducem inplorabunt? hic omnes spes opesque sunt, quas servando patriam ser- 14 vamus, dedendo ad necem patriam deserimus ac prodimus. at foeda atque ignominiosa deditio est. sed ea caritas pa- 15 triae est, ut tam ignominia eam quam morte nostra, si opus sit, servemus. subeatur ergo ista quantacumque est 16 indignitas et pareatur necessitati, quam ne dii quidem superant. ite, consules, redimite armis civitatem, quam auro maiores vestri redemerunt.'

V. Consules profecti ad Pontium in colloquium, cum 1 de foedere victor agitare, negarunt, iniussu populi foedus fieri posse nec sine fetialibus caerimoniae alia sollemni. itaque non, ut vulgo credunt Claudiusque etiam scribit, 2

8 foedere pax Caudina, sed per sponsionem facta est. quid  
enim aut sponsoribus in foedere opus esset aut obsidibus,  
ubi precatione res transigitur, per quem populum fiat, quo  
minus legibus dictis stetur, ut eum ita Iuppiter feriat,  
4 quemadmodum a fetialibus porcus feriat. spoponde-  
runt consules, legati, quaestores, tribuni militum, nomina-  
que omnium qui spoponderunt extant, ubi, si ex foedere  
acta res esset, praeterquam duorum fetialium non exta-  
5 rent. et propter necessariam foederis dilationem obsides  
etiam sescenti equites imperati, qui capite luerent, si pacto  
6 non staretur. tempus inde statutum tradendis obsidibus  
exercituque inermi mittendo. redintegrait luctum in ca-  
stris consulum adventus, ut vix ab iis abstinerent manus,  
7 quorum temeritate in eum locum deducti essent, quorum  
ignavia foedius inde quam venissent abituri: illis non du-  
cem locorum, non exploratorem fuisse, beluarum modo  
8 caecos in foveam lapsos. alii alios intueri, contemplari  
arma mox tradenda et inermes futuras dextras obnoxiaque  
corpora hosti. proponere sibimet ipsi ante oculos iugum  
hostile et ludibria victoris et vultus superbos et per ar-  
9 matos inermium iter, inde foedi agminis miserabilem viam  
per sociorum urbes, reditum in patriam ad parentes, quo  
10 saepe ipsi maioresque eorum triumphantes venissent. se  
solos sine vulnere, sine ferro, sine acie victos, sibi non  
stringere licuisse gladios, non manum cum hoste conferre,  
11 sibi nequiquam animos datos. haec frementibus hora fa-  
talis ignominiae advenit, omnia tristiora experiundo factura  
12 quam quae praeceperant animis. iam primum cum singu-  
lis vestimentis inermes extra vallum exire iussi et primi  
13 traditi obsides atque in custodiam abducti, tum a consuli-  
bus abire lictores iussi paludamenta que detracta: tantam  
[id] inter ipsos, qui paullo ante eos execrantes dedendos  
14 lacerandosque censuerant, miserationem fecit, ut suae quis-  
que condicionis oblitus ab illa deformatione tantae maie-  
statis velut ab nefando spectaculo averteret oculos.

1 VI. Primi consules prope seminudi sub iugum missi,  
tum ut quisque gradu proximus erat, ita ignominiae ob-  
2 iectus, tum deinceps singulae legiones. circumstabant ar-  
mati hostes exprobrantes eludentesque; gladii etiam ple-

risque intentati et vulnerati quidam neque, si vultus eorum indignitate rerum acrior victorem offendisset. ita 3 traducti sub iugum et, quod paene gravius erat, per hostium oculos cum e saltu evasissent, etsi velut ab inferis extracti tum primum lucem aspicere visi sunt, tamen ipsa lux ita deforme intuentibus agmen omni morte tristior fuit. itaque cum ante noctem Capuam pervenire possent, incerti 4 de fide sociorum et quod pudor praepediebat, circa viam haud procul Capua omnium egena corpora humi prostraverunt. quod ubi est Capuam nuntiatum, evincit miseratio 5 iusta sociorum superbiam ingenitam Campanis. confestim 6 insignia sua consulibus, fasces, lictores; arma, equos, vestimenta, commeatus militibus benigne mittunt, et venientibus 7 Capuam cunctus senatus populusque obviam egressus iustis omnibus hospitalibus privatisque et publicis fungitur officiis. neque illis sociorum comitas vultusque benigni et 8 adloquia non modo sermonem elicere, sed ne ut oculos quidem attollerent aut consolantes amicos contra intuerentur efficere poterant: adeo super maerorem pudor quidam 9 fugere conloquia et coetus hominum cogebat. postero die 10 cum iuvenes nobiles, missi a Capua, ut proficiscentes ad finem Campanum prosequerentur, revertissent vocatique in 11 curiam percunctantibus maioribus natu multo sibi maestiores et abiectiores animi visos referrent: adeo silens ac 12 prope mutum agmen incessisse, iacere indolem illam Romanam ablatosque cum armis animos, non reddere salutem, non salutantibus dare responsum, non hiscere quemquam prae metu potuisse tamquam ferentibus adhuc cervicibus iugum, sub quod emissi essent. habere Samnites 13 victoriam non praeclaram solum, sed etiam perpetuam: cepisse enim eos non Romam, sicut ante Gallos, sed, quod multo bellicosius fuerit, Romanam virtutem ferociamque:—

VII. cum haec dicerentur audirenturque et deploratum 1 paene Romanum nomen in concilio sociorum fidelium esset, dicitur Ofillius Calavius Ovi filius, clarus genere factisque 2 tum etiam aetate verendus, longe aliter se habere rem dixisse: silentium illud obstinatum fixosque in terram oculos 3 et surdas ad omnia solacia aures et pudorem intuendae lucis ingentem molem irarum ex alto animo cientis indicia

4 esse. aut Romana se ignorare ingenia aut silentium illud  
Samnitibus flebiles brevi clamores gemitusque excitaturum  
Caudinaeque pacis aliquanto Samnitibus quam Romanis  
5 tristiores memoriam fore: quippe suos quemque eorum  
animos habiturum ubicumque congressuri sint; saltus Cau-  
dinos non ubique Samnitibus fore.

6 Iam Romae etiam sua infamis clades erat. obsessos  
primum audierunt; tristior deinde ignominiosae pacis ma-  
7 gis quam periculi nuntius fuit. ad famam obsidionis di-  
lectus haberi coeptus erat; dimissus deinde auxiliorum  
apparatus, postquam deditionem tam foede factam acce-  
perunt, extemploque sine ulla publica auctoritate consen-  
8 sum in omnem formam luctus est: tabernae circa forum  
clausae iustitiumque in foro sua sponte coeptum prius  
9 quam indictum, lati clavi, anuli aurei positi, paene mae-  
stior exercitu ipso civitas esse nec ducibus solum atque  
auctoribus sponsoribusque pacis irasci, sed innoxios etiam  
10 milites odisse et negare urbe tectisque accipiendos. quam  
concitationem animorum fregit adventus exercitus etiam  
iratis miserabilis. non enim tamquam in patriam rever-  
tentes ex insperato incolumes, sed captorum habitu vultu-  
11 que ingressi sero in urbem ita se in suis quisque tectis  
abdiderunt, ut postero atque insequentibus diebus nemo  
12 eorum forum aut publicum aspicere vellet. consules in  
privato abditi nihil pro magistratu agere, nisi quod ex-  
pressum senatus consulto est, ut dictatorem dicerent comi-  
13 tiorum causa. Q. Fabium Ambustum dixerunt et P. Aelium  
14 Paetum magistrum equitum. quibus vitio creatis suffecti  
M. Aemilius Papus dictator, L. Valerius Flaccus magister  
equitum. nec per eos comitia habita et, quia taedebat po-  
pulum omnium magistratum eius anni, res ad interregnum  
15 rediit. interreges Q. Fabius Maximus, M. Valerius Corvus.  
is consules creavit Q. Publilium Philonem et L. Papirium  
Cursorem iterum haud dubio consensu civitatis, quod nulli  
ea tempestate duces clariores essent.

1 VIII. Quo creati sunt die, eo — sic enim placuerat  
patribus — magistratum inierunt sollemnibusque senatus  
2 consultis perfectis de pace Caudina rettulerunt. et Publi-  
lius, penes quem fascēs erant: ‘dic, Sp. Postumi’ inquit.

qui ubi surrexit, eodem illo vultu, quo sub iugum missus  
 erat: 'haud sum ignarus,' inquit 'consules, ignominiae, non 3  
 honoris causa me primum excitatum iussumque dicere, non  
 tamquam senatorem, sed tamquam reum qua infelicis belli  
 qua ignominiosae pacis. ego tamen, quando neque de noxa 4  
 nostra neque de poena rettulistis, omissa defensione, quae  
 non difficillima esset apud haud ignaros fortunarum huma-  
 narum necessitatumque, sententiam de eo, de quo rettu-  
 listis, paucis peragam. quae sententia testis erit, mihine  
 an legionibus vestris pepercerim, cum me seu turpi seu  
 necessaria sponsione obstrinxi; qua tamen, quando iniussu 5  
 populi facta est, non tenetur populus Romanus, nec quic-  
 quam ex ea praeterquam corpora nostra debentur Samni-  
 tibus. dedamur per fetiales nudi vinctique, exsolvamur 6  
 religione populum, si qua obligavimus, ne quid divini hu-  
 manive obstet, quo minus iustum piumque de integro  
 ineatur bellum. interea consules exercitum scribere, ar- 7  
 mare, educere placet nec prius ingredi hostium fines quam  
 omnia iusta in deditionem nostram perfecta erunt. vos, 8  
 dii immortales, precor quaesoque, si vobis non fuit cordi,  
 Sp. Postumium, T. Veturium consules cum Samnitibus pro-  
 spere bellum gerere, at vos satis habeatis, vidisse nos sub 9  
 iugum missos, vidisse sponsione infami obligatos, videre  
 nudos vinctosque hostibus deditos, omnem iram hostium  
 nostris capitibus excipientes. novos consules legionesque 10  
 Romanas ita cum Samnite gerere bellum velitis, ut omnia  
 ante nos consules bella gesta sunt.' quae ubi dixit, tanta 11  
 simul admiratio miseratioque viri incessit omnes, ut modo  
 vix crederent, illum eundem esse Sp. Postumium, qui auc-  
 tor tam foedae pacis fuisset, modo miserarentur, quod vir 12  
 talis etiam praecipuum apud hostes supplicium passurus  
 esset ob iram diremptae pacis. cum omnes laudibus mo- 13  
 do prosequentes virum in sententiam eius pedibus irent,  
 temptata paulisper intercessio est ab L. Livio et Q. Mae-  
 lio tribunis plebis, qui neque exsolvi religione populum 14  
 aiebant deditione sua, nisi omnia Samnitibus, qualia  
 apud Caudium fuissent, restituerentur, neque se pro eo, 15  
 quod spondendo pacem servassent exercitum populi  
 Romani, poenam ullam meritos esse, neque ad extre-

mum, cum sacrosancti essent, dedi hostibus violarive posse.

- 1 VIII. Tum Postumius: 'dedite interea, dedite' inquit  
'profanos nos, quod salva religione potestis; dedetis deinde  
2 et istos sacrosanctos, cum primum magistratu abierint, sed,  
si me audiat, priusquam dedantur hic in comitio virgis  
caesos, hanc iam ut intercalatae poenae usuram habeant.  
3 nam quod deditione nostra negant exsolvi religione popu-  
lum, id istos magis, ne dedantur, quam quia ita se res  
habeat, dicere, quis adeo iuris fetialium expers est qui  
4 ignoret? neque ego infitias eo, patres conscripti, tam spon-  
siones quam foedera sancta esse apud eos homines, apud  
quos iuxta divinas religiones fides humana colitur, sed  
iniussu populi nego quicquam sanciri posse quod populum  
5 teneat. an si eadem superbia, qua sponsionem istam ex-  
presserunt nobis Samnites, coegissent nos verba legitima  
dedentium urbes nuncupare, deditum populum Romanum  
vos, tribuni, diceretis et hanc urbem, templa, delubra,  
6 fines, aquas Samnitium esse? omitto deditionem, quoniam  
de sponsione agitur. quid tandem, si spopondissemus, ur-  
bem hanc relicturum populum Romanum, si incensurum,  
si magistratus, si senatum, si leges non habiturum, si sub  
regibus futurum? di meliora, inquis. atqui non indignitas  
7 rerum sponsionis vinculum levat. si quid est, in quo obli-  
gari populus possit, in omnia potest. et ne illud quidem,  
quod quosdam forsitan moveat, refert, consul an dictator  
8 an praetor spoponderit. et hoc ipsi etiam Samnites iudi-  
caverunt, quibus non fuit satis consules spondere, sed le-  
gatos, quaestores, tribunos militum spondere coegerunt.  
9 nec a me nunc quisquam quaesiverit, quid ita spoponde-  
rim, cum id nec consulis ius esset nec illis spondere pa-  
cem, quae mei non erat arbitrii, nec pro vobis, qui nihil  
10 mandaveratis, possem. nihil ad Caudium, patres conscripti,  
humanis consiliis gestum est: dii immortales et vestris et  
11 hostium imperatoribus mentem ademerunt. nec nos in  
bello satis cavimus et illi male partam victoriam male  
perdiderunt, dum vix locis quibus vicerant credunt, dum  
quacumque condicione arma viris in arma natis auferre  
12 festinant. an, si sana mens fuisset, difficile illis fuit, dum

senes ab domo ad consultandum accerserunt, mittere Romanam legatos, cum senatu, cum populo de pace ac foedere agere? tridui iter expeditis erat. interea in indutiis res 13 fuisset, donec ab Roma legati aut victoriam illis certam aut pacem adferrent. ea demum sponsio esset, quam populi iussu spopondissemus. sed neque vos tulissetis nec 14 nos spopondissemus, nec fas fuit alium rerum exitum esse, quam ut illi velut somnio laetiore quam quod mentes eorum capere possent nequiquam eluderentur et nostrum 15 exercitum eadem quae impedierat fortuna expediret, vanam victoriam vanior inritam faceret pax, sponsio interpone- retur, quae neminem praeter sponsorem obligaret. quid 16 enim vobiscum, patres conscripti, quid cum populo Romano actum est? quis vos appellare potest, quis se a vobis dicere deceptum? hostis an civis? hosti nihil spopondistis, civem neminem spondere pro vobis iussistis. nihil ergo 17 vobis nec nobiscum est, quibus nihil mandastis, nec cum Samnitibus, cum quibus nihil egistis. Samnitibus spon- 18 sores nos sumus rei satis locupletes in id quod nostrum est, in id quod praestare possumus, corpora nostra et animos: in haec saeviant, in haec ferrum, in haec iras acuant. quod ad tribunos attinet, consulite, utrum praesens deditio 19 eorum fieri possit an in diem differatur: nos interim, T. Veturi vosque ceteri, vilia haec capita luendae sponsionis feramus et nostro supplicio liberemus Romana arma.'

X. Movit patres conscriptos cum causa tum auctor, 1 nec ceteros solum, sed tribunos etiam plebei, ut se in senatus dicerent fore potestatem. magistratu inde se extemplo 2 abdicaverunt, traditique fetialibus cum ceteris Caudium ducendi. hoc senatus consulto facto lux quaedam adfulsisse civitati visa est. Postumius in ore erat, eum laudi- 3 bus ad caelum ferebant, devotioni P. Decii consulis, aliis claris facinoribus aequabant. emersisse civitatem ex ob- 4 noxia pace illius consilio et opera, ipsum se cruciatibus et hostium irae offerre piaculaque pro populo Romano dare. arma cuncti spectant et bellum: en umquam futurum, ut 5 congredi armatis cum Samnite liceat?

In civitate ira odioque ardente dilectus prope omnium 6 voluntariorum fuit. rescriptae ex eodem milite novae le-



7 giones ductusque ad Caudium exercitus. praegressi fetia-  
les ubi ad portam venere, vestem detrahi pacis sponso-  
ribus iubent, manus post tergum vinciri. cum apparitor  
verecundia maiestatis Postumi laxè vinciret: 'quin tu' in-  
8 quit 'adduces lorum, ut iusta fiat deditio!' tum ubi in  
coetum Samnitium et ad tribunal ventum Pontii est, A.  
9 Cornelius Arvina fetialis ita verba fecit: 'quandoque hisce  
homines iniussu populi Romani Quiritium foedus ictum iri  
spoponderunt atque ob eam rem noxam nocuerunt, ob eam  
rem, quo populus Romanus scelere inpio sit solutus, hosce  
10 homines vobis dedo.' haec dicenti fetiali Postumius genu  
femur quanta maxime poterat vi perculit et clara voce ait,  
se Samnitē civem esse, illum legatū fetialem a se con-  
tra ius gentium violatum: eo iustius bellum gesturos.

1 XI. Tum Pontius: 'nec ego istam deditionem acci-  
2 piam' inquit 'nec Samnites ratam habebunt. quin tu, Spuri  
Postumi, si deos esse censes, aut omnia inrita facis aut  
pacto stas? Samniti populo omnes, quos in potestate ha-  
3 buit, aut pro his pax debetur. sed quid ego te appello,  
qui te captum victori cum qua potes fide restituis? popu-  
lum Romanum appello, quem si sponsionis ad furculas Cau-  
dinas factae paenitet, restituat legiones intra saltum, quo  
4 saeptae fuerunt. nemo quemquam deceperit, omnia pro  
infecto sint, recipiant arma quae per pactionem tradide-  
runt, redeant in castra sua, quidquid pridie habuerunt  
quam in colloquium est ventum, habeant: tum bellum et  
fortia consilia placeant, tum sponsio et pax repudietur.  
5 ea fortuna, iis locis, quae ante pacis mentionem habuimus,  
geramus bellum, nec populus Romanus consulum sponsio-  
6 nem nec nos fidem populi Romani accusemus. numquamne  
causa defiet, cur victi pacto non stetis? obsides Porsinnae  
dedistis: furto eos subduxistis; auro civitatem a Gallis re-  
7 demistis: inter accipiendum aurum caesi sunt; pacem no-  
biscum pepigistis, ut legiones vobis captas restitueremus:  
eam pacem inritam facitis. et semper aliquam fraudi spe-  
8 ciem iuris inponitis. non probat populus Romanus ignomi-  
niosa pace legiones servatas? pacem sibi habeat, legiones  
captas victori restituat. hoc fide, hoc foederibus, hoc fetia-  
9 libus caerimoniis dignum erat. ut quidem tu quod petisti

per pactionem habeas, tot cives incolumes, ego pacem, quam hos tibi remittendo pactus sum, non habeam, hoc tu, A. Corneli, hoc vos, fetiales, iuris gentibus dicitis? ego 10 vero istos, quos dedi simulatis, nec accipio nec dedi arbitror, nec moror, quo minus in civitatem obligatam sponse commissa iratis omnibus diis, quorum eluditur numen, redeant. gerite bellum, quando Sp. Postumius modo 11 legatum fetialem genu perculit. ita dii credent, Samnitem civem Postumium, non civem Romanum esse et a Samnite legatum Romanum violatum, eo vobis iustum in nos factum esse bellum. haec ludibria religionum non pudere in lu- 12 cem proferre et vix pueris dignas ambages senes ac consulares fallendae fidei exquirere! i, lictor, deme vincla 13 Romanis: moratus sit nemo, quo minus ubi visum fuerit abeant.' et illi quidem forsitan et publica, sua certe liberata fide ab Caudio in castra Romana inviolati redierunt.

XII. Samnitibus pro superba pace infestissimum cer- 1 nentibus renatum bellum omnia, quae deinde evenerunt, non in animis solum, sed prope in oculis esse, et sero ac 2 nequiquam laudare senis Pontii utraque consilia, inter quae se media lapsos victoriae possessionem pace incerta mutasse, et beneficii et maleficii occasione amissa pugnatu- cum eis, quos potuerint in perpetuum vel inimicos tollere vel amicos facere. adeoque nullodum certamine inclinatis 3 viribus post Caudinam pacem animi mutaverant, ut clariorem inter Romanos deditio Postumium quam Pontium incruenta victoria inter Samnites faceret et geri posse bellum 4 Romani pro victoria certa haberent, Samnites simul rebellasse et vicisse crederent Romanum.

Inter haec Satricani ad Samnites defecerunt et Fre- 5 gellae colonia necopinato adventu Samnitium — fuisse et Satricanos cum iis satis constat — nocte occupata est. timor inde mutuus utrosque usque ad lucem quietos tenuit: lux pugnae initium fuit, quam aliquamdiu aequam, 6 et quia pro aris ac focus dimicabatur et quia ex tectis adiu- vabat inbellis multitudo, tamen Fregellani sustinuerunt. fraus deinde rem inclinavit, quod vocem audiri praeconis 7 passi sunt, incolumem abiturum qui arma posuisset. ea spes remisit a certamine animos, et passim arma iactari

8 coepta. pertinacior pars armata per aversam portam erupit tutiorque eis audacia fuit quam incautus ad credendum ceteris pavor, quos circumdatos igni nequiquam deos fidemque invocantes Samnites concremaverunt.

9 Consules inter se partiti provincias: Papirius in Apuliam ad Luceriam pergit, ubi equites Romani obsides ad Caudium dati custodiebantur, Publilius in Samnio substitit  
10 adversus Caudinas legiones. distendit ea res Samnitium animos, quod nec ad Luceriam ire, ne ab tergo instaret hostis, nec manere, ne Luceria interim amitteretur, satis audebant.  
11 optimum visum est committere rem fortunae et transigere cum Publilio certamen. itaque in aciem copias educunt.

1 XIII. Adversus quos Publilius consul cum dimicaturus esset, prius adloquendos milites ratus contionem advocari iussit. ceterum sicut ingenti alacritate ad praetorium concursus est, ita prae clamore poscentium pugnam nulla adhortatio imperatoris audita est. suus cuique animus memor ignominiae adhortator aderat. vadunt igitur in proelium urgentes signiferos et, ne mora in concursu pilis emittendis stringendisque inde gladiis esset, pila velut dato ad id signo abiciunt strictisque gladiis  
3 cursu in hostem feruntur. nihil illic imperatoriae artis ordinibus aut subsidiis locandis fuit, omnia ira militaris  
4 prope vesano impetu egit. itaque non fusi modo hostes sunt, sed ne castris quidem suis fugam impedire ausi Apuliam dissipati petiere; Luceriam tamen coacto rursus  
5 in unum agmine est perventum. Romanos ira eadem, quae per mediam aciem hostium tulerat, et in castra pertulit. ibi plus quam in acie sanguinis ac caedis factum praedaeque pars maior ira corrupta.

6 Exercitus alter cum Papirio consule locis maritimis pervenerat Arpos per omnia pacata Samnitium magis iniuriis et odio quam beneficio ullo populi Romani. nam  
7 Samnites ea tempestate in montibus vicatim habitantes campestria et maritima loca contempto cultorum molliore atque, ut evenit fere, locis simili genere ipsi montani atque  
8 que agrestes depopulabantur. quae regio si fida Samnitibus fuisset, aut pervenire Arpos exercitus Romanus nequisset aut interiecta inter Romam et Arpos penuria rerum

omnium exclusos a commeatibus absumpsisset. tum quo- 9  
que profectos inde ad Luceriam, iuxta obsidentes obses-  
sosque, inopia vexavit. omnia ab Arpis Romanis suppe-  
ditabantur, ceterum adeo exigue, ut militi occupato sta-  
tionibus vigiliisque et opere eques folliculis in castra ab  
Arpis frumentum veheret, interdum occursum hostium co- 10  
geretur abiecto ex equo frumento pugnare. obsessis prius,  
quam alter consul victore exercitu advenit, et commeatus  
ex montibus Samnitium invecti erant et auxilia intromissa.  
artiora omnia adventus Publilii fecit, qui obsidione delegata 11  
in curam collegae vacuus per agros cuncta infesta com-  
meatibus hostium fecerat: itaque cum spes nulla esset, 12  
diutius obsessos inopiam laturos, coacti Samnites, qui ad  
Luceriam castra habebant, undique contractis viribus signa  
cum Papirio conferre.

XIII. Per id tempus parantibusque utrisque se ad 1  
proelium legati Tarentini interveniunt denuntiantes Sam-  
nitibus Romanisque, ut bellum omitterent: per utros ste-  
tisset, quo minus discederetur ab armis, adversus eos se  
pro alteris pugnaturus. ea legatione Papirius audita per- 2  
inde ac motus dictis eorum cum collega se communicatu-  
rum respondit, accitoque eo, cum tempus omne in apparatu  
pugnae consumpsisset, conlocutus de re haud dubia si-  
gnum pugnae proposuit. agentibus divina humanaque, quae 3  
adsolent, cum acie dimicandum est, consulibus Tarentini  
legati occurrere responsum expectantes, quibus Papirius  
ait: 'auspicia secunda esse, Tarentini, pullarius nuntiat. 4  
litatum praeterea est egregie. auctoribus diis, ut videtis,  
ad rem gerendam proficiscimur.' signa inde ferre iussit 5  
et copias eduxit, vanissimam increpans gentem, quae  
suarum inpotens rerum prae domesticis seditionibus dis-  
cordiisque aliis modum pacis ac belli facere aequum cen-  
seret. Samnites ex parte altera cum omnem curam belli 6  
remisissent, quia aut pacem vere cupiebant aut expediebat  
simulare, ut Tarentinos sibi conciliarent, cum instructos  
repente ad pugnam Romanos conspexissent, vociferari,  
se in auctoritate Tarentinorum manere nec descendere in 7  
aciem nec extra vallum arma ferre; deceptos potius quod-  
cumque casus ferat passuros, quam ut sprevisse pacis

8 auctores Tarentinos videantur. accipere se omen consules  
aiunt et eam precari mentem hostibus, ut ne vallum qui-  
9 dem defendant. ipsi inter se partitis copiis succedunt  
hostium munimentis, et simul undique adorti, cum pars  
fossas explerent, pars vellerent vallum atque in fossas  
proruerent, nec virtus modo insita, sed ira etiam exul-  
10 ceratos ignominia stimulare animos, castra invasere, et  
pro se quisque, non haec furculas nec Caudium nec sal-  
tus invios esse, ubi errorem fraus superbe vicisset, sed  
Romanam virtutem, quam nec vallum nec fossae arcerent,  
11 memorantes, caedunt pariter resistentes fusosque, inermes  
atque armatos, servos liberos, puberes inpubes, homines  
12 iumentaue. nec ullum superfuisset animal, ni consules  
receptui signum dedissent avidosque caedis milites e castris  
13 hostium imperio ac minis expulissent. itaque apud infensos  
ob interpellatam dulcedinem irae confestim oratio habita  
14 est, ut doceretur miles, minime cuiquam militum consules  
odio in hostis cecidisse aut cessuros, quin duces sicut belli,  
ita insatiabilis supplicii futuros fuisse, ni respectus equi-  
tum sescentorum, qui Luceriae obsides tenerentur, prae-  
15 pedisset animos, ne desperata venia hostes caecos in sup-  
plicia eorum ageret, perdere prius quam perire optantes.  
16 laudare ea milites laetariue, obviam itum irae suae esse,  
ac fateri, omnia patienda potius quam proderetur salus  
tot principum Romanae iuventutis.

1 XV. Dimissa contione consilium habitum, omnibusne  
copiis Luceriam premerent an altero exercitu et duce Apuli  
2 circa, gens dubiae ad id voluntatis, temptarentur. Publi-  
lius consul ad peragrandam profectus Apuliam aliquot  
expeditione una populos aut vi subegit aut condicionibus  
3 in societatem accepit. Papirio quoque, qui obsessor Lu-  
ceriae restiterat, brevi ad spem eventus respondit. nam  
in sessis omnibus viis, per quas commeatus ex Samnio  
subvehebantur, fame domiti Samnites, qui Luceriae in  
praesidio erant, legatos misere ad consulem Romanum,  
ut receptis equitibus, qui causa belli essent, absisteret  
4 obsidione. iis Papirius ita respondit: debuisse eos Pon-  
tium Herenni filium, quo auctore Romanos sub iugum  
misissent, consulere, quid victis patiendum censeret.

ceterum quoniam ab hostibus in se aequa statui quam in 5  
se ipsi ferre maluerint, nuntiare Luceriam iussit, arma,  
sarcinas, iumenta, multitudinem omnem inbellem intra  
moenia relinquerent; militem se cum singulis vestimentis 6  
sub iugum missurum, ulciscensem inlatam, non novam  
inferentem ignominiam. nihil recusatum. septem milia 7  
militum sub iugum missa praedaeque ingens Luceriae capta  
receptis omnibus signis armisque, quae ad Caudium amissa  
erant et, quod omnia superabat gaudia, equitibus recupe-  
ratis, quos pignora pacis custodiendos Luceriam Samnites  
dederant. haud ferme alia mutatione subita rerum clarior 8  
victoria populi Romani est, si quidem etiam, quod quibus-  
dam in annalibus invenio, Pontius Herenni filius Samni-  
tium imperator, ut expiaret consulum ignominiam, sub  
iugum cum ceteris est missus. ceterum id minus miror, 9  
obscurum esse de hostium duce dedito missoque; id ma-  
gis mirabile est, ambigi, Luciusne Cornelius dictator cum  
L. Papirio Cursore magistro equitum eas res ad Caudium  
atque inde Luceriam gesserit ultorque unicus Romanae 10  
ignominiae, haud sciam an iustissimo triumpho ad eam  
aetatem secundum Furium Camillum triumphaverit an  
consulum Papiriique praecipuum id decus sit. sequitur 11  
hunc errorem alius error, Cursorne Papirius proximis co-  
mitiis cum Q. Aulio Cerretano iterum ob rem bene gestam  
Luceriae continuato magistratu consul tertium creatus sit  
an L. Papirius Mugilanus et in cognomine erratum sit.

XVI. Convenit, iam inde per consules reliqua belli 1  
perfecta. Aulius cum Frentanis uno secundo proelio de-  
bellavit urbemque ipsam, quo se fusa contulerat acies,  
obsidibus imperatis in deditionem accepit. pari fortuna 2  
consul alter cum Satricanis, qui cives Romani post Cau-  
dinam cladem ad Samnites defecerant praesidiumque eo-  
rum in urbem acceperant, rem gessit. nam cum ad 3  
moenia Satrici admotus esset exercitus legatisque missis  
ad pacem cum precibus petendam triste responsum ab  
consule redditum esset, nisi praesidio Samnitium inter-  
fecto aut tradito ne ad se remearent, plus ea voce quam  
armis inlatis terroris colonis iniectum. itaque subinde 4  
execuntur quaerendo a consule legati, quonam se pacto

paucos et infirmos crederet praesidio tam valido et armato  
vim adlaturos. ab isdem consilium petere iussi, quibus  
5 auctoribus praesidium in urbem accepissent, discedunt,  
aegreque impetrato, ut de ea re consuli senatum respon-  
6 saque ad se referri sineret, ad suos redeunt. duae fac-  
tiones senatum distinebant, una, cuius principes erant  
defectionis a populo Romano auctores, altera fidelium  
civium. certatum ab utrisque tamen est, ut ad reconci-  
7 liandam pacem consuli opera navaretur. pars altera, cum  
praesidium Samnitium, quia nihil satis praeparati erat ad  
obsidionem tolerandam, excessurum proxima nocte esset,  
enuntiare consuli satis habuit, qua noctis hora quaque  
8 porta et quam in viam egressurus hostis foret: altera,  
quibus invitis descitum ad Samnites erat, eadem nocte  
portam etiam consuli aperuerunt armatosque clam (nocte)  
9 in urbem acceperunt. ita duplici prodicione et praesidium  
Samnitium insessis circa viam silvestribus locis necopinato  
oppressum est et ab urbe plena hostium clamor sublatus,  
momentoque unius horae caesus Samnis, Satricanus cap-  
10 tus et omnia in potestate consulis erant, qui quaestione  
habita, quorum opera defectio esset facta, quos sontes  
conperit virgis caesos securi percussit praesidioque valido  
11 inposito arma Satricanis ademit. inde ad triumphum de-  
cessisse Romam Papirium Cursorem scribunt, qui eo duce  
Luceriam receptam Samnitesque sub iugum missos auc-  
12 tores sunt. et fuit vir haud dubie dignus omni bellica  
laude, non animi solum vigore, sed etiam corporis viribus  
13 excellens. praecipua pedum pernecitas inerat, quae cog-  
nomen etiam dedit; victoremque cursu omnium aetatis  
suae fuisse ferunt et seu virium vi seu exercitatione multa  
14 cibi vinique eundem capacissimum, nec cum ullo asperio-  
rem, quia ipse invicti ad laborem corporis esset, fuisse  
15 militiam pediti pariter equitque; equites etiam aliquando  
ausos ab eo petere, ut sibi pro re bene gesta laxaret ali-  
16 quid laboris. quibus ille: 'ne nihil remissum dicatis, re-  
mitto,' inquit 'ne utique dorsum demulceatis, cum ex  
equis descendetis.' et vis erat in eo viro imperii ingens  
17 pariter in socios civesque. Praenestinus praetor per ti-  
morem segnius ex subsidiis suos duxerat in primam aciem;



quem cum inambulans ante tabernaculum vocari iussisset, lictorem expedire securem iussit. ad quam vocem exanimi 18 stante Praenestino: 'agedum, lictor, excide radicem hanc' inquit 'incommodam ambulanti-<sup>bus</sup>,' perfusumque ultimi supplicii metu multa dicta dimisit. haud dubie illa aetate, 19 qua nulla virtutum feracior fuit, nemo unus erat vir, quo magis innixa res Romana staret. quin eum parem destinant animis magno Alexandro ducem, si arma Asia perdomita in Europam vertisset.

XVII. Nihil minus quaesitum a principio huius ope- 1 ris videri potest, quam ut plus iusto ab rerum ordine declinarem varietatibusque distinguendo opere et legentibus velut deverticula amoena et requiem animo meo quaerem. tamen tanti regis ac ducis mentio, quibus saepe 2 tacitis cogitationibus volutavit animum, eas evocat in medium, ut quaerere libeat, quinam eventus Romanis rebus, si cum Alexandro foret bellatum, futurus fuerit. plurimum in bello pollere videntur militum copia et vir- 3 tus, ingenia imperatorum, fortuna per omnia humana, maxime in res bellicas potens. ea et singula intuenti et 4 universa sicut ab aliis regibus gentibusque, ita ab hoc quoque facile praestant invictum Romanum imperium. iam primum ut ordiar ab ducibus comparandis, haud equi- 5 dem abnuo, egregium ducem fuisse Alexandrum, sed clariorem tamen eum facit, quod unus fuit, quod adulescens in incremento rerum nondum alteram fortunam expertus decessit. ut alios reges claros ducesque omittam, 6 magna exempla casuum humanorum, Cyrum, quem maxime Graeci laudibus celebrant, quid nisi longa vita, sicut Magnum modo Pompeium, vertenti praebuit fortunae? recenseam duces Romanos, nec omnes omnium 7 aetatum, sed ipsos eos, cum quibus consulibus aut dictatoribus Alexandro fuit bellandum: M. Valerium Cor- 8 vum, C. Marcium Rutilum, C. Sulpicium, T. Manlium Torquatum, Q. Publilium Philonem, L. Papirium Cursorem, Q. Fabium Maximum, duos Decios, L. Volum- nium, M'. Curium. deinceps ingentes secuntur viri, si 9 Punicum Romano praevertisset bellum seniorque in Italiam traiecisset. horum in quolibet cum indoles eadem 10

quae in Alexandro erat animi ingenique, tum disciplina  
 militaris iam inde ab initiis urbis tradita per manus in  
 11 artis perpetuis praeceptis ordinatae modum venerat. ita  
 reges gesserant bella, ita deinde exactores regum Iunii  
 Valerique, ita deinceps Fabii, Quinctii, Cornelii, ita Furius  
 Camillus, quem iuvenes ii, quibus cum Alexandro dimi-  
 12 candum erat, senem viderant. militaria opera pugnando  
 obeunti Alexandro — nam ea quoque haud minus clarum  
 eum faciunt — cessisset videlicet in acie oblatus par Man-  
 lius Torquatus aut Valerius Corvus, insignes ante milites  
 13 quam duces, cessissent Decii devotis corporibus in hostem  
 ruentes, cessisset Papirius Cursor illo corporis robore, illo  
 14 animi! victus esset consiliis iuvenis unius, ne singulos  
 nominem, senatus ille, quem qui ex regibus constare dixit  
 15 unus veram speciem Romani senatus cepit! id vero erat  
 periculum, ne sollertius quam quilibet unus ex his, quos  
 nominavi, castris locum caperet, commeatus expediret, ab  
 insidiis praecaveret, tempus pugnae deligeret, aciem in-  
 16 strueret, subsidiis firmaret. non cum Dareo rem esse dixis-  
 set, quem mulierum ac spadonum agmen trahentem, inter  
 purpuram atque aurum, oneratum fortunae apparatus  
 suae, praedam verius quam hostem, nihil aliud quam bene  
 17 ausus vana contemnere, incruentus devicit. longe alius  
 Italiae quam Indiae, per quam temulento agmine comisa-  
 bundus incessit, visus illi habitus esset, saltus Apuliae ac  
 montes Lucanos cernenti et vestigia recentia domesticae  
 cladis, ubi avunculus eius nuper Epiri rex Alexander ab-  
 sumptus erat.

1 XVIII. Et loquimur de Alexandro nondum merso se-  
 2 cundis rebus, quarum nemo intolerantior fuit. qui si ex  
 habitu novae fortunae novique, ut ita dicam, ingenii, quod  
 3 sibi victor induerat, spectetur, Dareo magis similis quam  
 Alexandro in Italiam venisset et exercitum Macedoniae  
 oblitum degenerantemque iam in Persarum mores addu-  
 4 xisset. referre in tanto rege piget superbam mutationem  
 vestis, et desideratas humi iacentium adulationes, etiam  
 victis Macedonibus graves, nedum victoribus, et foeda  
 supplicia et inter vinum et epulas caedes amicorum et  
 5 vanitatem ementiendae stirpis. quid si vini amor in dies

fieret acrior, quid si trux ac praefervida ira — nec quicquam dubium inter scriptores refero —, nullane haec damna imperatoriis virtutibus ducimus? id vero periculum erat, 6 quod levissimi ex Graecis, qui Parthorum quoque contra nomen Romanum gloriae favent, dictitare solent, ne maiestatem nominis Alexandri, quem ne fama quidem illis notum arbitror fuisse, sustinere non potuerit populus Romanus, et adversus quem Athenis, in civitate fracta Macedo- 7 num armis, cernente tum maxime prope fumantes Thebarum ruinas, contionari libere ausi sunt homines, id quod ex monumentis orationum patet, adversus eum nemo ex tot proceribus Romanis vocem liberam missurus fuerit? quantalibet magnitudo hominis concipiatur animo, unius 8 tamen ea magnitudo hominis erit, collecta paulo plus decem annorum felicitate, quam qui eo extollunt, quod populus 9 Romanus etsi nullo bello, multis tamen proeliis victus sit, Alexandro nullius pugnae non secunda fortuna fuerit, non intellegunt, se hominis res gestas et eius iuvenis cum populi iam octingentesimum bellantis annum rebus conferre. miremur, si, cum ex hac parte saecula plura nume- 10 rentur quam ex illa anni, plus in tam longo spatio quam in aetate tredecim annorum fortuna variaverit? quin tu 11 hominis cum homine et ducis cum duce fortunam cum fortuna confers? quot Romanos duces nominem, quibus 12 numquam adversa fortuna pugnae fuit! paginas in annalibus magistratum fastisque percurrere licet consulum dictatorumque, quorum nec virtutis nec fortunae ullo die populum Romanum paenituit. et quo sint mirabiliores 13 quam Alexander aut quisquam rex, denos vicanosque dies quidam dictaturam, nemo plus quam annum consulatum gessit, ab tribunis plebis dilectus inpediti sunt, post tempus 14 ad bella ierunt, ante tempus comitiorum causa revocati sunt, in ipso conatu rerum circumegit se annus, colligae 15 nunc temeritas nunc pravitas inpedimento aut damno fuit, male gestis rebus alterius successum est, tironem aut mala disciplina institutum exercitum acceperunt. at her- 16 cule reges non liberi solum inpedimentis omnibus, sed domini rerum temporumque trahunt consiliis cuncta, non secuntur. invictus ergo Alexander cum invictis ducibus 17

bella gessisset et eadem fortunae pignera in discrimen  
18 detulisset. immo etiam eo plus periculi subisset, quod  
Macedones unum Alexandrum habuissent, multis casibus  
19 non solum obnoxium, sed etiam offerentem se, Romani  
multi fuissent Alexandro vel gloria vel rerum magnitudine  
pares, quorum suo quisque fato sine publico discrimine  
viveret morereturque.

1 XVIII. Restat, ut copiae copiis conparentur vel nu-  
2 mero vel militum genere vel multitudine auxiliorum, cen-  
sebantur eius aetatis lustris ducena quinquagena milia  
capitum. itaque in omni defectione sociorum Latini no-  
minis urbano prope dilectu decem scribebantur legiones.  
3 quaterni quinque exercitus saepe per eos annos in Etru-  
ria, in Umbria Gallis hostibus adiunctis, in Samnio, in  
4 Lucanis gerebant bellum: Latium deinde omne cum Sabi-  
nis et Volscis et Aequis et omni Campania et parte Um-  
briae Etruriaequae et Picentibus et Marsis Paelignisque ac  
Vestinis atque Apulis, adiuncta omni ora Graecorum in-  
feri maris a Thuriis Neapolin et Cumas, et inde Antio at-  
que Ostiis tenus (Samnites), aut socios validos Romanis  
5 aut fractos bello invenisset hostes. ipse traiecisset mare  
cum veteranis Macedonibus, non plus triginta milibus ho-  
minum, et quattuor milibus equitum maxime Thessalorum:  
hoc enim roboris erat. Persas, Indos aliasque si adiunxis-  
set gentes, impedimentum maius quam auxilium traheret.  
6 adde, quod Romanis ad manum domi supplementum esset,  
Alexandro, quod postea Hannibali accidit, alieno in agro  
7 bellanti exercitus consenuisset. arma, clupeus sarisaeque  
illis (id est hastae), Romano scutum, maius corpori tegu-  
mentum, et pilum, haud paulo quam hasta vehementius  
8 ictu missuque telum. statarius uterque miles ordines ser-  
vans: sed illa phalanx immobilis et unius generis, Romana  
acies distinctior, ex pluribus partibus constans, facilis par-  
9 tienti quacumque opus esset, facilis iungenti. iam in opere  
quis par Romano miles, quis ad tolerandum laborem me-  
lior? uno proelio victus Alexander bello victus esset: Ro-  
manum, quem Caudium, quem Cannae non fregerunt, quae  
10 fregisset acies? ne ille saepe, etiam si prima prospere  
evenissent, Persas et Indos et inbellem Asiam quaesisset

et cum feminis sibi bellum fuisse dixisset, quod Epiri re- 11  
gem Alexandrum mortifero vulnere ictum dixisse ferunt,  
sortem bellorum in Asia gestorum ab hoc ipso iuvene cum  
sua conferentem. equidem, cum per annos quattuor et 12  
viginti primo Punico bello classibus certatum cum Poenis  
recordor, vix aetatem Alexandri suffecturam fuisse reor  
ad unum bellum: et forsitan, cum et foederibus vetustis 13  
iuncta res Punica Romanae esset et timor par adversus  
communem hostem duas potentissimas armis virisque ur-  
bes armaret, simul Punico Romanoque obrutus bello esset.  
non quidem Alexandro duce nec integris Macedonum re- 14  
bus, sed experti tamen sunt Romani Macedonem hostem  
adversus Antiochum, Philippum, Persen, non modo cum  
clade ulla, sed ne cum periculo quidem suo. absit invidia 15  
verbo et civilia bella sileant, numquam ab equite hoste,  
numquam a pedite, numquam aperta acie, numquam aequis,  
utique numquam nostris locis laboravimus. equitem, sa- 16  
gittas, saltus inpeditos, avia commeatibus loca gravis armis  
miles timere potest: mille acies graviores quam Macedo- 17  
num atque Alexandri avertit avertetque, modo sit perpe-  
tuus huius, qua vivimus, pacis amor et civilis cura con-  
cordiae.

XX. M. Foslius Flaccina inde et L. Plautius Venox 1  
consules facti. eo anno ab frequentibus Samnitium popu- 2  
lis de foedere renovando legati cum senatum humi strati  
movissent, reiecti ad populum hautquaquam tam efficaces  
habebant preces. itaque de foedere negatum, indutiae bien- 3  
nii, cum per aliquot dies fatigassent singulos precibus, im-  
petratae. et ex Apulia Teanenses Canusinique, populatio- 4  
nibus fessi, obsidibus L. Plautio consuli datis in deditio-  
nem venerunt.

Eodem anno primum praefecti Capuam creari coepti 5  
legibus ab L. Furio praetore datis, cum utrumque ipsi  
pro remedio aegris rebus discordia intestina petissent. et 6  
duae Romae additae tribus, Ufentina ac Falerna.

Inclinatis semel in Apulia rebus Teates quoque Apuli 7  
ad novos consules, C. Iunium Bubulcum, Q. Aemilium Bar-  
bulam, foedus petatum venerunt, pacis per omnem Apu-  
liam praestandae populo Romano auctores. id audacter 8

spondendo impetravere, ut foedus daretur, neque ut aequo tamen foedere, sed ut in ditione populi Romani essent.

9 Apulia perdomita — nam Forento quoque valido oppido Iunius potitus erat — in Lucanos perrectum, inde repen-  
10 tino adventu Aemilii consulis Nerulum vi captum. et postquam res Capuae stabilitas Romana disciplina fama per socios vulgavit, Antiatis quoque, qui se sine legibus certis, sine magistratibus agere querebantur, dati ab senatu ad iura statuenda ipsius coloniae patroni: nec arma modo, sed iura etiam Romana late pollebant.

1 XXI. C. Iunius Bubulcus et Q. Aemilius Barbula consules exitu anni non consulibus ab se creatis, Sp. Nautio et M. Popilio, ceterum dictatori L. Aemilio legiones tra-  
2 diderunt. is, cum L. Fulvio magistro equitum Saticulam oppugnare adortus, rebellandi causam Samnitibus dedit.  
3 duplex inde terror inlatus Romanis: hinc Samnis magno exercitu coacto ad eximendos obsidione socios haud procul castris Romanorum castra posuit, hinc Saticulani magno cum tumultu patefactis repente portis in stationes hostium  
4 incurrerunt. inde pars utraque spe alieni magis auxilii quam viribus freta suis iusto mox proelio inito Romanos urgent, et quamquam anceps dimicatio erat, tamen utrimque tutam aciem dictator habuit, quia et locum haud facilem ad circumveniendum cepit et diversa statuit signa.  
5 infestior tamen in erumpentes incessit nec magno certamine intra moenia compulit, tum totam aciem in Samnites  
6 obvertit. ibi plus certaminis fuit, victoria sicut sera, ita nec dubia nec varia fuit. fusi in castra Samnites extinctis nocte ignibus tacito agmine abeunt et spe abiecta Saticulae tuendae Plisticam ipsi, socios Romanorum, ut parem dolorem hosti redderent, circumsidunt.

1 XXII. Anno circumacto bellum deinceps ab dictatore Q. Fabio gestum est, consules novi, sicut superiores, Romae manserunt. Fabius ad accipiendum ab Aemilio exercitum ad Saticulam cum supplemento venit. neque enim  
2 Samnites ad Plisticam manserant, sed accitis ab domo novis militibus, multitudine freti castra eodem, quo antea, loco posuerunt: lacescentesque proelio Romanos avertere  
3 ab obsidione conabantur. eo intentius dictator in moenia

versus id bellum tanti dūcere, quod urbem oppugnabat, securior ab Samnitibus agere, stationibus modo oppositis, ne qua in castra vis fieret. eo ferocius adequitare Samni- 4  
tes vallo neque otium pati, et cum iam prope in portis castrorum esset hostis, nihil consulto dictatore magister equitum Q. Aulius Cerretanus magno tumultu cum omnibus turmis equitum evector summovit hostem. tum in 5  
minime pertinaci genere pugnae sic fortuna exercuit opes, ut insignis utrimque clades et clara ipsorum ducum ederet funera. prior Samnitium imperator aegre patiens, quo 6  
tam ferociter adequitasset, inde se fundi fugarique, orando hortandoque equites proelium iteravit; in quem insignem 7  
inter suos cientem pugnam magister equitum Romanus infesta cuspide ita permisit equum, ut uno ictu exanimem equo praecipitaret. nec, ut fit, ad ducis casum perculsa magis quam irritata est multitudo. omnis qui circa erant 8  
in Aulium, temere invectum per hostium turmas, tela coniecerunt: fratri praecipuum decus uli Samnitium impera- 9  
toris dederunt. is victorem detractum ex equo magistrum equitum plenus maeroris atque irae trucidavit, nec multum afuit, quin corpore etiam, quia inter hostilis ceciderat turmas, Samnites potirentur. sed extemplo ad pedes descen- 10  
sum ab Romanis est, coactique idem Samnites facere. et repentina acies circa corpora ducum pedestre proelium iniit, quo haud dubie superat Romanus: recuperatumque Auli corpus mixta cum dolore laetitia victores in castra referunt. Samnites duce amisso et per equestre certamen 11  
temptatis viribus omissa Saticula, quam nequiquam defendi rebantur, ad Plisticae obsidionem redeunt, intraque paucos dies Saticula Romanus per deditionem, Plistica per vim Samnis potitur.

**XXIII.** Mutata inde belli sedis est; ad Soram ex 1  
Samnio Apuliaque traductae legiones. Sora ad Samnites 2  
defecerat interfectis colonis Romanorum. quo cum prior Romanus exercitus ad ulciscendam civium necem recuperandamque coloniam magnis itineribus praevenisset, sparsi 3  
per vias speculatores sequi legiones Samnitium nec iam procul abesse alii super alios nuntiarent, obviam itum hosti 4  
atque ad Lautulas ancipiti proelio dimicatum est. non



caedes, non fuga alterius partis, sed nox incertos, victi  
5 victoresne essent, diremit. invenio apud quosdam, adversam eam pugnam Romanis fuisse atque in ea cecidisse  
6 Q. Aulium magistrum equitum. suffectus in locum Auli C. Fabius magister equitum cum exercitu novo ab Roma advenit et per praemissos nuntios consulto dictatore, ubi subsisteret quove tempore et qua ex parte hostem adgrederetur, substitit occultus ad omnia satis exploratis consiliis.  
7 dictator cum per aliquot dies post pugnam continuisset suos intra vallum, obsessi magis quam obsidentis modo, signum repente pugnae proposuit et, efficacius ratus ad accendendos virorum fortium animos, nullam alibi quam in semet ipso cuiquam relictam spem, de magistro equitum novoque exercitu militem celavit et, tamquam nulla nisi in eruptione spes esset: 'locis' inquit 'angustis, milites, deprehensi, nisi quam victoria patefecerimus viam,  
9 nullam habemus. stativa nostra munimento satis tuta sunt, sed inopia eadem infesta: nam et circa omnia defecerunt, unde subvehi commeatus poterant, et, si homines iuvare  
10 velint, iniqua loca sunt. itaque non frustrabor ego vos castra hic relinquendo, in quae infecta victoria, sicut pristino die, vos recipiatis. armis munimenta, non munimentis arma tuta esse debent. castra habeant repetantque quibus operaest trahere bellum: nos omnium rerum respectum praeterquam victoriae nobis abscidamus. ferte  
11 signa in hostem: ubi extra vallum agmen excesserit, castra quibus imperatum est incendant. damna vestra, milites, omnium circa qui defecerunt populorum praeda sarcientur.' et oratione dictatoris, quae necessitatis ultimae index erat, milites accensi vadunt in hostem, et respectus ipse ardentium castrorum, quamquam proximis tantum — ita enim iusserat dictator — ignis est subditus, haut parvum  
12 fuit inritamentum. itaque velut vaecordes inlati signa primo impetu hostium turbant, et in tempore, postquam ardentia procul vidit castra, magister equitum — id convenerat signum — hostium terga invadit. ita circumventi Samnites, qua potest quisque, fugam per diversa petunt.  
13 ingens multitudo in unum metu conglobata ac semet ipsam  
14 turba inpediens in medio caesa. castra hostium capta

direptaque, quorum praeda onustum militem in Romana castra dictator reducit, haudquaquam tam victoria laetum, quam quod praeter exiguam deformatam incendio partem cetera contra spem salva invenit.

XXIII. Ad Soram inde reditum: novique consules 1  
M. Poetelius, C. Sulpicius exercitum ab dictatore Fabio accipiunt magna parte veterum militum dimissa novisque cohortibus in supplementum adductis. ceterum cum propter 2  
difficilem urbis situm nec oppugnandi satis certa ratio iniretur et aut tempore longinqua aut praeceps periculo victoria esset, Soranus transfuga clam ex oppido profectus cum 3  
ad vigiles Romanos penetrasset, duci se extemplo ad consules iubet deductusque traditurum urbem promittit. visus 4  
inde, cum quonam modo id praestaturus esset percunctantes doceret, haud vana adferre, perpulit, prope adiuncta moenibus Romana castra ut sex milia ab oppido remove-  
rentur: fore, ut minus intentae in custodiam urbis diurnae 5  
stationes ac nocturnae vigiliae essent. ipse insequenti nocte sub oppido silvestribus locis cohortibus insidere iussis decem milites delectos secum per ardua ac prope invia in arcem ducit, pluribus quam pro numero virorum missilibus telis eo conlatis. ad hoc saxa erant et temere iacen- 6  
tia, ut fit in aspretis, et de industria etiam, quo locus tutior esset, ab oppidanis congesta. ubi cum constituisset 7  
Romanos semitamque angustam et arduam erectam ex oppido in arcem ostendisset: ‘hoc quidem ascensu’ inquit ‘vel tres armati quamlibet multitudinem arcuerint: vos et decem 8  
numero et, quod plus est, Romani Romanorumque fortissimi viri estis. et locus pro vobis et nox erit, quae omnia ex incerto maiora territis ostentat. ego iam terrore omnia inplebo, vos arcem intenti tenete.’ decurrit inde, quanto 9  
maxime poterat cum tumultu: ‘ad arma’ et: ‘pro vestram fidem, cives,’ clamitans ‘arx ab hostibus capta est, defendite, ite.’ haec incidens principum foribus, haec obviis, haec 10  
excurrentibus in publicum pavidis increpat. acceptum ab uno pavorem plures per urbem ferunt. trepidi magistratus 11  
missis ad arcem exploratoribus cum tela et armatos tenere arcem multiplicato numero audirent, avertunt animos a spe recuperandae arcis; fuga cuncta conplentur portaeque ab 12

semisomnis ac maxima parte inermibus refringuntur, quarum per unam praesidium Romanum clamore excitatum  
13 inrumpit et concursantes per vias pavidos caedit. iam Sora capta erat, cum consules prima luce advenere, et quos reliquos fortuna ex nocturna caede ac fuga fecerat in deditionem accipiunt. ex his ducentos viginti quinque, qui  
14 omnium consensu destinabantur et infandae colonorum caedis et defectionis auctores, vinctos Romam deducunt, ceteram multitudinem incolumem praesidio inposito Sorae  
15 relinquunt. omnes, qui Romam deducti erant, virgis in foro caesi ac securi percussi summo gaudio plebis, cuius maxime intererat, tutam ubique, quae passim in colonias mitteretur, multitudinem esse.

1 XXV. Consules ab Sora profecti in agros atque urbes Ausonum bellum intulerunt. mota namque omnia adventu Samnitium, cum apud Lautulas dimicatum est, fuerant coniurationesque circa Campaniam passim factae. nec Capua ipsa crimine caruit. quin Romam quoque et ad principum quosdam inquirendo ventum est. ceterum Ausonum gens proditione urbium, sicut Sora, in potestatem  
4 venit. Ausona et Minturnae et Vescia urbes erant, ex quibus principes iuventutis duodecim numero in proditionem  
5 urbium suarum coniurati ad consules veniunt. docent, suos iam pridem exoptantes Samnitium adventum, simul ad Lautulas pugnatum audierunt, pro victis Romanos habuisse,  
6 iuventute, armis Samnitem iuvisse; fugatis inde Samnitibus incerta pace agere nec claudentis portas Romanis, ne arcessant bellum, et obstinatos claudere, si exercitus admoveatur: in ea fluctuatione animorum opprimi incautos  
7 posse. his auctoribus mota propius castra missique eodem tempore circa tria oppida milites, partim armati, qui occulti propinqua moenibus insiderent loca, partim togati tectis veste gladiis, qui sub lucem apertis portis urbes ingrederentur. ab his simul custodes trucidari coepti, simul  
8 datum signum armatis, ut ex insidiis concurrerent. ita portae occupatae triaque oppida eadem hora eodemque consilio  
9 capta. sed quia absentibus ducibus impetus est factus, nullus modus caedibus fuit: deletaque Ausonum gens, vix certo defectionis crimine, perinde ac si internecivo bello certasset.

XXVI. Eodem anno prodito hostibus Romano prae- 1  
sidio Luceria Samnitium facta. nec diu proditoribus in-  
punita res fuit. haud procul inde exercitus Romanus erat; 2  
cuius primo impetu urbs sita in plano capitur. Lucerini  
ac Samnites ad internecionem caesi, eoque ira processit, 3  
ut Romae quoque, cum de colonis mittendis Luceriam  
consuleretur senatus, multi delendam urbem censerent.  
praeter odium, quod execrabile in bis captos erat, longin- 4  
quitas quoque abhorrere a relegandis tam procul ab domo  
civibus inter tam infestas gentes cogebat. vicit tamen sen- 5  
tentia, ut mitterentur coloni. duo milia et quingenti missi.

Eodem anno, cum omnia infida Romanis essent, Ca-  
puae quoque occultae principum coniurationes factae. de 6  
quibus cum ad senatum relatum esset, haudquaquam ne-  
glecta res. quaestiones decretae, dictatoremque quaestioni-  
bus exercendis dici placuit. C. Maenius dictus; is M. Fos- 7  
lium magistrum equitum dixit. ingens erat magistratus  
eius terror. itaque sive timor seu conscientiae vis Cala-  
vios Ovium Noviumque — ea capita coniurationis fuerant  
—, priusquam nominarentur apud dictatorem, mors haud  
dubie ab ipsis conscita iudicio subtraxit. deinde ut quae- 8  
stioni Campanae materia decessit, versa Romam interpre-  
tando res: non nominatim qui Capuae, sed in universum  
qui usquam coissent coniurassentve adversus rem publi-  
cam quaeri senatum iussisse et coitiones honorum adi- 9  
piscendorum causa factas adversus rem publicam esse.  
latiorque et re et personis quaestio fieri, haud abnuente  
dictatore, sine fine ulla quaestionis suae ius esse. postu- 10  
labantur ergo nobiles homines, appellantibusque tribunos  
nemo erat auxilio, quin nomina reciperentur. inde nobili- 11  
tas, nec hi modo in quos crimen intendebatur, sed universi  
simul negare, nobilium id crimen esse, quibus si nulla ob-  
stetur fraude, pateat via ad honorem, sed hominum novo-  
rum. ipsos adeo dictatorem magistrumque equitum reos 12  
magis quam quaesitores idoneos eius criminis esse, intel-  
lecturosque, ita id esse, simul magistratu abissent. tum 13  
enim vero Maenius, iam famae magis quam imperii me-  
mor, progressus in contionem ita verba fecit: ‘et omnes 14  
ante actae vitae vos conscios habeo, Quirites, et hic ipse

honos delatus ad me testis est innocentiae meae: neque enim, quod saepe alias, quia ita tempora postulabant rei publicae, qui bello clarissimus esset, sed qui maxime procul ab his coitionibus vitam egisset, dictator deligendus  
 15 exercendis quaestionibus fuit. sed quoniam quidem nobiles homines — qua de causa, vos existimare quam me pro magistratu quicquam inconpertum dicere melius est — primum ipsas expugnare quaestiones omni ope adnisi sunt,  
 16 dein, postquam ad id parum potentes erant, ne causam dicerent, in praesidia adversariorum, appellationem et tribunicium auxilium, patricii confugerunt, postremo repulsi inde — adeo omnia tutiora quam ut innocentiam suam purgarent visa — in nos intruerunt, et privatis dictatorem  
 18 poscere reum verecundiae non fuit: ut omnes dii hominesque sciant, ab illis etiam quae non possint temptari, ne rationem vitae reddant, me obviam ire crimini et offerre  
 19 me inimicis reum, dictatura me abdicō. vos quaeso, consules, si vobis datum ab senatu negotium fuerit, in me primum et hunc M. Foslium quaestiones exerceatis, ut appareat, innocentia nostra nos, non maiestate honoris tuos a criminationibus istis esse.’ abdicat inde se dictatura  
 20 et post eum confestim Foslius magisterio equitum, primi-que apud consules — iis enim ab senatu mandata res est — rei facti adversus nobilium testimonia egregie absolvuntur.  
 21 Publilius etiam Philo multiplicatis summis honoribus post res tot domi belloque gestas, ceterum invisus  
 22 nobilitati, causam dixit absolutusque est. nec diutius, ut fit, quam dum recens erat, quaestio per clara nomina reorum vixit; inde labi coepit ad viliora capita, donec coitionibus factionibusque, adversus quas comparata erat, oppressa est.

1 XXVII. Earum fama rerum, magis tamen spes Campanae defectionis, in quam coniuratum erat, Samnites in  
 2 Apuliam versos rursus ad Caudium revocavit, ut inde ex propinquo, si qui motus occasionem aperiret, Capuam Romanis eriperent. eo consules cum valido exercitu venerunt. et primo circa saltus, cum utrimque ad hostem in-  
 3 qua via esset, cunctati sunt; deinde Samnites per aperta loca brevi circuitu in loca plana, Campanos campos, ag-

men demittunt, ibique primum castra in conspectum hosti-  
 bus data, deinde levibus proeliis equitum saepius quam 5  
 peditum utrimque periculum factum: nec aut eventus eo-  
 rum Romanum aut morae, qua trahebant bellum, paeni-  
 tebat. Samnitium contra ducibus et carpi parvis cotidie 6  
 damnis et senescere dilatione belli vires suae videbantur.  
 itaque in aciem procedunt equitibus in cornua divisus, qui- 7  
 bus praeceptum erat, intentiores ad respectum castrorum,  
 ne qua eo vis fieret, quam ad proelium starent: aciem  
 pediti tutam fore. consulum Sulpicius in dextro, Poete- 8  
 lius in laevo cornu consistunt. dextra pars, qua et Samni-  
 tes raris ordinibus, aut ad circummeundos hostes aut ne ipsi  
 circumirentur, constiterant, latius patefacta stetit. sinistris, 9  
 praeterquam quod confertiores steterant, repentino consilio  
 Poetelii consulis additae vires, qui subsidiarias cohortes,  
 quae integrae ad longioris pugnae casus reservabantur, in  
 primam aciem extemplo emisit universisque hostem primo  
 impetu viribus inpulit. commota pedestri acie Samnitium 10  
 eques in pugnam succedit. in hunc transverso agmine  
 inter duas acies se inferentem Romanus equitatus concitat  
 equos signaque et ordines peditum atque equitum confun-  
 dit, donec universam ab ea parte avertit aciem. in eo cornu 11  
 non Poetelius solus, sed Sulpicius etiam hortator adfuerat,  
 avectus ab suis nondum conserentibus manus ad clamorem  
 a sinistra parte prius exortum. unde haud dubiam victo- 12  
 riam cernens, cum ad suum cornu tenderet cum mille du-  
 centis viris, dissimilem ibi fortunam invenit, Romanos loco  
 pulsos, victorem hostem signa in percussos inferentem.  
 ceterum omnia mutavit repente consulis adventus: nam 13  
 et conspectu ducis reffectus militum est animus et maius  
 quam pro numero auxilium advenerant fortes viri et par-  
 tis alterius victoria audita, mox visa etiam, proelium re-  
 stituit. tota deinde iam vincere acie Romanus et omisso 14  
 certamine caedi capique Samnites, nisi qui Maleventum,  
 cui nunc urbi Beneventum nomen est, perfugerunt. ad  
 triginta milia caesa aut capta Samnitium proditum memo-  
 riae est.

XXVIII. Consules egregia victoria parta protinus 1  
 inde ad Bovianum oppugnandum legiones ducunt; ibique 2

hiberna egerunt, donec ab novis consulibus L. Papirio Cursore quintum, C. Iunio Bubulco iterum nominatus dictator C. Poetelius cum M. Foslio magistro equitum exercitum accepit. is cum audisset, arcem Fregellanam ab Samnitibus captam, omisso Boviano ad Fregellas pergit. unde nocturna Samnitium fuga sine certamine receptis Fregellis praesidioque valido inposito, in Campaniam reditum maxime ad Nolam armis repetendam. eo se intra moenia sub adventum dictatoris et Samnitium omnis multitudo et Nolani agrestes contulerant. dictator urbis situ circumspecto, quo apertior aditus ad moenia esset, omnia aedificia — et frequenter ibi habitabatur — circumiecta muris incendit. nec ita multo post sive a Poetelio dictatore sive ab C. Iunio consule — nam utrumque traditur — Nola est capta. qui captae decus Nolae ad consulem trahunt, adiciunt, Atinam et Calatiam ab eodem captas, Poetelium autem pestilentia orta clavi figendi causa dictatorem dictum. Suessa et Pontia eodem anno coloniae deductae sunt. Suessa Auruncorum fuerat, Volsci Pontias, insulam sitam in conspectu litoris sui, incoluerant. et Inter[am]nam Casinam ut deduceretur colonia senati consultum factum est. sed triumviros creavere ac misere colonorum quattuor milia insequentes consules M. Valerius, P. Decius.

XXVIII. Profligato fere Samnitium bello, priusquam ea cura decederet patribus Romanis, Etrusci belli fama exorta est. nec erat ea tempestate gens alia, cuius secundum Gallicos tumultus arma terribiliora essent cum propinquitate agri tum multitudine hominum. itaque altero consule in Samnio reliquias belli persequenti P. Decius, qui graviter aeger Romae restiterat, auctore senatu dictatorem C. Iunium Bubulcum dixit. is, prout rei magnitudo postulabat, omnes iuniores sacramento adigit, arma quaeque alia res poscit summa industria parat. nec tantis apparatibus elatus de inferendo bello agit, quieturus haud dubie, nisi ultro arma Etrusci inferrent. eadem in comparando cohibendoque bello consilia et apud Etruscos fuere. neutri finibus egressi.

Et censura clara eo anno Appi Claudii et C. Plautii fuit, memoriae tamen felicioris ad posterum nomen Appi,



quod viam munivit et aquam in urbem duxit eaque unus  
 perfecit, quia ob infamem atque invidiosam senatus lectio- 7  
 nem verecundia victus collega magistratu se abdicaverat:  
 Appius iam inde antiquitus insitam pertinaciam familiae 8  
 gerendo solus censuram obtinuit. eodem Appio auctore 9  
 Potitii, gens, cuius ad aram maximam Herculis familiare  
 sacerdotium fuerat, servos publicos ministerii delegandi  
 causa sollemnia eius sacri docuerant. traditur inde dictu 10  
 mirabile et quod dimovendis statu suo sacris religionem  
 facere posset, cum duodecim familiae ea tempestate Poti-  
 tiorum essent, puberes ad triginta, omnes intra annum  
 cum stirpe extinctos, nec nomen tantum Potitiorum in- 11  
 terisse, sed censorem etiam Appium memori deum ira  
 post aliquot annos luminibus captum.

XXX. Itaque consules, qui eum annum secuti sunt, 1  
 C. Iunius Bubulcus tertium et Q. Aemilius Barbula iterum,  
 initio anni questi apud populum, deformatum ordinem  
 prava lectione senatus, qua potiores aliquot lectis praeter-  
 iti essent, negaverunt, eam lectionem se, quae sine recti 2  
 pravique discrimine ad gratiam ac libidinem facta esset,  
 observaturos, et senatum extemplo citaverunt eo ordine,  
 qui ante censores App. Claudium et C. Plautium fuerat.  
 et duo imperia eo anno dari coepta per populum, utraque 3  
 pertinentia ad rem militarem: unum, ut tribuni militum  
 seni deni in quattuor legiones a populo crearentur, quae  
 antea, perquam paucis suffragio populi relictis locis, dicta-  
 torum et consulum ferme fuerant beneficia: tulere eam  
 rogationem tribuni plebei L. Atilius, C. Marcius; alterum 4  
 ut duumviros navales classis ornandae reficiendaeque causa  
 idem populus iuberet: lator huius plebis sciti fuit M. De-  
 cius tribunus plebis.

Eiusdem anni rem dictu parvam praeterirem, ni ad 5  
 religionem visa esset pertinere. tibicines, quia prohibiti a  
 proximis censoribus erant in aede Iovis vesci, quod tradi-  
 tum antiquitus erat, aegre passi Tibur uno agmine abie-  
 runt, adeo ut nemo in urbe esset, qui sacrificiis praeci-  
 neret. eius rei religio tenuit senatum, legatosque Tibur 6  
 miserunt, ut darent operam, ut hi homines Romanis resti-  
 tuerentur. Tiburtini benigne polliciti primum accitos eos 7

in curiam hortati sunt, uti reverterentur Romam; postquam percelli nequibant, consilio haud abhorrente ab  
8 ingeniis hominum eos adgrediuntur. die festo alii alios per speciem celebrandarum cantu epularum causa invitant et vino, cuius avidum ferme genus est, oneratos sopiunt,  
9 atque ita in plaustra somno vinctos coniciunt ac Romam deportant. nec prius sensere quam plaustris in foro re-  
10 lictis plenos crapulae eos lux oppressit. tunc concursus populi factus, impetratoque ut manerent, datum, ut tri-  
dum quotannis ornati cum cantu atque hac, quae nunc sollemnis est, licentia per urbem vagarentur, restitutumque in aede vescendi ius iis, qui sacris praecinerent. haec inter duorum ingentium bellorum curam gerebantur.

1 XXXI. Consules inter se provincias partiti: Iunio Samnites, Aemilio novum bellum Etruria sorte obvenit.  
2 in Samnio Cluviam praesidium Romanum, quia nequiverat vi capi, obsessum fame in deditionem acceperant Samnites, verberibusque foedum in modum laceratos occiderant  
3 deditos. huic infensus crudelitati Iunius, nihil antiquius oppugnatione Cluviana ratus, quo die adgressus est moenia, vi cepit atque omnes puberes interfecit. inde victor exercitus Bovianum ductus. caput hoc erat Pentrorum Samnitium longe ditissimum atque opulentissimum armis  
4 virisque. ibi quia haud tantum irarum erat, spe praedae milites accensi oppido potiuntur. minus itaque saevitum in hostes est, praedae plus paene quam ex omni Samnio  
5 umquam egestum, benigneque omnis militi concessa. et postquam praepotentem armis Romanum nec acies subsistere ullae nec castra nec urbes poterant, omnium principum in Samnio eo curae sunt intentae, ut insidiis quaereretur locus, si qua licentia populando effusus exercitus  
6 excipi ac circumveniri posset. transfugae agrestes et captivi quidam, pars forte pars consilio oblatis, congruentia ad consulem adferentes, quae et vera erant, pecoris vim ingentem in saltum avium compulsam esse, perpulerunt, ut  
7 praedatum eo expeditae ducerentur legiones. ibi ingens hostium exercitus itinera occultus insederat, et postquam intrasse Romanos vidit saltum, repente exortus cum clamore ac tumultu incautos invadit. et primo nova res tre-

pidationem fecit, dum arma capiunt, sarcinas congerunt in medium; dein postquam, ut quisque liberaverat se onere aptaveratque armis, ad signa undique coibant et notis ordinibus in vetere disciplina militiae iam sine praecepto ullius sua sponte struebatur acies, consul ad ancipitem 10 maxime pugnam advectus desilit ex equo et Iovem Martemque atque alios testatur deos, se nullam suam gloriam inde, sed praedam militi quaerentem in eum locum devenisse neque in se aliud quam nimiam ditandi ex hoste 11 militis curam reprehendi posse. ab eo se dedecore nullam rem aliam quam virtutem militum vindicaturam. con- 12 terentur modo uno animo omnes invadere hostem, victum acie, castris exutum, nudatum urbibus, ultimam spem furto insidiarum temptantem et loco, non armis fretum. sed 13 quem esse iam virtuti Romanae inexpugnabilem locum? Fregellana arx Soranaque et ubicumque iniquo successum erat loco memorabantur. his accensus miles omnium in- 14 memor difficultatum, vadit adversus imminentem hostium aciem. ibi paulum laboris fuit, dum in adversum clivum erigitur agmen; ceterum postquam prima signa planitiem 15 summam ceperunt sensitque acies, aequo se iam institisse loco, versus extemplo est terror in insidiatores, easdemque latebras, quibus se paulo ante texerant, palati atque inermes fuga repetebant. sed loca difficilia hosti quaesita 16 ipsos tum sua fraude inpediebant. itaque ergo perpaucis effugium patuit: caesa ad viginti milia hominum, victorque Romanus ad oblatam ab hoste praedam pecorum discurrit.

**XXXII.** Dum haec geruntur in Samnio, iam omnes 1 Etruriae populi praeter Arretinos ad arma ierant ab oppugnando Sutrio, quae urbs socia Romanis velut claustra Etruriae erat, ingens orsi bellum. eo alter consulum Ae- 2 milius cum exercitu ad liberandos obsidione socios venit. advenientibus Romanis Sutrini commeatus benigne in castra ante urbem posita advexere. Etrusci diem primum 3 consultando, maturarent traherentne bellum, traduxerunt. postero die, ubi celeriora quam tutiora consilia magis placuere ducibus, sole orto signum pugnae propositum est, armatique in aciem procedunt. quod postquam consuli 4

nuntiatum est, extemplo tesseram dari iubet, ut prandeat miles firmatisque cibo viribus arma capiat. dicto paretur. 5 consul ubi armatos paratosque vidit, signa extra vallum proferri iussit et haud procul hoste instruxit aciem. aliquamdiu intenti utrimque steterunt expectantes, ut ab ad- 6 versariis clamor et pugna inciperet; et prius sol meridie se inclinavit quam telum hinc aut illinc emissum est. inde ne infecta re abiretur, clamor ab Etruscis oritur conci- 7 nuntque tubae et signa inferuntur. nec segnius a Romanis pugna initur. concurrunt infensis animis. numero hostis, 8 virtute Romanus superat. anceps proelium multos utrimque et fortissimum quemque absumit, nec prius inclinata res est quam secunda acies Romana ad prima signa, in- 9 tegri fessis, successerunt. Etrusci, quia nullis recentibus subsidiis fulta prima acies fuit, ante signa circaque omnes ceciderunt. nullo umquam proelio fugae minus nec plus caedis fuisset, ni obstinatos mori Tuscos nox texisset, ita 10 ut victores prius quam victi pugnandi finem facerent. post occasum solis signum receptui datum est; nocte ab utro- 11 que in castra reditum. nec deinde quicquam eo anno rei memoria dignae apud Sutrium gestum est, quia et ex hostium exercitu prima tota acies deleta uno proelio fuerat subsidiariis modo relictis, vix quod satis esset ad 12 castrorum praesidium, et apud Romanos tantum vulnere fuit, ut plures post proelium saucii decesserint quam ceciderant in acie.

1 XXXIII. Q. Fabius insequentis anni consul bellum ad Sutrium excepit, collega Fabio C. Marcius Rutilus datus 2 est. ceterum et Fabius supplementum ab Roma adduxit et novus exercitus domo accitus Etruscis venit.

3 Permulti anni iam erant, cum inter patricios magistratus tribunosque nulla certamina fuerant, cum ex ea familia, quae velut fatalis (cum) tribunis ac plebi erat, certamen oritur. Ap. Claudius censor circumactis decem et 4 octo mensibus, quod Aemilia lege finitum censurae spatium temporis erat, cum C. Plautius collega eius magistratu se 5 abdicasset, nulla vi conpelli ut abdicaret potuit. P. Sempornius erat tribunus plebis, qui finiendae censurae intra legitimum tempus actionem susceperat, non popularem

magis quam iustam nec in vulgus quam optimo cuique gratiorem. is cum identidem legem Aemiliam recitaret 6 auctoremque eius Mamercum Aemilium dictatorem laudibus ferret, qui quinquennalem ante censuram et longinquitate potestatem dominantem intra sex mensum et anni coegisset spatium: 'dic agetum,' inquit 'Appi Claudii, 7 quidnam facturus fueris, si eo tempore, quo C. Furius et M. Geganius censores fuerunt, censor fuisses.' negare 8 Appius interrogationem tribuni magno opere ad causam pertinere suam: nam et si tenuerit lex Aemilia eos censores, quorum in magistratu lata esset, quia post illos 9 censores creatos eam legem populus iussisset quodque postremum iussisset, id ius ratumque esset, non tamen aut se aut eorum quemquam, qui post eam legem latam creati censores essent, teneri ea lege potuisse.

XXXIII. Haec sine ullius adsensu cavillante Appio: 1 'est,' inquit 'Quirites, illius Appii progenies, qui decemvir in annum creatus altero anno se ipse creavit, tertio nec ab se nec ab ullo creatus privatus fasces et imperium obtinuit nec ante continuando abstinit magistratu 2 quam obruerent eum male parta, male gesta, male retenta imperia. haec est eadem familia, Quirites, cuius vi atque 3 iniuriis compulsi extorres patria sacrum montem cepistis, haec, adversus quam tribunicium auxilium vobis comparastis, haec, propter quam duo exercitus Aventinum insecudistis, haec, quae faenebres leges, haec, quae agrarias semper inpugnavit. haec conubia patrum et plebis interrupit, haec plebi ad curules magistratus iter obsaeptis. hoc est nomen multo quam Tarquiniorum infestius vestrae libertati. itane tandem, Appi Claudii, cum centesimus iam 6 annus sit ab Mam. Aemilio dictatore, tot censores fuerint, nobilissimi fortissimique viri, nemo eorum duodecim tabulas legit? nemo id ius esse quod postremo populus iussisset scit? immo vero omnis sciverunt et ideo Aemiliae 7 potius legi paruerunt quam illi antiquae, qua primum censores creati erant, quia hanc postremam iusserat populus et quia, ubi duae contrariae leges sunt, semper antiquae obrogat nova. an hoc dicis, Appi, non teneri Aemilia lege 8 populum? an populum teneri, te unum ex legem esse?

9 tenuit Aemilia lex violentos illos censores C. Furium et  
M. Geganium, qui quid iste magistratus in re publica  
male facere posset indicarunt, cum ira finitae potestatis  
Mam. Aemilium, principem aetatis suae belli domique,  
10 aerarium fecerunt; tenuit deinceps omnis censores intra  
centum annorum spatium; tenet C. Plautium collegam  
11 tuum isdem auspiciis, eodem iure creatum. an hunc non  
ut qui optimo iure censor creatus esset populus creavit?  
tu unus eximius es, in quo hoc praecipuum ac singulare  
12 valeat? quem tu regem sacrificiorum crees? amplexus regni  
nomen ut qui optimo iure rex Romae creatus sit creatum  
se dicet. quem semestri dictatura, quem interregno quin-  
que dierum contentum fore putes? quem clavi figendi aut  
13 ludorum causa dictatorem audacter crees? quam isti sto-  
lidos ac socordes videri creditis eos, qui intra vicesimum  
diem ingentibus rebus gestis dictatura se abdicaverunt aut  
14 qui vitio creati abierunt magistratu? quid ego antiqua re-  
petam? nuper intra decem annos C. Maenius dictator, quia,  
cum quaestiones severius quam quibusdam potentibus tu-  
tum erat exerceret, contagio eius quod quaerebat ipse  
criminis obiectata ab inimicis est, ut privatus obviam iret  
crimini, dictatura se abdicavit. nolo ego istam in te mo-  
15 destiam: ne degeneraveris a familia imperiosissima et  
superbissima, non die, non hora citius quam necesse est  
16 magistratu abieris, modo ne excedas finitum tempus. satis  
est aut diem aut mensem censurae adicere? triennium, in-  
quit, et sex menses ultra quam licet Aemilia lege censu-  
ram geram, et solus geram. hoc quidem iam regno simile  
17 est. an collegam subrogabis, quem ne in demortui quidem  
18 locum subrogare fas est? paenitet enim, quod antiquissi-  
mum sollemne et solum ab ipso, cui fit, institutum deo,  
ab nobilissimis antistitibus eius sacri ad servorum ministe-  
19 rium religiosus censor deduxisti, gens antiquior originibus  
urbis huius, hospitio deorum immortalium sancta, propter  
te ac tuam censuram intra annum ab stirpe extincta est,  
nisi universam rem publicam eo nefario obstrinxeris, quod  
20 ominari etiam reformidat animus. urbs eo lustris capta  
est, quo, demortuo collega C. Iulio censore, L. Papirius  
Cursor, ne abiret magistratu, M. Cornelium Maluginensem

collegam subrogavit. et quanto modestior illius cupiditas 21  
 fuit quam tua, Appi? nec solus nec ultra finitum lege  
 tempus L. Papirius censuram gessit. tamen neminem in-  
 venit, qui se postea auctorem sequeretur; omnes deinceps  
 censores post mortem collegae se magistratu abdicarunt.  
 te nec quod dies exit censurae nec quod collega magistratu 22  
 abiit, nec lex nec pudor coercet: virtutem in superbia, in  
 audacia, in contemptu deorum hominumque ponis. ego 23  
 te, Appi Claudii, pro istius magistratus maiestate ac vere-  
 cundia, quem gessisti, non modo manu violatum, sed ne  
 verbo quidem inclementiori a me appellatum vellem: sed 24  
 et haec, quae adhuc egi, pervicacia tua et superbia coegit  
 me loqui et, nisi Aemiliae legi parueris, in vincula duci  
 iubebo nec, cum ita comparatum a maioribus sit, ut co- 25  
 mitiis censoriis, nisi duo confecerint legitima suffragia,  
 non renuntiato altero comitia differantur, ego te, qui solus  
 censor creari non possis, solum censuram gerere non pa-  
 tiar.' haec taliaque cum dixisset, prendi censorem et in 26  
 vincula duci iussit. adprobantibus sex tribunis actionem  
 collegae tres appellanti Appio auxilio fuerunt, summaque  
 invidia omnium ordinum solus censuram gessit.

XXXV. Dum ea Romae geruntur, iam Sutrium ab 1  
 Etruscis obsidebatur, consulque Fabio imis montibus du-  
 centi ad ferendam opem sociis temptandasque munitiones,  
 si qua posset, acies hostium instructa occurrit; quorum 2  
 ingentem multitudinem cum ostenderet subiecta late pla-  
 nitie, consul, ut loco paucitatem suorum adiuuaret, flectit  
 paululum in clivos agmen — aspreta erant strata saxis —,  
 inde signa in hostem obvertit. Etrusci omnium praeter- 3  
 quam multitudinis suae, qua sola freti erant, inmemores  
 proelium ineunt adeo raptim et avide, ut abiectis missili-  
 bus, quo celerius manus consererent, stringerent gladios  
 vadentes in hostem: Romanus contra nunc tela nunc saxa, 4  
 quibus eos adfatim locus ipse armabat, ingerere. igitur 5  
 scuta galeaeque ictae cum etiam quos non vulneraverant  
 turbarent — neque subire erat facile ad propiorem pugnam  
 neque missilia habebant, quibus eminus rem gererent —,  
 stantes et expositos ad ictus, cum iam satis nihil tegeret, 6  
 quosdam etiam pedem referentes, fluctuantemque et insta-



bilem aciem redintegrato clamore strictis gladiis hastati et  
7 principes invadunt. eum impetum non tulerunt Etrusci,  
versisque signis fuga effusa castra repetunt. sed equites  
Romani praevecti per obliqua campi cum se fugientibus  
8 obtulissent, omisso ad castra itinere montes petunt. inde  
inermi paene agmine ac vexato vulneribus in silvam Cimi-  
niam penetratum. Romanus multis milibus Etruscorum  
caesis, duodequadraginta signis militaribus captis, castris  
etiam hostium cum praeda ingenti potitur. tum de perse-  
quendo hoste agitari coeptum.

1 XXXVI. Silva erat Ciminia magis tum invia atque  
horrenda quam nuper fuere Germanici saltus, nulli ad  
eam diem ne mercatorum quidem adita. eam intrare haud  
fere quisquam praeter ducem ipsum audebat: aliis omni-  
2 bus cladis Caudinae nondum memoria aboleverat. tum ex  
iis qui aderant — consulis fratrem M. Fabium, Caesonem  
alii, C. Claudium quidam matre eadem qua consulem geni-  
tum tradunt — speculatum se iturum professus brevique  
3 omnia certa adlaturum. Caere educatus apud hospites,  
Etruscis inde litteris eruditus erat linguamque Etruscam  
probe noverat. habeo auctores, vulgo tum Romanos pue-  
ros, sicut nunc Graecis, ita Etruscis litteris erudiri solitos:  
4 sed propius est vero, praecipuum aliquid fuisse in eo, qui  
se tam audaci simulatione hostibus inmiscuerit. servus ei  
dicitur comes unus fuisse, nutritus una eoque haud igna-  
5 rus linguae eiusdem; nec quicquam aliud proficiscentes  
quam summam regionis, quae intranda erat, naturam ac  
nomina principum in populis acceperere, ne qua inter con-  
6 loquia insigni nota haesitantes deprenderi possent. iere  
pastorali habitu, agrestibus telis, falcibus gaesisque binis  
armati. sed neque commercium linguae nec vestis armo-  
rumve habitus sic eos texit quam quod abhorrebat ab fide,  
7 quemquam externum Ciminios saltus intraturum. usque  
ad Camertes Umbros penetrasse dicuntur. ibi qui essent  
fateri Romanum ausum introductumque in senatum con-  
8 sulis verbis egisse de societate amicitiaque atque inde  
comi hospitio acceptum nuntiare Romanis iussum, com-  
meatum exercitui dierum triginta praesto fore, si ea loca  
intrasset iuventutemque Camertium Umbrorum in armis

paratam imperio futuram. haec cum relata consuli essent, 9  
 impedimentis prima vigilia praemissis, legionibus post in-  
 pedimenta ire iussis, ipse substitit cum equitatu et luce 10  
 orta postero die obequitavit stationibus hostium, quae  
 extra saltum dispositae erant; et cum satis diu tenuisset  
 hostem, in castra sese recepit portaque altera egressus  
 ante noctem agmen adsequitur. postero die luce prima 11  
 iuga Ciminii montis tenebat. inde contemplatus opulenta  
 Etruriae arva milites emittit. ingenti iam abacta praeda 12  
 tumultuariae agrestium Etruscorum cohortes, repente a  
 principibus regionis eius concitatae, Romanis occurrunt  
 adeo inconpositae, ut vindices praedarum prope ipsi prae-  
 dae fuerint. caesis fugatisque iis, late depopulato agro 13  
 victor Romanus opulentusque rerum omnium copia in  
 castra rediit. eo forte quinque legati cum duobus tribunis 14  
 plebis venerant denuntiatum Fabio senatus verbis, ne sal-  
 tum Ciminium transiret. laetati, serius se quam ut inpe-  
 dire bellum possent venisse, nuntii victoriae Romam re-  
 vertuntur.

**XXXVII.** Hac expeditione consulis motum latius erat 1  
 quam profligatum bellum: vastationem namque sub Ci-  
 minii montis radicibus iacens ora senserat conciveratque  
 indignatione non Etruriae modo populos, sed Umbriae  
 finitima. itaque quantus non umquam antea exercitus ad 2  
 Sutrium venit; neque e silvis tantummodo promota castra,  
 sed etiam aviditate dimicandi quam primum in campos  
 delata acies. deinde instructa primo suo stare loco relicto 3  
 hostium ad instruendum contra spatium; dein, postquam  
 detractare hostem sensere pugnam, ad vallum subeunt.  
 ubi postquam stationes quoque receptas intra munimenta 4  
 sensere, clamor repente circa duces ortus, ut eo sibi e  
 castris cibaria eius diei deferri iuberent: mansuros se sub 5  
 armis et aut nocte aut certe luce prima castra hostium  
 invasuros. nihilo quietior Romanus exercitus imperio du- 6  
 cis continetur. decima erat fere diei hora, cum cibum  
 capere consul milites iubet, praecipit, ut in armis sint,  
 quacumque diei noctisque hora signum dederit. paucis mi- 7  
 lites adloquitur, Samnitium bella extollit, elevat Etruscos,  
 nec hostem hosti nec multitudinem multitudini comparan-

dam ait esse. praeterea telum aliud occultum scituros in tempore; interea taceri opus esse. his ambagibus prodi simulabat hostes, quo animus militum multitudine territus restitueretur; et, quod sine munimento considerant, verisimilius erat quod simulabatur. curati cibo corpora quieti dant et quarta fere vigilia sine tumultu excitati arma  
8 capiunt. dolabrae calonibus dividuntur ad vallum pro-  
ruendum fossasque implendas. intra munimenta instruitur acies, delectae cohortes ad portarum exitus conlocantur.  
9 dato deinde signo paulo ante lucem, quod aestivis noctibus sopitae maxime quietis tempus est, proruto vallo erupit acies, stratos passim invadit hostes, alios immobiles, alios semisomnos in cubilibus suis, maximam partem ad arma trepidantes caedes oppressit; paucis armandi se datum spatium est. eos ipsos non signum certum, non ducem sequentes fundit Romanus, fugatosque persequitur. ad castra, ad silvas diversi tendebant. silvae tutius dedere refugium, nam castra in campis sita eodem die capiuntur. aurum argentumque iussum referri ad consulem, cetera  
11 praeda militis fuit. caesa aut capta eo die hostium milia ad sexaginta. eam tam claram pugnam trans Ciminiam silvam ad Perusiam pugnatam quidam auctores sunt metuque in magno civitatem fuisse, ne interclusus exercitus tam infesto saltu coortis undique Tuscis Umbrisque  
12 primeretur. sed ubicumque pugnatum est, res Romana superior fuit. itaque a Perusia et Cortona et Arretio, quae ferme capita Etruriae populorum ea tempestate erant, legati pacem foedusque ab Romanis petentes indutias in triginta annos impetraverunt.

1 XXXVIII. Dum haec in Etruria geruntur, consul alter C. Marcius Rutilus Allifas de Samnitibus vi cepit. multa alia castella vicique aut deleta hostiliter aut integra in  
2 potestatem venere. per idem tempus et classis Romana a P. Cornelio, quem senatus maritimae orae praefecerat, in Campaniam acta cum adpulsa Pompeios esset, socii inde navales ad depopulandum agrum Nucerinum profecti proximis raptim vastatis, unde reditus tutus ad naves esset, dulcedine, ut fit, praedae longius progressi excivere hostes.  
3 palatis per agros nemo obvius fuit, cum occidione occidi

possent; redeuntes agmine incauto haud procul navibus adsecuti agrestes exuerunt praeda, partem etiam occiderunt, quae superfuit caedi trepida multitudo ad naves compulsa est.

Profectio Q. Fabii trans Ciminiam silvam quantum 4  
Romae terrorem fecerat, tam laetam famam in Samnium  
ad hostes tulerat: interclusum Romanum exercitum obsi-  
deri cladisque imaginem furculas Caudinas memorabant;  
eadem temeritate avidam ulteriorum semper gentem in 5  
saltus invios deductam, saeptam non hostium magis armis  
quam locorum iniquitatibus esse. iam gaudium invidia 6  
quadam miscebatur, quod belli Romani decus ab Samni-  
tibus fortuna ad Etruscos avertisset. itaque armis viris- 7  
que ad obterendum C. Marcium consulem concurrunt,  
protinus inde Etruriam per Marsos ac Sabinos petitori, si  
Marcius dimicandi potestatem non faciat. obviis his con- 8  
sul fuit. dimicatum proelio utrimque atroci atque incerto  
eventu est, et cum anceps caedes fuisset, adversae tamen  
rei fama in Romanos vertit ob amissos quosdam equestris  
ordinis tribunosque militum atque unum legatum et, quod  
insigne maxime fuit, consulis ipsius vulnus. ob haec etiam 9  
aucta fama, ut solet, ingens terror patres invasit, dictato-  
remque dici placebat: nec quin Cursor Papirius diceretur,  
in quo tum summa rei bellicae ponebatur, dubium cui-  
quam erat. sed nec in Samnium nuntium perferri omni- 10  
bus infestis tuto posse nec vivere Marcium consulem satis  
fidebant; alter consul Fabius infestus privatim Papirio erat. 11  
quae ne ira obstaret bono publico, legatos ex consularium  
numero mittendos ad eum senatus censuit, qui sua quoque 12  
eum, non publica solum auctoritate moverent, ut memo-  
riam simultatum patriae remitteret. profecti legati ad 13  
Fabium cum senatus consultum tradidissent adiecissent-  
que orationem convenientem mandatis, consul demissis in  
terram oculis tacitus ab incertis, quidnam acturus esset,  
legatis recessit; nocte deinde silentio, ut mos est, L. Pa- 14  
pirium dictatorem dixit. cui cum ob animum egregie vic-  
tum legati gratias agerent, obstinatum silentium obtinuit  
ac sine responso ac mentione facti sui legatos dimisit, ut  
appareret, insignem dolorem ingenti conprimi animo. Pa- 15

pirius C. Iunium Bubulcum magistrum equitum dixit; atque ei legem curiatam de imperio ferenti triste omen diem diffidit, quod Faucia curia fuit principium, duabus insignis cladibus, captae urbis et Caudinae pacis, quod utroque  
 16 anno eiusdem curiae fuerat principium; Macer Licinius tertia etiam clade, quae ad Cremeram accepta est, abominandam eam curiam facit.

1 XXXVIII. Dictator postero die auspiciis repetitis pertulit legem, et profectus cum legionibus ad terrorem traducti silvam Ciminiam exercitus nuper scriptis ad Longulam pervenit acceptisque a Marcio consule veteribus militibus in aciem copias eduxit. nec hostes detractare visi pugnam. instructos deinde armatosque, cum ab neutris proelium inciperet, nox oppressit. quieti aliquamdiu, nec suis diffidentes viribus nec hostem spernentes, stativa  
 2 in propinquo habuere. \*\*\* nam et cum Vmbrorum exercitu acie depugnatum est — fusi tamen magis quam caesi  
 3 hostes, quia coeptam acriter non tolerarunt pugnam — et ad Vadimonis lacum Etrusci lege sacrata coacto exercitu, cum vir virum legisset, quantis numquam alias ante simul  
 4 copiis simul animis dimicarunt. tantoque irarum certamine gesta res est, ut ab neutra parte emissa sint tela. gladiis pugna coepit et acerrime commissa ipso certamine, quod aliquamdiu anceps fuit, accensa est, ut non cum Etruscis totiens victis, sed cum aliqua nova gente videretur  
 5 dimicatio esse. nihil ab ulla parte movetur fugae, cadunt antesignani et, ne nudentur propugnatoribus signa, fit ex secunda prima acies. ab ultimis deinde subsidiis cietur miles, adeoque ad ultimum laboris ac periculi ventum est, ut equites Romani omissis equis ad primos ordines peditum per arma, per corpora evaserint: ea velut  
 6 nova inter fessos exorta acies turbavit signa Etruscorum. secuta deinde impetum eorum, utcumque adfecta erat,  
 7 cetera multitudo tandem perrumpit ordines hostium. tunc vinci pertinacia coepta et averti manipuli quidam et, ut  
 8 semel dedere terga, etiam certiolem capessere fugam. ille primum dies fortuna vetere abundantes Etruscorum fregit opes. caesum in acie quod roboris fuit, castra eo impetu capta direptaque.  
 9  
 10  
 11

XXXX. Pari subinde periculo gloriaeque eventu bel- 1  
 lum in Samnitibus erat, qui praeter ceteros belli appa-  
 ratus ut acies sua fulgeret novis armorum insignibus fece-  
 runt. duo exercitus erant, scuta alterius auro, alterius 2  
 argento caelaverunt: forma erat scuti, summum latius,  
 qua pectus atque umeri teguntur, fastigio aequali, ad  
 imum cuneatior mobilitatis causa; spongia pectori tegu- 3  
 mentum et sinistrum crus ocrea tectum; galeae cristatae,  
 quae speciem magnitudini corporum adderent; tunicae  
 auratis militibus versicolores, argentatis lintheae candidae.  
 his dextrum cornu datum, illi in sinistro consistunt. notus 4  
 iam Romanis apparatus insignium armorum fuerat docti-  
 que a ducibus erant, horridum militem esse debere, non  
 caelatum auro et argento, sed ferro et animis fretum:  
 quippe illa praedam verius quam arma esse, nitentia ante 5  
 rem, deformia inter sanguinem et vulnera; virtutem esse 6  
 militis decus et omnia illa victoriam sequi et ditem ho-  
 stem quamvis pauperis victoris praemium esse. his Cur- 7  
 sor vocibus instinctos milites in proelium ducit. dextro  
 ipse cornu consistit, sinistro praefecit magistrum equitum.  
 simul est concursus, ingens fuit cum hoste certamen, 8  
 non segnius inter dictatorem et magistrum equitum, ab  
 utra parte victoria inciperet. prior forte Iunius commovit 9  
 hostem, laevo dextrum cornu, sacratos more Samnitium  
 milites eoque candida veste et paribus candore armis in-  
 signes. eos se Orco mactare Iunius dictitans, cum intulisset  
 signa, turbavit ordines et haud dubie impulit aciem.  
 quod ubi sensit dictator: 'ab laevone cornu victoria in- 10  
 cipiet' inquit 'et dextrum cornu, dictatoris acies, alienam  
 pugnam sequetur, non partem maximam victoriae trahet?'  
 concitat milites, nec peditum virtuti equites aut legatorum 11  
 studia ducibus cedunt. M. Valerius a dextro, P. Decius 12  
 ab laevo cornu, ambo consulares, ad equites in cornibus  
 positos evehuntur adhortatique eos, ut partem secum ca-  
 pesserent decoris, in transversa latera hostium incurrunt.  
 is novus additus terror cum ex parte utraque circumva- 13  
 sisset aciem et ad terrorem hostium legiones Romanae  
 redintegrato clamore intulissent gradum, tum fuga ab  
 Samnitibus coepta. iam strage hominum armorumque in- 14

signium campi repleti. ac primo pavidos Samnites castra  
sua accepere, deinde ne ea quidem retenta: captis di-  
15 reptisque ante noctem iniectus ignis. dictator ex senatus  
consulto triumphavit. cuius triumpho longe maximam  
16 speciem captiva arma praebuere. tantum magnificentiae  
visum in his, ut aurata scuta dominis argentariarum ad  
forum ornandum dividerentur. inde natum initium dicitur  
17 fori ornandi ab aedilibus, cum tensae ducerentur. et Ro-  
mani quidem ad honorem deum insignibus armis hostium  
usi sunt, Campani ab superbia et odio Samnitium gladia-  
tores, quod spectaculum inter epulas erat, eo ornatu ar-  
marunt Samnitiumque nomine conpellarunt.

18 Eodem anno cum reliquis Etruscorum ad Perusiam,  
quae et ipsa indutiarum fidem ruperat, Fabius consul nec  
19 dubia nec difficili victoria dimicat. ipsum oppidum —  
nam ad moenia victor accessit — cepisset, ni legati de-  
20 dentes urbem exissent. praesidio Perusiae inposito, lega-  
tionibus Etruriae amicitiam petentibus prae se Romam ad  
senatum missis, consul praestantior etiam quam dictator  
21 victoria triumphans urbem est invectus. quin etiam de-  
victorum Samnitium decus magna ex parte ad legatos P.  
Decium et M. Valerium est versum, quos populus proxi-  
mis comitiis ingenti consensu consulem alterum, alterum  
praetorem declaravit.

1 XXXXI. Fabio ob egregie perdomitam Etruriam con-  
tinuatur consulatus, Decio collega datur. Valerius prae-  
2 tor quartum creatus. consules partiti provincias: Etruria  
3 Decio, Samnium Fabio evenit. profectus ad Nuceriam Al-  
faternam, tum pacem petentis, quod uti ea, cum daretur,  
noluissent, aspernatus est, oppugnando ad deditionem sub-  
4 egit. cum Samnitibus acie dimicatum, haud magno cer-  
tamine hostes victi: neque eius pugnae memoria tradita  
foret, ni Marsi eo primum proelio cum Romanis bellassent.  
secuti Marsorum defectionem Paeligni eandem fortunam  
5 habuerunt. Decio quoque alteri consuli secunda belli  
fortuna erat. Tarquiniensem metu subegerat frumentum  
exercitui praebere atque indutias in quadraginta annos  
6 petere. Vulsiniensium castella aliquot vi cepit; quaedam  
ex his diruit, ne receptaculo hostibus essent, circumferen-



doque passim bello tantum terrorem sui fecit, ut nomen omne Etruscum foedus ab consule peteret. ac de eo quidem nihil impetratum, indutiae annuae datae. stipendium exercitu Romano ab hoste in eum annum pensum et binae tunicae in militem exactae. ea merces indutiarum fuit.

Tranquillas res iam Etruscis turbavit repentina defectio Umbrorum, gentis integrae a cladibus belli, nisi quod transitum exercitus ager senserat. ii concitata omni iuventute sua et magna parte Etruscorum ad rebellionem compulsa tantum exercitum fecerant, ut relicto post se in Etruria Decio ad oppugnandam inde Romam ituros magnifice de se ac contemptim de Romanis loquentes iactarent. quod inceptum eorum ubi ad Decium consulem perlatum est, ad urbem ex Etruria magnis itineribus perguit et in agro Pupiniensi ad famam intentus hostium consedit. nec Romae spernebatur Umbrorum bellum et ipsae minae metum fecerant expertis Gallica clade, quam intutam urbem incoherent. itaque legati ad Fabium consulem missi sunt, ut, si quid laxamenti a bello Samnitium esset, in Umbriam propere exercitum duceret. dicto paruit consul magnisque itineribus ad Mevaniam, ubi tum copiae Umbrorum erant, perrexit. repens adventus consulis, quem procul Umbria in Samnio bello alio occupatum crediderant, ita exterruit Umbros, ut alii recedendum ad urbes munitas, quidam omittendum bellum censerent. plaga una — Materinam ipsi appellant — non continuit modo ceteros in armis, sed confestim ad certamen egit. castra vallantem Fabium adorti sunt. quos ubi effusos ruere in munimenta consul vidit, revocatos milites ab opere, prout loci natura tempusque patiebatur, ita instruxit, cohortatusque praedicatione vera qua in Tuscis qua in Samnio partorum decorum exiguum appendicem Etrusci belli conficere iubet et vocis inopiae poenas expetere, qua se urbem Romanam oppugnatos minati sunt. haec tanta sunt alacritate militum audita, ut clamor sua sponte ortus loquentem interpellaverit ducem. ante imperium, ante concentum tubarum ac cornuum cursu effuso in hostem feruntur. non tamquam in viros aut armatos incurrunt: mirabilia dictu, signa primo eripi coepta signiferis, deinde ipsi signiferi trahi ad

consulem armatique milites ex acie in aciem transferri,  
et sicubi est certamen, scutis magis quam gladiis geritur  
19 res: umbonibus incussaue ala sternuntur hostes. plus  
capitur hominum quam caeditur, atque una vox ponere  
20 arma iubentium per totam fertur aciem. itaque inter  
ipsum certamen facta deditio est a primis auctoribus belli.  
postero insequentibusque diebus et ceteri Umbrorum po-  
puli deduntur. Ocriculani sponsione in amicitiam accepti.  
1 XXXXII. Fabius alienae sortis victor belli in suam  
2 provinciam exercitum reduxit. itaque ei ob res tam feli-  
citer gestas sicut priore anno populus continuaverat con-  
sulatum, ita senatus in insequentem annum, quo Ap. Clau-  
dus, L. Volumnius consules fuerunt, prorogavit maxime  
3 Appio adversante imperium. Appium censorem petisse  
consulatum comitiaque eius ab L. Furio tribuno plebis  
interpellata, donec se censura abdicavit, in quibusdam  
4 annalibus invenio. creatus consul, cum collegae novum  
bellum Salentini hostes decernerentur, Romae mansit, ut  
urbanis artibus opes augeret, quando belli decus penes  
5 alios esset. Volumnium provinciae haud paenituit: multa  
secunda proelia fecit, aliquot urbes hostium vi cepit. prae-  
dae erat largitor et benignitatem per se gratam comitate  
adiuvabat, militemque his artibus fecerat et periculi et  
6 laboris avidum. Q. Fabius pro consule ad urbem Allifas  
cum Samnitium exercitu signis conlatis configit. minime  
ambigua res fuit: fusi hostes atque in castra compulsi.  
nec castra forent retenta, ni exiguum superfuisset diei;  
ante noctem tamen sunt circumsessa et nocte custodita,  
7 ne quis elabi posset. postero die vixdum luce certa dedi-  
tio fieri coepta; et pacti, qui Samnitium forent ut cum  
8 singulis vestimentis emitterentur. ii omnes sub iugum  
missi. sociis Samnitium nihil cautum, ad septem milia  
sub corona veniere. qui se civem Hernicum dixerat, seor-  
9 sus in custodia habitus. eos omnes Fabius Romam ad  
senatum misit. et cum quaesitum esset, dilectu an vo-  
luntarii pro Samnitibus adversus Romanos bellassent, per  
10 Latinos populos custodiendi dantur, iussique eam integram  
rem novi consules P. Cornelius Arvina, Q. Marcius Tre-  
mulus — hi enim iam creati erant — ad senatum referre.

id aegre passi Hernici, concilium populorum omnium ha- 11  
bentibus Anagninis in circo, quem maritimum vocant,  
praeter Aletrinatem Ferentinatēque et Verulanum omnes  
Hernici nominis populo Romano bellum indixerunt.

XXXXIII. In Samnio quoque, quia decesserat inde 1  
Fabius, novi motus exorti. Calatia et Sora praesidiaque  
quae in his Romana erant expugnata et in captivorum  
corpora militum foede saevitum. itaque eo P. Cornelius  
cum exercitu missus. Marcio novi hostes — iam enim 2  
Anagninis Hernicisque aliis bellum iussum erat — decer-  
nuntur. primo ita omnia oportuna loca hostes inter con- 3  
sulum castra interceperunt, ut pervadere expeditus nun-  
tius non posset et per aliquot dies incerti rerum omnium 4  
suspensique de statu alterius uterque consul ageret Ro-  
mamque is metus manaret, adeo ut omnes iuniores sacra-  
mento adigerentur atque ad subita rerum duo iusti scri- 5  
berentur exercitus. ceterum Hernicum bellum nequaquam  
pro praesenti terrore ac vetusta gentis gloria fuit. nihil 6  
usquam dictu dignum ausi, trinis castris intra paucos dies  
exuti, triginta dierum indutias, ita ut ad senatum Romam  
legatos mitterent, pacti sunt bimestri stipendio frumento-  
que et singulis in militem tunicis. ab senatu ad Marcium 7  
reieci, cui senatus consulto permissum de Hernicis erat;  
isque eam gentem in deditionem accepit. et in Samnio  
alter consul superior viribus, locis inpeditor erat. omnia 8  
itinera obsaepserant hostes saltusque pervios ceperant, ne  
qua subvehi commeatus possent. neque eos, cum cotidie  
signa in aciem consul proferret, elicere ad certamen pote-  
rat, satisque apparebat, neque Samnitem certamen prae- 9  
sens nec Romanum dilationem belli laturum. adventus 10  
Marci, qui Hernicis subactis maturavit collegae venire  
auxilio, moram certaminis hosti exemit. nam ut qui ne 11  
alteri quidem exercitui se ad certamen credidissent pares,  
coniungi utique passi duos consulares exercitus nihil cre-  
derent superesse spei, advenientem inconposito agmine  
Marcium adgrediuntur. raptim conlatae sarcinae in me- 12  
dium et, prout tempus patiebatur, instructa acies. clamor  
primum in stativa perlatus, dein conspectus procul pulvis  
tumultum apud alterum consulem in castris fecit. isque 13

confestim arma capere iussis raptimque eductis in aciem militibus transversam hostium aciem atque alio certamine  
14 occupatam invadit, clamitans, summum flagitium fore, si alterum exercitum utriusque victoriae conpotem sinerent  
15 fieri nec ad se sui belli vindicarent decus. qua impetum dederat perrumpit aciemque per mediam in castra hostium  
16 tendit et vacua defensoribus capit atque incendit. quae ubi flagrantia Marcianus miles conspexit et hostes respexere, tum passim fuga coepta Samnitium fieri. sed omnia obtinet caedes nec in ullam partem tutum per-  
17 fugium est. iam triginta milibus hostium caesis signum receptui consules dederant, colligebantque in unum copias invicem inter se gratantes, cum repente visae procul hostium novae cohortes, quae in supplementum scriptae  
18 fuerant, integravere caedem. in quas nec iussu consulum nec signo accepto victores vadunt, malo tirocinio inbuen-  
19 dum Samnitem clamitantes. indulgent consules legionum ardori, ut qui probe scirent, novum militem hostium inter perculosos fuga veteranos ne temptando quidem satis cer-  
20 tamini fore. nec eos opinio fefellit: omnis Samnitium copiae, veteres novaeque, montes proximos fuga capiunt. eo et Romana erigitur acies, nec quicquam satis tuti loci victis est. et de iugis quae ceperant funduntur, iamque  
21 una voce omnes pacem petebant. tum trium mensum frumento imperato et annuo stipendio ac singulis in mili-  
22 tem tunicis ad senatum pacis oratores missi. Cornelius in Samnio relictus, Marcius de Hernicis triumphans in urbem rediit statuaque equestris in foro decreta est, quae  
23 ante templum Castoris posita est. Hernicorum tribus populis Aletrinati, Verulano, Ferentinati, quia maluerunt quam civitatem, suae leges redditae conubiumque inter ipsos, quod aliquamdiu soli Hernicorum habuerunt, per-  
24 missum. Anagninis quique arma Romanis intulerant civitas sine suffragii latione data, concilia conubiaque adempta et magistratibus praeterquam sacrorum curatione interdictum.

25 Eodem anno aedes Salutis a C. Iunio Bubulco censore locata est, quam consul bello Samnitium voverat. ab eodem collegaue eius M. Valerio Maximo viae per agros

publica impensa factae. et cum Carthaginensibus eodem 26  
anno foedus tertio renovatum legatisque eorum, qui ad id  
venerant, comiter munera missa.

**XXXIII.** Dictatorem idem annus habuit P. Cor- 1  
nelium Scipionem cum magistro equitum P. Decio Mure.  
ab his, propter quae creati erant, comitia consularia habita, 2  
quia neuter consulum potuerant bello abesse. creati con-  
sules L. Postumius, Ti. Minucius. hos consules Piso Q. 3  
Fabio et P. Decio suggerit biennio exempto, quo Clau-  
dium Volumniumque et Cornelium cum Marcio consules  
factos tradidimus. memoriane fugerit in annalibus dige- 4  
rendis an consulto binos consules, falsos ratus, transcen-  
derit, incertum est.

Eodem anno in campum Stellatem agri Campani Sam- 5  
nitium incursiones factae. itaque ambo consules in Sam- 6  
nium missi. cum diversas regiones, Tifernum Postumius,  
Bovianum Minucius petisset, Postumi prius ductu ad Ti-  
fernum pugnatum. alii haud dubie Samnites victos ac 7  
viginti milia hominum capta tradunt, alii Marte aequo 8  
discessum et Postumium metum simulantem nocturno iti-  
nere clam in montes copias abduxisse, hostes secutos duo  
milia inde locis munitis et ipsos consedissee. consul ut 9  
stativa tuta copiosaque — et ita erant — petisse videretur,  
postquam et munimentis castra firmavit et omni apparatu  
rerum utilium instruxit, relicto firmo praesidio de vigilia 10  
tertia qua duci proxime potest expeditas legiones ad col-  
legam et ipsum adversus alios sedentem ducit. ibi auctore 11  
Postumio Minucius cum hostibus signa confert, et cum  
anceps proelium in multum diei processisset, tum Postu-  
mius integris legionibus defessam iam aciem hostium in-  
proviso invadit. itaque cum lassitudo ac vulnera fugam 12  
quoque praepedissent, occidione occisi hostes, signa unum  
et viginti capta atque inde ad castra Postumi perrectum.  
ibi duo victores exercitus perculsum iam fama hostem 13  
adorti fundunt fugantque: signa militaria sex et viginti  
capta et imperator Samnitium Statius Gellius multique  
alii mortales et castra utraque capta. et Bovianum urbs, 14  
postero die coepta oppugnari, brevi capitur, magnaue  
gloria rerum gestarum consules triumpharunt. Minucium 15

consulem cum vulnere gravi relatum in castra mortuum quidam auctores sunt et M. Fulvium in locum eius consulem suffectum et ab eo, cum ad exercitum Minucii missus esset, Bovianum captum.

16     Eo anno Sora, Arpinum, Cesennia recepta ab Samnitibus; Herculis magnum simulacrum in Capitolio positum dedicatumque.

1     XXXXV. P. Sulpicio Saverione, P. Sempronio Sopho consulibus Samnites, seu finem seu dilationem belli quaerentes, legatos de pace Romam misere. quibus suppliciter  
2 agentibus responsum est, nisi saepe bellum parantes pacem petissent Samnites, oratione ultro citro habita de pace transigi potuisse: nunc, quando verba vana ad id locorum  
3 fuerint, rebus standum esse. P. Sempronium consulem cum exercitu brevi in Samnio fore: eum, ad bellum pacemne inclinent animi, falli non posse. conperta omnia senatui relaturum; decedentem ex Samnio consulem legati  
4 sequerentur. eo anno cum pacatum Samnium exercitus Romanus benigne praebito commeatu peragrasset, foedus antiquum Samnitibus redditum.

5     Ad Aequos inde veteres hostes ceterum per multos annos sub specie infidae pacis quietos versa arma Romana, quod incolumi Hernico nomine missitaverant simul  
6 cum his Samniti auxilia et post Hernicos subactos universa prope gens sine dissimulatione consilii publici ad hostes desciverat; et postquam icto Romae cum Samnitibus foedere fetiales venerant res repetitum, temptationem  
7 aiebant esse, ut terrore incusso belli Romanos se fieri paterentur, quod quanto opere optandum foret Hernicos docuisse, cum quibus licuerit suas leges Romanae civitati  
8 praeoptaverint; quibus legendi quid mallent copia non fuerit pro poena necessariam civitatem fore. ob haec  
9 vulgo in conciliis iactata populus Romanus bellum fieri Aequis iussit: consulesque ambo ad novum profecti bellum  
10 quattuor milia a castris hostium consederunt. Aequorum exercitus, ut qui suo nomine permultos annos inbelles egissent, tumultuario similis, sine ducibus certis, sine imperio, trepidare. alius exeundum in aciem, alii castra  
11 tuenda censent. movet plerosque vastatio futura agrorum

ac deinceps cum levibus praesidiis urbium relictarum excidia. itaque postquam inter multas sententias una, quae 12  
omissa cura communium ad respectum suarum quemque  
rerum vertisset, audita, ut prima vigilia diversi e castris 13  
ad deportanda omnia tuendaque moenibus in urbes abi-  
rent, cuncti eam sententiam ingenti adsensu accepere.  
palatis hostibus per agros prima luce Romani signis pro- 14  
latis in acie consistunt et, ubi nemo obvius ibat, pleno  
gradu ad castra hostium tendunt. ceterum postquam ibi 15  
neque stationes pro portis nec quemquam in vallo nec  
fremitem consuetum castrorum animadverterunt, insolito  
silentio moti metu insidiarum subsistunt. transgressi deinde 16  
vallum cum deserta omnia invenissent, pergunt hostem  
vestigii sequi. sed vestigia in omnes aequae ferentia par-  
tes ut in dilapsis passim primo errorem faciebant, post per 17  
exploratores conpertis hostium consiliis ad singulas urbes  
circumferendo bello unum et triginta oppida intra dies  
quingenta omnia oppugnando ceperunt, quorum plera-  
que diruta atque incensa, nomenque Aequorum prope ad  
internecionem deletum. de Aequis triumphatum; exemplo 18  
que eorum clades fuit, ut Marrucini, Marsi, Paeligni, Fren-  
tani mitterent Romam oratores pacis petendae amicitiae-  
que. his populis foedus petentibus datum.

XXXVI. Eodem anno Cn. Flavius Cn. filius scriba, 1  
patre libertino humili fortuna ortus, ceterum callidus vir  
et facundus, aedilis curulis fuit. invenio in quibusdam 2  
annualibus, cum appareret aedilibus fierique se pro tribu  
aedilem videret neque accipi nomen, quia scriptum face-  
ret, tabulam posuisse et iurasse, se scriptum non facturum.  
quem aliquanto ante desisse scriptum facere arguit Macer 3  
Licinius tribunatu ante gesto triumviratibusque, nocturno  
altero, altero coloniae deducendae. ceterum, id quod haud 4  
discrepat, contumacia adversus contemnentes humilitatem  
suam nobiles certavit, civile ius repositum in penetralibus 5  
pontificum evulgavit fastosque circa forum in albo propo-  
suit, ut quando lege agi posset sciretur; aedem Concordiae 6  
in area Vulcani summa invidia nobilium dedicavit, coactus-  
que consensu populi Cornelius Barbatus pontifex maximus  
verba praeire, cum more maiorum negaret, nisi consulem



7 aut imperatorem posse templum dedicare. itaque ex aucto-  
ritate senatus latum ad populum est, ne quis templum  
aramve iniussu senatus aut tribunorum plebei partis maio-  
ris dedicaret.

8 Haud memorabilem rem per se, nisi documentum sit  
adversus superbiam nobilium plebeiae libertatis, referam.  
9 ad collegam aegrum visendi causa Flavius cum venisset  
consensuque nobilium adolescentium, qui ibi adsidebant,  
adsurrectum ei non esset, curulem adferri sellam eo iussit  
ac sede honoris sui anxios invidia inimicos spectavit.

10 Ceterum Flavium dixerat aedilem forensis factio, Ap.  
Claudii censura vires nacta, qui senatum primus liberti-  
11 norum filiis lectis inquinaverat et, posteaquam eam lectio-  
nem nemo ratam habuit nec in curia adeptus erat quas  
petierat opes, urbanis humilibus per omnis tribus divis  
12 forum et campum corripuit. tantumque Flavii comitia in-  
dignitatis habuerunt, ut plerique nobilium anulos aureos  
13 et phaleras deponerent. ex eo tempore in duas partes  
discessit civitas: aliud integer populus fautor et cultor  
14 bonorum, aliud forensis factio tenebat, donec Q. Fabius  
et P. Decius censores facti et Fabius, simul concordiae  
causa simul ne humillimorum in manu comitia essent,  
omnem forensem turbam excretam in quattuor tribus con-  
15 iecit urbanasque eas appellavit. adeoque eam rem ac-  
ceptam gratis animis ferunt, ut Maximi cognomen, quod  
tot victoriis non pepererat, hac ordinum temperatione  
pareret. ab eodem institutum dicitur, ut equites idibus  
Quinctilibus transveherentur.

---

[PERIOCHA LIBRI X.]

[Coloniae deductae sunt Sora et Alba et Carseoli. Marsi in  
deditionem accepti sunt. collegium augurum ampliatum est, ut  
essent novem, cum antea quaterni fuissent. lex de provocatione  
ad populum a Murena consule tertio tunc lata est. duae tribus ad-  
iectae sunt, Aniensis et Terentina. Samnitibus bellum indictum  
est et adversus eos saepe prospere pugnatum est. cum adversus  
Etruscos, Umbros, Samnites, Gallos P. Decio et Q. Fabio ducibus  
pugnaretur et Romanus exercitus in maximo discrimine esset, P.  
Decius, secutus exemplum patris, devovit se pro exercitu et morte

sua victoriam eius pugnae populo Romano dedit. Papirius Cursor Samnitium exercitum, qui iure iurando obstrictus, quo maiore constantia virtutis pugnaret, in aciem descenderat, fudit. census actus est, lustrum conditum: censa sunt civium capita ducenta septuaginta duo milia et trecenta viginti.]

## TITI LIVI

### AB VRBE CONDITA

#### LIBER X.

L. L. Genucio, Ser. Cornelio consulibus ab externis 1  
ferme bellis otium fuit. Soram atque Albam coloniae de-  
ductae, Albam in Aequos sex milia colonorum scripta.  
Sora agri Volsci fuerat, sed possederant Samnites; eo 2  
quattuor milia hominum missa.

Eodem anno Arpinatibus Trebulanisque civitas data;  
Frusinates tertia parte agri damnati, quod Hernicos ab 3  
eis sollicitatos conpertum, capitaque coniurationis eius  
quaestione ab consulibus ex senatus consulto habita vir-  
gis caesi ac securi percussi. tamen ne prorsus inbellem 4  
agerent annum, parva expeditio in Umbria facta est, quod  
nuntiabatur, ex spelunca quadam excursiones armatorum  
in agros fieri. in eam speluncam penetratum cum signis 5  
est et ex eo loco obscuro multa vulnera accepta maxime-  
que lapidum ictu, donec altero specus eius ore — nam  
pervius erat — invento utraeque fauces congestis lignis  
accensae. ita intus fumo ac vapore ad duo milia armato- 6  
rum ruentia novissime in ipsas flammās, dum evadere  
tendunt, absumpta.

M. Livio Dentre, [M.] Aemilio consulibus redintegra- 7  
tum Aequicum bellum. coloniam aegre patientes velut  
arcem suis finibus inpositam, summa vi expugnare adorti  
ab ipsis colonis pelluntur. ceterum tantum Romae terro- 8  
rem fecere, quia vix credibile erat, tam adfectis rebus  
solos per se Aequos ad bellum coortos, ut tumultus eius  
causa dictator diceretur C. Iunius Bubulcus. cum M. Ti- 9  
tinio magistro equitum profectus primo congressu Aequos  
subegit, ac die octavo triumphans in urbem cum redisset,

aedem Salutis, quam consul voverat, censor locaverat, dictator dedicavit.

- 1 II. Eodem anno classis Graecorum Cleonymo duce  
2 Lacedaemonio ad Italiae litora adpulsa Thurias urbem in  
3 Sallentinis cepit. adversus hunc hostem consul Aemilius  
missus proelio uno fugatum compulit in naves. Thuria  
4 redditae veteri cultori Sallentinoque agro pax parta. In-  
nium Bubulcum dictatorem missum in Sallentinos in qui-  
busdam annalibus invenio et Cleonymum, priusquam  
5 confligendum esset cum Romanis, Italia excessisse. cir-  
cumvectus inde Brundisii promunturium medioque sinu  
Hadriatico ventis latus, cum laeva inportuosa Italiae litora,  
dextra Illyrii Liburnique et Histri, gentes ferae et magna  
ex parte latrociniis maritimis infames, terrerent, penitus  
6 ad litora Venetorum pervenit. expositis paucis qui loca  
explorarent cum audisset, tenue praetentum litus esse,  
quod transgressis stagna ab tergo sint inrigua aestibus  
maritimis, agros haud procul proximos campestris cerni,  
7 ulteriora collis videri, esse ostium fluminis praealti, quo  
circumagi naves in stationem tutam vidissent — Medua-  
cus amnis erat —: eo invectam classem subire flumine  
8 adverso iussit. gravissimas navium non pertulit alveus  
fluminis: in leviora navigia transgressa multitudo arma-  
torum ad frequentes agros, tribus maritimis Patavinorum  
9 vicis colentibus eam oram, pervenit. ibi egressi, praesi-  
dio levi navibus relicto, vicos expugnant, inflammant tecta,  
hominum pecudumque praedas agunt et dulcedine prae-  
10 dandi longius usque a navibus procedunt. haec ubi Pata-  
vium sunt nuntiata — semper autem eos in armis accolae  
Galli habebant —, in duas partes iuventutem dividunt.  
altera in regionem, qua effusa populatio nuntiabatur, al-  
tera, ne cui praedonum obvia fieret, altero itinere ad sta-  
tionem navium — milia autem quattuordecim ab oppido  
11 aberat — ducta. in naves parvas custodibus interemptis  
impetus factus, territique nautae coguntur naves in alte-  
ram ripam amnis traicere. et in terra prosperum aequae  
in palatos praedatores proelium fuerat, refugientibusque  
ad stationem Graecis Veneti obsistunt. ita in medio cir-  
cumventi hostes caesique; pars capti classem indicant

regemque Cleonymum tria milia abesse: inde captivis 12  
 proximo vico in custodiam datis pars fluviatiles naves ad  
 superanda vada stagnorum apte planis alveis fabricatas,  
 pars captiva navigia armatis conplent, profectique ad  
 classem immobiles naves et loca ignota plus quam hostem  
 timentes circumvadunt, fugientesque in altum acrius quam 13  
 repugnantes usque ad ostium amnis persecuti captis qui-  
 busdam incensisque navibus hostium, quas trepidatio in  
 vada intulerat, victores revertuntur. Cleonymus vix quinta 14  
 parte navium incolumi nulla regione maris Hadriatici pro-  
 spere adita discessit. rostra navium spoliaque Laconum  
 in aede Iunonis veteri fixa multi supersunt qui viderunt  
 Patavi. monumentum navalis pugnae eo die, quo pugna- 15  
 tum est, quotannis sollemni certamine navium in flumine  
 oppidi medio exercetur.

III. Eodem anno Romae cum Vestinis petentibus ami- 1  
 citiam ictum est foedus. multiplex deinde exortus terror. 2  
 Etruriam rebellare ab Arretinorum seditionibus motu orto  
 nuntiabatur, ubi Cilnium genus praepotens divitiarum in-  
 vidia pelli armis coeptum, simul Marsos agrum vi tueri,  
 in quem colonia Carseoli deducta erat quattuor milibus  
 hominum scriptis. itaque propter eos tumultus dictus M. 3  
 Valerius Maximus dictator magistrum equitum sibi legit  
 M. Aemilium Paulum. id magis credo quam Q. Fabium 4  
 ea aetate atque eis honoribus Valerio subiectum. cete-  
 rum ex Maximi cognomine ortum errorem haud abnuerim.  
 profectus dictator cum exercitu proelio uno Marsos fundit. 5  
 compulsis deinde in urbes munitas Miloniam, Plestinam,  
 Fresiliam intra dies paucos cepit et parte agri multatis  
 Marsis foedus restituit. tum in Etruscos versum bellum. 6  
 et cum dictator auspiciorum repetendorum causa profec-  
 tus Romam esset, magister equitum pabulatum egressus  
 ex insidiis circumvenitur, signisque aliquot amissis foeda  
 militum caede ac fuga in castra est compulsus. qui terror 7  
 non eo tantum a Fabio abhorret, quod si qua alia arte  
 cognomen suum aequavit tum maxume bellicis laudibus,  
 sed etiam quod memor Papirianae saevitiae numquam, ut 8  
 dictatoris iniussu dimicaret, adduci potuisset.

1     **III.** Nuntiata ea clades Romam maiorem quam res  
 erat terrorem excivit. nam ut exercitu deleta ita iusti-  
 2 tium indictum, custodiae in portis, vigiliae viciatim exactae,  
 3 arma, tela in muros congesta. omnibus iunioribus sacra-  
 mento adactis dictator ad exercitum missus omnia spe  
 tranquilliora et composita magistri equitum cura, castra in  
 4 tutiorem locum redacta, cohortes, quae signa amiserant,  
 extra vallum sine tentoriis destitutas invenit, exercitum  
 5 avidum pugnae, quo maturius ignominia aboleretur. ita-  
 que confestim castra inde in agrum Rusellanum promovit.  
 6 eo et hostes secuti, quamquam ex bene gesta re summam  
 et in aperto certamine virium spem habebant, tamen insi-  
 diis quoque, quas feliciter experti erant, hostem temptant.  
 7 tecta semiruta vici per vastationem agrorum deusti haud  
 procul castris Romanorum aberant. ibi abditis armatis  
 pecus in conspectu praesidii Romani, cui praeerat Cn.  
 8 Fulvius legatus, propulsum. ad quam inlecebram cum  
 moveretur nemo ab Romana statione, pastorum unus pro-  
 gressus sub ipsas munitiones inclamat alios, cunctanter  
 ab ruinis vici pecus propellentes, quid cessarent, cum per  
 9 media castra Romana tuto agere possent. haec cum legato  
 Caerites quidam interpretarentur et per omnis manipulos  
 militum indignatio ingens esset nec tamen iniussu movere  
 auderent, iubet peritos linguae adtendere animum, pasto-  
 10 rum sermo agresti an urbano propior esset. cum refer-  
 rent, sonum linguae et corporum habitum et nitorem cul-  
 tiora quam pastoralia esse: 'ite igitur, dicite,' inquit  
 'detegant nequiquam conditas insidias: omnia scire Ro-  
 manum nec magis iam dolo capi quam armis vinci posse.'  
 11 haec ubi audita sunt et ad eos qui consederant in insidiis  
 perlata, consurrectum repente ex latebris est, et in paten-  
 12 tem ad conspectum undique campum prolata signa. visa  
 legato maior acies quam quae ab suo praesidio sustineri  
 posset. itaque propere ad dictatorem auxilia accitum mit-  
 tit; interea ipse impetus hostium sustinet.

1     **V.** Nuntio adlato dictator signa ferri ac sequi iubet  
 2 armatos. sed celeriora prope omnia imperio erant, rapta  
 extemplo signa armaque, et vix ab impetu et cursu tene-  
 bantur. cum ira ab accepta nuper clade stimulabat, tum

concitator accidens clamor ab increcente certamine. ur- 3  
gent itaque alii alios hortanturque signiferos, ut ocius  
eant. quo magis festinantes videt dictator, eo inpensius  
retentat agmen ac sensim incedere iubet. Etrusci contra 4  
principio exciti pugnae omnibus copiis aderant. et super  
alios alii nuntiant dictatori, omnes legiones Etruscorum  
capessisse pugnam nec iam ab suis resisti posse; et ipse  
cernit ex superiore loco, in quanto discrimine praesidium  
esset. ceterum satis fretus, esse etiam nunc tolerando 5  
certamini legatum nec se procul abesse periculi vindicem,  
quam maxime vult fatigari hostem, ut integris adoriatur  
viribus fessos. quamquam lente procedunt, iam tamen ad 6  
inpetum capiundum, equiti utique, modicum erat spatium.  
prima incedebant signa legionum, ne quid occultum aut  
repentinum hostis timeret, sed reliquerat intervalla inter  
ordines peditum, qua satis laxo spatio equi permitti pos-  
sent. pariter sustulit clamorem acies; et emissus eques 7  
libero cursu in hostem invehitur inconpositisque adversus  
equestrem procellam subitum pavorem offundit. itaque ut 8  
prope serum auxilium iam paene circumventis, ita uni-  
versa requies data est. integri accepere pugnam, nec ea  
ipsa longa aut anceps fuit. fusi hostes castra repetunt 9  
inferentibusque iam signa Romanis cedunt et in ultimam  
castrorum partem conglobantur. haerent fugientes in an- 10  
gustiis portarum: pars magna aggerem vallumque con-  
scendit, si aut ex superiore loco tueri se aut superare  
aliqua et evadere posset. forte quodam loco male densa- 11  
tus agger pondere superstantium in fossam procubuit;  
atque ea, cum deos pandere viam fugae conclamassent,  
plures inermes quam armati evadunt. hoc proelio fractae 12  
iterum Etruscorum vires; et pacto annuo stipendio et  
dum mensum frumento permissum ab dictatore, ut de  
pace legatos mitterent Romam. pax negata, indutiae bien- 13  
nii datae. dictator triumphans in urbem rediit. habeo  
auctores, sine ullo memorabili proelio pacatam ab dicta-  
tore Etruriam esse seditionibus tantum Arretinorum con-  
positis et Cilnio genere cum plebe in gratiam reducto.  
consul ex dictatura factus M. Valerius. non petentem 14  
atque adeo etiam absentem creatum credidere quidam et

per interregem ea comitia facta. id unum non ambigitur, consulum cum Apuleio Pansa gessisse.

1 VI. M. Valerio et Q. Apuleio consulibus satis paca-  
2 tae foris res fuere: Etruscum adversa belli res et indutiae  
quietum tenebant, Samnitem multorum annorum cladibus  
8 domitum haudum foederis novi paenitebat. Romae quo-  
que plebem quietam et exoneratam deducta in colonias  
multitudo praestabat. tamen, ne undique tranquillae res  
essent, certamen iniectum inter primores civitatis, patri-  
cios plebeiosque, ab tribunis plebis Q. et Cn. Ogulniis,  
4 qui undique criminandorum patrum apud plebem occasio-  
nibus quaesitis, postquam alia frustra temptata erant, eam  
actionem susceperunt, qua non infimam plebem accende-  
rent, sed ipsa capita plebis, consularis triumphalesque  
5 plebeios, quorum honoribus nihil praeter sacerdotia, quae  
6 nondum promiscua erant, deessent. rogationem ergo pro-  
mulgarunt, ut, cum quattuor augures, quattuor pontifices  
ea tempestate essent placeretque augeri sacerdotum nu-  
merum, quattuor pontifices, quinque augures de plebe  
7 omnes adlegerentur. quemadmodum ad quattuor augu-  
rum numerum, nisi morte duorum, id redigi collegium  
potuerit, non invenio, cum inter augures constet, inparem  
numerum debere esse, ut tres antiquae tribus, Ramnes,  
8 Titienses, Luceres, suum quaeque augurem habeant aut,  
si pluribus sit opus, pari inter se numero sacerdotes mul-  
tiplicent, sicut multiplicati sunt, cum ad quattuor quinque  
adiecti novem numerum, ut terni in singulas essent, ex-  
9 pleverunt. ceterum, quia de plebe adlegebantur, iuxta  
eam rem aegre passi patres quam cum consulum vul-  
10 gari viderent. simulabant, ad deos id magis quam ad se  
pertinere: ipsos visuros, ne sacra sua polluantur, id se  
optare tantum, ne qua in rem publicam clades veniat.  
11 minus autem tetendere, adsueti iam tali genere certami-  
num vinci, et cernebant adversarios non id, quod olim  
vix speraverint, adfectantes magnos honores, sed omnia  
iam, in quorum spem dubiam erat certatum, adeptos:  
multiplices consulatus censurasque et triumphos.

1 VII. Certatum tamen suadenda dissuadendaque lege  
inter Ap. Claudium maxime ferunt et inter P. Decium



Murem. qui cum eadem ferme de iure patrum ac plebis, 2  
quae pro lege Licinia quondam contraque eam dicta erant,  
cum plebeiis consulatus rogabatur, disseruissent, rettu- 3  
lisse dicitur Decius parentis sui speciem, qualem eum  
multi qui in contione erant viderant, incinctum Gabino  
cultu super telum stantem, quo se habitu pro populo ac  
legionibus Romanis devovisset. tum P. Decium consulem 4  
purum piumque deis immortalibus visum aequae ac si T.  
Manlius collega eius devoveretur. eundem P. Decium, 5  
qui sacra publica populi Romani faceret, legi rite non  
potuisse? id esse periculum, ne suas preces minus audi-  
rent dii quam Appii Claudii? castius eum sacra privata  
facere et religiosius deos colere quam se? quem paenitere 6  
votorum, quae pro re publica nuncupaverint tot consules  
plebei, tot dictatores aut ad exercitus euntes aut inter  
ipsa bella? numerarentur duces eorum annorum, quibus 7  
plebeiorum ductu et auspicio res geri coeptae sunt, nu-  
merarentur triumphi. iam ne nobilitatis quidem suae ple-  
beios paenitere. pro certo habere, si quod repens bellum 8  
oriatur, non plus spei fore senatui populoque Romano in  
patriciis quam in plebeiis ducibus. 'quod cum ita se ha- 9  
beat, cui deorum hominumve indignum videri potest,'  
inquit 'eos viros, quos vos sellis curulibus, toga prae-  
texta, tunica palmata et toga picta et corona triumphali  
laureaque honoraritis, quorum domos spoliis hostium ad-  
fixis insignes inter alias feceritis, pontificalia atque augu-  
ralia insignia adicere? qui Iovis optimi maximi ornatu 10  
decoratus, curru aurato per urbem vectus in Capitolium  
ascenderit, si conspiciatur cum capide ac lituo, capite  
velato victimam caedat auguriumve ex arce capiat? cuius 11  
imaginis titulo consulatus censuraque et triumphus aequo  
animo legetur, si auguratum aut pontificatum adieceritis,  
non sustinebunt legentium oculi? equidem — pace dix- 12  
rim deum — eos nos iam populi Romani beneficio esse  
spero, qui sacerdotiis non minus reddamus dignatione  
nostra honoris quam acceperimus et deorum magis quam  
nostra causa expetamus, ut, quos privatim colimus, pu-  
blice colamus.

VIII. Quid autem ego sic adhuc egi, tamquam integra 1

sit causa patriciorum de sacerdotiis et non iam in pos-  
2 sessione unius amplissimi simul sacerdotii? decemviros  
sacris faciundis, carminum Sibyllae ac fatorum populi  
huius interpretes, antistites eosdem Apollinaris sacri cae-  
3 rimoniarumque aliarum plebeios videmus. nec aut tum  
patriciis ulla iniuria facta est, cum duoviris sacris faciun-  
dis adiectus est propter plebeios numerus, et nunc tribu-  
nus, vir fortis ac strenuus, quinque augurum loca, quat-  
4 tuor pontificum adiecit, in quae plebei nominentur, non  
ut vos, Appi, vestro loco pellant, sed ut adiuvent vos  
homines plebei divinis quoque rebus procurandis, sicut  
5 in ceteris humanis pro parte virili adiuvant. noli eru-  
bescere, Appi, collegam in sacerdotio habere, quem in  
censura, quem in consulatu collegam habere potuisti, cuius  
tam dictatoris magister equitum quam magistri equitum  
6 dictator esse potes. Sabinum advenam, principem nobili-  
tati vestrae, seu Attum Clausum seu App. Claudium ma-  
vultis, illi antiqui patricii in suum numerum acceperunt:  
7 ne fastidieris, nos in sacerdotum numerum accipere. multa  
nobiscum decora adferimus, immo omnia eadem, quae vos  
8 superbos fecerunt: L. Sextius primus de plebe consul est  
factus, C. Licinius Stolo primus magister equitum, C.  
Marcius Rutilus primus et dictator et censor, Q. Publilius  
9 Philo primus praetor. semper ista audita sunt eadem,  
penes vos auspicia esse, vos solos gentem habere, vos  
solos iustum imperium et auspiciū domi militiaeque.  
10 aequē adhuc prosperum plebeium et patricium fuit porro-  
que erit, Quirites. en umquam fando audistis, patricios  
primo esse factos non de caelo demissos, sed qui patrem  
11 ciere possent, id est nihil ultra quam ingenuos? consu-  
lem iam patrem ciere possum avumque iam poterit filius  
meus. nihil est aliud in re, Quirites, nisi ut omnia ne-  
gata adipiscamur. certamen tantum patricii petunt nec  
12 curant, quem eventum certaminum habeant. ego hanc  
legem, quod bonum faustum felixque sit vobis ac rei  
publicae, uti rogas iubendam censeo.

1 VIII. Vocare tribus extemplo populus iubebat, ap-  
parebatque accipi legem: ille tamen dies intercessione est  
sublatus. postero die deterritis tribunis ingenti consensu

accepta est. pontifices creantur suasor legis P. Decius 2  
Mus, P. Sempronius Sophus, C. Marcius Rutilus, M. Li-  
vius Denter, quinque augures item de plebe: C. Genucius,  
P. Aelius Paetus, M. Minucius Faesus, C. Marcius, T.  
Publilius. ita octo pontificum, novem augurum numerus  
factus.

Eodem anno M. Valerius consul de provocatione legem 3  
tulit diligentius sanctam. tertio ea tum post reges exactos  
lata est semper a familia eadem. causam renovandae sae- 4  
pius haud aliam fuisse reor quam quod plus paucorum  
'opes quam libertas plebis poterat. Porcia tamen lex sola  
pro tergo civium lata videtur, quod gravi poena, si quis  
verberasset necassetve civem Romanum, sanxit. Valeria 5  
lex cum eum qui provocasset virgis caedi securique ne-  
cari vetuisset, si quis adversus ea fecisset, nihil ultra  
quam 'inprobe factum' adiecit. id, qui tum pudor homi- 6  
num erat, visum credo vinculum satis validum legis. nunc  
vix servus ero ita minetur quisquam.

Bellum ab eodem consule haudquaquam memorabile 7  
adversus rebellantes Aequos, cum praeter animos feroces  
nihil ex antiqua fortuna haberent, gestum est. alter con- 8  
sul Apuleius in Umbria Nequinum oppidum circumscdit.  
locus erat arduus atque in parte una praeceps, ubi nunc  
Narnia sita est, nec vi nec munimento capi poterat. ita- 9  
que eam infectam rem M. Fulvius Paetus, T. Manlius  
Torquatus novi consules acceperunt. in eum annum cum 10  
Q. Fabium consulem non petentem omnes dicerent cen-  
turiae, ipsum auctorem fuisse Macer Licinius ac Tubero  
tradunt differendi sibi consulatus in bellicosiorum annum:  
eo anno maiori se usui rei publicae fore urbano gesto 11  
magistratu. ita nec dissimulantem, quid mallet, nec pe-  
tentem tamen aedilem curulem cum L. Papirio Cursore  
factum. id ne pro certo ponerem, vetustior annalium 12  
auctor Piso effecit, qui eo anno aediles curules fuisse  
tradit Cn. Domitium Cn. f. Calvinum et Sp. Carvilius  
Q. f. Maximum. id credo cognomen errorem in aedilibus 13  
fecisse secutamque fabulam mixtam ex aediliciis et con-  
sularibus comitiis convenientem errori. et lustrum eo anno 14  
conditum a P. Sempronio Sopho et P. Sulpicio Saverione

censoribus, tribusque additae duae: Aniensis ac Terentina. haec Romae gesta.

1 X. Ceterum ad Nequinum oppidum cum segni obsi-  
dione tempus tereretur, duo ex oppidanis, quorum erant  
aedificia iuncta muro, specu facto ad stationes Romanas  
2 itinere occulto perveniunt; inde ad consulem deducti prae-  
sidium armatum se intra moenia et muros accepturos con-  
3 firmant. nec aspernanda res visa neque incaute credenda.  
cum altero eorum — nam alter obses retentus — duo  
4 exploratores per cuniculum missi; per quos satis conperta  
re trecenti armati transfuga duce in urbem ingressi nocte  
portam, quae proxima erat, cepere. qua refracta consul  
5 exercitusque Romanus sine certamine urbem invasere. ita  
Nequinum in ditionem populi Romani venit. colonia eo  
adversus Umbros missa a flumine Narnia appellata: exer-  
citus cum magna praeda Romam reductus.

6 Eodem anno ab Etruscis adversus indutias paratum  
bellum. sed eos alia molientis Gallorum ingens exercitus  
7 fines ingressus paulisper a proposito avertit. pecunia  
deinde, qua multum poterant, freti socios ex hostibus  
facere Gallos conantur, ut eo adiuncto exercitu cum Ro-  
8 manis bellarent. de societate haut abnuunt barbari, de  
mercede agitur. qua pacta acceptaque cum parata cetera  
ad bellum essent sequique Etruscus iuberet, infitias eunt,  
9 mercedem se belli Romanis inferendi pactos. quidquid  
acceperint, accepisse, ne agrum Etruscum vastarent ar-  
10 misque lacerarent cultores. militaturos tamen se, si uti-  
que Etrusci velint, sed nulla alia mercede quam ut in  
partem agri accipiantur tandemque aliqua sede certa con-  
11 sistant. multa de eo concilia populorum Etruriae habita,  
nec perfici quicquam potuit, non tam quia imminui agrum  
quam quia accolae sibi quisque adiungere tam efferatae  
12 gentis homines horrebat. ita dimissi Galli pecuniam in-  
gentem sine labore ac periculo paratam rettulerunt. Ro-  
mae terrorem praebuit fama Gallici tumultus ad bellum  
Etruscum adiecti: eo minus cunctanter foedus ictum cum  
Picenti populo est.

1 XI. T. Manlio consuli provincia Etruria sorte venit;  
qui vixdum ingressus hostium finis cum exerceretur inter

equites, ab rapido cursu circumagendo equo effusus ex-  
templo prope expiravit. tertius ab eo casu dies finis vitae  
consuli fuit. quo velut omine belli accepto deos pro se 2  
commisisse bellum memorantes Etrusci sustulere animos.  
Romae cum desiderio viri tum incommoditate temporis 3  
tristis nuntius fuit, ut patres ab iubendo dictatore consu-  
lis subrogandi comitia ex sententia principum habita de-  
terruerint. M. Valerium consulem omnes sententiae cen- 4  
turiaeque dixere, quem senatus dictatorem dici iussurus  
fuerat. tum extemplo in Etruriam ad legiones proficisci  
iussit. adventus eius compressit Etruscos adeo, ut nemo ex- 5  
tra munimenta egredi auderet timorque ipsorum obsidioni  
similis esset. neque illos novus consul vastandis agris uren- 6  
disque tectis, cum passim non villae solum, sed frequentes  
quoque vici incendiis fumarent, elicere ad certamen potuit.

Cum hoc segnius bellum opinione esset, alterius belli, 7  
quod multis invicem cladibus haud inmerito terribile  
erat, fama Picentium novorum sociorum indicio exorta  
est: Samnites arma et rebellionem spectare, seque ab iis  
sollicitatos esse. Picentibus gratiae actae et magna pars 8  
curae patribus ab Etruria in Samnites versa est. caritas 9  
etiam annonae sollicitam civitatem habuit, ventumque ad  
inopiae ultimum foret, ut scripsere quibus aedilem fuisse  
eo anno Fabium Maximum placet, ni eius viri cura, qua-  
lis in bellicis rebus multis tempestatibus fuerat, talis domi  
tum in annonae dispensatione praeparando ac convehendo  
frumento fuisset.

Eo anno — nec traditur causa — interregnum initum. 10  
interreges fuere Ap. Claudius, dein P. Sulpicius. is comi-  
tia consularia habuit, creavit L. Cornelium Scipionem, Cn.  
Fulvium consules. principio huius anni oratores Luca- 11  
norum ad novos consules venerunt questum, quia condi-  
tionibus perlicere se nequiverint ad societatem armorum,  
Samnites infesto exercitu ingressos fines suos vastare bel-  
loque ad bellum cogere. Lucano populo satis superque 12  
erratum quondam, nunc ita obstinatos animos esse, ut  
omnia ferre ac pati tolerabilius ducant, quam ut umquam  
postea nomen Romanum violent. orare patres, ut et Lu- 13  
canos in fidem accipiant et vim atque iniuriam ab se

Samnitium arceant. se quamquam bello cum Samnitibus suscepto necessaria iam facta adversus Romanos fides sit, tamen obsides dare paratos esse.

1 XII. Brevis consultatio senatus fuit: ad unum omnes  
iungendum foedus cum Lucanis resque repetendas ab  
2 Samnitibus censent. benigne responsum Lucanis ictum-  
que foedus. fetiales missi, qui Samnitem decedere agro  
sociorum ac deducere exercitum finibus Lucanis iuberent.  
quibus obviam missi ab Samnitibus qui denuntiarent, si  
quod adissent in Samnio concilium, haud inviolatos abi-  
3 tuos. haec postquam audita sunt Romae, bellum Samni-  
tibus et patres censuerunt et populus iussit. consules inter  
se provincias partiti sunt: Scipioni Etruria, Fulvio Samni-  
tes obvenerunt, diversique ad suum quisque bellum pro-  
4 ficiscuntur. Scipioni segne bellum et simile prioris anni  
militiae expectanti hostes ad Volaterras instructo agmine  
5 occurrerunt. pugnatum maiore parte diei magna utrimque  
caede. nox incertis, qua data victoria esset, intervenit;  
6 lux insequens victorem victumque ostendit, nam Etrusci  
silentio noctis castra reliquerunt. Romanus egressus in  
aciem ubi professione hostium concessam victoriam videt,  
progressus ad castra, vacuis cum plurima praeda — nam  
7 et stativa et trepide deserta fuerant — potitur. inde in  
Faliscum agrum copiis reductis cum impedimenta Faleriis  
cum modico praesidio reliquisset, expedito agmine ad  
8 depopulandos hostium fines incedit. omnia ferro ignique  
vastantur, praedae undique actae. nec solum modo vastum  
hosti relictum, sed castellis etiam vicisque inlatus ignis:  
urbibus oppugnandis temperatum, in quas timor Etruscos  
compulerat.

9 Cn. Fulvii consulis clara pugna in Samnio ad Bovia-  
num haudquaquam ambiguae victoriae fuit. Bovianum  
inde adgressus nec ita multo post Aufidenam vi cepit.

1 XIII. Eodem anno Carseolos colonia in agrum Ae-  
quiculorum deducta. Fulvius consul de Samnitibus trium-  
2 phavit. cum comitia consularia instarent, fama exorta,  
3 Etruscos Samnitesque ingentes conscribere exercitus: pa-  
lam omnibus conciliis vexari principes Etruscorum, quod  
non Gallos quacumque condicione traxerint ad bellum;

increpari magistratus Samnitium, quod exercitum adversus  
 Lucanum hostem comparatum obiecerint Romanis; itaque 4  
 suis sociorumque viribus consurgere hostes ad bellum, et  
 haudquaquam pari defungendum esse certamine. hic ter- 5  
 ror, cum inlustres viri consulatum peterent, omnes in Q.  
 Fabium Maximum primo non petentem, deinde, ut incli-  
 nata studia vidit, etiam recusantem convertit. quid se 6  
 iam senem ac perfunctum laboribus laborumque praemiis  
 sollicitarent? nec corporis nec animi vigorem remanere  
 eundem, et fortunam ipsam vereri, ne cui deorum nimia  
 iam in se et constantior, quam velint humanae res, videat-  
 ur. et se gloriae seniorum subcrevisse, et ad suam glo- 7  
 riam consurgentes alios laetum aspicere. nec honores  
 magnos fortissimis viris Romae nec honoribus deesse  
 fortes viros. acuebat hac moderatione tam iusta studia; 8  
 quae verecundia legum restringenda ratus, legem recitari  
 iussit, qua intra decem annos eundem consulem refici  
 non liceret. vix prae strepitu audita lex est, tribunique 9  
 plebis nihil id impedimenti futurum aiebant: se ad popu-  
 lum laturos, uti legibus solveretur. et ille quidem in 10  
 recusando perstabat, quid ergo attineret leges ferri rogi-  
 tans, quibus per eosdem qui tulissent fraus fieret? iam  
 regi leges, non regere. populus nihilo minus suffragia ini- 11  
 bat, et ut quaeque intro vocata erat centuria, consulem  
 haud dubie Fabium dicebat. tum demum consensu civi- 12  
 tatis victus: 'dei adprobent' inquit 'quod agitis acturique  
 estis, Quirites. ceterum, quoniam in me, quod vos vultis,  
 facturi estis, in collega sit meae apud vos gratiae locus:  
 P. Decium, expertum mihi concordi collegio virum, dignum 13  
 vobis, dignum parente suo, quaeso mecum consulem fa-  
 ciatis.' iusta suffragatio visa. omnes quae supererant cen-  
 turiae Q. Fabium, P. Decium consules dixerunt.

Eo anno plerisque dies dicta ab aedilibus, quia plus 14  
 quam quod lege finitum erat agri possiderent. nec quis-  
 quam ferme est purgatus, vinculumque ingens inmodicae  
 cupiditatis iniectum est.

XIII. Consules novi Q. Fabius Maximus quartum et 1  
 P. Decius Mus tertium cum inter se agitarent, uti alter  
 Samnites hostes, alter Etruscos deligeret, quantaeque in 2



hanc aut in illam provinciam copiae satis, et uter ad  
8 utrum bellum dux idoneus magis esset, ab Sutrio et Ne-  
pete et Faleriis legati, auctores concilia Etruriae populo-  
rum de petenda pace haberi, totam belli molem in Samnium  
4 averterunt. profecti consules, quo expeditiores commea-  
tus essent et incertior hostis, qua venturum bellum foret,  
Fabius per Soranum, Decius per Sidicinum agrum in  
5 Samnium legiones ducunt. ubi in hostium fines ventum  
est, uterque populabundus effuso agmine incedit. explo-  
6 rant tamen latius quam populantur. igitur non fefellere  
ad Tifernum hostes in occulta valle instructi, quam in-  
gressos Romanos superiore ex loco adoriri parabant.  
7 Fabius impedimentis in locum tutum remotis praesidioque  
modico inposito, praemonitis militibus adesse certamen,  
quadrato agmine ad praedictas hostium latebras succedit.  
8 Samnites desperato improvise tumultu, quando in apertum  
semel discrimen evasura esset res, et ipsi acie iusta ma-  
luerunt concurrere. itaque in aequum descendunt ac for-  
9 tunae se maiore animo quam spe committunt. ceterum  
sive quia ex omnium Samnitium populis quodcumque  
roboris fuerat contraxerant seu quia discrimen summae  
rerum augebat animos, aliquantum quoque aperta pugna  
10 praeberunt terroris. Fabius ubi nulla ex parte hostem  
loco moveri vidit, Maximum filium et M. Valerium tribu-  
nos militum, cum quibus ad primam aciem procurrerat,  
11 ire ad equites iubet et adhortari, ut, si quando umquam  
equestri ope adiutam rem publicam meminerint, illo die  
adnitantur, ut ordinis eius gloriam invictam praestent.  
12 peditum certamine immobilem hostem restare, omnem re-  
liquam spem in impetu esse equitum. et ipsos nominatim  
iuvenes, pari comitate utrumque, nunc laudibus nunc pro-  
13 missis onerat. ceterum quando ne ea quoque temptata  
vis proficeret, consilio grassandum, si nihil vires iuvarent,  
14 ratus, Scipionem legatum hastatos primae legionis sub-  
trahere ex acie et ad montis proximos quam posset occul-  
tissime circumducere iubet, inde ascensu abdito a con-  
spectu erigere in montes agmen aversoque hosti ab tergo  
15 repente se ostendere. equites ducibus tribunis haud multo  
plus hostibus quam suis ex improvise ante signa eveci

praebuerunt tumultus. adversus incitatas turmas stetit 16  
 inmota Samnitium acies nec parte ulla pelli aut perrumpi  
 potuit. et postquam irritum inceptum erat, recepti post  
 signa proelio excesserunt. crevit ex eo hostium animus, 17  
 nec sustinere frons prima tam longum certamen increscen-  
 temque fiducia sui vim potuisset, ni secunda acies iussu  
 consulis in primum successisset. ibi integrae vires sistunt 18  
 invehentem se iam Samnitem, et tempore improvisa ex  
 montibus signa clamorque sublatus non vero tantum metu  
 terruere Samnitium animos. nam et Fabius Decium col- 19  
 legam adpropinquare exclamavit, et pro se quisque miles  
 adesse alterum consulem, adesse legiones gaudio alacres  
 fremunt; errorque utilis Romanis oblatus fugae formidi- 20  
 nisque Samnites inplevit maxime territos, ne ab altero  
 exercitu integro intactoque fessi opprimerentur. et quia 21  
 passim in fugam dissipati sunt, minor caedes quam pro  
 tanta victoria fuit. tria milia et quadringenti caesi, capti  
 octingenti ferme et triginta, signa militaria capta tria et  
 viginti.

XV. Samnitibus Apuli se ante proelium coniunxis- 1  
 sent, ni P. Decius consul iis ad Maleventum castra obie-  
 cisset, extractos deinde ad certamen fudisset. ibi quoque 2  
 plus fugae fuit quam caedis: duo milia Apulorum caesa.  
 spretoque eo hoste Decius in Samnium legiones duxit.  
 ibi duo consulares exercitus diversis vagati partibus om- 3  
 nia spatio quinque mensum evastarunt. quadraginta et 4  
 quinque loca in Samnio fuere, in quibus Decii castra fue-  
 runt, alterius consulis sex et octoginta. nec valli tantum 5  
 ac fossarum vestigia relictas, sed multo illis insigniora  
 monumenta vastitatis circa regionumque depopulatarum.  
 Fabius etiam urbem Cimetram cepit. ibi capta armato- 6  
 rum duo milia nongenti, caesi pugnantes ferme nongenti  
 triginta.

Inde comitiorum causa Romam profectus maturavit 7  
 eam rem agere. cum primo vocatae Q. Fabium consulem  
 dicerent omnes centuriae, Ap. Claudius consularis can-  
 didatus, vir acer et ambitiosus, non sui magis honoris 8  
 causa quam ut patricii recuperarent duo consularia loca,  
 cum suis tum totius nobilitatis viribus incubuit, se cum

9 Q. Fabio consulem dicerent. Fabius primo de se eadem  
fere quae priore anno dicendo abnuere. circumstare sel-  
lam omnis nobilitas, orare, ut ex caeno plebeio consula-  
tum extraheret maiestatemque pristinam cum honori tum  
10 patriciis gentibus redderet. Fabius silentio facto media  
oratione studia hominum sedavit: facturum enim se fuisse  
dixit, ut duorum patriciorum nomina reciperet, si alium  
11 quam se consulem fieri videret; nunc se suam rationem  
comitiis, cum contra leges futurum sit, pessimo exemplo  
12 non habiturum. ita L. Volumnius de plebe cum Ap. Clau-  
dio consul est factus, priore item consulatu inter se con-  
parati. nobilitas obiectare Fabio, fugisse eum Ap. Clau-  
dium collegam eloquentia civilibusque artibus haud dubie  
praestantem.

1 XVI. Comitiis perfectis veteres consules iussi bellum  
2 in Samnio gerere prorogato in sex menses imperio. itaque  
insequenti quoque anno L. Volumnio, Ap. Claudio con-  
sulibus P. Decius, qui consul in Samnio relictus a collega  
fuerat, proconsul idem populari non destitit agros, donec  
Samnitium exercitum nusquam se proelio committentem  
3 postremo expulit finibus. Etruriam pulsi petierunt et, quod  
legationibus nequiquam saepe temptaverant, id se tanto  
agmine armatorum mixtis terrore precibus acturos effica-  
4 cius rati, postulaverunt principum Etruriae concilium. quo  
coacto, per quot annos pro libertate dimicent cum Roma-  
nis, exponunt: omnia expertos esse, si suismet ipsorum  
5 viribus tolerare tantam molem belli possent; temptasse  
etiam haud magni momenti finitimarum gentium auxilia.  
petisse pacem a populo Romano, cum bellum tolerare  
non possent, rebellasse, quod pax servientibus gravior  
6 quam liberis bellum esset. unam sibi spem reliquam in  
Etruscis restare; scire, gentem Italiae opulentissimam  
armis, viris, pecunia esse; habere accolae Gallos, inter  
ferrum et arma natos, feroces cum suopte ingenio tum  
adversus Romanos, populum, quem captum a se atroque  
7 redemptum, haud vana iactantes, memorent. nihil abesse,  
si sit animus Etruscis qui Porsinnae quondam maioribus-  
que eorum fuerit, quin Romanos omni agro cis Tiberim  
pulsos dimicare pro salute sua, non de intolerando Italiae

regno cogant. Samnitem illis exercitum paratum, instructum armis, stipendio venisse; confestim secuturos, vel si ad ipsam Romanam urbem oppugnandam ducant.

XVII. Haec eos in Etruria iactantes molientesque bellum domi Romanum urebat. nam P. Decius, ubi conperit per exploratores, profectum Samnitium exercitum, advocato consilio 'quid per agros' inquit 'vagamur vicatim circumferentes bellum? quin urbes et moenia adgreddimur? nullus iam exercitus Samnio praesidet. cessere finibus ac sibimet ipsi exilium conscivere.' adprobantibus cunctis ad Murgantiam validam urbem oppugnandam ducit; tantusque ardor militum fuit et caritate ducis et spe maioris quam ex agrestibus populationibus praedae, ut uno die vi atque armis urbem caperent. ibi duo milia Samnitium et centum pugnantes circumventi captique, et alia praeda ingens capta est. quae ne impedimentis gravibus agmen oneraret, convocari milites Decius iubet. 'hacine' inquit 'victoria sola aut hac praeda contenti estis futuri? vultis vos pro virtute spes gerere: omnes Samnitium urbes fortunaeque in urbibus relictæ vestrae sunt, quando legiones eorum tot proeliis fusas postremo finibus expulistis. vendite ista et inlicite lucro mercatorem, ut sequatur agmen: ego subinde suggeram quae vendatis. ad Romuleam urbem hinc eamus, ubi vos labor haud maior, praeda maior manet.' divendita praeda ultro adhortantes imperatorem ad Romuleam pergunt. ibi quoque sine opere, sine tormentis, simul admota sunt signa, nulla vi deterriti a muris, qua cuique proximum fuit, scalis raptim admotis in moenia evasere. captum oppidum ac direptum est: ad duo milia et trecenti occisi et sex milia hominum capta; et miles ingenti praeda potitus, quam vendere, sicut priorem, coactus Ferentinum inde, quamquam nihil quietis dabatur, tamen summa alacritate ductus. ceterum ibi plus laboris ac periculi fuit. et defensa summa vi moenia sunt et locus erat munimento naturaque tutus: sed evicit omnia adsuetus praedae miles. ad tria milia hostium circa muros caesa; praeda militis fuit. huius oppugnatarum urbium decoris pars maior in quibusdam annalibus ad Maximum trahitur: Murgantiam ab Decio,

a Fabio Ferentinum Romuleamque oppugnatas tradunt.  
12 sunt qui novorum consulum hanc gloriam faciant, quidam non amborum, sed alterius, L. Volumnii: ei Samnium provinciam evenisse.

1 XVIII. Dum ea in Samnio, cuiuscumque ductu auspicioque, gererentur, Romanis in Etruria interim bellum ingens multis ex gentibus concitur, cuius auctor Gellius  
2 Egnatius ex Samnitibus erat. Tusci fere omnes consciverant bellum; traxerat contagio proximos Umbriae populos, et Gallica auxilia mercede sollicitabantur. omnis ea mul-  
3 titudo ad castra Samnitium conveniebat. qui tumultus repens postquam est Romam perlatus, cum iam L. Volumnius consul cum legione secunda ac tertia sociorumque milibus quindecim profectus in Samnium esset, Ap. Clau-  
4 dium primo quoque tempore in Etruriam ire placuit. duae Romanae legiones secutae prima et quarta et sociorum  
5 duodecim milia. castra haud procul ab hoste posita. ceterum eo magis profectum est, quod mature ventum erat, ut quosdam spectantes iam arma Etruriae populos metus Romani nominis conprimeret, quam quod ductu consulis  
6 quicquam ibi satis scite aut fortunate gestum sit. multa proelia locis et temporibus iniquis commissa, spesque in dies gravio-  
7 rem hostem faciebat, et iam prope erat, ut nec duci milites nec militibus dux satis fideret. litteras ad collegam accersendum ex Samnio missas in trinis annalibus invenio: piget tamen id certum ponere, cum ea ipsa inter consules populi Romani, iam iterum eodem honore fungentis, discrepatio fuerit, Appio abnuente missas, Volumnio adfir-  
8 mante, Appi se litteris accitum. iam Volumnius in Samnio tria castella ceperat, in quibus ad tria milia hostium caesa erant, dimidium fere eius captum, et Lucanorum seditiones a plebeiis et egentibus ducibus ortas summa optumatum voluntate per Q. Fabium, pro consule missum eo cum vetere  
9 exercitu, conpresserat. Decio populandos hostium agros relinquit, ipse cum suis copiis in Etruriam ad collegam  
10 pergit; quem advenientem laeti omnes acceperunt. Appium ex conscientia sua credo animum habuisse, haud inmerito iratum, si nihil scripserat, inliberali et ingrato  
11 animo, si eguerat ope, dissimulantem. vix enim salute

mutua reddita cum obviam egressus esset: 'satin salve,' inquit 'L. Volumni? ut sese in Samnio res habent? quae te causa ut provincia tua excederes induxit?' Volumnius 12 in Samnio res prosperas esse ait, litteris eius accitum venisse; quae si falsae fuerint nec usus sui sit in Etruriam, extemplo conversis signis abiturum. 'tu vero abeas,' 13 inquit 'neque te quisquam moratur: etenim minime consentaneum est, cum bello tuo forsitan vix sufficias, hic te ad opem ferendam aliis gloriari venisse.' bene Hercules 14 verteret, dicere Volumnius: malle frustra operam insumptam quam quicquam incidisse, cur non satis esset Etruriae unus consularis exercitus.

XVIII. Digredientes iam consules legati tribunique 1 ex Appiano exercitu circumstant: pars imperatorem suum orare, ne collegae auxilium, quod acciendum ultro fuerit, sua sponte oblatum sperneretur; plures abeunti Volumnio 2 obsistere, obtestari, ne pravo cum collega certamine rem publicam prodat. si qua clades incidisset, desertori magis quam deserto noxiae fore. eo rem adductam, ut omni rei 3 bene aut secus gestae in Etruria decus dedecusque ad L. Volumnium sit delegatum. neminem quaesitum, quae verba Appi, sed quae fortuna exercitus fuerit. dimitti ab 4 Appio eum, sed a re publica et ab exercitu retineri; experiretur modo voluntatem militum. haec monendo ob- 5 testandoque prope restitantes consules in contionem pertraxerunt. ibi orationes longiores habitae in eandem ferme sententiam, in quam inter paucos certatum verbis fuerat. et cum Volumnius, causa superior, ne infacundus quidem 6 adversus eximiam eloquentiam collegae visus esset cavillansque Appius sibi acceptum referre diceret debere, quod ex muto atque elingui facundum etiam consulem haberent, priore consulatu primis utique mensibus hiscere eum nequisse, nunc iam popularis orationes serere: 'quam 8 mallem' inquit Volumnius 'tu a me strenue facere quam ego abs te scite loqui didicissem.' postremo condicionem ferre, quae decretura sit, non orator — neque enim id desiderare rem publicam —, sed imperator uter sit melior. Etruriam et Samnium provincias esse, utram mallet eli- 9 geret: suo exercitu se vel in Etruria vel in Samnio rem

gesturum. tum militum clamor ortus, ut simul ambo bellum Etruscum susciperent. quo animadverso consensu Volumnius: 'quoniam in collegae voluntate interpretanda' inquit 'erravi, non committam, ut, quid vos velitis, obscurum sit: manere an abire me velitis, clamore significate.' tum vero tantus est clamor exortus, ut hostes e castris exciret. armis arreptis in aciem descendunt. et Volumnius signa canere ac vexilla efferri castris iussit. Appium addubitasse ferunt cernentem, seu pugnante seu quieto se fore collegae victoriam; deinde veritum, ne suae quoque legiones Volumnium sequerentur, et ipsum flagitantibus suis signum dedisse. ab neutra parte satis commode instructi fuerunt. nam et Samnitium dux Gellius Egnatius pabulatum cum cohortibus paucis ierat suoque impetu magis milites quam cuiusquam ductu aut imperio pugnam capessebant, et Romani exercitus nec pariter ambo ducti nec satis temporis ad instruendum fuit. prius concurrit Volumnius quam Appius ad hostem perveniret. itaque fronte inaequali concursus est; et velut forte quadam mutante adsuetos inter se hostes Etrusci Volumnio, Samnites, parumper cunctati quia dux aberat, Appio occurrere. dicitur Appius in medio pugnae discrimine, ita ut inter prima signa manibus ad caelum sublatis conspiceretur, ita precatus esse: 'Bellona, si hodie nobis victoriam duis, ast ego tibi templum voveo.' haec precatus velut instigante dea et ipse collegae et exercitus [alterius exercitus] virtutem aequavit. duces imperatoria opera exsecuntur et milites, ne ab altera parte prius victoria incipiat, adnituntur. ergo fundunt fugantque hostes maiorem molem haut facile sustinentes quam cum qua manus consere adsueti fuerant. urgendo cedentes insequendoque effusos conpulere ad castra. ibi interventu Gellii cohortiumque Sabellarum paulisper recrudit pugna. his quoque mox fuis iam a victoribus castra oppugnabantur, et cum Volumnius ipse portae signa inferret, Appius Bellonam victricem identidem celebrans accenderet militum animos, per vallum, per fossas inruperunt. castra capta direptaque, praeda ingens parta et militi concessa est. septem milia ac trecenti hostium occisi, duo milia et centum viginti capti.



XX. Dum ambo consules omnisque Romana vis in 1  
 Etruscum bellum magis inclinat, in Samnio novi exercitus  
 exorti ad populandos imperii Romani fines per Vescinos  
 in Campaniam Falernumque agrum transcendunt ingen-  
 tesque praedas faciunt. Volumnium magnis itineribus in 2  
 Samnium redeuntem — iam enim Fabio Decioque proro-  
 gati imperii finis aderat — fama de Samnitium exercitu  
 populationibusque Campani agri ad tuendos socios con-  
 vertit. ut in Calenum agrum venit, et ipse cernit recentia 3  
 cladis vestigia et Caleni narrant, tantum iam praedae ho-  
 stis trahere, ut vix explicare agmen possint: itaque iam 4  
 propalam duces loqui, extemplo eundum in Samnium esse,  
 ut relictā ibi praeda in expeditionem redeant nec tam one-  
 ratum agmen dimicationi committant. ea quamquam simi- 5  
 lia veris erant, certius tamen exploranda ratus dimittit  
 equites, qui vagos praedatores in agris palantes excipiant;  
 ex quibus inquirendo cognoscit, ad Vulturum flumen 6  
 sedere hostem, inde tertia vigilia moturum, iter in Sam-  
 nium esse. his satis exploratis profectus tanto intervallo 7  
 ab hostibus consedit, ut nec adventus suus propinquitate  
 nimia nosci posset et egredientem e castris hostem oppri-  
 meret. aliquanto ante lucem ad castra accessit gnarosque 8  
 Oscae linguae exploratum quid agatur mittit. intermixti  
 hostibus, quod facile erat in nocturna trepidatione, cog-  
 noscunt, infrequentia armatis signa egressa, praedam  
 praedaeque custodes exire, immobile agmen et sua quem-  
 que molientem nullo inter alios consensu nec satis certo  
 imperio. tempus adgrediendi aptissimum visum est; et 9  
 iam lux adpetebat: itaque signa canere iussit agmenque  
 hostium adgreditur. Samnites praeda inpediti, infrequen- 10  
 tes armati, pars addere gradum ac prae se agere praedam,  
 pars stare incerti, utrum progredi an regredi in castra  
 tutius foret: inter cunctationem opprimuntur. et Romani  
 iam transcenderant vallum caedesque ac tumultus erat in  
 castris. Samnitium agmen praeterquam hostili tumultu 11  
 captivorum etiam repentina defectione turbatum erat, qui 12  
 partim ipsi soluti vinctos solvebant, partim arma in sar-  
 cinis deligata rapiebant tumultumque proelio ipso terribi-  
 liorem intermixti agmini praebebant. memorandum deinde 13

edidere facinus, nam Staium Minacium ducem adeuntem ordines hortantemque invadunt; dissipatis inde equitibus, qui cum eo aderant, ipsum circumstant insidentemque  
14 equo captum ad consulem Romanum rapiunt. revocata eo tumultu prima signa Samnitium; proeliumque iam profligatum integratum est, nec diutius sustineri potuit. caesa ad  
15 sex milia hominum, duo milia et quingenti capti, in eis tribuni militum quattuor, signa militaria triginta et, quod laetissimum victoribus fuit, captivorum recepta septem milia et quadringenti, praeda ingens sociorum: accitque edicto domini  
16 ad res suas noscendas recipiendasque. praestituta die quarum rerum non extitit dominus militi concessae, coactique vendere praedam, ne alibi quam in armis animum haberent.

1 XXI. Magnum ea populatio Campani agri tumultum  
2 Romae praebuerat; et per eos forte dies ex Etruria adlatum erat, post deductum inde Volumnianum exercitum Etruriam concitam in arma et Gellium Egnatium, Samnitium ducem, et Umbros ad defectionem vocari, et Gallos  
3 pretio ingenti sollicitari. his nuntiis senatus conterritus iustitium indici, dilectum omnis generis hominum haberi  
4 iussit. nec ingenui modo aut iuniores sacramento adacti, sed seniorum etiam cohortes factae libertinique centuriati. et defendendae urbis consilia agitabantur, summaeque  
5 rerum praetor P. Sempronius praeerat. ceterum parte curae exonerarunt senatum L. Volumnii consulis litterae, quibus caesos fusosque populatores Campaniae cognitum  
6 est. itaque et supplicationes ob rem bene gestam consulis nomine decernunt; iustitium remittitur, quod fuerat dies  
7 xvm, supplicatioque perlaeta fuit. tum de praesidio regionis depopulatae ab Samnitibus agitari coeptum. itaque placuit, ut duae coloniae circa Vescinum et Falernum agrum  
8 deducerentur, una ad ostium Liris fluvii, quae Menturnae appellata, altera in saltu Vescino Falernum contingente agrum, ubi Sinope dicitur Graeca urbs fuisse, Sinuessa deinde  
9 ab colonis Romanis appellata. tribunis plebis negotium datum est, ut plebei scito iuberetur P. Sempronius praetor  
10 triumviros in ea loca colonis deducendis creare. nec qui nomina darent facile inveniebantur, quia in stationem se prope perpetuam infestae regionis, non in agros mitti rebantur.

Avertit ab eis curis senatum Etruriae ingravescens 11  
bellum et crebrae litterae Appii monentis, ne regionis  
eius motum neglegerent: quattuor gentes conferre arma, 12  
Etruscos, Samnites, Umbros, Gallos; iam castra bifariam  
facta esse, quia unus locus capere tantam multitudinem  
non possit. ob haec et — iam adpetebat tempus — comi- 13  
tiorum causa L. Volumnius consul Romam revocatus, qui  
priusquam ad suffragium centurias vocaret in contionem  
advocato populo multa de magnitudine belli Etrusci dis-  
seruit. iam tum, cum ipse ibi cum collega rem pariter 14  
gesserit, fuisse tantum bellum, ut nec duce uno nec exer-  
citu geri potuerit; accessisse postea dici Umbros et in-  
gentem exercitum Gallorum. adversus quattuor populos 15  
duces consules illo die deligi meminissent. se, nisi confi-  
deret, eum consensu populi Romani consulem declaratum  
iri, qui haud dubie tum primus omnium ductor habeatur,  
dictatorem fuisse extemplo dicturum.

XXII. Nemini dubium erat, quin Fabius Quintus om- 1  
nium consensu destinaretur; eumque et praerogativae et  
primo vocatae omnes centuriae consulem cum L. Volum-  
nio dicebant. Fabii oratio fuit qualis biennio ante; deinde 2  
ut vincebatur consensu, versa postremo ad collegam P.  
Decium poscendum. id senectuti suae adminiculum fore: 3  
censura duobusque consulatibus simul gestis expertum se  
nihil concordii collegio firmitus ad rem publicam tuendam  
esse. novo imperii socio vix iam adsuescere senilem ani-  
mum posse; cum moribus notis facilius se communicatu-  
rum consilia. subscripsit orationi eius consul cum meritis 4  
P. Decii laudibus, tum quae ex concordia consulum bona  
quaeque ex discordia mala in administratione rerum mili-  
tarium evenirent, memorando, quam prope ultimum dis- 5  
crimen suis et collegae certaminibus nuper ventum foret,  
et monendo Decium Fabiumque, ut uno animo, una mente 6  
viverent. esse praeterea viros natos militiae, factis magnos,  
ad verborum linguaeque certamina rudes: ea ingenia con-  
sularia esse. callidos sollertesque iuris atque eloquentiae 7  
consultos, qualis App. Claudius esset, urbi ac foro prae-  
sides habendos praetoresque ad reddenda iura creandos  
esse. his agendis dies est consumptus. postridie ad prae- 8

scriptum consulis et consularia et praetoria comitia habita.  
9 consules creati Q. Fabius et P. Decius, Ap. Claudius praetor, omnes absentes. et L. Volumnio ex senatus consulto et scito plebis prorogatum in annum imperium est.

1 XXIII. Eo anno prodigia multa fuerunt, quorum aver-  
runcandorum causa supplicationes in biduum senatus de-  
2 crevit. publice vinum ac tus praebitum: supplicatum iere  
3 frequentes viri feminaeque. insignem supplicationem fecit  
certamen in sacello Pudicitiae patriciae, quae in foro  
bovario est ad aedem rotundam Herculis, inter matronas  
4 ortum. Verginiam, Auli filiam, patriciam plebeio nuptam  
L. Volumnio consuli, matronae, quod e patribus enupsis-  
set, sacris arcuerant. brevis altercatio inde ex iracundia  
5 muliebri in contentionem animorum exarsit, cum se Ver-  
ginia et patriciam et pudicam in patriciae Pudicitiae tem-  
plum ingressam et uni nuptam, ad quem virgo deducta  
sit, nec se viri honorumve eius ac rerum gestarum pae-  
6 nitere, vero gloriaretur. facto deinde egregio magnifica  
verba adauxit: in vico Longo, ubi habitabat, ex parte  
aedium quod satis esset loci modico sacello exclusit aram-  
que ibi posuit; et convocatis plebeiis matronis conquesta  
7 iniuriam patriciarum: 'hanc ego aram' inquit 'Pudicitiae  
plebeiae dedico vosque hortor, ut quod certamen virtutis  
viros in hac civitate tenet, hoc pudicitiae inter matronas  
8 sit detisque operam, ut haec ara quam illa, si quid potest,  
9 sanctius et a castioribus coli dicatur.' eodem ferme ritu  
et haec ara, quo illa antiquior, culta est, ut nulla nisi  
spectatae pudicitiae matrona et quae uni viro nupta fuisset  
10 ius sacrificandi haberet. vulgata dein religio a pollutis,  
nec matronis solum, sed omnis ordinis feminis, postremo  
in oblivionem venit.

11 Eodem anno Cn. et Q. Ogulnii aediles curules aliquot  
12 faeneratoribus diem dixerunt; quorum bonis multatis ex  
eo, quod in publicum redactum est, aenea in Capitolio  
limina et trium mensarum argentea vasa in cella Iovis  
Iovemque in culmine cum quadrigis et ad ficum Rumina-  
lem simulacra infantium conditorum urbis sub uberibus  
lupae posuerunt semitamque saxo quadrato a Capena porta  
13 ad Martis straverunt. et ab aedilibus plebeiis L. Aelio

Paeto et C. Fulvio Curvo ex multatitia item pecunia, quam exegerunt pecuariis damnatis, ludi facti pateraeque aureae ad Cereris positae.

XXIII. Q. inde Fabius quintum et P. Decius quartum consulum ineunt, tribus consulatibus censuraque collegae nec gloria magis rerum, quae ingens erat, quam concordia inter se clari. quae ne perpetua esset, ordinum magis quam ipsorum inter se certamen intervenisse reor, patriciis tendentibus, ut Fabius Etruriam extra ordinem provinciam haberet, plebeiis auctoribus Decio, ut ad sortem revocaret. fuit certe contentio in senatu; et postquam ibi Fabius plus poterat, revocata res ad populum est. in contione, ut inter militares viros et factis potius quam dictis fretos, pauca verba habita. Fabius, quam arborem consevisset, sub ea legere alium fructum indignum esse dicere; se aperuisse Ciminiam silvam viamque per devios saltus Romano bello fecisse. quid se id aetatis sollicitasent, si alio duce gesturi bellum essent? nimirum adversarium se, non socium imperi legisse sensim exprobrat, et invidisse Decium concordibus collegiis tribus; postremo, se tendere nihil ultra quam ut, si dignum provincia ducerent, in eam mitterent: in senatus arbitrio se fuisse et in potestate populi futurum. P. Decius senatus iniuriam querebatur: quoad potuerint patres adnisos, ne plebi aditus ad magnos honores esset; postquam ipsa virtus pervicerit, ne in ullo genere hominum inhonorata esset, quaeri, quemadmodum inrita sint non suffragia modo populi, sed arbitria etiam fortunae et in paucorum potestatem vertantur. omnis ante se consules sortitos provincias esse; nunc extra sortem Fabio senatum provinciam dare; si honoris eius causa, ita eum de se deque re publica meritum esse, ut faveat Q. Fabii gloriae, quae modo non sua contumelia splendeat: cui autem dubium esse, ubi unum bellum sit asperum ac difficile, cum id alteri extra sortem mandetur, quum alter consul pro supervacaneo atque inutili habeatur? gloriari Fabium rebus in Etruria gestis; velle et P. Decium gloriari, et forsitan, quem ille obrutum ignem reliquerit, ita ut totiens novum ex improviso incendium daret, eum se extincturum. postremo se collegae honores prae-

miaque concessurum verecundia aetatis eius maiestatisque:  
cum periculum, dimicatio proposita sit, neque cedere sua  
15 sponte neque cessurum et, si nihil aliud ex eo certamine  
tulerit, illud certe laturum, ut quod populi sit populus  
16 iubeat potius quam patres gratificentur. Iovem optimum  
maximum deosque immortales se precari, ut ita sortem  
aequam sibi cum collega dent, si eandem virtutem felici-  
17 tatemque in bello administrando daturi sint. certe id et  
natura aequum et exemplo utile esse et ad famam populi  
Romani pertinere, eos consules esse, quorum utrolibet  
18 duce bellum Etruscum geri recte possit. Fabius nihil aliud  
precatus populum Romanum quam ut prius quam intro  
vocarentur ad suffragium tribus Ap. Claudii praetoris ad-  
latas ex Etruria litteras audirent, comitio abiit: nec minore  
populi consensu quam senatus provincia Etruria extra  
sortem Fabio decreta est.

1 XXV. Concursus inde ad consulem factus omnium  
ferme iuniorum; et pro se quisque nomina dabant: tanta  
2 cupido erat sub eo duce stipendia faciendi. qua circum-  
fusus turba: 'quattuor milia' inquit 'peditum et sescentos  
equites dumtaxat scribere in animo est; hodierno et cra-  
3 stino die qui nomina dederitis mecum ducam. maiori mihi  
curae est, ut omnes locupletes reducam, quam ut multis  
4 rem geram militibus.' profectus apto exercitu et eo plus  
fiduciae ac spei gerente, quod non desiderata multitudo  
erat, ad oppidum Aharnam, unde haud procul hostis erant,  
5 ad castra Appii praetoris pergit. paucis citra milibus  
lignatores ei cum praesidio occurrunt, qui ut lictores prae-  
gredi viderunt Fabiumque esse consulem acceperunt, laeti  
atque alacres diis populoque Romano grates agunt, quod  
6 eum sibi imperatorem misissent. circumfusi deinde cum  
consulem salutarent, quaerit Fabius, quo pergerent, re-  
spondentibusque, lignatum se ire: 'ain tandem?' inquit:  
7 'num castra vallata non habetis?' ad hoc cum subclama-  
tum esset, duplici quidem vallo et fossa, et tamen in  
ingenti metu esse: 'habetis igitur' inquit 'adfatum ligno-  
8 rum, redite et vellite vallum.' redeunt in castra, terrorem-  
que ibi vellentes vallum et iis qui in castris remanserant  
9 militibus et ipsi Appio fecerunt. tum pro se quisque alii aliis

dicere, consulis se Q. Fabii facere iussu. postera inde die castra mota et Appius praetor Romam dimissus. inde 10 nusquam stativa Romanis fuere. negabat, utile esse uno loco sedere exercitum; itineribus ac mutatione locorum mobiliorem ac salubriorem esse. fiebant autem itinera, quanta fieri sinebat hiemps haud dum exacta. vere inde 11 primo relicta secunda legione ad Clusium, quod Camars olim appellabant, praepositoque castris L. Scipione pro praetore, Romam ipse ad consultandum de bello rediit, sive ipse sponte sua, quia bellum ei maius in conspectu 12 erat quam quantum esse famae crediderat, sive senatus consulto accitus: nam in utrumque auctores sunt. ab Ap. 13 Claudio praetore retractum quidam videri volunt, cum in senatu et apud populum, id quod per litteras adsidue fecerat, terrorem belli Etrusci augeret: non suffecturum ducem unum nec exercitum unum adversus quattuor populos; periculum esse, sive iuncti unum premant sive diversi 14 gerant bellum, ne ad omnia simul obire unus non possit. duas se ibi legiones Romanas reliquisse et minus quinque 15 milia peditum equitumque cum Fabio venisse. sibi placere, P. Decium consulem primo quoque tempore in Etruriam ad collegam proficisci, L. Volumnio Samnium provinciam dari; si consul malit in suam provinciam ire, 16 Volumnium in Etruriam ad consulem cum exercitu iusto consulari proficisci. cum magnam partem moveret oratio 17 praetoris, P. Decium censuisse ferunt, ut omnia integra ac libera Q. Fabio servarentur, donec vel ipse, si per commodum rei publicae posset, Romam venisset vel aliquem ex legatis misisset, a quo disceret senatus, quantum 18 in Etruria belli esset quantisque administrandum copiis et quot per duces esset.

XXVI. Fabius ut Romam rediit, et in senatu et pro- 1 ductus ad populum mediam orationem habuit, ut nec augere nec minuere videretur belli famam magisque in altero adsumendo duce aliorum indulgere timori quam suo aut reipublicae periculo consulere. ceterum si sibi adiutorem 2 belli sociumque imperii darent, quonam modo se oblivisci P. Decii consulis per tot collegia experti posse? neminem 3 omnium secum coniungi malle; et copiarum satis sibi



cum P. Decio et numquam nimium hostium fore: sin  
collega quid aliud mallet, at sibi L. Volumnium darent  
4 adiutorem. omnium rerum arbitrium et a populo et a  
senatu et ab ipso collega Fabio permissum est. et cum  
P. Decius se in Samnium vel in Etruriam proficisci pa-  
ratum esse ostendisset, tanta laetitia ac gratulatio fuit,  
ut praeciperetur victoria animis triumphusque, non bellum  
decretum consulibus videretur.

5 Invenio apud quosdam, extemplo consulatu inito pro-  
fectos in Etruriam Fabium Deciumque sine ulla mentione  
sortis provinciarum certaminumque inter collegas, quae  
6 exposui. sunt quibus ne haec quidem certamina exponere  
satis fuerit, adiecerint et Appii criminationes de Fabio  
absente ad populum et pertinaciam adversus praesentem  
consulem praetoris contentionemque aliam inter collegas,  
tendente Decio, ut suae quisque provinciae sortem tuere-  
7 tur. constare res incipit ex eo tempore, quo profecti ambo  
consules ad bellum sunt.

Ceterum antequam consules in Etruriam pervenirent,  
Senones Galli multitudine ingenti ad Clusium venerunt,  
8 legionem Romanam castraque oppugnaturi. Scipio, qui  
castris praeerat, loco adiuvandam paucitatem suorum mi-  
litum ratus, in collem, qui inter urbem et castra erat,  
9 aciem erexit. sed ut in re subita parum explorato itinere  
ad iugum perrexit, quod hostes ceperant parte alia ad-  
gressi. ita caesa ab tergo legio atque in medio, cum  
10 hostis undique urgeret, circumventa. deletam quoque ibi  
legionem, ita ut nuntius non superesset, quidam auctores  
11 sunt, nec ante ad consules, qui iam haud procul a Clusio  
aberant, famam eius cladis perlatam quam in conspectu  
fuere Gallorum equites, pectoribus equorum suspensa  
gestantes capita et lanceis infixi ovantesque moris sui  
12 carmine. sunt qui Umbros fuisse, non Gallos tradant,  
nec tantum cladis acceptum et circumventis pabulatoribus  
cum L. Manlio Torquato legato Scipionem propriaetorem  
subsidium e castris tulisse victoresque Umbros redinte-  
grato proelio victos esse captivosque eis ac praedam  
13 ademptam. similis vero est, a Gallo hoste quam Umbro  
eam cladem acceptam, quod cum saepe alias tum eo anno

Gallici tumultus praecipuus terror civitatem tenuit. ita- 14  
que praeterquam quod ambo consules profecti ad bellum  
erant cum quattuor legionibus et magno equitatu Romano  
Campanisque mille equitibus delectis ad id bellum missis  
et sociorum nominisque Latini maiore exercitu quam Ro-  
mano, alii duo exercitus haud procul urbe Etruriae oppo- 15  
siti, unus in Falisco, alter in Vaticano agro. Cn. Fulvius  
et L. Postumius Megellus propraeiores ambo stativa in  
eis locis habere iussi.

XXVII. Consules ad hostes transgresso Appennino 1  
in agrum Sentinatem pervenerunt. ibi quattuor milium  
ferme intervallo castra posita. inter hostes deinde con- 2  
sultationes habitae, atque ita convenit, ne unis castris  
miscerentur omnes neve in aciem descenderent simul.  
Samnitibus Galli, Etruscis Umbri adiecti. dies indicta 3  
pugnae: Samniti Gallisque delegata pugna, inter ipsum  
certamen Etrusci Umbrique iussi castra Romana oppu-  
gnare. haec consilia turbarunt transfugae Clusini tres 4  
clam nocte ad Fabium consulem transgressi, qui editis  
hostium consiliis dimissi cum donis, ut subinde, ut quae-  
que res nova decreta esset, exploratam perferrent. con- 5  
sules Fulvio ut ex Falisco, Postumio ut ex Vaticano exer-  
citum ad Clusium admoveant summaque vi fines hostium  
depopulentur, scribunt. huius populationis fama Etruscos 6  
ex agro Sentinate ad suos finis tuendos movit. instare  
inde consules, ut absentibus his pugnaretur. per biduum  
laccessiere proelio hostem: biduo nihil dignum dictu actum.  
pauci utrimque cecidere, magisque irritati sunt ad iustum 7  
certamen animi quam ad discrimen summa rerum adducta.  
tertio die descensum in campum omnibus copiis est. cum 8  
instructae acies starent, cerva fugiens lupum e montibus  
exacta per campos inter duas acies decurrit; inde diver-  
sae ferae, cerva ad Gallos, lupus ad Romanos cursum  
deflexit. lupo data inter ordines via, cervam Galli con-  
fixere. tum ex antesignanis Romanus miles: 'illac fuga' 9  
inquit 'et caedes vertit, ubi sacram Dianae feram iacen-  
tem videtis: hinc victor Martius lupus, integer et intactus,  
gentis nos Martiae et conditoris nostri admonuit.' dextro 10  
cornu Galli, sinistro Samnites constiterunt. adversus Sam-

nites Q. Fabius primam ac tertiam legionem pro dextro cornu, adversus Gallos pro sinistro Decius quintam et  
 11 sextam instruxit. secunda et quarta cum L. Volumnio proconsule in Samnio gerebat bellum. primo concursu adeo aequis viribus gesta res est, ut, si adfuissent Etrusci et Umbri, aut in acie aut in castris quocumque se inclinassent accipienda clades fuerit.

1 XXVIII. Ceterum quamquam communis adhuc Mars belli erat necdum discrimen fortuna fecerat, qua datura vires esset, haudquaquam similis pugna in dextro laevo-  
 2 que cornu erat. Romani apud Fabium arcebant magis quam inferebant pugnam, extrahebaturque in quam ma-  
 3 xime serum diei certamen, quia ita persuasum erat duci, et Samnites et Gallos primo impetu feroces esse, quos sustineri satis sit; longiore certamine sensim residere Sam-  
 4 nitium animos, Gallorum quidem etiam corpora intolerantissima laboris atque aestus fluere primaque proelia plus quam virorum, postrema minus quam feminarum esse.  
 5 in id tempus igitur, quo vinci solebat hostis, quam integerrumas vires militi servabat. ferocior Decius et aetate et vigore animi quantumcumque virium habuit certamine primo effudit. et quia lentior videbatur pedestris pugna,  
 7 equitatum in pugnam concitat et ipse fortissimae iuvenum turmae inmixtus orat proceres iuventutis, in hostem ut secum impetum faciant: duplicem illorum gloriam fore, si  
 8 ab laevo cornu et ab equite victoria incipiat. bis avertere Gallicum equitatum. iterum longius evectos et iam inter media equitum agmina proelium cientes novum pugnae  
 9 conterruit genus: essedis carrisque superstans armatus hostis ingenti sonitu equorum rotarumque advenit et insolitos eius tumultus Romanorum conterruit equos. ita victorem equitatum velut lymphaticus pavor dissipat; ster-  
 11 nit inde ruentes equos virosque improvida fuga. turbata hinc etiam signa legionum multique impetu equorum ac vehiculorum raptorum per agmen obtriti antesignani. et insecuta, simul territos hostes vidit, Gallica acies nullum  
 12 spatium respirandi recipiendique se dedit. vociferare Decius, quo fugerent quamve in fuga spem haberent, obistere cedentibus ac revocare fusos, deinde, ut nulla vi

perculosos sustinere poterat, patrem P. Decium nomine  
 conpellans: 'quid ultra moror' inquit 'familiare fatum? 13  
 datum hoc nostro generi est, ut luendis periculis publicis  
 piacula simus: iam ego mecum hostium legiones mactan-  
 das Telluri ac diis manibus dabo.' haec locutus M. Livium 14  
 pontificem, quem descendens in aciem digredi vetuerat ab  
 se, praeire iussit verba, quibus se legionesque hostium  
 pro exercitu populi Romani Quiritium devoveret. devotus 15  
 inde eadem precatione eodemque habitu, quo pater P.  
 Decius ad Vesperim bello Latino se iusserat devoveri, cum 16  
 secundum sollemnes precationes adiecisset, prae se agere  
 sese formidinem ac fugam caedemque ac cruorem, cae-  
 lestium inferorum iras, contacturum funebribus diris signa, 17  
 tela, arma hostium locumque eundem suae pestis ac Gal-  
 lorum ac Samnitium fore, — haec execratus in se hostes- 18  
 que qua confertissimam cernebat Gallorum aciem concitat  
 equum, inferensque se ipse infestis telis est interfectus.

XXVIII. Vix humanae inde opis videri pugna po- 1  
 tuit. Romani duce amisso, quae res terrori alias esse  
 solet, sistere fugam ac novam de integro velle instaurare  
 pugnam: Galli, et maxime globus circumstans consulis 2  
 corpus, velut alienata mente vana in cassum iactare tela;  
 torpere quidam et nec pugnae meminisse nec fugae. at 3  
 ex parte altera pontifex Livius, cui lictores Decius tradi-  
 derat iusseratque pro praetore esse, vociferari, vicisse  
 Romanos defunctos consulis fato, Gallos Samnitesque 4  
 Telluris matris ac deorum Manium esse, rapere ad se ac  
 vocare Decium devotam secum aciem furiarumque ac for-  
 midinis plena omnia ad hostes esse. superveniunt deinde 5  
 his restituentibus pugnam L. Cornelius Scipio et C. Mar-  
 cius cum subsidiis ex novissima acie iussu Q. Fabi con-  
 sulis ad praesidium collegae missi. ibi auditur P. Decii  
 eventus, ingens hortamen ad omnia pro re publica audenda.  
 itaque cum Galli structis ante se scutis conferti starent 6  
 nec facilis pede conlato videretur pugna, iussu legatorum  
 conlecta humi pila, quae strata inter duas acies iacebant,  
 atque in testudinem hostium coniecta. quibus plerisque 7  
 in scuta rarisque in corpora ipsa fixis sternitur cuneus,  
 ita ut magna pars integris corporibus attoniti conciderent.

haec in sinistro cornu Romanorum fortuna variaverat.  
8 Fabius in dextro primo, ut ante dictum est, cunctando  
extraxerat diem; dein, postquam nec clamor hostium nec  
9 impetus nec tela missa eandem vim habere visa, prae-  
fectis equitum iussis ad latus Samnitium circumducere  
alas, ut signo dato in transversos quanto maximo possent  
impetu incurrerent, sensim suos signa inferre iussit et  
10 commovere hostem. postquam non resisti vidit et haud  
dubiam lassitudinem esse, tum conlectis omnibus subsi-  
diis, quae ad id tempus reservaverat, et legiones concitavit  
11 et signum ad invadendos hostes equitibus dedit. nec susti-  
nuerunt Samnites impetum praeterque aciem ipsam Gal-  
lorum relictis in dimicatione sociis ad castra effuso cursu  
12 ferebantur. Galli testudine facta conferti stabant. tum  
Fabius audita morte collegae Campanorum alam, quingen-  
tos fere equites, excedere acie iubet et circumvectos ab  
13 tergo Gallicam invadere aciem; tertiae deinde legionis  
subsequi principes et, qua turbatum agmen hostium vi-  
14 derent impetu equitum, instare ac territos caedere. ipse  
aedem Iovi Victori spoliaque hostium cum vovisset, ad  
castra Samnitium perrexit, quo multitudo omnis conster-  
15 nata agebatur. sub ipso vallo, quia tantam multitudinem  
portae non recepere, temptata ab exclusis turba suorum  
16 pugna est. ibi Gellius Egnatius imperator Samnitium ce-  
cidit. compulsi deinde intra vallum Samnites parvoque  
certamine capta castra et Galli ab tergo circumventi.  
17 caesa eo die hostium viginti quinque milia, octo capta.  
18 nec incruenta victoria fuit: nam ex P. Decii exercitu caesa  
septem milia, ex Fabi mille ac centum. Fabius, dimissis  
ad quaerendum collegae corpus, spolia hostium coniecta  
19 in acervum Iovi Victori cremavit. consulis corpus eo die,  
quia obrutum superstratis Gallorum cumulis erat, inveniri  
non potuit; postero die inventum relatumque est cum  
20 multis militum lacrumis. intermissa inde omnium aliarum  
rerum cura Fabius collegae funus omni honore laudibus-  
que meritis celebrat.

1 XXX. Et in Etruria per eosdem dies ab Cn. Fulvio  
propraetore res ex sententia gesta, et praeter ingentem  
inlatam populationibus agrorum hosti cladem pugnatum

etiam egregie est Perusinorumque et Clusinorum caesa 2  
amplius milia tria et signa militaria ad viginti capta. Sam- 3  
nitium agmen cum per Paelignum agrum fugeret, circum-  
ventum a Paelignis est; ex milibus quinque ad mille caesi.

Magna eius diei, quo in Sentinati agro bellatum, fama 4  
est etiam vero stanti: sed superiecere quidam augendo  
fidem, qui in hostium exercitu peditum milia cccxxx, 5  
equitum sex et quadraginta milia, mille carpentorum scrip-  
sere fuisse, scilicet cum Umbris Tuscisque, quos et ipsos 6  
pugnae adfuisse; et ut Romanorum quoque augerent co-  
pias, L. Volumnium pro consule ducem consulibus exer-  
citumque eius legionibus consulum adiciunt. in pluribus 7  
annalibus duorum ea consulum propria victoria est, Vo-  
lumnus in Samnio interim res gerit, Samnitiumque exer-  
citum in Tifernum montem compulsum non deterritus ini-  
quitate loci fundit fugatque.

Q. Fabius Deciano exercitū relicto in Etruriae praesidio 8  
suis legionibus deductis ad urbem de Gallis Etruscisque  
ac Samnitibus triumphavit. milites triumphantem secuti 9  
sunt. celebrata inconditis carminibus militaribus non ma-  
gis victoria Q. Fabii quam mors praeclara P. Deci est  
excitataque memoria parentis aequata eventu publico pri-  
vatoque fili laudibus. data ex praeda militibus aeris octo- 10  
geni bini sagaque et tunicae, praemia illa tempestate mi-  
litiae haudquaquam spernenda.

XXXI. His ita rebus gestis nec in Samnitibus adhuc 1  
nec in Etruria pax erat: nam et Perusinis auctoribus post  
deductum ab consule exercitum rebellatum fuerat, et Sam- 2  
nites praedatum in agrum Vescinum Formianumque et  
parte alia in Aeserninum quaeque Vulturno adiacent flu-  
mini descendere. adversus eos Ap. Claudius praetor cum 3  
exercitu Deciano missus. Fabius in Etruria rebellante  
denuo quattuor milia et quingentos Perusinorum occidit,  
cepit ad mille septingentos quadraginta, qui redempti sin- 4  
guli aeris trecentis decem; praeda alia, omnis militibus  
concessa. Samnitium legiones, cum partem Ap. Claudius 5  
praetor, partem L. Volumnius pro consule sequeretur, in  
agrum Stellatem convenerunt. ibi et Samnitium omnes  
considunt et Appius Volumniusque castra coniungunt.

- 6 pugnatum infestissimis animis, hinc ira stimulante adver-  
sus rebellantes totiens, illinc ab ultima iam dimicantibus  
7 spe. caesa ergo Samnitium sedecim milia trecenti, capta  
duo milia septingenti; ex Romano exercitu cecidere duo  
milia septingenti.
- 8 Felix annus bellicis rebus, pestilentia gravis prodigiis-  
que sollicitus. nam et terram multifariam pluvisse et in  
exercitu Ap. Claudii plerosque fulminibus ictos nuntiatum  
9 est, librique ob haec aditi. eo anno Q. Fabius Gurges con-  
sulis filius aliquot matronas ad populum stupri damnatas  
pecunia multavit, ex quo multaticio aere Veneris aedem,  
quae prope circum est, faciendam curavit.
- 10 Supersunt etiam nunc Samnitium bella, quae continua  
per quartum iam volumen annumque sextum et quadra-  
gensimum a M. Valerio, A. Cornelio consulibus, qui primi  
11 Samnio arma intulerunt, agimus. et ne tot annorum cla-  
des utriusque gentis laboresque actos nunc referam, qui-  
12 bus nequiverint tamen dura illa pectora vinci, proximo  
anno Samnites in Sentinati agro Paelignis ad Tifernum  
Stellatibus campis, suis ipsi legionibus, mixti alienis, ab  
quattuor exercitibus, quattuor ducibus Romanis caesi  
fuerant, imperatorem clarissimum gentis suae amiserant,  
13 socios belli Etruscos, Umbros, Gallos in eadem fortuna  
videbant, qua ipsi erant, nec suis nec externis viribus  
14 iam stare poterant — tamen bello non abstinebant: adeo  
ne infeliciter quidem defensae libertatis taedebat et vinci  
15 quam non temptare victoriam malebant. quinam sit ille,  
quem pigeat longinquitatis bellorum scribendo legendo-  
que, quae gerentes non fatigaverunt?
- 1 XXXII. Q. Fabium, P. Decium L. Postumius Megel-  
2 lus et M. Atilius Regulus consules secuti sunt. Samnium  
ambobus decreta provincia est, quia tres scriptos hostium  
exercitus, uno Etruriam, altero populationes Campaniae  
3 repeti, tertium tuendis parari finibus fama erat. Postu-  
mum valetudo adversa Romae tenuit, Atilius extemplo  
profectus, ut in Samnio hostes — ita enim placuerat pa-  
4 tribus — nondum regressos opprimeret. velut ex composito  
ibi obvium habuere hostem, ubi et intrare (vastare) ipsi  
Samnitium agrum prohiberentur et regredi inde in pacata



sociorumque populi Romani fines Samnitem prohiberent. cum castra castris conlata essent, quod vix Romanus to- 5  
 tiens victor auderet, ausi Samnites sunt — tantum despe-  
 ratio ultima temeritatis facit — castra Romana oppugnare;  
 et quamquam non venit ad finem tam audax inceptum,  
 tamen haud omnino vanum fuit. nebula erat ad multum 6  
 diei densa adeo, ut lucis usum eriperet, non prospectu  
 modo extra vallum adempto, sed propinquo etiam congre-  
 dientium inter se conspectu. hac velut latebra insidiarum 7  
 freti Samnites vixdum satis certa luce et eam ipsam pre-  
 mente caligine ad stationem Romanam in porta segniter  
 agentem vigilias perveniunt. inprovviso oppressis nec animi 8  
 satis ad resistendum nec virium fuit. ab tergo castrorum  
 decumana porta impetus factus; itaque captum quaesto- 9  
 rium quaestorque ibi L. Opimius Pansa occisus. concla-  
 matum inde ad arma.

XXXIII. Consul tumultu excitus cohortes duas socio- 1  
 rum, Lucanam Suessanamque, quae proximae forte erant,  
 tueri praetorium iubet, manipulos legionum principali via  
 inducit. vixdum satis aptatis armis in ordines eunt et 2  
 clamore magis quam oculis hostem noscunt, nec quantus  
 numerus sit aestimari potest. cedunt primo incerti fortu- 3  
 nae suae et hostem introrsum in media castra accipiunt.  
 inde cum consul vociferaretur, expulsine extra vallum  
 castra deinde sua oppugnaturi essent, rogitans, clamore 4  
 sublato conixi primo resistunt, deinde inferunt pedem  
 urgentque et impulsos semel terrore eodem agunt, quo  
 coeperunt, expellunt extra portam vallumque. inde per- 5  
 gere ac persequi, quia turbida lux metum circa insidiarum  
 faciebat, non ausi, liberatis castris contenti receperunt se  
 intra vallum trecentis ferme hostium occisis. Romanorum 6  
 stationis primae vigiliisque et eorum, qui circa quaesto-  
 rium oppressi, periere ad septingentos triginta.

Animos inde Samnitibus non infelix audacia auxit, 7  
 et non modo proferre inde castra Romanum, sed ne pabu-  
 lari quidem per agros suos patiebantur. retro in pacatum  
 Soranum agrum pabulatores ibant. quarum rerum fama, 8  
 tumultuosior etiam quam res erant, perlata Romam coe-  
 git L. Postumium consulem vixdum validum proficisci ex

9 urbe. prius tamen quam exiret, militibus edicto Soram  
iussis convenire, ipse aedem Victoriae, quam aedilis cu-  
rulis ex multatitia pecunia faciendam curaverat, dedicavit.  
10 ita ad exercitum profectus Sora in Samnium ad castra  
collegae perrexit. inde postquam Samnites diffisi duobus  
exercitibus resisti posse recesserunt, diversi consules ad  
vastandos agros urbesque oppugnandas discedunt.

1 XXXIII. Postumius Miloniam oppugnare adortus  
vi primo atque impetu, dein, postquam ea parum proce-  
2 debant, opere ac vineis demum iniunctis muro cepit. ibi  
capta iam urbe ab hora quarta usque ad octavam fere  
horam omnibus partibus urbis diu incerto eventu pugna-  
3 tum est; postremo potitur oppido Romanus. Samnitium  
caesi tria milia ducenti, capti quattuor milia septingenti  
4 praeter praedam aliam. inde Feritrum ductae legiones,  
unde oppidani cum omnibus rebus suis, quae ferri agique  
potuerunt, nocte per aversam portam silentio excesserunt.  
5 igitur simul advenit consul, primo ita conpositus instruc-  
tusque moenibus successit, tamquam idem quod ad Mi-  
6 lioniam fuerat certaminis foret, deinde, ut silentium vastum  
in urbe nec arma nec viros in turribus ac muris vidit, avi-  
dum invadendi deserta moenia militem detinet, ne quam  
7 occultam in fraudem incautus rueret. duas turmas socio-  
rum Latini nominis circumequitare moenia atque explo-  
rare omnia iubet. equites portam unam alteramque eadem  
regione in propinquo patentes conspiciunt itineribusque  
8 his vestigia nocturnae hostium fugae. adequitant deinde  
sensim portis urbemque ex tuto rectis itineribus perviam  
conspiciunt et consuli referunt, excessum urbe; solitudine  
haud dubia id perspicuum esse et recentibus vestigiis  
fugae ac strage rerum in trepidatione nocturna relictarum  
9 passim. his auditis consul ad eam partem urbis, quam  
adierant equites, circumducit agmen. constitutis haud  
procul porta signis quinque equites iubet intrare urbem et  
modicum spatium progressos tris manere eodem loco, si  
10 tuta videantur, duos explorata ad se referre. qui ubi  
redierunt rettuleruntque, eo se progressos, unde in omnes  
partes circumspectus esset, longe lateque silentium ac so-  
11 litudinem vidisse, extemplo consul cohortes expeditas in

urbem induxit, ceteros interim castra communire iussit. ingressi milites refractis foribus paucos graves aetate aut 12 invalidos inveniunt relictisque, quae migratu difficilia essent; ea direpta et cognitum ex captivis est, communi consilio aliquot circa urbes conscisse fugam, suos prima vigilia profectos; credere, eandem in aliis urbibus solitudinem inventuros. dictis captivorum fides extitit, desertis oppidis consul potitur. 14

XXXV. Alteri consuli M. Atilio nequaquam tam facile bellum fuit. cum ad Luceriam duceret legiones, quam oppugnari ab Samnitibus audierat, ad finem Lucerinum ei hostis obvius fuit. ibi ira vires aequavit. proelium varium et anceps fuit, tristius tamen eventu Romanis, et quia insueti erant vinci et quia digredientes magis quam in ipso certamine senserunt, quantum in sua parte plus vulnerum ac caedis fuisset. itaque is terror in castris ortus, qui si pugnantes cepisset, insignis accepta cladis foret. tum quoque sollicita nox fuit iam invasurum castra Samnitum credentibus aut prima luce cum victoribus conserendas manus. minus cladis, ceterum non plus animorum ad hostes erat. ubi primum inluxit, abire sine certamine cupiunt: sed via una et ea ipsa praeter hostes erat; qua ingressi praebuere speciem recta tendentium ad castra oppugnanda. consul arma capere milites iubet et sequi se extra vallum; legatis, tribunis, praefectis sociorum imperat quod apud quemque facto opus est. omnes adfirmant, se quidem omnia facturos, sed militum iacere animos, tota nocte inter vulnera et gemitus morientium vigilatum esse; si ante lucem ad castra ventum foret, tantum pavoris fuisse, ut relicturi signa fuerint, nunc pudore a fuga contineri, alioqui pro victis esse. quae ubi consul accepit, sibimet ipsi circumeundos adloquendosque milites ratus, ut ad quosque venerat cunctantes arma capere, increpabat, quid cessarent tergiversarenturque; hostem in castra venturum, nisi illi extra castra exissent, et pro tentoriis suis pugnatos, si pro vallo nollent. armatis ac dimicantibus dubiam victoriam esse; qui nudus atque inermis hostem maneat, ei aut mortem aut servitutem patiendam. haec iurganti increpantique respondebant, confectos se pugna 10 11

hesterna esse nec virium quicquam nec sanguinis super-  
esse, maiorem multitudinem hostium apparere quam pri-  
12 die fuerit. inter haec adpropinquabat agmen; et iam  
breuiore intervallo certiora intuentes vallum secum portare  
Samnitem adfirmant nec dubium esse, quin castra circum-  
13 vallaturi sint. tunc enimvero consul indignum facinus esse  
vociferari, tantam contumeliam ignominiamque ab igna-  
14 vissimo accipi hoste: 'etiamne circumsedebimur,' inquit  
'in castris, ut fame potius per ignominiam quam ferro, si  
necesse est, per virtutem moriamur?' dii bene verterent,  
15 facerentque quod se dignum quisque ducerent: consulem  
M. Atilium vel solum, si nemo alius sequatur, iturum  
adversus hostes casurumque inter signa Samnitium potius  
16 quam circumvallari castra Romana videat. dicta consulis  
legati tribunique et omnes turmae equitum et centuriones  
17 primorum ordinum adprobavere. tum pudore victus miles  
segniter arma capit, segniter e castris egreditur; longo  
agmine nec continenti maesti ac prope victi procedunt ad-  
18 versus hostem nec spe nec animo certiores. itaque simul  
conspecta sunt Romana signa, extemplo a primo Samni-  
tium agmine ad novissimum fremitus perfertur, exire, id  
19 quod timuerint, ad impediendum iter Romanos, nullam  
inde ne fugae quidem patere viam, illo loco aut cadendum  
esse aut stratis hostibus per corpora eorum evadendum.

1 XXXVI. In medio sarcinas coniciunt, armati suis  
2 quisque ordinibus instruunt aciem. iam exiguum inter  
duas acies erat spatium, et stabant expectantes, dum ab  
3 hostibus prius impetus, prius clamor inciperet. neutris  
animus est ad pugnandum, diversique integri atque intacti  
abissent, ni cedenti instaturum alterum timuissent. sua  
sponte inter invitos tergiversantesque segnis pugna cla-  
more incerto atque inpari coepit, nec vestigio quisquam  
4 movebatur. tum consul Romanus, ut rem excitaret, equi-  
tum paucas turmas extra ordinem inmisit; quorum cum  
plerique delapsi ex equis essent et alii turbati, et a Sam-  
nitium acie ad opprimendos eos, qui ceciderant, et ad suos  
5 tuendos ab Romanis procursum est. inde paulum irritata  
pugna est, sed aliquanto et inpigre magis et plures pro-  
currerant Samnites, et turbatus eques sua ipse subsidia

territis equis proculcavit. hinc fuga coepta totam avertit  
 aciem Romanam, iamque in terga fugientium Samnites 6  
 pugnabant, cum consul equo praevectus ad portam castro-  
 rum ac statione equitum ibi opposita edictoque, ut qui- 7  
 cumque ad vallum tenderet, sive ille Romanus sive Samnis  
 esset, pro hoste haberent, haec ipsa minitans obstitit pro-  
 fuse tendentibus suis in castra. 'quo pergis,' inquit 'mi- 8  
 les? et hic arma et viros invenies, nec vivo consule tuo  
 nisi victor castra intrabis: proinde elige, cum cive an  
 hoste pugnare malis.' haec dicente consule equites in- 9  
 festis cuspidibus circumfunduntur ac peditem in pugnam  
 redire iubent. non virtus solum consulis, sed fors etiam  
 adiuvit, quod non institerunt Samnites, spatiumque cir-  
 cumagendi signa vertendique aciem a castris in hostem  
 fuit. tum alii alios hortari, ut repeterent pugnam; cen- 10  
 turiones ab signiferis rapta signa inferre et ostendere suis,  
 paucos et ordinibus inconpositis effuse venire hostes. inter 11  
 haec consul manus ad caelum attollens voce clara, ita ut  
 exaudiretur, templum Iovi Statori vovet, si constitisset a  
 fuga Romana acies redintegratoque proelio cecidisset vi-  
 cissetque legiones Samnitium. omnes undique adnisi ad 12  
 restituendam pugnam, duces, milites, peditum equitum-  
 que vis. numen etiam deorum respexisse nomen Roma-  
 num visum: adeo facile inclinata res repulsique e castris  
 hostes, mox etiam redacti ad eum locum, in quo com-  
 missa pugna erat. ibi obiacente sarcinarum cumulo, quas 13  
 coniecerant in medium, haesere inpediti; deinde, ne diri-  
 perentur res, orbem armatorum sarcinis circumdant. tum 14  
 vero eos a fronte urgere pedites, ab tergo circumvecti  
 equites. ita in medio caesi captique. captivorum nume-  
 rus fuit septem milium ac ducentorum, qui omnes nudi  
 sub iugum missi; caesos rettulere ad quattuor milia octin-  
 gentos. ne Romanis quidem laeta victoria fuit: recen- 15  
 sente consule biduo acceptam cladem, amissorum militum  
 numerus relatus septem milium ac ducentorum.

Dum haec in Apulia gerebantur, altero exercitu Samni- 16  
 tes Interamnam coloniam Romanam, quae via Latina est,  
 occupare conati urbem non tenuerunt: agros depopulati 17  
 cum praedam aliam inde mixtam hominum atque pecudum

colonosque captos agerent, in victorem incidunt consulem ab Luceria redeuntem; nec praedam solum amittunt, sed ipsi longo atque inpedito agmine inconpositi caeduntur.  
18 consul Interamnam edicto dominis ad res suas noscendas recipiendasque revocatis et exercitu ibi relicto comitiorum  
19 causa Romam est profectus. cui de triumpho agenti negatus honos et ob amissa tot milia militum et quod captivos sine pactione sub iugum misisset.

1 XXXVII. Consul alter Postumius, quia in Samnitibus materia belli deerat, Etruriam transducto exercitu primum pervastaverat Volsiniensem agrum, dein cum egressis ad tuendos fines haud procul moenibus ipsorum depugnat. duo milia ac ducenti Etruscorum caesi, ceteros propin-  
3 quitas urbis tutata est. in Rusellanum agrum exercitus traductus, ibi non agri tantum vastati, sed oppidum etiam expugnatum, capta amplius duo milia hominum, minus  
4 duo milia circa muros caesa. pax tamen clarior maiorque quam bellum in Etruria eo anno fuerat parta est: tres validissimae urbes, Etruriae capita, Vulsinii, Perusia, Arretium, pacem petiere; et vestimentis militum frumentoque  
5 pacti cum consule, ut mitti Romam oratores liceret, inducias in quadraginta annos impetraverunt. multa praesens quingentum milium aeris in singulas civitates inposita.

6 Ob hasce res gestas consul cum triumphum ab senatu moris magis causa quam spe impetrandi petisset videret-  
7 que alios, quod tardius ab urbe exisset, alios, quod iniussu senatus ex Samnio in Etruriam transisset, partim suos inimicos, partim collegae amicos ad solacium aequatae  
8 repulsae sibi quoque negare triumphum: 'non ita,' inquit 'patres conscripti, vestrae maiestatis meminero, ut me consulem esse obliviscar. eodem iure imperii, quo bella gessi, bellis feliciter gestis, Samnio atque Etruria subactis, victoria et pace parta triumphabo.' ita senatum reliquit. inde  
9 inter tribunos plebis contentio orta: pars intercessuros, ne novo exemplo triumpharet, aiebat, pars, auxilio se ad-  
10 versus collegas triumphanti futuros. iactata res ad populum est, vocatusque eo consul cum M. Horatium, L. Valerium consules, Gaium Marcium Rutilum nuper, patrem eius, qui tunc censor esset, non ex auctoritate senatus,

sed iussu populi triumphasse diceret, adiciebat, se quoque 11  
laturum fuisse ad populum, ni sciret, mancupia nobilium  
tribunos plebis legem inedituros: voluntatem sibi ac fa-  
vorem consentientis populi pro omnibus iussis esse ac  
futura. posteroque die auxilio tribunorum plebis trium 12  
adversus intercessionem septem tribunorum et consensum  
senatus celebrante populo diem triumphavit.

Et huius anni parum constans memoria est: Postumium 13  
auctor est Claudius in Samnio captis aliquot urbibus in  
Apulia fusum fugatumque, saucium ipsum cum paucis  
Luceriam compulsum; ab Atilio in Etruria res gestas eum-  
que triumphasse. Fabius ambo consules in Samnio et ad 14  
Luceriam res gessisse scribit traductumque in Etruriam  
exercitum — sed ab utro consule, non adiecit — et ad 15  
Luceriam utrimque multos occisos inque ea pugna Iovis  
Statoris aedem votam, ut Romulus ante voverat; sed fa-  
num tantum, id est locus templo effatus fuerat. ceterum 16  
hoc demum anno, ut aedem etiam fieri senatus iuberet,  
bis eiusdem voti damnata re publica, in religionem venit.

XXXVIII. Sequitur hunc annum et consul insignis 1  
L. Papirius Cursor qua paterna gloria qua sua et bellum  
ingens victoriaque, quantam de Samnitibus nemo ad eam  
diem praeter L. Papirium patrem consulis pepererat. et 2  
forte eodem conatu apparatuque omni opulentia insignium  
armorum bellum adornaverant et deorum etiam adhibue-  
rant opes ritu quodam sacramenti vetusto velut initiatis  
militibus, dilectu per omne Samnium habito nova lege, ut 3  
qui iuniorum non convenisset ad imperatorum edictum  
quique iniussu abisset, caput Iovi sacratum esset. tum 4  
exercitus omnis Aquiloniam est indictus. ad quadraginta  
milia militum, quod roboris in Samnio erat, convenerunt.  
ibi mediis fere castris locus est consaeptus cratibus plu- 5  
teisque et linteis contectus, patens ducentos maxime pe-  
des in omnis pariter partis. ibi ex libro vetere linteo lecto 6  
sacrificatum sacerdote Ovio Paccio quodam, homine magno  
natu, qui se id sacrum petere adfirmabat ex vetusta Samni-  
tium religione, qua quondam usi maiores eorum fuissent,  
cum adimendae Etruscis Capuae clandestinum cepissent  
consilium. sacrificio perfecto per viatorem imperator acciri 7



8 iubebat nobilissimum quemque genere factisque. singuli  
introducebantur. erat cum alius apparatus sacri, qui per-  
fundere religione animum posset, tum in loco circa omni  
9 contecto arae in medio victimaeque circa caesae et cir-  
cumstantes centuriones strictis gladiis. admovebatur al-  
taribus magis ut victima quam ut sacri particeps adige-  
baturque iure iurando, quae visa auditaque in eo loco  
10 essent non enuntiaturum. iurare cogeabant diro quodam  
carmine in execrationem capitis familiaeque et stirpis con-  
posito, nisi isset in proelium, quo imperatores duxissent,  
et si aut ipse ex acie fugisset aut si quem fugientem vi-  
11 disset non extemplo occidisset. id primo quidam abnuen-  
tes iuratos se obtruncati circa altaria sunt; iacentes de-  
inde inter stragem victimarum documento ceteris fuere,  
12 ne abnuerent. primoribus Samnitium ea detestatione ob-  
strictis decem nominati sunt ab imperatore: eis dictum,  
ut vir virum legerent, donec sedecim milium numerum  
confecissent. ea legio linteata ab integumento consaepti,  
quo sacrata nobilitas erat, appellata est. his arma insignia  
13 data et cristatae galeae, ut inter ceteros emerent. paulo  
plus viginti milium alius exercitus fuit nec corporum specie  
nec gloria belli nec apparatu linteatae legioni dispar. hic  
hominum numerus (quod roboris erat) ad Aquiloniam con-  
sedit.

1 XXXVIII. Consules profecti ab urbe: prior Sp. Car-  
vilius, cui veteres legiones, quas M. Atilius superioris  
anni consul in agro Interamnati reliquerat, decretae erant.  
2 cum eis in Samnium profectus, dum hostes operati super-  
stitionibus concilia secreta agunt, Amiternum oppidum de  
3 Samnitibus vi cepit. caesa ibi milia hominum duo ferme  
atque octingenti, capta quattuor milia ducenti septuaginta.  
4 Papirius novo exercitu — ita enim decretum erat —  
scripto Duroniam urbem expugnavit. minus quam collega  
cepit hominum, plus aliquanto occidit. praeda opulenta  
5 utrubique est parta. inde pervagati Samnium consules,  
maxime depopulato Atinate agro, Carvilius ad Cominium,  
Papirius ad Aquiloniam, ubi summa rei Samnitium erat,  
6 pervenit. ibi aliquamdiu nec cessatum ab armis est ne-  
que naviter pugnatum: laccessendo quietos, resistentibus

cedendo comminandoque magis quam inferendo pugnam dies absumebatur. quod cum inciperetur remittereturque, omnium rerum etiam parvarum eventus proferebatur in 7 dies. altera Romana castra (quae) viginti milium spatio aberant, et absentis collegae consilia omnibus gerendis intererant rebus, intentiorque Carvilius, quo maiore discrimine res vertebatur, in Aquiloniam quam ad Cominium, quod obsidebat, erat. L. Papirius iam per omnia ad 8 dimicandum satis paratus nuntium ad collegam mittit, sibi in animo esse, postero die, si per auspicia liceret, confingere cum hoste; opus esse et illum, quanta maxuma vi 9 posset, Cominium oppugnare, ne quid laxamenti sit Samnitibus ad subsidia Aquiloniam mittenda. diem ad pro- 10 ficiscendum nuntius habuit; nocte rediit, adprobare collegam consulta referens. Papirius nuntio misso extemplo 11 contionem habuit; multa de universo genere belli, multa de praesenti hostium apparatu, vana magis specie quam efficaci ad eventum, disseruit: non enim cristas vulnera 12 facere et per picta atque aurata scuta transire Romanum pilum et candore tunicarum fulgentem aciem, ubi res ferro geratur, cruentari. auream olim atque argenteam Samni- 13 tium aciem a parente suo occidione occisam, spoliaque ea honestiora victori hosti quam ipsis arma fuisse. datum 14 hoc forsani nomini familiaeque suae, ut adversus maximos conatus Samnitium opponerentur duces spoliaque ea referrent, quae insignia publicis etiam locis decorandis essent. deos immortales adesse propter totiens petita foedera, 15 totiens rupta: tum, si qua coniectura mentis divinae sit, nulli umquam exercitui fuisse infestiores quam qui ne- 16 fando sacro mixta hominum pecudumque caede respersus, ancipiti deum irae devotus hinc foederum cum Romanis ictorum testes deos, hinc iuris iurandi adversus 17 foedera suscepti execrationes horrens, invitus iuraverit, oderit sacramentum, uno tempore deos, cives, hostis metuat.

**XXXX.** Haec conperta perfugarum indiciis cum apud 1 infensos iam sua sponte milites disseruisset, simul divinae humanaeque spei pleni clamore consentienti pugnam poscunt; paenitet in posterum diem dilatum certamen; mo-

2 ram diei noctisque oderunt. tertia vigilia noctis iam relatis  
litteris a collega Papirius silentio surgit et pullarium in  
3 auspicium mittit. nullum erat genus hominum in castris  
intactum cupiditate pugnae, summi infimique aequae in-  
tenti erant, dux militum, miles ducis ardorem spectabat.  
4 is ardor omnium etiam ad eos qui auspicio intererant per-  
venit. nam cum pulli non pascerentur, pullarius auspicium  
5 mentiri ausus tripudium solistimum consuli nuntiavit. con-  
sul laetus, auspicium egregium esse et deis auctoribus rem  
6 gesturos pronuntiat signumque pugnae proponit. exeunti  
iam forte in aciem nuntiat perfuga, viginti cohortes Samni-  
tium — quadringenariae ferme erant — Cominium pro-  
fectas. quod ne ignoraret collega, extemplo nuntium mittit,  
ipse signa ocius proferri iubet; subsidiaque suis quaeque  
7 locis et praefectos subsidiis adtribuerat. dextro cornu L.  
Volumnium, sinistro\* L. Scipionem, equitibus legatos alios,  
8 C. Caedicium et [T.] Trebonium, praefecit. Sp. Nautium  
mulos detractis clitellis cum [III] cohortibus alariis in tu-  
mulum conspectum propere circumducere iubet atque inde  
inter ipsam dimicationem quanto maxime posset moto pul-  
9 vere ostendere. dum his intentus imperator erat, alterca-  
tio inter pullarios orta de auspicio eius diei exauditaque  
ab equitibus Romanis, qui, rem haud spernendam rati,  
Sp. Papirio, fratris filio consulis, ambigi de auspicio re-  
10 nuntiaverunt. iuvenis ante doctrinam deos spernentem  
natus rem inquisitam, ne quid inconpertum deferret, ad  
11 consulem detulit. cui ille: 'tu quidem macte virtute dili-  
gentiaque esto! ceterum qui auspicio adest, si quid falsi  
nuntiat, in semet ipsum religionem recipit: mihi quidem  
tripudium nuntiatum populo Romano exercituique egre-  
12 gium auspicium est.' centurionibus deinde imperavit, uti  
pullarios inter prima signa constituerent. promovent et  
Samnites signa, insequitur acies ornata armataque, ut ho-  
13 stium quoque magnificentum spectaculum esset. priusquam  
clamor tolleretur concurrereturque emissio temere pilo ic-  
tus pullarius ante signa cecidit. quod ubi consuli nuntia-  
tum est: 'dii in proelio sunt,' inquit 'habet poenam noxium  
14 caput.' ante consulem haec dicentem corvus voce clara  
occinuit; quo laetus augurio consul adfirmans, numquam

humanis rebus magis praesentes interfuisse deos, signa canere et clamorem tolli iussit.

**XXXI.** Proelium commissum atrox, ceterum longe 1  
disparibus animis: Romanos ira, spes, ardor certaminis  
avidos hostium sanguinis in proelium rapit, Samnitium  
magnam partem necessitas ac religio invitos magis re-  
sistere quam inferre pugnam cogit. nec sustinuissent pri- 2  
mum clamorem atque impetum Romanorum, per aliquot  
iam annos vinci adsueta, ni potentior alius metus insidens  
pectoribus a fuga retineret. quippe in oculis erat omnis 3  
ille occulti paratus sacri, et armati sacerdotes et promisca  
hominum pecudumque strages et respersae fando nefan-  
doque sanguine arae et dira execratio ac furiale carmen,  
detestandae familiae stirpique compositum: iis vinculis fu-  
gae obstricti stabant, civem magis quam hostem timentes.  
instare Romanus a cornu utroque, a media acie, et caedere 4  
deorum hominumque attonitos metu. repugnatur segniter,  
ut ab iis, quos timor moraretur a fuga. iam prope ad 5  
signa caedes pervenerat, cum ex transverso pulvis velut  
ingentis agminis incessu motus apparuit: Sp. Nautius  
— Octavium Maecium quidam eum tradunt —, dux ala-  
ribus cohortibus, erat. pulverem maiorem quam pro nu- 6  
mero excitabant: insidentes mulis calones frondosos ramos  
per terram trahebant. arma signaque per turbidam lucem  
in primo apparebant; post altior densiorque pulvis equi-  
tum speciem cogentium agmen dabat. fefellitque non 7  
Samnites modo, sed etiam Romanos, et consul adfirmavit  
errorem, clamitans inter prima signa, ita ut vox etiam ad  
hostis accideret, captum Cominium, victorem collegam  
adesse; adniterentur vincere, priusquam gloria alterius  
exercitus fieret. haec insidens equo. inde tribunis centu- 8  
rionibusque imperat, ut viam equitibus patefaciant. ipse  
Trebonio Caedicioque praedixerat, ut, ubi se cuspidem  
erectam quatientem vidissent, quanta maxima vi possent,  
concitarent equites in hostem. ad nutum omnia ut ex ante 9  
praeparato fiunt. panduntur inter ordines viae, provolat  
eques atque infestis cuspidibus in medium agmen hostium  
ruit perrumpitque ordines, quacumque impetum dedit.  
instant Volumnius et Scipio et perculsos sternunt. tum 10

iam deorum hominumque victa vis: funduntur linteatae cohortes, pariter iurati iniuratique fugiunt nec quemquam  
11 praeter hostes metuunt. peditum agmen, quod superfuit pugnae, in castra aut Aquiloniam compulsum est, nobilitas equitesque Bovianum perfugerunt. equites eques sequitur, peditem pedes; diversa cornua, dextrum ad castra  
12 Samnitium, laevum ad urbem tendit. prior aliquanto Volumnus castra cepit: ad urbem Scipioni maiore resistitur vi, non quia plus animi victis est, sed melius muri quam vallum armatos arcent. inde lapidibus propulsant hostem.  
13 Scipio, nisi in primo pavore, priusquam colligerentur animi, transacta res esset, lentiolem fore munitae urbis oppugnationem ratus, interrogat milites, satin aequo animo paterentur ab altero cornu castra capta esse, se victores pelli  
14 a portis urbis. reclamantibus universis primus ipse scuto super caput elato pergit ad portam, secuti alii testudine facta in urbem perrumpunt, deturbatisque Samnitibus quae circa portam erant muri occupavere; penetrare in interiora urbis, quia pauci admodum erant, non audent.

1 XXXXII. Haec primo ignorare consul et intentus recipiendo exercitui esse: iam enim praeceps in occasum sol erat et adpetens nox periculosa et suspecta omnia  
2 etiam victoribus faciebat. progressus longius ab dextra capta castra videt, ab laeva clamorem in urbe mixtum  
3 pugnantium ac paventium fremitu esse. et tum forte certamen ad portam erat. advectus deinde equo propius ut suos in muris videt nec iam integri quicquam esse, quoniam temeritate paucorum magnae rei parva occasio esset, acciri quas receperat copias signaque in urbem inferri iussit.  
4 ingressi proxima ex parte, quia nox adpropinquabat, quievere. nocte oppidum ab hostibus desertum est. caesa illo die ad Aquiloniam Samnitium milia viginti trecenti quadraginta, capta tria milia octingenti et septuaginta, signa  
6 militaria nonaginta septem. ceterum illud memoriae traditur, non ferme alium ducem laetiolem in acie visum seu  
7 suoapte ingenio seu fiducia bene gerundae rei. ab eodem robore animi neque controverso auspicio revocari a proelio potuit, et in ipso discrimine, quo templa deis immortalibus voveri mos erat, voverat Iovi Victori, si legiones hostium

fudisset, pocillum mulsi, priusquam temetum biberet, sese facturum. id votum dis cordi fuit et auspicia in bonum verterunt.

**XXXIII.** Eadem fortuna ab altero consule ad Co- 1  
minium gesta res. prima luce ad moenia omnibus copiis  
admotis corona cinxit urbem subsidiaque firma, ne qua  
eruptio fieret, portis opposuit. iam signum dantem eum 2  
nuntius a collega trepidus de viginti cohortium adventu  
et ab impetu moratus est et partem copiarum revocare in-  
structam intentamque ad oppugnandum coegit. D. Bru- 3  
tum Scaevam legatum cum legione prima et decem cohortibus alariis equitatuque ire adversus subsidium hostium iussit: quocumque in loco fuisset obvius, obsisteret ac 4  
moraretur manumque, si forte ita res posceret, conferret, modo ne ad Cominium eae copiae admoveri possent. ipse 5  
scalas ferri ad muros ab omni parte urbis iussit ac testudine ad portas successit. simul et refringebantur portae et vis undique in muros fiebat. Samnites sicut, antequam in muris viderent armatos, satis animi habuerunt ad prohibendos urbis aditu hostes, ita, postquam iam non ex in- 6  
tervallo nec missilibus, sed cominus gerebatur res et qui aegre successerant ex plano in muros, loco quem magis timuerant victo, facile in hostem inparem ex aequo pugnabant, relictis turribus murisque in forum omnes con- 7  
puli paulisper inde temptaverunt extremam pugnae fortunam, deinde abiectis armis ad undecim milia hominum 8  
et quadringenti in fidem consulis venerunt: caesa ad quatuor milia octingenti octoginta.

Sic ad Cominium, sic ad Aquiloniam gesta res. inde 9  
medio inter duas urbes spatio, ubi tertia expectata erat pugna, hostes non inventi. septem milia passum cum abessent a Cominio, revocati ab suis neutri proelio occurrerunt. primis ferme tenebris, cum in conspectu iam ca- 10  
stra, iam Aquiloniam habuissent, clamor eos utrimque par accidens sustinuit; deinde e regione castrorum, quae in- 11  
censa ab Romanis erant, flammae late fusae certioris cladis indicium progredi longius prohibuit. eo ipso loco te- 12  
mere sub armis strati passim inquietum omne tempus noctis expectando timendoque lucem egere. prima luce, 13

incerti quam in partem intenderent iter, repente in fugam consternantur conspecti ab equitibus, qui egressos nocte ab oppido Samnites persecuti viderant multitudinem non  
14 vallo, non stationibus firmatam. conspecta et ex muris Aquiloniae ea multitudo erat iamque etiam legionariae cohortes sequebantur. ceterum nec pedes fugientes persequi potuit et ab equite novissimi agminis ducenti ferme  
15 et octoginta interfecti. arma multa pavidi ac signa militaria duodeviginti reliquere. alio agmine incolumi, ut ex tanta trepidatione, Bovianum perventum est.

1 XXXXIII. Laetitiam utriusque exercitus Romani auxit et ab altera parte feliciter gesta res. uterque ex alterius sententia consul captum oppidum diripiendum militi  
2 dedit, exhaustis deinde tectis ignem iniecit, eodemque die Aquilonia et Cominium deflagraverunt. et consules cum gratulatione mutua legionum suaeque castra coniunxerunt.  
3 in conspectu duorum exercituum et Carvilius suos pro cuiusque merito laudavit donavitque et Papirius, apud quem multiplex in acie, circa castra, circa urbem fuerat certamen, Sp. Nautium, Sp. Papirium fratris filium et quatuor centuriones manipulumque hastatorum armillis aureis  
4 que coronis donavit: Nautium propter expeditionem, qua magni agminis modo terruerat hostes; iuvenem Papirium propter navatam cum equitatu et in proelio operam et nocte, quia fugam infestam Samnitibus ab Aquilonia clam  
5 egressis fecit; centuriones militesque, quia primi portam murumque Aquiloniae ceperant. equites omnes ob insignem multis locis operam corniculis armillisque argenteis  
6 donat. consilium inde habitum, cum iam tempus esset deducendi ab Samnio exercitus aut utriusque aut certe alterius. optimum visum, quo magis fractae res Samnitium  
7 essent, eo pertinacius et infestius agere cetera et persequi, ut perdomitum Samnium insequentibus consulibus  
8 tradi posset. quando iam nullus esset hostium exercitus, qui signis conlatis dimicaturus videretur, unum superesse belli genus, urbium oppugnationes, quarum per excidia militem locupletare praeda et hostem pro aris ac focis  
9 dimicantem conficere possent. itaque litteris missis ad senatum populumque Romanum de rebus ab se gestis



diversi, Papirius ad Saepinum, Carvilius ad Veliam oppugnandam, legiones ducunt.

**XXXXV.** Litterae consulum ingenti laetitia et in curia 1  
et in contione audita, et quadridui supplicatione publicum  
gaudium privatis studiis celebratum est. nec populo Ro- 2  
mano magna solum, sed peropportuna etiam ea victoria  
fuit, quia per idem forte tempus rebellasse Etruscos ad-  
latum est. subibat cogitatio animum, quonam modo to- 3  
lerabilis futura Etruria fuisset, si quid in Samnio adversi  
evenisset, quae coniuratione Samnitium erecta, quoniam  
ambo consules omnisque Romana vis aversa in Samnium  
esset, occupationem populi Romani pro occasione rebel-  
landi habuisset. legationes sociorum a M. Atilio prae- 4  
tore in senatum introductae querebantur, uri ac vastari  
agros a finitimis Etruscis, quod desciscere a populo Ro-  
mano nollent, obtestabanturque patres conscriptos, ut se 5  
a vi atque iniuria communium hostium tutarentur. respon-  
sum legatis, curae senatui futurum, ne socios fidei suae  
paeniteret: Etruscorum prope diem eandem fortunam quam  
Samnitium fore. segnius tamen, quod ad Etruriam adti- 6  
nebat, acta res esset, ni Faliscos quoque, qui per multos  
annos in amicitia fuerant, adlatum foret arma Etruscis  
iunxisse. huius propinquitas populi acuit curam patribus, 7  
ut fetiales mittendos ad res repetendas censerent. quibus  
non redditis ex auctoritate patrum iussu populi bellum  
Faliscis indictum est iussique consules sortiri, uter ex 8  
Samnio in Etruriam cum exercitu transiret. iam Carvilius  
Veliam et Palumbinum et Herculaneum ex Samnitibus  
ceperat, Veliam intra paucos dies, Palumbinum eodem 9  
quo ad muros accessit. ad Herculaneum etiam signis con- 10  
latis ancipiti proelio et cum maiore sua quam hostium  
iactura dimicavit. castris deinde positis moenibus hostem  
inclusit. oppugnatum oppidum captumque. in his tribus 11  
urbibus capta aut caesa ad decem milia hominum, ita ut  
parvo admodum plures caperentur. sortientibus provin-  
cias consulibus Etruria Carvilio evenit secundum vota  
militum, qui vim frigoris iam in Samnio non patiebantur.  
Papirio ad Saepinum maior vis hostium restitit. saepe in 12  
acie, saepe in agmine, saepe circa ipsam urbem adversus

eruptiones hostium pugnatum. nec obsidio, sed bellum ex aequo erat: non enim muris magis se Samnites quam  
13 armis ac viris moenia tutabantur. tandem pugnando in  
obsidionem iustam coegit hostes obsidendoque vi atque  
14 operibus urbem expugnavit. itaque ab ira plus caedis  
editum capta urbe: septem milia quadringenti caesi, capta  
minus tria milia hominum. praeda, quae plurima fuit  
congestis Samnitium rebus in urbes paucas, militi concessa est.

1 XXXXVI. Nives iam omnia oppleverant nec durari  
extra tecta poterat: itaque consul exercitum de Samnio  
2 deduxit. venienti Romam triumphus omnium consensu  
est delatus. triumphavit in magistratu insigni, ut illorum  
3 temporum habitus erat, triumpho. pedites equitesque  
insignes donis transiere ac transvecti sunt; multae civicae  
4 coronae vallaresque ac murales conspectae. inspectata  
spolia Samnitium et decore ac pulchritudine paternis spoliis,  
quae nota frequenti publicorum ornatu locorum erant,  
comparabantur; nobiles aliquot captivi clari suis patrum-  
5 que factis ducti; aeris gravis travecta viciens centum milia  
et quingenta triginta tria milia — id aes redactum ex  
captivis dicebatur —, argenti quod captum ex urbibus  
erat, pondo mille octingenta triginta. omne aes argentumque  
in aerarium conditum, militibus nihil datum ex  
6 praeda est. auctaque ea invidia est ad plebem, quod tributum  
etiam in stipendium militum conlatum est, cum, si spreta gloria  
fuisset captivae pecuniae in aerarium inlatae, et militi tum dari  
ex praeda et stipendium militare praestari potuisset.  
7 aedem Quirini dedicavit; quam in ipsa dimicatione votam  
apud neminem veterem auctorem invenio, neque hercule tam  
exiguo tempore perficere potuisset. ab dictatore patre votam  
filius consul dedicavit exor-  
8 navitque hostium spoliis, quorum tanta multitudo fuit, ut  
non templum tantum forumque iis ornaretur, sed sociis  
etiam colonisque finitumis ad templorum locorumque  
9 publicorum ornatum dividerentur. ab triumpho exercitum  
in agrum Vescinum, quia regio ea infesta ab Samnitibus  
erat, hibernatum duxit.

10 Inter haec Carvilius consul in Etruria Troilum primum

oppugnare adortus quadringentos septuaginta ditissimos, pecunia grandi pactos, ut abire inde liceret, dimisit, ce- 11  
 teram multitudinem oppidumque ipsum vi cepit. inde  
 quinque castella locis sita munitis expugnavit. caesa ibi 12  
 hostium duo milia quadringenti; minus duo milia capti.  
 et Faliscis pacem petentibus annuas indutias dedit pactus  
 centum milia gravis aeris et stipendium eius anni militi-  
 bus: his rebus actis ad triumphum decessit, ut minus cla- 13  
 rum de Samnitibus quam collegae triumphus fuerat, ita  
 cumulo Etrusci belli aequatum. aeris gravis tulit in ae- 14  
 rarium trecenta octoginta milia; reliquo aere aedem For-  
 tis Fortunae de manubiis faciendam locavit prope aedem  
 eius deae ab rege Servio Tullio dedicatam: et militibus 15  
 ex praeda centenos binos asses et alterum tantum centu-  
 rionibus atque equitibus malignitate collegae gratius ac-  
 cipientibus munus divisit. favor consulis tutatus ad po- 16  
 pulum est L. Postumium, legatum eius, qui dicta die a  
 M. Scantio tribuno plebis fugerat in legatione, ut fama  
 ferebat, populi iudicium; iactarique magis quam peragi  
 accusatio eius poterat.

**XXXVII.** Exacto iam anno novi tribuni plebis ma- 1  
 gistratum inierant, hisque ipsis, quia vitio creati erant,  
 quinque post dies alii suffecti. lustrum conditum eo anno 2  
 est a P. Cornelio Arvina, C. Marcio Rutilo censoribus:  
 censa capitum milia ducenta sexaginta duo trecenta vi-  
 ginti unum. censores vicesimi sexti a primis censoribus,  
 lustrum undevicesimum fuit.

Eodem anno coronati primum ob res bello bene gestas 3  
 ludos Romanos spectarunt, palmaeque tum primum trans-  
 lato e Graecia more victoribus datae. eodem anno ab 4  
 aedilibus curulibus, qui eos ludos fecerunt, damnatis ali-  
 quot pecuariis via a Martis silice ad Bovillas perstrata est.

Comitia consularia L. Papirius habuit: creavit con- 5  
 sules Q. Fabium Maximi f. Gurgitem et D. Iunium Bru-  
 tum Scaevam; ipse Papirius praetor factus.

Multis rebus laetus annus vix ad solacium unius mali, 6  
 pestilentiae urentis simul urbem atque agros, suffecit,  
 portentoque iam similis clades erat: et libri aditi, quinam  
 finis aut quod remedium eius mali ab diis daretur. in- 7

ventum in libris, Aesculapium ab Epidauro Romam arcessendum. neque eo anno, quia bello occupati consules erant, quicquam de ea re actum, praeterquam quod unum diem Aesculapio supplicatio habita est.

### [PERIOCHA LIBRI XI.

Cum Fabius Gurges consul male adversus Samnites pugnasset et senatus de removendo eo ab exercitu ageret, Fabius Maximus pater deprecatus hanc fili ignominiam eo maxime senatum movit, quod iturum se filio legatum pollicitus est, idque praestitit. eius consiliis et opera filius consul adiutus caesis Samnitibus triumphavit, C. Pontium imperatorem Samnitium, ductum in triumpho, securi percussit. cum pestilentia civitas laboraret, missi legati, ut Aesculapi signum Romam ab Epidauro transferrent, anguem, qui se in navem eorum contulerat, in quo ipsum numen esse constabat, deportaverunt; eoque in insulam Tiberis egresso eodem loco aedes Aesculapio constituta est. L. Postumius consularis, quoniam, cum exercitui praeesset, opera militum in agro suo usus erat, damnatus est. pacem petentibus Samnitibus foedus quarto renovatum est. Curius Dentatus consul Samnitibus caesis et Sabinis, qui rebellaverant, victis et in deditionem acceptis bis in eodem magistratu triumphavit. coloniae deductae sunt Castrum, Sena, Hadria. triumviri capitales tunc primum creati sunt. censu acto lustrum conditum est: censa sunt civium capita ducenta septuaginta duo milia. plebs propter aes alienum post graves et longas seditiones ad ultimum secessit in Ianiculum, unde a Q. Hortensio dictatore deducta est; isque in ipso magistratu decessit. res praeterea contra Vulsinienses gestas continet, item adversus Lucanos, contra quos auxilium Thurinis ferre placuerat.

### PERIOCHA LIBRI XII.

Cum legati Romanorum a Gallis Senonibus interfecti essent, bello ob id Gallis indicto, L. Caecilius praetor ab eis cum legionibus caesus est. cum a Tarentinis classis Romana direpta esset, duumviro, qui praeerat classi, occiso, legati ad eos a senatu ut de his iniuriis quererentur missi pulsati sunt. ob id bellum eis indictum est. Samnites defecerunt. adversus eos et Lucanos et Brittios et Etruscos aliquot proeliis a conpluribus ducibus bene pugnatum est. Pyrrhus Epirotarum rex, ut auxilium Tarentinis ferret, in Italiam venit. cum in praesidium Reginorum legio Campana cum praefecto Decio Vibellio missa esset, occisis Reginis Regium occupavit.

## PERIOCHA LIBRI XIII.

Valerius Laevinus consul parum prospere adversus Pyrrhum pugnavit, elephantorum maxime inusitata facie territis militibus. post id proelium cum corpora Romanorum, qui in acie ceciderant, Pyrrhus inspiceret, omnia versa in hostem invenit, populabundusque ad urbem Romanam processit. C. Fabricius missus ad eum a senatu, ut de redimendis captivis ageret, frustra ut patriam desereret a rege temptatus est. captivi sine pretio remissi sunt. Cineas legatus a Pyrrho ad senatum missus petiit, ut componendae pacis causa rex in urbem reciperetur. de qua re cum ad frequentiore senatum referri placuisset, Appius Claudius, qui propter valitudinem oculorum iam diu consiliis publicis se abstinuerat, venit in curiam et sententia sua tenuit, ut id Pyrrho negaretur. Cn. Domitius censor primus ex plebe lustrum condidit: censa sunt civium capita ducenta octoginta septem milia ducenta viginti duo. iterum adversus Pyrrhum dubio eventu pugnatum est. cum Carthaginensibus quarto foedus renovatum est. cum C. Fabricio consuli is, qui ad eum a Pyrrho transfugerat, polliceretur, venenum se regi daturum, cum indicio ad regem remissus est. res praeterea contra Lucanos et Bruttios, Samnites et Etruscos prospere gestas continet.

## PERIOCHA LIBRI XIII.

Pyrrhus in Siciliam traiecit. cum inter alia prodigia fulmine deiectum esset in Capitolio Iovis signum, caput eius per haruspices inventum est. Curius Dentatus cum dilectum haberet, eius, qui citatus non responderat, bona primus vendidit, item Pyrrhum ex Sicilia in Italiam reversum vicit et Italia expulit. Fabricius censor P. Cornelium Rufinum consularem senatu movit, quod is decem argenti pondo facti haberet. lustro a censoribus condito censa sunt capita civium ducenta septuaginta unum milia ducenta triginta quattuor. cum Ptolemaeo Aegypti rege societas iuncta est. Sextilia virgo Vestalis damnata incesti viva defossa est. coloniae deductae sunt Posidonia et Cosa. Carthaginensium classis auxilio Tarentinis venit, quo facto ab his foedus violatum est. res praeterea contra Lucanos et Bruttios et Samnites feliciter gestas et Pyrrhi regis mortem continet.

## PERIOCHA LIBRI XV.

Victis Tarentinis pax et libertas data est. legio Campana, quae Regium occupaverat, obsessa deditione facta securi per-

cussa est. cum legatos Apolloniatum ad senatum missos quidam iuvenes pulsassent, dediti sunt Apolloniatibus. Picentibus victis pax data est. coloniae deductae Ariminum in Piceno, Beneventum in Samnio, tunc primum populus Romanus argento uti coepit. Umbri et Salentinii victi in deditionem accepti sunt. quaestorum numerus ampliatus est, ut essent octo.

### PERIOCHA LIBRI XVI.

Origo Carthaginensium et primordia urbis eorum referuntur; contra quos et Hieronem regem Syracusanorum auxilium Mamertiniis ferendum senatus censuit, cum de ea re inter suadentes, ut id fieret, dissuadentesque contentio fuisset; transgressisque tunc primum mare equitibus Romanis adversus Hieronem saepius bene pugnatum, petenti pax data est. lustrum a censoribus conditum: censa sunt civium capita trecenta octoginta duo milia ducenta triginta quattuor. Decimus Iunius Brutus munus gladiatorum in honorem defuncti patris primus edidit. colonia Aesernia deducta est. res praeterea contra Poenos et Vulsinios prospere gestas continet.

### PERIOCHA LIBRI XVII.

Cn. Cornelius consul a classe Punica circumventus et per fraudem, velut in colloquium evocatus, captus est. C. Duillius consul adversus classem Poenorum prospere pugnavit primusque omnium Romanorum ducum navalis victoriae duxit triumphum, ob quam causam ei perpetuus quoque honos habitus est, ut revertenti a cena tibicine canente funale praeferreretur. L. Cornelius consul in Sardinia et Corsica contra Sardos et Corsos et Hannonem Poenorum ducem feliciter pugnavit. Atilius Calatinus consul cum in locum a Poenis circumsessum temere exercitum duxisset, M. Calpurni tribuni militum virtute et opera evasit, qui cum trecentis militibus eruptione facta hostes in se converterat. Hannibal dux Poenorum victa classe, cui praefuerat, a militibus suis in crucem sublatus est. Atilius Regulus consul victis navali proelio Poenis in Africam traiecit.

### PERIOCHA LIBRI XVIII.

Atilius Regulus in Africa serpentem portentosae magnitudinis cum magna clade militum occidit, et cum aliquot proeliis bene adversus Carthaginenses pugnasset successorque ei a senatu prospere bellum gerenti non mitteretur, id ipsum per litteras ad

senatum missas questus est, in quibus inter causas petendi successoris, quod agellus eius a mercennariis desertus esset. quaerente deinde fortuna, ut magnum utriusque casus exemplum in Regulo proderetur, accessito a Carthaginiensibus Xanthippo Laedaemoniorum duce victus proelio et captus est. res deinde a ducibus Romanis omnibus terra marique prospere gestas deformaverunt naufragia classium. Tib. Coruncanus primus ex plebe pontifex maximus creatus est. P. Sempronius Sophus, [M.] Valerius Maximus censores cum senatumlegerent, sedecim senatu moverunt; lustrum condiderunt, quo censa sunt civium capita ducenta nonaginta septem milia septingenta nonaginta septem. Regulus missus a Carthaginiensibus ad senatum, ut de pace et, si eam non posset impetrare, de commutandis captivis ageret, set iure iurando adstrictus, rediturum se Carthaginem, si commutari captivos non placuisset, utrumque negandi auctor senatui fuit et, cum fide custodita reversus esset, supplicio a Carthaginiensibus de eo sumpto perit.

### PERIOCHA LIBRI XVIII.

Caecilius Metellus rebus adversus Poenos prospere gestis speciosum egit triumphum tredecim ducibus hostium et centum viginti elephantis in eo ductis. Claudius Pulcher consul contra auspicia profectus — iussit mergi pullos, qui cibari nolebant — infeliciter adversus Carthaginienses classe pugnavit, et revocatus a senatu iussusque dictatorem dicere Claudium Gliciam dixit, sortis ultimae hominem, qui coactus abdicare se magistratu postea ludos praetextatus spectavit. A. Atilius Calatinus primus dictator extra Italiam exercitum duxit. commutatio captivorum cum Poenis facta est. coloniae deductae sunt Fregenae, in agro Sallentino Brundisium. lustrum a censoribus conditum est. censa sunt civium capita ducenta quadraginta unum milia ducenta duodecim. Claudia, soror P. Claudii, qui contemptis auspiciis male pugnaverat, a ludis revertens cum turba premeretur, dixit 'utinam frater meus viveret! iterum classem duceret.' ob eam causam multa ei dicta est. duo praetores tunc primum creati sunt. Caecilius Metellus pontifex maximus A. Postumium consulem, quoniam idem et flamen Martialis erat, cum is ad bellum gerendum proficisci vellet, in urbe tenuit nec passus est a sacris recedere. rebus adversus Poenos a pluribus ducibus prospere gestis summam victoriae C. Lutatius consul victa ad Aegates insulas classe Poenorum imposuit. petentibus Carthaginiensibus pax data est. cum templum Vestae arderet, Caecilius Metellus pontifex maximus ex incendio sacra rapuit. duae tribus adiectae sunt, Velina et Quirina.



## PERIOCHA LIBRI XX.

Falisci cum rebellassent, sexto die perdomiti in deditionem venerunt. Spoletium colonia deducta est. adversus Ligures tunc primum exercitus promotus est. Sardi et Corsi cum rebellassent, subacti sunt. Tuccia virgo Vestalis incesti damnata est. bellum Illyriis propter unum ex legatis, qui ad eos missi erant, occisum indictum est, subactique in deditionem venerunt. praetorum numerus ampliatus est, ut essent quattuor. Galli Transalpini, qui in Italiam intruperant, caesi sunt. eo bello populum Romanum sui Latinique nominis trecenta milia armatorum habuisse dicit. exercitibus Romanis tunc primum trans Padum ductis Galli Insubres aliquot proeliis fusi in deditionem venerunt. M. Claudius Marcellus consul occiso Gallorum Insubrium duce Virdomaro opima spolia retulit. Histri subacti sunt. item Illyrii cum rebellassent, domiti in deditionem venerunt. lustrum a censoribus bis conditum est: primo lustro censa sunt civium capita ducenta septuaginta milia ducenta tredecim \*\*\* libertini in quattuor tribus redacti sunt, cum antea dispersi per omnes fuissent, Esquilinam, Palatinam, Suburanam, Collinam. [C. Flaminius censor viam Flaminiam] muniit et circum Flaminium extruxit. coloniae deductae in agro [de] Gallis capto, Placentia et Cremona.]

---





UNIVERSITY OF MICHIGAN



3 9015 06231 0894

